



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER LIBRARY



HX JULW N

Pl 16. 186

Corridor



HARVARD UNIVERSITY

LIBRARY OF THE

Classical Department

HARVARD HALL



T. LIVII PATAVINI
HISTORIARUM

AB URBE CONDITA
LIBRI, QUI SUPERSUNT, OMNES,

CUM NOTIS INTEGRIS

LAUR. VALLAE, M. ANT. SABELLICI, BEATI RHENANI,
SIGISM. GELENII, HENR. LORITI GLAREANI, CAR.
SIGONII, FULVII URSINI, FRANC. SANCTII, J. FR.
GRONOVII, TAN. FABRI, HENR. VALESII, JAC.
PERIZONII, JAC. GRONOVII;

EXCERPTIS

PETR. NANNII, JUSTI LIPSII, FR. MODII, JANI GRUTERI;

NEC NON INEDITIS

JANI GEBHARDI, CAR. AND. DUKERI,

ET ALIORUM:

CURANTE

ARN. DRAKENBORCH,

QUI ET SUAS ADNOTATIONES ADJECIT.

ACCEDUNT

SUPPLEMENTA DEPERDITORUM T. LIVII LIBRORUM

A JO. FREINSHEMIO CONCINNATA.

EDITIO NOVA AUCTIONIOR ET EMENDATIO.

TOMUS DECIMUS TERTIUS:

STUTGARDIAE,

EX TYPOGRAPHIA SOCIETATIS WUERTEMBERGICAE.

LIPSIÆ IN COMMISSIS APUD C. R. F. HARTMANNUM.

MDCCCXV.

1 June, 1906
HARVARD UNIVERSITY
Classical Department

S U P P L E M E N T A

L I V I A N A

A LIBRO SEPTUAGESIMO QUINTO

AD CENTESIMUM OCTAVUM

AUCTORE

JOANNE FREINSHEMIO.

T. LIVII PATAVINI
HISTORIARUM
AB URBE CONDITA
LIBRI

EPITOME LIBRI LXXV.

A. Postumius Albinus legatus, quum classi praeesset, infamis crimine prodicionis, ab exercitu suo interfectus est. L. Cornelius Sulla legatus Samnites

A. Postumius legatus in obsidione castrorum hostilium cecidit. Sulpicius legatus, cum classi praeesset In his verbis est insigne mendum. Inculcata enim multa verba sunt ex Epitome sequentis libri, eaque a Gabinio ad Postumium translata: quae autem ad Postumium pertinent, ea Sulpicio sine causa tributa sunt. Sic igitur lege ex veterum librorum fide: *A. Postumius Albinus legatus, cum classi praeesset, infamis crimine prodicionis, ab exercitu suo interfectus est.* Reliqua autem dele. Haec ipsa A. Postumio evenisse, tradit etiam Orosius l. 5, [18.] *Postumius Albinus vir consularis, tunc L. Sullae legatus, intolerabili superbia omnium in se militum odia cum suscitasset, lapidibus occisus est.* et Valerius lib. 5. cap. 8. *A. Albinus, nobilitate, honorum omnium consummatione civis eximius, propter falsus et inanes suspensiones in castris ab exercitu lapidibus obrutus est.* SIG. Hunc στρατηγικόν, praetorium, vocat Plutarch. in Sulla. consularem Oros. 5, 18. DUK. *Aurelius Postumius* Leid. Voss. Berg. Lov. 2. Boend. Exc. Pithoei. et ed. Camp. V. ad Epit. praeced. Sequentia ita exhibet

Leid. legatus in obsidione castrorum hostium cecidit. Sulpicius cum classi. Voss. *legatus in obsidione castrorum hostium cecidit. Sulpicius legatus cum classi.* neque aliter Boend. et ed. Camp. nisi quod Boend. *recidit* legat, pro *cecidit*. At septem vocabula, quae codd. vett. fide eiecit Sigonius, desunt etiam in Berg. Lov. 2. et Exc. Pithoei. Id verum est, A. Postumium Albinum fuisse, qui a militibus suis interfectus periit: id enim praeter Valer. Max. et Oros. a Sigonio laudatos narrat etiam Plut. in Sull. 455. Τῶν στρατιωτῶν αὐτοῦ στρατηγικὸν ἄνδρα, πρεσβευτὴν, Ἀλβινὸν ὄνομα, Εὐλοῖς καὶ Λίδοις διαχρησαμένων παρήλαθε. Eum vero classi praefuisse, alibi non invenio. Quin etiam omnes, qui caedem ejus referunt, militum, a quibus caesus est, nullus vero sociorum navalium meminit. Praeterea in castris lapidibus obrutum fuisse Valer. Max. narrat: quid autem negotii illi, qui classi praefest, cum castris? Denique, Romanos in bello sociali classibus usos esse, nullus tradit. Hae rationes eo ducere videntur, ut locum ita constituamus: *A. Postumius legatus in obsidione castrorum hostilium, infamis crimine pro-*

proelio vicit, et bina castra eorum expugnavit. Cn. Pompejus Vestinos in deditionem accepit. L. Porcius consul, rebus prospere gestis, fuisque aliquoties Mar-sis, dum castra eorum expugnat, cecidit. ea res ho-stibus victoriam ejus proelii dedit. Cosconius et Luc-cejus Samnites acie vicerunt, Marium Egnatium, nobilissimum hostium ducem, occiderunt, complura-que eorum oppida in deditionem acceperunt. L. Sulla Hirpinos domuit, Samnites multis proeliis fudit, ali-quot populos recepit: quantisque raro quisquam alius ante consulatum rebus gestis, ad petitionem consula-tus Romam est projectus.

ditionis, ab exercitu suo inter-
fectus est. Verum verba illa in-
vitis codd. delere non audeo;
praesertim quum illa, quae Sigo-
nius expunxit, perperam ex se-
quentis lib. Epitome repetita esse
verisimile sit. Ultima vox est ante
interfectus deest in Norv. et edd.
antt. Eam Sigonius addidit, et
servant Leid. Voss. Berg. Lov. 2.
Boend. Exc. Pithoei, et ed. Camp.

Sulla legatus Samnites proe-
lio vicit) Samnitum Boend. quod
ferri posset, si plurium codd. te-
stimonio firmaretur. V. ad 3, 2,
11. et 28, 44, 5. Eum, qui hic *le-*
gatus vocatur, *consulem* voca-
vit Oros. 5, 18. At Sullam, ante-
quam consul crearetur, plures
victorias de Samnitibus reportas-
se refert Appian. 1. Civ. 381.

Dum castra eorum expugnat,
cecidit) Vel legendum *obpugnat*.
V. ad 21, 57, 6. vel *expugnat* eo-
dem fere modo capiendum, quo
illud interpretatur Gronov. ad
Epit. 49. Tum *occidit* Leid. V.
ad 36, 36, 6. Paulo ante *jussis-*
que, pro *fusisque*, Exc. Pithoei.
In verbis seqq. *Et ea res victoria*
ejus proelii dedit Boend.

Cosconius et Luccejus Samni-
tes acie vicerunt, Marium Egnat-
ium) Costonius ed. Camp. Con-
stonius Boend. Coscenus Voss.
Cesenius Leid. Censonius Berg.

Sed recte vulgatum servat Lov. 2.
Γάιος Κοσκώνιος vocatur apud
App. Alex. 1. Civ. 381. Vide ad E-
pit. 56. Tum *Lucanus* Leid. Voss.
Berg. Lov. 2. Boend. et Exc. Pi-
thoei. *Lucejus* Norv. et edd. ante
Gronov. qui recte *Luccejus* re-
posuit. Recentiores tamen al-
terum c iterum expunxerunt. V.
Victor. ad Cic. 5. ad Famil. 12.
Deinde *Marium Ognentium* Voss.
Marium Equatium Berg. *Ma-*
rium Aegnatium Norv. et pri-
scae edd. *Marium Ignatium*
Boend. et ed. Camp. Μάριος Ι-
γνάτιος vocatur App. 1. Civ. 375.
At Perizon. apud Cl. Duker. ad
Flor. 3, 18, 6. pro eo, qui apud
eundem App. p. 381. Τρεβάνιος
vocatur, *Εγνάντιος* scribendum
conjecit. Mox *quamplurimaque*
eorum oppida in deditionem
accepit Voss. Vox *eorum* deest
in Berg. et Lov. 2.

L. Sulla Hirpinos domuit) *Ar-*
pinos Boend. scribarum lapsu;
quos supra similiter errasse, vi-
dimus ad 22, 13, 1. Mox *pluribus*
proeliis Voss. Berg. Lov. 2. Boend.
et ed. Camp.

Quisquam ante consulatum)
Vet. lib. *quisquam alius ante*.
SIG. Similiter Leid. Voss. Berg.
Lov. 2. Boend. Exc. Pithoei, et
ed. Camp.

JOHANNIS FREINSHEMII

SUPPLEMENTORUM LIVIANORUM LIBER XL.

IN LOCUM LIBRI LXXV. T. LIVII.

I. Iisdem ferme diebus, quibus praetoris urbani U. c. 663. fusus in foro suo sanguis est, etiam in castris, ne quid A. C. 89. usquam castum sanctumve foret, praetorium virum, A. Postumium Albinum, quum legatus classi praecesset, exercitus, quem ducebat, interfecit. Intolerabili superbia militum in se odia suscitavisse traditur; sed, quo speciosior furentibus praetextus esset, crimine prodicionis insimulatum saxis atque fustibus oppres-
*A. Postu-
mus ab ex-
ercitu suo
necatur.*

II. Copias ejus quum L. Sulla, ipse quoque legatus L. Porcii consulis, accepisset, suppliciumque de nocentibus sumpturus putaretur, impunitum esse flagitium passus est. Id eo pertinuisse judicant, ut tanto beneficio obligatos promptiores haberet ad exsequenda, quae animo destinasset. Jam enim eo processerat cum Mario simultas, ut aut perdendum illum, aut sibi pereundum esse intelligeret: et, quia, senescente jam sociali bello, Mithridaticum adesse sentiebat, ad spem consulatus et provinciae obtinendae favorem exercitus aucupabatur. Id licet multi palam incusarent, et in tam atroci delicto impunitam esse facinorosorum audaciam quererentur; contempsit sermones hominum Sulla, ultro praedicans consilii sui utilitatem, *quod hoc pacto melioribus usus esset militibus, dum fortibus factis eluere turpitudinem admissi niterentur.*
*Id facinus
impunitum
patitur L.
Sulla.*

III. Neque vanum id ei augurium fuit. Gerebat L. Sullae tum in Campania bellum, Stabiisque receptis, Pompejos, haud amplius sex millibus passuum distantes, L. Cluentium. oppugnabat. Ad auxilium obsessorum L. Cluentius accurrerat, fiducia spirituumque plenus adeo, ut intra

Cap. I. Plut. Sulla. Liv. Epit. Oros. 5. 18. Liv. Epit. Cap. II. Diod. Eclog. l. 37. Plut. Polyaen. Strat. l. 8. Oros. Cap. III. Vell. 2. 13. Appian. Civil. l. 1.

U. c. 663. passus omnino quadringentos castra sua Sullanis oppo-
 A. C. 89. neret. Sullā, quamquam magnam suorum partem pabulatum emiserat, contumelia stimulatus, protinus ad hostes movit signa: sed numero victus tum quidem in sua castra se recepit. Ceterum, ubi pabulatores reverterunt, adsumptis illis Cluentium denuo adortus, magna cum caede profligavit.

Sullae oratio ad milites.

IV. Cluentius, motis in mediterranea castris, quum ingentia ad eum Gallorum auxilia venissent, animo recepto, ad Pompejos iterum duxit, si pugnandi copia fieret, haud detrectaturus certamen. Ibi Sulla, quo paratiores ad proelium milites haberet, in concionem vocare iussit, ita coepit: Non, ut, tamquam adversus novum hostem, quae fieri velim, admoneam, neque ut virtutem vestram verbis exstimulem, vobiscum agere constitui, milites. pariter enim et obsequium vestrum mihi, et animum praeteritis proeliis approbastis. sed, quia toties pulsus hostis denuo haec signa et hos vultus intueri rustinet, hoc tantum a nobis dedecus amoliri conantem ut adjuvetis, corroborandos exstimavi.

Indigne fert, hostem victum iterum tentare fortunam belli.

V. Cur enim victoriam nostram in ullo pretio ponimus, si cladem suam non sensit hostis? aut quorsum tollimus animos, si ille nondum demisit? Prorsus extorquenda confessio est, ut victos se fateantur, quos repulimus. Ea nimirum res non ad novam tantum adquirendam laudem, sed etiam ad retinendam, quam paravimus, vehementer pertinet. Quamdiu in vicino castra Cluentius habebit, quis crederet nos vicisse? quo auctore, aut mihi speratos honores, aut vobis digna

Ita parem hostium et ipsorum laudem foris.

labore vestro praemia senatus decerneret? Fortuna partium utrarumque comparabitur, et tantundem hostis, quantum Romanipsum, adversi prosperique rumoris auferet. Simili timoris ac audaciae vicissitudine uterque exercitus et fugisse hostem, et repetisse dicitur.

VI. Hoc igitur de nobis senatus populusque Romanus nuncium, inter aliorum exercituum victorias et gratulationes, accipiet, ut ubivis locorum res Romana haud dubie superior, hic tantum ancipiti Marte dicatur dimicare? Qua enim re inferiores aliis sumus, ut patienter feramus post omnes collocari? Numerus, arma, copiae, lacerti, non aliis in castris meliora. Nam, ut de nobis ducibus nihil dicam, nisi post viginti ferme annos omnibus, Africanis, deinde Gallicis atque Cimbricis bellis, postremo in Cilicia et Cappadocia, sic esse cognitos, ut namquam operae nostrae consiliiue aut rem-

publicam, aut exercitum poenituerit: eosdem sane homines, eadem arma intueor, quibus persaepe hoc ipso bello hostium maximae copiae, et munitissima praesidia cesserunt. Non enim, quasi nihil sit a nobis gestarum, queror; aut aliud incuso, quam quod nondum ad id fastigium gloriae pervenimus, quod virtuti vestrae et felicitati nostrae debetur.

U. c. 663.
A. C. 89.

VII. Tantum enim, nec diffiteor, Fortunae favorem omnia vatum haruspicumque responsa, et cujusque generis divinationes constanter praedictione spondent; ut, quae sunt hactenus a vobis gesta, minime quidem poenitenda illa aut contemnenda, magnitudine eorum, quae speramus, non vinci modo, sed etiam obscurari et obrui fatum sit. Idcirco, quoties imperia nostra accipitis, non hominis, sed Deae ductum vos sequi cogitate; ejusque Deae, cujus in arbitrio res humanas omnes esse scias, prudentes simul fatiique uno ore pronunciant.

VIII. Nec igitur me piget ad hujus beneficium maxime referre, quidquid a me fuerit praeclare optabiliterque gestum, ne ingratus adversus ita meritam sim, aut benevolentiam ejus in iracundiam mutem. Est enim et huic numini suarum injuriarum sensus, et facile fastidit eos, a quibus fastiditur.

IX. M. Reguli casum quis ignorat, florentissimi, priusquam Fortunam contemneret, postea longe miserrimi ducis? Arbenienses Timotheum Cononis filium habuerunt, qui laude bellicarum rerum non inferior, quam pater, ingenii praeterea et doctrinae magna ornamenta adjecerat. Sed ista omnia, postquam Fortunam offendit semel, minime profuerunt. Quum successissent ei omnia mirabiliter, aemuli pinxerunt in tabernaculo sedentem, pendente supra caput Fortuna, quae civitates in rete dormientis compelleret. Id homo vanus quum tollerare nequivisset, et, aliqua forte re gesta, publice negasset, ex ista laude Fortunam posse quidquam decerpere, ab eo die fuit infelicitissimus.

X. Mibi vero hoc temperamentum placet, ut vigilantiam, consilium, audaciam praestanda homini censeam, eventum lubentius referam ad Deos. ita demum necessum erit prospere evenire omnia, si neque nostro officio desumus, neque cum injuria potentioris indebitam gloriam adfectamus. Sed haec quidem aliquanto verbosius exsequurus sum, milites, quod non in praesentia tantum intelligere vos cupiebam, quid mihi pro-

Cap. IX. Cic. de Off. 1. 32. Aelian. 13. 43. Plat. Sull. c. 9.

U. c. 663. *positi esset, sed in posterum quoque scire, qualem ducem, et*
 A. C. 89. *quibus praesidiis fultum sequeremini.*

*Severitatis
 et liberali-
 tatis suae
 admonet
 milites.*

XI. *Cetera jam vobis nota sunt, rebusque ipsis perspecta, neque mihi severitatem in noxios, nec erga fortiter facta liberalitatem defuisse. quamquam et hoc adscribo Fortunae, quod mihi sic animatos milites dedit, ut praemia creberrime, supplicia non saepe repraesentarem. Quamquam sane incusor a multis, quod aequo mollior etiam foedissimorum facinorum poenas a sontibus non exigam. Verum enimvero, milites, ita mecum inii rationem, dandum esse hominibus spatium, ut contractam, nescio quo furore, noxam poenitentia magis, quam poena, eluant: et, ubi forti adversus hostem opera tantum profuerint reipublicae, quantum crimine et exemplo nocuerunt, ipsi veniam, respublica tot cives incolumes habeat: sin vero sceleri addiderint ignaviam, ne ipsi quidem recusent, quin servili cum cruciatu necentur.*

*Postumia-
 nis veniam
 aut suppli-
 cium pro-
 ponit.*

XII. *Haec vobis me dicere, quibus nuper A. Postumius Albinus praesuit, non ignoratis. Apud majores nostros, quam simili facinore sublati ab exercitu M. Postumius Regillensis esset, jussu populi acriter exercita quaestio est. Nunc aliena iudicia ne timueritis: vestra in manu est, qualis manere vos exitus debeat. ferro, non suffragiis, haec causa decidetur. Victores virtus absolvet: ignavos, ut hostile ferrum pepercerit, legum vindicta consumeret. Quum ejusmodi oratione L. Sulla milites cohortatus esset, eamque conditionem, maxime qui poenas interfecti ducis timebant, cupide accepissent, promptos paratosque et ad omnia prolixè operam pollicentes in aciem eduxit.*

*Res levis,
 praecipua
 Sullanae
 victoriae
 causa.*

XIII. *Eo tempore, ut maximi quique mortalium conatus levi subinde casu eluduntur, res per se haudquaquam magni momenti, praecipua tamen Sullanae victoriae causa fuit, Romanorum insigni fiducia inflammatis animis, et hostium alacritate exstincta. Gallus quidam insigni præceritate, qui inter auxilia Cluentii merebat, quum ex diversa acie fortissimum quemque ad singulare certamen provocasset, ab exiguae staturae Mauro confectus, tantum pavoris popularibus suis iniecit, ut vix primum telorum conjectum sustinerent.*

Cap. XI. Oros. 5. 18. Cap. XII. Liv. 4. 50. et 51. Cap. XIII. Appian.

XIV. Gallorum fuga sociorum quoque commovit ordines, perterritosque et turbatos, tamquam imbelles pecudum agmen, trucidandos hosti prae-buit. neque pugnantium fugientiumque minus triginta millia perisse referuntur. Ceteri cum duce Cluentio, nihil tutum arbitantes, priusquam ad Nola cursu pervenissent, castra ante ipsam urbem posuerunt. Sulla non amplius moratus, quam donec hostium castra expugnasset, sive deditis Pompeiis, sive post tantam suorum cladem mature venturis in deditionem, protinus victorem exercitum ad persequendas rebellium reliquias in agrum Nolanum ducit.

U. c. 663.
A. C. 89.
*Ingens clades Italico-
rum.*

XV. Eo loci quum castra communivisset, accidit, ut ante praetorium forte immolanti subito ex infima ara anguis erumperet. Felicissimum id prodigium esse C. Postumius haruspex interpretatus, hominem, Fortunae nihil non credere solitum, facile impulit, ut, nulla interposita mora, exercitum adversus hostem educeret. Atque sic evenit, quemadmodum in commentariis suis sibi saepe accidisse ipse prodidit, ut temere festinata expeditio prosperius caderet, quam si matura deliberatione cautoque consilio suscepta fuisset.

*Anguis ex
ara erum-
pit, immo-
lante Sul-
la.*

XVI. Nam in tantam consternationem conjecit Italicos, ut, post pugnam parum constanter initam, refugientes ad urbem circum ipsos muros caederet: quia Nolani, ne simul irrumperet hostis, non amplius una porta ad recipiendos suos aperire audebant. Inter occisos ipse quoque dux Cluentius pugnando cecidit: et cum eo viginti militum millia desiderata sunt. Hic quoque florentissima Samnitium castra in potestatem victoris venerunt. Et, quod miraculo proximum est, in tam magnifica victoria ne unum quidem de suis militibus amisisse Sullam, memoriae proditur: ut jam non sine causa, quum omnium cognominum haberet potestatem, *Felicitis* appellationem ceteris praetulisse dicas.

*Alia Sul-
lae victo-
ria.*

XVII. Non igitur minor, quam pro re, laetitia et exsultatio in castris Romanis fuit. Postumiani milites, hostili sanguine civilem satis expiasse crediti,

*L. Sulla
corona ob-
sidionali
donatus.*

Cap. XIV. Liv. Epit. Oros. Cap. XV. Cic. de Divin. 1. 33. Val. Max. 1. 6. Plut. Sull. c. 10. Cap. XVI. Appian. Oros. Appian. Cic. Liv. Epit. Eutrop.

U. c. 663. venia, ceteri laudibus, omnes praemiis amplissimis donati, vicissim et ipsi ducem raro, nec nisi paucis omnino concessio, honore adfecerunt. Certe, se ab exercitu ad Nolam obsidionali corona donatum, quum Italico bello legatus esset, et scripsit ipse in Commentariis Sulla, et in villa Tusculana, quae postea fuit Ciceronis, pinxit. Eam solebat e gramine viridi servatus exercitus dare, ubi virtute insigni ducis liberata ab instanti excidio castra essent. Igitur seriem rerum atque temporum examinanti ad Nolam accepta videtur, ad Pompejos merita.

Cn. Pompejus Vestinus vincis.

XVIII. Interea temporis Cn. Pompejus consul, relictis ad obsidionem Asculanam idoneis copiis, in Vestinos, vicinam Picientibus gentem, expeditionem fecit: eosque multo certamine ita domuit, ut palam inter se de deditione agitarent. Cui ferme tempori colloquium cum P. Vettio Catone, quod se tirone praesente habitum Cicero scribit, assignari potest: ad quod quum frater consulis Sextus evocatus Roma venisset, eumque Cato salutasset, *quem te appellem?* inquit. At ille, *voluntat; hospitem, necessitate hostem.*

L. Porcius consul occiditur.

XIX. Dum prospere Pompejo locis plerisque expeditiones cedunt, alterius quoque consulis haud poenitenda gesta fuerant: neque postremus eo bello imperatorum Marsos aliquoties fuderant, multisque locis acrem strenuumque ducem gesserat. Sed in ipso cursu prosperitatis, spes amplas gloriamque illustrem cum ipsa vita posuit. Dum enim ad Fucinum lacum castra Marsorum oppugnat, et propemodum exploratam in manibus victoriam habet, accepto vulnere, mortuus prostrernitur.

XX. Quum incertus caedis auctor esset, circa C. Marium C. F. suspicio haesit, quasi patris sui contumeliam vindicare proditorio facto studisset. L. enim Porcium ferunt, quum easdem haberet legiones, quae superiore anno sub C. Mario militaverant, successu laetum, per jactantiam dixisse, *C. Marium non majora fecisse.* Hanc ipsi vocem letalem fuisse putant, nihil nec a perfidia, nec a crudelitate Mariana abhorrente

Cap. XVII. Plin. 22. 6. Id. ibid. c. 4. Cap. XVIII. Appian. Liv. Epit. Cic. Philipp. 12. 11. Cap. XIX. Liv. Epit. Oros. Appian. Vell. 2. 16. Eutrop. Oros. Cap. XX. Liv. Epit.

sententia. Ceterum mors consulis adeo exterruit Romanos, ut non modo victos fere hostes omitterent, sed ipsi quoque vincerentur. U. c. 663.
A. C. 89.

XXI. Felicius in Iapygia a C. Cosconio praetore gesta res est, qui, adjutore Q. Lucejo, (cujus filius Italicus belli historiam non meliori, quam ceteri, fato scripsit) Samnites acie vicit: Marium Egnatium, nobilissimum hostium ducem, occidit: Salapiam, Cannas, alia oppida complura in deditionem accepit. C. Cosconius Samnites vincit.

XXII. Circa Canusium, quod obsidere aggressus fuerat, acriter cum Samnitibus dimicatum est, magna utrinque caede, donec prior Romanus exercitum Cannas reduxit. At Trebatius Samnitium ductor insequutus, quum inter duo castra medium Aufidi flumen esset, optionem detulit Cosconio, ut vel in suam ripam pugnandi causa descenderet, cujus rei potestatem se ei, abducto, quantum satis esset, exercitu, facturum; vel eadem conditione transitum sibi concederet. Trebatius Samnitium ductor.

XXIII. Cosconius altera conditione accepta, ut suam intra ripam admitteret hostem; simul ille trajecerat, signa intulit. neque tantum pepulit Samnitium, sed trans flumen fuga evadere conatum ita cecidit, ut ad millia hominum quindecim occumberent: a ceteris et duce Trebatio perniciem, non ipsorum virtus, sed Canusina moenia depulerunt. Cosconius, vastato Larinati et Venusino agro, et, qui Piceno cognominis in Apulia est, Asculano, in Poedicalorum fines, tanto terrore incubuit, ut universam gentem biduo proximo in fidem acciperet. Vincitur a Cosconio.

XXIV. Eadem aestate L. Sulla, captis ad Nolam Samnitium castris, per Campaniae montes in Hirpinos movit, eumque populum, Aeculanis urbis calamitate perdomitum, recepit. Aeculanenses, quum in eandem diem, qua Romanus ibi castra ponebat, Lucanorum auxilia exspectarent, tempus ad deliberandum poposcerant. Sulla, intellecta fraude, legatis longam orationem orsis, nihil opus esse otioso sermone apud occupatos praefatus, *unius horae spatium se dare dixit.* Sulla Hirpinos vincit.

Cap. XXI. Diod. Eclog. l. 37. Liv. Epit. Cic. ad Fam. l. ep. 13. Cap. XXII. Liv. Epit. Appian. Cap. XXIV. Sisena, apud Non. voce Protinus. Appian.

U. c. 663. XXV. Interea suis dat negotium, ut magnam vim
 A. C. 98. sarmenorum colligant, fascibusque effectis, admo-
Aeculanum veant ad murum; quod is multa materia exstructus
diripit. fuerat. Quum inter haec hora praeteriisset, ignem
 supposuit fascibus, territosque obseffos ad deditio-
 nem adegit. Nec eo minus diripi oppidum iussit, si-
 ve quia dilata in extremam necessitatem deditio fue-
 rat; sive captum potius, quam deditum, videri ma-
 luit, ut milites praeda delinitos, benevolos sibi ad-
 dictosque efficeret.

XXVI. Quod si forte ideo fuit in hos severior,
 ut ceteros metu parium malorum ad alia consilia co-
 geret, non fuit opinione falsus. Nam Aeculanen-
 sium calamitas ceteris Hirpini nominis urbibus docu-
 mento fuit, ut, celeriter missis legatis, imperata fa-
 cturas nunciarent. Sed metus erat, ne duriores a
 victore condiciones dicerentur. Idcirco, ad mitigan-
 dam ejus iram qui missi fuerant, ita fere verba fe-
 cerunt.

Hirpino- XXVII. Oratores pro gente nostra venimus, L. Corneli,
rum lega- ut, quando eam stultitiae suae poenitet, quomodo tibi popu-
torum ora- loque Romano satisfieri posset, disceremus. Est quidem non-
tio. nulla nobis sollicitudo, ne fortasse, recentium irarum memor,
 vindictam exercere in obnoxios, quam clementiam, malis: sed
Moderationem plus tua nos moderatio consolatur: quam quia semper amavisti,
Sullae depra- quoniam erat tibi ingenita, nunc profecto non abjicies, post-
dicant. quam baud inferiorem inde, quam ex tot victoriis, extitisse
 tibi gloriam comperisti. Nemo eorum, quos mala mens aut
 aliorum persuasio eo adegit temeritatis, ut hostes esse vestri,
 quam socii, praeoptarent, vim tuam sensit, nisi quamdiu re-
 ctis monitis se praebeuit intractabilem.

Qui et Po- XXVIII. Nec adversus hos tantummodo tua mansuetudo
stumianis enituit: sed et Romanos milites, quum multorum opinione fa-
militibus cinus inexpiabile fecissent, pro summa tua humanitate et pru-
peperceris. dentia ita conservasti, ut tibi nunc gratis agat respublica,
 seque melius hostium sanguine, quam suppliciis civium, vindi-
 catam esse fateatur.

Quamquam XXIX. Quid ni ad nostram quoque spem trahamus tam
graviores nobile exemplum? Neque plus, quam illi, peccavimus; neque
culpa on- minus postea ad ea, quae volueris, nostri usus erit. Illi no-
ratis. minare neminem possunt, in quem initium aut partem culpae

Cap. XXVI. Auctor de viris illustr. in Sulla. Liv. Epit.
 Appian.

transferant: sponte exarserunt. Nos contra sententiam seniorum, consensus tot gentium, et potentiora nostris vicinorum arma, et juventutis atque vulgi nusquam satis coercita temeritas, bello Romano implicuit. Nec tamen haec ideo dicimus, quasi causam nostram defendere conaremur: (satis indignationem vestram Hirpini meruimus) sed ut appareret ratio, cur in minore delicto non impudenter a clementissimo imperatore parem speremus veniam, quam in graviore concessam aliis vidimus.

U. c. 663.
A. C. 89.

XXX. Sed senatus populiue Romani non abhorrentem a tua lenitate sententiam nuper perspeximus, quum nonnullis, qui arma contra tulerant, non veniam modo, sed etiam civitatem, dedit. Atque hoc jam antiquitus alterum post victoria arma firmamentum urbis Romanae fuit, quod Italas gentes maxima semper et obvia non dicam mansuetudine, sed prorsus pietate, excepit, communis omnium parens. Ne ad aliena exempla abeamus, domesticis instructi, majores nostri non minus clementiam, quam virtutem, Romanam experti sunt: semel quum inter Samnites adhuc censeremur, quo tempore P. Cornelius Rufinus, avi tui proavus, pristinum illis foedus reddidit; iterum Punico bello secundo, quando societatem Hannibalis sequutus Q. Fulvius consul recepit, verbis tantummodo castigans, quamquam satis diu et praefracte fuissent in partibus, nec, nisi ad Bruttios et extremum Italiae angulum Hannibale compulso, poenitentiam approbassent.

Laudant
et senatus
Romani lenitatem.

XXXI. Placuit Diis ista lenitas, dederuntque, ut complures alii populi ad societatem populi Romani reverterentur, per longa deinceps annorum spatia durantibus usque ad infelix hoc bellum obsequiis. Eundem exitum, ut speramus, nunc quoque dabunt, eoque oprabiliorem, quod et redibunt in fidem vestram, qui defecerunt; et perpetuam vobiscum amicitiam colent, suo malo iterum edocti, non aliter Italiae salutem atque dignitatem salvam esse posse, nisi Romam imperare patiatur, secundo post principem terrarum urbem loco contenta.

Diis etiam
gratam.

XXXII. Satis constat, nonnullos populos de pace petenda deliberare, nec alia re magis retineri, quam timore, ne duriora imperentur, quam ferre queant. de his profecto dubium esse non potest, quin, simul nobis veniam datam cognoverint, protinus in partes vestras sine transituri. Hos, ut fit, alii aliiue sequentur, et, quam Italiam majores vestri

Populo Romano
utili.

U. c. 663. per multas aetates perdomare vix potuerunt, eam universam
A. C. 89. paucis mensibus recipietis.

Plures in
gente sua
Romana-
rum par-
tium fuisse
adseve-
rant.

XXXIII. Ceterum, quia neque tibi consilio nostro opus est, et nos deprecatum magis commissa, quam purgatum, venimus; ommissis, quae in illam partem dicerentur, supplices pronique te rogamus, et per communes Deos, perque hanc parentem utrorumque terram obtestamur, ut unius anni crimen tot aliorum perpetuis meritis, et paucorum defectionem tot millium constanti fidei obsequioque dones. Rari apud nos sponte, reliqua multitudo coacta deceptave ferrum adversus vos strinxerunt: et pro his ausis vastatus ager, caesae cohortes nostrae, maxima urbium capta direptaque, satiare victoris iram potuerunt, ut, occisis captisque auctoribus et concitoribus belli, reliquorum necessitati aut errori placatus ac lubens ignosceres. Hoc et nostris precibus te concessurum esse sperabant, qui propterea nos legarunt, quia propter constantiam in Romanis partibus ab adversa factione multa perpeffos apud vos gratiosos fore arbitrabantur: et, si nostri non habeatur ratio, ad alios neque paucos neque contemnendos deprecatores respice.

Minatium,
et multa
millia pro
iis milita-
re.

XXXIV. Respice Minacium hunc Magium, qui avitam in populum Romanum fidem, dubiis temporibus, singulari studio ac virtute retulit. Satis sit illi, caesas civium strues et fumantia patriae secta vidisse: ne universum suae gentis excidium usurpare oculis, festinare manu cogatur. Idem orare puta tot Hirpinorum militum in Romanis castris millia, quorum fortem fidelemque operam tuo quoque testimonio haud semel ornavisti.

Hos respi-
ci orant, et
alios inno-
centes.

XXXV. Hos profecto, quum alienissimi semper ab omni crimine fuerint, aliena culpa perire durum esset. Perisse autem putabunt, ubi civitatem suam omnibus belli cladibus pervastari, et, quod necessum est tali tempore, eodem exitio nocentes innocentes, ut quisque occurrerit, involvi videbunt. Neque enim quisquam est vere Italus, tam ab omni pietate remotus, ut inter hanc patriae calamitatem salutem suam magni aestimet. Sed et liberos parvos, matronasque et virgines occurrere fac animo tuo: quorum omnium haudquaquam ambigua est innocentia. Quum vero cogitabis viduarum atque pupillorum lacrimas, quae viros suos, qui parentes sanguinem vitamque pro imperio populi Romani allegabunt profudisse, jam ipse profecto pro humanitate tua judicabis, potius in gra-
tiam

*nam vos insonitum noxios dimitti, quam bonum crimine adfligi
meliori fato dignos, oportere.*

U. c. 663.

A. C. 89.

XXXVI. Erat tum adhuc alienus ab omni crudeli- *Sulla be-*
tate Sulla, aut saltem, ut esse videretur, studebat. Id- *nigne re-*
circo non modo benigne respondit legatis; sed etiam *spondit.*
paullo post excessit Hirpinorum finibus, in Samnium
tendens, ut ipsam belli socialis arcem excinderet.
Sed Papius Mutilus, Samnitium ductor, in ipsis fini-
bus cum valida manu excubans, aditus obsidebat.

XXXVII. Igitur Sulla, quum se in-eas angustias *Sullae*
demisisset, ut circumveniri facile posset; colloquio *Frategema*
petito, de conditionibus pacis agitare cum hoste co- *ad evaden-*
epit varie rem trahens, donec occasionem evadendi *dum ex lo-*
nancisceretur. Ubi satis remissam Samnitium atten- *cis iniquis.*
tionem vidit, et propter inducias omnia negligentius
administrari; silentio noctis profectus est, relicto in
castris buccinatore, ut, tamquam mutandis vigiliis,
classicum per solita intervalla caneret, ea res fidem
manentis eodem loco exercitus incauto hosti fecit.
Quarta vigilia commissa, buccinator, agminis suorum
sequeutus vestigia, vacua hostibus castra reliquit: mi-
litesque ad unum omnes incolumes, cum impedimen-
tis tormentisque, in tuta pervenerunt. Inde L. Sulla,
longo circumitu usus, qua minime venturus putaba-
tur, irrupit: Samnitesque improvise discrimine ita
terrui, ut, occisis plurimis, ceteros in fugam con-
jiceret. Dux hostium Papius, prosequentibus suorum
paucis, Aeserniam saucius pervenit. Sulla, captis
Samnitium castris, ad Bovianum perrexit.

*Ejusdem
victoria de
Samnit.
bus.*

XXXVIII. Praecipuae claritudinis illa tempestate
Bovianum erat, tribusque arcibus et communi gentis
concilio superbiebat. Sulla, divisis copiis, quum
ipse ad urbem signa admovens Bovianenses in se
convertisset; alios longo flexu circummissos, quam
primum possent arcium, expugnare jubet: futurum
ratus, quod accidit, ut, eam in partem, unde initio
se ostendisset, concurrentibus oppidanis, segnior de
remotioribus cura esset. Ubi captam arcem ex fumo, *Bovianum*
sic enim convenerat, cognovit, ipse quoque tota *vi capitur.*
mole obpugnare urbem coepit. Tribus omnino horis

Cap. XXXVI. Appian. Cap. XXXVII. Frontin. I. 5. Ap-
pian. Liv. Epit. Appian.

Supplem. Liv. Tom. XIII.

B

U. c. 663. fortiter ab obsessis repugnatum est. inde quum, et a
A. C. 89. capta parte urbis decurrente Romano, anceps metus
circumsisteret, profligatis defensoribus, Sulla Bo-
viano per vim potitus est.

XXXIX. Deinde, late circumlato belli terrore,
quum aliquot populos recepisset, appetente hieme
ad petitionem consulatus Romam profectus est: certa
quidem spe consequendi honoris, quum tot tantasque
res, quantas raro quisquam alius ante consulatum,
consecisset; eamque sibi fortitudinis prudentiaeque
conciliasset exilimationem, ut apud cives magnus
dux, maximus apud socios, apud hostes etiam fortun-
atissimus haberetur. Igitur, quum togam candidam
sumpisset, comitiis consularibus, pene omnium ci-
vium suffragiis, anno aetatis suae undequinquagesi-
mo designatus est.

C. Caesar XL. Ea comitia certamen haud tralatitium habue-
consulatum runt, C. Julio Caesare consulatum contra leges peten-
contra leges te. Sed, quoniam ad ea tempora accessum est, qui-
petit. bus frequens mentio facienda Caesarum, et alias, et
propter eum Caesarem, qui postea dictator fuit, er-
rorem parere legentibus posset; simul ut illius aevi
domesticae discordiae penitus intelligantur, non ab-
horrere a praesenti instituto judicavi, si de hac fa-
milia, et praecipue iis hominibus, qui tum maxime
floruerunt, pauca, nec injucunda scitu, proderem.

Familia XLI. Igitur Julii, cujus gentis familia Caesarum
Caesarum fuit, antiquissimae originis fuerunt: quum genus ad
exponitur. lulum referrent, Aeneae filium, quem Aeneam An-
chise et Venere genitum vetus fabula praedicabat.
Qui primus Juliorum hoc cognomine discriminavit
gentem, quum caeso matris utero prodisset in lucem,
ex eo casu appellationem traxisse non absurde cre-
datur. Eum ante tempora Hannibalici belli vixisse
oportuit, ex eo enim Caesarum in historiis mentio fre-
quentatur. Sed primus omnium Sex. Julius Sex. F. Sex.
N. Caesar consul fuit, L. Orestes collega, ad annum urbis
conditae quingentesimum nonagesimum sextum. Ne-
pos hujus esse potuit Sex. Caesar C. F. qui cum L.

Cap. XXXIX. Liv. Epit. Diod. apud Vales. Plut. Sull. c.
5. Vellejus, II. 17. Cap. XL. Cic. de Har. Resp. c. 20.
Cap. XLI. Sueton. Caes. c. 6. Plin. VII. 9.

Philippo gessit consulatum, quum bellum sociale inciperet: potuit et L. Julius Caesar L. F. Sex. N. qui sequenti anno consul res eodem illo bello gessit, et mox cenfuram adeptus est. Sed, ut illa certo affirmari non possunt, ita hoc minime controvertitur, L. Caesaris fratrem hunc, de quo dicere coepimus, C. Caesarem fuisse.

U. c. 663.
A. C. 89.

XLII. Igitur C. ille Caesar claritudine generis et fratrum, (nam matre Popillia natus erat, quae antea Q. Lutatium Catulum pepererat, Cimbrica victoria celebrem) praeterea ingenii felicitate elatus, ad summos honores magnis animis contendebat. nam inter primos sui temporis oratores numerabatur, et nativo quodam facetiarum lepore omnes superabat. Is ante biennium, Sex. Julio, L. Philippo consulibus, in curuli aedilitate quotidianis fere concionibus, de republica accurate habitis, magnam et gratiam vulgo, et auctoritatem quaesiverat. His ille fretus, quum aedilitus esset, ommissa praetura, consulatum ambire coeperat.

C. Caesaris Strabonis elogium.

XLIII. Sed tribuni plebis, P. Sulpicius, quamquam familiaris Caesaris, et P. Antistius, extraordinariam petitionem refutabant. Iisdem C. Marius se aggregaverat. nam, ex disciplina illorum temporum, contentiones in republica vi ferme et armis dirimebantur. Idcirco, divisis vulgi studiis, magnae ex hac causa seditiones exsisterunt. Fus populi Caesar extollebat, et pro eo senatum judicasse, quum T. Quintium Flaminium M. Fulvius, M. Curius tribuni plebis similiter consulatum, transcensis mediis honoribus, petere non paterentur. Neque poenituisse aut iudicii sui Patres, aut suffragiorum populum, quum paucis annis opulentissimum Macedoniae regem, fortis, si quis umquam, et felix imperator, maximo Romani juris incremento superasset. Neque tamen aut acate parem sibi Quintium, aut causam fuisse: se aedilitate functum olim, illum ex quaestura petisse consulatum.

Propter eum seditiones.

Cap. XLI. Cic. de Or. III. 3. Cap. XLII. Cic. de Or. II. 11. 3. 7. 23. et 54. Cic. Tusc. Quaes. V. 19. Cic. Bruto, c. 89. Cap. XLIII. Acon. in Scaur. Cic. Bruto, c. 63. et de Har. Resp. c. 20. Diod. Eclog. I. XXXVII. Acon. Plut. Flamin. c. 1. Liv. XXXII. 7.

U. c. 663.

A. C. 89.

*Exempla
veterum ad-
ducit pro suo
caussa.*

XLIV. *Quin et nonnullos, priusquam magistratum ullum curulem gessissent, consules factos. Ita P. Sulpicium Galbam, quem in Italia Hannibal esset, ita M. Valerium Corvum, quum Gallicis tumultibus arderent omnia, summis honoribus admodos; hunc quidem admodum adolescentem: adeo, nihil in candidatis praeter virtutem spectari, populo Romano semper placuisse. Idcirco postea quoque duos Scipiones, alterum magnis quidem rebus, sed sine magistratu, gestis; alterum non aedilicium, sed candidatum aedilitatis, ad idem fastigium euectos.*

*Sei illorum
imitatorem
profitetur.*

XLV. *Magna se quidem adferre exempla, sed eorum, qui tum demum explicare virtutem animi potuerint, postquam campum ipsis gloriae consulare nomen imperiumque aperuisset. Sibi quoque licere de suis rebus sperare ampliter: laudique potius, quam vitio, vertendum, si maximorum virorum imitator esse cupiat. Esse sibi nobilitatem nulli gentium, quas nominasset, imparem: neque recusare, quin cum quolibet istorum, sed nondum consule, conferatur. Acres populo Romano esse oculos, acutas aures: quomodo domi se quisque, quomodo militiae gesserit, diligentiam ejus non fallere. Se quaesturam et aedilitatem sic gessisse, ut satis magna speret dedisse documenta industriae, vigilantiae, humanitatis. nec in bello seque nem aut ingloriam operam navasse imperatoribus, et saepe numero donatum ab his laudatumque virtutis causa esse. Hoc sibi non pudendum, ad summos honores iter videri, etiam praeturam declinet. quam minime quidem a se sperni: sed neque praeturae deesse candidatos idoneos; et in praesentia hunc esse rerum statum, ut se consulem, quam praetorem, multis modis utiliore reipublicae futurum confidat. Fortasse Deos immortales hoc fratribus Fuliis servavisse decus, ut alterius victoria sagum toga mutaretur, per alterum plane extingueretur sociale bellum.*

*Mores ci-
vilitatis esse
mutabiles.*

XLVI. *Suos adversarios nihil adferre, quo minus jure petat consulatum, jure obtineat. tantummodo mores atque usum civitatis ingerere: tamquam sit in eo genere perpetuum quidquam, aut esse possit. Ab isto more saepe recessum, multis exemplis doceri posse, si actum placeret agi. neque causam esse, cur non hodie populo Romano liceat, quod umquam licuisset. Nuper in uno homine continuatos per quinquennium consularis satis ostendisse, nihil in his rebus tam fixum immutabileque haberi, ut mutari ex causa nequeat.*

Cap. XLIV. Liv. 25. 41. 7. 26. Liv. 28. 38. Supra, L. 36.
Cap. XLV. Cic. Tusc. Quaes. V. 19.

XLVII. Concessum cuilibet esse, ut de se quantumvis magnifice sentiat: concessum et adversariis, ut, si velint, secus opinentur. sed in beneficio populi summum arbitrium relinquendum eidem populo esse. huic optime iudicaturum, quo loco C. Caesarem esse oporteat.

U. c. 663.

A. C. 89.

XLVIII. Contra haec tribuni legum omnibus argumentis validiorem auctoritatem allegabant. Populi certe baudquaquam ambiguum jus esse, nec illud parrono C. Caesare indigere, aut quoquam alio, tribunis salvis. Sed nullis aliis in causis aequae manifestam esse populi sententiam, quam in legibus ferendis, quoties consensu jubeantur: tum enim ad maturitatem iudicii accedere concordiam voluntatis. Quibus igitur *Contraria oratio.* vere sit propositum, auctoritatem populi tueri, iis ante omnia laborandam, ut legum sacra rectaque sit veneratio. Esse autem leges, quae magistratus ordine capi gerique jubeant, neque liberum cuique sinant, protinus ab infimis ad summos transilire. Has aut servandas omnibus, aut abrogandas in universum esse; aut profecto solvendum legibus, qui contra has magistratum concupiscat. extra haec nihil esse, quod fieri citra juris et legum omnium abolitionem queat. *Leges servandas esse.*

XLIX. Sane pauca exempla adduci posse, in quibus aut ob causam exceperit aliquos populus, aut per imprudentiam adfectumve lapsus convenerit. sed infinito esse plura servatarum legum; et, quoties tale aliquid tentatum fuerit, minime quiescit comitia fuisse. Numquam igitur defuisse, praesertim ex collegio tribunizio, qui immoderata cupientibus resisterent. Quod si quatuor aut quinque consulatus extra ordinem datos suum in favorem trahere Caesar velit; quanto pluris aestimandum, quod in centenis aliquot tribuendis populus ne latum quidem unguem a more et lege recesserit? *Exempla pauca non valere contra multis modis plura.*

L. Non se contemnere Caesarem, honoribusque omnibus, quos ei capere per leges liceat, dignum arbitrari: sed non existimare, tantam in eo virtutis excellentiam conspici, ut propter eum spernendae leges sint, et, quod negatum sit omnibus, uni tribuendum. Satis mature consulem eum futurum, ubi hunc honorem habuerit populo, ut contra ejus voluntatem legibus declaratae petitioni injustae desinat insistere. Si semel hoc iter aperiatur hominibus, omnes protinus ad summos honores provoluturos, priusquam populo Romano specimen ullum animi sui consiliiue gerundis inferioribus praeberent. *Speciem animi sui praebeant homines inferioribus.* Consulibus summam rerum permitti, id adeo factum iri temere, si summus populi Romani magistratus non amplius culmen honorum et perspectae virtutis praemium sit, sed gerendae reipublicae tirocinium fiat.

U. c. 663. LI. Sane Caesari adesse nobilitatem, facundiam, industriam.
 A. C. 98. sed multos esse in urbe futurosque patres: plures etiam, qui-
 C. Caesari bus si non meritum idem, tamen eadem cupiditas insit. qui et
 multos esse ipsi tamquam debitum exacturi sunt, quod cuiquam fuerit tri-
 pares, et i- butum, a quo se non existiment notabiliter superari. Quem
 dem petitu- vero C. Caesari concessurum hanc virtutis dignitatisque pal-
 ros. mam, quum eam C. Caesar Valeriis, et Scipionibus, et sexies
 consuli C. Mario ambiguam facere contendat? Numquam de-
 futura certamina, si cujuslibet cupiditati aperiatur septus le-
 gibus locus. Et has non aliam ob causam latas, quam ut
 contentiones amputentur: ipsumque populum, licet plane liber-
 rimum sui juris arbitrum, tamen sibi legum hos concellos cir-
 cumdedisse, ut in magnis negotiis, et quae valde ad rempu-
 blicam pertinent, non quidem ademptam, sed tamen a semet-
 ipso constrictam voluntatem esse, neque temere solvendam, quae
 alligata consulto sit, intelligat.

Ex ea con-
 tentione bel-
 li civilis or-
 rigo.

LII. Diu haec utrimque multis concionibus agitata
 quum essent, bonisque omnibus causa C. Caesaris
 displiceret, simul adversarii ejus vim intentarent,
 victus aut territus Caesar petitione abstinuit. L.
 Cornelius Sulla, ut supra indicavimus, et cum eo
 Q. Pompejus Q. F. A. N. Rufus designati sunt. Nec
 tamen ideo extinctum illud contentionis civilis in-
 cendium est, quin postea in bellum apertum erum-
 peret. Quamquam enim belli civilis faces Marius
 et Sulla indubitanter fuerunt: tamen ab illa quoque
 contentione profecti fomites magis excitarunt, alue-
 runtque conceptas aliunde flammās, magna P. Sulpi-
 cii culpa, qui a bonis initiis et optima causa, nimia
 contentione, et popularis favoris aura, ad ferrum et
 arma proventus est.

Cap. LII. Ascon. in Scaur. Cic. de Har. Resp. c. 20.

E P I T O M E

LIBRI SEPTUAGESIMI SEXTI.

A. Gabinius legatus, rebus adversus Lucanos prospere gestis, et plurimis oppidis expugnatis, in obsidione castrorum hostilium cecidit. Sulpicius legatus Marrucinos cecidit, totamque eam regionem recepit. Cn. Pompejus proconsul Vestinos et Pelignos in deditionem accepit. Marsi quoque, a L. Murena,

A. Gabinius legatus, rebus adversum Lucanos prospere gestis] Aliter Florus 3, 18, 13. *Gabinius Marsos* discutit, *Carbo Lucanos*. Orosius 5, 18. in eo cum Epitome consentit, quod cum in expugnatione hostilium castrorum interfectum esse scribit: sed nomen hostium non addit, et *C. Gabinium* vocat. DUK. In praenomine variant typis descripti. *P. Gabinius* praefert ed. Rom. princeps, teste Hearnio. *A. Gabinius* Rom. anni 1472. aliae *C. Gabinius*. aliae *C. Gabinius*. aliae praenomen omittunt. Causam erroris vide ad Epit. 62. Postea recte restitutum est *A. Gabinius*, cuius vestigia sunt in plerisque Mss. Nam *Aurelius Gabinus* legunt Boend. et edd. Camp. *Aurelius Gabinius* Leid. Voss. Berg. et Lov. 2. Librarios autem saepissime *Aurelius* pro *Aulus* dedisse, vidimus ad Epit. 74. Est autem illud praenomen genti Gabinae usitatissimum, quam *Caji* praenomen usurpasse, alibi non inveni, nisi in loco laud. Orosii;

ubi id ab uno Mss. abesse Fabric. testatur. Tum *adversus Lucanos* Leid. Voss. Berg. Lov. 2. Boend. et edd. Camp. V. ad Epit. 47.

Et pluribus oppidis expugnatis, in obsidione castrorum hostilium cecidit] multis oppidis, omissa etiam copula, Exo. Pithoei, Norv. et edd. pleraeque. *et plurimis oppidis* Leid. Voss. Berg. Lov. 2. et Boend. *et pluribus oppidis* Gruterus substituit; quod tamen in nullo libro, vel scripto, vel edito antiquiore, obvium fuit. Dein *castrorum hostium* Voss. Lov. 2. et Boend. Ita aliquoties peccarunt librarii. V. ad 29, 35, 5. 41, 26, 4. ad Epit. praec. ad Epit. 110. et alibi.

Sulpicius legatus Marrucinos cecidit, universamque eam regionem recepit] Omnia haec verba desunt in Leid. *Marutinos* legit Berg. *Marotinos* Boend. *Marruncinos* Lov. 2. Oros. 5, 18. *Marrucini Vestinique*, Sul-

et Caecilio Pinna legatis aliquot proeliis fracti, pacem petierunt. Asculum a Cn. Pompeja captum est, caesis et a Mam. Aemilio legato Italicis. Silo Pompaedius, dux Marsorum, auctor hujus rei, in proelio cecidit. Ariobarzanes Cappadociae, Nicomedes Bithyniae regno a Mithridate Ponti rege pulsus

picio legato Pompeji persequente, vastati sunt: V. etiam Freculph. part. 2. Chron. l. 6, 12. Tum cecidit omittunt Boend. et ed. Camp. ut tota oratio pendeat ex verbo recepit. Dein totamque eam regionem Voss. Berg. Lov. 2. Boend. et ed. Camp. V. ad Epit. 52. Mox recepit, pro accepit, Boend. Quum autem Pompejus Vestinos jam supra Epit. praec. in deditionem accepisse dicatur, illud recepit cum emphasi capi posset, pro iterum accepit; verum id verbum modo praecessit. Tota periodus Cn. Pompejus proconsul Vestinos et Pelignos in deditionem accepit deest in Perg.

A L. Murena et Caecilio Pinna legatis] Quis iste Pinna? Numquid Caecilio Pio? Vellejus lib. 2, [15.] Clarissimi autem imperatores fuerunt Romani eo bello Cn. Pompejus, Cn. Pompeji Magni pater, C. Marius, de quo praediximus, L. Sulla anno ante praetura functus, Q. Metellus Numidici filius, qui meritum cognomen Pii consecutus erat. Loquitur autem de bello Marsico. J. FR. GRON. Conjectura confirmari potest ex Appiano et Plutarcho. Nam ille 1, Civ. 381. Caecilium Metellum Iapygas proello vicisse, ac deinde pag. 391. eumdem post profectionem Sullae in Graeciam reliquias belli socialis persecutum fuisse scribit. Eum autem Metellum Pium

fuisse, e Plutarchi vita Marii apparet. DUK. Ipsi etiam Appiano 1. B. civ. pag. 308. memoratur Μέτελλος Καικίλιος ὁ Εὐσεβής, ἐκ πολλοῦ ἡρημένος ἐκ τῶ λοιπῶ τοῦ συμμαχικοῦ πολέμου. Caecilio Pio jam editio Sigonii secunda et tertia praeferrunt. V. etiam Supplem. Freinsh. hoc lib. cap. 2. In vulgatum tamen conspirant scripti, nisi quod vox Pinna desit in Boend. et ed. Camp. qui ambo etiam ignorant praepositionem a.

Fracti pacem petierunt] Voss. et Gudiani petere pacem coeperunt. J. FR. GRON. Similiter Leid. Berg. Lov. 2. et Exo. Pithoei. petierunt pacem Boend. et ed. Camp.

Caesis a Mam. Aemilio legatis Italicis] Veteres lib. caesis et a Mamercio Aemilio legato Italicis. SIG. Illud et a Sigonio additum agnoscunt Leid. Lov. 2. et Exo. Pithoei. a Mamercio et Aemilio legatis ed. Camp. legatis operarum errore ed. Bas. anni 1539. quod omnes usque ad Sigonium male servarunt.

Silo Popedius dux Marsorum] Diodoro vocatur Πομπαιδιος, Appiano Πομπαιδιος, sed mendose. Plutarchus in Mario et in Apophth. hujus viri nomen vitiose continet. DELR. Silo Propelio Boend. Silo Poppeius Voss. Silo Pompedius Leid. quomodo etiam, vel Pompaedius scribendum censet Ger.

sunt. *Praeterea incursiones Thracum in Macedoniam populationesque continet.*

Vossius ad Vell. Pat. 2, 16. Varie hoc nomen in scriptis et editis exaratur. V. Viros doctos ad Vell. I. laud. ad Flori 2, 18. Val. Max. 3, 1, 2. ad Obseq. de Prodig. cap. 116. et quos laudant. Mox *ejus rei* Leid Voss. Berg. Lov. 2. Boend. et ed. Camp. *hujus belli* reponendum conjicit Cluver. Ital. Ant. 2, 11. 732. *Praeterea praepositio in* non adparet in Exc. Pithoei. Eadem etiam exsulat a nonnullis edd.

Praeterea incursiones Thracum in Macedoniam continet] Vet. lib. *incursiones in Macedoniam populationesque continet.* SIG. *incursionem* Voss. Tum *in Macedonia* idem Voss. cum Berg. L. 2. et Boend. Vocem autem *populationesque* a Sigonio additam servant quatuor memorati oodd. et Leid. atque ed. Camp. Ea recepta, habemus eadem verba, quae obcurrerunt Epit. 74.

JOHANNIS FREINSHEMII
SUPPLEMENTORUM LIVIANORUM LIBER XLI.
IN LOCUM LIBRI LXXVI. T. LIVII

U. c. 663. I. In Lucanis interea clades accepta est, legato a-
 A. C. 89. misso A. Gabinio; qui multa iisdem in regionibus,
A. Gabi- multa in Marsis strenue feliciterque gesserat, et plu-
nus a Lu- rima oppida pugnando ceperat. Sed ille, dum fuis
canis occi- aliquando Lucanis victoriam urget, in oppugnatione
ditur. castrorum hostilium interfectus est. Ex diverso le-
 gatus Cn. Pompeji consulis Ser. Sulpicius Marrucinos
 cecidit, totamque eam civitatem recepit. Vestini quo-
 que Pelignique, missis ad consulem oratoribus, in fidem
 accepti sunt. Sub id tempus quum C. Vettius Peli-
 gnus a cohortibus suis ad Cn. Pompejum duceretur,
 servus ejus, gladio militis, a quo trahebatur, educto,
 dominum interemit; statimque, postquam hero con-
 suluisset, *tempus esse proloquutus sibi prospiciendi*, in
 sua viscera retorfit enssem.

Marsi pa- II. Marfi quoque, a L. Murena et Caecilio Pinna
cem petunt. legatis aliquot proeliis fracti, pacem petierunt. Quis
 ille Caecilius fuerit, et unde habuerit non alibi le-
 ctum cognomentum Pinnae, in tantis ejus aevi tene-
 bris frustra requisivi. Nec absurdam conjecturam esse
 arbitror statuentium, non Pinnam istarum rerum au-
 ctorem, sed Pium, Q. Metelli Macedonici filium,
 fuisse; quem inter praecipuos ejus belli duces nomi-
 nari constat.

Q. Pompei- III. Quum hic status rerum per Italiam esset, tan-
dus novum tis calamitatibus et defectione lociorum anxii, quot-
exercitum quot arma retinebant, communi decreto Corfinium
cogit. deferunt; Aeserniam in Samnitibus publici consilii

Cap. I. Liv. Epit. Flor. 3. 18. Liv. Epit. Oros. 5. 18. Liv.
 Epit. Appian. Civil. l. 1. Macrobian. Sat. 1. 11. Senec. de Be-
 nef. 3. 23. Cap. II. Liv. Epit. Vell. 2. 15. Cap. III. Diod.
 Eclog. l. 37.

sedem statuunt, creatisque praetoribus quinque, quos inter Pompaedius Silo fuit, huic propter summam opinionem virtutis imperium in omnes tradunt. Atque is, collegarum sedula opera usus, magnas brevi copias paravit, ut adjunctae veteribus ad millia viro- rum triginta pervenirent. Praeterea, servis manu- missis et, prout tempus ferebat, armatis, libertinum exercitum, haud multo pauciores millibus viginti, coëgit. Equites praeterea mille sunt effecti. Cum his copiis Mam. Aemilio se opposuit, qui tum lega- tus exercitui Sullano praecerat.

U. c. 663.
A. C. 89.

IV. Inter hos apparatus Asculana obsidio ad finem venit. Ab hac urbe primus belli turbo eruperat, et, licet eodem tempore per plerasque Italiae regiones adversarum partium exercitus collectarentur, hic ta- men plurimum laboris sanguinisque exhaustum est, unaque die circa hanc urbem quinque et septuaginta civium Romanorum, amplius sexaginta millia Italico- rum, signa contulerunt. Tandem Pompejus Aseculum ingressus, selectis, quos in triumpho ducturus erat, principes omnes praefectosque et centuriones virgis caefos securi percussit: servos praedamque sub hasta vendidit: libera corpora dimisit innoxia, sed rebus adeptis omnibus: urbem ipsam dirutam incensam- que evertit.

*Asculum
capitur.*

V. Mox, Romam profectus ob res isto bello for- titer prospereque gestas, de Asculanis reliquisque Pi- centium, paucis prius diebus quam consulatu abiret, ante diem sextum Kalendas Januarias triumphavit. Ductum in triumpho P. Ventidium multi scriptores haud futilem ob causam adnotant, quod hic post an- nos ferme quinquaginta idem Capitolium, quod tum triumphatus vidit, triumphans invectus est. Adeo inexpectatis interdum eventibus admonemur, donec vita maneat, nulla fortuna neque confidere nimium, neque perterreri.

*P. Venti-
dii notabi-
lis fortuna.*

VI. Quum deinde L. Cornelius Sulla, Q. Pompe- jus Rufus magistratum inivissent, Mam. Aemilius cum Q. Pompaedio Silone collatis signis dimicavit. Ejus proelii victoria penes Romanos fuit, quorum haud

U. c. 664.
A. C. 88.
L. Corne-
lio, Q.
Pompejo
Coss.

Liv. Epit. Cap. IV. Supra, 72. 1. et 2. Vellejus, 2. 21.
Oros. Flor. Cap. V. Fasti Capit. Ascon. in Pison. Val. Max.
6. 9. A. Gell. 15. 4. Plin. 7. 43. Vell. 2. 65. Dio, fin. l. 43.

D. c. 664. ita multi occubuerunt: de Italicis ad millia sex sunt
A. C. 88. desiderata. Sub idem tempus Q. Metellus Pius, qui

*Mam. Ac-
milius Pom-
paedius
vincit.*

C. Cosconio successerat, Venusiam, Apuliae nobilem urbem, firmo praesidio instructam expugnavit. Adhuc tamen conatu magis, quam viribus, Italici resistabant, et, ne desponderent animos, modicis interdum successibus recreabantur. Silo Pompeius Boianum oppidum receperat. ejus victoriae tam immoderata laetitia fuit, ut, vel in honorem ducis, vel ad referendam Romanis vicem, Pompeio triumphus decerneretur: isque Boianum triumphans invectus est. quod in omen acceptum. nam, in urbem victam laurea deportata, hostibus tradidisse victoriam visus est: utique postquam proximo deinde proelio, cum Ser. Sulpicio apud Teanum congressus, amisso exercitu, una cum Obsidio, alio Italicorum duce, oppressus est.

*Socii lega-
tos ad Mi-
thridatem
mittunt.*

VII. Pompeio praecipua tanti incendii face extincto, sive Sulpicius illum, sive, ut alibi relatum est, Q. Metellus Pius occidit, quum neque consilium Italicis, neque copiae tanto bello pares suppreffent; odii adversum Romanos tantum fuit, ut in alium pene orbem legatos ad Mithridatem mitterent, quem studere rebus novandis acceperant.

*Fortunam
suam expo-
nunt.*

VIII. Quum praebita his audientia esset, princeps legationis, Samnites, ait, atque Lucani, et qui alii per Italiam populi eodem foedere continentur, tertium jam annum atrociora bella cum Romano gerunt; cujus equidem neque causa tibi ignota esse, neque casus atque vicissitudines possunt. Idcirco, licet multos illorum duces exercitusque fuderimus, partim etiam deleverimus, castris urbibusque maximis atque munitissimis expugnatis atque captis; tamen et nos, cum validissimo potentissimoque hoste colluctantes, crebris atque vebementibus detrimentis quassari contigit. Plus tamen aliquanto fraude, quam armis, Romani profecerunt: passim per civitates ferendo fovendoque principum discordias, quod ipsis per suae factionis homines plerumque non fuit difficile, multis adhuc servitutem et omnium laboriosae libertati praeferentibus.

*Proposi-
tum com-
mendant.*

IX. Hoc tamen fuit in aliquorum defectione boni, quod, secreto quidquid in consiliis aut castris aegrum fuerat, arctius coit fortissimorum populorum fide animisque indissolubilis

Cap. VI. Liv. Epit. Diodor. Vell. 2. 17. Jul. Obseq. Oros. V. 18. Jul. Obseq. Liv. Epit. Cap. VII. Auctor de viris illustr. in Met. Pio. Diod. Eclog. l. 37.

et invicta societas. Nullae amplius voces belli mala deplorant. U. c. 664.
 tum audiuntur: nulla pacis, nisi quae libertatem firmet, us- A. C. 88.
 quam habetur mentio. hoc omnes proposito sumus, ut prae do-
 minatione Romana leve nobis videatur, quidquid ingerere ca-
 lamitosiis hominibus iniqua fortuna potest.

X. Ceterum ab ista sorte procul adhuc virtute nostra et *Spem osten-*
 munere Deorum absumus: neque deteriore armis nostris even- *tant.*
 tum fore, quam fuit caussa, speramus. Sed prae ceteris duo
 sunt maxime, quae fiduciam nostram augeant. Nam etiam post
 accepta bello hoc incommoda virium nostrarum haud sane poe-
 nuer: et multos ubique reges atque populos non aliis oculis
 intueri Romanam magnitudinem scimus, quam a nobis adspi-
 ciatur: nisi quod nos, quanto propiores huic pesti fuimus, tan-
 to priores et penitius perspeximus insatiabilis populi impro-
 bitatem.

XI. Jam enim a primis initiis imperandi licet non aequè *Romano-*
 manifestam, aequè tamen magnam cupiditatem habuit: cui ut *rum ambi-*
 resisterent majores nostri, nihil inexperrum, suas opponendo *tionem tra-*
 oper, sollicitando alienas, reliquerunt. Sic et Pyrrhus a no- *dunt.*
 bis, et postmodum Poenus Hannibal adjuti sunt: neque de-
 fuissent Antiocho aut Philippo regibus auxilia nostra, si infer-
 re bellum Romanis in Italia, quam accipere domi, maluissent.
 Sed illos quidem suus error aut invidia numinum in diversa
 consilia transtulit, ut tuum decus esset, Italiam, quid autem Ita-
 liam? immo gementem sub Romano jugo terrarum orbem liberaffe.

XII. Licet enim, praeter paucos servituti natos homines, *Contra il-*
 nemo usquam tam insolentium dominorum imperia patienter fe- *lam aliis*
 rat, tacent tamen aut mussant plerique, animis aut viribus *esse vim au-*
 imbecilliores. Sed et quibus adhuc astu majore, quam mode- *animum ne-*
 stia, parcitur, dum securos et incautos aliquando quaevis oc- *gant.*
 casio subjuget, aliena mala, tamquam ad se minime perventu-
 ra, otiosi quiesque intuentur.

XIII. Idcirco te esse unum omnium cognovimus, a quo et *Sed Mi-*
 sperandum auxilium tantis necessitatibus et petendum esset. A- *thridasi*
 nimi tui magnitudinem, quam et corporis dignitas manifesta *suppetere*
 fide oculis monstrat, ignorari, gesta tua plurima atque amplis- *potentiam,*
 sima nequaquam patiuntur. Ex iisdem potentia tua et aucta
 est, et inclaruit: quibus utrisque rebus neminem tibi putamus
 praesentium regum comparari posse. Ferocissimas enim Scyrba-
 rum gentes, quibus neque Persarum magni reges, neque vi-
 ctor eorum Alexander, inponere jugum potuerunt, pene puer
 ita domuisti, ut alii tibi non obscure serviant, alii nomine
 sociorum eadem ferme faciant, quae vicis imperantur. Nam
 vicinos quidem reges, nisi quibus pacem et amicitiam praestas,

U. c. 664. sic adusuefactos habes, ut placato te regnare illis liceat; quum
A. C. 88. iratus fueris, sibi sentiant exsulandum esse. Atque idem a-
mico atque adfini Tigraue uteris, quo nemo regum tibi est ma-
gnitudine rerum gestarum et imperii similior.

Et pruden-
tiam.

XIV. Sed haec tamen omnia nequidquam adessent, nisi
tua singularis et pene divina prudentia tibi dictaret et tempus
utendi, et modum. Jam olim, nec enim abstrusa aut ambi-
gua loquimur, olim, inquam, te ambitionis et avaritiae Ro-
manae piget. Idcirco et legatis eorum saepe viriliter respon-
disti, et, quum eadem tecum superbia vellent agere, qua ce-
teros terrere consueverunt, effecisti, ut intelligerent, sibi cum
libero rege plenoque animorum, et ad omnia parato, nego-
tium fore. Quin et illorum iniqua decreta baud semel ferro
rescidisti: ut scirent vicini reges, minus illis in amicitia Ro-
mana praesidii, quam in tua offensa periculi esse.

Inimicos
Mithrida-
ti Roma-
nos esse de-
monstrant.

XV. Pro quibus ausis quae tibi sint apud populum Roma-
num reposita praemia, simul ille vacuus a propioribus bellis
fuerit, ignarus esse non potes. Sic quoque legati illius atque
proconsules minantur, fremunt, plane prae se ferunt bellum,
suas copias parant, sociales excitant, ita agunt omnia, ut,
quamvis derideas conatum, animus tamen appareat.

Dictorum
Marius et Sul-
lae admo-
nent.

XVI. Non dubito, quin inter ista memineris, quam ar-
roganter olim Marius, deinde Sulla tecum egerint; quam non
recte denunciaverint tibi periculum, indixerint servitutem,
nisi dederis operam, ut aequae armis, ac jure, sis potior. At-
que haec jam noverant populi principesque nostri; nos plura et
certiora usurpavimus oculis: ut jam prorsus certi simus, non
inutilem legationem nostram, neque metuendam desideris no-
stris a te repulsam esse. Quos enim eadem causae ad arma
coegerunt, iidem animi, vota paria conjungunt, de iis dubi-
tari non potest, quin ad communem utilitatem fido foedere
sint sociaturi consilia et vires.

Sua omnia
pollicentur.

XVII. Quod igitur tibi nobisque faustum atque salutare
Dii faxint, arma, viros, naves, commeatus pollicemur in
Italia bellaturo; ad transitum, ad receptum, omnesque oppor-
tunitates belli, urbes nostrae patebunt; duces itinerum, par-
ticipes consiliorum, socii laboris periculique erimus.

Us in Ita-
liam veniat,
contendant.

XVIII. Id modo fixum tibi sit animo, non alibi rectius
cum Romanis, quam in Italia, bellari. absit a te laeva mens,
quae Syriacos olim reges, quae Macedonicos decepit, quum
eadem illis dicerentur. Nullum tuis regnis a Romano aut a
liis tantum periculum est, quod non a quolibet praefectorum

suorum propulsari queat. Neque spes et occasio se teneant domi; vicina subacturum. Esi facilis ista esse possit, non erit tamen diuturna possessio. Nemo unquam eripere populo Romano occupato quidquam potuit, quod ille cum multiplici usura vacuus non reciperet.

U. c. 664.
A. C. 88.

XIX. Jugulum petamus, et tamquam pestiferi draconis obtramus caput; donec illud saluum fuerit, inani labore ceterum corpus vexaturi. Quemadmodum flumina longo cursu aucta, ne exundent, molibus ac crepidinibus aegre coercentur; ad ipsos fontes averti carpique nullo negotio possunt: ita, nisi Romanae potentiae scaturiginem et fontem in potestate habeas, imperum nequidquam moraberis, quin violentia sua, quidquid oppositum fuerit, evertat, et ocius, serius, omnia ubique regna, nationes omnes obruat. Mithridates, re cum suis deliberata, nescio quomodo, minoris, quam pro Italorum expectatione, negotium illud faciens, venturum se in Italiam respondit, simul atque Asiam subegisset.

Mithridates rem differt.

XX. Credo longinquam a domo militiam laboriosam simul atque sumptuosam fore ratum, adhuc vicinorum sociatas Romanis vires perhorruisse, ne, dum appetit aliena, suo regno spoliaretur. Neque Tigrani satis poterat fidere, ut suspectos maxime pares habent, quicumque cupiunt opibus excellere: verebaturque, ne ille, perdomitis aliis, neque Pontum, si daretur occasio, sperneret. Terrebarur et Pyrrhi Hannibalisque exitu, quorum, licet a plerisque Italiae gentibus adjuvarentur, in alieno solo bellantium cito consenuerit exercitus, difficilibus, licet haud a maximo intervallo, supplementis.

Longinquae militiae periculis absortitus.

XXI. Haec omnia vitari posse maximo cum emolumento sperabat, si vicinam sibi Asiam occuparet. Eam rem quoque facturam animos Italicis sociis: atque ita diuturno bello atteri posse Italiae vires, ut neque, si rursus conjungantur, valde sint sibi futurae formidabiles. Sane consilio huic institit, quamquam omnia legati pollicerentur, et e Ponto facilem in Thraciam trajectum ostenderent: Thracas porro et ipsos bellum Romanis facere. horum ope per Macedoniam et vicinas regiones paucis diebus ad Ionium mare penetrari posse. Neque diu cunctatus exercitum conducit, Ariobarzanem ac Nicomedem reges, alterum Cappadocia, alterum Bithynia exacturus. Sed, antequam hoc bellum ex-

Et praesentis occasionis praemiis occupatus.

U. c. 663. ponatur, quo regna ista jure, quibus finibus tum fuerint, quasque nationes urbesque habuerint insigniores, enarrari operae pretium fuerit Mithridatica bella lecturis, quae haud postremam historiae Romanae partem, illius quidem aevi, constituunt.

Cappadociae et vicinorum regnorum descriptio.

XXII. Quidquid terrarum longo tractu inter Heracleam et Trapezuntem, nobiles urbes, Euxini fluctibus alluitur, ab eo mari appellationem apud veteres nactum est, ut Pontus vocaretur. Propius Heracleam Bithyniae conjunctum Ponto regnum fuit, ad Propontidem deflectens. At orientem versus Cappadocia in mediterranea procurrens, inde Armenia, ad meridiem Tauro monte terminatur. Inter Bithynos atque Cappadoces ita sparsa erat Galatia, ut ab septentrione Pontum et Paphlagoniam, (Ponti enim pars etiam Paphlagonia nec absurde censeretur potest) a meridie Phrygiam Lycaoniamque contingeret.

Cappadocia duplex.

XXIII. Omnes istae regiones in ditione Perfarum fuerunt: a quibus ea pars, quae tum communiter Cappadocia dicebatur, in duas divisa praefecturas, postea totidem regna peperit: quorum alterum Cappadocia proprie, aut cum adjectione Cappadocia ad Taurum, interdum et Magna Cappadocia; alterum Pontus, sive Cappadocia Pontica coepit nominari.

Majoris praefecturae.

XXIV. Priore praefecturae decem continebantur: quarum sub Tauro erant Melitena, Cataonia, Cilicia, Tyanitis, et Garfauritis. Melitena, ceteris Cappadociae partibus mitior, olei quoque et vini optimi ferax, Armeniae majori praetenditur, a Sophenae praefectura medio Euphrate divisa. Nomen huic Melita dedit, a Semiramide, ut volunt, condita. Trans flumen etiam ad hanc partem Tomisa pertinuerunt, insignis castellum. Cataoniae inter Amanum et Antitaurum ita planities Comana habuit, Bellonae templo memorabile nomen, et Apollinis Cataonis fanum: castella in montibus munita, Azamora et Dastarcum.

Mazaca regni caput.

XXV. Cilicia quae vocabatur Cappadociae praefectura, sede regum nobilitata fuit Mazacis: quam urbem postea *Caesaream* vocarunt Cappadoces, in dictatoris Caesaris honorem. Altera urbium, nam duae omni-

Cap. XXIII. Strabo l. 12. init. Constantin. Porphy. de Them. l. 2. Plin. 6. 3. Cap. XXIV. Ptolem. 5. 6. Solin. c. 47.

omnino fuerunt antiquis temporibus in Cappadocia, U. c. 664.
 Tyanitidi praefecturae nomen dedit, ipsa quoque Se- A. C. 88.
 miramidis opus. At in Garlauritide postea Archelaus
 fuit, Claudii Caesaris colonia. Praeter has praefe-
 cturas fuerunt et aliae quinque, Lavinasena ad Eu-
 phratem fluvium, Sargaraufena, Saravena, Camma-
 nena, et Morimena, superioribus obscuriores. Fluvii
 celebres, Halys Archelaïdem praeterfluens; Sarus, *Flavii Cappado-*
 qui per media Comana labitur; Pyramus per Catao- *cias.*
 niam decurrens, praeterea Lycus, et hunc excipiens
 Iris; et inter Morimenen et Galatiam, terminus gen-
 tis, idemque caussa nominis, Cappadox.

XXVI. At Mithridatis paternum regnum, praeter
 Pontum, continebat, quidquid gentium ab Haly flu-
 vio usque ad Tibarenos et Armeniam coluit. Etiam
 intra Halyn delibaverat Cappadocum et Paphlagonum
 agros. Nec longe Bithyni aberant. quippe ubi per
 Propontidem in Euxinum intraveris. Quae regiones
 Bithyniae partem, deinde Mariandynos Heracleae sub-
 jectos, mox Paphlagonas, usque ad fluvium Halyn
 habuerunt. cetera ad Propontidem usque Chalcedonem
 fuerunt Bithynorum, Galli fluminis ostiis fines eorum
 terminantibus.

XXVII. Maxima urbium Nicomedia fuit: deinde *Urbes Bi-*
 Nicaea, item Prusa, quam ab Hannibale conditam de *thyniae.*
 Prusae nomine, reges Othomanici ante occupatam
 Adrianopolim regni sedem habuerunt. Flumina Bi-
 thyniae Syrium, Laplias, Pharmacias, Alces, Crynis,
 Lylaeus, Scopius, memorantur, et, qui Bithyniam
 a Galatia disternabat, Hieras. Erat et Hylas flu-
 minis et lacus nomen, ab Herculis amasio deductum,
 si fabulis lubet credere, juxta Prusiadem urbem, di-
 versam ab utraque Prusa. nam et altera fuit Bithyniae
 Prusa ad Hippium amnem. Ab his regionibus, Cap-
 padociam et Bithyniam dico, quasdam partes abra-
 runt Gallograeci, de quibus post prolixam Livii de-
 scriptionem taceo.

XXVIII. Sed Paphlagoniam Halys fluvius ab ortu *Paphla-*
 terminabat, a meridie Galatia: ad occasum Bithyni *gonia.*
 et Mariandyni habitabant; versus septentriones mare
 Euxinum erat. Amastris horum erat non incelebre
 oppidum, majorisque adhuc famae Amifus et Sinope.

Cap. XXVII. Plin 5. 32. Leunclavius. Solin. c. 44. Liv.
 38. 16.

Supplem. Liv. Tom. XIII.

C

U. c. 664. Neque refert has interdum Ponto vindicari. nam re-
 A. C. 88. gionum istarum terminos, non minus atque gentium
 jura, Mithridatis ambitio turbavit, redactis in ditio-
 nem plerisque populorum, quos enarravimus.

Ponticae gentes. XXIX. At antiquitus Ponticae gentes fuisse viden-
 tur Mariandyni, Mosynoeci, Caucones, qui jam ae-
 tate Strabonis nulli superfuerunt, Chalybes, qui et
 Chaldaei, Tibareni, Macrones Euboïcorum credita
 colonia. Nam tota illa Ponti ora, Graecorum frequen-
 tata navigationibus, plurimas gentis ejus urbes ha-
 buit, quarum celeberrimae fuere Trapezus, et Hera-
 clea. Amnium Ponticorum nobilissimus Phasis, cum
 urbe cognomine ad osium. Pyxites Trapezuntem al-
 luit. flumen Jasionum memoriam retinuit antiquissi-
 mae Graecorum heroum expeditionis. Sed et alia

Pontus Euxinus ali- quando terra implendus. multa per eas regiones in Pontum Euxinum perme-
 ant flumina, tanta quidem vi aquarum, ut terra,
 quam continuo inferant amnes, implendum aliquando
 illud mare Polybius disputaverit.

XXX. Haec igitur regna quamquam suos quaeque
 reges ab antiquissimis temporibus habuissent, tamen
 propter viciniam locorum, et linguae morumque com-
 merciis varie mixtos populos, crebrae, ut fieri amat,
 rixae, deinde bella oriebantur. Et, ut graviora fere
 humanis remediis mala sunt, connubia regum, mix-
 tusque adfinitate sanguis adeo non finiebat veteres
 controversias, ut non alia foecundior novis gignen-
 dis materies esset.

Belii Mithridatici causae.

XXXI. Inde auctis odiis, quum etiam imperii am-
 plicandi insana lubido Mithridatem stimulare, tem-
 perare non potuit, quin subinde ex occasione tem-
 porum vicinos infestaret. Et antea quidem Nicome-
 dem etiam Ariobarzanemque expulerat: et, quam-
 quam reduci a Romanis tulisset, tamquam imbecilli-
 tatem sibi exprobrantes adspiciebat. Illi vicissim, sal-
 vo tam potente vicino, nequidquam restituti videban-
 tur. Et accedebant a Romanis ducibus stimuli, qui,
 praedarum et gloriae spe, bellum undecumque cu-
 piebant confurgere.

Legati senatus ad Mithridatem.

XXXII. Igitur operam dederant, ut cum minacibus
 ad Mithridatem mandatis senatus nomine legati mit-

Cap. XXIX. Scholias. Apollon. Polyb. 4. 40. Cap. XXXI.
 Appian. Mithrid.

terentur, bellum denunciantes, ni, quos populus Romanus vicina regna obtinere jussisset, quieta in possessione manere pateretur. Ille, ultro multa questus, quanta patientia tot contumelias concoxisset, demonstrat: quantasque opes publice privatimque colendo Romanos profudisset. nunc etiam, licet provocatum, neque inermem, quiescere malle, modo finis injuriarum fiat. Et fides promisso fuit.

U. c. 664.
A. C. 88.

XXXIII. Sed non eadem Nicomedi modestia manfit, quem Romanorum ducum hortamenta et inopia pecuniae invitum ad arma compulerunt. Nam et iis, a quibus reductus in regnum fuerat, multa erat pollicitus; et passim ab incolentibus Asiam Romani nominis hominibus magnam vim nummorum foenerato abstulerat. Igitur, in ditionem Mithridatis irruptione facta, usque ad Amastrin urbem praedabundus processit. Mithridates enim, quamquam paratas habebat copias, occurri vetuerat, quo pluribus paullo post et speciosioribus causis bellum lumeret.

Nicomedes fines Mithridatis depopulatur.

XXXIV. Ubi reversus in Bithyniam Nicomedes est, Pelopidam legatum Mithridates ad Romanos duces misit. Is, commemorato veteris societatis jure, quod a majoribus acceptum constanter atque fideliter multis neque levibus officiis Mithridates coluisset, Nunc autem, ait, injuria pro gratia redditur. Adempta regi Phrygia est, adempta Cappadocia, quarum banc, proavis suis debitam, pater Evergetes recepit, illam operae bello Aristonici navatae praemium accepit: si tamen praemium vocare possumus, magno auri pondere ab imperatore vestro emptam, et olim a Seleuco Callinico in dotem datam proavo regis. Sed illa sane, quia paullo longinquiora sunt, silentio, et, si vultis, etiam oblivione sepeliamus. Ista vero recentia qui possumus? quod Nicomedem os Ponti intercludere, agros usque ad Amastrin populari finitis, praedamque avertere, cuius aestimationem novistis ipsi rectius, quam ut a quoquam debeat edoceri.

Legatus Mithridatis de hac injuria queritur.

XXXV. Et ista quidem hoc modo gesta sunt, non invalido nec imparato ad prohibendum rege, sed ut vos ipsos spectatores eorum, quae fierent, testesque haberet. Quae quia non auditu, neque incertis aut suspectis auctoribus, sed coram visu accepistis; ergo igitur amicus atque socius rex, haec enim nomina foederum tabulis continentur, hoc a vobis sociis ami-

Cap. XXXII. Oros. 6. 2. Dio apud Fulv. Cap. XXXIII. Just. 38. 5. Appian. Cap. XXXIV. Just. 38. 5. Appian.

U. c. 664. *cisque suis petit, ut adversus Nicomedis injurias auxilio fitis, A. C. 88. aut injuriarum coerceratis auctorem.*

Bithyni respondent. XXXVI. Ad haec Bithyni, nam et ab Nicomede legati aderant; *Quam justas contra Mithridatem inimicitias Nicomedes gerat, ignorare nemo potest, qui meminerit, paullo ante Socratem, Ponticis armis instructum, Bithyniam invasisse: quieturum certe, fratrisque aetati concessurum, ni fuisset a Mithridate ad parricidiale bellum instigatus. Et haec contra illum Nicomedem fiebant, qui a vobis erat Bithy-*

Non se, sed *niae rex constitutus. Unde non nostra magis, quam vestra, Romanos, Romani, haec censenda injuria est. Quorum ille nomen amicitiamque quanti faciat, ex aliis quoque gestis ejus promptum est intelligere. Populus Romanus Asiaticos nos reges in Europam transcendere vetuit. Sed hic Chersonnesi pleramque partem possidet. atqui Europae regio Chersonnesus est. Sed omittimus plura hostilis erga vos et contemptoris animi, quae protulit, indicia commemorare. Majora enim, et, nisi in tempore obviam itis, acerbiora sunt, quae exspectantur.*

Apparatum ejus respondent. XXXVII. Quorsum enim ingentes illi apparatus, tot priorae copiae, atque illa cum tot aliis regibus et populis foedera pertinent? quae et tranquille victuro supervacanea sunt, nec profecto contra Nicomedem providentur. Praeter domesticas vires, socios Thracum, socios Scytharum populos habet. Habet et Armeniae regem non amicitia modo, sed etiam adfinitate, conjunctum. In Syriam, in Aegyptum missitat, ut illorum quoque regum benevolentiam paret. Naves porro rectas quum habeat trecentas, alias insuper exaedificare non desinit. gubernatores atque praeferas, magnis propositis praemiis, ex Aegypto et Phoenicia sollicitat.

Caussam irarum expronunt. XXXVIII. Scilicet superbum animum Phrygia et Cappadocia amissae angunt: quod contra vim et astutiam Ponticam vestra recepistis, aliena, quibus debebantur, reddidistis. Ille primum dolor animum Mithridatis avertit a vobis, Romani: ille cum invidia metuque magnitudinem vestram intueri cogit inimicum hominem, et sub obtentu nostrarum inimiciarum occasionem contra vestrum imperium caprantem.

XXXIX. Quare neque dubitare possumus, vos, quemadmodum viros prudentes decet, factorum ipsius, quam verborum, majorem habituros rationem esse: ne aut ob fictum amicitiae nomen vestros optima fide amicos Mithridati prodatis; aut vestrum senatusque de hoc regno judicium a communi hoste sperni violarique feratis.

Cap. XXXVI. Memnon apud Phot. Appian. Strabo l. 7. p. 309. Appian.

XL. Post haec iterum admissus in consilium Pelopidas, Si quae veteres adversus Nicomedem querelae sunt, earum iudicium vobis, inquit, deferimus, Romani. Sed haec postrema, quae ipsi adspexistis, ditionem Mithridatis mihi, claudi mare, praedas ex agris agi; nulla disceptatione egent. Sed denuo vos rogamus, ut aut prohibeatis ejusmodi facta, aut passo indigna Mithridati optulemini; aut postremo non intercedatis suas injurias vindicaturum, neutris partibus immixti. Haec iterante Pelopida, licet jam ante Nicomedi auxilia polliciti erant, movebantur tamen Romani dictis et amicitiae nomine, cujus adhuc inviolata erant foedera: neque facile, quomodo responderent, inveniebant. tandem vafro perplexoque responso, neque Mithridatem a Nicomede vexari passuros, neque bello peti a Mithridate Nicomedem, dixerunt. Simul Pelopidas, arguere dictorum obscuritatem cupiens, e consilio dimissus est.

U. c. 664.
A. C. 88.
Legatus
Mithrida-
tis iterum
loquitur.

Romano-
rum vafro
responsum.

XLI. Haec ubi Mithridati audita sunt, se vero jam haud obscure laesum a Romanis esse testatus, Ariarathen, unum ex filiis, in Cappadociam mittit, quam ille antea quoque tenuerat. Atque is, victo Romanorum duce Maltino, (qui et Mancinus alibi scribitur) ejectoque Ariobarzane, quum igni ferroque pleraque vastavisset, haud magna mole regnum occupavit.

Mithrida-
tes Cappadociam oc-
cupat.

XLII. Tum remissus ad Romanos duces Pelopidas in hunc modum verba fecisse dicitur: Quem indigna rex Mithridates passus sit, Phrygia Cappadociaque spoliatus, id equidem, Romani, nuper audivistis. Quas deinde, vobis inspectantibus, injurias eidem Nicomedes intulit, eas, quum vindicare deberetis, negligere maluistis. denique societatis amicitiaeque implorantibus fidem ita respondistis, ut, tamquam laessemus alios, non ab aliis laesi essemus, non videri e publica vestra diceretis, Nicomedem et Bithynos violari. Idcirco ipsi causam prae buistis recentibus Cappadociae turbis. Vester ille neglectus, vestraeque in responsis ambages Mithridatem in haec consilia coegerunt. Jamque vos ad senatus vestri iudicium vocat, Romam legatos missurus de rebus omnibus.

Oratio le-
gati regii
ad Roma-
nos.

XLIII. Vos interea videritis, ne quid, inconsultis Patribus, temere moliamini. quantum consilari incendium belli pos-

Bellum
grave mi-
natur.

U. c. 664. sit, ex potentia Mithridatis aestimatu haud est difficile. Supra
A. C. 88. vices centena millia passuum paternae ditionis tenet: ipse magnam adjecit terrarum partem; Colchorum bellicosos populos, Graecorumque et barbarorum quotquot supra Pontum nationes incolunt.

Potentiam
regis deprae-
dicat.

XLIV. Jam Scythis, Tauricisque, et Bastarnis, et Thracibus, et omnibus, quae Tanain Istrumque fluvios et Maeotidem paludem circum gentes habitant, promptissimis ad imperia sua sociis utitur. Porro Tigranes Armenus gener illi, Parthorum rex Arsaces socius et amicus est. Navium quoque magnum possidet numerum: isque augetur quotidie: neque instruendis ornandisque ulla pars apparatusum deest. Sed ex Bithyni nuper de Syriacis Aegyptiisque regibus mentiti minime sunt, quos equidem, si bellandum sit, nostros fore non ambigo. sed et nuper possessam vobis Asiam, Graeciamque, et Africam, nobis accessuras reor: ipsiusque Italiae haud contemnendam partem, quando illa quoque, impotentiae vestrae et injuriarum pertaesa, bellum contra vos inexpiabile gerit.

Romano-
rum respon-
sum.

XLV. Atque illud bellum quum conficere nondum poteritis, irritatis Mithridatem, nunc Nicomedem ei, nunc Ariobarzanem immittendo: et, verbis amicitiam praefidentes, hostium opera facitis. Quapropter, si quid actorum poenitet, vel nunc punite vestros in amicos injurium Nicomedem: quod si feceritis, magna vobis auxilia contra Italicos a rege polliceor. Haec ratio si displicet, aut insidiosam istam amicitiam abrupte, aut Romam in jus eamus. Haec ubi dicta sunt a Pelopida, Romani, orationis insolentia commotiores, Mithridatem abstinere Nicomede et Cappadocia, jusserunt; hanc enim Ariobarzani se reddituros: Pelopidam continuo abire castris, neque reverti, nisi rex imperata fecisset. Discedenti custodiam addi placuit, ne quos obiter in via corrumpere.

Alia lega-
tio regis ad
senatum.

XLVI. Haud absimilis legatorum, quos deinde ad senatum Mithridates misit, oratio, Patrumque ad eam responsum fuit. Petentibus, siquidem amicus populi Romani Nicomedes esset, illum auctoritate sua ad satisfaciendum compellerent; sin vero, Mithridatem sibi consulere paterentur; neutrum concessum est: minaeque insuper additae, nisi Cappadociam Ariobarzani redderet, et omitteret Nicomedem. Eademque die coactos abire legatos nunciare regi suo jusserunt, ne quem deinde mitteret, donec mandatis senatus paruiisset.

Cap. XLVI. Eutrop. Oros, Dio apud Fulv. Ursin.

XLVII. Sic irritatis utrimque animis, qui per Asiam erant, Romani duces, non exspectato senatus-consulto populive jussu, ex Bithyniae Cappadociaeque et Paphlagoniae delectibus exercitum coëgerunt, additis etiam Gallograecorum auxiliis. Simul L. Cassii, qui Asiam obtinebat, convenire jussus est exercitus, copiaeque auxiliares omnes eundem in locum conductae.

U. e. 664.
A. C. 88.

*Romani
duces exer-
citum co-
gunt.*

XLVIII. Deinde partiti inter se vires. Cassius, ubi Bithyniae Gallograecia committitur, castris cepit locum. M. Aquilius, qua irrupturus in Bithyniam Mithridates credebatur, confedit. Cappadociae finibus Ap. Claudius praefidebat. Copiae his erant equitum peditumque quadragena circiter millia. Naves etiam aderant, quibus praefecti Minucius Rufus, C. Popillius angustias Ponti apud Byzantium observabant. Praeter haec Nicomedes suum habebat exercitum, quinquaginta peditum millia, sex equitum. Neque minus Mithridati virium erat, centum quinquaginta millia proprii militis, cum equitum millibus quadraginta: naves tectae trecentae, centum dicrota. deinde reliquus apparatus tantae expeditioni non impar.

*Vires u-
triusque
partis.*

XLIX. Praetoribus Neoptolemo maxime et fratre ejus Archelao utebatur, nobilissimis viris, et genus ad regem Argivorum Temenum, cujus inter posteros et Magnus Alexander fuit, referentibus. Sed ipse rex per se administrabat plurima. Auxilia ex minore Armenia Arcathias Mithridatis ipsius filius adduxerat, decem equitum millia. Dorylaus phalangem regebat. Craterus curribus falcatis praeerat, numero centum triginta. Hae tum ab utraque parte copiae erant, quum primum Romana arma Mithridaticis collisa sunt.

*Mithri-
datis du-
ces.*

L. Primum inter Nicomedem et duces Mithridatis (ipse enim aberat) proelium fuit apud flumen Amniam, ubi Nicomedes exercitum suum instruxit. At Pontici, quum in universum quadraginta peditum, decem equitum millia haberent, quia phalanx sequi non potuerat, praeter Arcathiae equitatum, quosdamque falcatorum curruum, tantummodo levem armaturam adduxerant. idcirco, ne a multitudine Bithynorum circumvenirentur, tumulum quemdam saxosum mediocri praefidio occuparunt. Animadversum a Bithynis consilium est: et ad recuperandum collem magnae copiae missae.

*Cum Ni-
comede con-
fligunt.*

Cap. XLVII. Appian. Cap. XLIX. Joseph. de Bello Judaïc. l. 17. Appian. Cap. L. Strabol. 12. p. 562. Memnon. Appian.

U. c. 664. LI. Igitur Neoptolemus, ubi deici suos videt,
 A. C. 88. salutem omnium in eo verti ratus, ut locus tene-
Nicomedes retur, celeriter ad opem ferendam advolat, Ar-
primo vin- cathia quoque in partem periculi accito. Hoc ubi Nicome-
cit. des conspexit, universum rapit agmen, et post acre cer-
 tamen, multo sanguine fuso, Mithridaticos in fugam agit;
 illustris victoriae futurus compos, nisi Archelaus cum
 suis mature persequentem fugientes a latere invalisset.

Deinde ab LII. Hujus virtutē et prudentia mirifice commu-
Archelaos su- tata pugnae fortuna est. Nam aversum in se Nicome-
peratus. dem, jamque concepta spe vincendi, et impatientia
 morae calidius instantem, servatis ordinibus sensim
 recedendo, tantisper tenuit, donec Neoptolemo reti-
 nendi suos aciemque redintegrandi spatium esset. Dein-
 de conversus in hostem quadrigas falcatas immisit, non
 sine clade Bithynorum. Ceterum major, quam pro
 damno, terror erat. Foeditas spectaculi magis, quam
 vis hostium, turbavit ordines: quum calidis adhuc
 vulneribus semineces viros, divisa corpora, truncos
 artus in multo sanguine volutari, aliorum membra
 hastis aut falcibus curruum rotari cernerent. Perter-
 ritis Archelaus a fronte, Neoptolemus et Archathias, re-
 collectis, qui fugerant, a tergo incubuere. Diu tamen
 utrisque resistere Bithyni, donec, plerisque cadentibus,
 Nicomedes, solutis ordinibus, abiit. Fugientem in Pa-
 phlagoniam sequuti sunt, qui potuerunt: ceteros proe-
 lium confecit, aut in potestatem victoris tradidit capti-
 vitas. castra quoque cum pecunia Nicomedis capta sunt.

LIII. Haec pugna Romanos etiam duces haud me-
 diocriter commovit: quod per expeditos tantum et
 equites, quum gravis armaturae robur abesset, rem
 tantam confectam esse, nulla locorum opportunitate,
 nullo hostium errore adjuvante Ponticos, ne numero
 quidem aequo, sed consilio ducum et virtute militum,
 cernebant. Captivos ad se adductos Mithridates co-
 miter affatus, viatico dato, dimisit domum, ut inter
 initia rerum utilem clementiae famam acquireret. Circa
 eadem tempora Thraces, qui non sine dolo Mithri-
 datis Macedoniam populabantur, magnam iis locis ex
 vastitate famem et frumenti caritatem effecerunt; do-
 nec, a praetore Macedoniae C. Sentio superati, cum
 rege suo Sothimo ad patrias sedes reverterunt.

Cap. LII. Curtius, 4. 15. Appian. Cap. LIII. Diod. apud Val.
 Liv. Epit. Cic. in Verr. 3. 93. Plut. Sull. c. 22. Oros. 5. 18.

E P I T O M E

LIBRI SEPTUAGESIMI SEPTIMI.

Quum P. Sulpicius tribunus plebis, auctore C. Mario, perniciosas leges promulgasset, ut exsules revocarentur, et novi cives libertinique distribuerentur in tribus, et ut Marius adversus Mithridatem Ponti regem dux crearetur, et adversantibus consulibus Q. Pompejo et L. Sullae vim intulisset, occiso Q. Pompejo consulis filio, genero Sullae; L. Sulla consul cum exercitu in urbem venit, et adversus fa-

Ut consules revocarentur] De hac re est in Auctore ad Herenn. 2, 28. Exsules hi erant, qui lege Varia, ut quaereretur, quorum dolo malo socii ad arma ire coacti essent, damnati fuerant, e quibus Bestiam, Cottam, et Mummium memorat Appian. 1. Civil. 373. V. Pighium ad A. V. 1361XII. DUK.

Et novi cives libertinique distribuerentur in tribus] V. Sigon. 2. de Ant. Jur. Civ. Rom. 14. et Spanhem. in Orbe Rom. Exerc. 1. cap. 10. DUK. Copulam et omittit Boend. Voces autem *in tribus* non adparent in Leid. Voss. Berg. Lov. 2. Boend. et ed. Camp. librariorum inertia. *ἐς τὰς φύλας ἀνάσας διαρρίσσειν* dixit App. 1. B. Civ. 383. Mox *et ut consul Marius* Leid. Voss. Berg. Lov. 2. et edd. Camp. Rom. anni 1472. ac Parm. *et ut cons. Marius* Boend. Forte scri-

ptum fuerat *et ut C. Marius*. Certe mox hac Epit. pro *inter quos C. Marius*, alii *consul Marius*, alii *cons. Marius* dederunt, alii praenomen omiserunt. Insuper *adversum Mithridatem* Leid. Sed v. ad Epit. 47.

Occisoque Pompeji consulis filio] Sensus docet, legendum esse: *occiso Q. Pompejo consulis filio*. Paulo ante enim patris consulis meminit. SIG. *occisoque Q. Pompei consulis*, vel *cons. filia* Leid. Voss. Berg. et Boend. *occisoque Pompejo consulis filio* Norv. *occiso Q. Pompejo consulis filio* Exc. Pithoei, et Lov. 2. Lectio haec non displicet; nescio tamen, cur Sigonius dicat, sensum docere, ita legendum esse. Certe *Q. Pompeji consulis filium* vocat Vellej. 2, 18. Πουπηίου τὸν υἱὸν Appian. 1. Civ. 384 Ceterum, alibi saepe praenomen Q. et co-

ctionem Sulpicii et Marii in ipsa urbe pugnavit, eamque expulit. ex qua duodecim a senatu hostes, inter quos C. Marius pater et filius, judicati sunt. P. Sulpicius, quum in quadam villa lateret, indicio servi sui retractus et occisus est. servus, ut praemium promissum indicii haberet, manumissus, et ob scelus proditi domini de saxo dejectus est. C. Marius filius in Africam traje-

pulam que, vel q; a librariis confundi, vidimus ad 22, 31, 7.

Ex quo duodecim a senatu hostes] ex qua legendum est. ad vocem enim factionem pertinet. SIG. Similiter Voff. Leid. Berg. Lov. 2. Boend. Exc. Pithoei, et ed. Camp. At contra paullo ante eumque expulit, pro eamque, perperam Voff. Berg. Boend. et edd. Camp.

Inter quos C. Marius pater et filius] Solebant hoc dicere inter quos C. Marii pater et filius. J. FR. GRON. V. tamen ad Epit. 80. Ceterum inter quos consul Marius Berg. inter quos cons. Marius Lov. 2. Boend. et edd. Rom. anni 1472. ac Parm. inter quos Marius Voff. et ed. Camp. V. supra h. Epit.

Ut praemium promissi indicii haberet] Vet. lib. praemium pramissum. SIG. Sigonius e vet. promissum. Lege ut praemium promissum indicii. J. FR. GRONOV. ut promissi praemium haberet indicii Boend. ut promissi praemium indicii haberet ed. Camp. ut praemium promissi indicium haberet Voff. ut praemium promissi indicii haberet Exc. Pithoei, et Norv. ut praemium promissum indicii haberet Berg. et Lov. 2. ut praemium indicii haberet Leid. Praemium promissum fuisse, aliunde non constat. V. Vell. 2, 19. Appian. 1. B. Civ. 386. Plut. in Sulla pag. 457. Oros. 5,

19. aliosque, quos laudat Freinsh. in Supplemento hujus lib. 28. Potest igitur vox promissum fide cod. Leid. omitti: quae si servanda est, indicii, pro indicii, cum Gronovio praeferam.

Manumissus est, et ob scelus proditi domini] Deleto est, ut sit: manumissus, et ob scelus proditi domini de saxo dejectus est. Sic Gudiani ambo. J. FR. GRON. Similiter Leid. Berg. Lov. 2. et Exc. Pithoei. Tum domini proditi Boend. et edd. ante Gruterum, qui vocabulorum ordinem mutavit, consentientibus Leid. Voff. Berg. et Lov. 2. Mox in Asiam trajecit perperam Leid. Marium enim filium in Africam fugisse, narrant etiam App. Alex. 1. Civ. 388. et Plutarch. in Mar. 426. Id etiam indicat Oros. eum Uticae in custodia observatum fuisse narrans, lib. 5, 19.

Missus ad occidendum eum servus, natione Gallus] Ita Gronov. anno 1665. edidit, adsentientibus Berg. Lov. 2. Boend. et ed. Camp. Reliqui typis descripti ante Gronov. cum codd. Leid. Voff. Exc. Pith. et Norv. habent ad occidendum eum missus servus. Hunc servum similiter Γαλότην ἄνδρα vocat App. Al. 1. Civ. 387. Gallum Aur. Viet. de Vir. Illustr. 67. alii Cimbrum, adeoque Germanum. V. Vell. Patern. 2, 19. et Val. Max. 2, 10, 10. et quae viri

cit. *C. Marius pater, quum in paludibus Minturnensium lateret, extractus est ab oppidanis: et, quum missus ad occidendum eum servus, natione Gallus, majestate tanti viri perterritus recessisset, inpositus publice in navim delatus est in Africam. L. Sulla civitatis statum ordinavit: exinde colonias deduxit. Q. Pompejus consul, ad accipiendum a Cn. Pompejo*

docti ibi notarunt. Dissensum historicorum in hac re adnotavit Plutarch. Mario pag. 428.

Inpositus publicae navi delatus est in Africam] publice in navi Norv. et edd. vetustissimae. Ejus loco *publice in navim* dederunt Moguntini alique, usque ad Gruterum, *publicae naviei* substituentem; quae deinde lectio per recentiores propagata est. Sed *publice navi* est in Berg. Lov. 2. Boend. et ed. Camp. *publice in navim* in Exc. Pithoei, quod reduxi. Constat enim ex Plut. in Mario pag. 423. non navi publica, sed navi, quam Belaeus quidam praebuit, Marium aufugisse in Africam. eam autem navem inpositus est *publice*, id est, publica Minturnensium auctoritate. V. ad Liv. 4. 13, 8. De locutione *inponere in navim* vide ad Liv. 26, 51, 2.

Exinde colonias deduxit] Sullam post victoriam belli civilis multas colonias militares veteranorum, quorum opera usus fuerat, deduxisse, testantur scriptores veteres. Sigonio 3. de Antiq. Jur. Ital. 4. auctoritas hujus Epitomes sufficit, ut scriberet, eum etiam in primo consulatu, Mario et aliis, qui ejusdem factionis erant, urbe pulsis, colonias deduxisse. Mihi amplius quaerendum videtur. Primum quia nullius veteris scriptoris testimonium de ea re a

Sigonio prolatum est. deinde, quia non probabile est, Sullam, in Graeciam ad bellum Mithridaticum properantem, cogitationem de re, quae brevi spatium temporis transigi non poterat, suscipere voluisse. Postremo quia vix credi potest, quum bellum sociale, quod Sulla consule jam tertium annum gerebatur, tantam multitudinem juventutis Romanae absumsisset, ut deficientibus ingenuis, libertinos in militiam legi necesse esset, quod Epit. 74. scriptum est, tamen superfuisse, qui ab ab urbe in colonias mitti potuerint. DUK. exin Leid. V. ad 27, 5, 6. De ea voce v. ad 41, 27, 3.

Ad capiendum a Cn. Pompejo proconsule exercitum] Vet. lib. *ad accipiendum*. SIG. Similiter Voss. Leid. Berg. Lov. 2. et Exc. Pithoei. Prima syllaba vocis *accipiendum* intercepta fuisse videtur a vocula praecedenti *ad*. Praeterea *proconsule* deest in Voss. Boend. et ed. Camp. Mox *rex Ponti*, transpositis vocabulis, Boend. et ed. Camp. Sed vulgatum ordinem etiam supra hac Epit. observat.

Et pulso Aquillio legato] Sic quoque Epitome sequenti. Ciceroni pro L. Manil. cap. 5. est *legatus populi Romani consularis*: ubi Hotomanus, et hic Hearnus adnotant, eum ab Appiano *Attilium* appellari. Ne-

proconsule exercitum profectus, consilio ejus occisus est. Mithridates, Ponti rex, Bithynia et Cappadocia occupatis, et pulso Aquillio legato, Phrygiam, provinciam populi Romani, cum ingenti exercitu intravit.

scio, quas editiones Appiani secuti fuerint: nam in aliis est *Ἀκύλιος*. Plinius 33. H. Nat. 3. et Appian. in Mithrid. pag. 148. eum auro liquefacto in os infuso a Mithridate necatum tradunt. Vellejus 2, 18. auctor est, eum Mithridati, post edictum illius per Asiam de occidendis Italicis, a Mithylenaeis vinctum traditum fuisse. In Diodori Sic. Excerpt. Peiresc. pag. 401. scriptum est, eodem tempore Aquilium adolescentem, qui cum aliis Mitylenas confugerat, a Mitylenaeis vinctum, ut Mithridati dederetur, sibi mortem conscivisse. Quod in hac narratione tempus, locus, et auctores hujus facinoris eadem sunt, quae apud Vellejum, suspicionem aliquam erroris Diodori

injicere potest. Sed tamen fieri potuit, ut eodem tempore duo Aquillii Mitylenas venerint: etsi non satis apparet, quomodo, qui vinctus erat, sibi manus inferre potuerit. DUK. *expulso Aquilio* Lov. 2. De hoc errore vide ad 38, 49, 4. de orthographia vocis *Aquillius* ad 2, 4, 1. Paulo ante *occupata*, pro *occupatis*, Berg. sed eam vocem integram ignorat Lov. 2. qui etiam in seq. omittit praepositionem *cum*. Eam abesse posse, docent, quae notantur ad Livii, 1, 16, 7. et alibi. Invitis tamen reliquis codd. non videtur expungenda esse. Vell. Pat. 2, 39. *Gallias intratas cum exercitu saepe et adfectavimus, et amisimus.*

JOHANNIS FREINSHEMII

SUPPLEMENTORUM LIVIANORUM LIBER XLII.

IN LOCUM LIBRI LXXVII. T. LIVII.

I. L. Sulla, Q. Pompejo consulibus, provinciarum U. c. [664.
ea ratio quum esset inita, ut Sulla, qui tum adhac A. C. 88.
Romae erat, simul per res Italicas posset, Asiam et
Mithridaticum bellum cum exercitu, quem hactenus
duxerat, provinciam haberet: P. Sulpicius tribunus *P. Sulpi-*
plebis, perniciosis legibus ferendis, priusquam vetus *cus tribu-*
illud consopitum incendium esset, etiam foedius aliud *nus ple-*
atque horribilius, auctore Mario, conflagavit. Quippe *bis.*
C. Marius, (ut est insatiabile honorum et potentiae
humanum ingenium, quoties, ratione contempta, cu-
piditatum imperio regitur) post amplissimos triumphos
et consulatum sexies gestum, miserum se putabat, si
in tanta populi Romani fortuna quidquam ad laudem
eximium cuiquam alteri relinqueretur. Atqui jam et
bellis et bellorum praemiis vigorem annosque con-
sumpserat; gravis corpore, etiam nuper imperio ob
senectutis incommoda abdicato.

II. Igitur, dum conficiendis socialis belli reliquiis *Ademptam*
Sulla consul in Campania distinetur, C. Marius Asiati- *Sulla pro-*
cae laureae desiderio P. Sulpicium Rufum impellit, *vinciam Ma-*
ut ademptam Sullae provinciam sibi decernat. Erat *rio decernit.*
alioqui in magna invidia consul, quod, uxore Coelia
per causam sterilitatis dimissa, Caeciliam duxerat,
Q. Metelli pontificis maximi filiam. id multi nobilium
aegre ferebant, et populus indignabatur. tanta erat
ejus feminae aestimatio, ut hujus matrimonio judica-
rent indignum, quem dignissimum consulatu judica-
verant. Hac animorum inclinatione Marius cum Sul-
picio uti cupiebant, infaultis ominibus, et ad graviora

Cap. I. Vell. 2. 18. Appian. Civil. 1. 1. Joann. Antioch.
apud Vales. Liv. Epit. Plut. Mar. et Sulla. Diod. apud Val.
Plut. Cap. II. Entrop. Vell. Joann. Antioch. Plut. Sull. c.

13. Oros. 5. 19. Appian. Plut.

U. c. 664. reipublicae mala perventuris, quam umquam antea
A. C. 88. sustinuiſſet.

Prodigia. III. Idque ſignificatum multis prodigiis putant.
Flamma ex haſtilibus ſignorum quum emicuiſſet, vix
reſtingui potuit. Corvi tres pullos, in conſpectum
hominum allatos, devoraverunt, et reliquias repor-
tarunt in nidum. Mures in templo quodam ſacrum
aurum roſerunt: e quibus quum feminam unam
aeditui cepiſſent, in muſcipula quinque muſculos
enixa, tres eorum devoravit.

*Sereno coe-
lo tubae vox
audita.* IV. Sed nihil fuit horribilius, quam quod ſereno
coelo tubae vox inſonuit, lugubre et valde acutum
canens, ut homines ad vehementiam ſonori clangoris
cohorreſcerent. Ex his Tuſci haruſpices *mutationem
rerum inſtare* praedicabant. Dumque his rebus operam
dat ſenatus in aede Bellonae, paſſer in conſpectu om-
nium cicadam ore correptam intulit: ejusque parte
abjecta et in fano relictā, cum altera parte avolavit.
Id portendere ſeceſſionem agreſtium urbanorumque, reſpon-
derunt haruſpices: *quorum alteri cicadae in morem ſtre-
perent vocibus, alteri ſimiliter atque illi ruri exigerent vitam.*

*Sulpicii
importuni-
tas.* V. Nihil horum Sulpiciū a coeptis remorabatur,
mira pravitate hominem: ut improbitate non modo
ſuperaret ceteros, ſed ſecum ipſe certare videretur.
Crudelitatem enim maximam pari audacia avaritiaque
miſcuerat: neque tantum erat ullum flagitium, cujus
vel turpitudine abſiſteret a patriando, vel poenitentia
poſt factum duceretur.

*Civitatem
libertinis
vendit.* VI. Quid multa? civitatem Romanam propalam
vendebat libertinis et inquilinis; et menſa in foro
poſita, pretium numerabat. Tria circa ſe habebat
hominum millia cum enſibus, et ad omnia paratam e-
queſtrium juvenum multitudinem. ſexcenti erant de-
lecti, quos *Antiſenatum* vocare conſueverat. Saturnini,
ſeditioſiſſimi hominis, omnia laudare ſolitus, cuncta-
tionem in praecipiti homine, et timiditatem in furi-
bundo reprehendebat. Idem quum tuliſſet legem, *ne
quis ſenator amplius octo millia nummūm aeris alieni contra-
beret*, ipſe moriens debuit centies vices.

*Ingenio et
facundia ma-
lo utitur.* VII. Talis vir, a Mario immiſſus in rempublicam,
vi ferroque deſtinata perficere conatus eſt, quum in-

Cap. IV. Suidas in *Μύλλας* Plut. Cap. V. Joann. Antioch. Plut.
Sull. c. 15. Cap. VI. Plut. Mar. c. 57. Plut. Sull.

genium etiam facundiamque a bonis initiis et rectissima voluntate ad ancipitia et prava transtulisset. Praecipuae Sulpicii actiones erant, *ut exsules, quibus causam dicere non licuisset, revocarentur; novi cives libertinique distribuerentur in quinque et triginta veteres tribus; et cujus gratia cetera fiebant, C. Mario Mithridaticum bellum decerneretur.*

U. c. 664.

A. C. 88.

*Exsules
reduci po-
stulat.*

VIII. Sed, exsules ne reducerentur, ipse nuper intercesserat: jam immutata voluntate, verba cavillando eandem legem referebat, *non exsules a se reduci, sed vi ejectos*, dictitando. quasi non iidem essent, utro nomine appellarentur: aut quasi de vocibus, non de rebus, controversia in republica esset. Libertinos autem, et qui modo de lociis facti cives fuerant, ideo distribui in veteres tribus volebat, ut plus in suffragiis illorum roboris esset. quippe homines callidi, si hos, numero veteribus civibus facile superiores, jure aequassent, nihil fore existimabant, quod illorum opera non adsequerentur: et, quo minore negotio rem perficerent, de bello Mithridatico interea silentium agebant.

IX. Ne sic tamen tenere propositum potuerunt. quum ei rogationi veteres cives prae fractis animis resisterent, resque interdum ad fustes et saxa pervenisset, L. Sulla ad opem reipublicae ferendam, ab Italici belli conficiendis reliquiis, alieno tempore avulsus est. Vehementer enim accisae sociorum vires erant. Lamponius tantum et Cleptius cum parte Lucanorum erant in armis: Samnitesque et Sabelli Nolam et vicina Nolae retinebant. Igitur Sulla profectus jam ad exercitum, qui Nolam obsidebat, fuerat: receptisque plerisque circa praefidiis, haud procul fine belli aberat.

*Sulla ab
Italico bello
abstractus.*

X. Sed, urbano tumultu excitatus, accurrit Romam, ut collegam tribunitiis furoribus repugnantem adjuvaret. Consilio tamen magis, quam viribus, grassari placuit: ne patriae incumbentem pestem, si arma corripuissent, alia peste viderentur repellere. Igitur, iustitio in dies aliquammultos indicto, hoc agebant, ut comitia differendo legis impediendae idoneam aliquam occasionem tempus suggereret.

*Romam
accurrit.*

Cap. VII. Vell. 2. 18. Ascon. in Corn. Liv. Epit. Cap. VIII. Rhetor. ad Herenn. 2. 28. Appian. Cap. IX. Joann. Antioch. Diodor. l. 37. Vell. 2. 17. Diod. Cap. X. Plut. Sull. c. 16. Appian.

U. c. 664. XI. At Sulpicius, iustitio valere iusso, suos in fo-
 A. C. 88. rum educit, admonitos, ut *pugiones sub vestibus secum*
Seditio in- *ferrent: iisque, adversus quoscumque opus esset, ne consuli-*
gens. *bis quidem exceptis, uterentur.* Sic instructus ad aedem
 Castorum pergit, ubi forte concionem consules habe-
 bant. ibi ferias ut parum rite edictas, arguere orsus,
 postremo tolli eas a consulibus jubet, comitiisque le-
 gum tempus atque locum dari. Tum vero, consuli-
 bus adversantibus, in nervum erupit furor: strictis-
 que mucronibus vis intentatur. cadit inter alios Pom-
 pejus adolescens, consulis filius, idemque alterius
 consulis gener. pater Pompejus clam elabitur. Sulla,
 qui in domum Marii confugerat, sive, ut ipse in Com-
 mentariis prodidit, cinctus inimicorum gladiis con-
 sultandi causa secesserat, quum inde rediisset in fo-
 rum, iustitium ex voluntate Sulpicii solvit. Ideo Sul-
 picius reliquit magistratum Sullae, quum eundem Q.
 Pompejo abrogaret.

Mario Mi- XII. Ita dimissus ad exercitum Sulla quum Capuam
thridaticum venisset, unde, rebus omnibus ordinatis, ad bellum
bellum de- Asiaticum pergere statuerat, P. Sulpicius legem, cu-
cernitur. jus ergo turbae istae excitatae omnes fuerant, per-
 fert: *Cajumque Marium pro Sulla Mithridatici belli impe-*
ratorem esse jubet. Mittitur e vestigio Gratidius, pro-
 pinquus et legatus Marii, cum alio tribuno militum,
 qui Nolanum exercitum ad Marium perducant. At
 Sulla, cognitis, quae in urbe fierent, jam ad legio-
 nes venerat prior, vocatasque in concionem ita erat
 alloquutus.

Sullae ora- XIII. Quae per hosce dies in urbe gesta sunt, milites,
atio ad mili- ea varie ad vos perlata esse existimo, ut ferme solent, quae
tes. incertis auctoribus, aut vago rumore differuntur. Quo magis
 ad vos properandum esse censui, ut in communibus injuriis
 mutui adspectus solatio uteremur; et vos, quid mihi sit in prae-
 sentibus consilii, ego, quid vobis voluntatis, cognosceremus.
 Nam siquidem populi Romani consulem, imperatorem vestrum,
 una cum concordia collega in ordinem, violari minis, terreri
 caede carissimorum oportuit: causam non dico, quin adversa-
 rii nostri cupitis fruantur. Sin vero paucorum importunitate
 victum consulare imperium, caedem clarissimi juvenis, consu-
 lis

Cap. XI. Liv. Epit. Vell. Appian. Plut. Mar. c. 57. Plut. Sull.
 Cap. XII. Appian. Diod. apud Val. Oros. Val. Max. 9. 7. Plut.
 Mar. c. 58. Appian.

his alterius fugam, alterius periculum, dominantes in urbe nostra, quos priore anno in adversa acie stantes ferro ac virtute vicimus, vos juxta mecum intoleranda judicatis: quid fieri in rem nostram publicamque sit, consideremus.

U. c. 664.
A. C. 88.

XIV. Sed mature decreto opus est, donec consultare committere et agere, quae volumus, licet. Si enim nescitis, mihi bellum Mithridaticum, vobis ego imperator eripior. C. Mario tradimini, nisi tamen vos ille fastidiat, et alterum exercitum nupero commilitio notiolem malit. Atqui provinciam illam, et has legiones senatus mihi dederat: et ego jam ad trajiciendum omnia paraveram, laetus et festinans, non ut mihi tantum gloriam triumphumque ex veris hostibus quaerem, sed etiam ut vobis aliquando referrem gratiam; vosque, ut exultat me duce pro republica laboribus, Asiaticarum opum larga et facili copia ditarem, quo reliquam deinceps aetatem in otio locuplete et honorato degeretis. Sed haec et alia nobis ereptum eunt injustissimi mortales. quod si vobis volentibus est, doleo et quiesco: si, quod jure datum est, per injuriam auferri non sinitis, non me subtraham vobis ducem. ad capeffenda jussa prompti paratique este.

Mature
vult consti-
tium capi.

XV. Ad haec verba, quamquam nihil apertius de proposito suo dicere erat ausus, succlamatum a militibus est, facile, quid vellet, interpretantibus, bono esset animo, et recta duceret ad urbem. Nec enim imperatoris tantummodo vicem dolebant, sed de sua quoque erant solliciti, ne forte Marius ad bellum, ut rebantur, facile et quaestuosum alio potius exercitu uteretur. Igitur tribunos a Mario praemissos lapidibus cooperiunt: signisque correptis properant Romanam.

Milites
ad urbem
jubent ducere.

Tribunos
a Mario
praemis-
sos lapi-
dibus ob-
ruunt.

XVI. Ibi quoque populus inquietus et discors agebat, aliis unicum ducem Marium efferentibus in coelum; aliis ad curandum corpus, senio et morbis confectum, Bajae faceffere jubentibus. Nam in Misenensi villam C. Marius posuerat: quam postea L. Lucullus centies sestertio emit. Sed Marius, ut se vegetum paremque militiae muniis ostenderet, quotidie in Campo inter juvenes exercebatur: miserantibus multis, qui perspiciebant, quam inane ob praemium vir, ab ima sorte ad summam proventus, post septuagesimum aetatis annum, inhabile propter

Cap. XV. Plut. Sull. et Mar. Val. Max. Cap. XVI. Jo-
ann. Ant. Plut. Mar. Plin. 18. 6. Plut. Vell. Plut.

Supplem. Liv. Tom. XIII.

D

U. c. 664. *carnium molem corpus (nam in senecta obesus evaserat) et fracta laboribus membra fatigaret. Sed magis ridicula erat, quam cupiditatibus suis obtendebat, caussa: quum, ideo se concupivisse imperium, diceret, ut filium adolescentem artes belli ipse praejens edoceret.*
 A. C. 88.

*Marius
contra Sullae
occidit
amicos.*

XVII. Inter haec, quum occisos, quos ad exercitum miserat, tribunos, Sullamque cum sex legionibus venire ad urbem comperisset, ipse vicissim quosdam amicorum Sullae occidit, bonaque caesorum diripuit. Itaque miserabilis Romani populi conditio erat, cujus principes, nusquam certa spe salutis, aut ulla concordiae fide, alii ex urbe in castra, alii ex castris in urbem confugiebant. Nam, excepto quaestore uno, ceteri tribuni praefectique, signa patriae inferenda abominati, Romam se receperant. Contra ab iis, qui vim Marii Sulpiciiue insolentiam metuebant, in castra Sullae, tamquam ad asylum, concurrebatur.

Senatus legatio ad Sullam.

XVIII. In urbe senatus suae potestatis non erat, sed ad nutum tyrannorum circumagebatur. His volentibus, ex magistratibus ejus anni duos ad L. Sullam misit, Brutum et Servilium praetores. Ii, quum ad exercitum venissent, paullo animosius loquuti, in extremum discrimen inciderunt: ut, confractis fascibus, praetextisque dereptis, vix et aegre corpus incolume referrent in urbem, ipso adpectu, quorsum jam seditionis furor evasisset, ostensuri. Marius, quantum in tali trepidatione potest, ad defensionem se comparat. Sulla, triginta peditum, quinque equitum millia adducens, ad urbem intendit cursum: praeter alia, quibus incitabatur, per somnium quoque stimulantibus geniis.

Sullae somnium.

XIX. Nam, quae Cappadocum instituto Romae colebatur Dea, (Lunam, an Minervam, an vero Bellonam interpretarentur, ipsi quoque dubitabant) eam adfistere sibi per quietem vidit Sulla, fulmenque porrigere, recitatisque inimicorum ejus nominibus, ad singula praecepisse, feriret; atque illos, tamquam ad ictum concidentes, evanescere. Id visum collegae narravit; qui, cum laude et gratulationibus occurrens, ad omnia operam suam promiserat. Interea

Cap. XVII. Appian. Plut. Sull. Appian. Plut. Cap. XVIII. Plut. Mar. c. 58. Plut. Sull. c. 17. Cap. XIX. Appian. Plut. Appian.

secundi, deinde tertii ab urbe legati venerant, quibus causam consilii tam praecipitis requirentibus, idem responsum omnibus datum: *ad liberandam tyrannide patriam iri. postremo tamen adjecit, si senatus cum Mario et Sulpicio descendere in campum Martium velit, nihil se, nisi de communi sententia, acturum esse.* U. c. 663. A. C. 89.

XX. Sed Marius Sulpiciusque, neque fidei se inimici credere ausi, neque satis parati ad resistendum, novam senatus nomine legationem mittunt; cujus haec mandata fuere: Neminem magis, quam ipsos consules, scire, quanto opere semper senatus laborasset, uti amborum, et praecipue L. Sullae, pro praestantissimis in rempublicam meritis, quam amplissima dignitas foret. Ceterum eam esse conditionem Romae, ut saepe contra voluntatem senatus populi jussa valeant: praesertim ubi propter metum majoris mali prudentissimus quisque concedendum temeritati multitudinis putet. Id adeo nuper etiam accidisse, iis ferendis legibus, a quibus haud minus reliqui Patres, quam consules ipsi, abhorreant. *Allorum legatorum oratio.*

XXI. Verum enimvero in libero populo multa ferenda esse potentioribus, donec arte et occasione corrigantur. Ita Gracchorum olim, ista postea Saturnini rogationes, quae, ferventibus populi studiis, nulla vi potuissent impediri, tempore capto citra tumultum abolitas esse. Idem nunc quoque fieri posse de iis, quorum iniquitate se laesum consul Sulla conqueratur. *Culpam in plebem conferunt.*

XXII. Nihil antiquius esse senatui, quam ut, inter claros et potentes viros quae inciderint, controversiae citra publici status periculum ex aequo et bono componantur. Eundem animum et C. Martium, et P. Sulpicium prae se ferre. nec dubitari, quin par maneat et consulibus in communem patriam pietas. Nihil opus esse armis, ubi civili modestia transigi melius possit: nec adhuc admissum tam inexpiabile quidquam, ut ad extremae desperationis auxilia veniri oporteat. Tempore tantummodo et modica patientia rem indigere. Igitur hoc unum deprecari Patres, ne per praecipitem iracundiam omnis concordiae spes abiciatur. Omnia conventura, modo bene dent consules senatui veniam, ut ne propius quinque millia passuum ab urbe castra metentur: donec Patres conscripsi consultare amplius de praesentibus possint. *Rem componi posse dicunt.*

XXIII. Ad Pictas haec agebantur. id tabernis non erat, ad quintum decimum ab urbe lapidem via Lavicana sitis. Ibi responsum a Sulla legati abstule- *Sullae fallax responsum.*

Cap. XXIII. Plut. Sull. c. 18.

D 2

U. c. 664. runt, *in loco castra positurum*: idque, ipsis audientibus, A. C. 88. more militiae statim imperatum est. At haec simulatio consulum erat. nam ipsi, consilio intellecto inimicorum, dum legati, velut impetrato, quod volebant, laeti redeunt Romam, L. Basilo, C. Mummio praemissis, citato agmine sequuntur. Sulla Esquilinam portam cum vicina parte occupandam cum legione una sumpserat: Collinam cum alia legione Pompejus: ad Sublicium pontem tertia, quarta pro muris ad subsidium stare iussa est: duae hostili fremitu animoque in urbem irruerunt.

*Pugnatur
in urbe.*

XXIV. Ibi quum juxta collem Esquilinum Marius Sulpiciusque cum tumultuaria manu occurrissent, miserimum facinus factum est, ut in ipsa urbe, non per seditionem et correptis temere telis, sed aperto Marte signis canentibus in justae pugnae faciem, tum primum post Romam conditam inter cives concurretur. In hoc proelio quum Sullanos non oppositus modo hostis, sed desuper e tectis jaculantes patres-familias urgerent, consul ipse, correpto signo, in primam aciem procurrit, fugamque militis religione signorum et praesentia ducis cohibet. simul ad omnia respiciens, vocari ex subsidiis legionem, et interea delectos ex praesentibus circumire Suburrana via, et a tergo includere hostes jubet. ipse, correpta face, contra eos, qui de tectis saxa atque tegulas jaciebant, subdi aedificiis ignem imperat, sagittariosque tela ignita immittere. Ita detrusus ad aedem Telluris Marius plebem ex domibus, itemque servitia ad pileum vocat. Sed potentior promissis metus fuit. tres tantummodo repertos ajunt, qui conditionem acciperent.

Sulla vincit.

XXV. Sulla, per Sacram viam in Capitolium pergens, quo se Marius cum suis receperat, quum milites quosdam suos obviam diripere vidisset, eundem delicti suppliciique locum esse voluit, coram statim in conspectu omnium punitis. ab eadem modestia, dejectis a Capitolio cum caede multorum inimicis, custodias per omnes regiones urbis posuit; totaque nocte cum collega pervigil obivit omnia, ne quid a victoribus per insolentiam in urbanos committeretur.

Cap. XXIII. Cluver. Ital. Ant. 3. 4. Appian. Plut. Liv. Epit. Cap. XXIV. Appian. Joann. Antioch. Eutrop. Plut. Appian. Flor. Plut. Val. Max. 8. 6. Plut. Mar. c. 58. Cap. XXV. Oros. 5. 19. Flor. Appian.

XXVI. Orta demum luce, vocato in concionem populo, tempora reipublicae deplorant, tribunitio vento ad talia praecipitia compulsae. hac necessitate coactos ad consilia necessaria magis, quam optanda, descendisse. Revocandum itaque majorum morem, quo obtinente nihil tale accidisset; neque de re qualibet postea ad populum ferri oportere, nisi de ea deliberatum ante in senatu foret. Centuriata quoque comitia ex lege Servii regis, non, ut postea adfutissent, tributa haberi, consultius esse. Non aliis rationibus reducta civium concordiam, et publicae rei tranquillitatem posse, quam si a temeritate populari ad maturitatem Patrum consilia, et ab egenissimi cuiusque audacia ad circumspersionem locupletium suffragia revocarentur. Tantum ferme cuique fidei amorisque in rempublicam, quantum in privata spei atque opum esse.

U. c. 664.
A. C. 88.
Populi potestatem minuit.

XXVII. Sic tribunorum plebis vehementer accisa potestate, quibus imaginem nomenque tantum sine vi reliquerunt: quum etiam ob paucitatem senatorum contempti amplissimum ordinem animadverterent consules, tributis comitiis (ut aliquid dare populo viderentur) ex equestri ordine honestissimum quemque adlegerunt, numero trecentos.

Senatus adlectis equitibus replet.

XXVIII. Viri deinde duodecim a senatu hostes iudicati, Sulpicius imprimis et duo Marii: deinde P. Cethegus, Junius Brutus, Cn. et Q. Granii, P. Albinovanus, M. Lectorius, Q. Rubrius Varro, et praeterea duo alii senatores, quod, seditione concitata, consulibus populi Romani arma opposuissent, servosque vocassent ad pileum. Aqua igitur et igni his interdictum: adjecto, a quocumque impune occidi, aut ad consules adduci posse. Bona quoque eorum publicata: et perquisitores missi, qui caperent profugos, aut occiderent. P. Sulpicius, quum in Laurentinis paludibus, villae cujusdam latebris occultaretur, indicio servi sui retractus et ab equitibus oppressus est. Caput occisi relatum Romam, et pro Rostris propositum. servus, qui secundum edictum consulum libertatem, indicii praemium, ferre debebat, manumissus, statimque cum insignibus novae libertatis ob scelus proditi heri de saxo praecipitatus est. In alios quoque viros claros, qui reperiri potuerunt, velut jure saevitum.

P. Sulpicius occiditur.

Cap. XXVII. Vell. 2. 30. Appian. Cap. XXVIII. Liv. Epit. Vell. 2. 19. Flor. Appian. Cic. Bruto, c. 45. Appian. Diod. apud Val. Appian. Cic. de Or. 3. 3. Joann. Antioch. Vell. Liv. Epit. Oros. Flor. Val. Max. 6. 5. 7.

U. c. 664. XXIX. At Marius, post fugam ex urbe desertus a
 A. C. 88. turba, per tenebras in praedium quoddam, quod habebat in Solonio, qui campus est agri Lanuvini, se conjecit. Unde quum filium ex vicinis agris Q. Mucii auguris, cujus ille filiam duxerat, necessaria petere jussisset, Ostiam descendit, repertoque navigio, quod unus amicorum Numerius paraverat, cum privigno Granio, filii reditum non exspectans, abnavigavit. Interim adolescens imminens exitium fide et astu villici evasit. Quum enim eum in praedio Muciano deprehendisset dies, ad comprehendendum eum suspitione ducti equites properabant. Ibi enim latere Marios posse propter adfinitatem rebantur, et quia Mucius hostem Marium judicare noluerat. quod ejus nobile factum non est silentio praetereundum.

Q. Mucii XXX. Quum L. Sulla victor armatis circumdeditur, set curiam, eoque C. Marium hostem decerni cupienti nemo auderet negare, solus Q. Mucius sententiam dicere noluit. Atque, mitius instante Sulla, *Non ita, inquit, gladios tuos extimesco, ut propter has senilis sanguinis tenues reliquias hostem judicare C. Marium sustineam, a quo Italiam et hanc urbem conservatas memini.* Hujus igitur villicus, nihil a fide heri animoque dissentiens, Marium adolescentem inter fabas abditum imposuit plaustro, bubusque junctis, per medios inimicos deportavit in urbem, sic acceptis ab uxore, quorum praecipuus tum usus erat, ante lucem ad mare pergit; et, quum forte solventes in Africam nautas invenisset, navem conscendit.

C. Marii XXXI. Major patri Mario cum ventis et tempestatibus lucta fuit, ingruentibus in eum velut manu facta malis. Ferente vento litus Italiae legens Terracinam evitare nautas jussit, Geminium, cujus ibi magnae opes erant, timens, inimicum hominem, et Sullanis partibus deditum. Ceterum, illis enixe parentibus, magna vis ventorum a mari coorta navigium procellis, et ipsum nausea sic fatigavit, ut vix apud Circejos applicare posset. Ibi ob tempestatis saevitiem, et quia deficiebant commeatus, exscensio facta est. sed anxiis et in momenta temporum extrema quaeque exspectantibus, incerta omnia intutaque,

Cap. XXIX. Plut. Mar. c. 58. Cic. de Divin. 1. 36. Plut. Val. Max. 3. 8. Cap. XXX. Plut. Liv. Epit. Cap. XXXI. Plut.

et, ut fit in magno metu, praesentia quaeque molestissima videbantur. Terram hostilem vitarent; inimicum erat mare: occursum metuerent hominum ob pericula; non minus metuendae ob penuriam solitudines erant. Sero in bubulcos paucos inciderunt, qui dare quidem nihil poterant egentes egentibus, sed agnitum Marium celeriter jubebant se subducere: paullo enim ante magnam adfuisse equitum manum, quae illum quaereret.

U. c. 664.
A. C. 88.

XXXII. Plurima tum malorum imago circumstibat hominem. nudus, desertus, inops, inter mortis et contumeliarum addidos terrores, Italiam, quam honoribus imperiisque suis toties ornaverant, semel iterumque defenderat, ut hostilem terram fugere cogebatur. Jamque etiam comites taedio et inedia fatiscabant: quum, omissa militari via, in profundum nemus secessit.

XXXIII. Ibi quam aerumnosam sane noctem exegisset, cogente inopia, et corpore, donec aliquid superesset virium, usus, secundum litus incescit, adhortans comites, ne deficerent animis, neve spes suas extremas et promissa numinum immatura mollitie corrumpere. Sibi enim, quam ruri adolescentulus ageret, id ostentum evnisse, ut septem pulli aquilini cum ipso nido in sinum deciderent: parensibusque suis consultos haruspices respondisse, fore se mortaliū omnium clarissimum, summumque imperium uti septies capeffat, fatale esse. Id quidem saepe jactasse Marium in confesso est: rei vero fidem naturae avium periti derogant, negantes aquilam plura duobus ovis parere. Sed tamen id, vere seu falso expositum, Mario tum temporis profuit, ut ad extrema omnia spem animosque comites sui durarent.

Marius
hortatur
comites.

Ostentum.
que sibi ob-
latum nar-
rat.

XXXIV. Sed, ubi ad passus bis mille quingentos Minturnis abfuerunt, simul equitum alam ad se tendentem eminus conspexere, simul duas naves onerarias prope litus, per quod incedebant ipsi, vela facientes. igitur ad has citato cursu delati, projectis in mare corporibus, adnatant. Et Granius quidem, altera navium exceptus, in Aenariam insulam trajecit. Marius corpore gravior, multo duorum servorum labore vix sublevatus, et in alteram impositus est. Jamque aderant equites, et nautas clamore cientes appellere jubebant; aut saltem, praecipitato in aquas Mario, quo instituissent cursum, pergere. Sed, supplicante

Apraeter-
navigan-
tibus sus-
cipitur.

Cap. XXXIII. Appian. Plut.

U. c. 664. cum lacrimis sene, domini navis, postquam diu flua. C. 88. ctuassent animis, negarunt se ejicere virum posse.

Deinde re- XXXV. Deinde, ubi cum atrocibus minis equites citi
linguitur recesserunt, iterum immutata mente, ad Liris amnis
expositus. ostia prope terram jecerunt ancoras; hortatique Mari-
rium, ut ad cibum capiendum, corpusque rectius cu-
randum tot adstrictum incommodis, in terram exscen-
deret, donec, qui flata hora flare debebat, ventus
surgeret, sublatis velis in gramine accumbentem
reliquerunt. Ita, derelictus ab omnibus hominibus,
diu in litore sine voce jacuit. Postquam aegre se re-
collegit, per invia et uliginosa loca, oppletasque
coeno et aquis fossas defecta membra trahens, tandem
ad tuguriolum venit, in quo senex quidam, paludi-
bus purgandis operam dare solitus, habitabat. Ad
hujus pedes se abiciens obtestabatur, *servator atque*
adjutor esse veller hominis, si praesentem tempestatem effugis-
set, majora opinione praemia reddiuri. Ille, sive olim
visum recognoscens, sive ex adspectu virum haud
vulgarem judicans, placide respondit: *si quidem quie-*
tis egeret, posse tugurio uti; sin vero inimicos aliquos fugeret,
monstraturum se aptiorem latebris locum.

In paludem XXXVI. Ibi dum juxta profluentem, in cava ripa,
immersus multa arundine levibusque sarmentis contactus sedet,
capitur. subito ad aures accidit clamor, increpantium senem,
et, ubi Marium abscondisset, jubentium ostendere.
Nam quosdam eorum, qui a Geminio ad retrahen-
dum Marium quoquoaversum emissi fuerant, ad illud
tuguriolum casus detulerat. Is tumultus hominem
proditionis certum subegit, ut, exutis vestibus, in
paludem se immergeret, oculis tantummodo ac nari-
bus exstantibus. Sic repertus extractusque, ut erat
nudo corpore, limo coenoque deformis, injecto in
collum loro, Minturnas rapitur: et, dum, quid facto
opus esset, magistratus deliberant, custodiendus ad
aedes Fanniae mittitur, quae ob veterem offensam
irata Mario putabatur.

Benevole XXXVII. Nam sexto ejus consulatu repudiata a
tractatur C. Titinnio Minturnense caussam dixerat. Titinnius
a Fannia. ampla dote spoliare cupiverat mulierem, impudici-
tiae crimine objecto. Sed Marius, caussa cognita,
Fanniam impudicam videri pronunciavit, mulctamque ei
dixit sestertium nummum: Titinnio praecepit, *ut do-*

Cap. XXXV. Appian. Plut. Cap. XXXVI. Liv. Epit.
Vell. 2. 19. Plut. Val. Max. 8. 2.

rem mulieri restitueret, quod, quam impudicam esse scisset, U.c. 664.
eam pecuniae insidiatus duxerat, diuque matrimonio ejus usus A.B. 88.
fuerat. Fannia tamen, beneficii magis, quam injuriae, memor, quibuscumque potuit officiis, adjuvit. Unde Marius hilarior, collaudata mulieris voluntate, fore sibi reddendae gratiae potestatem, laetus gestiensque praedicat: ejus enim rei certum se modo omen accepisse.

XXXVIII. Pudet referre vanissimae superstitionis *Stolide*
sordes: nisi vel ideo magis sunt referendae, ut in- *omniconfi-*
telligamus, quam turpi dementia orbem terrarum *dit.*
Christiana disciplina liberaverit. Post tantam rerum experientiam, vir animo gestisque rebus maximus, quam a ratione impetrare non poterat tranquillitatem, ab asino obtutu ac voce sumpsit. Nam, quum ad Fanniae domum adductus erat Marius, relicto pabulo, prorumpens e foribus animal, ex adverso Marii constitit: et, blande hominem intuitus, luculentumque rudens, ad vicinum fontem procucurrit. Idcirco, mari salutem portendi fatus, obserari januam cubiculi, ut se quieti daret, jussit.

XXXIX. Interea magistratus, sine mora de medio tol- *Cimber,*
lendum esse, decreto, Cimbrum quemdam mittunt de *ad occiden-*
reliquis Marianae victoriae, qui eum conficeret: *dum Ma-*
quod omnes oppidani misericordia clarissimi viri foe- *rium mis-*
dum occidendi ejus ministerium abnuebant. Sed ille, *sus, fugit.*
cubiculum ingressus, ubi Marium esse cognovit, ab-
jecto gladio profugit, Marium se non posse occidere clami-
tans. Quidam ajunt, ingenti flamma ex oculis Ma-
rii promicante territum hominem: auctum deinde ter-
rorem, postquam adsurgens e lecto senex, terribili
voce, Tunc homo C. Marium audes occidere? inclamasset.
Minturnenses profecto homini divinitus injectum ti-
morem, salutemque Marii cordi esse Diis interpre-
tati, mutata sententia, quem paullo ante necari jus-
serant, repente incolumem volunt. Nec ipse sibi de-
est, ad quosvis, etiam infimum et vilissimum quem-
que, tendit manus; preces, spem, fata, fabulam suam
de aquilis, de asino, varie miscet. Tandem consen-
su omnium cum viatico et veste collata ad naviculam
publice instructam deducitur.

Cap. XXXVII. Plut. Cap. XXXVIII. Val. Max. 1. 5. Plut.
Cap. XXXIX. Val. Max. 2. 19. Liv. Epit. Appian. Oros. Vell.
Plut. Appian. Plut. Cic. pro Sext. c. 22. Vell. Liv. Epit.

U. c. 664. XL. Sed properantibus obstabat religio, quod per

A. C. 88, lucum Maricae, quam et *Circen* frequentius vocant, ad mare iter erat, quem praecipuae sanctitatis Minturnenses habebant, neque fas putabant efferri quidquam earum rerum, quae semel eo illatae forent. Sed ceterorum dubitationem unius senis alacritas solvit: qui, *nihil irreverens, aut ingratum Diis esse* clamitans, quod ad C. Marii salutem pertineret, cum parte rerum, quae ad mare portabantur, per lucum primus evasit. Pingenda deinde curavit ista Marius, tabulamque votivam in fano Maricae suspendit. Sic in perparvum impositus navigium, lacrumis, votis, omnibusque prosequente Minturnense populo, evitatis, quantum poterat, terris portubusque omnibus, vela in altum fecit.

Dimittitur a Minturnensibus Marius.

In Africam navigat.

XLI. Forte ad insulam Aenariam delatus, quum ibi Granium et nonnullos amicorum reperisset, una in Africam cursum intenderunt. Sed, quia penuria aquae laborabant, in agro Erycino Siciliae fecerunt excensionem. Ibi quaestoris Romani cura dispositi equites propemodum egredientem navi Marium exceperunt. Aquatores ferme sexdecim interfecti sunt. Marius, propere soluto navigio, Meningem tenuit, Africae insulam, quae hodie *Gerbarum* vocabulo est notior.

In Karthaginensem agrum transit.

XLII. Hic de filio suo cognoscit, illum, cum P. Cerebego salvum, ire ad Hiempsaem, sive Mandrestat is fuit: cui patrive ejus Numidiae partem, capto Jugurtha, Marii maxime opera senatus dederat. Hinc, recepto nonnihil animo, statuit in Karthaginensem agrum transmittere. Ibi, quum in locis solitariis vallisque sederet, venit ad eum lictor Sextilii, qui tum Africam pro praetore obtinebat. De hoc Marius, neutram in partem meritis, humanitatis tamen aliud officium exspectabat. At lictor *decedere eum provincia* iussit: *ni malit in se, ut hostem ab senatu judicatum, decerni*: torveque intuentem et vocem nullam emittentem Marium rogavit tandem, *ecquid renunciari praetori vellet?* Ibi Marius, *Nuncia, inquit, vidiſſe te C. Marium exſulem, in Karthaginis Magnae ruinis ſedentem: duobus clariffimis exemplis inconstantiam rerum humanarum praetoris animo figurare non ineptè conatus.*

Cap. XL. Lactant. 1. 21. Hor. Carm. 3. 17. et ibi interp. Strabo, l. 5. p. 233. Plut. Cic. pro Sext. Cic. pro Planc. c. 10. Cic. pro Sext. Cap. XLI. Appian. Plut. Cellar. Geogr. Ant. l. 4. Cap. XLII. Plut. Appian. Cic. post Redit. ad Quir. c. 8. Plut. Appian. Plut.

XLIII. Hic ad eum cum Cethego filius venit, Albinovanusque, et ceteri exsules. ii Numidarum dolos, non sine digno, qui notetur, casu, evaserant. Marius adolescentem miris in speciem officiis colebat regulus. sed, quia discedere cupientem morabatur crebrius et apertius, quam ut per benevolentiam facere credi posset, suspicionem illi, et ex hac ardentius abeundi desiderium iniecit. Igitur ob formam a pellice regia dilectus, quum ejus amorem aversatus eousque fuisset, tum amplexus occasionem est, eaque juvante cum amicis fuga capta, ad patrem penetravit.

U. c. 664.
A. C. 88.

*Marius
adolescens
Numida-
rum dolum
evadit.*

XLIV. Magna erat gratulatio, quod post ancipites tot casus, qui de se suisque saepius utrumque desperassent, salvi sospitesque se vicissim intuerentur. Inter hanc dum in litore obambulant, forte scorpiones inter se pugnantes Marius pater videt. Erat ille vir huic stultitiae generi deditus, et, ut facile est delirantibus artem ex errore facere, valere se talia interpretandi calliditate putabat. Igitur, aversatus hostilitatis omen, non distulit conscendere piscatorium navigiolum, et cursum in Cercinam dirigere. Et opinionem prudentiae ejus sors velut dedita opera confirmavit. Vix in altum erecti erant, quum missos a Numida vident equites eo ipso in loco vagantes, unde navem conscenderant. Sic inter Africi maris insulas, quia plus insidiarum in continente timebat, quod reliquum erat hiemis, C. Marius exegit.

*Et ad pa-
trem redit.*

XLV. Dum ad hunc modum inimicus L. Sullae terra marique jactatur; ipse, rerum omnium potius, statum civitatis ordinabat, non victoris insolentia, sed propemodum ad justum legitimumque modum. Igitur et aeris alieni perplexam atrocemque controversiam, quae nuper ad praetoris Romani necem pervenerat, ex aequo bonoque lata lege unciaria decidit. Ejus legis quum argumentum lateat, nomen esse videtur indicio, duodecimam debiti partem remissam debitoribus fuisse.

*L. Sulla
reipubli-
cam ordi-
nat.*

XLVI. Comititia deinde, priusquam proficisceretur in provinciam, habuit: in quo negotio mansuetum se praeiuit, et omnimodis popularem. Nam et Nonium sororia filium, et Ser. Sulpicium, quamquam subnixi sua commendatione essent, ignominiose re-

*Comitia
habet.*

Cap. XLIII. Appian. Plut. Cap. XLIV. Val. Max. 1. 5.
Plut. Appian. Cap. XLV. Liv. Epit. Festus, voce *Uncia*.
ria. Cap. XLVI. Plut. Sull. c. 19.

U. c. 664. pulsos civiliter tulit: *jucundum sibi esse dictitans, videre*
 A. C. 88. *populum, libertate recepta vel contra auctores beneficii utentem.*

Consulem XLVII. Consulem quoque L. Cinnam designari
L. Cinnam passus est, licet iniquam sibi, et partibus adversam
designari sciret. Jurejurando tamen adegit nihil novaturum:
patitur. isque in Capitolio, multis praesentibus, silice lapide
 comprehenso, *si fallere*, precatus Deos fuerat, *ita se*
quoque projectum vellent, cum dicto lapidem emittens
 manu. Sed et collegam ei Cn. Octavium addidit,
 compertae modestiae virum, cujus maturitate Cinnam,
 si ruere coepisset, sperabat retineri posse. His ita cura-
 tis, consulari potestate contentus, praemisso ad Capuam
 exercitu, coloniis per Italiam deducendis operam dedit.

Adversa XLVIII. Sed adversa factio, ubi cessare metum
factio res armorum videt, ad pristinum consilium revoluta, lo-
novas mo- cupletes praesertim et feminae quaedam praedivites,
litur. nihil non, ut exsules restituerent, moliebantur. Et-
 iam consulum vitae dicebantur insidiae fieri, quod
 iis se salvos tenere posse propositum inimici non
 putabant. Sed Sulla, belli Mithridatici decreto im-
 perio, tutior ab ejusmodi periculo videbatur: Q. Pom-
 peji miseratione subibat animis, quod is nihil ad prae-
 validas reprimendas inimicitias virum habebat. Ideo
 provincia ei Italia cum exercitu, qui tum sub Cn.
 Pompejo proconsule morēbat, populi jussu datur.

Consul Q. XLIX. Offendit caecres Cnaeum, et, ut novo nec
Pompejus antea audito sceberi praeberet exemplum, incitavit.
ab exercitu hoc enim primum anno consulis Romani sanguine
occiditur. polluta castra imbutaeque militum manus sunt. Quip-
 pe consul Pompejus, ad accipiendum exercitum pro-
 fectus, et intra vallum acceptus, quum postridie con-
 cionem haberet, cedente in speciem proconsule, sa-
 tis laeta habere initia imperii visus est. sed mox,
 majore turba quasi audire concionantem cupientiam con-
 currente, ab iis, quos ad caedem proconsul subornave-
 rat, quum sacrificare jam inciperet, interfectus est.

Cn. Pom- L. Proconsul, diffugiente consulis comitatu, tam-
pejus exer- quam nescius omnium, tulit se obviam, et, re scili-
citum reci- cet cognita, graviter increpuit tanti sceleris aucto-
pit. res. sed statim rediit cum iis in gratiam, receptoque
 imperio, non est passus dubitari, cujus ope consilio-
 que interoeptus consul foret. Neque senatus vin-

Cap. XLVII. Dio. apud Vales. Plut. Appian. Liv. Epit.
 Cap. XLVIII. Appian. Cap. XLIX. Vell. 2. 20. Liv. Epit.
 Appian. Val. Max. 9. 7. Cap. L. Appian.

dicavit: majore talibus temporibus castrorum, quam curiae, potentia. Hac re comperta, consul Sulla intentiorem corporis sui custodem egit, numquam non fido septus amicorum, etiam per noctem, praesidio. Neque diu moratus, Capuam ad exercitum profectus, militibus commeatuque et ceteris bello necessariis in classem impositis, ad Mithridaticum bellum navigavit.

LI. Neque res Asiaticae adventum ejus parum considerabant: ita tempore et occasione Mithridates utebatur. Huic regi tum in se magnifica erant omnia, tum, quae sibi dare nemo potest, fortuna providebat. Opes atque potentiam illustrabat genus a septem Persis illustri serie deductum, et Artabanes regni conditor. Sed praecipue auctoritatem ei parant prospera et magna belli primordia, quod tanta in eo vis esse videretur, ut, quum primum inciperet moveri, tota regna, nullo magnopere adhibito conatu, raperet. Neque majus aliud ad movendam quolibet inclinationem animorum instrumentum est, quam commodo conatorum eventu parta felicitatis fama.

LII. Igitur, fortunae instandum ratus, post victum a suis Nicomedem, ex Amaseno campo, ubi auxilia variarum gentium recensuerat, per Paphlagoniam accessit, centum quinquaginta millium exercitum ducens. Inde expulso obiter Pylaemene rege, ad Scoroba montem, ubi Bithyniae Pontique confinia sunt, deflexit.

LIII. Non longe abhinc M^r Aquillius castra posuerat, et post infelix proelium cum reliquiis suorum Nicomedes. Ibi ex praecursoribus centum omnino Sarmatae, quae acerrima equestribus proeliis gens est, octingentos Nicomedis equites nacti, profligant Bithynos, quosdamque eorum captos adducunt ad regem. Ille ex priore instituto hos quoque viatico dato dimittit in patriam. Ita vim aliis Pontici regis, militumque virtutem, aliis clementiam praedicantibus, quum ab utraque causa popularium animis Nicomedes diffideret, non expectato Mithridatis adventu, versus L. Cassium retrocessit.

LIV. Manius, fuga Bithynorum nudatus, quum solus resistere tantis copiis non posset, in tutiora loca cogitabat recedere. sed eum Neoptolemus, Mithri-

Cap. LI. Flor. 3. 5. Polyb. 5. 43. Auctor de viris illustr. Sallust. apud L. Ampel. Cap. LII. Memnon apud Phot. Oros. 6. 2. Eutrop. Appian. Mithrid. Cap. LIII. Tac. Hist. 1. 79. Appian. Cap. LIV. Memnon. Appian.

U. c. 664. datis purpuratus, cum Armenio Menophane, sub horam diei septimam, adsequenti pugnare coegerunt. Habebat sub signis equitum quatuor millia, peditum decuplum. sed, victus ab hostibus, ferme decem millia militum in proelio amisit: ceterae copiae dissipatae in diversa abierunt. Aquilius, ad Sangarium fluvium fuga delatus, licet jam nox tegeret terras, transmissio statim flumine, postea Pergamum venit. Castra quoque ejus capta sunt. Sed Mithridates, captivos, sicut antea facere consueverat, quum Asiatici essent, comiter alloquutus, cum vestibis et viatico ad suos quemque redire passus, tantum excivit benevolentiae, ut certatim ad eum omnia deficerent; legatique magno numero accederent, decreta civitatum adferentes, quibus regem ad se vocabant, *Deum atque Servatorem* appellantes: et, quocumque venisset, obviam effusis cum splendida veste omnibus ordinibus, summa laetitia excipiebatur.

*Romanis
non ultra
resistenti-
bus.*

LV. Neque Cassius, et Nicomedes, et qui alii legatorum Romanorum his locis erant, inhibere impetum properantis, aut opponere se ruenti Asiae audebant: frustra quoque tentatis Phrygum auxiliis, quum homines ad militiam ineptos exercere irritum labore instituissent, dimiserunt omnes, et a castello Phrygiae, quod Leonum appellant caput, (eo enim propter munitionem loci convenerant) diversi abierunt. Cassius Apameam reduxit suos: Nicomedes Pergamum, Mancinus Rhodum ire constituit. A Pergamo Nicomedes, ut conspectu suo plus moveret senatum, in Italiam navigavit. Hoc ubi auditum est iis, qui occludendis Pontici maris faucibus ad Byzantium excubabant, partim diffugerunt, alii majore flagitio naves quoque Nicomedis tradiderunt Mithridati.

*Naves Ni-
comedis Mi-
thridati
traduntur.*

LVI. Bithynia omni paucos intra dies recepta, rex Mithridates, civitates obiens, pecunias apparatusque belli ubique ab hostibus relicta colligebat. ceterum, quo clementius imperium speraretur, debita publica simul ac privata remittebantur. His ita ex praesenti usu ordinatis, vocatos in concionem milites accurata oratione ad virtutem cohortatus, intentos in signum profectionis esse iussit: omnibusque, uti voluerat, paratis, Phrygiam, Romani populi provinciam, cum ingenti exercitu irrupit, ominisque causa, ubi quondam Magnus Alexander stativa habuisse dicebatur, castra posuit.

Cap. LIV. Diod. apud Vales. Justin. 38. 3. Cic. pro Flacco, c. 25. Cap. LV. Appian. Plut. Themist. c. 52. Appian. Strabo, l. 12. p. 562. Appian. Cap. LVI. Justin. 38. 3. Liv. Epit. Appian.

E P I T O M E

LIBRI SEPTUAGESIMI OCTAVI.

Mithridates Asiam occupavit: Q. Oppium proconsulem, item Aquillium legatum, in vincula conjecit: jussuque ejus, quidquid civium Romanorum in Asia fuit, uno die trucidatum est. Urbem Rhodum, quae sola in fide permanserat, obpugnavit, et aliquot

Q. Oppium proconsulem] E. raditiss. Norisus Cenotaph. Pis. Diss. 2. cap. 11. pap. 211. *Oppium praetorem, non proconsulem*, fuisse sibi persuadet, eo quod Athenaeo 4, 14. et in Appiani Mithrid. pag. 184. *σπαρτηγός* vocatur. Non credo quidquam obstat, quo minus, qui Graecis *σπαρτηγός*, Latinis *proconsul* dicatur, quum praetor cum imperio consulari esse poterit, quod putat Pighius ad A. V. 156LXIV. Nec auctor Epitomes ex eo, quod Graeci *Oppium σπαρτηγόν* vocant, erroris argui potest. Nam hi etiam eos, quibus post consulatum imperium prorogabatur, generali nomine *σπαρτηγών* appellant. Sic Q. Metellus Numidicus proconsul in Exc. Peiresc. Diodori Sic. pag. 386. est *σπαρτηγός*, et Q. Mucius proconsul ibidem pag. 392. Et Appian. eodem lib. pag. 174. eum, qui pecunia corruptus Mithridati Phrygiam attribuebat, Romanorum *τινὰ σπαρτηγόν* fuisse dicit. Eum autem fuisse M. Aquillium, qui, quum A. V. 156LXIV. consul Asiam forti-

tus fuisset, deinde reliquias belli Asiatici ab Aristonico concitati confecit, ex oratione Sullae ad Mithridatem pag. 208. intelligitur. In quo tamen animadvertendus est error Appiani, quod Sullam Mithridati exprobrasse scribit, eum Phrygiam ab Aquillio emisse, quam patri suo praemium dati adversus Aristonicum auxilii a Romanis concessam ipse Mithridates apud Justin. 38, 5, 3. dicit; quod verius esse, etiam aetas illius ostendit. DUK. *Q. Appium* Voss. Boend. et ed. Camp. librariorum errore, etiam alibi ab iis commissio. V. ad 31, 2, 6. Ipse hic Oppius male *Ἀππίος* vocatur apud App. Alex. in Mithrid. pag. 131. ubi tamen interpres in versione Latina recte *Oppius*. Mox *una die* Boend. dissentientibus aliis. V. ad Liv. 28, 28, 9.

Quae sola in fide permanserat] *in fide manserat* Boend. *in fidem P. R. manserat* Exc. Pithoei. Forte igitur legendum *in fide populi Romani manserat*. Infra Epit. 81. *Magnesia,*

proeliis navalibus victus recessit. Archelaus, praefectus regis, in Graeciam cum exercitu venit; Athenas occupavit. Praeterea trepidationem urbium insularumque, aliis ad Mithridatem, aliis ad populum Romanum civitates suas trahentibus, continet.

quae sola in Asia civitas in fide manserat. Liv. 21, 55. Ea sola in fide manserat Gallica gens. ubi alia vide. 38, 10. Quum in fide Romanae societatis mansissem. Ita manere in foedere 4, 8. manere in auctoritate 9, 14. manere in amicitia 23, 20. et 36, 12. manere in pace 30, 32. manere in conditione Cic. 7. ad Att. 15. manere in eo, quod convenerat Mela 1, 7. Reliqui codd. nihil mutant, quibus dicto audiens fui. Livius 32, 2. De ceteris, si in fide permanerent, spes facta. 42, 26. Omnes sollicitatos legationibus

Persei, sed egregie in fide permanere. Flor. 4, 2, 17. Nisi in fide permaneret, non se remittere exercitum. ubi v. Cel. Dukerum.

Archelaus praefectus regis] praefectus regni Voss. Berg. Boend. Lov. 2. et ed. Camp. Voces illae et alibi a librariis confunduntur. V. Cort. ad Sall. Jug. 15, 5.

Trepidationem urbium, insularumque] Gud. trepidationes. J. FR. GRON. Similiter Boend. et ed. Camp. Tum urbium, insularum sine copula Berg.

JOHANNIS FREINSHEMII

SUPPLEMENTORUM LIVIANORUM LIBER XLIII.

IN LOCUM LIBRI LXXVIII. T. LIVII.

I. Mithridates, simul tantum aggredi bellum, vim- U. c. 664.
que Romanam lacessere coepit, eo prosperitatis cursu A. C. 88.
est usus, ut proniora ei omnia, quam votis optare *Mithri-*
ausus esset, viderentur. Phrygiam et Mysos et mi- *datis res*
noreni Asiaticam, nemine obsistente, percurrens, maxi- *prosperas.*
mas urbes, opulentos populos, citra sudorem atque
sanguinem recipiebat. Lyciam quoque ac Pamphy-
liam, et cetera ad Ioniam usque, dimissis passim du-
cibus, occupavit.

II. Laodiceam, Lyco flumini impositam, Q. Op- *Laodicea-*
pio proconsole cum equitibus et mercede conductis *ses Q. Op-*
tenente, praecone tantum ad moenia misso, in dedi- *pium regi*
tionem accepit. Laodicensis enim, offerri sibi ve- *dedunt.*
niam audientes, si Romanum ducem tradidissent, ni-
hil cunctati, dimissis mercenariis, Q. Oppium com-
prehensum ad Mithridatem adduxerunt: ludibrio ad-
dito, ut lictores eum cum fascibus praecederent. Et
hunc quidem rex cetera illaefum, vinculorumque im-
munem, quocumque pergeret, circumducebat, pro-
confulem Romanum a se captum civitatibus gentibus-
que obiter ostentans.

III. Sed in M. Aquillium, postquam et ille in ma- *Et Lesbii*
nus ejus incidit, multa asperitate usus est: quod is *M. Aquil-*
et legationis Asiaticae, et belli contra Ponticos su- *lium.*
mendi praecipuus auctor exstitisset. Hunc Mitylenis
ex aegritudine decumbentem Lesbii, maximam a Mi-
thridate inituri gratiam, si vivum traderent, robu-
stissimos juvenum miserant, a quibus comprehensus

Cap. I. Appian. Mithrid. Liv. Epit. Flor. 3. 5. Appian.
Plin. 5. 29. Cap. II. Appian. Liv. Epit. Appian. Cap. III.
Liv. Epit. Appian. Diod. apud Val.

Supplem. Liv. Tom. XIII.

E

U. c. 664. atque vinctus est. Alii quoque Romanorum eadem
 A C. 88. perfidia correpti: nisi quod unus adolescens hostilem
 saevitiam voluntaria morte antevertit. Quo magis cri-
 mini Manio datum, quod vir triumphalis et senex,
 vitae desiderio victus, extremae servitutis mala per-
 ferret. Rex enim vinculis et verberibus atque omni
 supplicio excruciatum asino miserum imposuit, secum-
 que ducens in agmine, subinde, *Manium se esse*, pro-
 clamare coëgit: donec in Pergamenam urbem ventum
 est. ibi ut ipsi non modo, sed etiam universo nomini
 Romano, exprobraret avaritiam, aurum liquefactum
 in os ejus infudit.

*Ephesi Ro-
manorum
statuas de-
jiciunt.*

IV. Inde, praefectis ubique impositis, Mitylenen
 adiit. mox in Joniam usque processit, ac Magnesiaë,
 deinde Ephesi gratanter exceptus est. Ephesi quum
 aliis rebus omnibus eximia in regem studia declara-
 runt, tum etiam Romanorum, quas in urbe sua col-
 locaverant, statuas everterunt: quo nomine non ita
 multo post acerbè mulctati sunt. Ex Jonia reverten-
 ti Stratonicea portas clausit, non ignobilis Cariae ci-
 vitas. Igitur post deditionem pecuniam exegit ab op-
 pidanis, praesidiumque imposuit.

*Mithrida-
tes Moni-
mam ducit.*

V. Dum in his curandis occupatur, forte puellam
 egregiae formae conspicatus, Monimae nomen erat,
 Philopoemenis Milesi filiae, aureos ei quindecim
 millia dono misit, concubitum virginis expetens. Sed,
 illa pudicitiam divitiis anteponente, quum nec expu-
 gnare blanditiis animum ejus posset, neque vim ad-
 hibere vellet, eo postremum adductus est, ut justas
 cum ea nuptias contraheret, missoque diademate re-
 ginam appellaret.

*Cn. Pom-
peji avari-
tia.*

VI. Haec per otium agendi tempus regi Romanae
 urbis discordiae dabant: quibus prohibitus Sulla ma-
 turare expeditionem nequiverat. Sed et nummariae
 rei difficultas non parvum festinanti impedimentum
 se objecerat: tantum inopiae uno intestini belli bien-
 nio effectum erat. Neque deerant omnino pecuniae,
 sed paucos intra sinus condebantur. quos inter Cn.
 Pompejus Strabo, qui Asculum omni refertum opu-

Cap. III. Vell. 2. 18. Diodor. Val. Max. 9. 13. Cic. pro
 Scauro. Cic. pro Leg. Manil. c. 5. Appian. Plin. 33. 3. Cap.
 IV. Appian. Eutrop. Appian. Strabo, l. 14. p. 660. Appian.
 Cap. V. Plut. Lucull. c. 36. Appian. Plut. Cap. VI. Appian.
 Oros. 5. 18.

lentia ceperat, de tantis manubiis in aerarium intulerat nihil: bellator fortissimus, sed avaritia inexplibilis. Igitur loca, quae in circumitu Capitoli sacrodotibus et sacris jam a Numae temporibus erant dicata, subjecta hastae et publice divendita sunt. Auri inde redacta millia librarum novem: ea sola tantum ad bellum proficiscenti de publico data pecunia est.

VII. Interea Mithridates pluribus exaedificandis navibus operam dabat, quo Rhodios, quae, ceteris deficientibus, aut vi abstractis, sola civitas Asiatica, praeter Magnetas Sipyli accolae, in fide Romana mansit, ad obsequium cogeret. *Mithridatis apparatus contra Rhodios.*

VIII. Cognito deinde, cives Romanos, quorum ingens erat per Asiam negotiandi gratia dispersus numerus, passim apud urbes destinatis suis impedimento esse conari, consilium cepit crudelissimae calliditatis, clam misso ad magistratus locorum edicto, uti ad diem trigesimum, postquam datae eae literae essent, quotquot in suis quique urbibus haberent Romani generis homines, cum liberis et uxoribus, atque etiam libertis, qui Italici sanguinis essent, occiderent. Caecos autem inhumatos projici jubebat: bona cum intersectoribus partiebatur. Sed et minae adjectae erant, si quis aliquem ex eo numero aut celare vivum, aut sepelire mortuum ausus esset. contra, servis heros interfecturis libertatem, debitoribus dimidium aeris alieni, praemii loco, promittebat. *Ejusdem crudelissimum edictum.*

IX. Dubites, scelestius haec a rege excogitata, an ab Asiaticis facta sint. Postquam constituta dies adfuit, miserrima per omnes Asiae urbes spectacula edebantur. Notabilis inter haec Trallianorum amenitas fuit: qui, quos in urbe sua habebant Romanos, ne videlicet hospitali sanguine polluerent manus, Theophilo Paphlagoni jugulandos locaverunt, tamquam interesset. Atque illud singulari saevitia monstrum compulsos intra aedem Concordiae contrucidavit; etiam manibus quorundam abscissis, quibus Deorum complexi simulacra fuerant. Neque magna illa *Trallianorum amenitas.*

Cap. VI. Plut. Pomp. c. 1. Oros. Appian. Cap. VII. Liv. Epit. 2. et 81. Cap. VIII. Appian. Memnon apud Phot. Val. Max. 9. 1. Flor. 3. 5. Liv. Epit. Cic. pro Leg. Manil. 3. et 5. Oros. 4. 1. Vell. 2. 18. Eutrop. Auct. de vir. illustr. in Mithr. Cap. II. Appian. Diod. apud Vales. Appian. Athen. 5. 14. Acta Apol. c. 19. Appian.

U. c. 664. Diana contra furorem Ephesiorum tueri supplices
 A. C. 88. suos potuit; neque Pergamenorum Aesculapius, quo
 minus ad ipsa pulvinaria gladiis aut sagittis interfice-
 rentur.

*Adramyti-
 tenorum et
 Cauniorum
 saevitia.*

X. Adramytteni nando salutem quaerere viros in-
 ter ipsas undas consequuti trucidarunt; infantibus fu-
 gentium liberis pelago merfis. Caunii quoque, qui
 devicto Antiocho Rhodiis attributi, deinde ab horum
 dominatu Romanorum beneficio liberati fuerant, Ita-
 los, ad sacratam urbis curiam concurrentes, ab ipsis
 aris diripuerunt, raptosque ab ulnis matrum infan-
 tes ante ora ipsarum, ipsas deinde, et postremo vi-
 ros earum interfecerunt. Soli omnium, qui Mithri-
 datem revereabantur, Coi Romanos, in Aesculapii
 templum introductos, vetusto asyli jure tutos praesti-
 terunt. Hac tam improvisa clade intra eandem diem
 diversissimis locis extincta hominum circiter octo-
 ginta millia esse, satis inter auctores constat.

*Occisorum
 civium Ro-
 manorum
 numerus.*

XI. Neque silentio praeterierim atrocem Theopha-
 nis Lesbii calumniam, qua viri innocentissimi P. Ru-
 tilii famam lacerare est conatus: *Rutilii scilicet hortatu
 Mithridatem tantae saevitiae consilium cepisse.* Ceterum
 Theophanes illis quoque temporibus, quibus recens ha-
 rum rerum erat memoria, se potius turpissime mendacem,
 quam Rutilium improbum, ostendit: liberalibus lite-
 ris perquam illiberaliter usus, qui in historia scribere
 de Rutilio falsa crimina non erubuit, non ob aliud,
 quam quia Rutilius de patre Cn. Pompeji vera scri-
 pserat. Colorem fingenti nonnullum praebuit Ruti-
 lii, qui tum Mitylenis agebat, quum Romani occide-
 rentur, incolumitas. Sed ille, comperto, togatos
 ad necem quaeri, praefens periculum vestitus muta-
 tione vitaverat. quae cautio aliis etiam passim per
 Asiam saluti fuit.

*P. Rutili-
 us vestis mu-
 tatione ser-
 vatur.*

*Calamita-
 tum huma-
 narum ori-
 go.*

XII. Sed haec atque talia revolventi animo illa
 subinde cogitatio occurrat, eos, qui rerum gestarum
 monumenta conscribunt, nihil magnopere aliud, quam
 errorum atque suppliciorum humanorum commenta-
 rios, texere. Atque utinam hujus tantae calamitatis
 causam ut investigare non difficile, ita tollere prom-
 ptum esset! Sed nos bellum cum natura suscepimus.

Cap. X. Polyb. Leg. 99. Appian. Tac. 4. Ann. 41. Memnon
 Cap. XI. Val. Max. 9. 2. Plut. Pomp. Cic. pro Rabir.
 Post. c. 10. Athen. 5. 14.

ejusque certum et immutabilem ordinem, cujus auctor statorque DEUS est, neque scire curamus, neque respicere: deinde, optime consulta male cecidisse quæsi, nos absolvimus, fatum et nescio quam Fortunam incusamus.

U. c. 664.

A. C. 88.

XIII. Atqui nobis hoc jam a primo rerum conditore inditum insertumque fuerat, ut, qui hæc omnia regit, neque bonis adversum, neque contumaciter pravis placabilem intelligere possemus. Eundem tanta esse sapientia, tantisque viribus novimus, ut neque cujusquam actu circumveniri, neque cogi ingratius queat. Omnem igitur prudentiæ summam eo recidere, ut, siquidem bene nobis esse velimus, hunc ante omnia faventem propitiumque habere debeamus.

XIV. Hæc vera atque indelebilia decreta rationi omnium insevit DEUS. at homines, his contemptis, ad quaelibet alia, quæ deceptor atque deceptus animus suggerit, lubentius exerrant: et quum de cetero absorum atque indignum putent, pueros sapientia non vincere, in rebus longe maximis id modo pueriliter anteponunt, quod in præsentia jucundissimum videatur. Ergo et inter magnorum bellorum initia deprehensi eo plerumque inclinant, unde præfens aliqua lucri spes adfulget: et, dum hujus potiantur, fas fidemque, et si quæ alia præferenda omnibus erant, pro nihilo ducunt.

*In rebus
maximis
pueriliter
errant ho-
mines.*

XV. Neque mihi aliquis Saguntum et præterea paucos objecerit, qui pro fide extrema quæque perferendo perierunt. Longe major eorum est numerus, quos perdidit perfidia. Et tamen, si par omnium eventus fuisset, ingens inter utrosque discrimen communis inveniret sensus, quod alteri perierunt et laudantur; alteri nec laudantur, et perierunt. Sed bene, quod meliora plerumque exempla felici exitu donavit DEUS: ut, quibus hæc offeruntur, si sua sponte honestum amare nolint, saltem utilitatis causa turpitudinem vitiorum sequi dediscant.

*Plures ob
perfidiam,
quam ob fi-
dem, per-
ierunt.*

XVI. Mithridatici etiam belli casibus hæc approbata sententia est: quo ceteræ civitates Asiae, postquam Pontici regis causa multa nefanda fecerunt, ab illo primum miserrime vexatae, deinde a victoribus graviter mulctatae sunt; Rhodios atque Magnetas

*Id Mithri-
datici belli
casibus o-
sensum.*

U. c. 664. et ab hoste tutos virtus, et apud populum Romanum
A. C. 88. fides caros honoratosque praestitit. Nam Rhodii, moenibus portubusque communis, machinas locis opportunis frequentes opposuerunt, a Telmissensibus quibusdam et Lyciis adjuti. Romanorum etiam omnium, qui vitare crudelitatem Asiaticorum potuerunt, interque eos L. Cassii, qui proconsul erat Asiae, receptus fuit.

Mithridates in Coom navigat.

XVII. At Mithridates, instituta in Coom navigatione, prompte susceptus ab oppidanis, Alexandri, qui nuper in Aegypto regnaverat, filium abduxit, regioque secum cultu habuit. Sed ex thesauris, quos ibidem avia pueri Cleopatra posuerat, magnas opes, mundumque muliebrem, et alia lapillis aut arte pretiosa, signataeque pecuniae vim minime spernendam in Pontum mittere non est oblitus. Reperit etiam ibidem pretium talentorum octingentorum in auro, quod Asiatici Judaei, ut Hierosolymam exportaretur, collegerant; deinde, quia Mithridatem metuebant, apud Coos, tamquam tutissimo loco, deposuerant.

Rhodus obsidet.

XVIII. Omni continente Asiae, insulisque in potestatem redactis, quum sola Rhodus resisteret, totis viribus in oppugnationem ejus urbis rex incubuit. Jam ante plures in hunc usum naves fabricandas curaverat. his perfectis, cum ingenti classe ad insulam est advectus. Rhodii dirutis, ne qua hostibus adjumento forent, suburbiis, suas quoque naves instruxerunt, ita formata acie, ut aliae recta in hostem ferrentur, aliae a lateribus facerent impetum.

Pugna navalis.

XIX. Sed Mithridates, cum quinquerei sua circumvectus, praecipiebat suis, ut in altum recedentes producerent cornu, celerique deinde remigio pauciores Rhodiorum naves circumventas includerent. Id, priusquam fieret, suspicata classis Rhodiorum sensim e proelio se recepit: mox, expansis velis, refugit in portum. Ponticos celeriter insequentes opposita claustra prohibuerunt ingressu; simul a moenibus ballistarum scorpionumque telis petiti recesserunt. Ab hoc tempore Mithridates, donec pedestres copiae advenissent, oppugnatione abstinuit: levia tantum certamina ad muros fiebant. quibus plerumque superiores Rhodii, magis magisque confirmabantur

Cap. XVII. Strabo apud Joseph. 14. 12. Cic. pro. Flacco, c. 28. Joseph. Cap. XVIII. Liv. Epit. Appian.

animis, paratasque ad audendum, si qua occasio se dedisset, naves habebant. U. c. 664.
A. C. 88.

XX. Forte in onerariam ex regiis, praeter portum *Alia pugna.* vela facientem, Rhodia dicrotos invecta fuerat. ab hoc initio, quum utrimque ad suorum auxilium multae naves adremigassent, in acre certamen contentio evaluit. Diu atque vehementer est pugnatum, quum dissimillimis caussis par utrorumque robur esset. Rhodiis ars gubernatorum, ordo navium, peritia remigum aderat: praefectorum quoque dexteritate et navalium sociorum virtute praestabant. Pontici, maritimarum rerum rudes, non minus inter sese, quam ab hostibus, turbabantur: ita quidem flagitiose, ut Chia navis, quae Mithridati militabat, in praetoriam, qua rex ipse vehebatur, illisa, magno illam impetu concussam tantum non deprimeret.

XXI. Animis tamen aequabant hostem, quod sub *Rhodii vincunt.* oculis Mithridatis pugnabatur; cui fidem suam virtutemque approbare cupiebant. Ad hoc multitudine navium superiores circumdare hostes, et in medium acceptos undique urgere nitebantur. Sed id periculum Rhodii eadem, qua prius, arte vitarunt: trirememque unam cum ipsis viris captam remulco trahentes, multis armamentis atque spoliis onusti in portum redierunt. At postquam, recensitis navibus, abesse quinquagemam videre, ignari ab hostibus captam, quaesitum eam velocius ceteris naves sex de omni numero longarum emittunt: in his Damagoras erat, classis Rhodiae praefectus. Vicissim a rege naves quinque et viginti occurrere jubentur: quas Damagoras quum ad solis occasum usque cedendo elusisset, recedentibus invectus duas depreffit: totidem ad importuosa Lyciae litora compulsi: et, inter haec nocte consumpta, postridie Rhodum reversus est.

XXII. Mithridates, quum tanto paucioribus par *Mithridates in Chios effundit iram.* esse non potuisset, in Chios effudit iram, totique civitati minatus, gubernatorem navis, quae in suam accurrerat, cum prora supplicio adfecit. Sub eodem dies, quum pedestris exercitus regis onerariis et triremibus adveheretur, repentinus turbo partem navium in Rhodium litus impegit. Rhodii, impigre

Cap. XX. Diod. apud Vales. Appian. Cap. XXI. Diodor. Appian. Cap. XXII. Val. Max. 5. 2. 2. ext.

U. c. 664. evecti in adflictam tempestate sparsamque classem,
A. C. 88. naves quasdam cum viris quadringentis abripuerunt, alias perforatas merse-
runt alto, aut injecto igne ex-
usserunt.

Leonicum XXIII. Nescio hac, an superiore aliqua, navali
captum a pugna captus Leonicus fuerit: qui se acerrimum sa-
Rhodiis re- lutis regiae defensorem aliquando ostenderat. hunc
dimisit. igitur ut recuperaret, quotquot habebat, Rhodiorum
captivos pro uno corpore reddidit. Deinde, obfir-
mato ad expugnationem animo, simul ad navale aliud
proelium, simul ad tentanda moenia cogitationes intendit.

Urbem no- XXIV. Forte proditores quidam clivum ei mon-
ctu conatus straverant juxta Jovis Atabyrii delubrum; qua parte,
occupare, qui primi exstruxerant moenia, quod altitudini situs
confiderent, brevior contenti muro fuerant. sed,
clivum adscensu non difficilem esse, transfugae con-
firmabant. Igitur, noctu copiis in naves impositis,
silentio admove- naves jussit, donec in Atabyrio
monte fax tolleretur; deinde, quanto possint cum
clamore ac impetu, ad locum cuique adsignatum de-
currere. Nam ita partitus erat operas, ut, donec
pars exercitus cum scalis ad moenia vim tentat, alii
ad portum terrorem facerent.

Fortuito XXV. Sed id quidem consilium, ut multa alia e-
casu occa- jusdem, casus elusit. Excubiae Rhodiorum, quum
sionem o- forte surdum strepitum audivissent, ignem extulerunt.
missis. id prope Atabyrii factum Mithridatici putantes, si-
gnumque suum arbitrati, ex altissimo silentio simul
repente omnes horribilem clamorem ediderunt. Rho-
dii contra, alacriter clamore reddito, quum ad moe-
nia confertim currerent, regiones, ne per noctem ali-
quid auderent, absterruerunt. luce dein orta, ut ho-
mines non ad proelium, sed ad furtum noctis egres-
sos, haud magna mole submoverunt.

Et a Rho- XXVI. Ad Isidis tamen fanum haud mediocris il-
diis repelli- latus terror est, ubi sambucam, duobus navigiis jun-
tur. ctis impositam, Mithridates applicuerat, et ab ingenti
machina plurima simul tela hastasque late spargebat,
et arietem inde ad pulsanda moenia admovebat. Juxta
frequens manus cum multis scaphis aderat, . scalas
ferens, et oppugnationi parata. Resistebant tamen e-
gregie Rhodii, neque laboribus aut periculo fatiga-
bantur: donec Mithridatem major vis amovit. nam

Cap. XXII. Appian.

et sambuca prae pondere subsedit, et Isidis apparuit species, copiosum ignem, fulminis in modum, eadem machinae immittens. U. c. 664.
A. C. 88.

XXVII. Postremus hic adversum Rhodios conatus regis fuit. Frustra videbat operam copiasque et tempus perdi ad firmissimam urbem, quae portuum murorumque munimentis omnique apparatu parem eo tempore non habebat; et a peritissimis rei nauticae hominibus, atque inter sese legibus optimis egregie conjunctis, defendebatur. *Ergo ab obsidione Rhodi recedit.*

XXVIII. Ad Patara hinc ductus est exercitus: ubi iterum iniquos expertus est, quos vocabant Deos. Quum enim, quia machinis exaedificandis materia deerat, lucum Latonae dicatum succidere coepisset, minaci somnio territus desistit. Sunt, qui lucum Furiarum succidi coeptum scribant, sed ingenti risu, cujus auctor non apparebat, deterritos, qui in opere erant. inde quum haruspiciis jussu Furiis virginem Mithridates immolaret, e jugulo puellae risum ortum. Igitur, Pelopida Lycium bellum administrare jussu, principem amicorum Archelaum cum magnis copiis in Graeciam misit. ipse Pergamum secedens, delectibus agendis, parandisque armis, et interim Monimae amoribus operam dabat: simul cognoscebat causas Asiaticorum principum, quorum petitus insidiis dicebatur, quive res novare, aut omnino Romanis studere arguebantur. *Lucum Furiarum succidens, terretur.*

XXIX. Inter haec, Sulla adhuc in Italia faciente apparatus, variisque impedimentis retento, Cn. Octavius, L. Cornelius Cinna consulatum inierunt. Cinna, licet ultimis execrationibus, nihil contra Sullae rationes et ordinatam ab eo rempublicam facturum, se adstrinxerat, fidem adeo non praestitit, ut nihil magis haberet cordi, quam quemadmodum Sullam citissime ex Italia submoveret, ne consiliis suis impedimento esset. Deinde, ad diversa consilia detrusus, cunctanti, et reliqua prius ex usu suo componere volenti, accusationem struxit; diemque dicendam curavit per M. Verginium tribunum plebis. U. c. 665.
A. C. 87.
Cn. Octavio, L. Cornelio Coss.
Cinna consilium movit.

XXX. Ea fuerant, erantque tempora, ut deesse criminandi materia non posset. *Hominem superbum et Sullam.* *Criminationes in Sullam.*

Cap. XXVI. Jul. Obseq. Cap. XXVII. Appian. Strabo, l. 14. p. 652. Cap. XXVIII. Appian. Jul. Obseq. Appian. Plut. Sull. c. 23. Appian. Cap. XXIX. Plut. Dio apud Vales. Plut. Cic. Bruto c. 48.

U. c. 665. *ambitiosum dicebant olim praedicare solitum, sibi summam*
 A. C. 87. *in omnes et omnia potentiam deberi. Ab hac cupiditate, non*
ab aliqua injuria sua, exstimulatum fuisse, ut nefarium pa-
triae bellum inferret, dominamque gentium, et hostilibus ar-
mis intactam urbem, civis, et, si Diis placeret, consul ex-
pugnatam captamque cruentus ingrederetur.

Illius prae- XXXI. Scilicet egregium impio facinori colorem induci,
textum nau- quod decretam ab senatu provinciam inimici eripuis-
ci fuisse. sent: eam injuriam hominem generosum pati nequivisse. Sane datum Mario jussu populi Mithridaticum bellum: neque referre, si prius L. Sullae senatus idem decrevisset. Non minoris aestimandum fuisse Marium, toties consulem, quam fuerit in primo consulatu: neque cum Q. Metello Numidico Sullam comparari posse: neque minus modo fuisse juris populo Romano, quam ante annos viginti fuisset. Sed tum quoque Numidiam
Plura pas- provinciam, quamquam ab senatu Metello decretam, populum
sum Q. Me- Romanum C. Mario dedisse: neque ideo Metellum urbi bel-
tellum, Sul- lum indixisse.
la majorem.

XXXII. Sullam vero, ne quidem sanguine aut exsilio tot illustrium civium satiari potuisse, aut vindicta, licet nimia sane fuerit, placari, ne ultro rempublicam everteret, statumque immutaret civitatis. Scilicet non dolore, nec cupiditate ultionis, sed spe et desiderio regnandi, impetum in leges, in mores, in populi Romani jus auctoritatemque fecisse. Quorsum enim alias tribunitiam coercere potestatem vellet, nisi ut ipsam invaderet arcem libertatis? Ferme quadringentorum annorum experimentis esse cognitum, tribunatum plebis quasi Palladium populi esse; quo sublato, interire ipsum, aut certe servire, necessum sit.

Defensio XXXIII. Ex diverso non amici modo Sullae, sed
pro Sulla. qui omnino quietem ac pacem amabant, Tribunatum, omnium in urbe seditionum unicam originem, recte atque ordine justos intra fines cobibitum, adseverabant. Neque Sullam aut sine causa, aut ultra modum, aut postremo solum fecisse, quae fecerit. Hominem, sociali bello de republica optime meritum, consulem populi Romani, vigentem aetate et armorum gloria, nihil fecisse novum aut mirum, si eripi datam ab senatu provinciam aegre sit passus. Sed neque e republica fuisse, ut ad tantum bellum imperator exacti jam aevi, exhaustarum virum, et cui modo difficilis in Italia militia fuisset, trans mare mitteretur.

Adversa- XXXIV. Sed nec ibi substituisse adversariorum insolentiam,
riorum ejus verum etiam ad sanguinem ac caedes erupisse. Filium consu-
saevitia ta- lis, eundemque consulis alterius generum occisum: patrem ejus
xatur. fuga, socerum dissimulatione et temporibus obsequendo, vix

retinuisse vitam. Sullae vero sicuti dolorem non injustum, ita modestiam in victoria singularem fuisse. De sententia senatus et optimi cujusque constitutam rempublicam; liberrima magistratuum comitia fuisse. Atque haec omnia socio et adiutore Q. Pompejo gesta, ut duorum consulum voluntate ac consensu fierent. neque aliud oppressos tyrannide factionum Patres optavisse.

U. c. 665.
A. C. 87.

Sullam nihil, nisi consensu collegae, egisse.

XXXV. Quid vero stultius, siquidem violentia arguatur Sullae, quam irritare impetum, quo violata omnia modo ac eversa queraris? Scilicet L. Cinnam novum consulem, et Verginium hac balbutie tribunum, laturos tempestatem, cui summa gloria belli, summaque facundia viri, C. Marius, P. Sulpicius succubissent! Et iis cum incipientibus adhuc Sullae opibus negotium fuisse; nunc pugnandum fore cum confirmatis. Eosdem illos milites, qui nullo dum exemplo portas urbis hostiliter essent ausi recludere, nunc feliciter tentatam vim, quocumque juberet imperator, incunctanter adhibituros.

Eundem nunc reprimi non posse.

XXXVI. Praeterea, quod neque fieri oporteat, neque possit, ut Sulla legibus reus peragatur, id hoc tempore neque optandum postulandumve fuisse. Universam Asiam erumpentes ab Euxino Ponto barbaros velut diluvio inundasse: trucidata tot civium Romanorum foedo exemplo esse millia: regem nomini Romano inimicissimum instare, urgere. Ab eodem fidelissimos socios, unicam hostilium successuum moram, Rhodios oppugnari. His temporibus detineri paratum ad haec corrigenda imperatorem, eorum potius esse, qui perditam, quam qui salvam, rempublicam cupiant. Sane etiam iis, qui abessent reipublicae causa, negotium creari lex Memoria vetabat. Igitur ejus beneficio L. Sulla, tribuno et iudicibus valere iussis, in Asiam est profectus.

Ne debere quidem, si maxime possit.

XXXVII. Iisdem diebus, quibus Sullana classis ab Italia solvit, multa Mithridati terribilia ostenta objecta esse memorant: et inter alia Victoriam, adulatione Pergamenorum tali artificio fabricatam, ut, quasi de coelo descendens, coronam Mithridati imponeret, quum ferme caput ejus attigisset, subito et occulto machinae vitio haesisse: dimissamque e manibus ejus coronam de theatro ita procidisse humi, ut confringeretur, non sine ingenti horrore populi, ut regis ipsius consternatione.

XXXVIII. Inter haec profectus in Graeciam cum magna classe Archelaus Cycladas in potestatem regis re-

Archelaus praetor Mithridatis.

Cap. XXXV. Cic. Bruto, c. 48. Cap. XXXVI. Val. Max. 3. 7. Plut. Sulla. Cap. XXXVIII. Appian. Flor. 3, 5.

U. c. 665. degit, aliasque item insulas ad Maleam usque: Eretria quoque et Chalcide, totaque simul Euboea potitus. Eo tempore Delus a Metrophane praefecto regio direpta est: quum, sine muris et praesidio, sacrorum veneratione ad id tempus defendi soleret. In eo tumultu convulsum a barbaro quodam Apollinis Delii simulacrum, et in mare per contumeliam missum, ferentibus undis ad Laconiae oppidum Boeas appulisse autumant, ubi deinde fanum Apollinis, *Epidelii* cognomento, Boeatae dedicarunt. Alia quoque diversis insulis castella a regiis expugnata sunt, occisis ubique circiter viginti hominum millibus, maximam partem Italicis. Ea loca Atheniensibus Archelaus attribuit, a quibus defecisse dicebantur.

*Athenas
regis partes
sequuntur.*

XXXIX. Athenas enim regiis partibus Aristion quidam adjunxerat; adeo nullis vel ad cogendum vel ad suadendum praesidiis instructus, ut nihil relinqueretur haec legentibus, quam Graecam levitatem admirari. Eum Aristionem, ex Aristotelis, vel, ut alii malunt, ex Epicuri schola sophistam, Athenienses ad Mithridatem legatum miserant: et rex benigne acceptum, quoniam magni aestimabat Athenienses habere socios, in amicorum cohortem receperat: ejusque opera in legationibus ad Graecas urbes utebatur.

*Impellente
Aristione.*

XL. Atque ille, saepe domum missitando literas, gratiam suam regisque magnitudinem extollebat. *hujus amicitiam si amplecterentur, et multas a Romanis dictas facituros lucri; et, restituto populi imperio, maxima publice privatimque a rege munera impetraturos esse.* Ita levissimae parti populi facile persuasum est: et quum apparet, quid esset futurum, optimates, qui Romanarum partium erant, mature excefferunt: cum quibus et princeps Academiae Philo Romam profectus est.

*Qui reuer-
sus Athenas,*

XLI. Interim Aristio cum sacra, quae in Delo fuerat, pecunia, et duorum millium militum praesidio, quod Archelaus adjunxerat, Athenas rediens, tempestate abreptus apud Carystios appulit. Hoc ubi populo Atheniensi compertum, longae naves ad deducendum eum mittuntur, cum sella argenteis pedibus fulta.

Cap. XXXVIII. Plut. Memnon. Pausan. Lacon. Appian. Cap. XXXIX. Posidon. apud Athen. 5. 13. Appian. Posidon. Pausan. l. 1. Cap. XL. Posidon. Pausan. Cic. Bruto, c. 89. Cap. XLI. Appian. Posidon.

XLII. Advenientem effusa civitas excepit, plerique caeca in Mithridatem benevolentia; quidam, ut spectarent inopinatum fortunae ludum, quod obscurus, ancillae filius, adscriptitius Athenarum civis, majore fastu, quam Romanorum magistratuum spectatus quisquam fuerat, adventabat. Occurrerant inter ceteros et Bacchici artifices, *Liberique junioris* (ita Mithridates vocari coeperat) *nuncium*; ad communem focum, epulasque et sacrificia invitabant. nam propter felicitatem ejus reditum sacra faciebant, et praecone publice proclamante, libabant.

U. c. 665.
A. C. 87.

Cum magna fastu urbem ingreditur.

XLIII. Ille, in domum splendidissime instructam degressus, postridie cum insigni vestitu et annulo, cui Mithridatis insculpta effigies erat, cum magna antecedentium prosequentiumque turba, in publicum processit. Jam artatae plateae erant exitum ejus praefolantium turba, maximusque peregrinorum oppidanorumque numerus spontanea concione Ceramicum impleverat. circa ipsum praecipue premebat inter se populus, satellitum vicem comitantibus hastatis; qui, ut populo placerent, hoc munus rapuerant. alii pro magno ducebant, si vel vestimenta hominis possent contingere.

Et honorifice exceptus,

XLIV. Ante porticum Attali exstructum tribunal erat, unde concionari proconsules Romani consueverant. Hoc consensu, Aristion, circumspectans in orbem, deinde sublatis in coelum oculis, *Res ipsa me cogit, Athenienses, patriaeque caritas*, inquit, *ut, quae mihi comperta sunt, non reticeam: vicissim eorum, quae dicenda sunt, gravitas et incredibilis rerum conversio vocem intercludit.*

Concionem ad populum habet,

XLV. Adhortantibus deinde cunctis, ut proloqueretur, Ergo igitur dicenda sunt, inquit, qualia ne per somnium quidem expectare quisquam potuisset. Rex Mithridates Bithyniam obtinet atque Cappadociam, Asiam praeterea omnem ad Pamphylios usque et Cilicas. Reges Armeniorum Persarumque in satellitio habet, Maeoticosque regulos, et qui Ponti universum illum ambitum per triginta stadiorum millia possident. Romani vero duces, Q. Oppius Pamphyliæ proconsul in vinculis sequitur; M. Aquilius, consulari functus, et Siculo triumpho insignis, Bastarnam quemdam, quinque cubitorum hominem, catena eadem vinctus, sed equitem pedes sequitur. Cetera togatorum turba vel ad ipsa numinum simu-

Mithridatis progressus exponens,

U. c. 665. lacra effudit spiritum, vel, abjecto patrio cultu, palliorum
A. C. 87. beneficio servat.

Et Roma- XLVI. Civitates autem omnes, augustioribus, quam ho-
norum ca- minem fas est, honoribus exceptum, Deum farentur et nuncu-
famitatem. pant. oracula quoque passim hunc designatum a Diis dominum
et rectorem orbis canunt. Sed et adsunt ab ipsa Italia legati;
adsunt et ab ipsa Karthagine; et, ad evertendas Romae opes,
amicitiam regis et societatem expetunt.

Athenien- XLVII. Haec ubi dixisset, silentio interposito,
ses horta- quum capita inter se conferre homines, et de rebus
tur. tam inopinatis differere videret; perfricuit frontem,
et, resumpto sermone, Quid igitur vobis consulam? in-
quit. Quid enim aliud? quam ut rempublicam sine certo
imperio diutius esse ne sinatis. Senatus Romanus urbis no-
strae ad se revocavit arbitrium: vetuitque magistratus officio
fungi, priusquam ipse, quid fieri veller, constituisset. Er-
gone clausas adspiciemus Deorum aedes, squalentia gymnasia,
theatri hanc solitudinem, et hoc silentium fori? sacram Iacchi
vocem non audiemus amplius? Quid autem Deorum responsis
consecrata Pnyx? quid vetustissimis religionibus venerabile Ca-
storum templum? ipsae denique philosophorum scholae perpe-
tuae oblivione damnabuntur, et, velut in capta dirutaque
urbe conticescent?

Et ab iis XLVIII. His atque talibus animatum vulgus, et
praetor inter se tumultuarie colloquutum, in theatrum se
creatur. proripit, et, quod bene vertat, imperium atque praeturam
Aristioni decernunt. Ille, quum in orchestram adscen-
disset, gratis populo actis, postremo haec adjecit:
Quandoquidem ergo reipublicae summa ad vos rediit, vestris
autem sententiis ego lectus sum princeps, aequum est, ut non
minus ego possim, quam universi potestis atque polletis. Sta-
timque, juris usurpandi causa, nomina quorundam,
quos collegas esset habiturus, edidit.

Arripit XLIX. Neque multos post dies, praesidio mili-
tyranni- tum Archelai fretus, aperte arripuit tyrannidem, gras-
dem. sarique in optimum quemque aut locupletissimum mira
ferocia et crudelitate coepit. Unde quum ex urbe
multi profugerent, custodias in portis posuit: at illi
nocturne e muris demittebantur. Igitur emissis, qui fu-
gientes persequerentur, equitibus, multi ab his oc-
cisi sunt, alii in vinculis retracti. Saepe inter haec
prodibat in concionem cum armato satellitio, multos-
que studere Romanis insimulans, resque novas moliri,

Cap. XLIX. Appian. Posidon.

ac clam ad profugos missitare, complures hoc crimine U. c. 665.
 sustulit: aliis ademit bona, tantumque his rapinis con- A. C. 87.
 gessit nummorum, ut etiam puteos aliquot comple-
 ret pecunia. Nec enim civium tantum, sed etiam
 peregrinorum facultates diripuit: sed nec a Delii A-
 pollinis pecunia sacrilegas abstinuit manus.

L. Quoties alicui dixisset perduellionis diem, in- *Ipsa accu-*
 ter iudices ipse quoque suffragium ferebat. sic, qui *sator est et*
 semel factus esset reus, elabebatur nemo: eratque *iudex.*
 tantumdem, postulatum aliquem hoc iudicio, quam
 convictum atque condemnatum esse. Unde ceteri ex-
 territi, simul deferri nomen suum intellexerant, in
 exilium proficiscebantur. Sed Aristion, fuga illo-
 rum minime contentus, sanguinemque sitiens, ter-
 denis adpositis militibus, ne quis egredi se invito
 ingredive posset, portas custodiebat: et, quotquot
 ab insidiatoribus passim per agros dispositis excipi
 potuerant, eos, indicta causa excruciatos, supplicio
 capitis adiciebat. sed et inter ipsa tormenta multi e-
 moriebantur. Quum sic quoque, praesentium malo-
 rum sensu minas impendentium vincente, multi pro-
 fugerent, edixit per praeconem, *ut sub occasum diei*
domi suae quisque esset; nec inde postea, vel cum laterna aut
funali, egrederetur.

LI. Ceterum, Athenis, hunc in modum ad Mithri-
 daticas partes adductis, Archelaus tamquam arce belli
 usus, alias quoque Graeciae civitates a Romanis ab-
 alienavit. Inter hos Achaei fuerunt, et Lacedaemo- *Achasi et*
 nii, cum universa Boeotia, nisi quod una Thespien- *Lacedemo-*
 sium urbs obsidionem pati maluerat. nam Thebani, *nii defici-*
 sive propter amicitiam Atheniensium, sive levitate *unt ad Ar-*
 quadam animorum, ultro partibus accefferunt. *chelaum.*

LII. Inter haec Metrophanes, qui Delum spoliave- *Bruttius*
 rat, cum regia classe vagatus, agros circa Demetria- *Sura Me-*
 dem, itemque Magnetas, et si qui alii dominationem *trophanem*
 regis abnuebant, populabatur. Sed hunc Bruttius *fugat.*
 Sura, C. Sentii Macedoniam obtinentis legatus, cum
 paucis suis navibus aggressus, navem unam cum he-
 miolia depresso, et omnes, qui his vehebantur, in-
 spectante Metrophane, concidit. quem, contentis
 velis fugientem, negotiatores, qui crudelitatem re-
 giorum Deli effugerant, ex insidiis adorti, nova cla-

Cap. LI. Plut. Sulla. Appian. et Memnon. Pausan. l. 9.
 Cap. LII. Pausan. l. 3. Appian. Plut. Appian. Pausan. l. 3.

U. c. 665. de adfecerunt. Bruttius, ad Sciathum insulam appul-
 A. C. 87. sis navibus, ubi praedarum receptaculum barbaris
 erat, oppidum expugnavit, servos in crucem egit,
 liberorum amputavit manus.

Archelao LIII. Inde profectus in Boeotiam, quum mille
se opponit. praeterea hominum equites peditesque ex Macedonia
 ad eum pervenissent, ruenti torrentis instar Arche-
 lao parvis copiis, sed excellenti animo prudentiaque
 fretus, se opposuit. Apud Chaeroneam cum Arche-
 lao et Aristione triduo continuo est dimicatum: et
 contra horum vim atque potentiam Bruttii virtus in-
 victa stetit. Quum aequo Marte certatum esset, Ar-
 chelaus, eo ipso se inferiorem judicans, quod supe-
 rior esse non potuisset, omissa Boeotia, ad mare ces-
 sit. donec Lacédaemoniorum Achaeorumque auxiliis
 auctum Romanus amplius laceffere non ausus, Pirae-
 ei munitionibus se continuit ad id usque tempus, quo
 praemissus a Sulla L. Lucullus quaestor abstinere
 Bruttium aliena provincia iussit. Tum enim vir laude
 dignissimus, quamvis omnia supra votum proceffe-
 rant, et integritate ejus allecta Graecia Romanam
 amicitiam respiciebat, ne quid praeter leges faceret,
 in Macedoniam reversus est. Archelaus, discessu
 Bruttii cognito, Piraeum admota classe statim rece-
 pit.

Cap. LII. Appian. Cap. LIII. Plut. Appian. Plut. Ap-
 pian. Plut. Appian.

EPITOME

LIBRI SEPTUAGESIMI NONI.

L. Cornelius Cinna, quum perniciosas leges per vim atque arma ferret, pulsus urbe a Cn. Octavio collega, cum sex tribunis plebis: imperioque et ab-

Cornelius Cinna] Vet. lib. *L. Cornelius Cinna*. SIG. Addit vetus lib. consul. DELR. Praenomen primus omisit Frob. anno 1535. Priores dederant *Gajus*, vel *Cajus Cornelius Cinna*. Sed *C. Cornelius Cinna* Norv. *Silla* (*Cinna* in margine) *consulum*, praenomine et nomine neglecto, Boend. *Cornelius Cinna* consul Voss. *L. Cornelius Cinna* consul Lov. 2. *L. Cornelius Cinna* Leid. Berg. et Exc. Pithoei.

Quum perniciosas leges per vim ferret] Vet. lib. *per vim atque arma ferret*. SIG. Voces *atque arma* non exstant in MS. Voss. et de iis adeo dubito, ut non esse auctoris pronunciem. Nam et Epit. 86. *Consul ante annos viginti per vim creatus*. Epit. 117. *Antonius consul quum impotenter dominaretur, legemque de permutatione provinciarum per vim tulisset*. JAC. GRON. Non multum interest ad sententiam, verba atque arma tollantur, an retineantur. Sed, quum pro utraque scriptura stent libri veteres, nolim affirmare, ea auctoris non esse, qui aequè *vim atque arma* con-

jungere potuit, ac Cic. pro *Sextio* cap. 17. *Quos homines si etc. vi armisque superassem*. cap. 36. *Quum omnia vi et armis egeris*. Et pro *Domo* cap. 24. et 26. *Vis multis modis fieri potest, sed praecipue fit armis, quae vis maxima est*. Hinc in *Pandectis vi et vi armata*, et in Cic. 7. *Famil.* 13. et 15, 16. pro *Caecina* cap. 8. et *Fragm. Orat.* pro *M. Tullio*, *vi, hominibus armatis*. DUK. Voces *atque arma* desunt etiam in Boend. et Norv. contra eas agnoscunt Leid. Berg. Lov. 2. et Exc. Pithoei. Utrumque, ut vel simpliciter *per vim* dicat, vel *per vim atque arma* jungat, auctori harum Epitomarum in usu fuit. Et quidem prius, praeterquam locis a Gronov. laudatis, obcurrit insuper Epit. 69. *Tribunus plebis per vim creatus*. Eadem Epit. *Quum legem agrariam per vim tulisset*. Epit. 71. *Per vim legibus agrariis frumentariisque latis, judicariam quoque pertulit*. Posterius Epit. 107. *Armis ac vi contendebant*. Similiter apud *Livium* 8, 13. *Pedum armis virisque et omni vi expugnandum*. Hinc vocabula

F

Supplem. Liv. Tom. XIII.

rogato, corruptum Ap. Claudii exercitum in potestatem suam redegit, et bellum urbi intulit, arcessito C. Mario ex Africa cum aliis exsulis: in quo bello duo fratres, alter ex Pompeji exercitu, alter ex Cinnae, ignorantes concurrerunt: et, quum victor spoliaret occisum, agnito fratre, ingenti lamenta-

illa servantibus, quam omittentibus, adsentiri malo. Eadem tamen Crevierio displicuerunt. Mox pulsus ab urbe Leid. Sed nihil muto. V. ad Epit. 46. Voces pulsus urbe exsulant a Voss.

Cum Sextio tribuno plebis] Melior lectio est manuscriptorum librorum cum VI. tribunis plebis, id est, cum sex tribunis plebis. Hoc probatur, quia scribit Appian. [1. Civ. 389.] majorem tribunorum partem Octavio adversatos esse: ἐτι δὲ Ὀκταβίῳ κατὰ τὴν οἰκίαν τὸ μέλλον περιορωμένῳ ἐξαγγέλλεται τοὺς πλείονας δημάρχους κωλύειν τὰ γιγνόμενα. SIG. cum Sex. Publio. tri. pl. Boend. et ed. Camp. cum Sexto Publio tri. plebis Berg. cum Sex. tri. pl. Norv. cum sex tribunis plebis Leid. Voss. Lov. 2. et Exc. Pithoei. Verum locus Appiani, quem Sigonius laudavit, huic lectioni, cui firmandae eum adduxit, aperte adversatur. Nam verba τοὺς πλείονας δημάρχους κωλύειν τὰ γιγνόμενα accipienda sunt de tribunis plebis, sive majore eorum parte, adversantibus Cinnae ejusque legi, ut novi cives per omnes tribus distribuerentur: unde etiam Appian. subjungit: θόρυβον δὲ τῶν νεοπολιτῶν εἶναι, καὶ ἀπογνώσθωσιν ἡδὴ τῶν ξιφιδίων περὶ ὁδὸν ἐς τοὺς ἀντιλέγοντας δημάρχους, ἀναπηδόντων ἐπὶ τὰ ἐμβόλα. Forte igitur hic latet nomen tribuni plebis, qui cum Cinna urbe pulsus est, et Sexti

praenomen habuit. Emendatio Sigonii ob similes rationes displicuit etiam Crevierio.

Imperioque ei abrogato] Vet. lib. imperioque abrogato. Sic Epit. 111. Abrogato magistratu pulsus urbe. SIG. Sola Exc. Pithoei favent Sigonio. Reliqui codd. Voss. Leid. Berg. Lov. 2. Boend. et Norv. pronomen ei servant. Supra Epit. 67. Dam-nati bona publicata sunt, imperiumque ei abrogatum. Mox bellum urbi contulit nullo sensu Voss.

Arcessito C. Mario ex Africa cum aliis exsulis] In hunc ordinem vocabula primus composuit Gruterus: concinunt Leid. Voss. Berg. et Lov. 2. Antea edebatur cum aliis exsulis ex Africa, ut superest in Boend. Exc. Pithoei, et Norv. Paullo post voces alter ex Pompeji exercitu desunt in Norv. culpa librarii ob repetitionem τοῦ alter. V. ad Livii 9, 11, 11.

Ignorantes concurrerunt] Gud. corruerunt. J. FR. GRON. concurrunt Voss. corruerunt, quod Gronovius in Gud. invenit, errantis est librarii. Non enim ambo, sed alter eorum, et quidem qui in Cinnae exercitu stipendia faciebat, corruit; alter victor interfecti cadaver spoliavit. Praeter auctorem hoc loco, v. Valer. Max. 5, 4, 4. Tacit. 3. Hist. 51. ubi v. Lipsium, Oros. 5, 19. et Augustin. de Civit. Dei 2, 25. qui tamen, quo bello id acciderit, reticuit. Si-

tione edita: rogo ei exstructo, ipse supra rogum se transfodit, et eodem igni consumtus est. Et quum obprimi inter initia potuissent, Cn. Pompeji fraude, qui, utramque partem fovendo, vires Cinnae dedit, nec nisi profligatis optimatum rebus auxilium tulit, et consulis segnitie confirmati Cinna et Marius qua-

milem casum tempore belli civilis inter Caesarem Octavianum et Antonium memorant unus alterve poeta incertus, quorum poemata ediderunt Jos. Scaliger in Catal. Virg. pag. 185. et Pithoeus in Catal. vet. Poët. pag. 159. Alium tempore belli inter Vitellium et Vespasianum refert Tacit. loco laud. Poëtica, ut videtur, licentia finxit Silius, patrem a filio ignorante interfectum esse bello Punico secundo, lib. 9, 86. ubi plura vide.

Quum victor mortuum spoliaret] Vet. lib. spoliaret occisum. SIG. Pariter Leid. Voss. Berg. Lov. 2. Boend. Exc. Pithoei, et ed. Camp. Primis editoribus admodum displicuisse debuit vox occisus, cui hic substituerunt mortuus, ad saepius alibi interemptus, ut vidimus ad Epit. 57.

Rogo ei exstructo, ipse supra rogum se transfodit] obstructo Berg. instructo Voss. constructo Leid. Sed frustra. Liv. 25, 17. Tradunt, in vestibulo Punicorum castrorum rogum exstructum esse. Ovid. 15. Her. 116.

Portet ad exstructos corpus inane rogos.

V. ad Sillii 4, 746. Praeterea *ro ipse* deest in Leid. Tum *se supra rogum* Berg. Lov. 2. et ed. Camp. *se super rogum* Boend. Voces *super* et *supra* saepe a librariis confunduntur. V. ad 23, 36, 6. Mox *eodem igne* Leid. Voss. Berg. Lov. 2. Boend. et

edd. Camp. Rom. anni 1472. ac Parm

Quum obprimi inter initia potuisset] Scribe potuissent. Refertur enim ad quod sequitur, confirmati Cinna et Marius. Et sic Gudianus minor. J. FR. GRON. in initia Boend. forte pro in initio. Sed nihil multo Justin. 7, 5 Inter prima initia regni bellum ab Illyriis redemit. 11, 2. Inter initia multas gentes rebellantes compescuit. Liv. 1, 55. Inter principia cendi hujus operis. Ita inter primum tumultum Liv. 32, 38. Plura vide ad Livii 6, 24, 10. et Torren. ad Val. Max. 3, 2, 3. Insuper potuissent Leid. Mox Cnaei fraude, omissa media voce, male Voss. Tum quod utramque partem Berg. V. ad 37, 35, 3. Denique vires Cinnae dabat Leid.

Optimatum rebus auxilium tulit, et consulis segnitie confirmati] optimatum Leid. Voss. Berg. et Boend. Et ita codd. praeferunt infra Epit. 84. Utrumque in usu fuisse, Vossius docet 4. Gramm. 14. At in Livio quidem peioris notae codd. optimatum, reliquos optimatum legere, vidimus ad 3, 35, 9. 4. 9, 5 10, 18, 8. et 24, 32, 3. Tum segnitia Voss. Berg. Lov. 2. Boend et ed. Camp. V. ad 31, 6, 5.

Quatuor exercitibus, quorum duo] Voss. et Gudiani ex quibus. Sic lib. 92. erat plurimus amicorum, etc. priusquam Sigonius restituerat ex amicis,

tuor exercitibus, ex quibus duo Q. Sertorio et Carboni dati sunt, urbem circumsederunt. Ostiam coloniam Marius expugnavit, et crudeliter diripuit.

cui nostri subscribunt. Iidem lib. 88. *qui soli ex Italicis populis.* Et lib. 130. et 137. sic peccatum. J. FR. GRON. Similiter Berg. Lov. 2. Boend. Exc. Pithoei, et ed. Camp. Ita supra Epit. 77. *Ex qua duodecim a senatu hostes judicati sunt.* Epit. 89. *Unus ex proscriptis.* lib. 92. *Singula ex utraque parte cornua.* Epit. 93. *Plurimos ex amicis proscrispsit.* Sallust. Jug. 13. *Singulos ex senatu.* Similiter Mlti praeferunt infra lib. 129. *Ita ut ex duabus Caesaris classibus altera, cui Agrippa praeerat, vinceret, pro ut duarum classium Caesaris.*

Ostiam coloniam Marius expugnavit, et crudeliter diripuit] Hostiam Leid. Voss. Lov.

2. Boend. et quaedam ex vett. edd. Sed vide ad 1, 33, q. Tum vox *Marius* exsulata Leid. Voss. Berg. Lov. 2. et Boend. Praeterea *diruit* Voss. sollemni scribarum lapsu. V. ad Livii 6, 4, 9. 8, 20, 7. et 31, 45, 16. Ne vero, si *Marius* omittatur, deesset, quo verba *oppugnavit* et *diripuit* referantur, Leid. legebat *pugnauerunt et crudeliter diripuerunt.* Sed voluit forte *expugnauerunt.* Id tamen probari nequit. Ita enim quatuor ducibus simul Ostiae expugnatio et direptio tribueretur, quod alii uni Mario adscribunt. Appian. 1. Civ. 391. *Μάριος δὲ καὶ Ὀστία ἐῖλε καὶ διήρπασε.* Adde Plut. in Mario pag. 430. et Oros. 5, 19. Nihil itaque mutandum.

JOHANNIS FREINSHEMII

SUPPLEMENTORUM LIVIANORUM LIBER XLIV.

IN LOCUM LIBRI LXXIX. T. LIVII.

I. L. Sulla ex Italia profecto, L. Cornelius Cinna U. c. 665.
consul, homo foedus et seditiosus, occasionem no- A. C. 87.
vandi res adesse ratus, corruptus insuper, ut suspi- L. Cinnae
cio fuit, septuagies sestertio, perniciosas ferre leges perniciosas
coepit; ab iisdem illis orsus, quas nuper, auctore leges.
Mario, P. Sulpicius in tribunatu promulgaverat: *ut*
novi cives in omnibus tribubus suffragia ferrent. ad quam le-
gem sciscendam ex universa Italia civium novorum
multitudo ingens concucurrit. E diverso veteres,
et quicumque quieta republica gaudebant, refraga-
bantur. Apparebat enim rem ad revocandos exsules
spectare, renovandamque malorum istorum acerbita-
tem, unde paullo ante vix eluctata civitas fuerat.

II. Idcirco, postquam Cinnani cum sicis veste te- His obvi-
ctis in forum convolaverant, antiquas in tribus re- am it Octa-
cipi postulantes, melior pars civitatis ad consulis O- vius, Cin-
ctavii domum, ne ipsa quidem inermis, confluit. nae collega.
Is, quorsum evasura res esset, animo circumspectans,
ubi majorem tribunorum partem intercedere legi au-
divit, sed eosdem a novis civibus stricto ferro de-
rosiris deturbari; ad auxilium ferendum per Sacram
viam cum magno civium agmine decurrit in forum,
disjectisque adversariis, Cinnam reverentia paris po-
testatis, et solita ingenii lenitate declinans, in ae-
dem Castorum deflexit.

III. At comites ejus, non expectato consulis jus- Cinnani
su, impetum in novos cives fecerunt: caesisque non vincuntur.

Cap. I. Liv. Epit. Appian. Civil. l. 1. Vell. 2. 20. Appian.
Flor. III. 21. Auctor. de viris illust. in Cinna. Cap. II. Flor.
Appian. Vellejus, 2. 22. Cap. III. Appian. Plut. Sertor. c. 6.

U. c. 665. multo minus decem millibus, reliquos ad ipsas usque
 A. C. 87. portas urbis insequuti sunt. Cinna, quum praeter
 expectationem suam fusos fugatosque a paucioribus
 multos videret, per urbem discurrebat, servitia ad
 pileum vocans. Sed, accedente nemine, pulsus ab
 optimatibus in Campaniam contendit, omnes, quas
 in itinere adierat, urbes cohortatus, *ut jus civitatis nu-*
per acceptum totis animis tuerentur, pecuniasque conferrent.
 Hoc apud Tiburtes, et Praenestinos, et alios, qui
 ad Nolam usque colunt, egit.

Q. Sertori-
us Sullae o-
dio ad Cin-
nam trans-
it.

IV. Neque senatorii ordinis viri adjuvandis Cin-
 nae coeptis deerant, C. Milonius ante alios, C. Ma-
 rius, magno illi Mario cognominis, et ob tribunatus
 repulsam infensus Sullae Q. Sertorius. Nam post A-
 tiniam legem senatores tribunatum plebis petebant:
 quum antiquitus contra fuisset, quia tum tribunis
 plebis intrare curiam non licebat, sed subselliis ante
 valvas positis consulta senatus examinabant. Igitur
 Sertorius, Sulla consule tribunatum petens, illo ad-
 versante, cupitis exciderat. neque enim conducere
 suis rebus Sulla arbitrabatur, ut, quam deprimere
 potestatem cupiebat, eam viro acri atque diserto
 committi pateretur. Quippe Sertorius ita versatus
 in foro fuerat, ut adhuc adolescentulus nonnullam
 in urbe potentiam caussis agendis comparatam obti-
 neret; et postea senator, si claros oratores paucos
 excipias, ea existimatione ageret, ut non alius ejus
 ordinis solutius acutiusque dicere putaretur.

Cinnae con-
sulatus ab-
rogatur.

V. Ceterum, quum ex urbe Cinna profugisset,
 senatus ei, quod rempublicam consul deseruisset,
 et ad libertatem vocasset servitia, magistratum abro-
 gavit, in locum ejus L. Cornelio Merula, qui flamen
 Dialis erat, suffecto. His Cinna compertis, quum Capuam
 venisset, ubi Ap. Claudii exercitus erat, conciliatis
 sibi tribunis, et quotquot forte ab urbe senatores
 aderant, consulari habitu in publicum progressus,
 mox profusis abunde lacrumis, discedere cum fasci-
 bus lictores jussit.

Cap. III. Appian. Auctor de viris illustr. Liv. Epit. Vell.
 2. 20. Appian. Cap. IV. Plut. A. Gell. 14. 8. Val. Max. 2.
 2. Plut. Plut. Sertor. c. 3. Cic. Bruto, c. 48. Cap. V. Ap-
 pian. Liv. Epit. Auctor de viris illustr. Plut. Mar. c. 69.
 Appian. Liv. Epit. Appian.

VI. *Et bos quidem, inquit, vestro hacenus beneficio habui, cives, populi suffragiis creatus consul. sed, inconsulta plebe, honorem mihi senatus abstulit. Acerba omnino ignominia, sed in qua plus vestram irascor vicem, quam meam doleo. nam mihi quidem unius anni magistratus, vobis in omne tempus jus vestrum, et, si animadvertitis, libertas perijt. Quid enim postea demereri plebem studeant candidari? aut quorsum vos comitiorum potentes, vestraque in manu consulatus atque imperia esse creditis? si tam infirma atque instabilia beneficia vestra sunt, et, quae bene de vobis meritis dedistis, ea per male meritos tam facile auferuntur.*

U. c. 665.
A. C. 87.
*Cinnae oratio Capu-
as habita.*

VII. Simul multa de republica, multa de suis injuriis questus, veste lacerata de tribunali desiliit, et, in mediam concionem misso corpore, diu jacuit humi: donec permoti misericordia, qui aderant, erexerunt hominem, et in suggesto reposuerunt, redditisque lictoribus bono animo esse jusserunt: se, ubicumque opus esset, auspicia ejus sequuturos. Hac inclinatione vulgi usa pars tribunorum antea corrupta conscendit tribunal, sacramentoque dicto, suos quisque in verba L. Cinnae consulis adegit.

*Exercitus
Ap. Claudii Cinnae
sequitur.*

VIII. Quibus rebus perfectis, circum urbes sociorum discurrit, qui nuper erant in civitatem lege Julia recepti, quocumque advenisset, tali ferme oratione usus: Consulem populi Romani, an vero exsulem, ad vos venisse putetis, interest, cives. Illum mihi honorem libera civium suffragia dederunt: hanc fortunam captus adversariorum potentia senatus imposuit. cum utra parte vos sentiat, tamen dubitare non debeam, malo tamen ex vobis coram cognoscere. Mibi sane curae cordique fuit, ut, quae vobis concessa dataque dicitur civitas, ejus jure commodisque vere frueremini. neque veteribus civibus meis fieri injuria rebar, si per me effectum esset, ut vobiscum, hoc est, cum amicis cognatisque suis, stabili pace atque concordia coalescerent.

*Ejusdem
oratio ad
novos cives.*

IX. Sed videte, quanta sit hominum iniquitas et quanta invidia. Nullam potius civitatem suam, quam vobiscum esse communem, volunt. Idem ille senatus, cujus nunc nomen scelestissimis consiliis praescribitur, paullo ante senserat, non alia ratione retineri imperium, pacari Italiam, servari urbem posse, quam si fidelissimi sociorum, data civitate, in eandem causam pertraherentur. Atqui hoc consilium, quum non prudens modo et humanum, sed etiam felix fuisset, eoque pacto sociale bellum ad tenues redactum reliquias esset, exstiteret ta-

*Adversu-
riorum ini-
quitatem
accusat,*

U. c. 665. *men, qui per summam improbitatem turbare composita mallent,*
 A. C. 87. *quam turbis desideratum diu finem imponere.*

Nondum *X. Igitur, qui paullo ante quibusdam Italicis gentibus*
sopito so- male resistebant, quamquam adjuti a ceteris, non quidem pe-
ciali bello, nitus quietam domi rempublicam, sed tamen tolerabiliter agi-
civile exci- tatam haberent, iidem, nondum plane extincto veteri bello,
tantium, novum et civile parant: super priores hostes, partem antiquo-
 rum civium, et omnes eos populos, quorum auxilio prius usi
 sunt, adversarios habituri.

Negat in- *XI. Nam profecto aut graviter fallor, aut ii non estis,*
 jurias illo- *qui deludi vos feratis, sub tam iniquis et impudentibus do-*
 rum feren- *minis pristinam servitutem novo nomine toleraturi. Etiam*
 das. *mancipia, quae aere nostro paravimus, quum emittuntur ma-*
nu, in quam conditionem venerint, intelligunt; neque minui
sibi datam libertatem patiuntur; et de injuria patronorum que-
rentibus jus redditur. Homines, ab ultima origine liberi,
quorundam aemuli, mox socii et auxiliatores urbis Romanae,
verba sibi dari patienter scilicet ferent! Immo vero jus suum,
si modeste agendo nequiverint obtinere, iisdem illis armis,
quibus meruere, vindicabunt. Omnium enim, quibus nuper
decreta est civitas, eadem nunc caussa est, etiamsi fortasse
dispari via banc ad caussam pervenerint. Alii enim, quia
pro nobis pugnarunt, aliis, quia contra nos pugnarunt minus
atrociter et diu, civitatem dari placuit, obventuram neutris,
nisi alteri amare virtutem suam populum Romanum; alteri
timere: utrique aestimare docuissent.

Senatum *XII. Atque utinam iisdem animis, quibus promittendam*
 accusat si- *sibi civitatem senatus censuit, praestare soluisset! Nihil nunc*
 dei non *bis esset contentionibus opus: et in alta pace ac florente repu-*
 praestitae. *blica, veteres simul novique cives mutuae benevolentiae concor-*
diaeque fructus laetissimos caperent. Sed, siue Deorum haec
ira est, nullam diuturnam felicitatem humanis rebus relinquen-
tium; siue hominum tanta importunitas, ut concessam a Diis
quietem possit evertere: omnia nunc in contrarium versa sunt,
et, ultimae propemodum desperationis indicio, ipsa in morbum
remedia verterunt.

Et doli pa- *XIII. Proh Deum hominumque fidem! ideo nimirum da-*
 rum cauti. *ram sociis civitatem esse, ut cum iisdem deinceps civili bello*
collideremur! At vero aut numquam datam iis civitatem opor-
tuit, aut bona datam fide. O distorta hominum ingenia! &
corruptas mentes! Amicissimos modo populos subito tumultu
diffiluisse, repletam armis Italiam, ferro atque igne vastatam,
extrema et fecisse socios, et passos esse, quisquam sanae men-
tis crediderit, pro nomine tantum, non pro jure civitatis?
An vero existimare posuerunt, vos, qui in media republica
Romana nati plerique et educati estis, decipi tam rursus

posse, ut, appellatione civium Romanorum contenti, quo jure U. c. 665.
quaque conditione Romani cives agerent, non requireretur? A. C. 87.

XIV. Nimirum improba cupiditas dominandi et suum ad Id refert
lucrum trahendi rempublicam ita excaecavit animos, ut homi- ad cupidi-
nes, cetera non stupidissimi, tantam hanc tamque singularem tatem do-
amentiam videre atque deprehendere nequeant. Igitur festivo minandi.
sane consilio, quum aliquanto pluribus darent civitatem, quam
essent ipsi, a quibus dabatur, quinque et triginta tribus ve-
teri populo relictae sunt; majori longe numero hominum octo
videlicet attributae.

XV. At vero quis nescit, ita comparatum esse Romae, ut Tribuum
maxima quaeque negotia tribus comitiis peragantur? His ma- novarum et
gistratus creantur, qui civibus omnibus praesint: his sciscun- veterum dis-
tur leges, ipsis quoque magistratibus imperaturae: nec aliud, crim'n ex-
nisi per has, ad pleraque sacerdotiorum iter est. postremo, plicat.
quibus de criminibus ad populi judicium itur, suffragiis tri-
buum decidenda res est. Vos autem, hoc est, universa haec
Italorum multitudo, paucas et extremas in tribus conjecti,
totam vitam vestram ne semel quidem ad suffragia vocabimini. Quo-
rum igitur hominum in his causis, quibus tota ferme respu-
blica continetur, nullae aut exiguae partes sunt, eos vocabulo
civium appellari quid refert, si ab omnibus negotiis publicis,
haud secus atque peregrini, abarcentur?

XVI. Haec ludibria vos pati non posse, quis miretur, Id ludi-
quum ex veteribus Romanis, quotquot aequi justique amantes brium mul-
et pacis tranquillitatisque studiosi fuerunt, ferre nequiverint? tis etiam
Nec enim ego solus hujus causae sum amplexus aequitatem: Romanis
multis et mecum, et ante me idem judicium studiumque fuit. veteribus
displicuit.

XVII. Sed ista repetentem animum acerbior dolor occupat. se adfir-
Nec enim C. Marii, P. Sulpicii miserabilem casum queam mat.
sine lacrimis ac luctu recordari: quorum hic a nefariis latro- Sulpicii
nibus crudeliter interfectus est; illum, post eos consulatus et Marii
summa gloria gestos, in gravi et sollicito exsilio sterili in- casum de-
sularum tristes latebrae tegunt. Et quis postea patronorum fect.
vestrorum incolumitatem speret, ubi P. Sulpicium summa no-
bilitas, et ingenium, et tribunitia potestas; C. Marium mul-
tiplicati honores, amplissimae res gestae, triumphatus Jugur-
tha, urbs et Italia haud dubie conservata, non defenderunt?

XVIII. Est tamen quorundam animis haec innata genero- Suam vir-
sitas, ut officium anteponant securitati; et vivere cum dedecore, tatem et for-
quam perire per virtutem, acerbius putent. An inter hos ego tiam lau-
locum ac nomen merear, ii viderint, quorum causam tam in- dat.
visam domi, summorumque hominum morte aut exsilio terri-
bilem, nequaquam timide aut cunctanter suscepimus. Sed ne-
que armis adversariorum petiti, nisi tentata ultima spe, reli-
quimus urbem; et postea minime despondimus animum, in ne-

U. c. 665. gotio semel probato susceptoque vel ad extremum spiritum
A/C. 87. perseveraturi.

XIX. Et dederunt Dii, ut praemium huic esset constan-
tiae, coeptumque probatum numinibus secunda statim fortuna
sequeretur. Nam, qui apud Capuam erat, fortissimus exer-
citus, tribunis praefectisque et optimo quoque manipularium
ad bonam causam ultero accedentibus, sacramento mihi roga-
tus est; et Praenestini, Tiburtes, ceteri plerique populi, qui
inter Capuam et urbem interjecti sunt, omnia polliciti, haud
aspernandam pecuniae summam contulerunt. Aliis etiam pas-
sim inclinantibus ad communem causam, eas propediem co-
pias habeo, adversus quas inimici nequeant consistere.

*Adversa-
riorum im-
prudentiam
arguit,*

*Nullas vi-
res habenti-
um.*

XX. Nam, ut impetu magis, quam consilio, ferri im-
probitas solet, omnia in eo esse rati, si res urbanas per vim
ad sua commoda componerent, adversus ea, quae possent aliun-
de accidere, nihil providerunt. Caput factionis, homo insi-
gni audacia L. Sulla, quasi nihil referret, esse in civitate,
qui armatum et furentem legibus agere reum sustineret, cum
quinque legionibus, quod firmamentum partium istarum fuit,
in longinquam militiam profectus est. Cn. Pompejus, qui al-
terum exercitum obtinet, nec amicus esse Patribus, nec spe-
rare amicos potest, occiso consule, qui missus ab senatu ad
accipiendas copias ejus venerat. In ipsa urbe multa sunt ho-
minum millia nostras sequentium partes. In Italia Samnites
et Lucani, quamquam accisis opibus, bellum sustinent: ut,
quantum decessit viribus, tantum accessisse animis videatur.
Quae postquam omnia recogitaveritis cum animo vestro, non
ad bellum magis invitari vos, quam ad victoriam, reperietis.

*Latini ex-
cisati a Cin-
na fremunt.*

XXI. Non erat difficile concitare propensos ad ar-
ma, nec aliud magnopere ad rebellandum, praeter-
quam ducem, requirentes. Qui Latini nominis erant,
nihil se ornatiores auctioresque fremebant hac nova lege civi-
tatis. Honestius majores suos in una tamen veterum tribuum
suffragia tulisse, quamcumque sors quoquo tempore dedisset.
Jam separari tribus antiquas, tamquam consortio Latinorum
polluerentur: novas et plane supernumerarias fieri, quibus
adscripti haberentur ludibrio, nominis Romani participes, ju-
ris exsortes. Certe sapienter olim a Servio rege constitutas cen-
turias, ut egeus et infima faex populi speciem haberet aequi ju-
ris, vis omnis penes honestiores esset. Verum in praesentia nec
causam huic astutiae, nec locum esse. multas habere Latium
familias, Romanis nec genere, nec censu impares. neque sibi
posse fucum tantum fieri, ut nomen pro re, et umbram pro
corpore accipiant. igitur aut vere futuros cives Romae; aut,
si hoc potiri non detur, vanum vocabulum abjecturos. Aliud
majores suos olim, seque ipsos modo meruisse, et quotidie me-

veri, quam ut, pro continuis laboribus ac periculis suis, ludibrio haberi ab Romanis debeant, nullam habituris civitatem, si Latio conspirandi cum cetera Italia voluntas venisset.

U. c. 665.
A. C. 87.

XXII. Haec Latinis, et si qui alii pro Romanis adversus socios steterant, dicebantur. At apud alios populos, qui positis armis recepti in civitatem fuerant, plus adhuc irarum erat. Acceptis nuper cladibus, nondum ad cicatricem pervenerat vulnus, et novae injuriae sensu violentius recrudescebat. Praecipue, quorum postremo tumultu interfecti fratres liberive ab Octavianis fuerant, vindictae cupiditate flagrant. Sed et exsules, quorum plerosque non aliam ob causam urbe pulsos credebant, quam quod favere illis putarentur, quamprimum reduci, valde existimabant ad rationes suas pertinere.

Itemque alii populi.

Diversas ob causas.

XXIII. Quum hic omnium sensus esset, haud difficile obtinere Cinna potuit, ut dicta sua faventes exciperent: brevique tempore formidabilem civitati potentiam comparavit. Nam neque Itali segniter pecuniam virosque praebebant, et adfluebant ab urbe quotidie, quibus praesens respublica displicebat. Idcirco, ex delectibus novorum civium triginta legionibus effectis, ut auctoritatem atque gratiam viribus adderet, C. Marium ceterosque exsules ad communionem consiliorum et spei evocavit.

XXIV. Interea Cn. Octavius, L. Merula consules adversus provisam tempestatem fossis moenibusque reparandis muniebant urbem: machinas locis idoneis disponebant: et, quia non abundabant copiis, Metelloque procul agente longa spes auxiliorum erat, circum urbes imperio parentes et in Cisalpinam Galliam missitando, exercitum contrahebant.

Consules muniant urbem.

XXV. Ad Cn. quoque Pompejum proconsulem legati iverant, qui ad Adriaticum mare, ubi reliquiae adhuc Italicorum M. Lamponio, Ti. Cleptio ducibus agebant, exercitui Romano praeerat. Sed ille, quia frustratus spe continuandi consulatus fuerat, nihil ad rempublicam, sed ad suam utilitatem omnia consilia referens, ita se dubium et inter utrosque ancipitem gessit, ut Cinnanae factioni, quam ab initio facillime

Cn. Pompejum in auxilium evocant.

Cap. XXIII. Plut. Mar. Appian. Vellejus, 2. 20. Liv. Epit. Cap. XXIV. Appian. Sallust. apud Servium, Aen. 10. et Incert. 14. Cap. XXV. Appian. Diod. Eclog. l. 37. Vell. 2. 21. Oros. 5. 19.

U. c. 665. evertere potuisset, vires daret, nec nisi profligatae
A.C. 87. jam optimatum caussae succurreret.

Frater fratrem occidit.

XXVI. Adunato igitur exercitu, quum ante portam Collinam castra posuisset, eodem et Cinna cum Sertorio supervenit, nequeque multo abinde intervallo castra metatus est. Pugna deinde inter Sertorium et Pompejum commissa, quum ad sexcentos cecidissent, interventu noctis dirempta est. Eo tempore accidit res saeva et horribilis, ut Pompejanus miles fratrem ex adversa acie ignorans ignorantem interficeret. Eum deinde, quum mortui corpus spoliando fratrem agnovisset, ingenti lamentatione edita, rogam exstruxisse memorant; et, consensu rogo, quum eodem se gladio transfuxisset, quo fratrem occiderat, commune cum illo bustum habuisse. Miserabile hoc facinus et erat, et videbatur: sed tot hominum utrimque millia, quum ista detestarentur, haud leviora committebant.

C. Marius ex Italia redit.

XXVII. In hoc articulo rerum C. Marius ceterique ex Africa ad Telamonem Etruriae portum appulerunt. Erant cum his equites Mauri, et quidam Italorum, quos in Africam aestus bellorum aut aliae causae expulerant; in universum haud amplius mille. Sed, ad nomen Marii concurrentibus multis, quum et ergastula armaret, et ex liberis hominibus agricolarum pastorumque robustissimos centuriaret, brevi ad sex hominum millia coacta sunt: quibus in naves quadraginta impositis, quum Cn. Octavium virum optimum esse nosset, Cinnae se statuit adungere; praemissis, qui venire Marium, consuli dicto audientem fore nunciarent.

Cinna de liberis, an cum recipiat.

XXVIII. Ea de re quum ad consilium Cinna retulisset, ceteri praeter Sertorium omnes cupide recipiendum censebant. *Summam in viro virtutem cum pari peritia rei militaris propemodum certam spondere victoriam, quibus accessisset. In urbe, in Italia, in provinciis ubique notum C. Marii nomen, ubique amplum atque honoratum esse. neminem ferme militem veteranum ullis in castris Romanis inveniri, qui sub hoc imperatore non meruerit, neque ignotum, quantam vim apud militares animos memoria ducum habeat, quorum auspicio vicerint, quorum beneficio dona, honores, divitias, famam sine consequuti. Sed et in magistratibus, quos rogatus in urbe gess-*

Plerique suadent ob gloriam viri.

Cap. XXV. Liv. Epit. Cap. XXVI. Appian. Vell. Oros. Sisen-
senna apud Tac. Hist. 3. 51. Oros. Liv. Epit. Oros. Cap. XXVII.
Plut. Mar. Flor. 3. 21. Plut. Appian. Plut. Cap. XXVIII.
Plut. Sertor. c. 6.

rit, multam materiam opportunitatemque demerendi homines, U. c. 665.
conciliandique animos, habuisset. A. C. 87.

XXIX. Quibus rebus jam olim in tanto optimatum odio invictus contra potentissimam factionem steterit, iisdem inclinatam jam et infractam, si praesentibus viribus conjunctus adjuvet et adjuvetur, facile pessum daturum. Sane deceptas ab Sulla legiones pellendo ex urbe Mario, contra vim improvisam baud satis parato, commodasse manus: sed non ideo extinctam hominis audaciam existimationemque esse. quin contra accessisse aliquid ad utramque, prodigiis Deorum et inclinatione hominum brevem status mutationem praesagientibus. Idcirco citius, quam de reditu ejus sciri potuerit, rerum omnium inopem, sola nominis Mariani admiratione ac favore, exercitum et classem comparavisse.

XXX. Praeterea nihil magis convenire consultis actionibus, qui de restituendis exsulibus tantopere depugnarit, quam C. Marium recipi, exsulum omnium baud dubie principem: idque nisi fiat, apud multos orituram suspicionem, aliud simulatum illis contentionibus, aliud quaesitum esse. Praeterea cavendum, ne, velut hac repulsa irritatus, in contrarias partes transeat homo, contumeliae omnis impatiens, et ad vindictam praiceps. Nunc occupari eum, retinerique benevolentia posse. ubi hoc tempus praetermissum fuerit, seram neglectae occasionis poenitentiam fore. *Et ne trans-*
eat ad ad-
versarios.

XXXI. Adversus haec atque talia Q. Sertorius omnia alia censebat, sive, tanto viro praesente, minoris se aestimatum iri putans; sive, probabili causa motus, acerbiter Marii, et implacabilem in victoria animum procul rebus urbanis habendum existimabat. Is ergo hunc maxime in modum differuit:

XXXII. Quae de virtute atque gloria C. Marii dicta sunt, neque ab inimicis ejus negantur: et ego neminem eadem aetate imperatorem cum hoc comparari posse arbitror. Ceterum quemadmodum reliqua, quae oriuntur et occidunt, stata crescenti minuentique tempora habent, neque fines a natura praescriptos transilire possunt: ita et humanae virtuti suus ortus, deinde maturitas, postremo, quae illam exstinguat, sceleratus est. Nec aliter de gloria judicaverim. multorum hodie vix nomina cognoscuntur, quos scimus vetustis temporibus clarissima fama floruisse. Priorem autem gloria virtutem esse, necessum est, quum hanc illa consequatur. At, quae posterius orta sunt, diutius manent. Eo fit, ut non idem utrius-

Cap. XXXI. Plut. Sertor.

U. c. 665. *que sit finis atque terminus, sed ferme tum praecipuae vigeat*
 A. C. 87. *jama, postquam longa aetate, aut morbo corporis, aut alio veluti situ virtus enarcuit. Idcirco, quum nulla fuerit umquam respublica magnorum ducum feracior, ubi commentarios historiae Romanae atque annales omnes evolueris, neminem reperies, cui ad hos annos ille vigor animi ac corporis, quem virtutem vocamus, duraverit.*

*Senectute
 Marium a-
 lium factum
 esse.*

XXXIII. Unde sapienter a majoribus nostris constitutum est, ut post quinquagesimum annum militiae sit vacatio; a quinto et sexagesimo senator venire non cogatur in curiam; in comitiis de ponte sexagenarii dejiciantur. Quae profecto illis non placuissent, nisi senectus ita corporis animique vires enervaret, ut iidem homines, postquam aetate mutati sunt, minime iidem esse videantur.

*Idque nu-
 pero expe-
 rimento co-
 gnitum.*

XXXIV. Haec mihi visa sunt in praesenti consultatione diligenter attendi debere: ne decepti et opinione falsi alium quaeramus Marium, alium adipiscamur. Nam ille profecto Marius, qui Fugurthae fregit ierociam, qui Cimbro Teutonisque decantatissimis pugnis contudit, olim est mortuus. nomen tantum et haec velut umbra Marii superant, quam nuper L. Sulla, postquam semel contemnere ausus est, nullo labore profligavit. Ab illo tempore calamitatibus et miseriis conflictatus, quales etiam juventutis extinguere vigorem potuissent, quod robur ad communem causam, quas ille vires adferet?

*Praeterea
 alias esse
 rationes,
 cur rejicia-
 tur.*

XXXV. Sed fac, alia forte C. Marium, quam ceteros mortales, vivere; tempori et annis licere in illum nihil, quod tamen res ipsa refutat: an igitur recipiendus est? Ego vero, admirentur licet, qui ad pauca respicientes cetera non animadvertunt, ego inquam, vel ob hoc ipsum dicerem recipiendum esse minus. L. Cinna consul, ceterique duces omnes, sub unius senis umbra latere videremur; ab hoc defendi; huic debere victoriam.

*Bellum
 prope confu-
 tum esse.*

XXXVI. At vero quae nos tanta necessitas subigit, ut, alienam gloriam supra modum extollendo, nostram existimationem infra meritum deprimamus? Res nobis est cum optimatibus, Sullae discessu propemodum exarmatis. sub segni duce ziro exercitus, tumultuario contractus delectu, et urbis vastae aliis munitionibus indigens munitio, graviora scilicet, quam sustineri queant a nobis, bella minantur? At nobis, praeter veteres copias, arma virosque omnis Italia subministrat: passimque concurrentibus ad signa civibus novis, cohortes paullo

Cap. XXXIII. Senec. de Brev. vitae, c. 20. Festus, in voce Depontani. Cap. XXXVI. Strabo, l. 5. p. 234. Vell. 2. 20.

minus trecentas effecimus. Inne sumus, aut videri volumus, U. c. 665.
ut tantis instructi exercitibus, non pecuniae, non commeatus A. C. 87.
indigi, hoc bellum conficere desperemus, nisi alterius virtute
atque opinione adjuvemur?

XXXVII. Sic quoque bello propemodum profligato, pau- *Sed eam*
cisque ad summam victoriae reliquis, horum omnium gloriam *laudem in*
arbitriumque Marius rapiet, aemulorum impariens, (quod vi- *se tractu-*
tium, quum alia minuuntur annis, in senectute fit validius) *rum Mari-*
et, ubi de potentia agitur, fidei baud sane tenax. Quauis *um.*
ille suspicionibus nuper P. Rutilium consulem legatus torserit,
omnes scimus: et, quamvis, qua est astutia, mire innocentiam
simularet, minime persuasit reputantibus, qualis in Q. Me-
tellum fuisset. Neque enim est exspectandum, ut, qui junior
senem, praetorius consulem, legatus imperatorem non est re-
veritus, is cuiquam juveni senex et sexies consul concedat.

XXXVIII. Hoc ingenio virum apud hostes nostros, quam *Igitur ad*
nobiscum, esse longe malim: adeo nihil moveor curis metuen- *diversas po-*
tium, ne ad partes optimatum transeat. Transeat vero, et *tius partes*
ibi potius consilia turbet; aemulationes exerceat; ceterorum *transire e-*
conatus ambitione et discordia moretur. At vero magnum no- *um cupit.*
bis praesidium detrahemus, idemque adjiciemus adversariis.
Ego vero non video, quid his rebus adferre momenti queant
decrepitus imperator, et piscatoria navigia, et manipulus pa-
storum cum agrestibus armis. Ille sane classem et exercitum
vocet: nos collectam ex agris et ergastulis multitudinem esse
comperimus. cujus generis arma consociari nostris, si nos pati
possimus, milites non ferent, quotquot sunt Romani nominis
et sacramenti memores. Sane extremis temporibus servos ar- *Servorum*
mari necessitas defendit: sed, ubi haec abiit, honestorumque *arma suis*
militum est copia, nemo prudens hoc dedecus ultra sustinebit. *sociari non*
Hostibus potius hanc optemus infamiam, ut civibus suis ereptum *patitur.*
ire suffragia et tribus servili manu dicantur. nihil aequè reti-
nebit in partibus eos, qui jam converunt ad communem caus-
sam; et dubitantes explicabit.

XXXIX. Ceterum ego plus timeo, ut vel hic accedere
nostris adversariis, vel illi hunc recipere velint. Odit, odio-
que est nobilitate: neque tanto temporis tractu, postquam ille
semel accessit ad rempublicam, ulla occasio premendi invicem
fugillandique praetermissa est. Ideoque nuper, quum de eo
L. Sulla consul ad senatum retulisset, praeter unum hominem,
adolescentis Marii socerum, nemo Patrum fuit, cujus ille sen-
tentia hostis non judicaretur. Quis credat, tam illo tempore
sensum atque memoriam tantae injuriae excidere animis potuisse,
ut fida concordia stabilique foedere conjungantur? *Ne quidem*
recepturos
esse Marium
adversarios.

U. c. 665. XL. Marius his corpus suum salutemque credet, à qui-
 A. C. 87. bus proximo anno hostis judicatus est? an illi causam suam ur-
 bemque aut exercitum committent Mario, cujus irritabilem
 animum non ignorant, recenti offensa nihil aliud, quam ul-
 tionem, meditari? Scilicet Cn. Octavius ea de re ad senatum
 referet, tam eminente in Sullanam factionem studio, ut dele-
 ctus ab Sulla fuerit, quem tecum, L. Cinna, immo contra
 te consulem faceret? Decernent vero tum alii, tum vero cu-
 pidissime Q. Catulus, post interversum Cimbrici belli decus
 semper obliquus?

XLi. Q. autem Metellus et Cn. Pompejus, qui soli nunc
 justos exercitus habent, hunc enixe recipient juvabuntque? ille
 paternarum inimicitiarum haeres, hic tam cupidus imperiorum,
 ut traditum consuli exercitum nece illius repetere non sit veri-
 tus, nedum ille recipi exsulem sinat: cum praecipue, quem in
 hanc fortunam ex nimia cupiditate provinciae et exercitus in-
 cidisse norit. Nempè si decretum ab senatu bellum Mithri-
 daticum adimere L. Sullae Marius voluit, et propemodum
 poruit: quid Pompejo relinquitur spei, a quo non modo re-
 tentus contra voluntatem Patrum exercitus, sed etiam missus
 ab senatu consul occisus est? Enimvero haec vel praecipua no-
 bis cautio esse debet, ne hominem tot atque tantis inimicitiis
 obrutum ita complectamur, ut in nos expetere odia ipsi debi-
 ta possint. Multi haud dubie nostras, aut etiam neutras par-
 tes sequentium, ubi hunc nobiscum esse audient, odio meruere
 illius in adversa castra conjicientur.

Et vindi- XLII. Igitur modis omnibus id adspernari ac rejicere
 ctiae cupi- consilium debemus, quo nobis et difficilius bellum fiat, et in-
 dum. vidiosior victoria. Nam ille, ubi fortuna nos adjuverit, vin-
 dicare privatas inimicitias communibus armis volet; et, supra
 naturam saevam atque sanguinariam, contumelias suas et pe-
 ricula nuperae fugae in consilium adhibebit. Nondum haec e-
 rat passus, quum ob tribunos ab exercitu lapidatos, quam-
 quam ante fores ultor esset, multos insignes viros propter
 amicitiam Sullae necavit. Quantas illum strages editurum
 putemus, ubi vacuus metu, incensus malis, arbitrio suo de
 inimicis vindictam sumet?

Ideoque XLIII. Sed ea res multa cooperiet infamia victoriam no-
 multa fa- stram, summoque nos pudore ac tristitia conficiet, qui utique
 cturum in- non sanguinem civium, sed concordiam, et reipublicae salutem,
 vidiosa, et et sua cuique jura integra atque illaesa optamus; et his gla-
 foeda. diis non aliam ob causam cingimur. Accedit adolescentis Ma-
 rii simillima paternae naturae perfidia et crudelitas: quem
 ubi

ubi receperis, consul, jam noveris, qua sit agendum modestia, U. c. 665.
 ne te ille puer, jam insigni specimine indolis edito, L. Por- A. C. 87.
 cium esse putet. Erant et alia, quae moneri utiliter potuis-
 sent: sed ego aut haec, quae dixi, suffectura vobis credo;
 aut nihil profecto futurum satis.

XLIV. Quid igitur C. Mario suam offerenti operam re- *Sententia*
 spondebitur? Dicam equidem, quod sentio: quidlibet potius, *Sertorii.*
 quam recipi. Sed hoc forte neque indignum nobis, neque re-
 bus praesentibus inutile fuerit, ita responderi: Quod C. Ma-
 rius, quique cum eo sunt, operam suam L. Cinnae consuli
 reique publicae obtulit, id rite ab eo factum, omniique favore
 dignum videri. Ceterum L. Cinnae consulis opes in praesen-
 tia tantas esse, ut propediem ad urbem, certa spe boni suc-
 cessus, admovere signa decreverit. Inimicorum coercita pravi-
 tate, curae consuli fore, ut et ceteri, qui essent per vim
 ejecti, et praesertim C. Marius, quantocyus restituantur.
 Interea posse illum se tenere tutis locis: omnes hostium copias
 ab illo in se advocaturum esse consulem: et, si praeter spem
 urgeatur, ad primum nuncium, quod satis sit ad praesidium
 ejus copiarum, adfore. Ita nec invidia aliena onerabimur:
 et, si quid utiliter in rem nostram conari Marius poterit,
 id nihilo segnius, et citra fraudem nostram fiet.

XLV. Haec ubi sunt a Sertorio dicta, L. Cinna,
 recte quidem atque salubriter admoneri, fatebatur: ceterum
 pudore se contineri, ne Marium excludat, quem in societa-
 tem belli ultro advocasset. Ibi Sertorius excipiens, Atqui
 ego, inquit, quod sua sponte Marium in Italiam venisse ar-
 bitrabar, eam sententiam dixi. quod si accitu tuo adest, trans-
 acta res erat, neque revocari in deliberationem debebat. Ita
 receptum Cinna appellavit proconsulem, falcisque ad
 eum et alia magistratus insignia misit. Sed ille, con- *Marius a*
 venire haec exulis fortunae negando, sordidatus at- *Cinna reci-*
 que squallidus lento passu incedebat, misericordiam *pitur.*
 concire studens. sed prominebat atrox animus, effe-
 ratumque potius calamitate, quam domitum, torvitas
 vultus indicabat.

XLVI. Salutato consule, et ad milites oratione *Urbs op-*
 habita, de bello deliberatum inter duces est. Oppu- *pugnatur.*
 guandam esse urbem conveniebat, invitante praeter
 alia consulis Cn. Octavii segnitie, non tam imperitia,
 quam intempestiva legum cura, occasiones corrup-
 pentis. Inter quae, jubentibus multis ad defensionem

Cap. XLIII. Supra, 75. 20. Cap. XLV. Plut. Sertor. Plut.
 Mar. Liv. Epit. Diod. apud Vales. Plut.

Supplem. Liv. Tom. XIII.

G

U. c. 665. urbis, libertate proposita, servorum auxilio uti, ne-
 A. C. 87. gavit, *servis se contra leges daturum eam civitatem, unde C. Marium legibus parens arceret.* At longe alia Cinna ratio erat, qui, quatuor factis exercitibus, pro numero ducum, (nam, praeter Cinna et Marium, seniorum Q. Sertorius, Cn. Papirius Carbo ducebant) Tiberim amnem clausuraverant. Ex adverso urbis Cinna et Carbo habebant castra: supra urbem Sertorius, infra C. Marius consederant: et, pontibus ubique impositis, dimissisque ad diripiendos negotiatores lembis, ne quid importari in urbem posset, prohibebant.

Offiam expugnat Marius.

XLVII. Offiam quoque coloniam proditione quorundam expugnavit Marius, multisque in ea peremptis civibus, oppidum nefanda strage diripuit, omnibus avaritiae, libidinis, saevitiaeque exemplis ibi editis. Ab alia parte Ariminum, missis eo copiis, Cinna redegit in potestatem: quo facto, quae in Toga Gallia collectae copiae erant, excluderentur. Unde arctae in urbe res esse incipiebant: tantam multitudinem cito premente commeatum inopia; variisque interim obortis difficultatibus, quum longe omnia auxilia essent; populus animis, senatus consilio, magistratus auctoritate, concordia omnes deficerentur: multoque plus virium divisa in partes Roma haberet, quo se opprimeret, quam quo defenderetur.

Potentiam et divitias non sufficere ad beatitudinem Romanorum public.

XLVIII. Haec nimirum illa est Romana respublica, cujus magnitudinem omnes mirantur; et solertissimus quisque rebus suis optime consultum existimaret, si ad eadem pervenire sineretur. Enimvero nusquam illustriora documenta exstiterunt, quam nihil sit in opibus atque potentia, bellicaeque virtute, boni, si scientia desit utendi. Quemadmodum enim Herculi furenti longe fuisset satius, armis membrisque uti non potuisse, quam liberasse gravem clavam, et volucres emisisse sagittas, quibus semetipsum carissimis pignoribus spoliaret; ita civitati praestat exiguas habere vires, quam praegrandes, quibus in suum exitium abutatur. Ego certe, si detur optio, ejus civitatis civis esse minime vellem, quae gentibus omnibus imperare diceretur; ceterum per intestinos tumultus nemini suorum salutem atque dignitatem tutam praesta-

Cap. XLVI. Flor. 3, 21. Appian. Plut. Cap. XLVII. Liv. Epit. Plut. Flor. Oros. Appian.

re vel in horam posset. Igitur concordiae studendum fuerat, quae non nisi iustitia et bonis moribus continetur. U. c. 665.
A. C. 87.

XLIX. At pro his quidem ubique nunc perfidia, *Hodierni* perjuria, sordes, ambitio, luxus invaluit, quibus re- *mores, et* bus homines nihil aliud, quam laedere et laedi, do- *fortuna im-* centur. Ergo his proximis annis nullum ferme toto *periorum.* orbe terrarum imperium fuit, quod non saevissimis motibus concuteretur. Et sicuti singulis hominibus facilis in morbos ex bono corporis habitu transitio est, ex mala valetudine in commodiorem aegre eluctamur: ita, quid de moribus hujus aevi sperandum videatur, nolo ominari. Certe parum abest, quin optimi quique sapientissimique desperaverint; quando jam soli deponunt imperia, qui soli fortasse, si haec emendabilia rerumpublicarum vitia forent, emendare potuissent.

Cap. XLVIII. Aristot. Eth. 9, 6.

E P I T O M E

L I B R I O C T O G E S I M I.

Italicis populis a senatu civitas data est. Samnites, qui soli arma retinebant, Cinnae et Mario se

Italicis populis a senatu civitas data est] Hoc non suo loco referri, quod jam ante A. V. 136LXVI. et ante primum consulatum Cinnae factum fuerat, observarunt Sigonius 3. de Ant. Jur. Ital. 1. et Spanhem. Orb. Rom. Exerc. 1. cap. 10. DUK.

Qui soli arma recipiebant] Vet. lib. retinebant. SIG. recipiebant pertinaciter servant omnes nostri et aliorum Mti. Simili errore librarios verba receptare et retentare confudisse, docet Nic. Heinsius ad Claudiani 1. in Rufin. 307.

Plantius cum exercitu caesus est] Vet. lib. Plautius SIG. Plantius Norv. Plancius Leid. et Boend. Platus Voss. Plautius Berg. et Lov. Plautius legatus Exc. Pithoei. Eum indicari, qui A. Plotius supra vocatur Epit. 74. existimat Pighius in Annal. ad A. V. 136L pag. 159.

Janiculum occupaverunt] Vet. lib. oppugnaverunt. occupasse tamen ait Appianus. Itaque nihil muto. SIG. oppugnaverunt Berg. et Lov. 2. Sed occupaverunt servant Leidens. Voss. et Boend.

Antium quidem, et Ariciam, et Lanuvium colonias devastavit. Quum nulla omnino spes esset] Tolle quidem et om-

nino, veteribus lib. auctoribus. SIG. Has a Mario vastatas fuisse, Appianus quoque 1. Civ. 392. tradit, sed *coloniarum* nomen iis non addit. Ex his *Antium* dudum colonia fuerat, Liv. 3, 1. *Aricini* et *Lanuvin* etiam in civitatem accepti, 8, 14. Itaque *Antium* coloniam dicere potuit; *Ariciam* et *Lanuvinum* cur colonias vocet, mihi non liquet. Eadem oppida quidem modo coloniarum, modo municipiorum nomine veniunt; sed hoc non in aliis locum habere potuit, quam quae etiam coloniae erant: in quo numero an *Aricia*, *Lanuvinum*, et, quod Epit. 73. legitur, *Nola* fuerint, non immerito dubitat Sigonius 2. de Ant. Jur. Ital. 5. Nam quod quis putet, eas inter illas esse potuisse, quas Sulla in primo consulatu ante expeditionem in Graeciam adversus duces Mithridatis deduxisse dicitur in Epit. 77. et ideo fortassis a Mario, hoste Sullae, vastatas esse, non admodum firmum est, ut ex iis, quae ibi dicta sunt, intelligi potest. Frontinus quidem in libro de coloniis *Ariciam* lege Sullana munitam esse scribit: sed nihil vetat, hoc de colonia a Sulla post victas partes Marianas eo deducta accipi, ut alia, quae de Sullae coloniis in libro illo leguntur, *Lanuvi-*

conjunxerunt. ab iis Plautius cum exercitu caesus est. Cinna et Marius cum Carbone et Sertorio Janiculum occupaverunt, et fugati ab Octavio consule recesserunt. Marius Antium, et Ariciam, et Lanuvium colonias devastavit. Quum nulla spes esset optimatibus resistendi propter segnitiam et perfidiam et ducum et militum, qui corrupti aut pugnare nolebant, aut ad diversas partes transibant, Cinna et Marius in urbem recepti sunt: qui, velut captam,

um certe hoc tempore colonia nondum erat: nam eam Frontinus a Divo Julio deductam fuisse auctor est. Suspicor, Auctorem Epit. has vocasse colonias, non quod jam tempore belli socialis, sed ea aetate, qua ipse haec scribebat, coloniae essent. DUK. Voces *quidem* et *omnino*, a Sigonio expunctas, ignorant omnes scripti, quibus usus sum, ut et ed. Camp. De priori vide ad Epit. 55. de posteriori ad Epit. 58. Dein *Lavinium* Leid. Voss. Boend. Berg. Norv. et edd. vett. usque ad Grueri ultimam, quae *Lanuvium* praefert, verisimiliter ex conjectura Cluverii lib. 3. Ital. Ant. cap. 3. pag. 898. et cap. 4. pag. 939. qui ita emendandum existimavit, tum quod *Λανούσιον* vocetur Appian. Alex. 1. Civ. 392. tum quod *Lavinium* jam hoc tempore nulla celebritate fuisse conflet, contra quam *Lanuvium*, quo paullo ante colonia a Sulla haud dubie deducta putat. Cluverii emendationem postea sibi vindicavit Keuchen. ad Frontin. de Colon. pag. 409. Sed saepissime quidem *Lavinium* et *Lanuvium* a librariis confundi, vidimus ad 3, 29. 6. Utrum tamen *Lanuvium* a Sulla colonia deducta fuerit, ut Cluverius arbitrat, non sine causa viri

docti dubitant. Certe, eo coloniam deductam esse a Divo Julio, auctor est Frontin. de Colon. pag. 139. Ex quo loco etiam superius apud eundem Frontin. pag. 106. *Lanuvium*, pro *Lavinium*, legendum esse, viri docti observarunt. Insuper *expugnabit* Exc. Pithoei. *expugnavit* Leid. Voss. Berg. Lov. 2. Boend. et ed. Camp.

Propter segnitiam et perfidiam] *segnitiam* Voss. Berg. et ed. Camp. V. ad Epit. 79. *p segnitiam* Boend. V. ad Epit. 84. *propter perfidiam et segnitiam* Lov. 2.

Qui corrupti aut pugnare nolebant, aut ad diversas partes transibant] Voss. et Gudiani *aut in diversas partes transibant* J. FR. GRON. Similiter Leid. Berg. et Lov. 2. *inter diversas partes* Boend. et ed. Camp. *Deinde transiebant* Exc. Pithoei. *trahebant* Berg. *Tum qui corrupti sunt aut pugnare* Boend. *qui sunt aut pugnare*, unius vocis lacuna relicta, Voss.

Qui, velut captam, eam caedibus et rapinis vastarunt] *et velut* Boend. et ed. Camp. *Tum raptam* Norv. et edd. vett. pro quo recte Mediol. anno 1505. *captam* reposuerunt. De errore hoc librariorum v. ad Livii

eam caedibus et rapinis vastarunt, Cn. Octavio consule occiso, et omnibus adversae partis nobilibus trucidatis, inter quos M. Antonio eloquentissimo viro, L. et C. Caesare, quorum capita in rostris posita sunt. Crassus filius ab equitibus Fimbriae occisus. pater Crassus, ne quid indignum virtute sua pateretur, gladio se transfixit. Et citra ulla comitia consules

6, 23, 5. Hinc pronomem *eam* ignorat Boend. cuius loco eum legit Voss. Insuper *caedibus ac rapinis* Voss. Boend. et ed. Camp. *caedibus atque rapinis* Berg. Tandem *vastaverunt* Voss. Berg. Leid. Lov. 2. Boend. et ed. Camp.

M. Antonio eloquentissimo viro, et C. Caesare] Vet. lib. *L. et C. Caesare*. Recte. fratres enim hi fuerunt, ambo in reditu Marii interfecti. Auctor Appianus et reliqui, SIG. Lege *L. et C. Caesaribus, quorum capita*. J. FR. GRON. et *C. L.* vel *Lucio, Caesare* Leid. Voss. Berg. Boend. Exc. Pithoei, et edd. Camp. Rom. anni 1472. ac Parm. Forte scribendum *M. Antonio*, etc. et *C. et L. Caesare*. Particulam enim connectentem ita repetere solitum fuisse Auctorem Epitom. vidimus ad Epit. 46. C. Caesarem autem ante L. Caesarem memorat etiam Appian. 1. Civ. 394. Gronovio *Caesaribus*, pro *Caesare*, legenti non adversarer, si Livium prae manibus haberem: eum enim ita saepissime locutum esse, vidimus ad 6, 22, 1. Morem autem hunc Livianum non semper observavit Auctor Epitom. Certo aliter locutus est Epit. 77. *Duodecim a senatu hostes, inter quos C. Marius, pater et filius judicati sunt.* ubi etiam Gronovius, invitis omnibus libris, con-

jicit *Caji Marii, pater et filius*. Epit. 100. *Bellum deinde inter Tigranem, filium patremque, gestum continetur*.

Quorum capita in rostris posita sunt. Vet. lib. *in rostris posita sunt*. SIG. *eorum capita* Voss. Tum *in rostra* ultima Gruteri ed. pro quo Gronovius *in rostris* revocavit, consentientibus omnibus nostris. Id igitur praeferendum, licet et altero modo scriptores antiquos locutos esse negari nequeat. Ovid. 3. Fast. 220.

In terram posito procubuerunt genu.

Sall. Jug. 17. *In divisione orbis terrae plerique in partem tertiam Africam posuere*. V. ad 1, 18, 8. et 41, 28, 7. Deinde *posita sunt* Leid. Voss. Berg. Lov. 2. Exc. Pithoei, et ed. Camp. Mox *ab equitibus Fimbriae occisus*, pro *interemtus*, Leid. Voss. Berg. Boend. et ed. Camp. *occisus est* Lov. 2. V. ad Epit. 57. Insuper *et arula comitia corruptissime* Voss. *et citra nulla comitia* Berg.

Renunciaverunt, eodem die, quo magistratum inierant: Marius Sex. Licinium] Sic interpunge, et lege: *Eodemque die, quo magistratum inierant, Marius etc.* SIG. *eodemque die* Voss. Berg. Lov. 2. Boend. et

in sequentem annum se ipsos renunciaverunt: eodemque die, quo magistratum interant, Marius Sex. Licinium Senatorem de saxo dejici jussit; editisque multis sceleribus, Idibus Januariis decessit: vir, cuius si examinentur cum virtutibus vitia, haud facile sit dictu, utrum bello melior, an pace perniciosior fuerit. adeo, quam rempublicam armatus servavit,

edd. vett. usque ad Frob. qui copulam omisit. Eamdem ignorat et Leid. Interpunctionem primus vitiauit Curio.

Sex. Licinium senatorem de saxo dejici] In Plutarchi vita Marii [pag. 432.] pleraeque editiones habent *Σέξτον τὴν Λουκίον*. Sed Aldus ibi sive e libris scriptis, sive ex Epitoma Livii ediderat *Λικίνιον*, de quo miror viros doctos, qui ad Vellej. 2, 24. dubitant, Epitoma e Plutarcho, an hic ex illa emendandus sit, nihil monuisse. Muretus, idoneus harum rerum arbiter, in Plutarcho, quod ad Edit. Londinensem vitarum illarum adnotatum est, probarat *Λικίνιος*. Nec sine ratione: nam hoc notum nomen Romanum est; *Λουκίος* fortassis nusquam in historia Romana de homine Romano lectum. Vellejum, qui *Sex. Lucilium* a P. Laenate, tribuno plebis, de saxo Tarpejo dejectum dicit, eamdem rem narrare, quod quidam putant, non credo: in eo enim omnia alia, praeter genus supplicii, diversa sunt. Sed in Exc. Peiresc. e Dione pag. 644. ubi scriptum est, C. Marium filium Cal. Januar. tribunum quemdam plebis de saxo Tarpejo deiecisse, non dubito, quin eadem res referatur. Unde Pighius hauserit, quod ad A. V. 150CLXVII. scribit, Licinium a Mario de saxo prae-

cipitatum, quod adfuturas ipsi atque urbi novas calamitates praedixisset, invenire non potui. Sed propemodum credo, eum non satis attenta mente verba Plutarchi de hac re legisse. DUK. *de saxo ejici*, vel *eici*, Leid. Voss. Berg. et ed. Camp. Sed v. ad Epit. 59.

Editisque multis sceleribus, Idibus Januariis decessit] plurimis *sceleribus* Leid. et Lov. 1. pluribus *sceleribus* Voss. Berg. Boend. et editio Camp. Similiter variant librarii infra Epit. 83. 89. 98. et alibi. Vide ad Epit. 51. Tum *Idibus Januarii* Leid. Lov. 1. et Boend. V. ad Livii 4, 37, 3. Mox *vir enim si* Leid. Tum *examinaretur ex virtutibus vitia* Voss. Deinde *dictu, virne bello melior, aut pace idem* Voss.

Adeo, quam rempublicam armis servavit] adeo, qui rempublicam armis fovit Leid. Sed nihil muto. Non tantum enim Marius rempublicam armis et fortitudine fovit, sed etiam tempore belli Cimbrici servavit, ut optimates fatentur supra Epit. 68. *Primores civitatis, qui aliquamdiu ut novo homini ad tantos honores inviderant, conservatam ab eo rempublicam fatebantur.*

Postremo armis evertit] Vet.

eam primo togatus omni genere fraudis, postremo armis hostiliter evertit.

lib. *armis hostiliter evertit.*
 SIG. Similiter Leid. Voss. Berg.
 Lov. 2. Boend. et Exc. Pithoei.
 Vox *hostiliter* abesse quidem
 posset, quum vix aliter, quam ho-
 stiliter, urbs vel respublica ever-

ti queat. Sed ita et Liv. loquitur
 9, 38. *Castella vicique aut de-
 leta hostiliter, aut integra in
 potestatem venerunt.* 37, 17. *A-
 grum circa Romam hostiliter
 depopulati sunt.*

JOHANNIS FREINSHEMII

SUPPLEMENTORUM LIVIANORUM LIBER XLV.

IN LOCUM LIBRI LXXX. T. LIVII.

I. In his angustiis quum deprehensa respublica esset, omnia circumspiciens senatus nulla, satis aut matura, aut firma, praefidia reperiēbat. L. Sulla, in quo spes esse maxima potuisset, procul in Graecia gerebat cum Mithridaticis copiis bellum: servitia si armarentur, plus dedecoris allatura, quam auxilii, putabant. Unicum erat haud poenitendum, ut in tali tempore, consilium, *ut Italicis omnibus, modo arma possissent, civitatem darent. Ita et illos, et, qui adhuc eo bello implicatus erat, Q. Metelli exercitum, velut communi patriae succursuros.*

U.c. 665.
A.C. 87.

*Consilia
senatus.*

II. Sed Italicorum nemo ferme praeter Lucanos et Samnites, supererat. Lucani Cleptio et Lamponio ducibus Asiam, oppidum munitum in Brutiis, longo tempore inani conatu obsederant: Rhegium etiam oppugnare conati erant; si potiti ea urbe fuissent, Siciliam petaturi. Sed praetor insulae C. Norbanus, magnitudine apparatus territis Italis, periculo Rheginos eripuit. Ergo Lucani, beneficio senatus usi, Sullanis partibus se adjunxerunt. Ceterum id quidem in praesentia modicum gaudium fuit, quod infirmior ea pars sociorum, et in ultimum Italiae angulum submota erat.

Lucani Sullanis partibus accedunt.

III. Samnites, qui jam soli arma retinebant, Campaniamque et superiores regiones vexabant, conciliare, majus operae petium fuerat: sed dum honestas conditiones senatus exspectat, a Mario nihil non tribuente praeventus est. Q. Metello Pio consules eo de negotio scripserant, castra contra Samnites habenti, ut, quibus posset, conditionibus cum iis transigeret.

Samnites contra Marianis.

Cap. I. Appian. Civil. l. 1. Liv. Epit. Cap. II. Diodor. l. 37. Cap. III. Liv. Epit. Appian.

U. c. 665. Sed illi civitatem non sibi modo, sed etiam iis, qui
 A. C. 87. ad se transfugissent, paciscebantur: praeterea praedam undecumque ablatam retinebant: postremo captivos atque transfugas omnes sibi restitui postulabant. quae tam inhonesta quum neque Metellus, neque Patres concederent; Cinna, quid ageretur, sentiens, auctore Mario, quaecumque petissent, pollicitus, Samnites partibus suis adjunxit. Ab his deinde, quum Romam arcessitus Q. Metellus esset, A. Plautius cum exercitu oppressus est.

Marius in urbem irumpens repellitur.

IV. Inter haec Ap. Claudius tribunus militum, qui Janiculo praeerat, ut Mario beneficii, nescio cujus, gratiam referret, circa diluculum semiaperta porta eum intromisit. Cinna quoque cum parte exercitus eadem ingressus est, statimque ad captae urbis rumorem Sertorius et Carbo accurrerant. Sed, Octavio consule et Cn. Pompejo celeriter arma opponentibus, locum tenere non potuerunt.

Pompejus adolescens insidias eludit.

V. Circum haec tempora Cinnae insidiis petitus Cn. Pompejus, consilio adolescentis filii, quem postea Magnum terrarum orbis agnovit, est conservatus. Is, a virili toga commilitio patris adsuetus, contubernalem L. Terentium habebat, quo plurimum et familiarissime utebatur. sed corruptus a Cinna Terentius ita partes cum sociis diviserat, ut illi tabernaculum ducis incenderent, hic per insidias tolleretur Pompejum. Tam atrocis propositi indicium coenanti Pompejo delatum est. quo dissimulato, adolescens hilaris etiam solito bibit, et cum Terentio, qua solebat comitate, agere perseveravit. Deinde cubiculum ingressus, ubi proditoribus satis persuasum esse, quod volebat, censet, clam subducit se a tabernaculo, firmaque patri circumposita custodia, eventum quietus exspectat. Interea Terentius, Pompejum in eodem contubernio dormire putans, clam e cubili surgit, correptoque gladio lectum Pompeji repetitis ictibus confodit.

Et seditionem castrorum sedat.

VI. Hinc orto tumultu, magna consternatio incessit copias, odio ducis, et ad defectionem pronis animis, ad quamlibet occasionem mobiles. jamque diripi tentoria, sumi armi coeperant: neque proconsul obviam ibat, offerre se tumultuantibus non ausus. Adoles-

Cap. III. Liv. Epit. Cap. IV. Appian. Plut. Mar. c. 70. Appian. Liv. Epit. Appian. Cap. V. Plut. Pomp. c. 5. Vell. 2. 29. Cic. pro lege Manil. c. 10. Plut.

cens Pompejus, mediis agminibus immixtus, prehendebat milites, lacrumabatur, supplicabat: postremo, abjecto in porta castrorum corpore, illac jubebat transire fidem mutaturos. donec multo fletu et deformitate spectaculi retento militi rediit pudor, et praeter ocingentos, qui jam ad Cinnam transierant, reliquus exercitus pacatus, imperioque proconsulis restitutus est.

U. c. 665.
A. C. 87.

VII. Minime tamen diuturnus receptae potestatis usus Pompejo fuit. Paulo enim post utrumque exercitum pestilentia invasit: et de Pompeji copiis hominum millia undecim, de Octavianis sex desiderata sunt. Deinde ingens apud Romam tempestas orta est, et castra, praecique Pompeji, tam crebris percussa fulminibus, ut ruere coelum videretur. Arma signaque passim tacta: milites, et quidam ex illustribus, exanimati sunt, ipse quoque proconsul fulmine adflatus interiit. Tum improvisum viri exitum singularis etiam exsequiarum ignominia comitata est. Quod enim imperio et maximis exercitibus instructus, periclitanti patriae tempestive subvenire neglexerat; in tantum populi Romani odium venit, ut lectum ejus, quum ad rogum efferretur, diriperet, corpusque omni contumelia adfectum unco traheret.

Cn. Pompeji Strabonis mors, et exsequiae.

VIII. Dum ista fiunt, Marius, relictis supra infraque urbem ad arcendos commeatus praesidiis, ut etiam ex agris subvectionem omnem amputaret, vicina oppida, in quibus populi Romani horrea erant, subito aggressus, Antium, et Ariciam, et Lanuvium, et praeterea nonnullas alias colonias, vi aut proditione potitus, deletis propemodum habitatoribus, devastavit. Inde, priusquam aliis ex locis importari aliquid rerum necessariarum posset, Appia via urbem petens, adsumptis ceteris ducibus, intra tertium decimum lapidem castra posuit.

Marius colonias circa Romam occupat.

IX. Contra ab urbe consul Octavius, cum P. Crasso et Q. Metello, venientibus occurrit, virtute numeroque militum non inferior; neque impar negotiis, nisi quod, rebus turbatis, eadem omnia custodienda credebat, quae composita republica erant constituta. Inde lenta et impedita consilia quasi vinotum

Cap. VII. Vell. 2, 21. Oros. 5, 19. Appian. Jul. Obseq. Plut. Pomp. c. 1. Jul. Obseq. Vell. Plut. de his qui sero a num. puniuntur, c. 15. Cap. VIII. Appian. Liv. Epit. Oros. Appian. Cap. IX. Plut. Mar. c. 71. Dio apud Vales.

U. c. 665. constrictumque hostium audaciae praebuerunt: qui,
A. C. 87. omnia ausi, duces, milites, ad extremum servos, quibus quemque poterant, artibus promissisque excitabant.

Pompejanus exercitus ad hostes transiit.

Q. Metellum ducem optaverat. *sub impigri viri ductu neque virtutem sibi, neque fortunam defuturam esse.* Q. Metellus, quod ea res contra leges fieri videretur, legatos cum minis et conviciis adire consulem iussit, et illi audientes dicto esse. At vero milites, consulem, ut segnem et rerum imperitum, aspernati, signa ad hostes transtulerunt. Crebra inter haec et ex urbe transfugia fiebant, servitiorum maxime, cui generi, circummissis ad urbem praekonibus, libertatem Cinna promiserat.

X. Eo jam perventum erat, ut spes resistendi nulla superesset. ducum alias segnities, alias perfidia rem corrumpebat. militum quoque corruptum vulgus aut pugnare nolebat, aut palam transibat ad hostes. Urbanae plebis, si annonae inopia diutius premere-tur, desperatio haud minus formidini optimatibus, quam superiora, erat.

Sententiae de mittendis ad Cinna legatis. Caussae mittendi.

XI. In tantis angustiis convocato senatu, plerique, mutato consilio, *mittendos ad Cinna legatos censebant, de conditionibus pacis acturos.* Nihil civili bello funestius, omnesque prae illo tolerabiles calamitates esse. Optandum sane fuisse, postquam eo Deorum ira perveniret, ut pars modestior vinceret; sed adversus vim majorem resisti non posse. Omnia expertos, ut sibi atque urbi consulerent, nihil proficere: quin ipsis remediis morbum inualescere. Transitione militum et plebis auctas Cinnae Mariique in immensum copias: et plures propemodum inde militare, quos ipsi, quam quos hostes, sacramento rogassent. Reliquorum etiam magnam partem, corpore apud ipsos, animo votoque cum adversariis agere. Non igitur dubitandum, quin mittendis legatis tentanda sit compositio. C. Marium, L. Cinna, illum senectam suam et tot magnifica non ita clausurum, hunc primo consulatu et maturitatem votorum et summi loci dignitatem non ita inchoaturum, ut ille gestis honoribus, hic speratis, indignus videri debeat.

Rationum in contrarium confutatio.

XII. Quod si quis diffidere malit, et praesago animo futurorum malorum acerbizatem enarrare, ei hoc fore cogitandum, neque illa evitari, hac quidem ratione, et provocari praeterea plura posse. Non ita cum rebus humanis agi, ut quo-

Cap. IX. Plut. Appian. Cap. X. Liv. Epit. Appian.

libet tempore teneri queat tuta et periculorum expertis via. U. c. 665.
 plerumque de eo tantummodo deliberari, utro modo miseriarum A. C. 87.
 sit futurum minus. Sane non esse inanem metum eorum, qui
 vehementiam Cinnae, qui asperitatem Marii timeant. sed, ut
 omnia quam possint procedant pessime, in paucos forte expeti-
 turam calamitatem: populum certe Romanum urbemque in tu-
 to fore.

XIII. Neque scire ipsos, qui hanc sententiam dicant, utrum- *Sententiam*
 ne illorum sanguine satiare cupiditatem ultionis inimici velint: *hanc dicen-*
 sed ita existimare, sibi subeunda potius extrema omnia esse, *tibus forte*
 ut urbem servent, quam committendum, ut suae incolumitatis *periculo-*
 gratia rempublicam inexplicabilibus malis involvisse dicantur. *sam, at rei-*
 Mortem cuius tolerandum esse: felices, qui ob patriam oppe- *pub. salu-*
 tierint; feliciores etiam, si antevertant avertantque populi cla- *tarem fore.*
 dem: cui si irabatur obsidio, fame pereundum sit; si pugnan-
 do vincat hostis, ferro. Quod si forte Cinnae aut Marii su-
 specta quibusdam sit fides, pactis obligari et iurejurando posse;
 et ut sic quoque non omnia respondeant votis, mitiorem tamen
 sperari victorem posse, cui condiciones et preces, quam cui ar-
 ma opposueris.

XIV. His atque talibus pauci, et praecipue Q. Me- *Q. Metellus*
 tellus, obsistebant. Vellem equidem, inquit, aut civibus *Pius contra*
 nostris modestia, aut senatui animus constitisset: nulla exsti- *dissoritis.*
 tissent civilia bella, aut compressa in ipso exortu fuissent: ne-
 que nos novae deliberationis egeremus. Sed, quia pessimi qui-
 que omnia audent, boni omnia formidant, in hunc nimirum
 statum res pervenit, ut leges ab his cogamur accipere, quibus,
 si leges valerent, nullus esset consistendi tota Italia locus. Mibi
 sane etiam servari rempublicam, consuli civibus, parci vitae tot
 millium, parci incolumitati placet. sed sera haec est, postquam
 nulla nobis restat, quae servari respublica possit, deliberatio:
 et, reliquiis ejus quemadmodum rectissime consulatur, ambi-
 guum faciunt, qui placitam nuper sententiam ob duriores quos-
 dam eventus mutaverunt.

XV. Dudum enim concors senatus censuit, contra vim *Priora se-*
 fugitivorum et exsulum, armis defendi rempublicam oportere. *natuscon-*
 nunc eandem illam sententiam damnant plerique, qui rulerunt, *sulta oppo-*
 dum legatos mitti jubent, et velut cum justis hostibus de paci *nit.*
 agi. Sed id quidem sine maximo tum pudore, tum etiam incom-
 modo, fieri a nobis nequit. Sic enim omnia tot mensium de-
 creta una opera rescindimus; et paucorum exsulum potentiae
 cedere senatus majestatem patimur; eoque et malorum confir-
 mamus audaciam, et bonos exarmamus, paulloque minus, quam
 victos, tradimus inimicis. Qui enim hactenus omnia pro
 communi salute prompte enixeque fecerunt, quique facturi fue-

U. c. 668. *runt postea, ii, Patrum timore perspecto semel, concident*
 A. C. 87. *animis; et fortasse, non expectato, donec in commune transi-*
gatur, sibi quisque propitios celeri obsequio efficere volet, quos
paullo post habendos sibi dominos intellexerit.

Timore quorundam res deteriores factas docet. XVI. *Atque ipsa illa transfugia, quibus concussi quorum-*
dam animi contremiscunt, ab hac dubitatione magis, quam ab
ulla alia causa, profecta sunt: mansuris in fide plerisque, si,
quanto conatu oppugnari rempublicam vident, tanto consensu
defenderetur. Contra famem multa remedia excogitavit neces-
sitas. conferendo in publicum, quod privatim quisque continet,
dimittendo frumentum, emittenda inutili turba, saepe quaesita
reperitaque est avertendi extremum exitium opportunitas. Deni-
que hoc ipsum Capitolium teneri contra Gallos nequivisset, si
iam mollis adversus famem illa aetate fuisset Romana juvenus.

Capitolii a paucis defensu admo-
net.

XVII. *Sed nunc, ajunt, non est res cum Gallis: Marius*
et Cinna ante portas sunt, et ceteri, qui, videlicet Romano
sanguine orti, pietatem patriae praestabunt, civibus veniam,
pactis fidem. Hei mihi, quam celeriter poenitebit vos hujus
opinionis, simulatque horum in potestate corpora vestra, conju-
gumque, et liberorum, erunt! Neque mihi haec ignorare aut
contemnere videmini, sed taedio praesentium quidlibet malle.
Sed hoc parvi infirmique animi argumentum est, neque ferre
valentis, quae adsunt, neque duraturi in iis, quae elegerit.

Pro patria pugnandum. XVIII. *Quibus autem forte decretum est omnia pro patria*
pati, pro hac opes fortunasque suas, pro hac spiritum atque
vitam profundere, rectius, quum ad utilitatem praesentium,
rum ad famam posteritatis, facient, si potius in tuenda civitate
dignam viris mortem obeant, quam si, deserta traditaque,
tyrannorum arbitrio aut cum cruciatu inereant, aut cum igno-
minia vivant. Magna vis est ad audenda quaelibet, etiam sin-
gulis et contemptis hominibus, si semel cupiditatem abjecerint
vitae: multos atque egregios viros, quibus ea ratio placuerit,
ne destinata exsequantur, vix ulla potentia satis arceat.

Esse adhuc viros.

XIX. *Omitto Scaevulas, et Coclises, et Curtios, et tot*
decora nomina, quae liberis vestris inculcare soletis, ut eorum
exemplo amare patriam discant. Meminerimus eorum, quae
vidimus ipsi: multas saepe urbes, quum ad extremum necessi-
tatis venissent, constantia defensorum servatas; alias, quum
servari potuissent, mollitiae civium deditas, tristissima quaeque
passas esse. Sunt nobis adhuc militum fortissimorum fidelissi-
morumque baud spernendae copiae: est melior haec et amantior
patriae pars populi: arma, machinaeque supersunt: urbs dili-
gentia consulum, quoad fieri potuit, munita est.

Et mutari fortunas so-
lere.

XX. *His rebus non desperem tamdiu resisti hostibus posse,*
donec Fortuna aperiat meliori spei locum. Multa, quum de-

esperata pro insanabilibus essent, subito aliquo casu commodicrem in statum reducta sunt. Aliqua inter duces factionis oborta suspicio, res apud pravos et aemulos vulgata, mutabit omnia: ipsum urbis periculum invitabit multos, ut misereri et succurrere velint: et sunt egregia quum alii populi, tum qui Cisalpinam Galliam colunt, in rem Romam fide; summusque noster pudor foret, si diutius illos Ariminum, quam Cinnam et Marium, defendentibus nobis, Roma moretur. Si nulla spes sit alia, Sullam revocemus: aut, si haec quoque intolerabilis mora videretur, ipsi potius concedamus novis civibus, quod petunt. Ubi senatum populumque habebunt hujus beneficii auctores, Cinnam et ceteros ejusdem sortis non ultra morabuntur.

U. c. 665.
A. C. 87.

XXI. Frustra haec in tanto plurium metu dicebantur. Idcirco, quum legatio decerneretur, Q. Metellus, urbis salute desperata, ut melioribus se temporibus servaret, in Ligures primum, deinde ex Liguribus in Africam est profectus.

*Sed legatio
decernitur.*

XXII. Legatos, priusquam inciperent fari, L. Cinna interrogavit, ad consulemne, an vero ad privatum venirent? Haerentibus illis, deinde ad consulendum senatum in urbem reversis, magna etiam ingenuorum civium multitudo ad Cinnam se contulit: multi famem veriti; pars major jam ante illis partibus addicta, et ad nudandos animos opportuna tempora captans. Inde mirifice confirmatus animo Cinna, sub ipsis moenibus Romae extra jactum teli consedit. nec enim Octavius objicere sese audebat, transfugiis et legationibus omne homini consilium omnemque propemodum mentem eripientibus.

*Cinna sub
ipsis moeni-
bus castra
ponit.*

XXIII. Senatui non plus animorum, quam Octavio, supererat. Cinnam pro consule habere, id vero erat exauctorare Merulam; quem, sanctissimo sacerdotio praeditum, sine ulla sua culpa, iuste partis honoribus exui triste; contra, Cinnae non obsequi, exitiosum habebatur. Ut rebus trepidis solet, utilibus honesta cesserunt: et L. Merula consul, egregii civis officio functus, verbis in senatu, deinde ad populum factis, Ego vero, inquit, si praeter hos fasces nihil impedimento paci est; paratus vobis dux et auctor ad concordiam ero. Quod igitur senatui populoque Romano bene vertat, consularum, quem invitatus accepi, lubens ecce depono.

*L. Merula
consulatum
abdicat.*

Cap. XXI. Plut. Mar. Appian. p. 398. Liv. Epit. 84. Cap. XXII. Appian. p. 392. Cap. XXIII. Diod. apud Vales.

U. c. 665. XXIV. Post abdicatum a Merula magistratum, le-
 A. C. 87. gati ad Cinnam, tamquam consulem, remissi sunt.
 neque multa iis mandata dari tempestivum fuit. id u-
 num Cinna, ut caedibus temperaturum juraret, roga-
 batur. Ille jurare per superbiam abnuit. se tamen
 volentem negavit cuiquam mortis causam fore. O-
 ctavium etiam, qui circumita urbe per aliam portam
 erat ingressus, moneri jussit, abstinere publico,
 ne quid ei se invito accideret. Haec de loco supe-
 riore, tamquam consul, legatis respondit. Ad curu-
 lem ejus Marius adstabat tacitus, sed eo vultu, ut
 nihil aliud, quam vindictam et caedes, meditari ap-
 pareret. Neque multum intercessit morae, quin se-
 natus verbis Cinna atque Marius in urbem venire ro-
 garentur. Marium enim diserte addiderant, non ignari,
 Cinnae quidem nomen his factis obtendi, ceterum po-
 tissimum eorum auctorem Marium esse.

*Cinna atque
 Marius in
 urbem veni-
 re rogantur.*

*Marii mi-
 nax ingres-
 sus.*

XXV. Quum ad urbem ventum, et Cinna cum sa-
 tellitibus ingressus esset, Marius substitit ad portam;
 et, acerbum subridens, *exsulibus patere aditum* nega-
 vit. Idcirco, Cinna operam dante, lex de restituen-
 dis exsulibus statim ferri coepit. neque ultra exspe-
 ctatum, quam ut tres aut quatuor tribus suffragia fer-
 rent. tum irrupit in urbem velut captam, fugitivorum-
 que delectum agmen trahens, quos *Marianos* appella-
 bat, caedibus atque rapinis omnia vastavit. Aliis quo-
 que portis exercitus inundabant urbem: iisque mox
 occlusis, adversariorum, et sub hoc nomine quorum-
 cumque volebant, domos diripiebant.

*Mores con-
 sulis Octa-
 vii.*

XXVI. Jam antequam in urbem Marius irrumperet,
 Cn. Octavius sublatus e medio fuerat. Amicis fugam
 suadentibus, sive Marii Cinnaeque juratis promissis
 fidens, sive potius haruspicum ludibriis retentus,
 quam in vanitatem proclivi credulitate agebat, in Ja-
 niculum cum aliquot illustribus viris et parte copia-
 rum concessit. *Indignum enim atque turpe facinus* aje-
 bat *se commissurum esse, si patriam consulari imperio praeditus*
defereret. Igitur illum sella curuli, magistratus insi-
 gnia retinentem, adstantibus juxta lictoribus, Cinnae
 jussu praemissus cum equitibus Censorinus invasit.
 Ibi quoque hortati ad fugam amici equum obtulerant:
 ille

Cap. XXIX. Vell. 2. 22. Appian. Plut. Appian. Cap. XXV.
 Plut. Vell. 2. 21. Appian. Dio apud Vales. Plut. Dio. Cap.
 XXVI. Appian. Plut. Appian. Vell. 2. 22. Appian.

ille, ne surgere quidem dignatus, necem in ipsa curuli expectavit.

U. c. 665.
A. C. 87.

XXVII. In sinu interempti tabellas repertas esse cum signis Chaldaeorum ferunt, illustri ad coarguenda artis inania documento. Caput cervicibus abscis-^{Chaldaeorum vinitus.} sum Censorinus ad Cinnam attulit, a quo missum in rostra est, ut, quo loco caput spectatum P. Sulpicii foret, proponeretur. Tum demum revelli terra caput potuisse, quod nulla apparente causa ex simulacro Apollinis abruptum diu ante fuerat, ferunt: expleto scilicet eventu prodigii, quod ad suum exitum pertinere Octavius ipse praedixerat.

XXVIII. Consultatio deinde ducum tenuit, quem-^{Deliberatio Cinnae et reliquorum.} admodum victoria uterentur, pacemque firmarent. Pro suo quisque ingenio censebat: sed nemo vel lenitate Q. Sertorium, vel saevitia C. Marium adaequabat. Sed ille nec auctoritate par erat Mario, et, quidquid dicere poterat, jam a Mario cum adsensu ceterorum videbat occupatum. Nam rogatus sententiam Marius, ut erat, inter iram toleratae fortunae, et laetitiam emendatae, parum animi compos, ita coepit.

XXIX. Si quidem ea de re deliberatis, L. Cinna consul, ^{Marii crudelis oratio.} ceterique senatores, legatique, et praefecti, quemadmodum in praesentia, quod vultis, obtineatis, mea sententia res non indiget. Nam acerbissimi paullo ante inimici vestri ultro vobis reditum in patriam, reditum ad honores, ad facultates, principem in civitate locum, legum, de quibus decertatum est, lationem et alia hoc genus liberaliter offerunt. Sin vero, non quid illi vobis offerant, intuemini, sed hoc potius, quemadmodum ad ea, quae cupiatis obtinere, nihil sit illorum consensu aut beneficio opus; magnopere interesse arbitror, ut, quae me, hujus reipublicae non rudem, sed aetate ac usu inter primos, res ipsae docuerunt, hoc tempore non dissimulem.

XXX. Jam olim in civitate nostra duae velut partes fuerunt: altera Patrum, qui, nescio, cur optimates vocentur; et Popularis altera libertatis, quae, quia multitudini praecipue grata esse ^{Optimatum factiones;} debuit, non abs re popularis est nominata. Neque nos hujus discordiae auctores sumus, sed, simulataque regum ex urbe submoza potestas est, senatus jura regia sibi vindicare voluit: ^{dehis,} quam in regibus non tulisset dominationem, eam ab aliis

Cap. XXVII. Plut. Appian. Aug. de Civ. Det. 3. 27. Flor. 2. 21. Val. Max. 1. 6. Cap. XXVIII. Diod. Eclog. 1. 38. Plut. Sertor. Diodor.

Supplem. Liv. Tom. XIII.

H

U. c. 665. civibus pati indignum intolerandumque iudicavit. Ab eo tem-
 A. C. 87. pore, quidquid per leges aut armatas quandoque discordias
 actum est, id omne eo pertinuit, ut vel in multitudinem do-
 minari pauci cuperent; vel adversus cupiditatem paucorum jus
 suum populus adfereret.

Et inter u- XXXI. Inter haec quandoque praestantes virtute ac meri-
tranque me- tis viri exstiterunt, qui ex aequo invidiam nobilitatis et levi-
dii. tatem populi odissent. ii, tamquam solliciti cautique guberna-
 tores, inter pugnautes ventos ita direxerunt vela, ut quam
 minima jactatione et offensa, ac fieri per tempora reipublicae
 posset, tranquillitatis atque securitatis portum obtinerent. Sed
 et ipsi illi, quoties destinatis, qua institerant via, potiri posse
 desperarunt, indignatione et odio efferati, quod effici persua-
 sione ac moribus nequibat, vi et armis adsequi tentaverunt.

Fontes om- XXXII. Ab his velut fontibus, tanta jam aetate, proru-
nium in re- pit immensa vis undarum atque fluctuum, quae rempublicam,
publica tem- toties crudelissimis tempestatibus vexatam, in eum statum rede-
pestatum. gerunt, quem inviti gementesque videmus. Sed nimirum quem-
 admodum in humanis corporibus, quoties tentata morbo sunt,
 optare quidlibet licet; fieri, nisi quod natura pariat, non
 potest: ita in hac gravissima civitatis aegritudine, non quali-
 bus quis malit, sed quae sunt ad praesentem usum accommo-
 datissima remedia, iis utendum est.

lis malis XXXIII. Etiam medici devenire ad ferrum et ignem so-
forem adhi- lent, ubi leniora remedia pertinax morbus respuit: neque sae-
beri medici- vitia ad urendum secandumque, sed misericordia hominis, et
nam opor- servandi eum proposito votoque adducuntur. Idem ego hoc
tere. tempore sequendum nobis exemplum autumo, quibus in pericu-
 losissimo civitatis morbo de idonea medicatione deliberandum
 est. Sanè si esset aliqua medendi suavior ratio, illam potius
 adhibendam esse dicerem. sed quia mihi compertum est, hoc
 genus morbos non emendari timida curatione, sed augeri so-
 lere; nemo mirabitur, si, quod in corpore meo salubriter ex-
 pertus sum, idem in republica tentandum arbitror.

Etiam si XXXIV. Quum molesti mihi varices essent, exsecanda
cum dolore praebui. non aberat acutissimi doloris sensus, sed tanti est
sis conjun- valetudinem arbitrabar. Sunt etiam, credite mihi, sunt
cta. praesentia quidam velut reipublicae varices, quos etiam cum
 dolore quodam corporis excidi, ad sanitatem profuerit. Neque
 hic mihi clementiam aliquis aut misericordiam nominet. Sae-
 pe is animus aegris est, ut interire morbo, quam liberari cu-

Cap. XXX. Varro de vita pop. Rom. l. 4. Cap. XXXII
 Cic. Tusc. Quaest. 2. 22.

aliqua molestia, malint: his, qui parcendo nocet, quam qui offendendo consulit, crudelior est. U. c. 665. A. C. 87.

XXXV. Praeterea summae dementiae res esset, eos incolumes pari, quibus mox, si forte iterum convalescant, dandum jugulum fuerit. Parcamus sane Sullani hominibus, si illi Gratidio, si Sulpicio, si nostrorum cuiquam pepercerunt. Nam illi quidem atque alii multi crudeliter interfecti sunt: nos beneficio fugae prius, nunc virtute nostra et armorum tutela vivimus, carituri vita, simul bis carere coepissemus. Quemadmodum igitur amantem potius, quam misericordem, vocaremus, qui, feram bestiam quum occupare zelo posset, abstinere ictu, mox ab ea devorandus: ita nulla posses existere satis acerba nostrae stultitiae accusatio, si vivere sineremus eos, a quibus toties petiti ad necem sumus: ut sint videlicet, qui nos nostrosque et has omnino partes funditus tollant. Praeterea dementium esse, inimicis parcere.

XXXVI. Ut enim semel explicare dicam, quod res est, decutienda sunt Sullanarum partium capita. non, nisi his remotis, stabiles nostrae in rempublicam opes erunt. Quin et illud addidero: tamen si nostram causam, quod abominor, oderint Dii, atque omnia nobis acerba atque funesta efficiant, tamen, si mature de inimicis nostris ultionem sumpserimus, hanc nobis voluptatem, hanc felicitatem non poterunt eripere. Mibi sane, ut me vobis indicem, morti similis vita videbitur, si eadem luce fruentem adspiciam Catulum, beneficii, quo servatus est, perpetuum obtrectatorem; si Caesarum, si Crassorum odii vicem nequeam reponere; si Metellos tolerare diutius et Antonios cogar. Igitur tollendo Sullanarum partium capita.

XXXVII. Sed neque vos, opinor, licet misiore aliquis animam simulet, inimicos vestros vivere, atque adeo valere, vos etiam patienter feretis. Nisi forte collegam tuum lubenter amplecteris, Cinna consul, a quo multa tuorum occisa millia, te expulsam urbe, omni deinceps contumelia vexatum meministi. Idque ceteri sentire audent. Quid si L. Merula tibi occurrer, certius hujus anni consul, cujus nomen non alia, quam per summam injuriam suam, irrepere in fastos potuisset? Ceteri vero perquam tibi jucundi sunt futuri, quorum haec omnia decreta sententiis, peracta voluntate, opibus animisque defensa novimus. Quod si quis forte ab hac ratione dissentiat, eum primum adhorror, ut, priusquam obloquatur, maturius secum dicta mea perpendat: deinde, siquidem perstare in sententia velit, commonefacio, ita temperet, ut tamen amicior nobis, quam hostibus, esse videatur.

XXXVIII. Quum ita Marius dixisset, et plerisque eadem crudelitas esset, alioque auctoritas illius et hominum inclinatio deterreret, huc concursum: pactorum. Multi ini- gnos viri no- cantur.

U. c. 665. que et jurisjurandi neglecta fide, multi insignes viri necati, et capita, velut jam recepto more, posita in rostris sunt. In his C. Atilius Serranus vir consularis, et P. Lentulus fuerunt. C. Caesar Strabo, hospitii Etrusci scelere proditus, in penatibus suis trucidatus est. M. Baebius sine ferro, manibus, ferarum more, discerptus; deinde cum C. Numitorio per medium forum uncis carnificum raptatus est.

M. Antonius proditus.

XXXIX. M. Antonium consularem villicus in prae-dio suo celabat. sed simplicitate servi et scelere cauponis res est prodita, quum a tenuis fortunae homine generosius vinum, et solito carius, emeretur. Marium epulis accumbentem detecti Antonii indicio sic exsultasse ferunt, ut, clamore edito, manibusque complois, ipse profecturus ad necandum fuerit, nisi foret ab amicis cohibitus.

Quum milites eloquentia desineret, a tribuno occiditur.

XL. Missi cum P. Annio tribuno milites, quum ad Antonium venissent, sic hominis eloquentia veluti constricti stetisse dicuntur, ut post longam expectationem adscendens ad visendum tribunus intactum adhuc repererit, coactusque fuerit ipse commodare Marianae saevitiae manum. Caput Antonii relatum ad Marium, et in ipsis mensis appositum est: nec ipse abstinuit, quin suis manibus avide tractaret, Anniumque recenti sanguine madentem in sinum suum reciperet.

Crassorum inferius.

XLI. Ejusdem imperio L. Caesar, qui consulatum et censuram gesserat, apud seditiosissimi et vilissimi hominis Q. Varii bustum a C. Fimbria, crudelissimo Cinnae satellite, tamquam piacularis hostia, immolatus est. Duo Crassi, quum in fuga essept, ab equitibus Fimbriae sunt occupati. filium in conspectu patris equites interemerunt: pater, ne quid indignum sua virtute pateretur, sua se manu interfecit. Capita omnium pro rostris sunt proposita, ut haud minus acerbissimae ostentatio caedium haberet, quam patratio habuisset: quum in foro Romano locus tota urbe celeberrimus, quem hostilium navium spoliis ma-

Cap. XXXVIII. Diodor. Appian. Cic. de Or. 3, 3. Val. Max. 5, 3. Flor. Lucan. l. 2. v. 119. Cap. XXXIX. Flor. Appian. Aug. de Civ. Dei, 3, 27. Vell. 2, 22. Cicero. Plut. Mar. Cap. XL. Appian. Flor. Val. Max. 9, 2. Cap. XLI. Liv. Epit. Val. Max. Auctor de viris ill. in Fimbria. Val. Max. Appian. Liv. Epit. Plut. Craffo. Augustin. Cic. pro Sext. c. 21. et pro Scauro. 1

jores adornaverant, clarissimorum virorum capitibus, U. c. 665.
tamquam ornamenti causa dispositis, oppletus vide- A. C. 87.
retur.

XLII. Marius praecipue furebat, et, Cinna jam *Marii prae-*
ferme satiato, etiam, quos ipse noverat inimicos, in- *cipius furor.*
terfectis, necdum poterat quiescere: jubebatque pro-
miscue omnes ad se adeuntes occidi, quibus ipse ma-
num non porrexisset. inter quos et Q. Ancharius vir
praetorius, quum sacrificantem in Capitolio Marium
adivisset, ut religionis veneratione propitium haberet,
ante oculos tyranni in ipsa aede confossus est. Quin-
que dies continuos, totidemque noctes ista scelerum
omnium duravit licentia. neque cadavera sepeliri per-
missum erat, et in liberos conjugesque interfectorum
indigna, maxime a servis, perpetrabantur. Neque
ipsi inter se caedibus atque rapinis seditiosi abstine-
bant.

XLIII. Inter haec publicationes honorum adsiduae *Mirifica po-*
erant, et magistratum coacta abdicatio, Sullanarum- *puli Romani*
que eversio legum, et amicorum ejus, quotquot cor- *abstinentia.*
ripi potuerant, internecio. Metella quoque uxor cum
liberis Sullae vix effugerunt periculum, quum domus
ejus atque villae incendio delerentur. Hoc tempore
mirifica sane populi Romani abstinentia fuit. Quum
enim occisorum domos praedae multitudinis exposuis-
sent victores, negant inveniri quemquam paullo ho-
nestiorum civium potuisse, qui ullam ex his rem cu-
peret attingere.

XLIV. Post tot mala, tamquam eo rerum statu le- *Merulae*
gibus in civitate esset locus, L. Merula et Q. Catu- *caedes, et*
lus, subornatis accusatoribus, rei fiunt. Merulam *post eam diu*
propter ablatum, licet nullo ambitu, honorem Cinna *intermiserunt*
oderat. Q. Catulo iratus erat Marius, quasi Cimbrico *Flaminium.*
bello servatus malam pro beneficio gratiam retulisset,
exsilii sui acerrimus auctor. Sed, ludibrium, istud
judiciorum ambo dedignati, spontanea morte functi
sunt. Merula, deposito apice, (quod apicatum Fla-
minem mori triste et inauspicatum urbi habebatur)
idque se fecisse scripto testatus, in ipso Jovis sacra-

Cap. XLII. Appian. Dio apud Vales. Plut. Dio. Plut. Dio.
Flor. Plut. Flor. Appian. Dio. Appian. Plut. Mar. et Ser-
tor. Appian. Cap. XLIII. Plut. Sull. c. 64. Appian. p. 204.
Val. Max. 4, 3. Ammian. 30, 28. Appian. p. 395. Cap. XLIV.
Val. Max. 9, 12. Flor. Vell. Dio, 1. 54. extremo. Tac. Ann. 3, 58.

U. c. 665. rio incidit venas, porrectoque super altaria sanguine,
 A. C. 87. Cinnanās partes consecravīt. quo in homine propemodum ipsa sacerdotii religio exstincta est, quum in locum ejus nemo factus Flamen septem et septuaginta annis reperiatur. Nam C. Caesar, annum agens septimumdecimum, a Mario Cinnaque destinatus, victoria Sullae sacerdotium amisit.

XLV. Pro Catulo deprecati Mariū necessariī, ne incolumitatem quidem, sed exsilium orantes, nullam ab saevissimo mortalium exprimere vocem potuerunt, praeter hanc saepe repetitam, *moriatur*. Igitur inclusus loco, qui nuper calce fuerat oblitus, multum inferri ignem jussit, atque ita, suffocato spiritu, exstinctus est. Inter haec misertus patriae et civium Q. Sertorius, qui solus inter ceterorum furorem omni maleficio abstinuisse fertur, damnata Marii saevitia, privatim appellavit Cinna, et miseriarum urbis postulavit modum: servosque Marianos, quum a Cinna saepius cohibiti nihil de sceleribus remitterent, acceptis ab eo Gallorum auxiliis, eodem loco castra habentes noctu circumdedit, et ad unum omnes, hominum non minus octo millia, delevit.

*Cinna se et
 Marium con-
 sules renun-
 ciat.*

XLVI. Sic anno magistratus exacto, Cinna consules in annum sequentem se iterum, C. Marium septimum, citra ulla comitia renunciavit, spei de septem consulatibus eventu meliore, quam sperandi causa fuerat. Hujus anni triste et minax exordium cetera paullo quietiora tempora exceperunt. Sed eodem die, quo novi consules inierant, quum maxime sacra in auspicio anni et magistratuum patrio more fierent; C. Marius filius tribunorum plebis quemdam sua manu occidit, caputque consulibus misit. duobus praetoribus igni et aqua interdictum est: Sex. Licinius senator de saxo Tarpejo consulis Marii jussu praecipitatus.

U. c. 666.
 A. C. 86.
 C. Mario
 VII. L. Cor-
 nelio II.
 Coff.

*Ejus anni
 triste exor-
 dium.*

*C. Marii
 mors.*

XLVII. Sed efferam hominis immanitatem Idus Januariæ finierunt. Laboribus et senio exhaustum praesertim fama de Sulla exterruisse dicitur, quem,

Cap. XLV. Ruald. Animadvers. 18. in Plut. Sueton. Caes. c. 1. Vellejus 2, 43. Cic. Tusc. Quaest. 5, 19. et de Or. 3, 3. Plut. Mar. Vell. 2, 29. Diod. Eclog. 1. 38. Cap. XLVI. Appian. Flor. Plut. Sertor. c. 7. Appian. Plut. Mar. Oros. 5, 19. Liv. Epit. Appian. Dio apud Vales. Liv. Epit. Plut. Cap. XLVII. Liv. Epit. Flor. Plut. Diod. apud Vales. Auctor de viris illustr. Plut.

finito bello Mithridatico, adesse victorem, et admissorum vindicem, audiverat. adeoque hoc est creditum, ut a quibusdam voluntaria morte sublatus existimetur. Certe cum amicis de adventu Sullae deque fortunae vicissitudine multa differuisse dicitur, et negasse, *sapientis videri, toties expertae illius inconstantiae se committere.*

U. c. 666.

A. C. 86.

XLVIII. Hinc in morbum quum incidisset, et ex morbo in delirium, summa hominum laetitia ad inferos, quo infinitam ante se mortalium vim praemisera, descendit. Vir, cujus si examinentur cum virtutibus vitia, *Et elogium.* hand facile dixeris, utrum bello melior, an pace perniciosior fuerit. quamquam et bello pestilens, quam rempublicam armis et consiliis servaverat, eandem in pace aliis consiliis, et mox inter bella civilia iisdem armis hostiliter oppressit. Ceterum, ut sanguinarum hominis ne funus quidem sine dolore civitatis atque luctu principum esset, C. Fimbria, homo perditus audax, Q. Scaevulam mandavit occidi: comperitque deinde, sic esse vulneratum, ut vivere possit, diem ei dixit: ac interrogatus, *ecquid igitur integerrimo sanctissimoque viro esses objecturus? Hoc ipsum, inquit, quod ferrum maligne recepit.*

Cap. XLVIII. Vell. Plut. Liv. Epit. Cic. pro Sext. Rosc. c. 12. Val. Max. 9, 11.

E P I T O M E

LIBRI OCTOGESIMI PRIMI.

L. Sulla Athenas, quas Archelaus, praefectus Mithridatis, occuparat, circumsegit, et cum magno labore expugnavit. urbi libertatem, et civibus, quae habuerant, reddidit. Magnesia, quae sola in Asia civitas in fide manserat, summa virtute adversus Mithridatem defensa est. Praeterea Thracum in Macedonia continet gesta.

Praefectus Mithridatis occuparat, circumsegit, et cum maximo labore] occupaverat Voss. Berg. Lov. 2. et ed. Camp. *occupavit* Boend. Tum *circumsegit* nullo sensu Voss. Berg. et Exc. Pithoei. Deum *cum magno labore* Voss. Berg. Lov. 2. Boend. et ed. Camp. *magno cum labore* Leidens. Saepissime in his Epitomis primos editores superlativum adscivisse, ubi scripti positivum probant, vidimus ad Epit. 51. *Mox urbi libertatem, et quae habuerat, reddidit* Leid. Voss. et Berg. neque aliter Lov. 2. nisi quod *habuerant* praeferat. *habuerat* etiam in Exc. Pithoei fuisse, Hearne testatur.

Magnesia] Magnesios, aliosque, qui pro Romanis adversus Mithridatem steterant, a Sulla libertate donatos, et sociis populi Romani adscriptos fuisse, est in Appiani Mithrid. pag. 211. Hanc *Magnesiam ad Sipylum* esse, ostendit Spanhem. in Orb. Rom. Exercit. 2. cap. 9. DUK. V. etiam Cellar. Geogr. Ant. 3, 3, 81.

Praeterea a Thracibus in Macedonia gesta continet] Vet. lib. *Praeterea transitus Thracum in Macedoniam continet.* SIG. Similiter Berg. Verum haec lectio ideo minus placet, quia Thracēs non nunc demum in Macedoniam transierunt, sed jam diu antea Romanis in ea bellum intulerunt. Certe *incursiones Thracum in Macedoniam* supra auctor retulit Epit. 74. et 76. atque infra iterum memorabit Epit. 82. Et hinc neque probō alteram lectionem *Praeterea excursiones Thracum in Macedonia continet*, quam praeferunt Exc. Pithoei. *Praeterea Thracum et Macedonum res gestas continet* legunt Boend. et ed. Camp. quod et ipsum displicet. Non enim Thracēs cum Macedonibus, sed cum Romanis in Macedonia bellum gesserunt. *Praeterea res Thracum in Macedonia continet* Lov. 2. *Praeterea Thracum in Macedonia continet gesta* Leid. et Voss. quam lectionem recepi.

JOHANNIS FREINSHEMII

SUPPLEMENTORUM LIVIANORUM LIBER XLVI.

IN LOCUM LIBRI LXXXI. T. LIVII.

I. Expositis Romanae urbis calamitatibus, ad Mithridaticum bellum et res interim a L. Sulla gestas revertendum est. Sulla quinque legiones cum auxiliariis aliquot cohortibus et equitum alis in Græciam transvexerat. Deinde, collectis ex Aetolia Thessaliaque com meatibus et auxiliis, postquam satis instructus esse visus est, in Atticam adversus Archelaum ducere instituerat. Per Boeotiam erat iter, cujus pleramque partem per legatos recepti eadem levitate animorum deficientibus a Mithridate civitatibus, quam paullo ante ad Mithridatem a Romanis desciverant.

U. c. 665.

A. C. 87.

Mithridaticum bellum.

Sulla contra Archelaum proficiscitur.

II. Quô in genere Thebani, sicut urbis magnitudine et gloria caput Boeotiae habebantur, ita praecipue ad mutandos socios inconstantiae documenta dederunt. Sed metum et imbecillitatem suam allegabant, quod, omnibus circa ad regias partes transuentibus, resistere tantae potentiae nequivissent, quam neque reges maximis exercitibus instructi, neque Asiae Graeciaeque auxiliis subnixi Romanorum duces sustinuisent. Modicas civitati suae vires fuisse, etiam prosperrimis temporibus. tum vero, praeter antiquiora, bello Asiatico sic esse debilitatam, ut vix reciperare sexaginta illis annis tenuem pristinae dignitatis speciem potuerit.

Thebani deficiunt ad Sullam.

III. Proinde magnopere a L. Sulla consendere, ut non tam defectionem suam, quam deficiendi causas, respiciat: et, siquidem studio sis a se ut voluntate peccatum, puniam nonios; sed vero invitos cognoveris a societate Romana discessisse, de necessitati veniam, cui ignoscere omnes soleant. Plane cum

Defectionem priorem ab Romanis excusant.

Cap. I. Appian. Mithrid. Plat. Sull. c. 23. Appian. Cap. II. Pausan. I. 9.

U. c. 665. *his temporibus fuisse Italiae et urbis statum, ut inde neque A. C. 87. imperator' tantus, neque exercitus sperari potuerit.*

IV. Majorum suorum in populum Romanum frequentiora delictis exstare merita. se quoque semper ejus populi majestatem fide optima coluisse, porroque daturus operam, ut enixo faciant omnia, quae possint a se in tam exigua fortuna proficisci. Neque sibi laetiorē diem ullum fuisse, quam quo data Romani imperatoris sit copia. subesse quidem metum, ne forte sua rejiciatur purgatio: sed spem tamen majorem, fore, ut, pro nominis Romani et sua clementia, placatum se propitiumque deprecantibus Sulla exhibeat. At ille, quum pro tempore pauca respondisset, in Atticam contendit.

Sulla vitis regios.

Piraei munitiones.

V. Ibi pugna cum hostibus commissa, postquam Aristionem in urbem, Archelaum intra Piraei munimenta compulit, parte copiarum ad obsidendam eum Aristione urbem missa, ipse Piraeum sibi oppugnandum sumpsit, ubi regii cum praetore suo moenibus a Pericle olim structis se incluserant. Bello enim Peloponnesiaco Pericles, in munitionibus Piraei spe vistoriae collocata, murum ex quadrato lapide ingentis magnitudinis ad altitudinem cubitorum quadraginta circumduxerat. Nec dubitabatur, superiorem utique urbem vel sedendo expugnari posse, quod magna rerum necessariorum penuria inerat. Sed frequentes Roma de novis rebus nuncii, festinare potius cum periculo, quam cum multa temporis jactura tuto vincere, cogebant.

Sulla Piraeum oppugnat.

VI. Igitur, scalis ad Piraeum admotis, magna vi conatus est perrumpere: donec, omnia nequidquam expertus, (nec enim segnius se regii defendebant) ad compingendas omne genus machinas Eleusinem et Megara concessit. operibus enim oppugnare Piraeum cogitabat. eum in usum artifices ferrumque et catapultae aliusque apparatus, decem millibus mulorum jugis, ex urbe Thebana advehiebantur: donec inopia materiae (multa enim opera corrupta et incensa ab hostibus, aut suo pondere procumbentia peribant) sacris quoque lucis iniecit manum, et Academiam, nobilissimum orbis terrarum gymnasium, quo non erat alius in suburbanis nemorosior locus, pro-

Cap. V. Pausan. l. 1. Appian. Plut. Appian. Plut. Cap. VI. Appian. Plut. Appian. Plut. Dio apud Vales. Appian. Sulpic. apud Cic. ad Fam. l. 4. ep. 12.

imumque fama et amoenitate Lycæum arboribus nudavit.

U. c. 665.
A. C. 87.

VII. Longi etiam muri, qui ad urbem Atheniensium a portu pertinebant, subruti, saxa trabesque struendis aggeribus præbuerunt. Forte miles, cespitem ferens, fulmine exanimatus prociderat. ob eam rem consultus haruspex, *quod percussus in opere miles, caputque jacentis in oppidum versum esset, introitum et victoriam respondit Romanis, sed nonnisi post diuturnum laborem, significari.*

VIII. Has inter moras et sumptus obsidionis, quum rei nummariae difficultas incessisset, L. Sulla sacros Graeciae thesauros in promiscuum pecuniae usum vertit, Olympia et Epidauro iussis advehi pulcherrimis pretiosissimisque donariis. Delphos quoque Caphis nomine missus est, natione Phocensis, ut ab Amphyctionibus ornamenta templi acciperet. nam, *et tutius apud se fore illa, scripserat, aut, si absumpta essent, non deteriora redditurum.* Caphis quum venisset Delphos, *audivum ex adytis citharae sonum scripsit Sullae: acceperatque responsum, gaudens, non indignantis, esse tantum. ageret igitur, et numine propitio sacrum aurum argentumque ad se deportare ne dubitaret.* Postea quoque per jocum dictitasse ferunt, *dubitare se non posse de victoria, qui Deorum stipendio militaret.*

Sulla sacros thesauros spoliat.

Et in ea re facilius laedit.

IX. Erat inter regum donaria dolium argenteum ea mole ac pondere, ut extrahi jumentis nequiret. Id concidere coacti Amphyctiones, statum Graeciae et mutatos in deterius dominos miserabantur. Olim T. Quinctium et L. Aemilium Romanos duces, itemque M. Glabrio-
nem, illos Macedonum regibus, hunc Antiocho devictis, utroque bonorem opesque delubrorum auxisse. Nunc, lapsis in pejus moribus, postquam inimicos quacumque re superare principes Romani studeant, largitionibus ad perfidiam luxumque corrumpi milites: hisque obnoxium imperatorem vilissimo tererrimoque hominum generi servire, quo optimis quibusque nobilissimisque dominetur.

Graecis ringentibus.

X. Ceterum Sulla, neglectis Graeculorum querelis, ad quaestorem L. Lucullum sacros thesauros missit, cui cudendae in Peloponneso monetae negotium imposuerat: ipse redigendis in potestatem Athenis

Sulla Athenas occupare nititur.

Cap. VII. Plut. Appian. Jul. Obseq. Cap. VIII. Plut. Pausan. l. 9. Diod. apud Vales. Dio ibid. Plut. Diodor. Cap. IX. Plut. Dio. Cap. X. Plut. Lucull.

U. c. 665. omnem animi cogitationem intendebat. Gloriosam
 A. C. 87. victoriam vetus urbis factura fama erat; utilem; lo-
 corum ad omnia opportunitas. super haec Aristionis
 vecordia stimulabatur, importunissimi et improbiissimi
 scurrae, qui continentibus dictis in ipsum, aut Me-
 tellam, quae impudicitiae arguebatur, iracundum a-
 nimum mira vindictae cupiditate inflammabat.

Proditio
servorum
Atticorum.
 XI. Ceterum urbem fame urgere satis visum.
 Piraeum spes nulla capiendi, nisi per arma, super-
 erat. Sed haec tamen prodicione juvantur. Duo
 servi Attici, quidquid in oppido fiebat, glandibus
 plumbeis inscribebant. eas deinde glandes fundis eja-
 culabantur ad Romanos. Id ubi saepius fieri ad Sul-
 lam relatum, ille, re considerata, quum semper e-
 ventum respondere nunciatis comperisset, diligenter
 colligi glandes emissas et ad se referri iussit. Unde,
 quum aliquando decretam in certum tempus eruptio-
 nem didicisset, insidias erupturis struxit; multisque
 interfectis, aliis in mare compulsis, magnum obses-
 sis detrimentum, et plus aliquanto terroris intulit.

Archelaus
eruptio ex
Piraeo.
 XII. Crescebat interea indefesso labore militum
 agger, quum Archelaus ex diverso turres opposuit,
 unde cujusquemodi missilia late spargerentur. accitis
 deinde, quae Chalcide et per reliquas insulas agebant,
 copiis, quum etiam remiges armasset, numero qui-
 dem militum longe superavit Sullam, quum etiam a
 principio majores aliquanto copias habuisset. Idcir-
 co, minime ratus cunctandum, proxima post acceptum
 supplementum nocte, validam eruptionem in opera
 Romanorum fecit. Circa tertiam vigiliam cum faci-
 bus improvisa turba exsiliens alteram testudinum, et
 quidquid in ea machinarum stabat, incendit. neque
 potuit defendi. sed intra proximum decendium aliud
 excitatum eodem loco opus stetit.

Lignea tur-
ris incendi
non potest.
 XIII. Sulla, ignaviae suorum iratus, cohortem et
 centuriones, quorum stationem hostis perruperat, il-
 lam ignominiae causa extra vallum tendere, hos ga-
 leatos et discinctos perstare in principiis iussit. Dein-
 de ligneam turrim, quam contra suum aggerem Ar-
 chelaus erexerat, modis omnibus incendere studens,
 (plurimum enim impedimenti obsessoribus adferebat)

Cap. X. Plut. Sulla. Hieron. in Jovin. 1, 56. Cap. XI. Flor.
 Appian. Mithrid. Cap. XIII. Frontin. Strat. 4. Appian.
 Quadrig. apud A. Gell. 15, 1.

submotis valida impressione propugnatoribus, ligna circumponi, faces subjici jussit. Ceterum conatus iste irritus fuit, non concipiente ignem materia, quod eam multo alumine Archelaus obleverat.

U. c. 668.
A. C. 87.

XIV. Dum haec aguntur, missu Mithridatis Dro- *Archelaus*
michaetes cum novis Thracum auxiliis adfuit. Arche- *proelium*
laus igitur, pugnandi facturus copiam, aciem ita ap- *cum Sulla.*
plicuit oppido, ut a moenibus quoque adjici ad Romanos tela possent: alios deinde facibus armatos intra portas signum erumpendi expectare jussit. Proelio commisso, fugientes suos impigre obsistens Archelaus redire coëgit in hostem: unde vicissim Romana acies pedem referre coepit. Sed a Murena cohibiti resisterunt: simul, qui lignatum exiverant, reversi: itemque alii, qui ignominiae causa seorsim tendebant, accurrerunt: horumque strenua opera factum est, ut regii, duobus militum millibus amissis, intra muros compellerentur. Archelaus, dum, ad retinendos suos tota mente conversus, salutem suam negligit, ocllulis jam oppidi portis, fune in moenia subductus est.

XV. Sulla, ob egregiam operam laudatis militibus, demptaque iis, qui notati fuerant, ignominia, quum *Sulla ad*
appetere hiemem videret, relictis ad opera praesidiis, castra ad Eleusinem movit. Equitabilis eo loco *Eleusinem*
planities erat: et eo genere copiarum hostes abunda- *castra mo-*
bant. Igitur Sulla, ne eorum pateret incursionibus, *vit.*
fossam profundam a montibus ad mare ducere coepit. Hoc opus prohibitori hostes quotidiana, modo ad fossam, modo pro moenibus Piracei, certamina moverunt. abundabant enim multitudine, marique libero utentibus, et exponere suos, ubi volebant, et recipere, et, quocumque opportunum videretur, trajicere, in promptu erat: rerum quoque necessariorum copiam suis efficere, penuriam hostibus, ex facili poterant.

XVI. Igitur Sulla, missis ad Rhodienses certis hominibus, classem arcessit. Quod ubi, regiis mare *L. Luculli*
obtinentibus, parum procedebat, L. Lucullum in Aegyptum et Africam proficisci ad corroganda a regibus et *profectio ad*
maritimis civitatibus navium auxilia jussit, quibus instructus Rhodiorum classem securius deduceret. Lucullus, *corroganda*
neque maris incerta, neque vim hostium veritus, hie- *auxilia.*

Cap. XIV. Appian. Cap. XVI. Plat. Lucull. c. 3.

U. c. 665. me media cum paronibus Graecis tribus, totidemque
 A. C. 87. Rhodiorum dicrotis solvit: Cretaque partibus adjuncta, Cyrenas transmisit.

*Cyrenaei
 tyranni sae-
 vitia.*

XVII. Erat tum pessimus Cyrenaeae rei status; quae, post testamentum Apionis magis sine rege, quam in libertate, relicta, neque defensa ab Romanis, domi satis negotiorum habentibus, in seditiones et tyrannidem inciderat. Cujus quam intolerabilis saevitia fuerit, ab uno documento intelligi potest: quod Nicocrates ad portas urbis custodes apposuit, qui mortuos, quum efferebantur, igne ac ferro admoto tentarent, ne quis simulatione mortis effugere tyrannidem posset. Ceterum illum ingens animi mulier Aretaphila, concitato in eum fratre tyranni Leandro, sustulerat; deinde ipsum etiam Leandrum, postquam similem se gerebat ei, quem interemerat. Accesserant et finitimorum bella. Igitur, licet excisa tyrannide ad optimates respublica redisset, tamen nec auctoritas illis, nec concordia aderat: quum a recenti dominatione timidus necessario suspectus fieret, quisquis supra ceteros ingenium animumque habere credebatur.

*Lucullus
 Cyrenensium
 rempubli-
 cam ordinat.*

XVIII. Quum his temporibus L. Lucullus super-venisset, velut divinitus missum pacis libertatisque instauratorem amplexi, ut leges sibi ferret, oraverunt, quibus deinceps civitas regeretur. Ille, recensitis veteribus legibus, maxime quas olim Ecdemus et Demophanes Megalopolitani rogatu Cyrenaeorum tulerant, additisque ex praesenti usu aliis, rempublicam eorum belle composuit. Id ubi perfectum est negotium, eadem hieme in Aegyptum inde navigavit. In eo cursu plerisque navibus piratarum audacia depressis aut captis, ipse incolumis et sospes Alexandriam pervenit, eximioque honore et magnificis a rege muneribus cultus est. Nam et quadruplum ejus, quod aliis hospitibus assignari consueverat, ei decretum est: et munera e talentis octoginta missa, quae tamen ille non accepit.

*Aegypti
 status.*

XIX. Ptolemaeus tum iterum regnabat, *Lathuri* cognomento a ceteris distingui solitus: quem, post fratris Alexandri necem, Alexandrini ad vetus regnum e-

Cap. XVII. Plut. de virt. Mulier. c. 34. Polyæn. Strat. 1. 8.
 Cap. XVIII. Plut. Luc. Plut. Philop. c. 1. Plut. Luc. Cap.
 XIX. Euseb. et apud eundem Porphy. Pausan. l. 1.

Cypro revocaverant. Nam matrem Cleopatram Alexander, Alexandrum Aegyptii bello persecuti occiderant. Neque adhuc plane motus omnes extincti erant, quamquam Thebas, quae defecerant, triennii bello recepisset Ptolemaeus, adeoque rede-gisset humiles, ut vix memoria pristinarum opum, quibus nulla civitas sopsior fuit, relinqueretur.

U. c. 665.
A. C. 97.

XX. Igitur, dum his in locis varia per impedimenta Lucullus detinetur, L. Sulla manum militum, frumenta ex Piraeo Athenas portantium, cum ipsis sarcinis intercept. prodita enim ea res glandium inscriptione fuerat. Eadem die ad Chalcidem cum Archelai fratre Neoptolemo feliciter dimicatum est. legatus L. Sullae Munatius, mille quingentis militibus interfectis, aliquanto pluribus captis, duce quoque hostium sauciato, pretium operae fecit.

U. c. 666.
A. C. 86.

Neoptolemus a Romanis vincitur.

XXI. Parvo post tempore, quum, sopitis custodibus, moenia Piraei negligenterentur, Romani milites, scapulas machinis imponentes, in murum evaserunt, et, quos primum objecerat casus, obruncarunt. Excitato inter haec tumultu, vigiles partim in oppidum, quasi jam captis moenibus, desilierunt: alii, magnis animis certamine inito, hostes, occiso, qui eos ducebat, praecipites abegerunt. Hoc invitati successu regii, non contenti periculum repulisse, eruptionem fecerunt, quo loco altera Romanorum turris exaedificata fuerat: incendissentque, nisi, continuato per noctem diemque labore, Sulla, qui ex castris auxilio accurrerat, resistisset. Quum deinde aliam ex adverso turrim Archelaus struxisset, diu ex vicinis paribusque munitionibus omni genere telorum certatum est: donec Sulla viginti simul plumbeos graves globos catapultis excuti jussit. Horum impetu multi hostium occisi, et, quod praecipue desideratum fuerat, labefactata turris Archelai, quam ruinam minitaretur, intra moenia reducta est.

Pugna ad Piraeum.

XXII. Interea magis magisque gliscebant in urbe Athenarum fames. nam frumenti quidem parum inerat; et tyrannus choenices hordei in quatrimum, gallinarum verius, quam hominum, dimensum, dividebat. Sed, hac necessitate Atheniensium cognita, licet cunctanter, de integro tamen Archelaus delectos cum

Atheniensium fames.

Cap. XX. Appian. Cap. XXII. Posidon. apud Athen. 5, 14. Appian.

U. c. 666. cibariis misit. Et, quia prodi consilia sua animad-
A. C. 86. verterat, eodem tempore circum portas validam op-
periri manum iussit, ut, Sulla in frumentatoribus ca-
piundis occupato, cum facibus ad incendenda Roma-
norum opera prosilirent. Utrisque pro spe expeditio fuit: Sulla commeatum portantes excepit; Archelaus aliquot machinas corruptit incendio.

Archathias Mithridatis F. XXIII. Circa eadem tempora filius Mithridatis Archathias, cum alio exercitu in Macedoniam irrumpens, Romanorum modicas copias haud aegre expulit, omnemque Macedoniam, in praefecturas divisam, idoneis hominibus distribuit. Deinde, magno cum apparatu contra Sullam profectus, haudquaquam parem spei eventum habuit, circa Tidaem morbo extinctus.

Sulla Athenas circumvixit. XXIV. Tanto minore molestia Romanus imperator coepta perurgens Athenas, ut omnem non modo commeatum, sed etiam fugam, interciperet, castellis circumdedit: quo plures in exhausta urbe clauderentur, eo celeriore ex fame deditionem sperans. Ad Piraeum vim adhibere consultius visum, eductisque in iustam altitudinem aggeribus machinae impositae. At Archelaus terra clam egesta exinanibat opus: donec, subsidente mole, prodita res est, deductisque machinis Romani aggerem repleverunt. Deinde, contra cuniculos Archelaei aliis effossis cuniculis, et sub ipsa moenia productis, saepe sub terra inter fossore, ut forte sibi occurrerant, hastis gladiisque pugnatum est.

Romani Piraeum acriter oppugnant. XXV. Haec dum ita fiunt, Romanus, multis ab aggere machinis admotis, muros ariete quatiebat. neque ante desitum, quam, parte muri dejecta, proxima turris contento militum labore incenderetur, inque ipso, quem ceperant, muro praesidium statuere. Simul cunicularii suspensa trabibus moenia, pice, stipula atque sulphure multo adfusus, et igne subjecto, concremarunt.

XXVI. Ibi quum alia post aliam pars murorum arderet, et superstantes gravi ruina opprimerentur, etiam, qui longius a periculo aberant, commilitonum interitu territi, despondere animos coeperunt. Summa enim contentione a Romanis pugnabatur: quum Sulla, fessis integros submittens, hunc unum restare laborem clamitaret; neque reliquum quidquam faceret,

ret, quo minus promissis, imperio, minis, modo hos, modo illos ad spernenda pericula, murosque vi transcendendos incitaret. Neque minus animorum aut industriae Archelao supererat, percussis atque sauciis, corpore atque animo recentes subinde jubenti accedere: donec fatigatos iniquo proelio milites Sulla miseratus receptui cecinit, quum ejus diei fortuna pari inter se robore proeliatos, etiam detrimento amissorum utrimque militum aequavisset.

U. c. 666.
A. C. 86.

Regii strenuissimi.

XXVII. Archelaus, ne noctem quidem suis quietam abire passus, reparandis moenium ruinis operam dedit: intra murum multas exstruxit munitiones, in lunae speciem sinuata fronte, quo pluribus ex partibus in hostem missilia jacerentur. Eas, dum adhuc recens labor facilius machinis cederet, magna vi oppugnare Sulla coepit. sed, undique telis expositus, quum multos occidi vulnerarique cerneret, abjecta spe capiendi per vim oppidi, ut commeatum inopia cogeret ad deditionem obsessos, de reliquo abstinuit oppugnatione: claudi tantum aditus, ne qui exire, neve ingredi impune possent, jussit. Ipse, parte copiarum adsumpta, Athenas perrexit: ubi graviores in dies annonam factam, et jam ad extrema necessitatis perventum intellexerat.

Alia oppugnatione, itidem irrita.

XXVIII. Jumentis enim omnibus absumptis, etiam oleribus et herbis vescuis, vulgo jam a tegulis parietinisque Parthenion (*urceolarem* herbam Latini vocant) in victum vellebatur. alii calceamentorum ampullarumque coriis morabantur deficientem spiritum: etiam humana corpora coeperant in cibum verti. Nam frumenti quidem medimnus mille denariis aestimabatur. Neque hoc tristissimum pereuntibus erat, sed quod tyrannus Aristion in ea publica penuria quotidie cum suis compotoribus hilariter epulabatur: nec modo fatiscentes inedia cives, sed etiam extinctum olei inopia Minervae sacrum ignem in levi ponebat. Hierophantidi, summae ea religionis in urbe sacerdos erat, heminam tritici potenti, heminam piperis misit. Urbem ita adfectam Sulla nactus protinus circumvallare instituit, ne quinquam inde evadere posset.

Athenarum horribilis famas.

XXIX. Interea saepe rogatus ab Atheniensibus Aristio, quum diu negavisset, semel etiam suppli-

Cap. XXVIII. Plut. Sulla. Plin. 22, 28. Plut. Dio apud Vales. Appian. Flor. 3, 5. Plut. Dio.

Supplem. Liv. Tom. XIII.

I

U. c. 666. cantes ei cum senatoribus sacerdotes sagittis abegisset, tandem familiarium aliquot ad Sullam oratores de pace misit. At illi, sceleribus et crapula vecordes, stolidi et minime accommodata temporibus oratione, nihil, quod praesens usus postularet, sed vetera urbis decora, Theseosque Eumolposque, et Medica tropaea praedicabant.

Eorum stolidi oratio.

XXX. Neque tibi decorum fuerit, ajebant, imperator, neque tutum, eam excidisse urbem, in quam singularis Deorum favor semper exstitit: adeo quidem, ut et hanc praecipua benevolentia semper complecterentur; et inde potissimum in ceteras gentes emanare beneficia sua vellent. Jam a principio quum urbi nomen esset imponendum, duos de consentibus de hoc honore certavisse satis constat: et, quum oleam Minerva, Neptunus equum produxisset, pacis omen praeferebant Diis, quorum arbitrio commissa lis fuerat, vicisse Palladem, quam Athenam vocamus, deque hujus vocabulo appellari Athenas coepisse.

Atheniensium merita in humanum genus jaçant.

XXXI. Ita propter nos et equum, tam accommodatum usibus humanis animal, et oleam, cui praeferri arborum nulla jure potest, vita accepit. Duratque illa etiam nunc certo divinitatis argumento, et, quos praefereamus, ramos inde decerpimus. Sed et Cereris munus, Triptolemi currum, et hinc ad alias terras exportata frugum semina referre possemus, quum adhuc glandibus miseri mortales vescerentur. Quin et praeter oleam suavissimae pomorum fici haec terra est genitrix: et hic primum, expressis Eumolpi ingenio uvis, vina fluxerunt.

Atheniensium inventa.

XXXII. Quae jam alia in universum genus humanum extent urbis hujus merita, si recensere vellemus, dies potius et vox, quam argumentum, nos deficeret. Ut pauca obiter indicemus, lanificii usum nudis aut male vestitis monstravimus: et, quum in specubus antiqui habitarent, Euryalus et Hyperbius cives nostri lateritias exaedificare domos docuerunt. Judiciorum etiam ordinem hominum primi tradidimus, ab ipsis Diis acceptum, quo tempore nomen Areopago Mars dedit, qui primus ibi capitis dixit caussam ob Halirrothii caedem.

XXXIII. Sed et civitatem ante alios optime constituimus populari statu, quum ejus nullum adhuc exemplum exstaret. Sed et certamina, quibus corpora exerceantur, commenti sumus,

Cap. XXIX. Plut. Cap. XXX. Plato Menex. Varro apud Aug. de Civ. Dei. Ovid. Metam. 6, 75. Cap. XXXI. Cic. de Leg. 1, 1. Ovid. Metam. 5, 645. Diodor. 5, 60. Justin. 2, 6. Cap. XXXII. Aelian. Hist. Var. 3, 5. Plin. 7, 56. Justin. Plin. Aelian. Stephan. Plin. Pausan. 1. 1. Cap. XXXIII. Plin. Aelian. Varro.

gymnicosque instituimus agonas, unguendique tradidimus morem: et, quo magnificentius Panathenaea celebrarentur, primus hominum quadrigas rex noster Erichthonius junxit: idem, inquam, Erichthonius, qui et signandae pecuniae fuit auctor. Nec jam enarrare volumus, quid pictura Polygnoro, quid Pericli res nautica debeat. Literas cerse et facundiam, quibus ornamenti te quoque scimus excellere, omnemque humanitatem, jura, leges, a nobis habere fatentur, quorumque habent.

U. c. 666,
A. C. 86.

XXXIV. *Sed et majores vestros, qui tantae magnitudinis fundamenta jecerunt, non puduit, missis huc legatis, Solonis incisas leges describere: unde mox duodecim illae tabulae prodierunt, quas apud vos, tamquam omnis publici privatique juris fontem atque normam, ingenui pueri inter praecipua disciplinarum edocentur. Tam antiqua sunt nostrae urbis in Romanam officia: quae deinde multis temporum opportunitatibus toties reculsa auctaque sunt, ut nulla Graeciae civitas pluribus imperatorum vestrorum senatusque honorificis decretis gloriari possit. Nullum enim ferme in Macedonia, aut Asia, aut Graecia gestum bellum est, in quo non insignis erga populum Romanum exstiterit Atheniensium fides. Cujus rei quem ampliore ipso populo Romano testem producemus, et quidem universo? semper enim et in omni re, quod optima fide gestum est, id Attica gestum Romani soletis dicere.*

Leges Atticas describunt Romani.

Fides Atheniensium.

XXXV. *Quae vero contra barbaros majores vestri toties gessere, quamquam forte invidiosa esse ob magnitudinem gloriae videantur, tamen, quia pro misera posteritate majorum allegare virtutem prodest, commemoranda sunt. Sed unde potius, quam ab iis temporibus gentibusque, ordiemur, in quibus quum vester aliquis dolor fuerit, erit aliqua etiam ex relata hostium ultione voluptas. Galli quum Italiae magnam partem, mox etiam Macedoniam Graeciamque, innumeris copiis oppressissent, ad Thermopylas majores vestri occurrerunt: terraque et mari fortissime decertando, magnam Graecorum multitudinem servarunt.*

Atheniensium gesta contra Gallos.

XXXVI. *Quid antiquioribus adhuc temporibus, o Dii, et custos urbis Minerva! quae tum urbi aut regio aut insula prope longeve fuit, quae non aliquo praeclaro Atheniensium facinore nobilitaretur? Marathon, victoriae Medicae aeternum monumentum, ex oculis hominum et agro nostro deleri poterit: et memoria quidem rerum gestarum et admiratione posteritatis*

Contra Medos.

Cap. XXXIII. Virg. Georg. 3, 113. Plin. Aelian. Pollux. Plin. Justin. Cap. XXXIV. Cic. pro Flacco, c. 26. Liv. 3, 31. Liv. 3, 34. Cic. de Or. 1, 43. Cic. de Leg. 2, 4. Vell. 2, 23. Cap. XXXV. Pausan. l. 1. init. Cap. XXXVI. Strabo, l. 9. p. 396.

U. c. 666. *numquam delebitur. Quid deinde Themistocles, et frater ejus*
 A. G. 86. *Agefilaus? Quorum hic, interfecto principe purpuratorum Mar-*
donio, quem Xerxem esse putaverat, quasi regem hac audacia
non satis terruisset, injecit foculo manum, tales adfirmans om-
nes Athenienses esse: non absimilis illi Mucio, unde adhuc Scae-
vularum familia Romae perdurat.

XXXVII. Themistoclis autem tam nota sunt facinora, ut
 omnis historiae oporteat esse rudum, qui ista non teneat. Su-
 perbissimum enim regem, et tauris instructum copiis, quantas
 aut antea, aut postea habuit nemo, nobili ad Salamina proe-
 lio fregit: deinde rem multis millibus improbam unus consilio
 perfecit, ut universa Europa maximis adhuc viribus subnixum
Contra A. expelleret. Theseo vero duce Amazonicas pugnas, et quidquid
mazones. ab eo heroë factum est, non modo vetus memoria loquitur, sed
passim nobilium artificum opera demonstrant: ne jam Thrasyl-
bulos vobis, et Cononas adducamus, et Cynaegiros, et om-
nem illam clarissimorum imperatorum, fortissimorum virorum
manum.

Pericles. **XXXVIII.** Periclem tamen indictum abire non sinimus,
 ut simul virtutem ejus, simul studium urbis nostrae in virtute
 honoranda prodamus. tantus enim ille vir fuit, ut novus ei
 honor decretus fuerit, duobus connexis oleae ramulis capite
 cincto. Probaruntque et rem et auctores universi populi: atque
 inde claros viros coronandi consuetudo orta, statimque vulgata
 est. Neque transeundus Phocion est, licet aetas ejus in Phi-
 lippi et Alexandri tempora incidit, quorum potentia et fortuna
 summorum virorum obscurare famam potuisset. Nec tamen illi
 sic officere nomini Phocionis potuerunt, quin strenuum virum
 optimumque civem fuisse sciamus: qui quum quadragies quin-
 quies exercitum duxerit, semper absens electus praetor, tamen
 integritate vitae civilibusque artibus bodie est notior.

Phocion. **XXXIX.** Atque ea hominis mentio publicae laudis admo-
 net: quum eadem et civitatis nostrae fuerit in utroque genere
 praestantia, ut ingeniosissimi homines disputent, Belline an
 vero sapientiae studiis Athenae fuerint clariores! An enim ulla
 pars disciplinae est, in qua laudabiliter versari humanum in-
 genium possit, quam non aut invenerint nostrates, aut prae-
 ceteris excelsuerint.

Poetae At- **XL.** Ut enim a poetis ordiamur, quod genus e doctis an-
tici. *tiquissimum est, comoediae tragoediaeque plurimos atque nobi-*

Cap. XXXVI. Stobaeus. Plut. Parall. c. 2. Cap. XXXVII.
 Corn. Nepos, Themist. c. 2. Pausan. l. 1. Cap. XXXVIII.
 Val. Max. 2, 6, 5. Plut. Phocion. Corn. Nep. Phoc. Cap.
 XXXIX. Plut. libello sic inscripto. Cic. de Or. 1, 4. Cap.
 XL. Cic. Tusc. Quaest. 1, 1.

liffimos auctores Athenae tulerunt. Quamquam profecto comœdiam scribere vetitum Areopagitis est, ne severitatem judicium populari hilaritate corrumpant: tamen et in vestris theatris fabulae nostrae spectantur, et ingeniosior quisque poetarum habetur, quo propius abest a nostris. Tragœdiæ vero, quæ maximas in vita habet utilitates ad omnem bene ferendam fortunam, et primum inventorem, et scriptores adeo excellentes hæc civitas peperit, ut tanto jam tempore nemo sit repertus, qui sapientiam Euripidis, facundiam Sophoclis, grandiloquentiam Aeschyli possit imitari.

U. c. 666.
A. C. 86.

XLII. Oratores autem præstantes civitas nostra plures eadem ætate habuit, quam reliquæ propemodum omnes omnibus annis. E quibus equidem Lyfias, et Aeschines, et Demosthenes, non tamquam oratorum, sed tamquam eloquentiæ nomina, audiuntur. Et ut pictores, statuarios, aliosque artifices, quorum tamen insignis etiã est gloria, et quidquid ingeniorum diversis studiis occupatum fuit, silentio transeamus, quis ignorat nullibi terrarum meliores exstitisse doctores ejus, quæ vitam regit, sapientiæ? Solon, et Socrates, et cum Platone Xenophon, et tot profectæ a Socrate familiae, quarum etiamnum successio durat, notiora sunt miracula, quam ut dici debeant; majora, quam ut possint.

Oratores.

Philosophi.

XLII. Ob tot urbis decora mirum non est, si maximi præstantissimique reges, uti vincere Athenas magnificum, ita perdere inhumanum judicarent. Possemus hic Philippum nominare Macedonum regem, possemus Alexandrum. sed, ne tibi talia commemorando fastidio simus, imperator, præfersim quia pro humanitate atque eruditione tua nihil bonum nescis, has tantum adjiciemus preces, ut clarissimorum regum tueri judicium velis, atque clementiam imitari, quemadmodum imitaris et virtutem. Ne lubeas tibi vastare aedificia hujus urbis, a qua primum tradita mortalibus est aedificandi scientia: noli fame premere frugum parentem: noli bello vastare tot heroum patriam, artium omnium domicilium, religionum atque sapientiæ templum, et, Pythii testimonio ac voce, Graeciae Prytæneum.

XLIII. Sed huic orationi non aliter, atque hac recordia dignum erat, Sulla respondit. Abite, inquit, beati: et hæc tam pulcra declamaturis adolescentibus præcipite. Ego enim senatus populique Romani missu, non discendi gratia, sed ad puniendos rebelles, adsum.

Sullæ responsum.

Cap. XL. Plut. ibid. c. 9. Timocles apud Athen. 6, 1. Clemens, l. 1. Stromat. Plut. Cap. XLII. Flor. 3, 5. Justin. 2, 6. Athen. 6, 16. Plut. Sull. c. 28.

U. c. 666. XLIV. Dum haec aguntur, forte senum in ton-

A. C. 86. strina sermonem habitum exploratores ad Sullam re-
tulerunt. tyranno maledixerant, *quod negligenter serva-*
ret urbem, facilesque ad Heptacalcum aditus incustoditos si-
neret. Imperator, haudquaquam spernendum indicium
Athenarum ratus, media nocte cum expeditis ad locum venit; et,
expugnatio. quia non difficilis superatu videbatur, admoveri sta-
tim scalas, et evadi in murum jubet. Primus om-
nium M. Tejus in summum enisus, quum occurren-
tem sibi hostem feriret, objectu galeae fregit ensem;
nec cessit tamen loco, sed, donec alii commilitones
supervenirent, restitit. Sic expugnatae sunt a Sulla
Athenae Kalendis Martiis.

XLV. Romani, diruto, quidquid inter duas por-
tas Piraeicam et Sacram murorum fuerat, magno cum
terrore ingressi, strictis ensibus ad caedem rapinas-
que discurrerunt: non defectionem tantum Athenien-
sium, sed suas contumelias, et jacta obsidionis tem-
pore convicia, immitis ingenii viro acriter vindican-
te. Erat omnino foeda tum eorum, quae fierent, spe-
cies, tum factorum memoria et notae. Multis in do-
mibus condita in usum ciborum humana membra re-
*Et multi-*perta; tantumque cruoris ea nocte fustum ferunt, ut,
*plices mis-*praeter alias urbis partes caedibus et cadaveribus op-
*eritas.*pletas, totus Ceramicus ad Dipylon usque sanguine
fluxerit, ejusque rivos etiam in suburbium manasse
quidam retulerint. Non enim a Romanis tantum ob-
vii sternebantur, sed ingens oppidanorum numerus,
acerbiora morte metuens, desperatione sibi necem
consciscebat. Aristion cum paucis in arcem confu-
git, incenso prius Odeo, ne materia illius ad oppu-
gnandam arcem hostibus usui esset.

XLVI. Sullam, ne urbem dirueret, non quidem
*Sulla exo-*mandata senatus absterruerunt, quibus tum quidem
*vatus urbi*parum fuisset commotus: sed, Romanis senatoribus,
*parcit.*qui cum Sulla erant, adjuvantibus, exsules Athenien-
sium Midias et Calliphon extremis precibus evice-
runt, *ut miserrimae civitatis aliquas esse reliquias pateretur.*
Igitur postridie, jam satiata nonnihil vindictae cupi-
ditate, veterum Atheniensium laudibus commemora-
tis, *ingratissimos hominum, ut ipse dicebat, in bonore*

Cap. XLIV. Plut. de Garrulitate c. 8. Plut. Sull. Vell. 2,
23. Plut. Cap. XLV. Appian. Mithrid. Plut. de Garrul. Ap-
pian. Plut. Sull. Appian. Cap. XLVI. Memnon. Plut. Ap-
pian. Plut. Flor. Plut. Appian.

sacrorum suorum atque antiquorum herorum conservavit: multos se paucis, et vivos mortuis donare dictitans: Servilia deinde corpora venditurum edixit: ceteris concedere libertatem; suffragia legum et magistratuum non concedere, quod hostili in se atque populum Romanum animo fuissent. posteris tamen illorum ea quoque reddere.

U. c. 666.
A. C. 86.

*Libertatem
oppidanis
concedit.*

XLVII. Sic antiquissima et nobilissima Graeciae civitas, quum plurimorum bellorum pericula, seditionumque et tyrannidis violentissima mala superasset, quo tempore vix timeri tale quippiam potuisset, Aristionis opera in eam calamitatem adducta est, ut extremum exitium vix evaderet. Sullam quoque postea gavisum esse ferunt, quod irae, cujus potens non erat, hactenus indulsisset, ut tamen urbem non excinderet: idque inter praecipua fortunae suae beneficia numeravisse. Numquam tamen pristinam deinde recuperare speciem Athenae potuerunt: et moenia, tum a Romanis diruta, circiter annos trecentos quinquaginta jacuere: donec, imperante Valeriano, contra Scytharum incursiones reficerentur.

XLVIII. Per eadem tempora aliis quoque locis inter Romanos Mithridaticosque duces varia fortuna certatum est. Asia ferme tota regis erat: nisi quod ab obsidione Rhodi repulso etiam Magnetes fortissime resistebant. Hi et alias plurimum damni regiis attulerant: et Archelaum, paullo ante, quam in Graeciam iret, fines suos effusa populatione devastantem, multis barbarorum necatis, sauciaverant. Inde, quum maximo exercitu circumsessa oppugnataque urbs eorum a Mithridaticis praetoribus esset, summa virtute defensa est.

*Magnetes
Mithridati
resistunt.*

XLIX. In Thracia atque Macedonia prosperiora omnia regiis erant. Thraeces, Mithridatis partes sequuti, duce filio regis Arcathia, deinde Dromichaete regii sanguinis Thrace, capta Amphipoli, numerosis agminibus Macedoniam et propinquas illi regiones invaserant. Horum incursionibus Epirus et reliqua Dodonam usque adfecta sunt: ipsum Jovis Dodonaei templum sacrilegas eorum manus non effugit. Delphicum quoque delubrum, postquam antiquioribus temporibus bis in-

*Thraeces
Macedoni-
am et fini-
timas regio-
nes vastant.*

Cap. XLVII. Plut. Plut. Apophth. Rom. in Sull. Pausan. l. 1. Zonar. in Valer. Cap. XLVIII. Liv. Epit. Tac. 3. Ann. 62. Pausan. l. 1. Liv. Epit. Cap. XLIX. Memnon. Dio apud Vales. Euseb. num. 1834. Euseb. Προναραν. 81.

U. c. 666. censum fuisset, tum tertium a Thracibus inflammatum
A. C. 86. est.

Taxiles
Mithridatis praetor. L. Iis post Arcathiae mortem Taxiles cum imperio praeerat, qui, Atheniensium obsidione audita, quum Elateam Phocidis urbem circumsideret, copias in Atticam transducere instituit. Habebat autem sub signis centum peditum, decem equitum millia, cum nonaginta curribus falcatis; per se validas ad quodlibet bellum vires, nedum si Archelao jungeretur.

Piraeum oppugnat Sulla. LI. Quo minus committendum Sulla ratus, ut post captam urbem ad reliquas munitiones tempus teneret, obsidioni arcis Curionem praefecit; Piraeum summis viribus oppugnavit. neque prius destitit, quam, repulsis continuo telorum imbre propugnatoribus, muri recentis lunatam partem convelleret. Sed cum optato laboris eventu non statim praemium etiam speratum adfuit. Quippe interiorum murum Archelaus fruxerat: et, quasi nihildum actum foret, subeunda erat integra oppugnationis alea. Neque hoc semel atque iterum factum esse dicitur, sed ea fuisse utrisque defendendi expugnandique contumacia, ut sex et amplius muri perrumpendi Romanis ante plenam victoriam fuerint.

Et expugnat. LII. Tandem, urgente Sulla, ipsisque militibus per iram, et, quia expugnato Piraeo cetera belli faciliora fore credebant, supra fidem humanarum virium connisis, Archelaus, in opposita quaeque ruentium insana pervicacia victus, cessit loco: seque in Munychiam et circumflumam undis Piraei regionem recepit. Victores, aedificiis plerisque incendio ac ruina deletis, in quibus et navalia fuerunt, et celebratum Philonis armamentarium, tanta arte distributis spatiis, ut mille navium instrumentum caperet, ultra non potuerunt progredi, quod neque classem haberent, neque sine navibus sequi Archelaum possent. Igitur, omisso illo, relictisque idoneis praesidiis, L. Sulla cum maiore parte exercitus et Graecorum populorum auxiliis, ut venienti novo hostium exercitui occurreret, in Boeotiam contendit.

Cap. L. Plut. Sull. Pausan. Plut. Cap. LI. Appian. Flor. 3, 5. Oros. 6, 2. Cap. LII. Appian. Plut. Appian. Plut. Appian. Plin. 7, 37. Appian. Plut.

EPITOME

LIBRI OCTOGESIMI SECUNDI.

Sulla copias regis, quae, Macedonia occupata, in Thessaliam venerant, proelio vicit, caesis hostium centum millibus, et castris quoque expugnatis. Renovato deinde bello, iterum exercitum regis fudit ac delevit. Archelaus cum classe regia Sullae se tradidit. L. Valerius Flaccus consul, collega Cinnae, missus, ut Sullae succederet, propter avaritiam in- visus exercitui suo, a C. Fimbria legato ipsius, ul- timae audaciae homine, occisus est, et imperium ad Fimbriam translatum. Praeterea expugnatae in A-

Caesis hostium centum mil- libus, et castris quoque expu- gnatis] Primo hoc proelio cen- tum et decem millia ex regis ex- ercitu cecidisse, auctores sunt Appian. in Mithrid. pag. 199. et Oros. 6, 11. Tum copula *et de-* est in editis ante Gruterum; qui eam primus addidit, consentien- tibus omnibus scriptis nostris. *et quoque* hic junguntur, ut a- pud Liv. 42, 17. *Hospitio quo-* que *et duces Romanos om-* nes, *et legatos exterarum* quoque *gentium, praecipue* regios, accipiebat. et alibi. Si- militer *et etiam*; de quo vide Cel. Dukerum ad Flori 3, 18, 6. Insuper *Lutius Sylla* in initio hujus Epitomes Boend.

Exercitum regis fudit ac de- levit] *exercitum ejus* Norv. et typis descripti ante Gruter. qui *regis* restituit. Idem servant no- stri Leid. Voss. Berg. Boend. et Lov. 2. Hinc *et delevit* Leid. Mox *tradit* Voss. negligentia li- brarii; de qua v. ad 34, 29, 13.

Flaccus consul, collega Cin- nae etc. ab C. Fimbria legato ipsius] *Flaccus collega consu-* lis Cinnae Voss. Tum a C. Fim- bria omnes scripti mei, Exc. Pithoei, Norv. et editi usque ad Gronov. qui anno 1665. ab C. Fimbria dedit. Quare priorem lectionem non male revocarunt Freinsh. Doujat. Cleric. et Cre- vier. Voces *legato ipsius de-*

sia urbes a Mithridate, et crudeliter direpta provincia, incursionesque Thracum in Macedoniam, referuntur.

sunt in led. Camp. Fimbria hic
ὕπατος Οὐαλερίος Φλάκκος τα-
μίας vocatur Strab. lib. 13, 594.

*Et crudeliter direpta provin-
cia, incursionesque) Utramque
copulam et atque que omittit*

Boend. posteriorem tantum Leid.
Voss. Berg. et Lov. 2. Tum *di-
reptae provinciae* Boend. *di-
repta pecunia* ultima Gruteri,
quod perperam Freinsh. Dou-
jat. Cleric. et Crevier. serva-
runt.

JOHANNIS FREINSHEMII

SUPPLEMENTORUM LIVIANORUM LIBER XLVII.

IN LOCUM LIBRI LXXXII. T. LIVII.

I. Expeditio L. Sullae, quemadmodum nihil tam obnoxium hominum judiciis est, quam imperatorum consilia, a plerisque reprehendebatur, quod, relicto Attico agro, ubi propter asperitatem locorum pauci pluribus resistere possent, Boeotiae campos et apertam planitiem, numero praesertim equitum tanto inferior, optavisset. Ceterum Sulla, praeter insitam audaciam, motus caussis minime inanibus videbatur, quod, retenta Munychia, Archelaum hoc intelligebat agere, ut ducendo bello Romanos in regione sterili commeatum, inopia premeret. Ager enim Atticus ne per pacem quidam tantam alere multitudinem poterat: subvectionem annonae ipse mari, Taxiles terra haud magno negotio erant prohibitori.

U. c. 666.

A. C. 86.

*Sullae consilium re-
prehensum
a multis.*

II. Adversum haec ea ratio Sullae erat, ut cum hoste potius solo, quam simul adversus hostem famemque dimicaret. Ad hoc periculo L. Hortensii movebatur: quem, acrem virum et propositi tenacem, cum copiis non poenitendis ad se ex Thessalia pergere, hostes autem in Thessaliam irrupisse noverat: et, nisi subveniretur, ne ubicumque deprehensus pugnam vel cum exitio fumeret, metuebat. Sed Hortensium quidem Caphis Boeotius per aliam, quam qua venturum barbari opperiebantur, viam circumduxit, donec, superato Parnassi dorso, tenuit Tithoream. munitissimus natura locus est, alto circum et praecipiti rupium velut vallo claudente: cui quondam Phocensium pars, inundante Graeciam Xerxis exercitu, salutem atque libertatem debuisse dicitur. Huo

*Sed ab eo
propter idem
novas ratio-
nes susce-
ptum.*

Cap. I. Plut. Sull. Cap. II. Meimnon. Dio apud Vales.
Plut. Liv. Epit. Plut. Herod. l. 8.

U. c. 666. ubi longiore via sequuti hostes penetrarunt, Horten-
 A. C. 86. sius toto die impetum eorum haud difficulter repu-
L. Horten- lit: noctu deinde tacito agmine profectus per loca
sus ad Sul- confragosa pervenit Patronidem, ibique ab occurren-
lam venit. te Sulla receptus est.

III. Hoc adjuncto milite, non ultra mille quingen-
 tos equites, peditum millia quindecim Romanae co-
 piae efficiebant. accensa deinde Graecorum, qui nu-
 per ab Archelao defecerant, auxilia ita augebant nu-
 merum, ut tamen ne trientem quidem hostilis multi-
 tudinis aequaret. Igitur Archelaum (nam et hic acci-
 tus a Taxile in Thessaliam accurrerat) ceteri duces
 ad proelii tentandam fortunam indesinenter hortaban-
 tur: donec, consensu omnium victus, (nam trahere
 bellum haud absurdo consilio statuerat) in aciem suos
 eduxit.

*Archelao
 copias.*

IV. Praeter veterum copiarum reliquias, et quae
 postea Dromichaetis ductu venerant, etiam Arcathiae
 nullo adhuc incommodo imminuta agmina, et quae
 subinde Mithridates submittebat, Taxiles e Macedo-
 nia adduxerat. in universum hominum millia centum
 viginti numerabantur, mixta e variis gentibus acies:
 Thraces plerique et Pontici, Scytharumque et Gallo-
 graecorum auxilia, tum ex Phrygiae, Bithyniae, ce-
 terarumque provinciarum, quae jugum regis accepe-
 rant, delectibus coacta juvenus. suos cuique gen-
 tium ductores, summae Archelaum rex praefecerat.

*Sulla suos
 intra val-
 lum conti-
 nens.*

V. Sulla castris locum in Elateae finibus ceperat.
 sed, quia neque collis, quem obtinebat, arduus, et
 lata circum planities erat, quum neque loco fideret,
 et terreri hostium multitudine animadverteret suos,
 intra vallum se continuit. Id quum continuis aliquot
 diebus factitatum esset, contemnere hostem regii coe-
 perunt, et, quo ferebat animus, injussu ducum pabu-
 latum excurrere. Panopeum Boeotiae urbem sine
 certo imperio tum deletam ferunt: Lebadeam cum
 celebri Trophonii oraculo direptam. Dolebat in ocu-
 lis suis fortunas sociorum diripi Sulla, sed militem
 formidine nondum liberatum certamini non audebat
 objicere. laboribus ergo atque operum taedio putabat
 adduci posse, ut potius pugnam poscerent. Ipse, mis-

Cap. II. Pausan. l. 10. Plut. Cap. III. Appian. Mithrid.
 Plut. Cap. IV. Appian. Oros. 6, 2. Appian. Cap. V. Plut.
 Appian. Plut. Frontin. 1, 11: Plut.

sis ad Archelaum legatis, pacis mentionem interposuit, inducias quoque pactus: quo securiorem efficeret hostem, et castra sua in tutiorem locum transferret.

U, c. 666,
A. C. 86.

VI. Utrique consilio sicuti ratio adfuerat, fortuna et successus adfuerunt. Tertio die, postquam derivando Cephisi flumine, fossisque ducendis fatigari coeperant, praetereuntem forte Sullam magno cum clamore proelium poposcerunt. Ille, non pugnam cupientium, sed laboris pertaesorum hunc clamorem videri increpans, *Tamen, si viri estis, inquit, en vobis locum, quem exemplo capiat. Simul ostendit arduum praeruptumque collem, ubi quondam ad confluentes Alfi Cephisque arx Parapotamiorum steterat. Ad hunc occupandum eodem tempore missi ab Archelao chalcaspides ibant: sed eximia Romanorum alacritate praevenit eos Sulla, locumque communivit.*

Tandemque laboris ad poscendam pugnam indigit.

VII. Ut jam redire militibus virtus et armorum fiducia coepit, Sullaeque exploratores retulerunt, *castra hostium non magno plerumque praesidio custodiri; ceteros ad praedam, frumentive aut pabuli convebendi gratia passim evagari; redeuntes, ubi per noctem ignibus, interdum fumo adventum suum significassent, portis patentibus intramissi; eaque secure et negligenter omnia agi; quantoque plus ducum ipsis, tanto minus obsequii esse: occasione usus magnum barbaris detrimentum, et, quia necopinantibus acciderat, majorem ex securitate metum attulit.*

Regiorum negligentia.

VIII. Frumentatorum aliquo numero excepto, quum robustissimum quemque interfecisset, reliquos, a quorum imbecillitate nihil metuebat, resumptis armis suis pergere secum iussit. Quum in vicinum castris locum obscura jam nocte ventum esset, *Ne vos fugias, inquit, quam salutis concessae mercedem postulem; excitatis ignibus signum, quod inter vos convenit, vestris date. ubi redditum ab illis signum fuerit, ad castra succedamus, aperas haud dubie portas reperturi, ubi vestrae e propinquo voces agnoscentur. In hoc non magis victoriam meam, quam vestram incolumitatem, fisam esse scitote. Quod si quis forte fugam aut prodicionem tentare voluerit, a me providebitur, ut nullo neque nostro damno, neque suorum commodo, extremos sibi cruciatus arcessivisse intelligat. Omnia, sicut Sulla optaverat, obedienter facta. eventus etiam adfuit.*

Strategemate Sullae castigata.

Cap. V. Frontin. 1, 5. Cap. VI. Plut. Cap. VII. Memnon. Plut. Memnon.

U. c. 666. Recepti pro amicis late per tota castra terrorem cae-
A. C. 86. demque ediderunt.

Archelaus IX. His incommodis, et quia barbari temere va-
castra mo- stando culta penuriam sibi commeatum ex magna co-
vas. Sulla pia fecerant, Archelaus ad Chalcidem retrocedere sta-
sequitur. tuit, ubi e maritimis subvectionibus abundaturus com-
meatu erat: dum Romani fame ac inopia rerum om-
nium in vastatis agris attererentur. Non fallebat Sul-
lam, quid hostis moliretur. igitur, discedentem pro-
vide sequutus, neque se dabat in discrimen, et illum,
qualia voluisset, itinera facere prohibebat. Ita ventum
ad Chaeroneam est, Plutarchi nobilis philosophi nata-
libus illustrem: qui rerum istarum historiam com-
posuit.

Chaeronea X. Erat inter auxilia Romana Chaeronenfium co-
contra regi- hors: quae, patriae periculo mota, oravit Sullam, ne
os defendi- hostibus esse praedae pateretur. Sulla et illos ad
tur. praesidium patriae occurrere iussit, et cum una legio-
ne Gabinium tribunum militum eo misit. tantaque Ro-
manorum diligentia fuit, ut, in servando oppido,
Chaeronenfium ipsorum licet inflammata studia prae-
veniret. Barbari, spe potiundi oppidi amissa, in Thu-
rio (confragosum admodum et praeruptum supra Chae-
roneam cacumen est) valido collocato praesidio, haud
procul inde castra posuerunt.

Sulla aci- XI. At Sulla, aestimato loci ingenio, quum barba-
em instruit. ros suam ipsos multitudinem inutilem effecisse; sibi
vel ad inferendum gradum, vel ad referendum abun-
de spatii, illis angusta omnia et impedita, cerneret;
quod hactenus detrectaverat, proelium appetere coe-
pit, hostemque lacessere. Quapropter, bifariam di-
visis copiis, sinistro cornu L. Murenam praefecit, in
dextro curaturus: novissimam aciem cum subsidiariis
cohortibus Sulpicius et Hortensius legati obtinebant,
ita dispositi, ut circumventuris aciem Romanam ho-
stibus se objicerent. id enim ob numerum barbaro-
rum, et quia equitum levisque armaturae copiosam
manum ostentabant, futurum rebatur.

Regiorum XII. Ericius cum Homoloïcho et Anaxidamo Chae-
multi occi- ronensibus, ut occulto calle in Thurium evaderent,
duntur in missus, ducibus illis ex improvise regio perculit.
Thurio. Totum enim Romanorum exercitum adesse rati per in-
via praecipiti timore ferebantur, suisque ipsi armis

Cap. IX. Appian. Plut. Cap. XI. Appian. Plut.

se induebant. Ad tria millia hominum ibi cecidisse creduntur. Reliqua multitudo partim in Murenā, instructa jam acie stantem, incidit; partim, ad Archelāi castra delata, turbavit instruentium ordines sedulitatem, atque omnia terrore et tumultu permiscuit.

XIII. Sero tum Archelaus, quam iniquum in locum se coniecisset, intellexit. equitibus igitur celeriter immissis, inferentem jam signa Sullam submovere conatus est. Sed pulsus in abrupta equites parum aut hostibus morae, aut suis praesidii attulerunt. Iterum ad perrumpendam Romanorum aciem sexaginta currus falcati processerunt. Sed, quoniam iusto spatio, quod maxime concitandis cum impetu quadrigis necessarium est, destituebantur, lente in vectos Romani, diductis ordinibus cum plausu, et tamquam in Circensi ludicro alios postulantes, sine noxa transmiserunt. ubi dum haerent haud molli ad convertendum flexu, equi et aurigae a subsidiis Romanorum impune sunt telis obruti. Sic quoque integrum Archelao erat, castrorum munitionibus se tueri, et subeuntem ad impedita Sullam pari locorum fraude involvere. Sed ille, quacumque tandem causa (nam et tum, et postea varie dubitatum est) educere suos maluit, et, quoniam in propinquo jam Murena erat, conspiciatam in angustis multitudinem confertis ordinibus opponere.

XIV. Quindecim servorum millia, qui ad promissam libertatem regiis partibus se adjunxerant, in fronte porrectis hastis stabant. Romani, Saturnalia haec esse conclamantes, gladios, abjectis extemplo pilis, ad caedenda hastilia strinxerunt. Sed, quia ob densos hostium ordines tarde res procedebat, subducta gravi armatura, velites immissi sunt, totamque illam aciem glandium telorumque grandine proturbarunt. Interim dextrum suorum cornu ita Archelaus produxerat, ut inclusurus Romanum agmen videretur. ibi Galba et Hortensius, raptim ductis cohortibus, in latera hostium facturi impetum accurrerunt. Sed praevenit eos equestris hostium procella, sensimque recedentes ad montana exclusit a cetero exercitu, submotosque circumvenit. Maximum ea parte periculum erat, quod in conspectu Archelāi, nam et ipse aderat, alacrius a barbaris pugnabatur.

*Equites
Archelaei et
currus fal-
cati repel-
luntur.*

*Servorum
XV. M. in
acie Archelaei.*

Cap. XIII. Appian. Plut. Appian. Cap. XIV. Plut. Appian. Plut. Appian.

U. c. 666. XV. Idcirco Sulla, qui nondum ad conjectum teli
 A. C. 86. venerat, propere cum valido equitum globo laboran-
Sulla la- tibus succurrit. Ea res, et quod ex pulvere conje-
borantibus ctabat imperatorem advenire, terruit Archelaum, ut,
succurrit. omissa pugna, ad dextrum Romanorum cornu prope-
 raret, id, dum sine duce esset, sperans facilius in
 fugam verti posse. Sub idem tempus Taxiles contra
 Murenā chalcaſpidas inſtituit ducere: diverſisque e
 partibus ortus clamor, montiumque repercuffu multi-
 plicatus, diſtinxit Sullam, quo potius et prius ad fe-
 rendam opem advolaret. deinde, celeriter capto con-
 ſilio, Hortenſium cum quatuor cohortibus Murenæ
 ſubſidio miſit, ipſe cum quinta et, quos habebat,
 equitibus ad ſuum cornu rediit.

Et egregia XVI. Commiſſum jam ea parte proelium erat, et
victoria po- paribus utrimque animis viribusque pugnabatur. Ergo
tisur. ubi imperator, et cum eo peditum equitumque novum
 robur adfuit, haud ultra dubitatum eſt, quin hoſtes
 terga verterent. Imperator, de Murena ſollicitus,
 protinus in illam partem victricia agi ſigna jubet. At
 jam ſibi quoque oppoſitos Murena, concitatis hortatu
 et exemplo ſuo militibus, egregie fuderat. Reliqui
 igitur labor inſequendi hoſtem, caedendique fugien-
 tes fuit. Magnus ibi numerus, et multo, quam in
 proelio, major, occiſus. nam, ut ſagaciter Sulla con-
 jecerat, anguſtiæ locorum non minus fugam hoſtium,
 quam pugnam, impediabant.

Archelaus XVII. Caſtra tamen et magna pars exercitus ſer-
anos reverti vari potuiſſent, niſi excluſi fuiſſent ab Archelao, qui
in proelium eo confugerant. Sed ille redire in proelium jubebat.
jubet. Nec animus plerisque deerat: ſed ſine ducibus, ſine
 ſignis, ne loco quidem ad pugnandum apto, confuſis
 ordinibus et ſua multitudine impediti, neque referire
 hoſtem poterant, et multi a ſuis obterebantur. Tan-
 dem, magna parte trucidata, ultimis reliquorum ob-
 teſtationibus expugnatus Archelaus aperuit portas. ſed
 ſeræ et pernicioſa hæc miſericordia fuit. ſimul cum
 fugientibus Romanus miles irrupit, captisque caſtris
Occiſorum victoriam conſummaſcit. Hoſtium ea die centum mil-
atrimque lia caeſa perhibentur: non ſupra decem millia cum
dispar nu- Archelao Chalcidem perſequerent. Neque tanta de aſper-
merus. rimis

Cap. XV. Plut. Cap. XVI. Appian. Plut. Cap. XVII.
 Appian. Liv. Epit. Eutrop. Appian.

rimis gentibus victoria plus duodecim Romanis abstulit, si quidem commentariis Sullae credimus. quatuordecim desideratos fuisse scribit; sed ex eo numero duos sub vesperam revertisse.

U. c. 666.
A. C. 86.

XVIII. Ob hujus victoriae laetitiam ludos Thebis apud Oedipodeum fontem edenti missi a Curione, captam Athenarum arcem, tyrannumque in Minervae templum confugisse, nunciant: quum eodem die, ut postea compertum est, victoria Sullae Athenis Curioni nunciaretur. Multiplicatum deinde spe alterius victoriae gaudium est; cujus certa se promissa ab Trophonio adferre, Q. Titius, negotiari in Graecia solitus, adfirmabat. Etiam Salvienus legionarius miles adstitisse sibi speciem Jovis ea majestate, qua Olympiae viseretur, adseruit: finem civilium bellorum, qualis mox consequutus est, praedicentem.

XIX. Laetus his imperator, ut praesentia constitueret, iudicibus ex aliis Graeciae civitatibus excitatis, Elatiensibus, quod Taxili Mithridatis praefecto portas clauferant, libertatem, quam Macedonico Philippi bello amiserant, reddidit. Thebanos dimidio agri mulctavit, et, quod inde provenisset in posterum, prodonariis, quae Olympiae et Delphis et Epidauri abstulerat, Jovi et Apollini et Aesculapio consecravit. Armorum deinde hostilium acervum Gabino cinctu, patrio more, Diis belli praesidibus cremavit: monumentumque felicitis proelii Marti Victoriaeque et Veneri dedicandum curavit.

Sulla Elatienses remuneras; Thebanos punit.

XX. Quum inter haec ex continuis laboribus modica quiete satis refectos cum corporibus militum animos putaret, Chalcidem cum exercitu profectus est. Sed, quia navibus carenti facile praeccludi aditus poterat, praesidiis, ubi profuturum judicabat, dispositis, Athenas perrexit, ut poenas de nocentibus sumeret. Foedum omnino pestiferumque tyrannum Aristion egerat, et ad luendum supplicium divinitus in potestatem Romanorum traditus videbatur. Quum enim obsessi munimento loci se diu defendissent, tandemque penuria aquae deditionem coacti essent facere, ea ipsa die horaque, quum arx Curioni est tradita, sereno coelo repente nubes conglomeratas esse, copiosumque imbrem cecidisse, memoriae proditur.

Athenas proficiscitur.

Cap. XVII. Oros. Plut. Cap. XVIII. Pausan. l. 1. Plut. Cap. XIX. Pausan. l. 10. Plut. Pausan. l. 9. Appian, Plut. Cap. XX. Appian. Pausan. l. 1. Plut.

Supplem. Liv. Tom. XIII.

K

U. c. 666. XXI. Sulla Arifitionem templo extractum venenum
 A. C. 86. coëgit bibere: ceteros ejus satellites, quive magistratum
Arifitionem sub ipso gesserant, quive quovis modo sibi aut
et satellites populo Romano fuerant adversati, in Ceramicum conclusos, sorte decimum quemque ad capitale supplicium eduxit. Pecuniae ex arce non spernenda vis egesta. quadraginta maxime pondo auri, sexcenta argenti reperta fuisse memorantur. Ceterum in his dum occupatur Sulla, L. Valerii Flacci adventu audito, ut Graeciam petenti occurreret, in Thessaliam movit. Ejus L. Flacci mentio cogit, ut ad urbana negotia exponenda praevertam.

XXII. Consul Cinna, C. Mario collega mortuo, in locum ejus Flaccum adsciverat. Domi forisque nihil inconcussum, aut etiam mediocriter turbatum erat. Arma jam in urbe cessabant: sed moesta omnia suspectaque, tantis undique irarum odiorumque caussis, et animis et oculis hominum occurrebant. Inter alia non leviter civitatis concordiam magnitudo aeris alieni et labefacta fides concusserat. Ei malo ut remedium adferret, turpissimam legem L. Flaccus consul tulit, *Turpissima*
lex in fraudem creditorum lata. quadrante creditoribus solvi jussu: ut jam injuriae perfidiaequae publicus auctor non inmeritas poenas violatis societatis humanae vinculis dedisse videatur, altero statim anno a C. Fimbria, legato suo, contra jus fasque interemptus.

Monetae fraudes.

XXIII. Inter mala civitatis etiam monetae fraudes patrimonia privatorum adflixerant. Iis ut obviam iretur, de probandis denariis (octoginta quatuor e libra signari justum erat) tribuni plebis legem promulgaturi, ut res nummaria de communi sententia constitueretur, collegium praetorum adhibuerunt. Sed edictum communiter conscriptum Marius Gratidianus praetor, ut omnem populi favorem in se averteret, ceteris ex composito pomeridianum tempus exspectantibus, statim a subfelliis ad rostra contendens, suo unius nomine proposuit. Tantaque legis ejus gratia fuit, ut per omnes vicos ei statuae, et ad eas thus et cerei ponerentur.

Cap. XXI. Appian. Pausan. Appian. Plut. Cap. XXII. Cic. Bruto, c. 90. Vell. 2, 23. Sall. Catil. c. 33. Vell. Cap. XXIII. Plin. 33, 9. Cic. de Off. 3, 20. Senec. de Ira, 3, 18. Cic. Plin.

XXIV. Cn. quoque Pompeji, qui postea Magnus est appellatus, iudicium idem annus habuit. Peculatus erat ob furta Strabonis postulatus, et quod in Asculana victoria libros et plagas venatorias munere patris acceperat. Dixerunt pro Pompejo Q. Hortensius et L. Philippus jam senex, *se non immerito, quum sit Philippus, Alexandri studio'um esse* dictitans: quod jam id nomen a multis Pompejo imponi coeperat. Egit et pro se Pompejus ita confianter et praeter aetatem dilerte, ut commotus ea re praetor Antistius, qui iudicium exercebat, filiam ei nuptum offerret. Accepta conditione, Pompejus, quum paucos post dies absolveretur, a populo Thalassionis inclamatum nomen est, quod tum inter festivitatem nuptiarum solebat celebrari. Plurimum tamen ei Cn. Carbo patronus profuit, magna tum potentia: cujus acerrimo studio atque enixa opera defensus est.

U. c. 666.
A. C. 86.
*Cn. Pompe-
jus accusa-
tur.*

XXV. Asiae deinde et Graeciae bella respicientibus non magis hostis Mithridates, quam imperator Sulla, terrori erat. Igitur fit senatusconsultum, quo L. Flacco consuli bellum Mithridaticum et legiones duae decernuntur. adjectum, ut, *siquidem in potestate senatus Sulla esset, adiutore illo; sui vero, tamquam hoste videretur.* Haec audita moverunt Sullam, ut in Thessaliam duceret.

*L. Flacco
bellum Mi-
thridaticum
decernitur.*

XXVI. Inter haec Archelaus, acceptam terra cladem utcumque maritimis expeditionibus sarcians, archipiratae magis, quam magni ducis, more circum insulas vagabatur. Sed, ad Zacynthum exscensione facta, quum obsidere oppidum insituisse, ab oppidanis, ductu quorundam Romanorum, qui forte ibi negotiabantur, nocturna eruptione territus, e vestigio conscendit naves, Chalcidemque inglorius rediit. Eodem et Dorylaus, Philetaeri filius, cum novo exercitu venit. Idcirco ad Sullam, quum vix Melittaeensium fines (Thessaliae oppidum Melittaea fuit, quod et *Melizea* vocabatur) attigisset, frequentes undique nuntii accurrerunt, omnia, quae recepisset a tergo, non minoribus, quam antea, copiis per Mithridatis praefectos opprimi.

*Archelaus
archipira-
tae more in-
sulas infe-
stat.*

Cap. XXIV. Plut. Pomp. c. 6. Cic. Bruto, c. 64. Plut. Val. Max. 5, 3, 5. et 6, 2, 8. Cap. XXV. Appian. Civil. l. I. et Mithrid. Memnon. Plut. Cap. XXVI. Appian. Strabo, l. 10, p. 478. Plut. Stephan. Plut.

U. c. 666. XXVII. Rex enim, comperta exercitus sui strage,
 A. C. 86. uti par erat, territus, animum tamen minime despon-
Mithrida- derat, quin ex novis delectibus, et quos antea colle-
tes alias co- gerat, octoginta hominum millia classi imposita cum
pias in Grae- Dorylao duce mitteret. Atque is, quum Chalcidem
ciam mittit. appulisset, celeriter recepta Boeotia ferox et exulta-
 bundus, Sullae congressum optabat, Archelaumque de-
 terrere orsum negligebat: fama quoque dispersa, *non*
sine prodicione ducis tot bellatorum millia tam facile deleri a
Romanis potuisse. Enimvero circa Thilphossam, rever-
 so Sulla, levibus proeliis Romanae virtutis experi-
 mentum cepit: adeo mutata sententia, ut postmodo
 princeps, ducendum esse bellum, sumptibusque et
 tempore atterendum Sullae impetum, censeret.

Proelium XXVIII. Sed ubi, castris ad Orchomenum positis,
ad Orchome- loci fiducia spem Archelao dabat, quod equitibus, qua
num. parte virium regii praestabant, opportuna planities
 se pandebat; parare se coepit, tamquam casum proe-
 lii primo quoque tempore subiturus. Copias ita di-
 gesserat, ut in fronte quadrigae falcatae essent: post
 has locata phalanx erat, Macedonici instituti acies.
 Tertii auxiliares stabant, cum Romanis armis, mixtis
 Italicae gentis fugitivis. post omnes levis armatura
 confiterat. Equitatus utrumque latus claudebat, com-
 misso proelio ad circumveniendum hostem evoluturus.

Sullae stra- XXIX. Adversus haec omnia Romanus, loci nume-
tegema. rique incommoda labore emendanda ratus, fossas in
 utroque latere complures instituit ducere, decem in
 latitudine pedibus patentes, et in capitibus earum ca-
 stiella communivit. Triplicem deinde peditum aciem
 fecit, intervallis relictis, per quae equitem, quem
 novissimo loco tenebat, ubi visum esset, emitteret
 deinde antesignanis secundae aciei imperavit, ut ro-
 bustos densosque palos firmiter in terram defigerent
 Quod ubi factum est, et ab regionum acie concitat
 currus provolarunt, intra palorum septa recepit suos
 statimque, sublato clamore, velites et levem armatu-
 ram ingerere tela iussit. Erant ad terrorem compara-
 ta omnia, nihil usitatum notumve: sed in mediis cam-
 pis velut subito enatum vallum, conversa in aliam for-
 mam acies, insolita et inopinata monstra occurrebant
 Pars quadrigarum implicita palis haesit: aliae, con-

Cap. XXVII. Appian. Oros. Appian. Plut. Cap. XXVIII
 Frontin. Strat. 2, 3. Cap. XXIX. Plut. Appian. Frontin.

versis habenis in suos recurrentes, phalangem diffi-
parant.

U. c. 666.

A. C. 86.

XXX. Interea quum, equitibus Archelaï incum-
bentibus, qui ad opera erant, milites turbarentur, *Sullae stre-*
metusque ad aciem etiam Sullae pervenisset; ille ex *num fa-*
equo desilit, correptoque signo in primos ordines *ctum.*
procurrrens, *Quum deinde, inquit, interrogabimini, ubi*
imperatorem vestrum deserueritis, memento dicere, pugnantem
ad Orchomenum. Haec illo clamante, tribuni centurio-
nesque accurrerunt, milites quoque multi sequuti sunt,
et a dextro cornu integrae cohortes duae adfuerunt.
Ita repulsis hostibus, collaudatos milites reduxit; ci-
bumque capere, et, relictis prandio viribus, ad opus
reverti iussit.

XXXI. Tum vero iterum invecti sunt hostium e-
quites, non in composito, ut antea, impetu, sed ser-
vatis ordinibus. His Romanum equitatum Sulla oppo-
suit, ipse praefens hortator, et tota acie, ubi maxime
opus erat, se offerens: donec, egregia iterum victo- *Sulla egre-*
ria potitus, ad quindecim hostium millia, majorem *gie vincit.*
partem equites, et in his Diogenem Archelaï pri-
vignum, cecidit. Pedites, quum diu resistissent, tan-
ta sagittariorum pervicacia, ut, quoniam prementibus
Romanis spatium utendi arcubus non habebant, densis
sagittis, tamquam gladiis, cominus ferirent hostem,
intra vallum compulsi sunt.

XXXII. At L. Sulla, ne iterum Chalcidem elabere-
tur Archelaus, quo prosequi eum inopia navium ne-
quiret, toto campo stationes nocturnas disposuit. de- *Sulla sta-*
inde, luce reddita, vix ad centum a castris hostium *tionibus et*
passus fossam fodit: et magnam manum, quae ad pro- *fossa cir-*
hibendum opus procurrerat, ita reject, ut reliquis *cumdat*
nulla deinceps ad erumpendum audacia superesset. *hostes.*

XXXIII. Cohortatus igitur exercitum Sulla, ut ad- *Castra Ar-*
versum trepidos et imbelles armis potius, quam operibus, pu- *chelae op-*
gnarent, et, convulsis, in quas se condidissent, latebris, belli *pugnat.*
reliquias uno impetu profligarent; protinus ad oppugnand-
um Archelaï vallum duxit. Neque regii praefecti
simulari suos omittebant: modo dedecoris magnitudi-
nem, si plures a paucioribus ne in munimentis qui-
dem se defenderent, modo nullam nisi in armis spem

Cap. XXX. Appian. Plut. Frontin. 2, 8. Appian. Plut.
Cap. XXXI. Frontin. 2, 3. Appian. Oros. Plut. Cap. XXXII.
Appian. Plut. Cap. XXXIII. Appian.

U. c. 666. salutis ostendentes. Magno igitur clamore et impetu
A. C. 86. res utrimque gerebatur: et, licet Romani, testudine
facta, partem valli subruerant, densa tamen barbarorum
acies strictis gladiis deterrebat irrupturos. donec
Basilus tribunus legionis primus omnium transcendit,
et, hoste caeso, exemplum reliquis viamque ad irrumpe-
ndum dedit.

Et capit.

XXXIV. Sic expugnata sunt Archelaei ad Orchomenum castra: tanta iterum caede, ut sanguine paludes infectae, stagnumque in proximo cadaveribus op-
pletum, referantur. Viginti millia hominum, in paludes compulsa, quum preces victoribus non intel-
lectas funderent, inexorabilis Sullae crudelitas delevit.
Totidem alia in flumine periisse dicuntur: praeter
eos, qui in castris et circa passim sunt trucidati. Archelaus tamen evasit discrimen, paludum latebris per-
biduum occultatus: tertio demum die naviculam na-
ctus, qua Chalcidem trajiceret. Ibi, quidquid usquam
regiarum copiarum propinquis regionibus agebat,
summo studio contrahere conatus est; ut saltem Eu-
boeam teneret, donec meliorem aliquam spem repe-
tendae Graeciae casus aliquis attulisset.

*Victorque
praemia et
poenas dis-
pensat.*

XXXV. Sulla postero die, quam proelio victor ex-
stiterat, tribunum vallari corona, multos deinde alios
militaribus donis cohonestavit; virtutis causa, et alio-
quin retinendae exercitus voluntati pecuniae profusus.
Direptis deinde Boeotiae oppidis, quotquot iterum
ad regiones defecerant, et Anthedone, Larymna, Alaeis-
que eversis, in Thessaliam hiematum transiit: simul
intentus in Flacci consilia, simul quaestorem exspe-
ctans, quem ad classem adducendam emiserat. Interim
ipse fabricare ex praesenti copia naves instituit: quan-
do neque Lucullus, neque certus aut constans de eo
rumor adventabat.

*Luculli
gesta.*

XXXVI. Sed ille, postquam ad belli societatem
adduci Ptolemaeus nequibat, navibus, quibus Cyprum
deduceretur, acceptis, ex maritimarum civitatum,
quas praeter vela faciebat, auxiliis modicam classem
collegerat: et, vitatis piratarum insidiis, Rhodum
appulsus, adsumptis Rhodiorum navibus, Coos etiam
et Cnidios, ut, ejectis barbarorum praesidiis, arma
secum in Samios ferrent, impulerat.

Cap. XXXIV. Plut. Oros. Appian. Oros. Eutrop. Plut. Ap-
pian. Cap. XXXV. Plut. Appian. Cap. XXXVI. Plut. Lucull.
c. 5.

XXXVII. Eadem aestate, qua bellatum in Boeotia erat, Mithridates post primam Archelaei cladem, saevitia ingenita, et levitatem Asiaticorum, ne cum fortuna mutarent animum, veritus; occupare perfidiam alia perfidia, et, priusquam occasionem nocendi adipiscerentur, auferre potestatem statuit, suspectosque passim ut in manu haberet, operam dedit. Ante omnia Gallograecos, quotquot Tetrarchici generis erant, amicitiae specie Pergamum evocatos sustulit: quum ipsorum insidias vix evitasset.

U. e. 666.
A. C. 86.

Mithridates Gallograecorum insidiis petitus.

XXXVIII. Ad sexaginta numero convenerant, et, quum serviliter se haberi cernerent, conspiraverant in necem regis. Praecipuo robore Toredorix quidam erat, Tosioporum tetrarcha. is, Mithridatem in gymnasio jus dicentem cum ipso tribunali in praeceps daturus, quum forte eo die Mithridates in gymnasium non adscendisset, in suam domum convocatos bono animo esse iussit, et, quamprimum data occasio foret, undique strictis mucronibus impetum in regem facere. Sed, re detecta, Mithridates omnes cum uxoribus et liberis interfecit, sepultura quoque negata. Tres tantummodo fuga servati. Pecuniam omnem Mithridates diripuit: missoque, qui genti praecesset, Eumacho, Gallograeciam in provinciae formam redegit. Sed, qui effugerant, reguli, quorum clarissimus Dejotarus diu post haec tempora vitam regnumque produxit; collecta popularium manu, Mithridatis praesidia cum ipso praefecto expulerunt.

Regulos eorum interfecit.

XXXIX. Chios adhuc gravior calamitas oppressit. Publicatis omnium bonis, qui profecti ad Sullam fuerant; deinde missis, qui in factionem Romanam inquirerent, postremo cum militari manu Zenobius adfuit, dissimulato consilio, tamquam in Graeciam trajecturus. Is nocturno tempore muros urbis, et si quae alia apta defensioni loca erant, occupavit, et, praesidio ad portas collocato, per praekonem hospites quiescere, oppidanos in concionem procedere iussit, mandata regis accepturos.

Zenobius Chios muros occupat praesidio.

XL. Ubi convenerunt, Nihil eos mirari debere, ait, Chios tristis si graviter iratum sibi regem audiant. Quanto quisque sis maioris animi locique, tanto aegrius tolerare injurias, et conquire iram posse. Mithridatem hac potentia, et his gestis re-

Chios tristis oratione terret.

Cap. XXXVII. Appian. Cap. XXXVIII. Plut. de virtut. mulier. c. 44. Appian. Oros. 6, 2. Appian.

U. c. 666. *bus, iniquissimo animo laturum, si a parva civitate contemni*
 A. C. 86. *putet, quem maximae nationes potentissimique reges colant.*
Plane constare, multos eorum cives Romanae factionis esse:
utrum autem invita, an vero volente civitate sint, non consta-
re. At vero ea facta neque merito regis, neque ipsorum pro-
missis respondere. Negari non posse, ipsius beneficio, quem-
admodum et ceteram Asiam, gravissimo Romanae dominationis
jugo liberatam Chion esse. Atque hoc ipsos agnovisse a prin-
cipio, regemque suis decretis liberatorem atque Deum ap-
pellavisse. Atque illum vicissim tribuisse multa; debitorum
partem remisisse magnam; ex bonis damnatorum addidisse plu-
rimum.

Arma et
liberos prin-
cipum obsti-
des poscit.
 XLI. *Pro his meritis audire, Chios Romanorum esse stu-*
diosiores. Id quamvis verum esse de universa civitate non pu-
ter, multos tamen eo crimine teneri, haudquaquam ambiguum
esse. Veniam tamen daturum arma et liberos principum obsides
tradituris. Id adeo regis multo minus, quam Chiorum, inter-
esse: neque illi, quam civitati, tanto odio esse debere, qui res
novas moliantur. Quippe illius res defectione Chiorum non
multo deteriores fore: at, qui Chii regem inconciliant, cer-
tum patriae suae excidium meditari. Nam et insulam tantae
regis potentiae resistere non posse: et, quamquam in Boeotia
victor Sulla exstiterit, non modo cum aliis exercitibus Mithri-
datis, quibus rex abundet, sed etiam cum civibus suis dimica-
turum. Jam in Graeciam transcendisse L. Valerium consu-
lem, Marianarum partium virum. neque dubitari posse, quin
ibi locorum eadem sint exercituri odia, quae domi et in Italia
ostendissent.

XLII. *Chii, postquam haec audiverunt, hinc ne-*
cessitate, inde spe impuls, fecerunt imperata. Id-
circo Zenobius, Erythras misso, quod erat traditum,
expectare Chios literas regias iussit: eaeque paullo
post adfuerunt, in hanc sententiam scriptae.

Mithrida-
tis literae
ad Chios.
 XLIII. *Nunc quoque Romanorum fautores esse pergitis,*
quorum adhuc non pauci in vestra urbe degunt: praedia quo-
que eorum exercetis, neque vectigal nobis eorum nomine pendi-
tis. Et, navem quidem meam impulsu irremis vestrae prope-
modum demersam, culpa gubernatoris adscribi facile paterer,
nisi vestros animos clam missi ad Sullam optimates arguerent:
quod si publico consilio non esset gestum, nunciare vos, et, de-
latis reorum nominibus, suspicione liberare civitatem oportuit.
Vos igitur non imperio tantum meo, sed etiam saluti, infi-
dias, quamquam de sententia amicorum supplicio adficere de-
bueram, duobus talentorum millibus mulctare malo.

XLIV. Trepididis ad hæc, et, ut ad regem legatos mittere liceat, orantibus quum negatum a Zenobio esset; arma tradita, obsides datos, muros a barbaris infessos reputantes, eo descenderunt, ut imperatam pecuniam penderent. Sed, ubi, detractis fanorum ornamentis, mulierumque collato mundo, aegre hanc summam confecerunt, Zenobius, aliquid deesse ponderi cavillatus, adesse iterum in theatro universos iussit. inde, quum theatrum viasque ad mare ducentis armatis sepsisset, nominatim evocatos praecipuum quemque, deinde ceteros ipsorum servis vinctos tradidit, ut in Colchos deportarentur. seorsim deinde a viris, ne quid acerbitalis atque ludibrii deesset, infirmiore sexum aetatemque barbaris custodibus avehendos commisit. Urbs Chiorum Ponticis colonis est tradita, agerque a Zenobio distributus.

U. c. 666.
A. C. 86.
Chii duobus talentorum millibus mulcantur.
Chiorum calamitas.

XLV. Ceterum partem navium, quum praeterverberetur Heracliensem oram, exceperunt Heracleotae, quibus amicitia cum Chiis intercedebat: Chiosque, in urbem suam receptos, donec confectus iis in patriam reditus fuit, hospitaliter secum habuerunt. Id primum in tanta clade solatium miseris fuit: proximum, quod Zenobium haud multo post poenam luisse scelerum compererunt.

Ab Heraclotis non nihil sublevatur.

XLVI. Ephesum ille cum militibus appulerat, eadem omnia, quae Chii, exempla editurus. Illi, nisi positis armis, et parvo comitatu, recipere hominem recusarunt. qui ubi accepit conditionem, et, apud Philopoemenem, cui rex gener urbis praefecturam commiserat, divertens, per praeconem edixit, ut ad concionem populus conveniret, Ephesii, nihil non ingratum opperientes, rem in sequentem diem rejecerunt. Sed nocte, quae intercessit, capto inter se consilio, arma corripuerunt; trusoque in carcerem Zenobio et statim interfecto, centuriare multitudinem, et, ex agris in urbem comportatis, quae poterant, omnibus, adversus vim parare se instituerunt. Haec audita Trallianos, Hypaepenos, Mefopolitasque impulerunt, ut eadem omnia facerent. Smyrnaei quoque, Sardonique, et Colophonii cum aliis quibusdam exemplum Ephesiorum sequuti sunt.

Ephesii Zenobium interficiunt.

Cap. XLIV. Memnon. Nicol. Damasc. et Posidon. apud Athen. 6, 18. Memnon. Cap. XLV. Appian. Cap. XLVI. Oros. 6, 2.

U. c. 666. **XLVII.** At Mithridates, misso contra defectores exercitu, quotquot redigere in potestatem potuit, crudeliter adflictis; ut ceteros benevolentia retineret, *Graecis per Asiam urbibus libertatem, edixit, se concedere: porro, ne quod genus hominum regiae munificentiae expers foret, debitores aeris alieni obligatione solvi; inquilinos cujusque urbis civium numero ac jure agere; manumitti servos jubere.* Haec eo pertinebant, ut, contra veterum civium dubios animos, haec esset semper ad arbitrium regis parata factio, non ob acceptum modo beneficium, sed quia, auctore sublato, ne illud quidem sibi mansurum esse intelligebant.

*Conjuratio-
nes contra
Mithrida-
tem.*

XLVIII. Plures deinde contra Mithridatem initae detectaeque conjurationes fuerunt. Familiares regis Minionem et Philotimum Smyrnaeos, Lisbium Clitthenem, Asclepiodotus, et ipse Lesbo oriundus, quum particeps ejus consilii fuisset, prodidit: adducto velut in secretum Minione, ut ipse rex post lectum abditus de conjuratione agentem audiret. His ita deprehensis, quamvis omnia crudelitatis ingenia admovisset, ipse tamen saepius animo discruciabatur, nihil jam ne inter domesticos quidem tutum fidumque inveniendi.

*Et de iis
quaestionibus.*

XLIX. Postquam autem etiam Pergami circiter octoginta viros idem propositum habuisse cognovit; in ceteris civitatibus non desore, qui similia molirentur, existimans, passim exerceri quaestionem proditionis jussit. At, quibus id negotium commissum fuerat, paucos ex merito, ceterum suos quisque inimicos sub ejus criminis invidia damnaverunt. Ad mille sexcentos suarum quemque urbium principes ea pestis absumpsit. quorum accusatores paullo post partim a Sulla comprehensi poenas luerunt; alii sua manu praevenere supplicii foeditatem: reliqui omnibus exosi, quum domi sperarent nihil tolerabile, Mithridatem in Pontum refugientem sequuti sunt.

*Mithrida-
tes Archela-
um tractare
de pace ju-
bet.*

L. His tumultibus et gemina suorum clade territus Mithridates scripsit Archelao, ut, quibus posset conditionibus, bellum desueneret. Ille, misso ad Sullam Deliaco negotiatore, cui et ipsi nomen Archelao erat, colloquium iis de rebus postulavit. Egit fortunae suae gratias Sulla, quae ancipitem animi magno iterum aestu

Cap. XLVII. Appian. Liv. Epit. Appian. Cap. XLIX. Oros. Appian. Cap. L. Oros. Appian. Sallust. Incert. 21. Plut. Sull.

liberaret. Nam, urbana modo negotia; modo Mithridaticum bellum respiciens, neque par ambobus erat, et, utrum persequeretur, aut omitteret, paribus hinc inde momentis ambigebat. Navibus quoque et pecunia destituebatur: quae neque domo mittebantur, et ex fanorum spoliis aut aliunde paratas jam absumplerat. Quum igitur uterque paratos ad paciscendum adferret animos, haud aegre pepigerunt, ut in mari circa Delium congregerentur.

U. c. 866.
A. C. 86.

Ll. Ibi prior Archelaus ita inquit: Quae rex meus, *Archelaus* aliorum ducum injuriis avaritiaque compulsus, arma cepit, ea, *oratio ad* virtutem tuam admiratus, cupit ponere, modo tolerabiles ei *Sullam.* conditiones ferantur. Tibi certe, cujus praesentiam urbanae res tantopere desiderant, in promptu est, accepta a rege pecunia, et navibus, et copiis, quanta postulaveris, ad ulciscendos inimicos uti.

LII. Tum Sulla: Siquidem injusta se passum Mithridates *Sullae re-* crediderit, legatos missos et de injuriis questum oportuit: non *sponsio.* vero aliena regna invadere, totque millibus occisis hominum, et quae illi habuerunt, et excepta insuper mortalium casibus, Deorumque sacris dedicata, diripere. Neque vero amicis mitius, quam hostium acerbissimis, usus, et aliorum interfecit plurimos, et, quos mensae suae adhibere consueverat, Terrarchas, cum liberis et uxoribus, licet hostile nihil ausos, trucidavit. Sed, ut aliena mittam, qualem in nos animum fuisse dicam, qui nullum in belli usum, sed altissimo tantum odio, quidquid Italici generis hominum in Asia fuit, cum tota familia, ne libertinis quidem exceptis, omni cruciatu ignominiaque delevit? Atque is idem repente noster amicus exstitit, non alio scilicet beneficio motus, quam quod plusquam centum sexaginta suorum millia nostris concisa manibus intellexit.

LIII. Pro quibus in nos meritis, haud erat iniquum, in-
expiabilia posthac adversus eum bella geri. Sed tamen tibi pro
eo deprecanti hoc dabimus, ut veniam ei a senatu populoque
Romano impetremus, si bona fide respiscas. Quod si, ut so- *Archelaum*
let, utque ego magis opinor facturum, haec ideo tantum agit, *ad proditio-*
ut, dilato interim periculo, consilium ex eventu capiat: jam *nem illis.*
ego te, Archelae, hortor atque moneo, ut Fortunae invitanti
ad excelsa omnia ne desis. Quemadmodum ille suos amicos re-
muneret, multorum jam malis discere potuisti: quae nostra
sit in socios fides, quaeque liberalitas, ut alios taceam, Eu-
menes atque Masinissa satis et recentia, et nota omnibus do-

Cap. L. Appian. Plut. Cap. LI. Appian. Plut. Cap. LII. Appian.

U. c. 666. *cumenta sunt.* Ad extremum eo prolapsus est, ut loco
 A. C. 86. Mithridatis Archelaum regnare posse diceret, siquidem tradita sibi classe dedisset operam, ut benevolis Romanis uteretur.

Illo valde abnuente, LIV. Sed ille, adhuc loquentis abrupta oratione, *Proditorem, inquit, Sulla, Archelaum non habebis: amicum habebis, si aequis legibus pacem cum Mithridate feceris.* Ad haec Sulla paullo commotior: Tu vero, inquit, *Arche-*
sicitur Archelao. lae, quum sis Cappadox, barbarique regis aut servus, aut, si malis, amicus, (nec enim ego quidquam interesse putem) tantis propositis praemiis, a turpitudine prodicionis abhorres: me, et Romanum, et Sullam, ad turpia foedera sollicitas! quasi vero non ille sis Archelaus, quem, de centum viginti millibus hominum, cum paucis fugientem Chaeronea vidit; quem Orchomenus, stratum corporibus Boeotiam relinquentem, in paludem suarum latebris biduo rexit.

LIV. Territo ad haec Archelao, et deprecante, ille, modico interposito silentio, *Siquidem, inquit, omnem, quam habes, classem, duces, legatos, captivos, transfugas, fugitivos Mithridates tradiderit; Chios, et si quorum aliorum par causa est, civitatibus suis reddiderit; praesidia, nisi quibus locis ante bellum habuit, deduxerit; sumptus belli, cujus ipse concitor fuit, praestiterit, et patrio regno contentus cetera, quibus oportebit, restituerit: spero me ei delictorum veniam a populo Romano impetraturum esse.*

Conditio- LVI. Ad extremum ita convenit: *nes pacis.* Mithridatem Asia et Paphlagonia abstinere: Bithyniam Nicomedi, Cappadociam Ariobarzani reddere: Romanis duo millia talenta, cum septuaginta rostratis et omni armamento, dare. E diverso Sullam et reliquum ei regnum confirmare, et auctorem fieri, ut socius amicusque populi Romani appelleretur. His ita pactis, Archelaus, praesidia, quibus ipse praeesset, continuo deducturum, de ceteris scripturum regi, recepit; atque interim seque et classem Sullae tradere.

Flaccus et Fimbria in Asiam veniunt. LVII. Dum haec ultro citroque geruntur, L. Valerius Flaccus consul, ut Sullae succederet missus, Brundisio solvit: statimque a principio, quum vix portu exisset, infelicis expeditionis quasi praenuncia tempestas plerasque naves solvit; aliasque praemissas praefecti Mithridatis incenderunt. Reliquos quum invasisset fames, vix et aegre Byzantium, deinde, fortu-

Cap. LIII. Plut. Cap. LIV. Appian. Plut. Cap. LV. Appian. Cap. LVI. Dio apud Fulv. Ursin. Plut. Appian. Liv. Epit. Cap. LVII. Memnon. Appian.

na jam prosperiore usi, in Bithyniam ad oppidum Nicaeam pervenerunt. Eodem cum iis, quos ipse ducebat, C. Fimbria legatus accessit. Erat hic extremae audaciae homo, consuli ignavo et rei militaris imperito adjutor datus. sed ea res utriusque vitiis cito in commune exitium vertit. Pravum ingenium consuli erat, avarum, et ad supplicia praeceps: quibus rebus benevolentia militum haud sane retinetur. Ergo praemissa pars eorum in Thessaliam, in Sullae castra transiit: ceteri, ne deficerent, aegre a C. Fimbria retenti sunt. Hunc enim ob simulationem virtutis et aequitatis exercitus diligebat; quod is contemptum pecuniae praeferebat; quum Flaccus inexplibili cupiditate, non contentus cetera in sinum suum condere, etiam annonam militum, praedaeque illis debitam partem, in lucrum converteret.

U. c. 666.
A. C. 86.

LVIII. Ab his initiis averfus a Fimbria consul, quum neque dictis neque factis contumeliosis in eum abstineret, irritabile hominis ingenium, et ad audaciam semper projectissimum, vecordiae contumaciaeque implevit. Ea contentio jam, ex quo Byzantii convenerant, se exseruit: Flaccumque in urbem ingressum criminatus Fimbria est, *milites, biemante coelo, extra moenia viles contemptosque tendere: Flaccum pecunias, per injuriam exercitus partas, luxu et deliciis intra recta consumere.* Tantumque seditionis commotum est, ut milites in urbem vi irrumperent, et, obvis quibusdam obtruncatis, suo arbitrio per domos distribuerentur. Sed, his utcumque compositis, in alterum annum dilata est seditio; quae delatum auctoritate senatus imperium Flacco ademit, senatu inconsulto Fimbriae dedit.

Eorum discordia.

LIX. Inter haec censores in urbe L. Marcius Q. F. Q. N. Philippus, M. Perperna lustrum septimum atque sexagesimum condiderunt; opera publica locaverunt: senatum recensuerunt. quo tempore Ap. Claudius a censore Marcio est praeteritus, (quamquam ei propinqua cognatione junctus esset) quod in partibus optimatum ille fuerat. Idem censor aquae Marciae ductum, bello sociali disturbatum, refecit. Civium Romanorum censa tum capita sunt quadringenta sexagin-

Lustrum conditum.

Cap. LVII. Memnon. Liv. Epit. Appian. Dio apud Vales. Liv. Epit. Dio. Cap. LVIII. Memnon. Dio. Cap. LIX. Fa-
bi Capit. Cic. in Verr. 1, 55. Cic. pro Domo, c. 3a. Pigh.
Ann. Euseb. Chron.

U. c. 666. ta tria millia: princeps senatus L. Valerius Flaccus,
A. C. 86. gentilis consulis Flacci, lectus est.

*Urbanas
urbas.*

LX. Sub hoc tempus quum omnia in urbe incerta, et neque legi quidquam, neque mori relictum esset; qui dominationem obtinebant, eo cogitationes omnes converterant, ut L. Sullae, quem suae publicaeque rei vindicem metuebant, resisterent. Igitur L. Cin-

na se tertium cum Cn. Papirio Carbone consules ipse
U. c. 667. fecit. Horum impotens tyrannis adeo multos princi-
A. C. 85. pum virorum ad Sullam se recipere coëgit, ut am-
L. Corne- plius in castris ejus, quam in ipsa urbe, senatus in-
lio III. Cn. itar esset.
PapirioColl.

*Cinnae et
Carbonis
dominatio.
Fimbria
dimissus a
Flacco se-
ditionem
concitat.*

LXI. Haec dum alibi fiunt, proconsulem Asiae Flaccum Fimbriana tandem audacia imperio vitaeque exiit. Forte de hospitio quaestori consulis cum legato C. Fimbria lis inciderat. Flaccus multa cum legato contumelia secundum quaestorem dedit: deinde Fimbriae, discessum minitanti, *discessurum esse vel iniurum*, respondit: mox contra convicianti, adempta legatione, successorem dedit. Ille, tempore observato, quo Chalcedonem proficiscendum fuerat, quasi salutaturus in discessu commilitones, Byzantium divertit. Multa ibi oblique in avaritiam et crudelitatem Flacci jactasse constat, militibus, ut sibi prospicerent, per speciem benevolentiae monitis. Deinde, postquam haec ad intimos animos dimissa, seque in ea apud omnes opinione esse sensit, ut pleramque opem salutis in ejus praesentia reponerent, consensu suggestu aperte inculcare Flaccum prodicionis coepit: *neque aliud immani avaritia hominem agere, quam ut, accepto a Mithridate auro, milites caedendos vinciendosque praebeat*. Iis causis ita exarsit proclivis alioquin in seditionem concio, ut Thermum, pro praetore a Flacco relictum, ademptis fascibus, ejiceret.

*Sociorum
spoliis mi-
lites citat.*

LXII. Fimbria, gratiis militi actis, tamquam vicem redditurus beneficii, res sociorum agi ferrique, redigi in servitutem obvios, alia contra disciplinam fieri passus, paucis diebus opulentos ex pauperibus effecit. Sed, quorum raptae res hominesque fuerant, obviam profecti Flacco, graviter de injuriis suis querendo,

Cap. LIX. Liv. Epit. 83. Cap. LX. Appian. Civil. I. 1. Auctor. de viris illustr. in Cinna. Cap. LXI. Liv. Epit. 83. Dio apud Vales. Plut. Sull. c. 44. Appian. Mithrid. Dio. Auct. de vir. illustr. in Fimbr. Appian. Dio. Appian. Cap. LXII. Diod. apud Vales.

proconsulem, jam ante Fimbriae infestum, ita accenderunt, ut sequi eos juberet, sua statim recepturos. Ubi ad castra ventum, multis cum minis imperavit Fimbriae, ut ablata dominis restitueret. ille, culpam in milites conferens, se invito, quod esset factum, accidisse praeferebat: nec eo minus clam instigabat audacissimum quemque, rem acerbam indignamque dictitans, *auferri milibus ab imperatore, quod suis laboribus et belli jure quaesivissent. neque se eis auctorem esse, ut quidquam earum rerum redderent.*

U. c. 667.
A. C. 85.

LXIII. Igitur, Flacco jam in omnes, et ut quisque loco praestabat, minacius invehente, magnus in castris tumultus excitatus est. donec metu profugus proconsul ex aedibus, ubi se occultaverat, noctu superatis moenibus, primo Chalcedonem, deinde Nicomediam se proriperet, clausisque oppidi portis, vim extremam arcere conaretur. Sed Fimbria nihil cunctatus, trajecto freto proconsulem insequens, obiter praedam agebat ex agris; pecuniam imperabat civitatibus: qua inter milites distributa benevolentiam sibi manipularum compararet. Quod si quod oppidum jussa detrectaret, diripiendum exercitui praebebat. Ita Nicomediam perventum est; quam et ipsam militi concessit in praedam: proconsulemque e puteo protractum privatus, et majorem amicum comes occidit. Imperium militari consensu in Fimbriam translatum, licet pessimi exempli res et esset, et videretur, senatus, temporibus servire coactus, ratum habuit.

Flaccus metu profugus,

A Fimbria occiditur.

LXIV. Talis ferme ea tempestate rerum ubique facies erat. Mithridates multa et faciebat acerba, et patiebatur; ingentes exercitus amiserat: insidiis, etiam amicorum, petebatur. Graeciam Romani simul regique; Lydiam, Ioniam, et conjunctas his provincias Pontici regis ira vastabat. Macedoniam Thraces populabantur. Piratae invaserant maria. Romani, et cum aliis, et inter se discordes, suas ipsi victorias, sua arma horrebant. Multiplex omnino et perplexum malum Europam Asiamque communi calamitate involverat.

Cap. LXIII. Appian. Diodor. Vell. 2, 24. Appian. Liv. Epit. Oros. 6, 2. Liv. Epit. Memnon. Cap. LXIV. Liv. Epit. Flor. 3, 6.

E P I T O M E

LIBRI OCTOGESIMI TERTII.

*C. Fimbria, in Asia fuis proelio aliquot praefectis Mithridatis, urbem Pergamum cepit, obses-
sumque regem, non multum abfuit, quin caperet.
Urbem Ilion, quae se potestati Sullae reservabat, ex-
pugnauit ac deleuit, et magnam partem Asiae rece-
pit.*

*C. Fimbria, in Asia fuis ali-
quot copiis Mithridatis] Vet.
lib. fuis proelio aliquot copiis.
SIG. praefectis, pro copiis, est
in membran. DELR. Membra-
nae Barb. Voss. Gudianae ali-
quot praefectis Mithridatis. Ut
Epit. 78. Archelaus praefectus
regis. Et 81. Archelaus praefe-
ctus Mithridatis. Et 94. Prae-
fectos Mithridatis. Adde, quae
scripsimus ad lib. 28, 30. J. FR.
GRON. fuis proelio aliquot et-
iam Leid. Voss. Berg. Lovel. 2.
Boend. Exc. Pithoei, et ed. Camp.
V. ad Epit. 73. Dein aliquot
Mithridatis copiis Boend. et ed.
Camp. aliquot praefectis Mi-
thridatis Leid. Berg. Lov. 2. et
Exc. Pithoei. Archelaum prae-
fectum Mithridatis memorat
Frontin. 1. Strat. 5, 18. et cap.
11, 20. Insuper Fimbriae prae-
nomen C. deest in Leid. Berg. et
Lov. 2. G. L. Fimbria legit Voss.
Fulvius Fimbria Boend. et ed.
Camp. Fl. Fimbria Exc. Pithoei.
L. Fimbria ed. Rom. anni 1472.
Forte igitur legendum Flavius
Fimbria. Certe C. Flavius Fim-
bria vocatur Vell. Pat. 2, 24. et*

*Aurel. Vict. de Vir. Illustr. 70.
Mox non abfuit multum Exc.
Pithoei, Boend. et edd. ante Gra-
terum, qui non multum abfuit
emendavit, consentientibus om-
nibus scriptis nostris, et ed.
Camp.*

*Urbem Ilion, quae se pote-
stat] Illum urbem, quae Leid.
Urbem illam, quae Voss. Urbem
Illium, quae Boend. Urbem Ili-
um, quae Berg. Lov. 2. et ed.
Camp. Et ea forma semper ex-
tulit Livius. V. 35, 43. et 37, 9.
et cap. 37. At auctor Epitoma-
rum saepe formam Graecam ca-
ptavit. V. ad Epit. 52. Mox ma-
gnam partem Asiae occupavit
Berg.*

*Multis proeliis Thrakas ce-
cidit] Parum interest: tamen
Barb. Voss. Gud. minor Sulla
compluribus proeliis Thrakas
cecidit. Major, Sulla enim plu-
ribus. J. FR. GRON. Sulla cum
pluribus proeliis Boend. Sulla
compluribus proeliis Leid. Berg.
Lov. 2. Exc. Pithoei, et ed. Camp.
V. ad Epit. 80.*

pit. Sulla multis proeliis Thracas cecidit. Quum L. Cinna et Cn. Papirius Carbo, ab se ipsis consules per biennium creati, bellum contra Sullam pararent, effectum est per L. Valerium Flaccum principem senatus, qui orationem in senatu habuit, et per eos, qui concordiae studebant, ut legati ad Sullam de pace mitterentur. Cinna ab exercitu suo, quem invitum cogebat naves conscendere, et adversus Sullam proficisci, interfectus est. Consulatum Carbo solus gessit. Sulla, quum in Asiam trajecisset, pacem cum Mithridate fecit; ita ut is cederet provinciis Asia, Bithynia, Cappadocia. Fimbria, desertus ab

Bellum contra Sullam pararent, effectum quidem est] Gud. *praepararent. Minor praepararent. Voss. repararent. Praeter ea dele zò quidem*, quod passim abolevit Sigonius, hic tamen reliquit: sed nulla membrana agnoscit. Uti nec lib. 86. *Ex cujus quidem numero.* J. FR. GRON. *praepararent* Leid. Berg. Lov. 2. et Exc. Pithoei. Tum vocem *quidem* expungunt Leid. Voss. Berg. Lov. 2. Boend. et ed. Camp. V. ad Epit. 55.

Naves conscendere, et adversus Sullam proficisci, interemtus est] *in naves conscendere* Berg. V. ad 29, 25, 5. *naves ascendere* Lov. 2. Tum *conscendere, adversum*, ommissa particula copulante, Boend. Alibi codd. plerumque praefereunt *adversus*. V. ad Epit. 47. Deinde *interfectus est* Leid. Voss. Berg. Lov. 2. Boend. Exc. Pithoei, et ed. Camp. V. ad Epit. 73.

Ita ut his cederet provinciis] Vet. lib. *ita ut is cederet. Is* autem Mithridates intelligitur. SIG. Ex Sigonii Scholio nihil a-

Supplem. Liv. Tom. XIII.

liud colligo, quam vet. lib. ejus praeferre *is*, pro *his*. At insuper inde effecisse videtur Gronovius, eum etiam in vet. lib. vocem *provinciis* non invenisse, quoniam ejus in Scholio non meminit: unde et illam expunxit. Id tamen verisimile non videtur, quia Sigonius, ad vet. lib. praescriptum contextum refingens, tantum *is*, pro *his*, emendavit, vocem autem *provinciis* servavit: in qua retinenda etiam omnes codd. conspirant. Certe *ita ut is cederet provinciis* praefereunt Leid. Berg. Lov. 2. et Exc. Pithoei. *ita ut idem cederet provinciis* Voss. Boend. et ed. Camp. Insuper tamen Crevierius, caussatus Bithyniam et Cappadociam non fuisse eo tempore provincias Romanas sed regna, legendum censet *ita ut is cederet provincia Asia, Bithynia, Cappadocia*; quomodo verba haec laudarat Sigon. Comment. ad Fast. ad A. V. 1061. xix. Vulgatum tamen ferri potest, si dicamus, intelligi provincias non Romanorum, sed ipsius Mithridatis. Certe vocem *provinciis* a de codicum restitui.

L

exercitu, qui ad Sullam transierat, ipse se percussit: impetravitque de servo suo, praebens cervicem, ut se occideret.

Impetravitque a servo, praebens cervicem, ut eum omnino interficeret] Vet. lib. *impetravitque de servo suo, praebens cervicem, ut se interficeret.* SIG. Servi hujus neque Appian. in Mithridaticis, neque Plutarchus in Sulla, neque Vellejus lib. 2. neque Orosius lib. 5. neque, quod sciam, alii ulli meminere. DELR. *a servo* Leid. Voss. Boend. et Norv. *de servo* Berg. Lov. 2. et Exc. Pithoei. Tum *suo* deest in Voss. et Boend. Hinc *ut se*, pro *ut eum*, habent Leid. Voss. Berg. Lov. 2. Boend. Exc. Pithoei, et ed. Camp. qui

omnes etiam ignorant dictionem *omnino*. V. ad Epit. 58. Tandem *occideret* omnes modo memorati libri, exceptis solis Exc. Pithoei, quae servant *interficeret*. V. ad Epit. 57. Locus similis obcurrit infra Epit. 88. *Quem quum occidisset, ipse saucius impetravit a servo, ut se occideret.* Ex quo pleraeque codicum lectiones propositae confirmantur, quemadmodum vicissim locus, quem prae manibus habemus, verae lectioni illius lucem accendit. Paulo ante *distractus ab exercitu* Boend. et ed. Camp. *desertus ab exercitu suo* Berg.

JOHANNIS FREINSHEMII

SUPPLEMENTORUM LIVIANORUM LIBER XLVIII.

IN LOCUM LIBRI LXXXIII. T. LIVII.

I. C. Flavius Fimbria, imperium copiarum, quo U. c. 667.
diximus modo, nactus, non sicut ambitiose erga mili- A. C. 85.
tes, injuste adversus socios, sic etiam timide atque *Fimbriae*
negligenter contra hostem administravit. Filium suum *res gestae.*
Mithridates patri cognominem cum ingenti exercitu
Bithyniam tueri jusserat, Taxile, et Diophanto, et Me-
nandro, claris bello ducibus, adjunctis. Ab his pri-
mum repressus, nec sine detrimento, Fimbria, mox
aliquot proeliis superior, res regis prope desperatio-
nem ultimam adduxit, non animo tantum adversus for-
tuita casuum, sed etiam consilio bonus.

II. Quod enim numero militum longe erat inferior, *Stratego-*
astu rem inclinatam restituit: ductisque ad latera ca- *ma, et victo-*
strorum brachiis, fossa in fronte facta, quietum in *rias.*
vallo militem tenuit. donec regium equitatum, teme-
re in angustias munimentorum ingressum, improvisa
eruptione sic excepit, ut sex hostium millia desidera-
rentur. Iterum ad Miletopolim, juxta quam Rhynda-
cus fluvius oritur, tali loco castra metatus, ut inter
ipsum et regios flumen interesset; quum forte circa
solis ortum ingens pluvia securiores hostes fecisset,
raptim transducto exercitu, sopitos plerosque et in-
ermes adortus, ingentem stragem edidit, plena et il-
lustri victoria potitus. Mithridates cum praecipuis
ducum, et mediocri equitum manu, citra non ausus
consistere, contenta fuga Pergamum ad patrem per-
venit.

Cap. I. Appian. Mithrid. Memnon. Liv. Epit. Cap. II.
Memnon. Frontin. Strat. 3, 17. Oros. 6, 1. Plin. 5, 32.
Memnon.

U. c. 667. III. Post hoc proelium passim deficientibus a rege
 A. C. 85. populis, occasionem adeptus est Fimbria, ut crudelita-
Crudelitas tem suam avaritiamque satiaret. Tantus enim humani
et avaritia. sanguinis appetitus inerat, ut passim multos non ex
 merito, neque in aliquam populi Romani utilitatem,
 sed animi causa occideret. Semel complures erigi
 palos iusserat, ubi alligati verberarentur, quos dam-
 naverat. Sed quum adducti illi essent, minorque ali-
 quanto numerus, quam crucium esset, apparuisset; ne
 frustra fixae viderentur, e media turba corripere ad nu-
 merum, et ad vacuos palos religari praecepit. Cyzi-
 cum quum pro amico intrasset, opulentissimos oppida-
 norum, prodicionis crimine insimulatos, in maximum
 terrorem conjecit. Deinde ad hunc augendum, ex
 omni numero duos damnavit, virisque caesos securi
 percussit. Hoc metu facile adegit ceteros, ut vel uni-
 versorum honorum jactura salutem ab avarissimo sae-
 vissimoque latrone redimerent.

Mithrida- IV. Ad hanc formam constitutis ubique provincia-
tem ipsum rum rebus, adversus ipsum regem Pergami sedentem
vincia, ca- ducere statuit: occurrentemque fudit fugavitque, et in
pturus, oppidum se recipere coëgit. Deinde, ne Pergami
 quidem resistere ausum, capto oppido, Pitanen, quo
 ille profugerat, insequutus, circumvallare obsessos or-
 sus, parum ab ipso rege capiendo abfuit: nisi, quod
 fortuna videbatur obtulisse adjumentum, L. Luculli
 averfus animus invidisset.

Si a Lucul- V. Is, jam dimissa Rhodiorum classe, tantum para-
lo adjutus verat propriarum virium, ut Chio regios ejiceret; Co-
foret. lophonios, comprehenso tyranno eorum Epigono, ad-
 fereret in libertatem. Haec gerentem legati a Fim-
 bria adeunt, omni obtestatione instantes, *ne a se obses-*
sum regem clarissimum, eundemque infestissimumque Romano
nomini, elabi pateretur. Esse ipsi classem ad probibendum ma-
ri exitum: a terra jam ita provisum, ut non possit evadere.
 Facilis erat labor obsidere portum: periculum nullum,
 gloria amplissima offerebatur. tamen Lucullus, sive
 amicitiam Sullae omnibus anteponendo, sive interfe-
 ctorem amici et imperatoris sui detestatus, postulat:
 Fimbriae neglexit. Mithridates, consensu navibus
 Mitylenen avectus est.

Cap. III. Dio apud Vales. Diod. apud Vales. Cap. IV
 Plut. Sull. c. 47. Appian. Vell. 2, 24. Auctor de viris ill. in
 Fimbria. Liv. Epit. Oros. Cap. V. Plut. Lucull. c. 6. Oros
 Plut. Appian.

VI. Fimbria, jam confessione hostis victor, obibat Asiam, acerbe in vitas, in fortunas hominum consulens, quos Mithridati studuisse cognoverat, aut videri volebat. Si quae recipere eum civitates nollent, eorum agros inultus populabatur. Sic ventum ad Ilium est: quod quum obsessum a Fimbria confugisset ad Sullae fidem, venturumque se Sulla promississet, idque significandum Fimbriae curasset; tanto infestior ille, machinis admotis, undecima die oppidum expugnavit. Sunt, qui dolo illectos Ilienses aperuisse portas referant, laudanti consilium eorum, nihilque referre dicenti, postquam in Romani populi fide essent, utri se imperatori traderent: etiam cognationis necessitudine commemorata, indignum dicebat, se, Romanum hominem ducemque, antiquae patriae moenibus arceri.

U. c. 667.
A. C. 85.
*Fimbria
Ilium capis.*

VII. Quoquo modo ingressus fuerit, saevissimum truculentissimumque hostem in ea urbe gessisse constat. Nam et omnes, qui occurrerant, promiscua caede stravit: et oppidum incendio delevit funditus: eos autem, qui legati ad Sullam fuerant, exquisitis cruciatibus consumpsit: adeo ne sacris quidem parcens, ut multos, qui confugerant in Minervae, cum ipso templo concremaret. Muris quoque dirutis, postridie visum ivisse dicitur, ne qua forte pars urbis integra intactave remansisset. Quo minus fidei habendum putem miracula narrantibus, inviolatum Minervae templum stetisse, neque dubitatum, quin divina majestate defensum esset. Sane sedem ejus, (Palladium vocari usus obtinuit) amotis, quibus obrutum fuerit, ruderibus, integram inviolatamque stetisse, fuerunt, qui dicerent: multum irridentibus, qui arcanum idem ab Ulyse et Diomede ablatum credi; et praeterea Romae, et Lavinii, et Luceriae, et Siritide, et Argis ostendi noverant. Hoc infortunium Ilienses subierunt, quum inter duos imperatores ad potiore magis, quam ad propiorem, respexissent.

Et vastat.

*Palladium
multis locis
ostensum.*

VIII. Sulla enim bellum eo tempore cum Thracibus gerebat, continuo Macedoniam incurstantibus: quo simul immanium gentium coerceret injurias; simul,

*Sulla Thra-
ces vincit.*

Cap. VI. Liv. Epit. Appian. Strabo, l. 13. p. 594. Dio. Appian. Cap. VII. Dio. Liv. Epit. Oros. Appian. Auctor de viris illustr. Appian. Obseq. Appian. Strabo, l. 6. p. 164. Pausan. l. 2. Cap. VIII. Liv. Epit.

U. c. 667. dum a Mithridate nuncios expectat, et exerceret militem, et ditaret. Igitur quum multis proeliis Hecetos, Dardanos, Sintos, Scordiscos, finitimosque populos concidisset; agros populatus, praedaeque militibus concessa, in Macedoniam est regressus.

IX. Sub haec tempora Cinnae Carbonisque consulum saeva dominatio plures subinde claros viros ad Sullam confugere compulit, reipublicae periculum, et miserandum urbis statum nunciantes: simul haud levi spe injecta, fore, ut consiliis adversariorum senatus resisteret, siquidem auctoritate Sullae juvaretur. Quippe L. Cinna, sine ullis comitiis tertium consul, Cn. Papirium Carbonem, ducem ejusdem factionis, collegam adsciverat.

Litteras ad senatum missis.

X. Igitur dedit ad senatum litteras, quibus, enumerato, quantum in Numidia quaestor pro republica, quantum legatus bello Cimbrico, et deinde praetor in Cilicia, belloque sociali consul, laboris exhausisset; res adversus Mithridatem gestas, domitarumque gentium numerum et ferociam extollebat: postremo multis et accuratis verbis imputabat, se tot clarissimis viris, inimicorum factione domo pulsus, perfugium solatiumque exstis-
tisse. At sibi non aliam pro ejusmodi meritis gratiam, quam proscriptionem capitis, eversionem domus, caedes amicorum, fugam uxoris liberorumque, referri; qui vix et aegre incolumes ad se pervenire potuissent. Venturum igitur sese prope diem ultorem malefactorum, et qui ea perpetrassent, ceterorum vero civium, veteres novae forent, incusaturum neminem.

L. Valer. Flaccus legatos ad Sullam mittendi auctor.

XI. Ad has litteras quum nova sollicitudo perturbaret omnium animos, L. Valerius Flaccus senatus princeps luculentam de praesentibus orationem in curia habuit: et, adsentientibus, quibus concordiae studium erat, auctor mittendi ad Sullam legatos fuit. His mandatum, ut conciliare eum inimicis studerent, peterentque, ut, si quid caveri sibi fide publica vellet, quamprimum ea de re litteras ad senatum mitteret.

Consules se parant contra Sullam.

XII. Cum consulibus idem senatus egit, ut interea, dum de voluntate Sullae rescitum esset, a delectibus abstinerent: neve spem pacis cum civibus corrumperent. Nam illi, dimissis per universam Italiam perquisitoribus, pecu-

Cap. VIII. Appian. Auctor de viris illustr. in Sulla. Eutrop. Plut. Sulla. Cap. IX. Tac. Ann. 1, 1. Vell. 2, 23. Appian. Civ. l. 1. Liv. Epit. Auctor de viris illustr. in Cinna. Cap. X. Appian. Cap. XI. Liv. Epit. Appian.

niam et copias et annonam undique contrahebant, opulentissimum quemque sollicitantes, eorum maxime populorum, qui nuper adepti jus civitatis Romanae fuerant: quod illorum causa omnia et facere, et pati dicerent. Classen etiam instruebant, accitis insuper e Sicilia navibus, oramque omnem maritimam custodiebant: metu et cupiditate, duobus validissimis stimulis, nihil ad exactissimam diligentiam reliqui facere coequentibus.

XIII. Igitur, quantumvis in arbitrio senatus se fore Cinna promiserat, id modo exspectans temporis, dum legati proficiscerentur, ad ingenium rediit: et, quia non unius anni laborem se suscipere intelligebat, seque et Carbonem consules in biennium creavit, ne comitiorum causa reverti in urbem necessum haberent. Quidquid deinde cogere militum undelibet poterant, in Liburnos praemittebant: quod inde maxime advenienti Sullae constituerant occurrere. Et primum quidem praemissorum agmen prospero cursu trajectum est: sequens tempestate ad litora reiectum: militesque, excensione facta, bellum civile detestati, suas quisque domos repetiverunt. Hujus rei fama quum late sparsa esset, jam nemo erat, qui conscendere navem vellet.

XIV. Idcirco Cinna, jam quartum consul, Anconam, ubi magnae congregatae copiae erant, accurrit, ut minaci oratione territos, vel invitos in naves imponeret. Nesciebat ille, sua suique similium opera tantam esse factam morum depravationem, ut occidi a militibus imperatorem, quia novum non erat, ne magnum quidem crimen haberetur. Erant praeter alias causas exacerbatum militum animi, quod Pompejus adolescens, quum in castra Cinnae fuisset profectus, calumniam, et ex calumnia periculum fugiens, ignoratus se subduxerat: militesque clam sublatum suspicabantur.

XV. Sic exacerbatae multitudini quum se Cinna objecisset, forte accidit, ut lictor, dum, in concionem eunte consule, turbam submovet, militem contemptim resistentem pulsaret, vicissimque ab alio milite percuteretur. Ibi quum accensus ira consul percussorem corripere juberet, hoc initium tumultus fuit: sublato-

U. c. 667.
A. C. 85.

U. c. 668.
A. C. 84.
L. Cornelio IV. Cn. Papirio II. Coss.
Seditio militum, Pompejus clam ex castris fugit.

Cap. XIV. Auctor de viris illustr. Appian. Ljv. Epit. Appian. Plut. Pomp. Cap. XV. Appian.

U. c. 668. que clamore omnium, lapides conjici coeperunt. Tum
 A. C. 84. vero fugientem Cinna quidam centurio adsequutus,
Cinna occiditur. ad genua sibi accidentem, annulumque magni pretii offerentem, stricto gladio confodit: *non ad signandam sponsonem, sed foedissimi tyranni puniendi causa, se adesse praefatus.*

Carbo dominationem retinet. XVI. Occiso Cinna, Cn. Carbo, praesentibus haud sane laetus, revocatis e Dalmatia militibus, dominationem retinere nihilo modestior Cinna conabatur: neque tribunis plebis, ad comitia habenda redire jubentibus, obtemperabat, donec se magistratum ei abrogaturos sunt minati. Sed comitia, licet repetita, sine successu fuerunt: semel, avibus non addicentibus, in aliam diem; iterum, quia Lunae Cererisque tacta de coelo fana erant, ex haruspicum responso, post solstitium dilata. Ne tum quidem suffectus quisquam est, totoque anno consulatum Carbo solus gessit.

Sulla Archelaum committere trahit. XVII. Interèa Sulla, ordinandis Graeciae rebus per Thessaliam incedens, propter Archelai morbum Larissae per aliquot dies substitit: ejusque non secus egit curam, ac si legatus aut collega foret. unde rumores orti, non optima fide pugnatum in Boeotia esse; praemiumque prodicionis hoc Archelao dari: quemadmodum non alia de causa necatus unus omnium Mithridatis amicorum Aristio foret, (ceteros enim accepta classe Sulla dimiserat) Archelao discors. Etiam appellatus ab Sulla socius et amicus populi Romani Cappadox, acceptis insuper decem millibus jugerum agri Euboici, in eandem suspicionem trahabatur. quae Sulla ipse in commentariis suis relata diluit.

Mithridatis legatis asperè respondet. XVIII. Per Thessaliam deinde et Macedoniam ad Hellepontum ducenti occurrerunt legati Mithridatis, ceteras condiciones probare regem nunciantes, sed Papblagoniam excipere: de navibus etiam promissum nihil arbitrari. addiderunt deinde, aequiores se condiciones impetrare ab alio imperatore C. Fimbria potuisse. Hoc praecipue dicto exacerbatus Sulla, et Fimbriam poenas daturum, respondit: et, simul in Asiam trajecisset, appariturum, bello, an pace Mithridates opus habeat. Cui ego, inquit, si dextram reliquisssem, qua tot civium Romanorum interfecit millia, procubiturum ad genua mea arbitrabar: nedum ut de Papblago-

Cap. XV. Plut. Cap. XVI. Appian. Vell. 2, 24. Liv. Epit. Cap. XVII. Plut. Sull. c. 46. Dio apud Fulv. Ursin. Appian. Plut. Cap. XVIII. Appian. Plut.

nia, de navibus neget. Legatis ad haec obmutescentibus, deprecari Sullam Archelaus coepit, dextramque amplexus petere, ut se ad regem proficisci sineres. quibus dedisset legibus, relaturum pacem; aut, si hoc impetrare nequiverisset, sua semetipsum manu interempturum.

U. c. 668.
A. C. 84.
Ab Archelao placatur.

XIX. Ita dimisso Archelao, expeditionem in Maediam (Thraciae regio est) Sulla fecit: eaque late vastata, in Macedoniam est regressus. Apud Philippos agentem Archelaus convenit: omnia ex animi sententia esse dictitans. ceterum colloquium ejus enixe expetere Mithridatem. Nam ille, Fimbriam bello ferocem, pactis infidum metuens, Sullae amicitiam optabat.

XX. Igitur Sulla, per Thraciam ad Cypsela terrestri itinere pergens, L. Lucullum cum navibus praefectum ad Abydum jussit. Quippe Lucullus, circa Lepton Troadis regiis classibus subito occursum profligatis, deinde Neoptolemo ad Tenedum fugato, feliciter ad Sullam penetraverat. Postquam in Chersonnesum exercitus pervenit, Lucullo tutum transitum et naves praefectante, ad Dardanum Troadis Romanus processit. Eodem et Mithridates cum navibus ducentis advenit, et gravis armaturae viginti millibus, sex millibus equitum, magnoque curruum falcatorum numero. Sulla legiones quatuor, equites ducentos adduxerat.

Ad colloquium Mithridatis pergit.

XXI. Paucis utrimque comitibus, in conspectu tam exercituum, in campum colloquio destinatum prodierunt. Prior Mithridates, quum venienti Sullae occurrens dextram porrigeret, interrogatus ab illo est, positurusne arma esset, quibus conditionibus Archelaus pepigisset? deinde, silente rege, Atqui deprecantium est, inquit, priore loco dicere: victoribus vel tacere satis est. Ibi Mithridates, repetita patris suaeque cum Romanis amicitia, quam Deorum quaedam invidia sibi propriam perpetuamque esse noluisse; ad accusationem legatorum ducumque vertit, qui multa cum injuria sua Cappadociam Ariobarzani reddidissent; sibi ademissent Phrygiam; Nicomedis iniquis conatibus favissent.

Occurrens Sullae et regis.

XXII. Quae omnia, inquit, sola pecuniae cupiditate sunt ab ipsis facta, quam semper aut a me, aut ab inimicis meis accipiebant. quae equidem res, si qua alia, jure meritoque in vobis arguitur, Romani, quod tales plerumque imperatores

Mithridates Romanos accusat; se purgat.

Cap. XX. Appian. Plut. Lucullo, et Sulla. Cap. XXI. Appian. Plut. Appian. Plut. Appian.

U. c. 668. *emittitis, qui nihil melius aut antiquius esse lucro putent. Ab*
 A. C. 84. *his coactus arma indui: quae si qua parte vobis infestiora,*
quam voluissetis, fuerunt, id omne non animo meo, qui, dum
licuit, Romani nominis amans reverensque fuit, sed necessitati
imputari aequum est.

Sulla re- **XXIII.** *Ad haec Sulla: Quod ab aliis accepi, te esse di-*
spondet. *fertissimum, id nunc coram experior, quum in factis atrocissimis*
speciosa tibi non deest oratio. Sed, quamquam non in hoc con-
venimus, ut disceptaremus controversias, verum ut leges peti-
tae pacis impleres, non gravabor paucis respondere. De Cap-
padocia non erat, ut absentibus inclementer diceret: nam Ari-
barzanem, si nescis, et ego reduxi. Tum igitur caussari quae-
libet oportuit, si jussui senatus populique Romani obtemperare
nolles; non tanto post tempore, quum decretis adquiesces, con-
vellere, quae semel adprobaras.

Phrygiam **XXIV.** *Phrygiam M? Aquillius donis emptus patri tuo con-*
cesserat: quod commune vobis delictum frustra in illum trans-
pertinere ad ferre visus es. sed et ista, et quae praeterea pecunia corruptus
Mithrida- *multa Manius egerat, senatus irrita esse jussit omnia. Neque*
tem negat. *tamen, injusto possessore depulso, nobis recepinus Phrygiam,*
ne, quod in aliis damnamus, ipsi facere videremur; sed im-
munem liberamque pronuntiavimus. Quae igitur nos, licet ju-
sto pioque bello quaesita, relinquimus, ea tibi quo tandem jure
vindicabis? De Nicomedis injuria quereris. Sed ille per-
cussorem sibi Alexandrum, deinde aemulum regni Cbrestum im-
missos esse, atque his caussis adscribendum, quod in fines tuos
irruerit, testatur. Quamquam etiam missis Romam legatis
exspectare senatus responsum poteras, siquidem a Nicomede lae-
sum te esse putavisses. Sed de Nicomede esto. vim inferentem
vi repuleris. Quae fuit Ariobarzaniis injuria, quem baud mi-
nus, atque Nicomedem, sui regni finibus exegisti?

Caussam **XXV.** *Atque hoc quum faceres, non te latebat fore, ut,*
belli in ip- *qui in Asia tum legati ducesque Romani erant, pulsum redu-*
sum trans- *cerent. Sed hoc agebas, ut bellum oriretur, quod spe obti-*
fert. *nendi terrarum orbis imperium, siquidem Romanos superasses,*
jam olim eras meditatus. Nisi forte tam parum videre cete-
ros arbitraris, ut, quum, nullo adhuc coepto bello, Scythas,
Thracas, Sarmatas societate jungeres, circum regna finitima
legatos mitteres, naves aedificares, proventas gubernatoresque
ex longe diffitis gentibus arcesseres, nemo intellexerit, quor-
um ista pertinerent? Quasi vero consilium tuum ipse temporum

Cap. XXIII. Plut. Appian.

status non prodiderit, quod, nobis defectione sociorum occupatis, ab ultimo Ponti sinu, tamquam captatis ad hoc latebris, astutus insidiator erupisti. Neque Cappadoces tantum et Bithynos, sed Galatiam, sed Paphlagoniam, Asiam denique, non ignarus nostrae ditionis esse, invasisti.

U. c. 668.

A. C. 84.

Illum insidiatum temporibus.

XXVI. Quibus in terris quid tandem a te sceleris aut crudelitatis praetermissum est? Taceo civitates mancipiis aut obleratis traditas, ut, quibus obnoxii esse debebant, his impedirent. de Graecis Asiaticis nihil dico, quorum principes mille sexcentos uno prodicionis obtentu trucidasti. Gallograecorum sepulta sit memoria: quamquam corpora sepultura prohibuisti, quum socios tuos et hospites, communi mensae adhibitos, miserabiliter occidisses. Cujus animi fuit, quod Italos omnes cum liberis et uxoribus una die ferro aut aqua sustulisti? quo quidem tempore ne sacra quidem et veneranda loca praesidio pereuntibus esse potuerunt: tantum te populi Romani tenebat odium, ut, dum nobis noceres, nec humani nec divini juris ullius meminisses.

Multa scelerate et crudeliter fecisse.

XXVII. Et horum quidem etiam bonis raptis, contra edictum nostrum, quod Asiaticos reges Europa prohibet, trajecisti: Macedoniam incurasisti: Graecis abstulisti libertatem. neque ante ad mentem reversus es, quam, Macedonia Graeciaque receptis, centum sexaginta tuorum millia occidi, castra omni adparatu belli instructissima semel iterumque cepi.

XXVIII. Quae omnia quum animo meo obversantur, rationem consilii tui non expedit, quod eorum nunc purgationem instituisti, quorum antea per Archelaum veniam petiveras. An igitur, quem procul agentem timebas, eum hic venisse reris, ut tecum iudicio contenderet? Sed ejus rei quidem tempus olim praeteriit, ex quo tibi bellum inferenti restitimus, et, donec opus erit, resistemus. Idcirco, his omissis, quod unum scire interest, responde. pacem cum Archelao factam accipis, an recusas? Mithridates, iracunda Sullae oratione territus, accipere se respondit. Tum demum salutavit eum Sulla, amplexusque et osculatus est.

Mithridates pacem accipit.

XXIX. Ariobarzanem deinde et Nicomedem accitos Mithridati conciliavit, reditumque iis in sua regna confecit. Asiam Romanorum esse, ita ne cui civitati decessivisse ad regem fraudi esset, convenerat. Id non integre servatum, multasque postea urbes tributarias esse fa-

Ariobarzanes et Nicomedes in regna sua redierunt.

Cap. XXVI. Plut. de Virtut. Mul. c. 44. Appian. Cap. XXVIII. Plut. Sull. Appian. Plut. Cap. XXIX. Liv. Epit. Flor. 3, 5.

U. c. 668. ctas, Memnon ex Heraclea Pontica scriptor tradidit,
 A. C. 84. in partes regias ob communem patriam proclivior.
 Idem tria talentorum millia Sullam a Mithridate accepisse memorat, ut domum reverteretur. Naves regem septuaginta cum quingentis sagittariis, itemque captivos tradidisse, (in quibus et Q. Oppius, et L. Cassius, nescio quo casu redactus in potestatem hostis, fuerunt) et, si quae alia ex foedere debebantur, fecisse, satis constat: deinde in paternum regnum, cuius ipsi confirmatum eadem pace jus erat, redisse.

XXX. At Romanus exercitus indignabatur, quod dimissus e manibus rex omnium saevissimus, nominique Romano infestissimus, coactam ex opulentissimis Asiae regionibus toto quadriennio praedam, in patrium regnum sospes incolumisque reportaret. donec, advocata concione, reddidit consilii rationem Sulla, docuitque, si Mithridatem, pace denegata, ad Fimbriae petendam amicitiam compulisset, veritum fuisse, ut ambobus satis posset resistere. nunc, amaro hoste externo, poenae de seditioso cive tuto sumendae otium esse.

Sulla contra Fimbriam movet. XXXI. Movit deinde versus Thyatira, ubi, castris positis, Fimbria confederat: et, quum ad passus ducentos quinquaginta castra castris contulisset, jussit eum imperio cedere, quod contra leges obtineret. Ille, vicissim irridens, Sullam potius cedere jussit, qui hostis esset patriae judicatus. Sed ubi Sulla circumvallare castra Fimbriana coepit, crebri ad eum milites transierunt, Fimbriani Sullanosque in opere faciundo adjuverunt. Igitur Fimbria, in concione militum sortem suam prolixè miseratus, orat, ne deserant, neve, quem ipsi imperatorem fecissent, optime de se meritum hominem, rebus praeclare gestis, milite ditato, injuria adfici paterentur.

XXXII. Nullum infirmius ad fidem vinculum est, quam quod societate scelerum adstringitur; nec aliud citius, aut poenitentia tolerabilem, aut levitate perditorum, mutabile. Et non deerant, qui, spe praemiorum a Sulla corrupti, ceteros etiam ab obsequio Fimbriae avellerent. Igitur passim tota concione clamores audiuntur, contra cives arma sumere negantium. Tum ille, de tribunali desiliens, scissa tunica singulorum pedibus advolvitur. Id quoque frustra fa-

Cap. XXIX. Memnon. Plut. Vell. 2, 23. Appian. Cap. XXX. Plut. Cap. XXXI. Appian. Plut. Appian. Cap. XXXII. Auet. de vir. illustr. in Fimbr. Appian. Plut.

ctum: tantoque plures palam transfugerunt. Ergo U. c. 668.
 Fimbria, tribunorum praefectorumque circumitis ten- A. C. 84.
 toriis, multaue pecunia distributa, quum iterum vo- *Fimbria*
 cari concionem jussisset, iurandum a militibus exi- *suos suppli-*
 gere coepit. Occlamatum a quibusdam est, *nominatim* *citer orat.*
fugulos ad iurandum citari oportere. Tum ille Nonium ci-
 tari primum omnium jussit, in quem plurima benefi-
 cia contulerat, omnium consiliorum facinorumque par-
 ticipem. Sed iste quoque jurare abnuebat: et, quum
 Fimbria, stricto gladio, necem intentaret homini, fre-
 mitu concionis est deterritus.

XXXIII. Igitur in tantis rerum angustiis, quum in-
 columi Sulla se incolumem esse animadverteret non
 posse, servorum aliquem nummis datis promissaque
 libertate induxit, ut ad Sullam interficiendum specie
 perfugae proficisceretur. Sed insidiae, quum mini- *Sullae per-*
 mum a patratione abfuissent, trepidatione primum in- *cussorem sub-*
 sidiatoris, deinde correpti ob hanc tormentis, pate- *ornat.*
 factae sunt. Tum vero accensus ira Sullanus exerci-
 tus circumstetit Fimbriae vallum, *Athenionem* appellan-
 do, quo nomine nuper in Sicilia fugitivus quidam pau-
 corum dierum regnum obtinuerat.

XXXIV. Idcirco Fimbria, spe abjecta resistendi,
 progressus in vallum, colloquium Sullae coepit ex-
 poscere. Sed Rutilius adfuit, saevum Fimbriae omen, *Cum Ruti-*
 qui nihil jam ex eo laeti augurabatur, quod ne in col- *lia colloqui-*
 loquium quidem Sullae admitteretur, rem nec hosti- *tur.*
 bus denegari solitam. Orsus tamen excusationem et
 preces, *si quid peccavisset, id adolescentiae suae condonari,*
 petiit. Responsum est, *Asiae proconsulem Sullam esse: si*
velleret aliena provincia decedere, tutam ei profectionem ad ma-
re beneficio Sullae fore. Ille, *viam sibi meliorem patere in-*
 terfatus, abrupto colloquio Pergamum ivit, ingressus- *Mannus si-*
 que templum Aesculapii gladio se transfixit. deinde, *bi infert.*
 quia vulnus letale non erat, a servo petiit, ut se oc-
 cideret. servus et dominum, et super domini corpus
 semetipsum interemit.

XXXV. Sulla, cognito Fimbriae exitu, petentibus
 libertis cadaver ad sepulturam reddidit; *nolle se Cin-*
nam atque Marium aemulari dictitans, qui plerosque Romae
interfectos humari viderent. Comiter deinde receptis

Cap. XXXII. Liv. Epit. Appian. Cap. XXXIV. Vell. 2,
 24. Appian. Auctor de viris illustr. Appian. Plut. Oros. Vell.
 Liv. Epit. Cap. XXXV. Appian.

U. c. 668. Fimbrianis copiis, quae consensu ad eum transibant, suoque exercitui junctis, Curionem misit, qui Nicomedem atque Ariobarzanem reges in regna reduceret. Deinde senatui de rebus omnibus scripsit, hostem se judicatum esse dissimulans.

*Sulla Ili-
um instau-
rat.*

XXXVI. His ita ex animi sui sententia compositis, veluti per otium ordinavit Asiam: et Iliensium urbem instauratam multis beneficiis consolatus, libertati et suis legibus reddidit; populique Romani socios et amicos appellavit. Pari liberalitate Chios, Rhodios, Lycios, Magnetas, et si qui alii contra regem auxilia tulerant, aut ob studium Romanarum partium acerbè fuerant ab eo tractati, recreavit.

*Militarem
disciplinam
corrumpit.*

XXXVII. Reliquas urbes omnes, distributo ubique exercitu, oneravit praesidiis, non ad veterem disciplinam, sed omnis generis licentia militi permitta. praeterea edixit, ut unicuique gregario quotidie denarios jedecim hospes penderet: coenamque daret et ipsi et sodalibus, quotquot vocare militi placuisset. centurionibus quinquagenas in diem drachmas praebere jussit, vestemque duplicem, ut haberet, qua domi, quaque in publico uteretur. Ab his initiis urbium vitia in exercitum et horridos antea milites fluxerunt, ibi, per amoena loca in otio habiti, amare, potare, signa tabulasque pictas et vasa caelata mirari didicerunt; eaque mox publice privatimque rapere; spoliare delubra; sacra ac profana omnia polluerè. Multum deinde sanguinis passim in Asia fustum: urbiumque nonnullarum moenia diruta, ager subhastatus est, quia contra edictum Sullae praesentiam a Mithridate libertatem servis defenderant. Quotquot autem privatorum civitatumve, regiarum partium paulo cupidiores fuisse dicebantur, prae ceteris graves mulctas pendebant: Ephesii ante omnes, quorum praecipua vesania eo proruperat, ut etiam donaria Romanorum cum ludibrio templis detraherent.

*Asiaticos
principes
graviter in-
crepat.*

XXXVIII. Postremo, missis circum populos Asiae praeconibus, Ephesum convenire jussi sunt principes. ad quos e tribunali Sulla talem orationem habuit: *Prima Romani signa in Asiam ea tempestate intulimus, qua vos Antiochus Syriae rex acerbus hostis, aut gravis dominus urgebat. Hoc ultra Halyn et Taurum exacto, non ut bello quae- sitos imperio nostro subjecimus, sed libertatem dedimus omni-*

Cap. XXXVI. Oros. Strabo, l. 13. p. 594. Appian. Cap. XXXVII. Plut. Sall. Cat. c. 11. Appian.

bus: nisi quos Eumeni Rhoditisque, belli ac victoriae sociis, U. c. 668.
clientes magis, quam tributarios, concessimus. quod quidem A. C. 84.
manifesto statim apparuit, quum Lycios, praeter nostra decreta
premi quæstos, imperio Rhodiensium exemimus.

XXXIX. Tali erga vos animo fuimus Romani: cui quam *Ingratum*
gratiam retuleritis, quaerere a vobis, nisi jam ante nota hæc *animum ex-*
omnibus essent. Quum enim Attalus testamento nos hæredes *probat.*
reliquisset, Aristonico vindicanti regnum per quadriennium ad-
baehstis: donec et ille caperetur, et vos ad extremum disci-
men atque metum adduceremini. Nostra tamen indulgentia re-
cuperata pace, opibusque multorum annorum tranquilla pos-
sessione auctis, denuo sustulistis animos, et, observato iniquis-
simo nostro tempore, inter Italicos tumultus, alii quidem vo-
cassit Mithridatem, alii accessistis venienti.

XL. Quod autem omne immanitatis exemplum supergredi-
tur, Italos omnes, non sexus, non ætatis miseriti, una die
trucidare sustinuitis: ne vestrorum quidem numinum reverentia
deterriti, quin ipsis in templorum adytis supplices eorum occi-
deretis. Et hæc fecistis in gratiam ejus Mithridatis, qui vos *Et stultam*
deinde continuo caedibus et rapinis exhaussit; agros vestros di- *electionem*
vixit; debitoribus vestris aes alienum remisit; servitia libera- *amicorum.*
vit; multis tyrannos imposuit; omnes objecit prædonum atque
piratarum incurssionibus; ut jam inde discere possetis, quales
amici qualibus essent vestro judicio antepositi.

XLI. Licet autem horum malorum auctores etiam nobis
quodammodo dederunt poenas, non ideo vos impunitos abire fas
est, qui scelestæ consulentibus tam prompte estis obsequuti. Et
oportuerat quidem æqualem meritis poenam statui. ceterum
quia promiscuæ caedes, et servitiorum concitationes, et hoc ge-
nus exempla barbari moris, a mansuetudine Romana prorsus
aliena sunt; absit, ut tale aliquid in mentem nobis veniat. Ha-
beat Graeci nominis, et celebritatis Asiae, et cognationis no-
stræ ratio: mulctæque modum potius misericordia, quam ira, *Postremo*
finiat. Quod faustum felixque sit, quinquennii tributum re- *multam*
præsentari jubeo: et præterea sumptus, quique impensi sunt *grandem*
in hoc bellum, quique porro ad constituendam provinciam erunt *imponit.*
necessarii. Eam collationem ego per civitates dividam, tempus-
que conferendi præfiniam: et, qui non obtemperaverint, eos
habebō pro hostibus.

XLII. Ex quatuor et quadraginta regionibus Asiae,
tot enim ex distributione Sullae esse coeperant, vi-
ginti millia talentorum his nominibus exacta sunt: Lu-
callusque, recipiendis, quæ adferebantur, et signan-

U. c. 668. dae pecuniae praepositus, licet homo mitis ingenii
 A. C. 84. nonnihil civitates mansuetudine sua refocillaret, effi-
 cere non potuit, ne maximam in calamitatem incide-
 rent. Nam et pecuniae conficiendae causa, quia mi-
 lites ferociter et contumeliose exigebant, passim foe-
 neratoribus theatra, aut moenia, aut portus, aliave
Asia vasta- publica aedificia pignori opposita sunt: et eodem tem-
tur etiam a pore magna a piratis incommoda inferebantur. Illi Mi-
piratis. thridatis concessione, Asiam tamquam mox amitten-
 dam negligentis, mare infestum habere coeperant: et,
 jam successu numeroque aucti, tantum non iustis clas-
 sibus, tum navigantibus, tum etiam portubus, castel-
 lis, urbibusque metuendi, vagabantur. Iustus certe,
 Samusque, et Clazomenae, et Samothrace, dum ad-
 huc in Asia Sulla erat, captae sunt; Samothraciaeque
 celebre fama delubrum spoliatum, et, ut creditum
 fuit, mille talentorum egesta ornamenta sunt.

Sulla, ne- XLIII. Id Sulla nec prohibere, nec ulcisci curavit:
glecta Asia, sive meritos haec pati putabat, sive urbanis motibus
navigat A- intentas cogitationes habentem, aliis negotiis pigebat
thenas. tempus atque curam impendere. Igitur, L. Murena
 cum duabus legionibus, quae sub Fimbria fuerant, in
 Asia relicto, cum ceteris copiis conscendit naves, ter-
 tioque die, quam ab Epheso solverat, Piraeum ap-
 plicavit. Mysteriis deinde Atheniensium initiatus, A-
 pellicontis Teji bibliothecam requiri iussit, Romam
 deportaturus. Is inter familiares Aristionis fuerat,
 missuque tyranni Delum spoliandi fani causa naviga-
 rat. ob haec et talia bonis ejus publicatis, Sulla, ut
 erat doctissimus et studiorum amans, libros excepit,
 quos Apellicon magno pretio passim coemerat, illu-
 strum auctorum opera, quaedam etiam ipsorum scri-
 pta manu.

Aristoteli- XLIV. Inter hos et Aristotelici libri fuerunt, quo-
rum scri- rum fata, ob celebritatem nominis, et quia res ad
ptorum fa- cautionem studiosorum pertinet, non taedeat expo-
sum. nere. Aristoteles primus inter Graecos, quantum sci-
 mus, bibliothecarum colligendarum auctor, Theophra-
 sto scholam simul suam librosque decedens transdidit
 Theophrasto Neleus Scepsius fuit heres: a quo Sce-
 psin

Cap. XLII. Appian. Cap. XLIII. Plut. Sull. Posidon. a
 pud Athen. 5, 14. Plut. Posidon. Cap. XLIV. Strabo, l. 13
 p. 609.

psin translati postea ad homines indoctos studiorum-
que rudes pervenerunt. Apud hos tam indignos ho-
spites diu sub clavibus satis incuriose adservati; de-
inde, quum Attalicorum regum studiis opera cele-
brium scriptorum undique conquirerentur, ab ineptis
possefforibus in fossam quamdam subterraneam sunt
abdit: donec eos longis post temporibus illorum suc-
cessores Appelliconti Tejo magna pecunia vendiderunt.

U. c. 668.

A. C. 84.

XLV. Erat librorum magis, quam eruditionis, stu-
diosus Appellicon: tamen, quod solenne est talibus in-
geniis, doctrinae opinionem adfectabat. Igitur scripta
Aristotelis edidit, tam ambiguo beneficio, ut vix di-
judicari possit, satiusne fuerit, omnino perisse acu-
tissimi viri labores, an interpolatos talis hominis au-
dacia sub praescriptione tanti nominis legi. Nam ille
situ corrupta, aut a tineis erosa temerarius emenda-
tor quoquo modo suppleverat: deinde in alios codi-
ces tam sua, quam Aristotelis, verba inexplicabili er-
rore transcribenda curaverat. Plus etiam postea vitia-
ti ab exscriptoribus libri sunt, quum Romam delatos
Tyrannio suis commentis replevit. hanc deinde edi-
tionem nacti, qui libris vendendis quaestum faciebant,
dum in conducendis librariis, comparandisque cum ex-
emplari voluminibus, ad lucrum magis, quam ad fi-
dem, respiciunt, ita repleverunt mendis, ut jam ante
mille sexcentos annos, quid plerisque locis ab Aristo-
tele esset scriptum, disceptari consueverit.

*Ea varie
corrupta, et
viciosissime
edita.*

XLVI. Sed L. Sulla, quum Athenis dolore pedum
tentari coepisset, Aedepsum profectus est, Euboeae
oppidum, ubi calidarum aquarum scaturigo erat, quod
Herculis lavacrum appellabant; valetudinique et oblecta-
tioni suae operam dedit, Bacchicis artificibus addi-
ctus. Interea Lucullus post profectionem Sullae ex
Asia, pro sua mansuetudine, tum alias, quantum pot-
erat, civitates allevabat, tum praecipue Mitylenaeis au-
ctor erat, ut, *aguita culpa, mediocrem, quae imposita erat,*
multam persolverent. Hi ab initio palam ad Mithridatem
desciverant, M. Aquillio turpiter prodito, diutissime-
que manserant in partibus. ne digresso quidem rege
resipiscebant, quin se Romanis armis opponerent:
tantus stolidissimorum hominum animos furor occupa-
verat.

*Sulla dolo-
re pedum
tentatur.*

Cap. XLV. Plut. Strabo. Cap. XLVI. Plut, Stephan.
Strabo, l. 9. p. 425. Plut. Lucull. c. 8.

Supplem. Liv. Tom. XIII.

M

U. c. 668. XLVII. Igitur Lucullus, classe admota, quum pro-
 A. C. 84. hibentes excensionem oppidanos intra moenia com-
Lucullus pulisset, castra ante urbem posuit. Deinde quodam
Mitylenae- die, quasi desperata expugnatione, propalam de die
os caedit. consensu navibus Elaeam trajecit: sed mox sub no-
 ctem reflexit cursum, et in insidiis haud procul urbe
 confedit. Mitylenaeorum vulgus, vix a prudentiori-
 bus cohibitum, ne statim in castra prorumperet, post-
 quam iterum lux adfuit, neque hostium conspectus
 quisquam est, retineri amplius non potuerunt, quin
 promiscua turba liberorum servorumque excurreret.
 Ibi coortae ex insidiis Romanorum copiae adversus
 homines, nec instructos militariter, nec ordinatos,
 (non enim ad proelium, sed tamquam direpturi ca-
 stra, exiverant) non dubio Marte pugarunt. Com-
 prehensus fugientium ingens numerus; ad quingentos,
 qui repugnare ausi fuerant, occisi: servitorum quo-
 que sex millia, praeter multiplicem aliam praedam,
 capta sunt.

Urbem mu- XLVIII. Lucullus, sive hoc detrimento castigatis
nitam obsi- spatium daturus ad poenitentiam, sive ut ad magis
dere insu- necessaria praeverteret, cum captivis et praeda dis-
per habet. cesserit: ne munitissimae urbis, et omnibus copiis abun-
 dantis, obsidione implicitus maritimam Asiae oram in-
 sulasque a piratis impune vastari pateretur, qui, pro-
 spere decedentibus rebus, majora in dies virium et
 audaciae incrementa sumebant.

E P I T O M E

LIBRI OCTOGESIMI QUARTI.

Sulla legatis, qui a senatu missi erant, futurum se in potestate senatus respondit, si cives, qui pulsi a Cinna ad se confugerant, restituerentur. quae conditio quum justa senatui videretur, per Carbonem factionemque ejus, cui bellum videbatur utilius, ne conveniret, effectum est. Idem Carbo, quum ab omnibus oppidis Italiae coloniisque obsides exigere vel-

Qui ab senatu missi erant, futurum se in potestate senatus] a senatu omnes mei, aliorumque scripti, et editi ante Gronov. qui anno 1665. substituit ab senatu. Tum futurum se in potestatem Berg. Boend. Norv. et edd. principes. V. ad 2, 14, 4.

Si cives, qui a Cinna pulsi ad se fugerant] Voss. et Gudiani: qui pulsi a Cinna ad se confugerant. J. FR. GRON. qui pulsi a Cinna etiam Leid. Berg. et Lov. 2. pulsi a Cinna, qui Boend. et ed. Camp. confugerant non tantum servant omnes scripti mei, Exc. Pithoei, et Norv. verum etiam edd. ante Gruterum, cujus ultima exdosis fugerant admisit.

Quae conditio quum justa senatui videretur] justa videtur ed. Camp. justa cernebatur Boend. Omnia haec vocabula desunt in Voss. Mox propter Car-

bonem Boend. Norv. et edd. vett. pro quo Ascens. anno 1513. per Carbonem emendavit; quod superest in reliquis scriptis. Saepius pp, sive propter, et p, sive per, in Mssis confundi solent. V. ad 2, 23, 12. 4, 11, 6. cap. 43, 6. 7, 3, 8. 8, 17, 11. cap. 33, 21. 34, 39, 3. cap. 41, 1. 35, 27, 15. Epit. 21. 24. et 80. Adde Cl. Oudend. ad Front. 1, 2, 4.

Idem Carbo, quum ab omnibus oppidis Italiae obsides exigere vellet] cum ab Italiae oppidis omnibus coloniisque obsides ex vet. lib. SIG. ab Italiae oppidis omnibusque coloniis Berg. ab omnibus Italiae oppidis coloniisque Lov. 2. ab omnibus oppidis Italiciis coloniisque Leid. ab omnibus oppidis Italiae coloniisque Voss. Exc. Pithoei, et ed. Camp. Tum Item Carbo Leid. Voss. Berg. et Boend. quem errorem ob minus distinctam verba praecedentis pronunciationem facillime a scribis com-

let, ut fidem eorum contra Sullam obligaret, consensu senatus prohibitus est. Novis civibus senatusconsulto suffragium datum est. Q. Metellus Pius, qui partes optimatum sequutus erat, quum in Africa bellum moliretur, a C. Fabio praetore pulsus est;

mitti potuisse, vidimus ad Epit. 69. Mox et fidem Voff. V. ad 21, 28, 8. Tum fidem illorum Voff. Exc. Pithoei, Norv. et pleraeque edd. ante Gronov. qui anno 1665. dedit fidem eorum, consentientibus Leid. Berg. Lov. 2. Boend. et ed. Camp.

Consensu senatus prohibitus] Vet. lib. *prohibitus est.* SIG. Similiter omnes nostri, Exc. Pithoei, et ed. Camp.

Novis civibus senatusconsulto suffragium datum est] Italica data civitas erat lege Julia, verum non in xxxv. tribus distributi. Ii ut distribuerentur, cum P. Sulpicius legem tulisset, eaque Sulla reverso abrogata esset; Cinna de iis cum Octavio contendit. Itaque data erat illis civitas illa quidem, sed sine suffragio; nunc vero SC. etiam suffragium adepti sunt. Appian. lib. 1. SIG. Adde, quae de hac re scripsit 3. de Ant. Jur. Ital. 1. ubi probabiliter disputat, hoc ante necem Cinnae, quae Epit. 83. narrata est, factum fuisse. De libertinis in omnes tribus distributis habet 2. de Ant. Jur. Civ. 14. DUK. V. Contaren. 1. Var. Lect. pag. 10. *de senatusconsulto* legit Berg. *to est deest* in Voff. et Boend.

Qui partes optimatum secutus erat] qui partem Leid. Berg. Lovel. 2. Boend. et ed. Camp. quod admiserunt postea Freinsh. Doujat. Cleric. et Crevier. Et solet vox pars, quae pro factione plerumque numero multitu-

dinis usurpatur, interdum etiam eodem sensu numero singulari adhiberi. Cic. 10. ad Famil. 31. *Quum vero non liceret mihi nullius partis esse.* Suet. Caes. 29. *Quum obstinatius omnia agi videret, et designatos etiam consules e parte diversu.* Hic tamen vulgatum malo. Tum *optimatum* Leid. Voff. Berg. Lov. 2. Boend. et ed. Camp. V. ad Epit. 79. Praeterea *secutus fuerat* Voff. et Berg.

Quum in Africa bellum moliretur] in Africam Voff. Verum non gessit bellum in Africam, id est, adversus populos in Africa habitantes, sed in Africa, id est, cum Romanis diversarum partium, qui Africam obtinebant. V. ad Epit. 21. Eandem ob causam in Sicilia Epit. 98. potius probandum puto, quam in Siciliam, ut quidam codd. praefereunt. Mox a Q. Fabio Voff. a C. Fabio Leid. Berg. Lov. 2. Boend. Exc. Pithoei, Norv. et edd. antt. V. infra ad Epit. 86. Viros doctos ad Val. Max. 9, 10, 2. et Pighium in Annal. ad A. V. 136LXXI. p. 255. ab C. Fabio edidit Gronovius anno 1665. Insuper *senatusque consultum perfectionem Carbonis et Marianarum partium factum est, ut omnis ubique exercitus dimitteretur* perperam Boend. Ne aliter ed. Camp. nisi quod praeferat *perfectionem et Marianarum.*

Belli adparatum contra Syllam, quod plurimum excita-

senatusque consultum per factionem Carbonis et Marianarum partium factum est, ut omnes ubique exercitus dimitterentur. Libertini in quinque et triginta tribus distributi sunt. Praeterea belli adparatum, quod contra Sullam excitabatur, continet.

batur] Vet. lib. *belli apparatus, quod contra Sullam excitabatur*. SIG. Ordinem verborum, qui ante Sigonium obtinuit, servant Boend. Norv. et ed. Camp. illam vero, quam postea Sigonius induxit, probant Voss. Berg. Lov. 2. et Exc. Pithoei. *belli apparatus, quod contra Sullam in Italiam quod excitabatur* Leid. Unde forte legendum *belli apparatus in Italia, quod contra Sullam excitabatur*; nisi potius credamus, verba *in Italiam* ex initio Epit. seq. perperam hic admissa esse. Deinde recte omnes codd. nostri, et ed. Camp. ignorant vocem *plurimum*. V. ad Epit. 69.

JOHANNIS FREINSHEMII

SUPPLEMENTORUM LIVIANORUM LIBER XLIX.

IN LOCUM LIBRI LXXXIV. T. LIVII.

U. c. 668. I. Inter haec legati, quos ad Sullam ab senatu
A. C. 84. missos fuisse diximus, cum aliis, quos adjunxerat
Sulla, in Italiam appulerunt. sed Sullani, quamprimum
Brundisii de morte Cinnae novisque reipublicae
turbis cognoverunt, omisso negotio, ad Sullam sunt
reverti, et mandata Sullae ceteris perferenda relique-
Sulla man-
data ad se-
natum.
runt. Negaverat autem, cum tantorum scelerum auctori-
bus unquam sibi privatim amicitiam fore: sed pacis publicae
caussa voluntati senatus populi que Romani, siquidem salvos cu-
piat, non intercedere. Sibi tamen curae fore, ut et ceteri
boni, et qui ad se confugissent, perpetuo tuto degant: idque se
sperare adepturum, quod haberet studia exercitus.

Conditiones
ab eo propo-
sitae.
II. De cetero futurum in potestate senatus, si cives, qui
a Cinna pulsi ad se fugissent restituerentur; sibi que pristina
dignitas, facultatesque, et sacerdotium, et quidquid ante Cin-
nae primum consulatum habuisset, redderetur. Non ita se de
republica meritum, ut ad arbitrium inimicorum domo, fortu-
nis, bonoribusque carere debeat. Eadem omnia pari vi, atque
ablata ab adversariis essent, retineri, aut recuperari a se
potuisse. verum enimvero nolle imitari exempla, quorum non
approbationem modo, sed omnino memoriam, deleri ex animis
hominum malit. Idcirco nihil his rebus advocatum aut deter-
ritum non aliter hostes populi Romani gravi continuoque bello
persecutum esse, quam si omnia domi tranquilla, sibi que pro-
spera et faventia fuissent. Non supplementum sibi, non com-
meatum, non pecuniam aut arma submissa: nec eo secius pra
eadem illa Italia atque illa urbe suum corpus insensissimis hosti-
bus objecisse; quam plenam quidem etiam bonorum honestorum-
que virorum, sed tamen a diversa factione oppressam atque co-
actam sibi adversari, scires.

Cap. I. Appian. Civil. l. 1. Cap. II. Liv. Epit. Appian.

III. Non injusta senatui conditio videbatur: sed per Carbonem ejusque satellites, quibus bellum cordi erat, effectum est, ne conveniret. Quin et violentius in Sullanarum partes ira malorum civium recrudit, tribunusque plebis P. Popillius Laenas Sex. Lucilium, qui superiore anno tribunatum gesserat, quod Carbonis actionibus restitisset, de saxo Tarpejo dejecit: et quum collegae Lucilii, quibus diem P. Laenas dixerat, metu ad Sullam profugissent, aqua ignique iis interdixit. Nam ab illo collegio coactus Carbo, contra animi sui sententiam, comitia consularia habere coactus fuerat, quibus L. Scipio, C. Norbanus designati sunt.

U. c. 668.
A. C. 84.
*Carboniarum ini-
quitas,*

IV. Igitur, tantis animis resurgente factione Carbonis, senatus etiam sententiam eorum sequi adactus est, qui bello contendendum cum Sulla censuerant. Neque enim dimissurum eum milites, sed horum opera abusurum ad dominationem. Non obscure ab eo jactatum esse favorem exercitus, baud dubium animi ejus argumentum. Jam a tot annis nihil illum aliud, quam civile bellum, meditari. Nec iniquissimae cum Mario aemulationi tam propositum ejus, quam opportunitatem et tempus, defuisse: Cimbricis primum, deinde socialibus intervenientibus bellis. Postmodum, quum esset auctus consulari dignitate, paulloque factus robustior, non distulisse, quin suum olim imperatorem insidiis armisque peteret. Mox etiam reipublicae palam intulisse bellum, et urbem, quod ante cum fecisset nemo, vi ac armis occupasse.

*Bellum cum Sulla
volentium,*

Accusantiamque Sullae acta.

V. Ne in Graecia quidem et Asia, quamquam fervente Mithridatico bello, temperare potuisse, quominus L. Valerium, ab senatu in Asiam missum, et, postquam ille sit interfectus, C. Fimbriam armis peteret; legionesque Valerianas, citra senatus aut populi auctoritatem, suum sub imperium acciperet. Et illam inauditam Romanis moribus licentiam, qua sibi legiones fidas exitio Asiae facere studeat, non alterius profectio, quam civilis, belli sacramentum esse. Praeterea inflatum vi-ctoria Mithridatica, et adjutum copiis paullo auge hostilibus, aurum Ponticum navesque et auxilia barbarorum in patriae perniciem adducere.

VI. Igitur neque sibi committendum rati, ut impares deprehenderentur; non solita tantum praesidia, sed quaedam etiam inusitata ac nova sunt moliti. Carbo consul ab omnibus oppidis Italiae coloniisque ob- sides exigebat, ut fidem illorum contra Sullam obli-

*Carbo ab Italia civi-
tatibus ob-
sides exigit.*

Cap. III. Liv. Epit. Vell. 2, 24. Appian. Cap. VI. Liv. Epit.

U. c. 668. garet: donec perniciosi moris exemplum consensu se-
A. C. 84. natus adversantis cohibitum est.

Eos animo- VII. Nec omittenda M. Castricii Placentini constan-
se negat Ca- tia, qui forte magistratum in patria gerebat, quum
stricius Pla- eo consul obsides accepturus ipse venit. Sed petenti,
centinus. decretum ea re de fieri, Castricius, neque nomen
consulis, neque mores Carbonis, ne legiones quidem,
quas adduxerat, veritus, pernegavit. quumque iratus
Carbo dixisset, *multos ego gladios habeo*, nihil cunctatus
subjecit, *Ex ego annos*. Sic et inceptum Carbonis irri-
tum fuit: et ira, magni doloris tenuem e senili san-
guine vindictam aspernata, detumuit. Depulsus hac
spe consul, ne nihil obtinuisse videretur, ad novos
cives libertinosque recenti beneficio arctius adjungen-
dos convertit animum; effecitque, ut illis suffragium,
qua de re certatum toties fuerat, senatusconsulto da-
retur.

Q. Metellus VIII. Sub id tempus Africam quoque inquietam
exercitum in civilis belli quaedam initia habuerunt. Q. Metellus
Africa co- Pius, qui partes optimatum sequutus erat, haud con-
gens, temnendas ibi copias habebat: a suis et patris Numidi-
ci clientibus haud segniter adjutus. Accesserat M.
Crassus adolescens, qui inter Cinnanam Marianamque
rabiem, qua pater ejus fraterque sunt absumpti, in
Hispaniam elapsus, multis mensibus in spelunca qua-
dam latuerat. Is, cognito Cinnae interitu, progres-
sus in lucem, concurrentibus ad eum multis, homi-
num duo millia quingentos armaverat; et, civitates
obiens, quod cum patre praetore multos ante annos
in Hispania fuerat, hospitum amicorumque voluntates
experiebatur. Inter haec quum de Metello audisset,
naves adeptus, ad eum in Africam trajecit. Sed illae
bellorum minae, tamquam nubeculae, sine tempestate
transierunt. Nec diuturna inter Metellum Crassumque
concordia fuit: relictoque illo ad Sullam adolescens
profectus est; Metellum C. Fabius praetor expulit A-
frica, rursusque ad pristinam in Liguribus latebras re-
verti, adventumque Sullae opperiri coegit.

A C. Fabio
expellitur.

U. c. 669.

A. C. 83.

L. Corne-
lio, C. Nor-
bano Coll.
Senatuscon-
sultum de di-
mittendis ex-
ercitibus.

IX. At in urbe, L. Cornelio Scipione, C. Norba-
no consulibus, Carbonis factio Marianaеque partes
senatusconsultum fecerunt, *ut omnes ubique exercitus di-*
mitterentur. quod si esset factum, dubitari non poterat,
quin, quorum in manu ad id temporis respublica fuis-

Cap. VII. Val. Max. 6, 2, 10. Liv. Epit. Cap. VIII. Plut.
Crass. c. 9. Liv. Epit. Appian. Cap. IX. Liv. Epit.

set, penes eosdem in posterum quoque permansura summa rerum esset. Praeterea libertinis, qui tum, eadem adnitente factione, in quinque et triginta tribus distributi erant, novisque civibus omnibus ad quaelibet uluri videbantur.

U. c. 669.
A. C. 83.

X. Nec tamen eo secius, quia non erat ambiguum, ne sexcentis quidem senatusconsultis compelli Sullam ad dimittendas copias posse, ad imminens bellum summa contentione omnia parabantur. Tantaeprofecto rerum omnium, et praecipue militum, contractae copiae sunt, ut in commentariis suis Sulla scripserit, *se adversus quindecim partium adversarum duces, quadringentis et quadringenta cohortibus instructos, in Italiam transmississe. alii, cohortes ipsis quingenarias fuisse ducentas statim ab initio, tradunt: posteaque, auctum eum numerum esse, quod Sulla, ab externis oris veniens, hostis Italiae videbatur; consules et Carbo privatis studiis reipublicae amabile nomen obtenderant.*

*Carbonia-
norum ap-
paratus.*

XI. Vulgus igitur certatim sacramento dicebat, tot illud virorum auctoritate commotum, qui partibus se duces offerebant. Nam praeter eos, qui modo sunt memorati, Ap. Claudius, Q. Sertorius, C. Marius adolescens, M. Marius, clara nomina aderant: praeterea Marcii, Bruti, Albini, quibus insuper Albinovanus, Flavius Fimbria Caji frater, Damasippus, et ab Italia M. Lamponius, Pontius Telesinus, Guttus Capuanus accesserunt.

Et duces.

XII. Interim Sulla, certus in Italiam transire, per Thessalos et Macedoniam Dyrrhachium profectus est, ubi classem ad copias transponendas occurrere jusserrat. Hic loci Satyrum, quales a pictoribus et poetis finguntur, adductum ad Sullam ferunt, in Nymphaeo captum, quum forte somno operam daret. Juxta Apolloniam, vicinam Dyrrhachio, Nymphaeum est, sacer tum locus: ubi, in virenti et laeta valle campisque florentibus, subterranei ignis venae perpetuis velut fluctibus evolvuntur. Eum igitur Satyrum, multis adhibitis variarum gentium interpretibus, unde aut quisnam esset interrogatum, quum humanam vocem nullam, sed velut ex balatu hinnituque confusum sonum edidisset, Sulla pro monstro averlatus esse traditur. Nec ultra reperio, dimitti jusserit, an vero occidi, aut quid omnino sit eo factum.

*Satyrum
ad Sullam
adducitur.*

Cap. X. Appian. Plut. Sull. Appian. Cap. XII. Plut. L. Ampel. Plut.

U. c. 669. XIII. Sed, postquam in Satyrorum mentionem in-
 A. C. 83. cidimus, neminem reprehensurum puto, si, quae de
De ea re his mihi lecta aut credita sunt, paucis aperuero. Jam
excursus. primum, ut alia passim occurrunt in natura parum
 convenientia legibus, quas humanae opiniones ima-
 ginantur, ita mixtas hominum ac belluarum formas ex-
 sistere posse, rationi minime repugnat. Sed ex eadem
 ratione manifestum est, non ideo statim exsistere, quid-
 quid potest; et de omni re extraordinaria, nisi bonis
 testibus, inepte credi; nec illis tamen ultra creden-
 dum, quam quoad idonei testes esse possunt.

XIV. Igitur in praesenti negotio, conspectas ejus-
 modi formas semicaprorum, cum lascivis foedisque
 gestibus, non negaverim: id enim a multis est pro-
 ditum. animaliumne fuerint ea corpora, an vero dae-
 monum fraudes, id illi quidem distinguere haudqua-
In Atlante quam potuerunt. Montem Atlantem, qua spectet A-
Satyrorum fricam, laetum amoenumque spontaneis fructibus, in-
iusus. terdiu vacuum cerni; eundem noctibus micare cre-
 bris ignibus, Aegipanum Satyrorumque lascivia im-
 pleri, tibiaram ac fistulae cantu tympanorumque et
 cymbalorum sonitu plusquam humano strepere, cele-
 brati auctores prodiderunt. Etiam in Aethiopia juxta
 silvas ebeni, montemque aeternis ignibus flagrantem,
 modicos colles amoenae opacitatis cum Aegipanibus
 et Satyris quidam posuerunt.

XV. De his ita sentio, quum Africa monstris ab-
 undet, solitudinibus horreat, fieri potuisse, ut emi-
 nus conspecta animalia fidem praeternavigantibus fe-
 cerint superstitione jam occupatis: deinde solita lon-
 gis peregrinationibus vanitas accesserit, nova et mira
Satyri si- narrandi. Certe, simiorum gregibus, mira varietate
miorum ge- generum, Africam refertam esse, non ambigitur; e-
nus. quibus etiam fuerunt, quos antiqui *Satyros* appellarent.
 Et nota est animalis lascivia, cavenda mulieribus, qua-
 rum concubitus appetunt, velut a natura decepti,
 quae similia ipsorum feminis membra dedit. Sed ista
 quemadmodum fabulis veterum satis conveniunt, ita
 quod de cantu tibiisque et cymbalis additur, longissi-
 me abhorret. Nullum enim animal, praeter hominem
 musicae numerorumque scientiam habere potest. Igi-

Cap. XIV. Plin. 5, 1. Solin. c. 27. Mela, 3, 10. Plin. 6, 30.
 Cap. XV. Tac. Ann. 2, 24. Plin. 8, 54. Aristot. Histor. Ani-
 mal. 2, 8.

tur, si quid tale revera auditum est, quod mihi valde sit probabile ob causas, quae subjungentur, id omnino aut hominibus adscribendum, aut geniis putem.

U. c. 669.
A. C. 83.

XVI. Sane Paracelsus, et qui ejus deliramenta sequuntur, de Faunis, Nymphisque, et Pygmaeis nefaria multa tradiderunt, quomodo non solum conversari cum hominibus, sed etiam misceri connubiis, atque hinc adipisci animam humanam possint: quae nec vera sunt; et, si essent, nulla cognosci aut ratione humana, aut experientia queant. Sunt hae deceptorum spirituum strophae, modis omnibus curiosam et incautam hominum naturam in praecipitium illicere satagentium: cujus etiam farinae fuisse censeo pleraque omnia, quae de Faunis atque Aegipanibus exempla referuntur.

*Paracelsi
de Satyris
impiae nu-
gae.*

XVII. Ne hoc quidem exceperim, quod Antonio, solitariae vitae principem Paulum quaerenti, homunculum aduncis naribus, fronte cornibus asperata, cum caprinis pedibus occurrisse narrant; interrogatumque (nam verba ipsa ponam) respondisse; *Mortalis ego sum, et unus ex accolis eremi, quos vano delusa errore gentilitas Faunos, Satyrosque, et Incubus vocans colit. legatione fungor gregis mei: precamur, ut pro nobis communem Deum deprecetur, quem pro salute mundi venisse cognovimus, et in universam terram exiit sonus ejus.* Haec dicentem volucris celeritate aufugisse.

*Fabula de
Satyro et
Antonio ere-
mita.*

XVIII. Quis haec ludibria sive astuti daemonis, si ve nugatorum hominum non deprehendat? Illum, scilicet, mortalem, quisquis tandem aut cujatis fuerit, praescisse, qua transiturus esset Antonius; cognosse non antea visum; eo sermone, quo intelligi posset, alloquutum esse? Deinde negotium ipsum quam ineptum! legatio unius pro omnibus, qui fortasse, ne unus, aut plures venirent, cura domesticarum rerum attinebantur! deinde petitio, nescio stultior, an scelerior, CHRISTUM pro se deprecandi: quasi aut hic Satyrorum causa naturam humanam adsumpsisset; aut illis, si ad se pertinere hoc beneficium credidissent, Antonius fuisset expectandus, nec intra trecentos annos DEUM aut per se potuissent, aut per alios, exorare! Sed, ne cetera examinemus, ipse quoque tam velox discessus, non expectato responso, arguit, aut

*Nugis hu-
manis, aut
diabolico lu-
dibrio ad-
scribenda.*

Cap. XVII. Hieron. in vita Pauli, p. 71.

U. c. 669. senatui populoque Satyrorum rem istam haud sane cor-
 A. C. 83. di fuisse: aut stultissimum unum omnium oratorem de-
 lectum, qui tantam rem tam negligenter egerit.

*Fabula de
 Sileno et Mi-
 da.*

XIX. Ejusdem generis ille Silenus fuit, (si Theo-
 pompo Chio egregio fabulatori non omnino denegan-
 da fides est) qui Midas regi multa exposuit, falsa qui-
 dem omnia, sed mirabilem habentia similitudinem ve-
 ri: non eam dico, quae veritatem doceat, sed quae
 aliunde cognitam possit ad fabulae opinionem addu-
 cere.

*Spectrum
 apparuisse
 Midas ar-
 guit.*

XX. Nam duae certe civitates sunt in mundo, de
 quibus multa docte pieque Augustinus scripsit: qua-
 rum altera non immerito *pugnax*, altera *pia* nomine-
 tur. Et, quod ille *de fructibus tristitiae laetitiaeque* Mi-
 dae tradidit, videntur duarum paradisi arborum, pro-
 hibitae nimirum et vitalis, historiam malitiosis fabu-
 larum involucris operire. Ut mihi non fiat incredi-
 bile, homini curioso et mago, qualem fuisse Midam
 annulus, quem ei tribuit Plinius, et alia quaedam ar-
 guunt, sub illa figura daemonem talia respondisse.
 Nam et ipse fingeat, *mediae se naturae inter divinam
 humanamque compotem*; quod genus antiquis *daemonum* ap-
 pellatione veniebat, quamquam conditionem eorum
 ignorantibus. Illud vero responsum, quod Midas de-
 dit, *non nasci homini longe optimum esse; proximum autem,
 quamprimum mori*; quam est plenum diabolici mendacii,
 et ad desperationem adigendi efficax?

*Midas Or-
 pheï praesti-
 giatoris di-
 scipulus.*

XXI. Sed et ipsa Sileni captura, quam narrant,
 magicis caerimoniis et sacrificiorum imitationi proxi-
 ma est. Fontem enim, medio loco situm inter Paeo-
 nas atque Medos, vino diluisse tradunt: ut sic aquis
 eis uti solitus Silenus non animadversa vini fraude
 caperetur. Nam et haec inter artes est inimici spiri-
 tus, ut iis rebus teneri se posse fingat, quarum nulli
 haec a Deo per naturam insita facultas est: quo magis
 temerarii homines erroribus et superstitione irretiti
 capiantur. Neque haec aliena erant Midas institutis,
 quum esset Orpheï praestigiatoris discipulus, divitia-
 rum et regni nihil ad se pertinentis cupitor. Igitur
 nec illos sequendos arbitror, qui Silenum, ut illis

Cap. XIX. Aelian. Hist. Var. 3, 18. Cap. XX. Plin. 33, 1.
 Aelian. Aug. de Civ. Dei, 8, 14. Aristot. apud Plut. de cons.
 sol. ad Apollon. Cic. Tusc. 1, 48. Cap. XXI. Maxim. Ty-
 rius, Dissert. 30. Conon apud Phot. Voll. Idololat. 1, 21.

temporibus, naturae et omnis antiquitatis intelligentissimum hominem fuisse interpretantur. Nam hanc quidem expositionem omnia dicta dicendaque refutant. U. c. 669. A. C. 83.

XXII. Quod si forte verum est, (nam penes auctorem sit fides) quod, regnante Constantino, visum Alexandriae Satyrum Hieronymus descripsit, cujus etiam defuncti pellem Antiochiae spectavit imperator; eum quidem monstrosum fuisse partum arbitror, qui potuit ex tabella picti Satyri non aliter movisse imaginatricem facultatem gravidae, quam fuit in illis mulieribus factum, quae secundum tabulas pictas, quae in cubili erant locatae, foetus aut venustate praecipuos, aut deformitate insignes ediderunt. *Satyrus Alexandriae visus.*

XXIII. Sed ille nimirum Satyrus, neque lingua humana usus, neque tale quidquam, quod suis antiqui tribuerunt, fecisse traditur. Quemadmodum intra hos ducentos annos superiore saeculo vir ferus in silva S. Germani prope Villingam oppidum fuisse memoratur, consortium hominum fugiens, nudoque corpore per aestatem ac hyemem, radicibus herbisque victitans, et aquam bibens ex foetidis paludibus. Ideoque fraudes malignorum spirituum, et incredibile in nostrum genus odium reputanti, vix aliud persuaderi queat, quam antiquorum illas de Satyris opiniones non temere natas, sed ex diaboli praestigiis initium habuisse. *Vir ferus prope Villingam.*

XXIV. Vox ipsa atque nomen ab Hebraeis desumptum, si Faunum aut Panem voces, nihil aliud, quam faciem, aut apparitionem spectri; sin Satyrum, occultum et in abdito latentem signat. Nam Panem Graeci, Latini Faunum, Germanicae gentes Fanum, solenni litterarum istarum commutatione, dixerunt: Deum esse putantes, quem sic nominarent. Unde Germanis signa militaria sunt hoc nomine appellata, quod hodie quoque manet; quia, sicut aliae gentes Herculem, aliosve Deos, ita horum majores Fanum pro vexillo praetulerunt copiis suis, quod ita facile superiores se hostibus fore ratiocinabantur, si tamquam duces belli Deos sequerentur. Eundem et *Tanfanam* vocaverunt, quasi silvestrem Fanum dicerent. *Fauni aut Panis nomen spectrum notat.*

Cap. XXII. Hieron. in vita Pauli, p. 71. Cap. XXIII. Camerar. Oper. sub. Cap. XXIV. Curt. 8, 14. Tac. Germ. c. 7. Tac. Ann. 1, 51.

U. c. 669.
A. C. 83.
*Spectra cur
humanam fi-
guram ca-
prina misce-
re ament?*

XXV. Hic igitur Fanus saepe in silvis apparebat ea forma, qua pingitur, humanam speciem imitans, sed corruptam; (quemadmodum corrumpi et naturam cupit) hircinam adsumens, propter petulantiam animalis, quo nullum in Venerem noscitur esse proclivius: quod et matrem, cujus adhuc uberibus alitur, stupro supervenit; et cum alias, tum praecipue tempore coitus omnium est foetidissimum. Quapropter immundissimo spiritui non aliud in natura animalium visum est genus, exprimendae suae similitudini accommodatius.

*Pancur fa-
cie rubra
pingatur?*

XXVI. Ergo et Aegyptiis in forma semicapri apparuit, Mendes ab ipsis dictus, quo nomine et animal ipsum appellabant: idemque ab his pariter, atque Pan a Graecis, pictus est. Et Herodotus quidem monstrosae formae causas exponere verecundatur: quod nempe arguit, parum honestas aut Deo dignas audivisse. faciem autem rubram propter aetheris similitudinem ei tribui, quidam existimarunt: ego factum reor ideo, quod tali figura et ignito vultu fuit conspectus. Et ad hunc ferme modum apparere in nocturnis lagarum orgiis daemonem, concordi prope-modum confessione omnium firmatur.

*Satyri lo-
quentes dia-
boli fuerunt.*

XXVII. Nec mirandum fuerit, si, quae memorantur ab antiquis de Satyrorum nocturnis lusibus, tripudiis, cantibus, ad simile quoddam diabolici ludi commentum referamus. Nam talia multis locis audiri feruntur, et in Lopensi eremo, quae in ditione erat Tatarorum, quum iis locis Marcus Paullus Venetus degeret.

*Similes a-
liae praesti-
giae daemo-
num.*

XXVIII. In summa, si quod ea figura repertum sit animal, monstrosum fuisse, idemque rationis ac sermonis humani expertus crediderim; ubi vero loquellae intervenerit usus, spectra larvasque mali daemonis. Ut ista sint ex eodem genere prodigiorum, quo apud Sambulon Parthicae ditionis montem Herculem venari; Achillem, Helenae matrimonio junctum, Leucen incolere, Tauricae Cherfonnesi insulam; eundemque oppugnatas ab Alaricho Athenas defendisse creditum est. Quos vero ludos spectrum edidit, quod

Cap. XXV. Heresbachius, de re rustica, l. 3. Taubmann. in Plaut. Men. Act. 5. Sc. 2. v. 85. Cap. XXVI. Herodot. 2, 46. Serv. ad Virg. Eclog. 2, 31. Cap. XXVIII. Tac. Ann. 12, 13. Pausan. l. 3. Plin. 4, 12. Zosimus, l. 5.

sub forma magni Alexandri cum bacchabundo agmine per Asiam incessit, longoque post tempore disparuit, Heliogabalo imperante? Nec ab his abludunt, quae de Graecis Heroibus Philostratus, de Arturo Britanni, de Valdemaro Dani, multique alii, de suis quisque, populi jactant. Sed, omissis hoc genus praestigiis, ad Sullam, unde discessimus, revertamur.

U. c. 669.
A. C. 83.

XXIX. Is ergo, contra suos adversarios transmis- *Sulla suos*
surus, ceteris ferme satis fidebat; hoc uno angeba- *jurejurando*
tur, quod trajectos in Italiam milites, ubi patrium *adstringit.*
solum adspexissent, ne desertis signis dilaberentur, metuebat; aut, quod solenne civilibus bellis est, hostiliter vexarent Italiam. Ceterum, hic etiam ferente fortuna usus, ultro offerentes jurejurando adstrinxit, mansuros apud signa, neque molestos cuiquam sponte sua fore. Quin et, pecunia eum indigere rati, pro sua quisque copia conferebant. Ille, mirifice delectatus tanta militum benevolentia, vocatos in concionem sic adfatus est.

XXX. Si mihi prima haec dies experiundi animos vestros *Ejus ora-*
esset, milites, mihi quidem plurimum gratularer, qui tales *tio ad mili-*
haberem copias; sed subtimerem tamen, ne forte subito ardor *tes.*
benevolentiae, postquam aliquid praeter opinionem offendissetis, exstingueretur aut teperceret. Nunc autem, post vos omnium temporum documenta, quae per complures annos et ego vobis, et vos mihi dedistis, adeo fundatus atque radicans est mutuus amor, ut mihi nihil aliud cogitandum reliqueritis, quam quemadmodum vos, sicut optimi omnium estis, ita beatissimos omnium efficiam.

XXXI. Erant mea, nec enim vana haec est gloriatio, *Gratias a-*
erant, inquam, erga vos multa et magna merita mea; sed *git militi-*
vicissim ea virtus vestra est, eaque fides, benevolentia, cari- *bus.*
tas, ut militibus meis ultro gratias agam imperator. Quod enim certius offerre Dii immortales bene gerendae rei pignus posuerunt, quam tantam inter adversas partes nostrasque animorum dissimilitudinem, ut inde odiis, convitiis, caedibus, hic officiis et amore inter milites imperatoremque certetur?

XXXII. Enimvero virtute vestra satis sum in praesentia dives. liberalitate vestra non utar: animos accipio proboque,

Cap. XXVIII. Xiphilinus, Heliogab. Sigibertus. Cap. XXIX. Plut. Sull. c. 51.

U. c. 669. quos donec mihi praestiteritis, praestabitis autem semper, ni-
 A. C. 83. bil mihi defuturum est. Operam autem dabo, ut non modo
 haec, quae adsunt, laborum praemia retineatis, sed etiam
 longe pluribus majoribusque cumulemini. In hanc deinde
 sententiam multa addidit, occasionem tam commodam
 tenens, animosque omnium suavi oratione permulsit.
 Ita fidos duci ad reliqua, et robori suo fortunaeque
 fidentes, ad quadraginta virorum millia (quinque le-
 giones erant, et Achajae Macedoniaeque auxilia, et
 cujusque generis equitum sex millia) in naves impe-
 suit.

EPI-

Cap. XXXII. Appian. Civil. l. 1.

EPITOME

LIBRI OCTOGESIMI QUINTI.

Sulla in Italiam cum exercitu trajecit, missisque legatis, qui de pace agerent, a consule C. Norbano violatis, eundem Norbanum proelio vicit. Et quum L. Scipionis alterius consulis, cum quo per omnia id egerat, ut pacem jungeret, nec potuerat, castra obpugnaturus esset, universus exercitus consulis, sol-

Sulla in Italiam cum exercitu trajecit] Sulla Italiam Voss. Livium ejusque exemplo auctorem Epitomarum interdum ita locutos esse, vidimus ad 10, 37, 1. 33, 41, 6. et ad Epit. 59. Quum tamen reliqui codd. praepositionem tueantur, potius dicendum videtur, *to in*, vel *i*, a litera initiali vocis sequentis interceptum esse. Alia ejus erroris exempla vide ad 2, 47, 6. 3, 41, 6. 4, 32, 10. 21, 24, 4. 22, 30, 8. 23, 11, 7. 24, 4, 4. et saepius alibi.

Et a consule Cn. Carbone et C. Norbano violatis] Emenda a consule C. Norbano. Erat enim hoc anno consul C. Norbanus cum L. Scipione. Itaque sequenti versu ait, cum L. Scipionis alterius consulis exercitu; alioquin, si Carbo consul esset, *tertii consulis* fuisset dicendum. SIGON. Sigonio, voces *Cn. Carbone et* ejicienti, consentire Exc. Pithoei, auctor est Hearnius. Sed a consule *Cn. Norbano* legunt Leid. Lov. 2. Berg. Voss. Boend. et ed. Camp. nisi quod duo priores

praeferant ab consule, ut Gro-nov. anno 1665. edidit. Verum consuli Norbano praenomen *Ca-jus* fuit, ut docet Pighius in Ann. ad A. V. 1361. pag. 248. V. etiam Sigon. ad Epit. LXXXIX. Alii eum *Quintum* vocarunt; quos errasse, recte docet Cl. Duker. ad Flori 3, 21, 18. Insuper particulam *et*, ab initio horum verborum, auctoritate ed. Camp. ex contextu sustulit Clariss. Crevierius: cujus emendationem firmat auctoritas Voss. et Berg. Eam tamen si quis servare malit, legendum erit *violati sunt*, pro *violatis*. V. ad 45, 17, 5. Verum prius malo.

Cum qua per omnia id egerat, ut pacem jungeret] Duae primae voces desunt in Voss. sed *qui per omnia*, pro *cum quo*, legit Leid. Ut ita Scipio, non Sulla, ex animo de pace egisse dicatur. Huc itaque facere posset, quod Sullam simulate de pace egisse referant Appian. 1. B. Civ. 401. et Plutarch. in Sulla pag. 469. At Freinsh. in Supplem. cap. 8. plus fidei in rebus patriis tribu-

Supplem. Liv. Tom. XIII.

N

licitatus per emissos a Sulla milites, signa ad Sullam transtulit. Scipio, quum occidi posset, dimissus est. Cn. Pompejus, Cn. F. ejus, qui Asculum ceperat, conscripto voluntariorum exercitu, cum tribus legionibus ad Sullam venerat; ad quem se nobilitas omnis conferebat, ita ut deserta urbe ad castra veniretur. Praeterea expeditiones per totam Italiam utriusque partis ducum referuntur.

endum existimat scriptoribus Romanis, Auctori Epitomes, et Vellej. 2, 25. qui Sullam bona fide concordiam quaesivisse testantur. Ceteri etiam codd. vulgatum hic tumentur.

Per emissos ab Sulla milites] per omissos Voss. per amissos Berg. per ammissos Boend. unde faciendum videtur per immissos. Praestat tamen, ut vulgatum, pro quo stant Leid. et Lov. 2. cum omnibus editis servemus. Deinde ab Sulla Gronov. anno 1665. substituit, quam priores haberent a Sulla; quod non tantum servant Exc. Pithoei, et Norv. testante Hearnio, sed etiam omnes nostri. Mox quum occidi posset, pro interimi, Leid. Voss. Berg. Lov. 2. Boend. Exc. Pithoei, et ed. Camp. quod admisi. V. ad Epit. 57.

Ceperat, conscripto voluntariorum exercitu] Voss. ceperat scriptus cum scripto. Gud. ceperat scriptus conscripto. Fortasse: ceperat, privatus, conscripto voluntariorum exercitu, cum tribus legionibus ad Sullam venit. Ad quem se. Auctor de B. Afric. [22.] Privatus atque adolescentulus, paterni exercitus reliquiis collectis, etc. J. FR. GRON. conscripto quidem voluntariorum exercitu editi an-

te Gruterum, qui tò quidem recte omisit, consentientibus omnibus nostris, Exc. Pithoei, et ed. Camp. V. ad Epit. 55. Praeterea ceperat, scriptus cum scripto voluntariorum Berg. ceperat scriptus voluntariorum Exc. Pithoei. ceperat scripto voluntariorum Leid. ceperat conscripto voluntario Lov. 2. Vulgatum servant Boend. et ed. Camp. Vocem privatus hic excidisse, mihi persuadere nequeo. Paulo ante Cn. Pompejus, Cn. Pompeji filius, ejus qui Berg. et Boend. a quibus in eo tantum differt ed. Camp. quod vocem ejus nesciat, Cn. Pompejus, ejus Cn. Pompeji filius, qui Leid. et Voss.

Ita ut deserta urbe ad castra veniretur] ita ut ad deserta castra veniret Boend. ita ut deserta ad castra veniretur ed. Camp. In praecedentibus nobilitas transferebat Voss.

Expeditiones per totam Italiam] per universam Italiam Exc. Pithoei, Norv. et edd. ante Gronovium, qui per totam Italiam substituit, consentientibus Leid. Voss. Berg. Lov. 2. Boend. et ed. Camp. Et hinc eam lectionem servavi, licet Freinsh. Doujat. Clericus, et Crevierius, alteram receperint. V. ad Epit. 52.

JOHANNIS FREINSHEMII

SUPPLEMENTORUM LIVIANORUM LIBER L.

IN LOCUM LIBRI LXXXV. T. LIVII.

I. Sullana classis apud Brundisiumne, an Tarentum, U. c. 669.
copias exposuerit, ambiguum diversi auctores faciunt. A. C. 83.
credi tamen potest, neutros falsa dicere, quod tanta *Sulla in I-*
navium multitudine (mille ducentas alii fuisse, alii *tatiam tra-*
quadringentis auctiorem numerum produnt) uterque *gicis.*
portus repleri potuerit. Brundisinis certe, quod prom-
pte exceperunt venientes, concessam ab Sulla immuni-
tatem ad sua tempora durasse, Appianus testis est.
Vicissim Plutarchus Sullae, Tarentum appulso, statim-
que sacrificanti jecur apparuisse dicit coronae figura,
lemniscorumque inde dependentium. Quum deinde
per Calabriam Apuliamque cum singulari modestia ex-
ercitus, ut non hominibus tantum oppidisque, sed
etiam agris et frugibus parceretur, in Campaniam con-
tenderet; Q. Metellus cum suis copiis in itinere ad
eum venit; duoque hi imperatores pro consulibus,
honore potius, quam potestate, pari, res administrare
coeperunt.

II. Legatis deinde mittendis iterum tentata spes *Legati Sul-*
pacis, justaeque conditiones propositae. sed, violatis *lae a consu-*
a consule Norbano legatis, tantus ardor Sullanorum *le Norbano*
fuit, ut, priusquam ordinari acies posset, lymphatis *violantur.*
similes in hostem impetu incurrerent. C. Norbanus
consul cum C. Mario adolescente magnas copias inter
Capuam et Casilinum, Vulturno adsitam coloniam,
habebat: quo loco, paullo antequam in Italiam Sulla
transcenderet, duae acies, cum horrendo fragore ar-

Cap. I. Vellejus, 2, 24. Appian. Civil. l. 1. Plut. Sull. c.
6. Appian. Vell. Appian. Cap. II. Liv. Epit. Vell. Liv.
Epit. Plut. Jul. Obseq.

U. c. 669. morum, signorumque strepitu, per plures dies visae
 A. C. 83. concurrere, sensim e conspectu hominum in aërem
 elatae evanuerant, relictis equorum hominumque ve-
 stigiis, herbisque ac virgultis velut recens protrititis.

*Sulla vin-
 cit Norba-
 num.*

III. Proelio commisso, neque pugna anceps, ne-
 que caesorum utrimque numerus alius fuit, quam si
 hinc mulieres, inde viri constitissent. septem millia
 de Norbani exercitu ceciderunt; sex millia capta sunt:
 Sulla milites, haud amplius centum, viginti quatuor a-
 misit. Victis Capua receptus fuit. Victores hoc velut
 omine belli laeti, quamquam multis partibus amplio-
 rem esse hostium numerum sciebant, se tamen supe-
 riores futuros rebantur: idque causae fuisse Sulla tra-
 didit, cur non in oppida dispergerentur, quod ille fa-
 cturos timuerat. Ergo faciles duci, quo imperatori-
 bus videretur, Teanum Sidicinum processerunt.

*Capitolii
 incendium.*

IV. Inter eundem Pontii cujusdam servus fanaticus
 adiit Sullam, victoriamque se ei nunciare dixit Bello-
 nae jussu: ceterum, ni maturaret, Capitolium arsu-
 rum: idque factum est ante diem pridie Nonas Quin-
 tiles, quem ille diem praedixerat. Ea res prodigii
 loco habita, quod summae religionis templum, supra
 annos quadringentos accuratissima custodia servari so-
 litum, ne origine quidem intendii cognita, unam in-
 tra noctem deflagrasset. Libros quoque Sibyllinos,
 quos in ea aede Tarquinius locaverat, ille ignis hau-
 sit. Aeditui negligentiam alii, quidam insidias fuis-
 se; id quoque varie, Carbonem aliis aut consules,
 aliis Sullam incusantibus; magna pars flammam divi-
 nitus immissam, uti cuique mens dictaverat, cogitata
 pro compertis adferebant.

*Belli Sul-
 lani prodigi-
 a.*

V. Vestae templum sub idem tempus ignibus cor-
 reptum minime certis incendii auctoribus traditur, et
 motu terrae multa in urbe templa corruisse, inter istius
 belli prodigia relatum est. additur et mulae partus: et
 mulieris nixu serpens in Etruria apud Clusinos edi-
 tus, qui, jussu haruspicum in profluentem dejectus,
 adversa aqua nataverit. Sed omnia haec pro Sulla
 faciebant; dum, adversariis aspera et foeda quaelibet

Cap. III. Plut. Oros. 5, 20. Eutrop. Appian. Plut. Appian.
 Cap. IV. Plut. Euseb. Chron. et 4. Praeparat. 81. Plut. Ap-
 pian. Tac. Hist. 3, 72. Cic. in Verr. 4, 31. Dionys. 4, 70.
 Jul. Obseq. Cap. V. Cassiod. Chron. Tac. Cic. Euseb.
 Praeparat. 4, 81. Appian. Jul. Obseq.

timentibus, hujus partes utiliore stultitia suae victoriae causa Deos ista omnia moliri interpretantur.

U. c. 669.
A. C. 83.

VI. Ergo, multis bonisque ad eandem spem confluentibus, quotidie egregia incrementa sumebant. Metellus praecipuo suscitamento erat, quem, sanctae integraeque constantiae virum, numquam adhaesurum illi causae putabant, nisi justiore esse patriaeque utiliore cognovisset. Etiam contrariae factionis multi ad Sullam accedebant, quorum vel praecipuus P. Cethegus, qui cum Mario pulsus in exilium fuerat, eodem se contulit, ad omnia, quae animo Sullae collibissent, ministerium suum offerens. Mox etiam, deserto Carbone, quaestor ejus Verres, interversa pecunia publica, mutavit fidem. L. quoque Scipionis consulis quaestor M. Piso, quum sequius de partibus illis judicaret, neque pecuniam attigit, nec ad exercitum profectus est.

Q. Metellus auctoritatem Sullanis partibus conciliat.

VII. C. deinde Carbonem, Cnaei fratrem, milites, paullo severius exigentem priorum temporum disciplinam, facta seditione trucidarunt. Ita et adversariorum deficiebant vires, et Sullanae copiae in dies augebantur: dimissique passim duces haud poenitendo successu agebant. Nobiles enim juvenes, qui frequentes ad Sullam concurrerant, ubi cujusque utilissima videbatur futura opera; ad eam destinabantur. Horum M. Crassus, in Marfos ire iussus, quum ob hostes propinquos praesidium postularet; vehementi oratione Sulla, *Do tibi patrem tuum, inquit, fratremque et amicos, quorum indigne interemptorum persequor a sceleratis poenas.* Sic incitatus adolescens impigre perrupit, magnisque celeriter conscriptis copiis, utilem eo bello operam praestitit.

M. Crassus increpitus a Sulla.

VIII. At ipse imperator, qui L. Scipionem cum magno exercitu in propinquo, multos alios duces validis copiis subnixos passim tendere sciret, imparem se viribus ratus, denuo ad pacis negotium adjecit animum. Quidam dolo id factum arbitrantur, non improbabili conjectura, quod sociali Mithridaticoque bello iisdem artibus hostes circumvenerat. Sed Romani scriptores, quibus plus ceteris tribuas in patriis re-

Sulla de pace cupit colloqui cum Scipione.

Cap. VI. Vell. Dio apud Vales. Appian. Cic. in Verr. 1, 13. 14. Cap. VII. Val. Max. 9, 7. Vell. Plut. Crasso, c. 9. Cap. VIII. Appian. Plut. Sull. c. 54. Appian. Plut. Liv. E. pit. Vell. 2, 25.

U. c. 669. bus, bona fide certoque proposito quaesitam ab eo
A. C. 83. concordiam testantur.

*Sertorius
Suessam oc-
cupat.*

IX. Neque recusavit Scipio, quin, acceptis obsidi-
bus, extra castra in colloquium prodiret. Terni tan-
tum colloquuti sunt: quo magis, quid utrimque di-
ctum fuerit, latet, nec in vulgus emanavit. De aucto-
ritate tamen senatus, de suffragiis populi, et de jure
civitatis collatas esse condiciones, ipso rerum indican-
te statu, credebatur. Hoc unum constat, pactis indu-
ciis, Q. Sertorium ad Norbanum consulem missum esse,
quod Scipio, collega ignorante, de tantis rebus quid-
quam pacisci gravabatur. Sed Sertorius in eo itinere
Suessam, quae Sullae partibus se applicaverat, occu-
pavit. Ea de re quum Sulla quereretur, consul, in-
certum conscientiane violatarum induciarum, an ut in
re subita consilii inops, obsides reddidit.

*Scipionis
exercitus a
Sulla cor-
rumpitur.*

X. His rebus quum abrupta spes pacis esset, ex-
ercitus consulis vehementer offensus, quia, si conve-
nisset, tolerabilis status civitatis sperabatur, aures cor-
ruptoribus praebuit, quum, permisso colloquio, dux
callidus milites, ad eandem fraudem compositos, sub-
inde ad castra Scipionis mitteret. Ii percunctando,
quam grati ducibus suis, quantis familiaribus copiis augeantur,
postquam volentia acceperunt; *Sullae benignum imperium,*
insinuatam liberalitatem, nec imperatorem sibi, sed patrem, di-
vinam quadam sorte obtigisse, praedicabant. Rebus utrim-
que constitutis, ut propius suggredienti Sullae se con-
jungerent, Sulla per speciem hostilia castra oppugnan-
di cohortes viginti admovit; sed, praeparatis omnium
animis, castra sine vulnere introitum. tum vero uni-
versus Scipionis exercitus, quadraginta cohortes, si-
gna ad eum transtulerunt. Solus cum filio Lucio con-
sul in tabernaculo deprehensus est: non utique magno
boni imperatoris argumento, quem vulgata totis ca-
stris militum inclinatio fefellisset: quum praesertim
esset a Q. Sertorio praemonitus.

XI. Sulla Scipiones dimisit inviolatos: additis equi-
tibus, qui eum, quocumque vellet, tuto deducerent.
Atque ille, ubi primum urbem amicam attigit, resum-
ptis magistratus insignibus, iterum copias haud con-

Cap. XI. Plut. Appian. Cic. Phil. 12, 11. Appian. Cap. XI.
Cic. Phil. 13, 1. Plut. Sall. apud Donatum, et Incert. 6. Plut.
Sall. Incert. 14. Appian. Liv. Epit. Plut. Vell. Appian. Plut.
Sertor. c. 8. Cap. XI. Diod. apud Val. Vellejus.

temendas comparavit. Idem Sulla beneficium multis aliis, et nominatim Q. Sertorio praestitit; qui, desperatis rebus, in Hispaniam, jam olim provinciam eam sortitus, se contulit, maximum paullo post incendium belli excitaturus. Fertur, his auditis, Carbo dixisse praesentibus, *bellum sibi cum vulpe et leone animum Sullae inhabitantibus esse, sed cum vulpe periculosius.* At Sulla post victoriam aquas ad montem Tifata, ubi cum Norbano pugnaverat, salubritate nobiles, agrumque circa Dianae dedicavit, cujus numini sacrata illa regio erat.

U. c. 669.
A. C. 83.

*Carbonis
vox de Sulla.*

XII. Inter haec novum se in Italia sidus ostendere coepit, Cn. Pompejus, Cnaei filius, ejus qui Asculum ceperat, trium et viginti annorum adolescens; sed mox clarissima fama cuilibet senum imperatorum conferendus. Hic in Piceno forte agebat, quum ad Sullam undique concurrere probatissimum quemque cognovit. hoc stimulo adjecit et ipse has ad partes animum, non tamen ut contemptus et tamquam opis e- gens, sed firmamentum, quibus accederet, partium, et cum beneficio veniret. Igitur, sollicitatis paterni exercitus reliquiis, quum Vindius quidam Pompejum ex ludo subito concionatorem factum exclamasset; tantus adolescentis favor fuit, ut, a multis simul impetu facto, Vindius e vestigio opprimeretur. In foro igitur Auximatum erecto tribunali, ducem partium professus, Ventidiis fratribus, qui principes civitatis, et Carbonianae factionis erant, excedere jussis, delectum habuit.

*Cn. Pompe-
jus adoles-
cens exer-
citus pro
Sulla com-
paras.*

XIII. Ab hoc initio quum vicina quaeque sibi ad- jungeret, Carbonianos ubique proturbaret, brevi in tantum auctus est, ut tres integras legiones sub signis duceret. Neque huic exercitui com meatuum ceterarumque rerum idoneus apparatus deerat. Ipsius permagnus apud militem amor, magna apud omnes admiratio erat, qui in illa aetate nihil remissum aut juvenile, sed omnia magnis ducibus solita agitabat. nullus illi labor taedio, nulla defatigatio molestiae erat. cibi vinique temperans, somni parcus, curae corporis negligens, majorem dierum noctiumque partem bellicis aut operibus, aut certe cogitationibus contem- rebat. frequenter inter milites exercens corpus, cum

*Es statim
egregium du-
cem agit.*

Cap. XI. Appian. Plut. Sert. Plut. Sull. Vell. Cap. XII. Dio apud Vales. Liv. Epit. Val. Max. 5, 2, 9. Plut. Pomp. c. 9. Hirt. de bello Afric. c. 22. Vell. 2, 29. Zonar. Plut. Cap. XIII. Liv. Epit. Appian. Plut. Diod. apud Val.

U. c. 669 alacribus saltu, cum velocibus cursu, cum validis ve-
 A. C. 83. cte certabat. Belli quoque incerta ante experimentum ingenio et meditatione praecipiens, tantus statim dux exstitit, ut, quanto tempore vix paratum exercitum alius acceperisset, ipse privato consilio delectum confecerit, militesque armatos eduxerit ad pugnam. Neque latebras aut avia, quibus ignoratus tutusque ad Sullam perveniret, sectabatur. palam incedens, quas-cumque inter eundem regiones attingebat, ad communem causam adducere nitebatur.

Ad Sullam proficiscens, XIV. Haec ubi Romam perlata sunt, quia supra fidem erant aetatem potius Pompeji, quam indolem, aestimantium, tamquam ineptis nunciis in majus aucta spernebantur. sed, posteaquam certiore fama innotuerunt, senatus Junium Brutum proficisci adversus illum jussit. Jam et Carrinas, et Coelius, cum suis quisque copiis, eidem se diversis ex partibus objecerant. Igitur, tribus hostilibus exercitibus cinctus, in *In itinere Brutum vin-* Brutum summa vi convertit. Primi utrimque equites concurrerunt: nam Gallicum equitatum Brutus adduxerat. ibi, proventus ante signa adolescens, insigni robore Gallum, qui et ipse ex diversa acie procurrerat, lancea dejectum interfecit. unde timor incescit hostibus, et mox fuga; suorumque in aciem impacti, peditem quoque turbatum averterunt. Sic fuso Bruti exercitu, quum inter reliquos duces orta discordia esset, alius alio castra moverunt. Pompejus oppida, discessu eorum praesidiis nudata, voluntate incolarum recepit.

Mox Scipionem, et Carbonem. XV. Mox Scipio consul cum exercitu occurrit, non meliore, quam antea contra Sullam, eventu. nam milites ejus; simulatque Pompejanos conspicati sunt, salutatione facta, ad illos transierunt. Postrema cum Carbone lucta fuit, ad Aesin flumen multas equitum alas objiciente. Sed ille in loca iniqua detrusos, quum evadendi via non esset, cum armis equisque in deditionem accepit.

XVI. Ignarus horum Sulla, qui nihildum aliud, nisi de primis Pompeji conatibus, audierat, et de adolescente sollicitus, ne per tot hostium exercitus per-

Cap. XIII. Sall. apud Veget. de Re Milit. 1, 9. Diodor. Vell. 2, 20. Plut. Cap. XIV. Diodor. Plut. Zonar. Plut. Diodor. Plut. Cap. XV. Zonar. Plut. Cluver. Ital. Ant. 2, 5. Oros. 5, 20. Plut.

rumpere non posset, in occursum ejus expeditam manum duxit. Hoc ubi Pompejo compertum, neque longe abesse Sullam, ornari signa, armari ordinarique exercitum jussit, ut imperatoris oculis quam pulcherrimam speciem objicerent. magnos enim ab eo honores, nec immerito, sperabat. spe tamen majores adsequutus est.

XVII. Nam, ut eum accedere ad se Sulla, simulque tres aquilas, et egregiam sub signis juventutem, rerumque gestarum conscientia alacrem adspexit, desiliit ex equo, appellatusque, ut par erat, a Pompejo Imperator vicissim Imperatorem illum salutavit: multum mirantibus, qui nominis hujus honorem adolescenti tributum iri minime expectassent ab eo Sulla, qui de isto cum Scipionibus et Mariis dimicaret. Cetera quoque ad eandem formam comitatis fuere. Pompejo venienti adfurgere de sella, caput aperire: quae postmodum etiam dictator privato servavit, unum omnium Pompejam hoc honore dignatus.

XVIII. Sed et consilia eum eo communicabat omnia, et plurimum in ejus virtute reponebat spei. Aliquando etiam egit cum eo, ut in Cisalpinam Galliam eum imperio proficisceretur. *Est enim ibi, ait, Q. Metellus, vir optimus et bello non spernendus. Sed, nescio quomodo, segnius ibi res gerit, quam haec tempora desiderant. Nobis maxima in celeritate spes est: nisi quamprimum vincimus, vincimur. Et hic quidem omnia prosperrime decesserunt; pacati, quotquot a tergo reliquimus, populi; tua virtute alii adjuncti: duo hostium exercitus fusi fugatique, totidem ad nos sponte concedentes, et initium victoriae magnificum, et partem baud exiguam fecerunt.*

XIX. *Est tamen adhuc adversariis permultum virium: neque temere debilitentur, quamdiu Cisalpinam tenere Galliam possunt, unde illis novae semper copiae submittantur, etiam trans Alpes colentium adfluentibus baud paucis. Et hunc in usum digressus a me Metellus erat. sed video senescentem ejus virtutem juvenili fervore excitandam esse. Tibi viget aetas, viget gerendarum rerum cupido. nec ideo cautionis eges, animum prudentiamque tuam paucis mensibus majore documento approbasti, quam edere multi veteres imperatores potuerunt. Abi ergo bonis avibus, et illas nobis provincias recipe. non magis illic pares tibi hostium duces erunt, quam fuerunt, quibuscum baccemus es congressus. Ego hic facile sustinuero bellum. Si et*

U. c. 667.
A. C. 85.

Ignitur valde honoratur ab Sulla.

Qui et mittit eum cupit in Galliam eum imperio.

Quod ibi Q. Metellum segnius administrare res putabat.

Cap. XVII. Zonar. Plut. Sall. Hist. 5, 2. Appian. Plut. Cap. XVIII. Val. Max. 5, 2, 9.

U. c. 669. ab illa parte superiores sumus, haud dubitauer e tyrannorum
A. C. 83. manibus recuperabimus rempublicam.

Sed Pompejus modestus renuit, XX. Haec ubi Sulla dixerat, Pompejus, quamvis in illa aetate et fortuna, modestiae satis tenax, negavit rectum sibi videri, si natu et dignitate majori provinciam extorqueret. Neque vero, te mandante, quidquam negotii defugiam. non cepissem haec arma, certe non ita cepissem, si laboribus et periculis potuissem absterreri. Sed Q. Metellus is sane vir est, quem a me adfectum injuria videri nolim. Fortassis etiam per se res ita geret, ut fortunae tuae desiderioque respondeat. Quod si forte in tantum impar hosti futurus est, ut sustinere eum posse diffidat, haud dubie mittet ad te literas, et consilium rebus suis auxiliumque postulabit. Ipso porro arcescente, promptius et lubens ibo.

Invito Metello iturum. XXI. Et hanc sententiam tibi quoque probari non dubito, Imperator, cui et ipsi fuisse viderer iusto cupidior, si provinciam oblatam statim acciperem. Sed et nobis, qui pro legibus et republica gerimus bellum, honestius fuerit nihil commississe, quod illis parum congruere videatur. Neque fortassis utile sit, Q. Metellum, tanta nobilitate et gratia virum, offendi. nam propter illum, et si qui praeterea sunt ejus similes, optimatum partes vocamur: et, quemadmodum illius favor multorum tibi adjunxit animos, ita multi se laesos in uno putabunt. Praeterea mortalium omnium fata dispensat DEUS. qui si forte de me aliquid in illa provincia secius decerneret, jam omnium conviciis non mea solum temeritas, sed tuum quoque consilium caputaret. Ita res dilata est, donec eam in sententiam paulo post ab ipso Metello literae venerunt.

Nobilitas, urbe relicta, ad Sullam venit. XXII. Inter haec propemodum tota nobilitas, urbe relicta, in castra Sullana venerat: robur simul partibus, simul speciem ac decus adferens. Neque tamen ex diverso leve momentum in consensu consulum erat; et ad summi imperii nomen ex omni Italia, et Circumpadana Gallia ingentes copiae confluebant. quibus ferme apparatus utrimque, quod reliquum aetatis erat, consumptum est: ita tamen, ut nec ab expeditionibus cessaretur, partium ducibus hinc inde, ut cuique occasio adesse videbatur, omnia tentantibus.

Cap. XXII. Plut. Sull. c. 53. Liv. Epit. Appian. Liv. Epit.

E P I T O M E

LIBRI OCTOGESIMI SEXTI.

Quum C. Marius, C. Marii filius, consul ante annos viginti per vim creatus esset, C. Fabius in

Quum C. Marius, C. Marii filius] Scribe deleta conjunctione, *C. Marius, C. Marii etc. creatus est. C. Fabius in Africa.* J. FR. GRON. C. Marii septies consulis ex Julia, amita C. Julii Caesaris, filium fuisse, disertis verbis prodidit Plutarchus initio vitae Caesaris. Viros doctos, qui cum Marii hujus filium adoptivum fuisse crediderunt, refellit, et Marius, quorum circa haec tempora mentio apud veteres est, accurate distinguit Perizonius Anim. Hist. cap. 3. p. 98. et seqq. Mirum est, quod Glandorp. scribit, Mario juniore fratrem Telesinum fuisse. Suspicio, eum in hanc opinionem venisse e verbis Velleji 2, 27. de Mario juniore: *Sunt, qui concurrentem mutuis ictibus cum MINORE FRATRE TELESINO, una ob-* *cesso et erumpente, occubuisse prodiderint.* Sed ibi minor frater Telesinus non potest esse Telesinus minor frater Marii junioris, cui nemo fratrem hoc nomine fuisse prodidit; sed est, ni admodum fallor, minor frater Pontii Telesini, ducis Samnitium, qui paullo ante in proelio adversus Sullam ad portam Collinam ceciderat, ut Vellejus ibidem, et Appianus 1. Civ. 407. tradunt: eum enim una cum Mario juniore Praeneste obsessum fuisse, et-

iam in Epit. 88. et in Orosio 5, 21. scriptum est. Si in Vellejo, pro *Telesino*, liceret legi *Telesini*, vel, abjecta voce *fratre*, cum minore *Telesino*, quod usitatus esse puto, nihil loci erroris cujusquam relictum esset. DUKER.

Consul ante annos viginti per vim creatus] De aetate discrepant auctores. Hunc locum ad Octav. Suetonii [cap. 26.] contra Dionem [46, 320.] laudat maximus Casaubonus; quia ille scripserat, Octavium sine exemplo ante annum xx. inisse consulatum. Sed non dubito, quin mendum sit in Epitome Liviana, et, pro XX, ad minimum reponi debeat XXV, ut ei sic conveniat cum auctore de Viris Illustribus [cap. 68.] Vellejus tamen [2, 26.] annos numerat xxvi. Appianus etiam [1. B. Civ. 402.] 27. GER. VOSS. ad Vell. Pat. 2, 26, 1. *ante viginti annos* Leid. et Berg. Licet in numerum annorum editum consentiant codd. omnes; in eo tamen quin error commissus sit, vix dubito. Plutarchus enim in Mario pag. 425. 426. refert, Marii filium, quo tempore cum patre in exsilium actus est, jam uxorem duxisse; fuga autem ejus accidit sexto ante anno, quam consulatum obtinuit. Hinc, si an-

Africa propter crudelitatem et avaritiam in praetorio suo vivus exustus est. L. Philippus legatus Sullae Sardiniam, Q. Antonio praetore pulso et occiso, occupavit. Sulla cum Italicis populis, ne timeretur ab iis, velut erepturus civitatem et suffragii jus nuper datum, foedus percussit. Idemque,

no vigesimo aetatis consulatum gessit, uxorem anno aetatis quarto decimo duxisse debuit; quod verisimile non est. Illa etiam, quae in exilio egisse dicitur, tam immaturae aetati convenire nequeunt.

C. Fabius in Africa Cognomine *Hadrianus*. In Epit. 84. *C. Fabius praetor*. Erat ergo nunc pro praetore, ut recte Oros. 5, 20. *Cui imperium pro praetore erat*. Et ita accipiendum est, quod Cic. 5. in Verr. 36. eum et Verrem praetores vocat. nam uterque pro praetore erat. Ascon. in 1. Verr. 27. dubie: *ut alii ajunt, legatus, ut alii putant, pro praetore, vel praetor*. Pro vero habeo, quod secundo loco ponit. DUKEH. *Q. Fabius* Voff. Boend. et ed. Camp. Male. V. ad Epit. 84. De C. Fabio Hadriano vide Haverkamp. in Comm. ad Thes. Morell. tom. 1. p. 171. et ad Oros. 5, 20. Tum *in Africam perperam* Boend. Norv. et edd. vett.

Propter crudelitatem et avaritiam in praetorio suo Sic etiam Ascon. l. d. Quod his praetorium, Ciceroni ibi domus est. *Uticae domi suae vivus exustus est*. V. Perizon. Dissert. 1. de Praetor. §. 30. et Diss. 2. §. 5. DUK. *et avaritiam suam* Voff. Leid. Berg. Ldv. 2. Boend. et ed. Camp. quorum primus vicissim omittit vocem suo.

Sardiniam, Q. Antonio prae-

tore pulso et occiso, occupavit Sardinias male Leid. qui insuper voces *et occiso* omisit. Eadem etiam abfuisse videntur a codice, quo Pighius usus est. Quamvis enim in Annal. ad A. V. 1361. pag. 248. quo praeturam Antonius gessit, promiserit, se anno sequenti de ejus exitu acturum, attamen ad A. V. 1361. pag. 254. et ad A. V. 1361. eum tantum a L. Philippo Sullae legato provincia pulsum fuisse, laudato etiam hoc loco, refert; caedis vero nullam mentionem facit. Mox *erepturus civitates* Berg. Lovel. 2. et Exc. Pithoei. Deinde *et suffragiis jus nuper dati* Leid. quasi vellet *et suffragii jus nuper dati*. Sed nihil mutandum.

Itemque, ex fiducia jam certae victoriae, litigatores, a quibus adhibebantur vadimonia, Romam deferre jussit Legge ex veterum librorum auctoritate, Claudio Puteano adfirmante, *Idemque, ex fiducia jam certae victoriae, litigatores, a quibus adhibebantur vadimonia, Romam deferre jussit*. SIG. Scholion hoc Sigonii ita conceptum demum apparuit in editione Ven. quae eo mortuo prodiiit anno 1592. Primae edd. legunt, *Itemque, ex fiducia jam certae victoriae, litigatores, a quibus adhibebantur vadimonia, Romam deferre jussit*. pro quo in prioribus Scholiorum editionibus legebat, *Itemque, ex fidu-*

ex fiducia jam certae victoriae, litigatores, a quibus adibatur, vadimonia Romam deferre jussit, quum a parte diversa urbs adhuc teneretur. L. Damasippus praetor, ex voluntate C. Marii consulis quum senatum contraxisset, omnem, quae in urbe erat, nobilitatem trucidavit, ex cujus numero Q.

cia jam certae victoriae, litigatores, a quibus adhibebantur, vadimonium Romam deferre jussit. quomodo etiam Latinius legebat. Itemque servant Voss. Berg. Lov. 2. et Boend. pro quo recte Idemque praefert Leidens. V. ad Epit. 69. Hinc jam ex fiducia Boend. et ed. Camp. Sed voculam jam, incertae positionis in Mltis, omittit Leid. Tum adhibebantur, vadimonia Romam deferre Leid. adhibebatur, vadimonia Romam deferre Berg. et Lov. 2. adhibentur, vadimonia Romam deferre Boend. adibatur, vadimonia Romam deferre Voss. vadium Exc. Pithoei. Veriorem lectionem Puteanum Sigonius subgessisse existimo, nisi quod forte vocula jam insuper inducenda sit. V. Brisson. de Verb. Signif. in voce Adire: ubi locutionem adire judicem, magistratum exponit.

L. Damasippus praetor] Hunc solus Appian. 1. Civ. p. 403. Brutum vocat, in quo eum erroris arguunt viri docti. Pighius putavit, eundem, qui omnibus aliis Damasippus est, ab Appiano Brutum dici, quia duo habuerit cognomina. Nam in A. V. 131. praetorem urbanum habet L. Junium Brutum Damasippum, eique tribuit, quae deinde in Appiano de Damasippo, et in Epit. 80. Livii de L. ut ibi ante Sigonium erat, Bruto leguntur. De hoc dictum est ad Florum 3,

21, 20. Junium Brutum inter duces Marianos fuisse, certum est. Nam Diodorus Siculus in Exc. Peiresc. pag. 410. scribit, quum Pompejus privatus adversus Marianos rem gerere coepisset, a senatu adversus illum missum fuisse Junium. Eum autem Plutarchus, in vita Pompeji de eadem re agens, Brutum vocat. Sed eum Damasippum fuisse, et omnia, quae de hoc referuntur ad Junium Brutum pertinere, non facile demonstrari potest. DUK. Damascus Berg. Damascius Norv. et edd. principes. Damasicius Lov. 2. Damasirius ed. Camp. Domastrius Boend. Damasipus deinde reposuit Froh. Damasippus Basil. anno 1554. quod superest in Leid. et Voss. Damasippus praetor memoratur etiam Orosio 5, 20. ubi vide Fabric.

Omnem, quae in urbe erat, nobilitatem] Ex aliis patet, hanc rem supra modum exaggerari. DUKER. V. Vell. Paterc. 2, 26. App. Al. 1. Civ. 403. et Oros. 5, 20.

Ex cujus quidem numero] Vocabulum quidem delendum esse, Gronovius supra monuit ad Epit. 83. Non adparet etiam in Leid. Voss. Berg. Lov. 2. Boend. Exc. Pithoei, et ed. Camp. Idem etiam ex contextu omisit Sigonius, licet id in Scholiis monere neglexerit: sed ante Gronovium nemo ei dicto audiens fuit. quin et nuper cum antiquioribus ex-

Mucius Scaevola pontifex maximus fugiens in vestibulo aedis Vestae occisus est. Praeterea bellum a L. Murena adversus Mithridatem in Asia renovatum continet.

rare, quam Gronovium veriora monentem audire, maluerunt Freinsh. Doujatius, Clericus, et Crevierius.

Q. Mucius Scaevola pontifex maximus] Q. Mucius augur, Scaevola pontifex maximus Leid. *cujus lectionis auctor aliquid audivisse videtur de duobus Muciis Scaevolis; altero augure, altero pontifice maximo, eodem tempore viventibus. Verum, eos diverso tempore obiisse, et pontificem maximum auguri superfuisse, constat ex Cic. d. Amicit. 1. Eram deductus ad Scaevolam, (augurem) sumta virili toga, ut, quoad possem et liceret, a senis latere numquam discederem. etc. Quo mortuo, me ad pontificem Scaevolam contuli.*

In vestibulo aedis Vestae occisus est] Paterculus ait [2, 26.] Scaevolam in curia Hostilia trucidatum fuisse. DELR. Vide ad Florum 3, 21, 21. Scaevolam non procul a curia occisum scribit Appian. 1. Civ. 404. in curia Hostilia Vellej. 2, 26. DUK. Dissensus hic auctorum maximam partem tolli poterit, si statuamus, aedem Vestae et curiam Hostiliam, in quam Damasippus senatum convocarat, vicinas fuisse. Ita enim Appianus scripserit, Scaevolam non procul a curia occisum esse, quia occisus est in aede Vestae curiae vicina: Vellej. vero in curia Hostilia, quia id facere percussores constituerant,

licet tamen inde aufugientem persecuti consilium in proxima aede Vestae perfecerint. Curiam autem Hostiliam et aedem Vestae non longe a se remotas fuisse, inde patet, quod in eadem regione, nempe Foro Romano, sitae fuisse dicantur apud P. Victor. et Festum Rufam in Descr. Urb. Rom.

Bellum ab L. Murena adversus Mithridatem in Asia renovatum] ab L. Muraena Gronovius edidit anno 1665. quum prius faisset a L. Murena; quod etiam in Exc. Pithoei, et Norv. superesse, Hearnius testatur. & non ab, praeferunt etiam omnes mei. Deinde, Murena sine diphthongo scribendum esse, constat ex Fast. Capit. ad A. V. 1500xxxii. et ex nummis familiae Liciniae. Qui diphthongum praeferunt, nomen a pisce Muraena deducunt, qui Graecis Μύραινα dicitur. V. Manut. ad Cic. Orat. pro Muren. in princ. et 13. ad Fam. 22. Verum Graeci cognomen hoc gentis Liciniae scribunt Μουρῖνας. V. Plut. in Cat. Utic. pag. 769. App. in Mithr. 213. 235. Dio Cass. 54. p. 522. Hinc adversum Mithridatem Boend. V. ad Epit. 47. Idem autem cod. cum ed. Camp. non agnoscit voces in Asia. Sed male. Prius bellum cum Mithridate ejusve ducibus partim Sulla in Europa, partim Fimbria in Asia gesserunt. At hoc secundum cum eo in Asia tantum renovatum est.

JOHANNIS FREINSHEMII

SUPPLEMENTORUM LIVIANORUM LIBER LI.

IN LOCUM LIBRI LXXXVI. T. LIVII.

I. Anno sequente C. Marius C. F. C. N. ante aetatem per vim creatus consul, collega Cn. Carbone, honorem iuxit: quem, ut immaturum periculoque plenum, Marii mater acerbe flevisse dicitur. Is adolescens, C. Marii fratre genitus, a patruo adoptatus, quo aetatis anno consulatum ceperit, scriptores dissentiunt. quinque, aut sex, aut septem annis vicesimum egressus apud diversos reperitur: sed, ut Livianis reliquiis adhaeream, quae minorem annis viginti faciunt, ea quoque ratione adducor, quod nihil ab eo ante haec tempora gestum traditur, quum ejus rei, si adfuisset aetas, occasiones multas fuisset habiturus: quodque C. Marius senex ideo se bellum Mithridaticum appetere, quo, se potissimum magistro, filius militiae rudimenta poneret, jactaverat.

U. c. 670.
A. C. 82.
C. Mario,
Cn. Papirio
III. Coss.
C. Marii
mater im-
maturum
honorem fi-
lii desit.

II. Acris eo anno hiems quum impedimento rebus gerendis esset, eo intentius cogendis ad bellum pecuniis consules incumbabant. Et, ne militibus stipendia deessent, festinantibus in summa inopia Patribus, senatusconsultum, quale tum potuit, factum est, ut aurea atque argentea templorum ornamenta conflarentur. Principio veris ad Aesin fluvium, Galliae tum Italiaeque terminum, Q. Pius cum legato Carbonis Carinate signis collatis dimicavit. Ab orta luce ad meridiem summa utrimque contentione pugnatum quum esset, Carboniana acies loco cessit, multis ex suo numero desideratis. Idcirco vicinis ad Metellum deficientibus,

Templorum
ornamenta
conflantur.

Cap. I. Fasti Capit. Liv. Epit. Auct. de vir. illustr. in Mar. filio. Appian. Auctor de viris illustr. Vell. 2, 26. Appian. Supra, 77, 16. Cap. II. Appian. Val. Max. 7, 6, 4. Sallust. apud Donat. et Incert. 2. Val. Max. Strabo, l. 5. p. 227. Oros. 5, 20. Appian.

U. c. 670. consul Carbo ingentibus copiis adfuit, tam prope col-
 A. C. 82. latis castris, ut viribus superior obsessum tenere ho-
 stem videretur.

*C. Fabius
 Hadrianus
 in praetorio
 suo vivus
 exurit.*

III. In Africa deinde res turbatae, praetorque C. Fabius Hadrianus propter avaritiam ac crudelitatem in cives Romanos, qui Uticae commorabantur, in praetorio suo vivus exustus est. Quippe homo nequissimus regnum Africae adfectare, coactaque servorum manu de principum nece conspirasse dicebatur. Nulla postmodum de hac re quaestio fuit, non solum ob tempora reipublicae, sed quia justam fuisse ultionem consensu senatus et omnium credebatur.

*Sullae fi-
 ducia.*

IV. In Sardinia quoque civilia arma se commove-
 rant, vincentibus et ibi Sullanis: et a legato Sullae L. Philippo provincia, Q. Antonio praetore pulso et occiso, occupata est. His partium successibus quum nihil magis obsistere, quam metus Italicorum populorum videretur, ne, Sulla rerum potito, jus civitatis et suffragiorum recens acceptum amitterent: Sulla, missis, quos apud unamquamque civitatem valere gratia et auctoritate noverat, foedus cum iis percussit: tanta jam fortunae suae fiducia, ut, a quibus aditus fuerat, litigatores Romam differre vadimonium juberet, quamquam urbs adhuc adversae factionis armis tenebatur.

*Marinus per
 Damasip-
 pum princi-
 pes multos
 tollit.*

V. Quibus rebus quum exulceratus C. Marii consulis animus esset; adolescens paternae sacvitiae, scripsit a L. Brutum Damasippum, ut Sullanae factionis principes trucidaret: velut imminente jam fato, in antecessum ultionem rapiens. Ille, convocatos in senatum quasi de republica consulturus, (praeturam enim urbanam gerebat) C. Carbonem, cognomento Arvinam, virum praetorium, consulis fratrem patruelem, et P. Antistium, socerum Cn. Pompeji, in curia Hostilia trucidavit. L. Domitius fugiens circa fores interemptus est.

VI. Q. Mucius Scaevola pontifex maximus, vir laudatissimae vitae, ad vestibulum Vestae confugerat: se
 ad

Cap. III. Liv. Epit. Cic. in Verr. 5, 36. et 1, 27. Val. Max. 9, 10. Oros. Pedian. in Cic. Verr. 1. Cap. IV, Cic. in Verr. 1. Val. Max. Liv. Epit. Cap. V. Appian. Plut. Mar. c. 8. Liv. Epit. Flor. 3, 21. Oros. Appian. Val. Max. 9, 2. Verr. 2, 26. Cic. ad Fam. 9, 21. Plut. Pomp.

ad aras occifus sanguine suo simulacrum refpersit: ut inane numen, et in tanta infamia pudoris expers, cruore saltem indefensi clientis erubesceret. A suis quidem cultoribus ita contemptum est, ut per eos minime fletierit, quo minus, in ipsis penetralibus mactatus, sempiternum illum horrendae religionis ignem sanguine suo restingueret. Neque satiatu caedibus praetor, ni ludibrium etiam crudelitati adjecisset, truncum Carbonis corpus patibulo adfixum circumgestari iussit: ceterorum quoque corpora per carnificem unco tracta, atque in amnem abjecta sunt. Uxor Antistii Calpurnia, Bestiae filia, quum de casu mariti cognovisset, gladio semetipsam interemit.

U. c. 670.
A. G. 82.

*Calpurnia,
occiso marito,
sibi consciscit necem.*

VII. Dum ad hunc modum Italia ceteraque Europae bellorum violentia inhorrescunt, Asiam denuo, Mithridate irritato, L. Murena concussit. Is, relictus a Sulla cum Fimbrianis legionibus, ut Asiam ordinaret, triumphi cupiditate belli novandi causas circumspiciebat. Mithridates, in patrium regnum reversus, bellum Colchis atque Bosporanis faciebat, qui Romani belli tempore ab imperio ejus defecerant. Colchi Mithridatem filium regis, eum cujus adversus Fimbriam praeclara tametsi infelix opera fuerat, regem deposcebant: votique compotes facti statim arma deposuerant. Ergo Mithridates, ingenio et peritia rerum suspicax, filii profecto astutia rebellionem eam coeptam arbitratu, quo sibi regnum Colchorum extorqueret, ad se comiter vocatum compedibus aureis vinxit, et paulo post interfecit: minime recenti humanarum mentium fluctatione, ut nunc liberorum causa quaerant regna, nunc regnorum causa occidant liberos.

Mithridates filium interfecit.

VIII. In Bosporanos deinde adeo magnam copiarum naviumque collegit multitudinem, ut plerique contra Romanos magis haec omnia parata interpretarentur, quam quos ille volebat invasurus videri. Suspicionibus horum haud parum movere credebatur, quod Mithridates Ariobarzani Cappadociam ita restituerat, ut tamen loca aliquot opportuna tum quoque retineret.

IX. In hac aegritudine animorum quum ad Murenam Archelaus cum uxore et liberis perfugisset, adeo

*Archelaus
ad Murenam
perfugit.*

Cap. VI. Appian. Liv. Epit. Flor. Cic. de Or. 3, 3. Aug. de Civ. Dei, 3, 28. Diod. apud Val. Lucan. 2, 126. Val. Max. Oros. Appian. Vell. Plut. Cap. VII. Liv. Epit. Appian. Mithrid. Cap. IX. Oros. 6, 2. Dio, l. 39.

Supplem. Liv. Tom. XIII.

0

U. c. 670. magnum, ad omnia momentum attulit, ut jam nemo, A. Q. 82. quin suscipiendum esset bellum, dubitaret. In magna illum invidia jam a tempore Chaeronensis pugnae fuisse, supra ostendimus: neque exini regi poterat, aequioribus conditionibus transigi potuisse, si magis ad suam gratiam, quam ad Romanam, Archelaus respexisset. Igitur ille non ignarus, suspicacem regis animum ne liberis quidem parcere, fuga salutem adeptus, etiam vindicari volebat. Quoque magis moveret Murenam, sponte sua satis in hanc sententiam provocivem nactus:

Eumque ad bellum incitat.

Ducum regiorum anque pluribus modis gratiam eorum meruit, tanto plerumque est cupitem statum exagge-

X. Haec, inquit, regum fides est, Murena! quanto quisque pluribus modis gratiam eorum meruit, tanto plerumque est cupitem statum exagge-
gunt, ita, simul eorum ruinam rebus suis utilem esse crediderunt, (vere, an falso, in eam inciderint opinionem, nil refert) quominus crudelissimis exemplis eos pessumdent, nullo adfectu retinentur. Sed prae ceteris eorum anceps et lubrica est statio, qui magnis exercitibus praeficiuntur. Quippe, siue feliciter ipsis res decedit, invidia; siue improspere, suspicionibus onerantur: neque dicere queas, utrum sit apud haec ingenia periculosius, quae vincere duces suos volunt, vicisse indignantur. Ego fortunam utramque, ductor copiarum Mitbridatis, expertus, non aliud, pro meis meorumque factis, vulneribus, quorundam et mortibus, praemium exspectare debui, quam ut imperio tyranni occiderer, pro magno habiturus beneficio, si solus hoc paterer, neque liberi mei uxorque una morerentur.

Operam suam pollicetur.

XI. Haec et alia, quae non ignoras, vel me tacente, satis indicant, quo animo et erga illum esse debeam, cujus haud sane meritam crudelitatem fugio; et adversus vos, qui paullo ante hostem, nunc supplicem vestrum, benignissime suscepistis. Ut igitur utrisque gratiam, quam debeo, referam, confirmo tibi, haudquaquam vanus auctor, Mitbridatem certo certius rebellaturum. Sed, ut potius vestro, quam illius, tempore incipiatur bellum, interest. Nondum ira paratus est, quin occupari possit. in eo maximum ad victoriam momentum esse nosti. Neque ego tam parum amicitii ac clientelis valeo, ut non insignem, tum in consiliis hostium indagandis, tum in recipiendis populis, operam navare possim.

XII. Haec non postrema festinandi belli ratio quum ad priorem cupiditatem accessisset, haud difficulter motus est Murena, ut, exercitu contracto, Cappadociam ingrederetur. Ante omnia, reddita sunt Ario-

barzani, quae ad regnum ejus pertinentia Mithridates retinebat. Comana deinde irrupit, maximam iis regionibus Pontici juris urbem, ubi magnae religionis opulentiaeque templum visebantur. In ejus urbis praesidio rex Mithridates aliquot equitum alas collocaverat. quas ubi conceisas a Romanis esse cognovit, legatis ad Murenam missis, pacta cum L. Sulla inita servari postulabat. Forte Graecos quosdam, sapientiae studium profectos magis, quam praestantes, Mithridates legaverat. hi, sive gentis odio, sive mores regis perosi, contra mandatum et utilitatem ejus, a quo veniebant, bellum potius Murenae, quam pacem, suadebant. Igitur, quia Sulla, contentus fidem factis repraesentare, tabulas foederis conscribere neglexerat, negabat pacta se videre, ad quae Mithridates provocaret. Hoc responso legatis reddito, statim praedatum dimisit suos, neque profanis, neque sacris abstinens manus: deinde, quia jam tempus anni rebus gerendis ineptum erat, hibernandi causa in Cappadocia substitit.

U. c. 670.
A. C. 82.

*Legatorum
Mithridatis
perfidia.*

XIII. De his Mithridates, tum ad Sullam missis, tum ad senatum legatis, querebatur: *Omnia se fecisse, dedisse, quae ex formula foederis et fide bona fieri, dari oportuisset. Romanis Asiam, regibus Cappadociam, Bithyniam, Paphlagoniam restituisse: recessisse intra patrii regni limites, longissimeque remotum a consilio simul et occasione Romani belli diversissimis locis adversus Colchos atque Bosporanos dimicasse. Quum nulla provocatus injuria L. Murena, quem L. Sulla cum imperio in Asia reliquisset, irruptionem in fines suos fecerit: urbes expugnari: praesidia regia ejecerit, aut occiderit: et, quamlibet occurrente nemine, divina simul ac humana latrocinio ac rapinis vexaverit. Nec hunc injuriarum finem facere constituisse, in Cappadociae hibernis exercitum tenentem, ut, quamprimum tempus anni pateretur, redintegrare bellum posset.*

*Querentis
de injuriis
Murenas.*

XIV. Magnopere igitur postulare, senatus datam sibi pacem praestet: Murenam revocet: res reddere, bellum omittere, injuriis abstinere jubeat. Se nec antea lubenter arma contra Romanos induisse, et nunc passurum omnia potius, quam ut hos iterum hostes habeat. Providendum tamen Patribus, ne talibus factis ea invalescat apud reges et nationes opinio, parum interesse, socii, an vero hostes populi Romani habeantur. Nam cupiditate ducum, licentia militum, sublato, quod interesse de-

Cap. XII. Strabo, l. 12. p. 535. Appian. Memnon. Appian.

O 2)

U. c. 670. *buiſſet, diſcrimine, pari violentia et acerbitate omnes tractari.*
 A. C. 82. Similia quoque mandata ad Sullam dederat; adjunctis, quae ſingulariter illum attingebant, qui, pacis ejus auctor, magna a rege ad bellum accepiffet auxilia, majora exſpectare poſſet. Haec erant ſuperiore anno facta.

*Murena de-
 nuo popula-
 tur ſines Mi-
 thridatis.*

XV. C. vero Mario, Cn. Carbone conſulibus, quum nondum reſerſi Roma legati eſſent, Murena, tranſito Haly fluvio, qui et alias copioſus aquis, tum continuis imbris ſupra ſolitum intumuerat, ſines Mithridatis libera populatione perſultavit; rege nuſquam occurrente, ne bello cauſſam dediffe argueretur. Sic Romanus in Phrygiam Gallograeciamque onuſtus praeda reſeſſit.

XVI. Ibi convenit eum miſſus ab ſenatu Callidius, qui literas quidem nullas adferebat, palam autem Murenæ nunciavit ſenatus verbis, regem ſocium amicumque ne laceſſeret. Deinde, quia cum ſolo colloqui conſpectus erat, neque Murena ideo minus hoſtilia faciebat; dolum Romanorum incuſans Mithridates Gordium occurrere, et praedatores coërcere juſſit.

XVII. Ille, quum et milites multos et jumenta comprehendiffet, abductis illis, caſtra caſtris Murenæ ſic oppoſuit, ut interfluente amne dirimerentur. Neuter tamen pugnae tentare fortunam voluit: donec ipſe Mithridates cum majoribus copiis ſuperſenit. Tum, coepto circum amnem proelio, quum rebus omnibus impar Murena eſſet, tranſcenderunt amnem regii, Romanosque, multis caeſis, in collem quemdam munitum ſe recipere coëgerunt. Mox, rege ad oppugnandum collem profecto, quum locus ad reſiſtendum parum aptus videretur, deſertus a Murena eſt: magnoque labore, regiis ſubinde carpentibus agmen, per montes aviis itineribus in Phrygiam penetratum. Celeriter vulgata tam inſperatae victoriae fama multos adjunxit Mithridati: brevique omnia, quae per Capadociam dux Romanus diſpoſuerat, praefidia deſecta ſunt.

*Mithrida-
 tes victor ſa-
 crificat.*

XVIII. Mithridates, ut bonis ſuis rebus honorem Diis haberet, in alto monte ſacrificium Jovi bello- rum praefidi patrio more fecit. Ejus haec fuiſſe ratio traditur. Primus ipſe rex in ſummo montis ca-

cumine, more Persico, ligna suis manibus allata deponit. tum certatim ab aliis adgesta, postquam in quam maximum fastigium excreverunt, alia circum humiliori strue firmanur. In summo rogo cum melle et lacte vinum oleumque et generis omnis odores largiter adfunduntur. altera pyra, quam humiliorem strui diximus, coenam praesentibus paratam sustinet: qua peracta, ignis subditur. Inde propter copiam materiae, locique altitudinem tantum flammaram emicat, ut ad centum et triginta millia passuum incendium conspiciatur: neque propter ardoris violentiam quisquam eo accedere per dies aliquot proximos possit.

U. c. 670.
A. C. 82.
Ejus sacrificii ritus Persicus.

XIX. Id sacrum Persarum olim reges faciebant Pafargadis. inde transiit ad Ponticos velut haereditario jure, quod ii genere Persarum regum erant editi. Nec alienum est, quo Mithridatis nobilitas et pars majorum cognoscatur, brevem gentis ejus recensio- nem subnectere.

Unde et Mithridati genus.

XX. Mithridatis, qui tam diu bellavit cum Romanis, eodem nomine pater fuit, Evergetes cognomento: de quo suis locis quaedam memoravimus. Ante hunc regnavit Pharnaces, Sinopensium domitor, quos contra patrem ejus Mithridatem Rhodii defenderant. At Ariobarzanes Amastrin adjunxit regno, nobilem urbem; patris Mithridatis opibus validus, qui Cappadociam et Paphlagoniam annis sex et triginta obtinuerat, valde auctis paterni regni viribus. Pater enim ejus Mithridates angustius imperavit, praevalente Macedonum potentia. Nam Antigonum sectari necessum habuit, ex Alexandri Magni duce potentissimum Asiae regem: a quo etiam fuisset occisus, nisi fuga servasset salutem.

Mithridatis Oisfarkhistoria.

XXI. Somniaverat Antigonus, (res enim est non indigna relatu) se agrum auro conferere; Mithridatem vero demessum aurum asportare in Pontum. Laborat hoc etiam infaniae genere humanum ingenium, ut et praedictionum harum ratam esse fidem putet, et nihilo secius pugnare cum fato conetur. Igitur Antigonus, tollendum de medio Mithridatem ratus, rem totam Demetrio aperuit, filio suo. Atque ille, mi-

Cap. XVIII. Strabo, l. 15. p. 731. Herodot. 1, 31. Appian. Cap. XX. Strabo, l. 10. p. 477. Strabo, l. 12. p. 545. Polyb. 4, 56. Memnon. apud Phot. c. 17. Diodor. l. 20. fin. Cap. XXI. Appian. Mithrid. et Plut. Demetr. c. 5.

U. c. 670. sertus sodalis et amici, non equidem voce monuit, ne
 A. C. 82. jusjurandum patri datum falleret, sed, illo inspiciente, in arena depinxit hastili duo verba, fugere jubens Mithridatem. Atque ille cum sex equitibus profugit, occupatoque castello, cui nomen erat Ciniata, fundamentum jecit ejus regni, quod in octava demum successione Romanis armis subjugatum est.

*Initia regni
 Pontici.*

*Quod prius
 fuit satrapia Persica.*

XXII. Igitur et conditoris cognomento celebratur, quod ipse primum sui juris regnum iis locis orsus est, quibus ante Ariobarzanes Phrygiae satrapa, et Rhodobatae filius Mithridates, qui Platonis imaginem dedicavit Muis, precario pro regum Persicorum purpuratis praefectisque praefuerant. Nam a septem Persis oriundi, datam a Dario rege majoribus suis ad Euxinum Pontum satrapiam, perpetua successione tradiderant posteris. Quorum omnium potentissimus Mithridates, quum et majorum antiquissimam gloriam, et tum amissas nuper, tum superstites adhuc opes animo reputaret; non satis fractus uno bello, Romani populi vastum imperium iterato sumptis armis oppugnare audebat.

Cap. XXI. Strabo, l. 12. p. 562. Plut. Appian. Cap. XXII. Lucian. in Macrob. Diod. l. 15. c. 90. Diog. Laërt. in Plat. Flor. 3, 5.

EPITOME

LIBRI OCTOGESIMI SEPTIMI.

Sulla C. Marium, exercitu ejus fuso delectoque ad Sacriportum, in oppido Praeneste obsedit. urbem Romam ex inimicorum manibus recepit. Marium erumpere tentantem repulit. Praeterea res a legatis ejus, eadem ubique fortuna partium, gestas continet.

Ad Sacriportum, in oppido Praeneste obsedit. ad Sacriportum, in oppido Boend. et ed. Camp. ad Sacriportum oppidum Voss. Vide Cellar. Geogr. Ant. 2, 9, 516. Paulo post urbem Romanam primae edd. Vide ad Epit. 49. sed urbem Romam primus dedit Ascens. anno 1513. nec aliter legunt omnes codd. mei, et ed. Camp. quae etiam

ex inimicorum manu praefert.

Res ab legatis ejus eadem ubique fortuna partium gestas continet] ab legatis vulgavit Gronovius anno 1665. quum priores dederint a legatis: quod firmant omnes notari, Exc. Pithoei, et Norv. Deinde ejus tandem ubique fortunam partium gesta continet sine sensu Voss. gestas omittit Leid.

JOHANNIS FREINSHEMII

SUPPLEMENTORUM LIVIANORUM LIBER LII.

IN LOCUM LIBRI LXXXVII. T. LIVII.

U. c. 670. I. Sub idem tempus L. Sulla, ducto in Volscos ex-
A. C. 82. ercitu, Setiam oppidum cepit, non procul inde ca-
C. Marius stra habente C. Mario. qui, audita deditione oppidi,
L. Sullam quum prope Signiam ad Sacriportum (id loco nomen)
ad pugnam cum quinque et octoginta cohortibus venisset, inse-
provoçat. quutum Sullam ad pugnam provocavit. Proxima nocte
visus Sullae per quietem C. Marius senior fuerat, prae-
cipiens filio monensque, vitaret illum diem, minacem
et consiliis suis adversum. Id somnium valde confir-
mavit Sullam, ut eo potissimum die dimicare optaret.
Idcirco, missis, qui Dolabellam arcefferent, (is cum
parte copiarum procul castra erat metatus) quadrata
acie iter versus hostem facere instituit.

*Ejusque co-
pias variis
voxat.*

II. Nec omittebant Mariani locis opportunis offer-
re sese, et alibi saxa aut cespitem obmoliendo vias
claudere, nonnumquam variis locis ex occasione con-
serere manus: donec ita defatigati pugnando simul
eundoque Sullani sunt, praesertim quia molestus im-
ber accefferat, ut prae lassitudine vix consistere pos-
sent. Id imperatori nunciatum a tribunis est, simul-
que milites ostensi, scutis humi defixis sese sustinen-
tes. Fremens ille frendensque, tempus, quod sibi
felicissimum ad pugnam futurum existimaverat, ita
perire, signum consistendi castrisque ponendis dedit.

*Proelium
ad Sacri-
portum.*

III. Ceterum quemadmodum paullo ante certam
ejus spem lassitudo militum destituerat, ita tum de-
positam hostium ferocia reddidit. Marius, cum equi-
tibus ferociter invectus, (fessos enim atque operi in-
tentos fundi posse speraverat) hac ignominiae specie

Cap. I. Appian. Civil. l. 1. Plut. Sull. c. 55. Liv. Epit.
Plut.

sic accendit veteranum exercitum vincique insolentem, ut, omisso opere, pilisque in margine fossae defixis, gladios stringerent. Hoc initium acerrimi proelii fuit: collatisque signis, aliquamdiu pari contentione animorum dimicatum. donec, inclinante sinistro Marii cornu, priusquam aperta fuga fieret, quinque cohortes cum duabus alis signa projecerunt, et simul transierunt ad hostem. Ea res ceteros in confessum fugam egit, et, insequentibus alacriter, qui paulo recentiores erant, Sullanis, magna fugientium strages est edita. Fenestella cum quibusdam aliis scriptoribus, interfuisse proelio C. Marium, negant: sed vigiliis laboribusque confectum, signo pugnae dato, sub dio quievisse, et, fugiente jam exercitu, vix potuisse excitari.

U. c. 670.
A. C. 82.

IV. Fuga reliquias exercitus Praeneste abstulit, *Marius* quod, natura munitum oppidum, Marius etiam prae- *Praeneste fu-* sidiis firmaverat. Sed tanta fuit trepidatio, ut intro- *git.* missis, qui primi accurrerant, deinde, metu ne una hostes irrumperent, Praenestini clauderent portas: factumque est, ut Marius tum demum superveniens fune demisso in murum subduceretur. Ceteri plerique omnes in conspectu suorum caesi captive sunt. Sulla, viginti millia hostium eo proelio cecidisse, capta fuisse octo, scripsit: suorum tres tantum et viginti desideratos. Samnites, quotquot in manus venerant, occidi omnes, tamquam perpetuos hostes nominis Romani, Sulla imperavit.

V. Hujus pugnae fama Carbonem, a quo Metellus *Carbo vin-* graviter premebatur, sic exterruit, ut protinus ex lo- *citur a Pom-* cis, quae ceperat, praesidia deduceret, et cum ex- *pejo et Me-* exercitu Ariminum properaret. sed forte fortuna acci- *tello.* dit, ut per idem tempus Metello opem ferens Pompejus adventaret: qui, discessu hostis cognito, castra ejus occupavit; tergisque abeuntium inhaerens, multis occisis, multis ad deditionem pellectis, magna illum exercitus parte spoliavit. Et Metellus alium Carbonis exercitum signis collatis cecidit, facili victoria, quia tum quoque inter pugnandum quinque cohortes hostium ad illum defecerant. Neque multo post Pompejus *Pompejus* circa Senas devicit Marcium, et, ut praemium *Senas diripit.*

Cap. III. Oros. 5, 20. Appian. Lucan. 2, 134. Plut. Auctor de viris illustr. in Mario Fil. Cap. IV. Vell. 2, 26. Appian. Plut. Appian. Cap. V. Oros. Appian.

U. c. 670. laboris strenue navati haberent, urbem captam a mili-
A. C. 82. tibus diripi passus est.

Ejus fra- tegoma. VI. Sed non sicut indulgens in benemeritos, sic etiam insolentibus lenis aut propitius fuit. Mediolani trucidatus injussu suo senatus fuerat: eaque culpa ad multos pertinebat. Pompejus igitur, ne tumultum moverent, si soli evocarentur, veritus, universum exercitum adesse in concionem jussit. Sic nocentes, quia cum omnibus acciti erant, aliud quid velle imperatorem rati, adfuerunt: et cetera pars exercitus, quae pura ab illo crimine erat, postquam intellecta res est, tanto diligentiores in custodiendis reis praefiterunt operam, ne illorum fuga sibi, tamquam consciis ejusdem noxae, imputaretur.

Sulla, Prae- nestinae ob- sidioni Lu- cretium prae- ficiens,

VII. Interim L. Sulla compulsus intra Praenestinae moenia Marium circumvallare coeperat, quia propter loci naturam expugnari armis nequibat, nam supra urbem mons excelsus in altitudinem amplius passuum ducentorum quinquaginta consurgebat: haec arx erat civitatis: et ab diversa parte continentibus jugis angusta cervice jungebatur. Igitur fossam vallumque e longinquo duci jussit: operique Lucretium Ofellam praefecit, equitem Romanum, qui nuper e Carbonianis partibus ad se transfugerat. ♥

Vituperatur.

VIII. Id consilium a quibusdam reprehensum est, non improbabiler quaerentibus, cur e tot egregiis, quos circa se habebat, viris neminem, sed obscurum et ignobilem hominem, ad tantae rei ministerium delegisset? certe foedissimi propositi conscium humiles potius et servituti paratos extollere voluisse, a bonis viris haud aequè promptum ad turpia obsequium expectantem. Illa quoque causa subesse putabatur, ne praestantes virtute ac nobilitate homines consiliorum gestorumque laudem ad se retraherent; republicae restituta, pari cum illo jure cenferi aequum putarent. Viles ergo malebat; qui, modicis praemiis contenti, famam potentiamque solidam ad imperatorem transmitterent.

IX. Sed paullo ante, quum adversariorum apparatus omnis Italia streperet, et ingentes passim exercitus contra se ducibus minime contemnendis concitarentur; optimum quemque honestissimumque maximo

Cap. VI. Frontin. 1, 9. Cap. VII. Appian. Liv. Epit. Strabo, l. 5. p. 238. Appian. Plut. Liv. Epit. 88. Vell. 2, 27. Cap. VIII. Dio apud Vales.

studio ambiverat, eorumque opera gratanter erat usus. U. c. 670.
A. C. 82.
O gravem vitae pestiferamque luem, quae vinculum humanae societatis solvit, maximumque rerum gerendarum instrumentum obtundit ac hebetat! Quem enim omnium fidum nobis, nostraeque utilitatis causa omnia facturum sperare possumus; si haec pessima consuetudo inolevit, ut, quos ob spem praestandae operae caros habuimus, post praestitam spernamus?

X. Ceterum Sulla, rebus ad Praeneste constitutis, *Sullani Romae recipiuntur.*
Romam petens, omnibus viis globos militum praemittebat, praecipiens, ut exclusi moenibus Ostiam concederent; recepti, ad portas praesidii causa remanerent. Sed illis non quae in via modo erant urbes, sed ipsa Roma statim patuit, fame urgente populum, et jam inter tot civilium bellorum vicissitudinem adfuetis hominibus potentiore accedere. Sulla, quum ex sententia rem procedere comperisset, nihil cunctatus ad urbem venit, et, copiis in Campo jussis tendere, ingressus bona inimicorum, qui sub adventum ejus omnes profugerant, sub hasta vendidit.

XI. Advocato deinde in concionem populo, *Sullae concio.*
necessitatem praesentem miseratus, quod iterum armatus adire urbem cogeretur, quam contra omnem vim atque omne periculum armis suis semper studuisset defendere; improbitatem atque pervicaciam adversariorum inculavit, qui neque secunda fortuna quiescere, neque adversa poenitere didicissent.

XII. Sibi semper certum fixumque fuisse, in honorem communis patriae acerbissimis adversariis parcere. Hujus animi se non suos tantum duces legatosque, sed ipsum populum Romanum habere testem, cui lenitatem suam semper approbarit, *Lenitatem suam praedicat.*
quamdiu suo se ingenio uti perversitas inimicorum fuisset. Sed ubi viderit, eosdem illos, quorum injurias patriae condonasset, suam mansuetudinem pro ignavia accipere, atque, velut impune quidlibet ausuros, ipsi patriaeque eandem perniciem meditari; vim atque temeritatem improborum virtute ac constantia repulsum, scelestis atque nefariis armis justa ac pia opposuisse. Adfuisse etiam causae meliori Deos, adfuturosque.

XIII. Considerent igitur Quirites, et, quemadmodum tem- *Pacem et bonum reipublicae statum pollicetur.*
perando a bonis innocentium, quae diripienda ipsis pravi homines objecissent, insigne edidissent benevolentiae suae in has partes documentum, ita nihil a se aliud, quam quae ipsis essent optatissima, expectarent, paullo post, sublati discordiis, pacem et, qualem desiderarent, reipublicae statum visuri.

Cap. X. Appian. Liv. Epit. Appian.

U. c. 670.
A. C. 82.
Id prudentes non credunt.

XIV. Haec ita, uti dicta erant, a plerisque accipiebantur. at, quibus reputatio temporum, et quae paullo ante viderant, acrius exercebant ingenia, rem esse periculi plenissimam autumabant. Etiam melioribus seculis, quum nondum quotidianis rebus accenseri bella civilia, et in urbe, in foro, in curia pugnae caedesque, possent; saepe discordiam partium ad sanguinem necemque imbecilliorum pervenisse. Sullam, tamen mirifice adhuc lenitatem praeferat, ita tamen irritatum ab adversariis esse, ut ab ipsa Modestia vix possit postulari, in tanta vindictae et causa et occasione, incruenta reipublicae conversio. Neque illum ingenio abhorrevit a saevitia, sed tempori dedisse, ne praemature efferveresceret. ne sic quidem temperare potuisse, quin evidentiā nonnulla crudelis animi argumenta erumperent.

Priora Sullae facta adfirmantes,

XV. Priore sane bello, quum servatus a Mario ad legiones jam alii decretas redisset, vi ac armis omnium rerum arbitrium arripuisse: urbem occupasse: multisque, ipso connivente, interim et jubente, occisis, coegisse senatum, ut complures egregios viros, facultatibus suis exutos, patriae aspectu privatos, hostes judicaret. Sed nec ambitionem ejus minus, quam iracundiam, metuendam esse. Cupiditate honorum et dominationis multos ingenio mites eo se praecipitare, unde sine suo aut aliorum exitio eniti nequeant. Jam vero ita comparatum in rebus humanis, ut sine ulla cunctatione alios quisque pro se, quam se pro aliis, perire malit.

Et ingenium civilis victoriae.

XVI. Non posse existere clementem animum in civili victoria: iras, odia, offensas, quamquam mirissimos mores exacerbare. Accedere licentiam summae potentiae: et interdum vel a nolentibus aliquid durius fieri, ut admoneantur homines, quantum victoribus liceat, si velint. Multa quoque contra voluntatem facere cogi, ut satisficiant adjutoribus victoriae. horum inextinguibilem avaritiam nullis umquam opibus exsatiari posse. Sed ad has parandas opus esse crudelitate. Nam et adimi bona innocentibus invidiosissimum esse; et injustissimos; etiam quum facere scelesti nihil pensi habeant, probos tamen videri malle. Nihil ergo reliquum, quam ut, quibus eripere facultates constituerint, eis prius adimant vitam, quo tamquam fontes punivisse credantur.

Sulla contra Carbonem movet.

XVII. Ceterum Sulla, non diutius Romae moratus, quam ut, curatis instantibus, amicorum quosdam urbanis rebus praeficeret, inde contento cursu Etruriam petiit: quod apud Clusium Carbo consul floren-

tes copias, ipsum partium robur, contraxerat. Accesserant Celtiberorum alae, quas nuper Hispaniarum praetores consulibus auxilio miserant. Cum his, praecursores Sullae, contracto ad Clanum fluvium equestri proelio, circiter quinquaginta occiderunt; ducentos septuaginta, non captos, sed sponte transgressos, deduxerunt ad imperatorem. Carbo, re cognita, infensus Celtiberis, et parem reliquorum perfidiam metuens, circumdatos valida manu omnes trucidavit. Eodem tempore Sulla cum alia parte copiarum in agro Caletrano circa Saturniam coloniam oppositos sibi hostes vicit: et Metellus, Ravennam navigans, Uritanum agrum planum et frumenti feracem in potestatem redegit. Aliae quoque Sullanae copiae in Neapolitanorum oppidum noctu proditorum opera recepti, promiscua caede compleverunt omnia, triremesque civitatis abduxerunt. Etiam, ut ubique eadem partium fortuna esset, in Spoletinis campis Pompejus Crassusque Carbonianorum tria millia conciderunt, Carrinatisque castra circum-sederunt.

U. c. 670.
A. C. 82.

XVIII. Inter haec Sulla Carboque, capita factionum, apud Clusium ab oriente die ad occidentem commisso proelio, neutro inclinante victoria, tenebrarum superventu dirempti sunt. Carbo deinde copias magnas ad eximendum obsidione Carrinatem misit: quibus insidiae a Sulla positae, et ad duo millia interempti sunt. Carrinas, foedam tenebris et pluvia noctem nactus, ex locis iniquis exercitum ad tutiora deduxit: magis dissimulantibus, quam ignaris, hostibus, quod inter caeca tenebrarum et tempestatis ad proelii laborem aleamque prodire pigebat.

*Proelio an-
cipiti dimi-
cat.*

XIX. Post haec Carbo ad liberandum Praeneste, ubi collegam fame premi compererat, Marcium cum octo legionibus misit. Eas angustis locis insidiae Pompeji quum excepissent, fuga stragesque facta est, et in tumultum quemdam, quod evaserat, rejectum. Marcus, non extinctis ignibus, ne consilium proderetur, ad Carbonem, ut re desperata, refugiebat: sed, prodita re, seditiosis militum vocibus agitated, auctorque insidiarum, quas essent passi, appellatus est. Eoque tandem irarum ventum, ut, convulsis signis, pars Ariminum peteret, alii passim domos dilaberentur frustra.

*Marcus
obsidionem
Praenestinam
solvere cona-
tur frustra.*

Cap. XVII. Liv. 39, 55. Appian. Liv. Epit. Appian.

U. c. 670. tur: neque ad summam plus septem cohortibus apud
A. C. 82. ducem permanerent.

XX. Irrita Marcii expeditio M. Lamponium, Pontium Telesinum, Guttam Capuanum, Italicos duces, *Similiter et Italici duces.* accendit, ut eo promptius ad auxilium Marii concurrerent. Neque spernendae his vires, septuaginta milia armatorum, erant. Sed ubi hos adventare Sulla cognovit, quibus locis maxime arcta sunt itinera, et necessario transeundum hostibus erat, castra metatus, frustra quaerentes aditum exclusit. Proinde Marius, nullam, nisi in se ipso, spem reliquam videns, inter oppidum et opera Sullae (spatium enim satis magnum intererat) castellum exstruxit, machinisque et copiis ibi collocatis, eruptionem tentavit. Sed quum per complures dies nequidquam se fatigasset, accurrente Sulla, intra Praeneste repulsus est.

Cap. XX. Plut. Appian. Liv. Epit. Appian.

E P I T O M E

LIBRI OCTOGESIMI OCTAVI

*Sulla Carbonem, exercitu ejus fuso ad Clusium,
ad Faventiam Fidentiamque caeso, Italia expulit:
cum Samnitibus, qui soli ex Italicis populis nondum
arma posuerant, juxta urbem Romanam ante por-*

Sulla Carbonem, exercitu ejus ad Clusium, ad Faventiam, Fidentiamque caeso] Membranae Barb. et Voss. et Gud. minor: *exercitu ejus fuso ad Clusium, ad Faventiam Fidentiamque caeso*. J. FR. GRON. *Sulla Carbonem eum, exercitu ejus ad Clusium* Exc. Pithoei. *Sulla Carbonem cum exercitu ad Clusium* Berg. *Sulla Carbonem, exercitu ejus fuso ad Clusium* Leid *Sulla Carbonem, ejus exercitu fuso ad Clusium* Lov. 1. Recte Gronov vocem *fuso* recepit. Nam ad Clusium exercitus Carbonis *caesus* dici nequit, quum, secundum alios, nox proelium illud diremerit, neutro inclinate victoria. App. Al. 1. Civ. 405. *Ἀυτῷ δὲ Σύλλα κατὰ Κάρβωνι περὶ Κλουσίων ἐξ ἡοῦς ἐπὶ ἑσπέραν γίνεται μάχη κρατερὰ, καὶ φανέντες ἀλλήλοις ἰσόμαχοι, μετὰ σκότους διεκρίθησαν*. Alterius proelii ad Clusium, in quo ex Carboniano exercitu viginti millia militum ceciderunt, meminit quidem App. Al. 1. Civ. pag. 407. Verum id demum accidit, postquam Carbo, rebus desperatis, in Africam aufugisset: auctor igitur, si id memorare vo-

luisset, ultimo loco ejus mentionem fecisset. Ceterum triplicem hanc victoriam Sulla non suo ductu, sed per legatos, reportavit. Vell. Pat. 2, 28. *Paullo ante, quam Sulla ad Sacriportum dimicaret, magnificis proeliis partium ejus viri hostium exercitus fuderant: duo Servilii apud Clusium, Metellus Pius apud Faventiam, M. Lucullus circa Fidentiam*. Proeliorum ad Faventiam et Fidentiam meminit etiam App. 1. Civ. 406. apud quem nunc vulgo *περὶ τὴν Πλακεντίαν*, pro *περὶ τὴν Φαουεντίαν*, perperam editur. Mox *Italiae expulit* Exc. Pithoei. Sed ultima litera in fine prioris vocis, ex initio posterioris male repetita est. V. ad 40, 7, 8.

Qui soli ex Italicis populis nondum arma posuerant] Ita Gron. edidit anno 1665. itaque ex auctoritate Voss. et Gudiano- rum legendum monuit ad Epit. 79. quum antea vulgaretur *soli Italicorum populorum*. Emendationem ejus firman- Leid. Berg. Lovel. 2. Boend. et ed. Camp. quam etiam servavi, licet Freins- hem. Doujat. Cleric. et Crevier.

tam Collinam debellavit: recuperataque republica, pulcherrimam victoriam crudelitate, quanta in nullo hominum fuit, inquinavit. Octo millia deditorum
in

alteram lectionem recipere maluerint. Praeterea deposuerant Exc. Pithoei, Norv. et pleraeque edd. ante Gruteri ultimam, quae emendavit posuerant, concinentibus Leid. Voss. Berg. Lov. 2. Boend. et ed. Camp. Et recte. Livius 6, 10. *Nepesinis inde edictum, ut arma ponant. ubi vide. 5, 32. Positis armis, in deductionem venerunt. 9, 41. Una vox ponere arma jubentium per totam fertur aciem. 44, 15. Deorum nutu arma sumtuos positurosque Romanos esse. Ita ponere bellum 1, 53. Velut posito bello fundamentis templi jaciendis intentum se esse simularet. Vide Cortium ad Salustii Jugurth. 112. ubi, pro bellum poni, alii codd. componi, alii deponi praeferunt; sed utrumque ex interpretis glossa natum censi debet, ut hic similiter deposuerant.*

Juxta urbem Romanam ante portam Collinam] juxta urbem Romam Leid. Berg. Exc. Pithoei, Norv. et edd. ante Gronov. qui urbem Romanam recepit anno 1665. consentientibus Voss. Lov. 2. et Boend. Vide ad Epit. 49. Alteram lectionem adoptarunt Freinsh. Doujatius, Clericus, et Crevierius. Praeterea vocem portam omittunt Voss. Lovel. 2. et Boend. ante Collinam portam legit Berg. ad Collinam portam Leid. Ita Vell. Pat. 2, 27. Ad portam Collinam cum Sulla dimicavit. Eutrop. 5, 8. Pugnam gravissimam habuit ad portam Collinam. Contra ante ipsam urbem portamque Collinam dixit Oros. 5, 20. apud Collinam

portam Flor. 3, 21, 23. 24. Mox recuperata republica Voss. reparataque republica Exc. Pithoei.

Crudelitate, quanta in nullo hominum fuit, inquinavit] in nullo homine unquam fuit Exc. Pithoei, Norv. et pleraeque edd. ante Gruteri ultimam, quae adscivit in nullo hominum unquam fuit. Et ita Leid. praefere innuunt ejus excerpta. Gronovius deinde in nullo hominum fuit anno 1665. recepit, quod firmant Voss. Lov. 2. Boend. et ed. Camp. in nullo homine fuit Berg. Lectionem Gruteri servarunt Freinsh. Doujatius, Clericus, et Crevierius. Sed vox unquam referenda videtur inter eas, quae passim in his Epit. interpolatae sunt. De illis vide ad Epit. 48.

Octo millia deditorum in via publica trucidavit] Lege in villa publica, qui locus fuit in campo Martio. Sic enim Augustin. de Civit. lib. 3, 28. Sulla victor urbem intravit, qui in villa publica, non jam bello, sed ipsa pace, saeviens, septem millia peditum undecumque inermium non pugnando, sed jubendo, prostravit. Et Valerius l. 9, c. 2. Quatuor legiones contrariae partis, fidem suam secutas, in villa publica, quae in campo Martio erat, nequicquam fallacis dextrae misericordiam implorantes, obtruncari jussit. SIG. Emendationem Sigonii firmant Leid. Voss. Berg. Lov. 2. et Exc. Pithoei. Flor. 3, 21. Quatuor millia deditorum inermium in villa publica in-

in villa publica trucidavit: tabulam proscriptionis posuit: urbem ac totam Italiam caedibus replevit: inter quas omnes Praenestinos inermes concidi iussit: Marium, senatorii ordinis virum, cruribus bra-

terfici iussit. Ubi vide viros doctos. Ibidem etiam olim male in via publica editum fuisse, docent notae Vineti, et quae Fabricius monuit ad Oros. 5, 21. In numero interfectorum nihil hic variant codices. At circa eundem admodum dissentiunt scriptores. Quidam tria, quidam quatuor, quidam sex, quidam septem, quidam octo, quidam novem millia fuisse referunt: alii unam, alii duas, alii quatuor legiones. Vide Freinsh. ad Flori 3, 21, 24. Cocqueum ad August. de Civ. Dei 3, 28. et Viros doctos ad Aurel. Vict. de Vir. Inlust. 75. Quum autem Gruter. in uno cod. Aurelii Vict. per notas numerales VIII millia datum invenisset; similiter etiam in Epitoma hac scriptum, et hinc errore scribarum, notas male redditum, octo, pro novem, datum fuisse opinatur. Verum pariter fere App. Al. 1. Civ. 407. ἀρχαῖα ὀκτακισχιλίων πλείω γινόμενα refert. Insuper deditiorum Lov. 2. dediticiorum Exc. Pithoei; quod magis placet Crevierio. Sed deditos etiam vocat Flor. loc. laud.

Tabulam proscriptionis posuit] Male haec verba desunt in Leid. Reliqui codd. nihil mutant. Mallet tamen proposuit. Ita enim loquitur Flor. 3, 21. Proposita est ingens illa tabula, et ex ipso equestris ordinis flore. ac senatu duo millia electi, qui mori juberentur. Oros. 5, 21. Prima proscriptio octoginta nominum fuit. item alia cum quingentis nominibus proposita est. August. 3. de Civ. 28.

Supplem. Liv. Tom. XIII.

Tabula illa cum magna gratulatione proposita est, quae hominum etc. occidendorum ac proscribendorum duo millia continebat. Aurel. Vict. de Vir. Inl. 75. Proscriptionis tabulas primus proposuit. ubi simili errore plures codd. posuit praefere, Cl. Arntzen. observavit. Similiter librarii peccarant apud Liv. 9, 32, 3. Mox et universam Italiam Norv. et edd. ante ultimam Gruteri, qui et totam emendavit. Nec aliter omnes nostri et ed. Camp.

Inter quos omnes Praenestinos inermes interim iussit] Vet. lib. concidi iussit. Appian. lib. 1. [408.] κατηκόντισεν ἀπαντας. SIGON. Emenda quas, scilicet caedes. et ita V. L. DELR. inter quas etiam Leid. Voff. Berg. Lov. 2. Boend. et ed. Campani, quod recte Gruter. recepit. Deinde inermes occidi Lov. 2. Boend. et ed. Camp. inermes concidi Leid. Voff. Berg. et Exc. Pithoei. Iterum igitur primi editores per vim substituerant amatum sibi verbum interimere. Vide ad Epit. 57.

Marium, senatorii ordinis virum, cruribus brachiisque etc.] Intelligitur Marius Gratidianus, quem ducis ipsius fratrem vocat Flor. 3, 21. Per hunc ducem innui Marium juniorem, septies consulis filium, ejusque fratrem, sed patruelem, fuisse Gratidianum, a Marii junioris patruo adoptatum, multis probat Perizon. in Animadv. Hist. c. 3. De crudelitate in eum exercita vide Viros doctos ad Flor. 3, 21, 26. et ad Augustin. 3. de

P

chiisque fractis, auribus praeseclis, et effossis oculis, necavit. C. Marius, Praeneste obsessus a Lucretio Ofella, Sullanarum partium viro, quum per cuniculum captaret evadere, septus ab exercitu, mortem sibi conscivit. id est, in ipso cuniculo, quum senti-

Civit. Dei 28. Mox oculis defossis Boend. et ed. Camp. *defossis oculis* Norv. et priscæ edd. reliquæ. *efossis oculis* Froben. *effossis oculis* Basil. anni 1539. concinente Leid. *oculis effossis* Voss. Berg. et Lov. 2.

A Lucretio Asella Vet. lib. *Offella*. Plut. in Sulla [pag. 471] *Ὀφέλλα*, itemque Appianus lib. 1, [403.] SIG. ab Lucretio Gronov. anno 1665. edidit. Sed omnes nostri, Exc. Pithoei, et Norv. a Lucretio servarunt. *Asella*, ut quaedam ante Sigonium editiones, Berg. *Asylla* Lov. 2. *Afella* Leid. Voss. Norv. et edd. principes. *Affella* Boend. *Offella* Exc. Pithoei, et ed. Camp. Sed recte Sigonius *Ofella*. Vide Viros doctos ad Vell. Pat. 2, 27.

Mortem sibi conscivit in ipso cuniculo Haec verba arbitror inducenda, ut glossema ineptum. Repugnant certe caeteris, et orationem impediunt. SIG. Barber. et Gudiani: *conscivit. id est, in ipso cuniculo*. Sic Epit. 98. *Qui sequi volebant, id est, legiones Valerianæ, etc.* J. FR. GRON. Vir summus ad Gellium 2, 22. videtur velle, *id est* hic ita dici, ut apud Apulejum de Mundo p. 63. ed. Elm. *Japygem (ventum) ex Japyge sinu, id est, ex ipso Gargano, venientem.* et in Floro 4, 2, 15. *De successione Caesaris senatus, id est, Pompejus, agitabat.* Non video, quid in his simile sit, ut hic locus cum iis componi possit. Scriptores Latini fere dicunt *id*

est, quum posterius re ipsa idem est, vel esse putant, quod prius. Vellej. 2, 23, 6. *Paternis, id est, Ponticis finibus contentum esse jussit.* Idem 2, 48, 4. *Pro Pompeji partibus, id est, ut tunc habebatur, pro republica.* Florus 2, 8, 6. *Si se consiliis ejus rex tradidisset, id est, si Asiae viribus usus fuisset miser Annibal.* Et 3, 3, 6. *Tripertito agmine per Alpes, id est, claustra Italiae, ferebantur.* Plane mihi persuadeo, hic in verbis *id est*, in quibus nullum sensum invenire possum, aliquid vitii haerere; sed simul suspicor, locum non integrum esse, et varias sententias de morte Marii relatas fuisse, ut a Vellej. 2, 27. Certe mortem sibi consciscere, cum alio concurrere, et a servo impetrare, ut se occidat, non sunt eadem genera mortis. Mortem sibi consciscunt, qui opera aliorum in ea re non utuntur. itaque qui dicit, mortem sibi conscivit, non recte mea quidem sententia dicat, *id est*, cum alio concurrat, vel impetravit a servo, ut se occideret. DUK. *Vocula sibi deest* in Voss. Leid. Berg. Lovel. 2. et Boend. Tum *id est, in ipso cuniculo* Berg. 1. *in ipso cuniculo* Voss. et Boend. *idem in ipso cuniculo* Leid. Voces *mortem sibi conscivit* delet Crevier. legens *septus ab exercitu in ipso cuniculo*. Paulo ante *tentaret evadere* Berg. et ed. Camp. Tum *septus exercitu* Leid. Voss. et Lov. 2. *septum exercitu* Berg. *sepius extra citu* Boend. a manu pr.

ret se evadere non posse, cum Pontio Telesino, fugae comite, stricto utrimque gladio, concurrat: quem quum occidisset, ipse saucius impetravit a servo, ut se occideret.

Se evadere minime posse] Scripti, *se evadere non posse*. Ut et Epit. sequenti, *admissus non est*. J. FR. GRON. Similiter Leid. Voss. Berg. Lov. 2. Boend. Exc. Pithoei, et ed. Camp. Vide ad Epit. 49.

Cum Pontio Telesino, fugae comite, stricto utrimque gladio, concurrat] Vox Pontio deest in Leid. Voss. Berg. Lov. 2. Exc. Pithoei, et Norv. additis autem notis delendam esse, tamquam perperam adscriptam, in Boend. indicabatur. *Portio* ejus loco legit ed. Camp. Eum simpliciter *Telesinum* vocant Flor. 3, 21, 23. et Oros. 5, 21. Fuisse autem minorem fratrem Pontii Telesini, qui proelio cum Sulla ad portam urbis Collinam commisso interfectus erat, indicat Vell. 2, 27. de quo loco vide Cl.

Duker. ad Epit. 86. Verba *Telesino fugae comite stricto perperam* desunt in Boend. Tum *occurrit* Norv. et edd. principes; pro quo *concurrat* emendavit Frob. anno 1535. adsentientibus omnibus scriptis meis, et ed. Camp.

Saucius a servo impetravit, ut se occideret] *ipse saucius a servo* vet. lib. SIGON. Similiter Leid. Voss. Berg. Lov. 2. et Exc. Pithoei. *saucius ipse* Boend. et ed. Camp. Tum *impetravit a servo* edd. Gruteri, et recentiores; quibus adhaerent Leid. Voss. Berg. Lov. 2. Boend. et ed. Pithoei. altera lectio est in Exc. Pithoei, et Norv. Dein *ne se occideret* perperam Boend. Supra Epit. 83. *Impetravitque a servo praebens cervicem, ut se occideret.* ubi vide.

JOHANNIS FREINSHEMII

SUPPLEMENTORUM LIVIANORUM LIBER LIII.

IN LOCUM LIBRI LXXXVIII. T. LIVII.

U. c. 670. I. Paulo ante, quam Sulla ad Sacriportum dimi-
A. C. 82. caret, a ducibus ejus, duobus Serviliis ad Clusium,

*Carbo et
Norbanus
Metellum op-
pugnantes,*

*Magna
frage vin-
cuntur.*

Metello Pio ad Faventiam, M. Lucullo circa Fidentiam, Carbonianos magnificis proeliis victos esse, Vellejus Paterculus retulit. Sed ego, Livianam historiam vestigiis persequutus, seriem rerum, Appiani quoque testimonio fultus, aliter contexui. Igitur quibus temporibus repulsus intra Praenestina moenia Marius fuit, iisdem ad faventiam Carbo Norbanusque, per absentiam Sullae Metello imminentes, conjunctis exercitiibus prope castra ejus, vix una hora diei reliqua, venerunt. Et, quamquam statim adfutura nox erat, praeterea locum pugnandi densa circum vineta arctabant, ira magis quam consilio impetum fecerunt, tamquam inopinata audacia plus formidinis illaturi. Sed iniquo loco; quum impediti vitibus milites prociderent, neque armis uti possent, magna caede victi sunt; exercitusque omnis ita dissipatus, ut morte decem millium, sex millium transfugio, ceterorum, quo cuique visum fuerat, abeuntium desertione, non ultra mille hominum servatis ordinibus Arretium sit reductum.

II. Alia quoque legio Lucanorum, quam P. Albinovanus, qui cum Mario sene hostis judicatus fuerat, ducebat, frustra indignante Albinovano, signa ad Metellum transtulit. ille, quum, omnibus tentatis, retinere deficientes nequivisset, ad Norbanum se recepit. Deinde fata partium, et quam frustra obniteretur, reputans, animo commutato, neque simplici scelere prodicionis contentus, Norbanum et, qui una erant, du-

Cap. I. Vell. 2, 28. Liv. Epit. Appian. Oros. 5, 20. Appian.

ces invitavit. Norbanus ipse non accessit: Flavius Fimbria ceterique, quum venissent, omnes inter ipsas epulas trucidati sunt. Albinovanus ad Sullam profugit. Harum cladum fama quum Ariminum, Albinovani proditione oppressum direptumque, deinde alia multa iis locis praesidia alienasset; Norbanus, nemini suorum, rebus suis adversis, fidem mansuram ratus, privato navigio Rhodum avectus est.

U. c. 670.
A. C. 82.

III. Carbo, nihil non in eo situm videns, si Praenestina solvi obsidio posset, L. Damasippum cum duabus legionibus eo proficisci jubet: sed nec ab hoc quidem, occupatis per Sullam angustiis, penetrari quitum. Metellus interea, quidquid a Ravenna ad Alpes Gallicorum populorum colit, adjunxit partibus: et ad Fidentiam in agro Placentino M. Lucullus, quum a Quintio obsideretur, cum sexdecim cohortibus adversus quinquaginta eruptione pugnavit, caesisque millibus octodecim, castra quoque vi cepit. Alacritatem militum ante id proelium ea re mirifice auctam ferunt, quod, cunctante Lucullo, clemens ventus e vicino prato florum magnam copiam in vallum ejus compulit, qui, scutis galeisque haerentes, coronati ab hoste exercitus speciem referre visi, velut certo victoriae omine ad conandum omnes impulerunt. Inter haec etiam a M. Crasso res in Umbria gestae, et insigne iis locis municipium Tuder receptum est.

L. Damasippus, Praeneste liberaturus, ab Sulla impeditur.

IV. Hae aliae super alias clades ita perculerunt Carbonis animum, ut de retinenda Italia desperaret. Igitur, quamvis ad Clusium adhuc triginta militum millia haberet, praeterea duas sub Damasippo legiones, alias itidem sub Carrinate et Marcio, Samnitum quoque ingentes copiae partibusque fidae superessent, turpi formidine Italiam atque exercitum consul deferuit, cum amicis in Africam profectus.

Carbo, desperata victoria, Italiam deseruit.

V. Relictus ad Clusium exercitus, cum Sullanis acie commissa, post viginti ferme millium interitum, dissolutus est; reliquis in suam quoque patriam sparsis. Decus hujus victoriae a quibusdam duobus Serviliis, ab aliis Cn. Pompejo vindicatur. Quid veri

Exercitus relictus ab Sullanis caeditur.

Cap. II. Cic. in Verr. 1, 14. et ibi Pedian. Appian. Cap. III. Liv. Epit. Oros. Appian. Plut. Sull. c. 53. Plut. Crasso, c. 10. Cap. IV. Appian. Plin. 8, 57. Appian. Sall. apud Serv. et Incert. 9. Liv. Epit. Cap. V. Plut. Sulla. Appian. Vell. 2, 28. Appian.

U. c. 670. sit, haud facile queas discernere: omnes istos duces
 A. C. 82. simul adfuisse proelio, non sit absurdum existimare.
 Servilii certe magnam eo bello et praeclaram operam
 fuisse, boni auctores prodiderunt. Sed Carrinas et
 reliqui Carboniani duces junctis copiis ad angustias
 accesserunt, extremo conatu simul cum Samnitibus
 perrupturi. quippe Samnites inde repulsi Campaniam
 Etruriamque vastabant, sub invidia partium se vindicantes. Id quoque frustra fuit.

*Reliquiae
 cum Samni-
 tibus jun-
 ctæ Romam
 petunt.*

VI. Ergo, quum neque tenere propositum possent,
 et, instante hinc Sulla, inde Pompejo, neque pro-
 gredi facile, neque regredi tutum videretur, noctur-
 no itinere Romam petierunt, virorum et com meatuum
 inopia haud difficilem captu arbitrati: et ad duodeci-
 mum, neque amplius, ab urbe lapidem castra in Al-
 bano monte posuerunt. Ibi nocte exacta haud exigua
 cum spe, quod tantis totque ducibus imposuissent;
 simul cum luce profectos ex urbe nobiles juvenes, una
 cum Ap. Claudio insigni viro, ceciderunt. Octoginta
 millia bellatorum erant: dimidium ejus numeri Sam-
 nites implebant, quos, solos omnium Italicorum arma
 retinentes, Pontius Telesinus civis eorum ducebat,
 vir domi bellicque fortissimus, et magnis certaminibus
 inveteratus.

*Eodem et
 Sulla accur-
 rit.*

VII. Igitur, quum res ad summum timorem spe-
 ctaret, urbsque tota tumultu et clamoribus sequioris
 praecipue sexus personaret, primus ab imperatore
 Sulla cum septingentis equitibus citato cursu Balbus
 adfuit: qui tantum moratus, donec sudor equorum
 consisteret, statim iterum frenari eos jussit, et ad di-
 stinendum hostem procucurrit. Interim Sulla, raptim
 exercitu ducto, ad portam Collinam circa meridiem
 pervenit; castrisque ad Veneris fanum positis, ut qui-
 que primum advenerant, prandere milites, deinde in
 aciem adsistere jussit. Jam enim et hostes ad urbem
 castra metabantur.

*Cui duces
 sui moram
 suadent.*

VIII. Ibi Dolabella et Torquatus magnopere Sul-
 lam obtestati sunt, ne, lassatis itinere militibus, patriae
 salutem in unius pugnae discrimen committeret. Non Marium
 ex adverso et Carbonem, inimicissimos homines, Romanos ta-
 men; sed Lamponium cum Lucanis, sed cum Samnitibus Tele-

Cap. V. Plut. Appian. Flor. 3, 21. Cap. VI. Plut. Appian.
 Plut. Oros. 5, 20. Vell. 2, 27. Liv. Epit. Plut. Cap. VII.
 Appian. Plut. Appian. Plut.

suum consistere, infestissimos Romano nomini bellicosissimosque et populos et duces. Atque illos multarum horarum quietem curandis corporibus consumpsisse: sibi suisque simul facundia omnia, eundum, prandendum, pugnandum esse. non equis, non viris solidum adesse robur, ut cibo ac quiete refectis hostibus objici debeant.

U. c. 670.

A. C. 82.

IX. Esse quidem sibi militum fidem eximiam, esse virtutem, hactenus etiam Fortunae singulare obsequium adfuisse; sed neque ab illis plus, quam possint, neque ab hac plus, quam soleat, expectari oportere. Numquam non timendam casuum humanorum vicissitudinem: et quamlibet fortes viros a deterioribus opprimi posse, si cum validis et refectis ipsi labore ac inopia debiles committantur. Non esse causam festinandi, ubi meliorem tuam, quam hostium, conditionem factura mora videatur. Si paullulum quiescat, non modo redivivas miliri vires; sed hostium ex desperatione natam audaciam tempore et spatio rectius omnia aestimandi defecturam. Nunc adhuc, dum animi caleant, acre proelium facturos: ubi refrixeris impetus, et modo validissimum juxta se exercitum, nec procul inde caput rerum Romam recogitaverint, modo suarum adversarumque partium reputaverint fortunam, aut posituros arma, aut minus constanter opposituros.

Ad reficiendum exercitum.

X. Nihil motus horum precibus ac monitis Sulla, Jam in eo res est, inquit, ut, quod restat negotii, celeritate confici debeat. Mori praestat, quam hanc ferre ignominiam, ut, me incolumi et inspectante, Samnites Lucanique obsedisse Romam glorientur. Tecta urbis, et Capitolinam arcem, et quidquid ibi Deorum hominumque est, quoties respicerem, exprobrare mihi vel timiditatem, vel negligentiam crederem, si unum diem amicos nostros in metu, adversarios, si qui etiamnum Romae sunt, in spe versari passus essem. Neque militum lassitudinem, nec Fortunae inconstantiam objeceritis. Viverent adhuc immensa hostium agmina, neque Praenestinis moenibus Marium inclusisset necessitas, si ad Sacriportum bis argumentis a pugna fuisset absterritus.

Illa non movetur.

XI. Milites mei etiam fessi bene pugnare possunt: et de Fortuna quantum mihi polliceor, quibusque inductus rationibus, baud semel audivistis. Illa, illa, sicuti perpetuo consuevit, nunc quoque reperiet aut faciet nostrae victoriae viam. Nec adeo temere caput mihi consilium existimaveritis. animos exercitus magis, quam corpora, respicio. quamdiu illi vigent, non deerunt etiam fessis lacertis vires: et tamen spatium erit cibo ac modica quiete reficiendi membra. Vos ergo alacres bonaque spe pleni ad curandum vestras partes discedite: militemque, ut solitam nobis virtutem praestet, excitare. nam ego,

Sed militi et Fortunae confisus,

U. c. 670. *quod mihi, reipublicae, et exercitui bene vertat, signum pu-*
 A. C. 8a. *gnae conestim dabo.*

Statim proelium committit. XII. Ita Kalendis Novembribus post nonam diei horam summis viribus concursum: neque umquam prior victo Sulla, aut in maiore periculo Roma fuit. Dextrum Sullae cornu, cui M. Crassus praeerat, egregie vicit: persequutusque fugientes Crassus certos homines misit, qui rem bene gestam nunciarent Sullae, et cibaria militi poscerent. nam delatus Antemnam usque, castra ibi posuerat. Sed nocte jam adulta, qui fuerant missi, ad Sullam pervenerunt, defunctum discrimine, cui tum gravissimo ac formidolosissimo subiverat.

Sullae periculum. XIII. Nam interim, dum oppositos sibi hostes Crassus fundit fugatque, laevum Sullae cornu valde laborarat: quamquam eo ad sistendam suorum fugam Sulla ipse se contulisset. Ferunt, albo et pernici equo insidentem, et a duobus hostium equitibus inde agnitum, hastis emissis petatum fuisse; nec animadverso periculo, sed agasone equum impellente, hactenus esse praetervectum, ut pone caudam equi hastae in terra defigerentur. Erat hoc morum Sullae, ut modicum sigillum Apollinis, quod ex templo Delphico sustulerat, in conspectu exercitus adoraret, promissamque victoriam maturari peteret. id tum etiam eduxit sinu, exosculatusque, fuis, quas praefens trepidatio suggererat, precibus, cedentibus coepit obsistere; quosdam minis, alios precibus, nonnullos injecta quoque manu retinens. Neque tamen efficere potuit, ne, multis amicorum familiariumque cadentibus, permixtus agmini fugientium in castra sua repelleretur.

XIV. Et instabat fortunae Telesinus, totaque volitans acie, *adeffe Romanis ultimum diem, eruendam delendamque urbem; numquam defuturos raptiores Italicae libertatis lupos, ni silva, in quam refugere solerent, esset excisa, et alia incendendo militi acclamabat.* Igitur multis, qui spectatum prodierant, ad urbem refugientibus, senes, ad custodiam portarum relictis, claustra demiserunt: quibus et alii mortales, et quidam senatorum elisi sunt. tantaque formido fuit, ut propemodum solutus

Cap. XII. Vell. Oros. Plut. Appian. Plut. Crasso, et Sull.
 Cap. XIII. Frontin. Strat. 3, 11. Plut. Sull. Cap. XIV. Vell.
 Plut. Appian. Plut.

obsidione Marius fuerit, quia multi, fuga ad Lucretium delati, perditas res, oppressum Sullam, occupatam urbem nunciabant. U. c. 670.
A. C. 82.

XV. Ceterum, adnitente imperatore, et quia clausis portis aliud praesidium nullum supererat, restituta acies est: demumque post primam noctis horam superior esse res Romana coepit. reliquum noctis caedibus datum, castraque hostium capta sunt. Magna ibi strages fuit, quod imperator edixerat, *ne quis Samnis vivus caperetur*. Ad quinquaginta hominum millia utrimque desiderata dicuntur. In his et Albinus interiiit. Postridie Telesinus semianimis repertus est, victoris magis, quam morientis, vultu. caput abscissum cum Damasippi, Marcii, Carrinatisque capitibus, qui capti in fuga fuerant, ad Lucretium missa sunt, ut obseis Praeneste ostenderentur. *Et post accipitem pugnam victoria.*

XVI. Hactenus omnia Sullae praeclara, aut saltem excusanda videbantur. Recuperata respublica, parta pulcherrima victoria, patriae impendens periculum summa vi depulsum, immortalia ad gloriam facinorosa erant: Damasippum etiam, et alios ejusmodi, miseria publica saginatos, jugulari jussos, homines laetabantur. Sed statim haec decora omnia crudelitate, quantam in nullo alio umquam fuit, foedata sunt: eaque facta edita, et tam a superioribus viri institutis discrepantia, ut vix ab eodem homine profecta viderentur. Modestissimus ante victoriam, simul placere sibi, victis Samnitibus, coepit, (nec enim reliquias belli ullo in numero ducebat) Cinnae et Marios, quorum antea solitus erat incusare saevitiam, longo post se intervallo reliquit: sive recens talem animum indiderat fortuna, sive dissimulatum ad id temporis detexerat. *Sulla mores mutat post victoriam.*

XVII. Postero, quam pugnatum est, die quum Antoniam venisset, tria hominum millia, qui se ab hostium acie abruperant, veniam petitem misere: et ille annuit, siquidem aliqua prioribus sociis illata clade poenitentiam partium approbassent. Illi cum aliis conserta manu, amissis occisisque multis, quot supererant, (cognita enim causa caedium, ceteri quoque eadem auspicia sequuturos dixerant) ad octo millia Sullae *Etiam in deditos.*

Cap. XV. Appian. Vell. Appian. Strabo, l. 5. p. 240. Appian. Vell. Dio apud Vales. Appian. Cap. XVI. Liv. Epit. Sall. Catil. c. 51. Liv. Epit. Dio. Vell. 2, 25. Joann. Antioch. apud Vales. Dio. Plut.

U. c. 670. se dediderunt. Eos, in villam publicam ingredi jussos, quasi inter suos milites descripturus, eodem tempore, quo senatum in aedem Bellonae convocari jusserat, crudelissime trucidavit: multique simul pagani, qui forte eodem venerant, etiam Sullanarum partium homines, perierunt. Corpora in Tiberim projecta sunt.

*Vox ejus
truculentis-
sima.*

XVIII. Dum tanta multitudo caeditur, ipse verba in senatu faciebat: Patribusque ad horribilem tumultum ac clamorem, tot quem millia indigne moritura edebant, exterritis; eodem, quo dicere coeperat, vultu vocisque tenore, *Hoc agite*, inquit, *Patres conscripti. pauci seditiosi jussu meo puniuntur.* Qua tantae acerbitalis voce vix quidquam ab ullo homine dictum puto truculentius.

XIX. Proximis deinde multis diebus passim per urbem caedes factae, tanta gladiatorum licentia, ut, quem quis vellet, occideret. inimicos suos maxime tollebant; deinde quorum aut dignitas invidiam, aut res familiaris praedam luculentam ostentabat. Eadem ista, velut signo ab urbe dato, per omnem Italiam fiebant; et ubique per colonias ac municipia, quos adversatos Sullae aut satellitum ejus alicui constabat, trucidabantur. Plurimi sanguinis, alii spoliis cupiditate caedes perpetrabant: erant et, qui periculum sibi metuebant, ni aliorum exitio studium partium significassent.

*C. Metelli
et Q. Catuli
voces libe-
rae.*

XX. Tandem C. Metellus juvenis ausus est in senatu interrogare Sullam, *ecquem ergo suppliciorum finem statuisset.* Non enim, inquit, *hoc deprecamur, ut, quos decrevisti tollere, vivant: sed ne, quos conservatos cupis, moriantur.* Ajunt et Q. Catulum palam dixisse, *Cum quibus tandem victuri sumus, si in bello armatos, in pace inermes occidimus? Tum negante Sulla, constitutum adhuc sibi esse, quibus velit parcere;* subjecit Furfidius primipilaris, Sullae turpissimus adfentator, qui mox in petitione magistratum egregiis hominibus praelatus est: *Quin igitur edis, quos tibi punire certum est?*

Cap. XVII. Liv. Epit. Appian. Dionys. l. 5. fin. Flor. 3, 21. Strabo. Dio. Cap. XVIII. Oros. 5, 21. Plut. Senec. de Benef. 5, 16. Dio. Oros. Val. Max. 9, 2. Dio. Cap. XIX. Lucan. 2, v. 196. Plut. Senec. de Clement. 1, 12. Oros. Flor. Plut. Aug. de Civ. Dei, 3, 28. Dio. Cap. XX. Plut. Oros. Flor. Plut. Oros. Sallust. Hist. 1. in orat. Lepidi.

XXI. Id se facturum recepit: neque multo post, re neque cum senatu, neque ullo magistratum communicata, proscriptionis proposuit tabulam, qua nomina octoginta continebantur: inter quae consularia quatuor, Carbo, Marius, Norbanus, et Scipio; deinde Sertorius, et alii, quos Sulla prae caeteris odebat. Omnium ad inauditae antea saevitiae tyrannicae imperii exemplum indignatione commota, tantum uno die interposito, ducentos viginti, dein postridie iterum haud pauciores adscripsit. Adjecit pro concione, eos, quorum meminisset, proscripsisse: de ceteris decreturum, ubi in mentem venisset.

U. c. 670.
A. C. 82.
*Proscriptio
Sullana.*

XXII. Receptatoribus etiam proscriptorum poena mortis est proposita, non excepto, sanguine junctos, an externos servare voluissent. Et, sicut humanitati supplicium, ita crudelitati et perfidiae merces dicta est, in singula capita talenta duo. haec servo, si dominum occidisset, haec, si parentem, filio repraesentabantur. Proditoribus etiam latentium praemia constituta sunt. Denique quatuor millia septingenti, quos ea pestis sustulit, jubente Sulla, tanquam ad praeclari facinoris servandam memoriam, in tabulas publicas relati sunt. In his senatorum equitumque Romanorum duo millia fuisse traditum.

*Caesorum
ingens nu-
merus.*

XXIII. Neque Romae tantum, sed per universam Italiam furialis illa tempestas desaevit. Severae passim quaestiones habebantur, si quis sub Mario aut Carbone legatisve eorum stipendia civili bello meruisset; si partes ope, consilio juvisset; si omnino studiosus illarum fuisset. Quibusdam etiam crimini datum referunt, quod cum aliquo eorum commune iter inivissent. Ibi omnia divina humanaque violata et polluta sunt. mariti in gremiis uxorum, in sinu matrum liberi confossi. sacra hospitalia, caerimoniae et religiones Deorum, ipsaque eorum penetralia, nemini securum adversus percussores per fugium dabant.

*Etiam per
Italiam cae-
des passim
editae.*

XXIV. Eratque numerus exiguus per iram aut odium victoris pereuntium, prae multitudine eorum, qui facultatum causa necabantur. quorum etiam per nomenclatorem conquisita nomina tabulae proscriptionis tyrannus adjecit. Q. Aurelius, vir quieti animi,

*Plerique
facultatum
causa ne-
cati.*

Cap. XXI. Plut. Dio. Liv. Epit. Augustin. Oros. Plut. Cap. XXII. Appian. Plut. Vell. 2, 28. Plut. Val. Max. 9, 2. Flor. Cap. XXIII. Aug. de Civ. Dei, 3, 28. Liv. Epit. Appian. Plut. Cap. XXIV. Val. Max. Plut.

U. c. 670. et conscientia securus, quum tantum aliorum sibi do-
 A. C. 82. lendam vicem putaret, lectis proscriptorum nomini-
 bus, quum se quoque videret adscriptum; *Vae misero*
mibi, inquit: *fundus A banus me persequitur*. Neque longe
 progressus, a quodam, qui eum agnoverat, percussus
 est. idemque sive Lollii, sive cujusdam alterius fa-
 tum, sed ex merito, fuit.

*Lollii cu-
 jusdam im-
 probitas et
 fatum.*

XXV. Is singulari pravitae ingenii inter turbam
 in forum ad legendam tabulam gellians procurrerat,
 et, quorum proposita nomina cognosset, in eos multa
 contumeliose dicebat, calamitate miserorum gaudens.
 Igitur hunc statim divina corripuit ultio. namque, dum
 legendo carpendoque singulos pergit, suum in ima
 tabula adscriptum nomen videt. quare metu obmute-
 scens, quum se capite adoperto subduceret, agnitus,
 et e vestigio, laetantibus, qui adfiterant, omnibus,
 confossus est.

*Periculosis-
 sima tempo-
 ra.*

XXVI. Inde latior in omnes pavor, nec, quid aut
 facerent, aut omitterent, quo tuti forent, satis scie-
 bant. Accederes ad tabulam, pro curioso periclitare-
 ris: non accederes, pro indignante: quaereres, quid
 scriptum esset; pro te aut tuis conscientia sollicitus
 videreris: adfatares tacitus; odiis latronum objicerere,
 tamquam tristi silentio praesentia damnans. Nam et
 multi, quod vel subriferant ad talia, vel frontem con-
 traxerant, caedebantur. neque aut amici casu ingemi-
 scere, aut adversarii exitio laetari impune erat. Prae-
 terea multis perniciosus cognominum error erat, quae
 percussores, ubi proscriptos non nossent, aliis ad-
 fingeant: oriebaturque saepe imponentium cognomi-
 na et rejicientium vehemens contentio. Ne mulieres
 quidem exemptae penitus periculo erant, quin etiam
 illarum nonnullae gladiis homicidarum objicerentur.

*Latentium
 sors miser-
 rima.*

XXVII. Inter has miseras minus videbantur mise-
 rabiles, quos ignaros sortis suae, aut dum illam di-
 scunt, percussor occupabat. eorum, qui, praeviso pe-
 riculo, se abscondiderant, sollicita et morte tristior
 vita erat, quia neque profugere, ne deprehenderen-
 tur, audebant; neque in tanto omnium metu, quum
 multi ab amicissimis proderentur, confidere latebris
 poterant.

Cap. XXIV. Oros. Cap. XXV. Diod. apud Vales. Cap.
 XXVI. Val. Max. 9, 2. Cap. XXVII. Dio.

XXVIII. Neque securiores erant, quorum nominibus crudelis stilus pepercerat. Nec enim modo proscriptos jugulari, sed etiam jugulatos proscribi obtinuerat. L. Catilina, magnam postea famam sceleribus nactus, quum fratrem nondum proscriptum sustulisset, oravit Sullam, ut tamquam superstitis nomen in tabulam referretur, et impetravit.

U. c. 670.

A. C. 81.

Quidam jugulati prius, deinde proscripti.

XXIX. Ergo, ut pro tam pulchro merito dignam referret gratiam, excarnificando M. Mario praetorio, fratre consulis, operam praebeuit: cujus cruciatibus nihil vidit illa aetas crudelius. Hunc enim, de caprioli caesa extractum, prius occidi Sulla vetuit, quam exquisitissimis tormentis ad Lutatiorum sepulcrum, ubi conditus Q. Catulus pater erat, laceraretur: quia L. Caesar ad Varii bustum occisus a Marianis fuerat. Raptus ergo per ora vulgi Marius trans Tiberim, et virgis inter eundem caesus, oculis erutis, perfractis cruribus, amputatis manibus, exsecta lingua, membris omnibus contusis, infelicem spiritum per summos cruciatus reddidit. Ad hoc tam immane spectaculum quum forte adstans M. Plaetorius senator linquente animo concidisset; illico mactatus est. Ibidem etiam Venulejus triumvir periit. Caput sua manu desectum Catilina per urbem eadem manu retulit ad Sullam. Erat enim spectaculis ejusmodi nihil Sullae suavius: et omnium, qui ubique erant occisi, capita ad illum relata pro Rostris proponebantur; eademque omnia pericula creabant intuentibus, quae de proscriptionis tabula memorata sunt.

M. Marii crudelissimum supplicium.

XXX. Sed Catilinam, tam gnavum suae crudelitatis et industrium satellitem, Gallis, quorum potissimum ministerio in occidendis hominibus utebatur, praefecit. a quibus M. Volumnius, L. Tantasius, aliique illustres equites Romani sunt trucidati: inter quos Q. Caecilium, sororis suae virum, qui aetate et ingenio quietus neutrarum partium fuerat, Catilina suis manibus occidit.

Et alia Catilinae atrocissima facta.

XXXI. Interim M. Marii caput Praeneste missum Praeneste de Cajum consulem ad ultimam desperationem adegit. *ditto, C. Ma-*

Cap. XXVIII. Oros. Plut. Sull. Cap. XXIX. Sen. de Ira, 3, 18. Flor. Oros. Val. Max. Q. Cic. de Petit. Cons. c. 3. Liv. Epit. Sall. apud Jul. Rufin. et Incert. 29. Lucan. 2, 173. Pedian. in Tog. Candid. Val. Max. Oros. Plut. Dio. Cap. XXX. Q. Cic. de Petit. Consul. c. 2. Pedian. Q. Cicero. Cap. XXXI. Oros.

U. c. 670. Nam, qui cum eo obsidebantur, postquam aliorum ducum audivissent interitum, aliorum ipsi vidissent praefixa hastis capita; perisse Carbonis copias, fugisse Norbanum, urbem in potestate Sullae esse cognovissent, oppidum Lucretio dederunt. Marius per cuniculum, quales Praeneste fuisse aliquot antiquitus ex Strabone discimus, conatus evadere, postquam septum hostili exercitu exitum intellexit, cum minore Telesino, ejus, qui ad portam Collinam occubuit, fratre, belli fugaeque socio, strictis pugionibus concucurrit: eoque interfecto, ipse leviter vulneratus servo suo cervicem praebuit. Sunt, qui sua manu, sunt, qui a Sullanis militibus, in id ipsum dispositis, interemptum putent. Caput ad Sullam relatum, et ab eo pro Rostris positum est, cum cavillo in aetatem consulis, quem *antea remum, quam gubernaculum, tractare debuisset*, dicebat.

Tum demum Sulla Felicis cognomen adsciscit. XXXII. Neque tamen ille indignus tanto nomine credebatur; animoque parenti non dissimilis, fortunam iniquiorem habuisse. neque dubitari posse, quid de eo Sulla judicaverit; qui tum demum, postquam sublatus ille fuerat, cognomentum *Felicis* homo omnium miserrimus adsumpsit: statuamque equestrem auratam cum hoc cognomine poni sibi pro Rostris passus est; et, quum Metella geminos eodem partu edidisset, puerum *Fausium*, puellam *Faustam* appellari voluit.

Sulla Praeneste venit. XXXIII. Lucretius, Praeneste recepto, senatores Romanos, quos ibi repererat, partim interfecit, alios coniecit in vincula, donec Sulla advenisset. Ille, non diu cunctatus, et illos, et quotquot legati, quaestores, praefecti, tribunique partium illarum fuerant, occidit. Ceteros, spe salutis per P. Cethegum data, in campos progredi iussit. progressis exemit admodum paucos, quorum aliquando ulus opera fuerat. reliquam multitudinem tribus agminibus discerni imperavit: ut seorsim Romani, seorsim Samnites, atque Praenestini consisterent. Tum denunciavit per praconem Romanis, *et ipsos moriem esse commeritos, ceterum*

Cap. XXXI. Frontin. Strat. 2, 9. Appian. Liv. Epit. Strabo, l. 5. p. 239. Vell. 2, 27. Auctor de viris illustr. in Mar. filio. Val. Max. 6, 8. Oros. Diodor. l. 37. Plut. Vell. Appian. Cap. XXXII. Plut. Mar. c. 80. Vell. Val. Max. 9, 2. Plin. 7, 43. Appian. Plut. Sull. c. 67. Cap. XXXIII. Appian. Oros. Val. Max. 9, 2. Appian.

suo beneficio fore salvos. Samnites, et alias ubique omnes interficere solitus, quod compertum habere dictitabat, *neminem Romanum, incolumi Samnio, tutum aut quietum fore,* non dubitavit ad unum omnes cadere.

U. c. 670.
A. C. 8a.

XXXIV. Praenestinos primo singulos, causa cognita, duci imperaverat: deinde, cognitioni se vacare posse negans, universos, quamquam plerique infantes erant, armato milite cinctos, sagittis jaculisque configi, aut concidi gladiis praecepit. Ad duodecim hominum millia sic interierunt: quorum quinque millia Praenestinos fuisse reperio: (cetera multitudo Samnitium, opinor, fuit) uni tantum, quocum illi jus hospitii fuerat, incolumitate concessa. quam ille fortiter aspernatus, *neque se salutem patriae suae publico carnisfici debiturum* dicens, immiscuit se civibus suis, et inter eos occisus est. Mulieribus tantum et impuberi aetati pepercit Sulla, crudeli misericordia, quum, quibus concesserat vitam, vitae usus ademisset. Nam oppidum longe ditissimum ea tempestate diripuit: agrum publicavit.

Ibique ad millia duodecim deditorum interfecit.

XXXV. Jam enim desitis fere singulorum hominum poenis, municipia coloniasque et civitates integras mulctabat, aliarum arcibus moenibusve dirutis, aliis gravi exactione oppressis: quaedam etiam sub hasta venierunt, Florentia, Spoletium, Interamna, et, de quo multa jam diximus, Praeneste. Sulmo quoque, Latii vetus et clarum oppidum, priusquam expugnatum esset, damnatum diruique iussu, cum aliis ejusdem regionis oppidis, ab illis temporibus esse desiit.

Mox civitates integras mulctas punxitque.

XXXVI. Haec omnia Romani sociique, nec immerito, patiebantur, pristinae virtutis simplicitatisque desertores; quos, etiamsi indigna paterentur, meritos diceres vel ideo, quia pati potuerunt. Neque enim usquam ea tempestate generosus ille populi Romani spiritus, et rebus omnibus antiquior libertatis amor, praeterquam in puerili Catonis animo, resedit. Is, annum agens quartum decimum, a paedagogo frequenter salutandi Sullae causa domum ejus deducebatur: quem ille honorem admissionis exhibere pau-

Cato, quamquam puer, de tyranno interficiendo cogitat.

Cap. XXXIII. Strabo, l. 5. p. 249. Cap. XXXIV. Plut. Appian. Lucan. 2, 193. Liv. Epit. Val. Max. Plut. Val. Max. Plut. Sulla, et Praecept. Reip. gerendae, c. 51. Appian. Strabo, l. 5. p. 239. Cap. XXXV. Flor. Dionys. l. 5. fin. Appian. Flor. Plin. 3, 5. Flor. Cap. XXXVI. Plut. Cat. Min. c. 5. et Val. Max. 3, 1.

U. c. 670. cis consueverat. Ibi quum subinde recens resecta
A. C. 82. capita videret, quae viris illustribus dempta dice-
bantur, magistrum interrogavit Cato, *quid ita nemo za-
lem tyrannum occideret?* atque, illo respondente, *Merus*
enim odio potentior adfectus est, sibi pugionem dari po-
stulavit. Exterritus inde Sarpedo (id nomen erat
praeceptor) numquam postea, nisi excussus, ausus
est ad Sullam ducere. Tanta constantia puero, tan-
tumque animi robur inerat, ut solus et securus ty-
rannidem ferre nequiret, quam tot insignes viri,
gentes denique ac nationes, et caput scilicet orbis
terrarum Roma, pecudum ritu taciti inultique patie-
bantur.

EPI-

E P I T O M E

LIBRI OCTOGESIMI NONI.

M. Brutus a Cn. Papirio Carbone, qui Cossuram adpulerat, missus nave piscatoria Lilybaeum, ut exploraret, an ibi Pompejus esset, et circumventus a navibus, quas Pompejus miserat, in se mucrone verso, ad transtrum navis obnixus corporis pondere, incubuit. Cn. Pompejus, in Siciliam cum imperio a

L. Brutus a Cn. Papirio Carbone missus] Vet. lib. *M. Brutus*. SIG. Praenomen deest in Boend. et ed. Camp. *M. Brutus* legunt Leid. Voss. Berg. Lov. 2. et Exc. Pithoei. V. ad Epit. 62. Cl. Crevierius adsentitur Pighio, qui in Ann. ad A. V. 1361. pag. 253. *L. Brutus* servat, et praetorem ejus anni indicari putat, quem *L. Junium Brutum Damasippum* vocat. Sed vide Cl. Duker. ad Epit. 86. Tum praepositionem *a* ignorant Voss. Berg. et Exc. Pithoei; cognomen *Carbone* Boend. et ed. Camp.

Qui Corcyram adpulerat] Appian. lib. 1, [410.] Κοσσυραν hanc insulam vocat. Καρβωνα δε ἐν Λιβύῃς ἐς Σικελίαν καὶ ἀπ' αὐτῆς ἐς Κοσσυραν νῆσον ὑποφύγοντα πέμψας τῶς ὁ Πόμπηϊος ἔλαβε. Et Oros. [5, 21.] Pompejus Carbonem, a Cossyra insula in Aegyptum fugere conantem, in Siciliam ad se retractionem occidit. Est autem Cossura insula Africae. Auctor Strabo et Capitol. triumph. SIG. *Corcyram* constanter omnes nostri cum

Exc. Pithoei, et Norv. quem *Corcyram* appulerat Voss. quem *Corcyram* appulerant Exc. Pithoei, ut intelligamus, nautas Carbonem adpulisse Corcyram. Sed nihil muto. V. Voss. de Latin. mer. susp. cap. 16. p. 118.

Et circumventus a navibus] Copulam omittit Leid. Deinde *circumventus a navibus* ed. Camp. *circumventus a navibus* Leid. Lov. 2. Boend. Exc. Pithoei, Norv. omnesque reliquae edd. usque ad ultimam Gruteri, quae praepositionem omisit, consentientibus Voss. et Berg. Eam revocavit Crevierius.

In se mucrone verso, ad transtrum navis obnixus corporis pondere, incubuit] Quatuor membranacei incubuit. Sic lege, et praeterea in se mucrone verso. J. FR. GRON. ad transitum navis Voss. Tum incubuit Leid. Voss. Berg. Lov. 2. Boend. Norv. et edd. vet. pro quo Morguntini demum substituerunt *occubuit*. At *mucrone* servant omnes codd. An igitur potius excidit vocula *ei*, ac legendum est

Q

Supplem. Liv. Tom. XIII.

senatu missus, Cn. Carbonem, qui flens muliebriter mortem tulit, captum occidit. Sulla, dictator factus, quod nemo umquam fecerat, cum fascibus viginti quatuor processit. Rebus novis reipublicae

pondere, ei incubuit? Illud autem *ei* facile elidi potuit partim ab ultima litera praecedentis, partim a prima sequentis vocis. V. ad 39, 6, 2. Praeterea *in se verso mucrone ei incubuit*, pro *mucroni incubuit*, dictum erit eodem modo, quo *junctis exercitibus, victi sunt ab eis* supra Epit. 68. ubi alia vide.

Cum imperio ab senatu missus] Ita Gron. anno 1665. edidit, pro *a senatu*; quod non tantum servant omnes priores excusi, sed omnes etiam codd. mei, Exc. Pithoei, et Norv. Mox *qui fere muliebriter mortem tulit* Voss.

Sulla, dictator factus, quod nemo umquam fecerat, cum fascibus viginti quatuor processit] In hanc lectionem omnes scripti et typis inpressi consentiunt; nisi quod Norv. et edd. principes praeferant, *quod nemo quidem umquam fecerat*. Sed recte voculam *quidem* Sigon. omisit. V. ad Epit. 55. et infra hoc lib. Ceterum, dictatoribus viginti quatuor fascies et secures praelatas fuisse, uno ore testantur gravissimi scriptores, Polyb. 3, 87. Dionys. Hal. 10, 650. Plutarch. in Fab. pag. 176. App. Alex. 1. Civ. 412. et Dio Cass. 54, 521. Eorum testimonio adversatur hic locus, ex quo statuendum videtur, primum omnium Sullam dictatorem cum viginti quatuor fascibus processisse. Hinc permotus Lipsius 1. Elect. 23. existimat, verba *quod nemo quidem umquam fecerat*, tamquam a scioli cujusdam infausa et infesta manu addita, delenda esse. Ejus vestigiis insistent Dion. Vossius ad Caes. 1. B. Civ.

6. opinatur, eadem verba ab incepto homine inserta esse. Id fieri potuisse non nego; at factum esse flatuere non audeo, tum propter codd. verba haec servantium consensum, tum quod similis ferre periodus occurrit Epit. 67. *Marius triumphali veste in senatum venit, quod nemo ante eum fecerat*. Alii igitur verba haec ita refingenda existimant: *Sulla, dictator perpetuus, quod nemo umquam fuerat, cum fascibus etc.* Utrum tamen dictator perpetuus dictus fuerit, admodum dubito. Appian. quidem auctor est, Sullam dictatorem factum esse *ἐς ὅσον δέλουσι*, et *ἐς ἀόριστον*, sed addit, eum creatum esse *ἐπὶ δέσει νόμων, ὧν αὐτὸς ἐφ' ἑαυτοῦ δοκιμάσει, καὶ κατασσει τῆς πολιτείας*. Et hinc simpliciter *dictatorem*, non *dictatorem perpetuum*, creatum memorant Vell. Pat. 2, 28. Plut. in Sull. 473. et Oros. 5, 21. Verum demus tantisper, Sullam dictatorem perpetuum dictum esse; quae tum emphasis erit in verbis proximis *cum fascibus viginti quatuor processit?* (quod etiam sententiae eorum, qui verba *quod nemo umquam fecerat* delent, opponi potest) An non idem etiam alii dictatores fecerunt, et hinc dictatorem perpetuum id facere, tanto minus mirum videri debuit? Freinsh. in Supplem. hujus lib. cap. 9. verba Epitomes ita interpretatus est, vel, ut censet Inlust. Spanh. de Praef. et Us. Numism. Diss. 10. pag. 172. interpolavit: „Formidabilis inde et „nova species prodeuntis in publicum fuit, quum, ut solitum „dictatoribus, quatuor et vigin-

statum confirmavit, tribunorum plebis potestatem minuit, et omne jus legum ferendarum ademit. Pontificum augurumque collegium ampliavit, ut essent quindecim; senatum ex equestri ordine supple-

„ti fasces praecederent: quod „nemo praesentium umquam viderat.“ Videtur igitur legendum censuisse, quod nemo, scilicet eo tempore viventium, umquam viderat, pro fecerat.

Rebusque novis reipublicae statum constituit.] In vet. lib. inducta particula que, alius fit principium orationis. SIG. Rebus novis Sigonius, quum haberetur Rebusque. Sed quid est statum reipublicae confirmare rebus novis? Immo novis rebus convellitur status reipublicae, non confirmatur. Scribe Legibus novis statum reipublicae confirmavit. J. FR. GRON. Rebus novis Voff. Berg. Lovel. 2. Boend. Exc. Pithoei, et ed. Camp. Regibus novis Leid. unde Gronovii, Legibus novis reponentis, conjectura plurimum firmatur. Saepissime enim reges et leges in Mltis scribarum errore commutantur. V. ad Livii 4, 15, 3. 9, 9, 6. cap. 34, 12. et Cel. Burm. ad Suet. Tib. 30. quin et passim literae R et L. V. ad 28, 36, 7. Accedit, Sullam in S&S& NOMIN, sive LEGUM ferendarum causa dictatorem dictum esse, ut modo ex App. vidimus. Dein populi Ro. statum Lov. 2. Vide ad Livii 38, 58, 6.

Tribunorum plebis potestatem minuit, et omne jus legum ferendarum ademit.] tribunis plebis Lovel. 2. quod ferri potest. Tum imminuit Berg. Deinde et omnino jus Leid.

Pontificum augurumque collegium ampliavit, ut essent

quindecim.] Observat M. Ant. Ferratius in Select. Quaestion. de Rom. Republ. lib. 2. ep. 4. memorari sedecim pontifices, qui de domo Ciceronis judicant apud ipsum Cic. de Harusp. resp. cap. 6. Septimum decimum fuisse C. Julium Caesarem pontificem maximum, qui Roma aberat, ac bellum in Gallia gerebat: octavum decimum memorari L. Pinarium Nattam, qui M. Tullii domum dedicanti Clodio adfuerat: verisimile etiam videri, alios vel morbo impeditos, vel reipublicae causa absentes fuisse. Hinc efficit, plures fuisse Romae pontifices post Sullam, quam quindecim, et locum hunc Epitomes censorium emendatoris stilum desiderare. Verum primum observo, omnes codd. et manu et typis descriptos, in vulgatam lectionem consentire: et deinde Ciceronem non sedecim, sed tantum tredecim pontifices memorare, qui de domo sua judicant, et male Ferratium inter eos numerasse tres pontifices minores, quum eorum collegium a collegio pontificum diversum fuerit, ut docuit Noris. ad Cenotaph. Pis. Diss. 1: cap. 5. et latius Celeberr. Duker. ad Livii 22, 57, 3. restare igitur tantum quindecim pontifices, ex quot sacerdotibus eorum collegium constitisse hic traditur; alios autem abfuisse, disertis scriptorum testimoniis probandum, non incertis conjecturis ponendum esse. Hinc efficio, nihil caussae esse, cur locum hunc de menda suspectum habeamus.

vit: proscriptorum liberis jus petendorum honorum eripuit, et bona eorum vendidit: ex quibus plurima primo rapuit. redactum est sestertium ter millies quingenties. Q. Lucretium Ofellam, consulatum adversus voluntatem suam petere ausum, jussit occidi

Ex quibus plurima primo rapuit] Barber. et Gud. minor: ex quibus plurima praemia rapuit. Quid si praemia interpretare praedas, manubias? Tacit. 1. Annal. [16.] Mutatus princeps licentiam turbarum, et ex bello civili spem praemiorum ostendebat. Idem 1. Hist. 51. Ferox praeda gloriaque exercitus expeditionem et aciem, praemia quam stipendia malebat. Ubi viri docti proelia, alii sensu quidem deprehenso praedam maluerunt. Sed praemia sunt praedae, quas ipsi suo arbitrio plenis manibus raperent, cum stipendia acciperent alieno, et maligne. Nec aliter Petronius [cap. 80.] Egreditur superbus cum praemio Ascylos. Hinc praemiari Sueton. in Tito [cap. 7.] Suspecta et rapacitas, quod constabat in cognitionibus patris nundinari praemiarique solitum. Et praemiatore nocturnos explicat praedones Nonius apud Laevium Ἀπυρνουσίω. J. FR. GRON. Praemium pro praeda etiam habet Livius 3, 61. Sibi met ipsis victuros, non ut decemvirorum victores praemium essent. 9, 40. Ditem hostem quamvis pauperis victoris praemium esse. et 36, 17. Neque ea tantum in praemium vestrum cessura, quae nunc in regiis castris sunt; sed illum quoque omnem apparatus, qui in dies ab Epheso expectatur, praedae futurum. DUK. Vulga tamen servant Voss. Berg. Lov. 2. Boend. et ed. Camp. Ejus autem auctor existit Gruterus; quum antea e-

deretur, ex quibus primo multa rapuit, concinentibus Exc. Pithoei, et Norv. V. ad Epit. 80. Gronovii codicibus adsentitur Leid. Recte autem praemia Gronovius exposuit praedas, manubias. Livius 31, 28. Urbes, ne classi hostium praedae ac praemio essent, diruit. Vide Broukhus. ad Tibull. 1, 2, 26. et Viros doctos ad Petron. c. 80. et Nason. 5. Fast. 204. Gronovii emendatio non satisfacit Crevierio; qui existimat, fortasse aliquid intercidis, ut Sulla dictus fuerit plurima primo rapuisse, deinde cetera in publicum redegis. In praecedentibus petendorum bonorum operarum errore edidit Doujatius: nec aliter tamen Clericus et Crevierius.

Redactum est sestertium ter milies quingentiesque. Lucretium Asellam] Emendo ter milies quingenties. Q. Lucretium Ofellam. Etenim Appianus [1. Civ. 413.] Κόιντον Λουκρήτιον Ὀφέλλαν nominat. Erroris causa vulgata est. SIGON. ter milies quingentiesque. Lucretium (quae voces desunt in Voss.) servant Leid. Berg. et Boend. quingenties. Q. Lucretium Lov. 2. ut Sigonius emendavit. V. ad 22, 31, 7. Praeterea Asellam Leid. et Berg. Asillam Lov. 2. Assellam Berg. Aufellam Voss. Offellam ed. Camp. Afellam reliquae edd. principes. V. ad Epit. praec.

Consulatum contra voluntatem suam petere ausum, jussit interimi] adversus voluntatem

in foro: et, quum hoc indigne ferret populus Romanus, concione advocata, se jussisse dixit. Cn. Pompejus in Africa Cn. Domitium proscriptum et Hiarbam, regem Numidiae, bellum molientes, victos occidit; et, quatuor et viginti annos natus, adhuc

suam consulatum petere Berg. Lov. 2. et ed. Camp. *adversus voluntatem* etiam Leid. Voff. et Boend. V. ad Epit. 57. Tum occidi sex iidem libri: qui omnes etiam bis infra hac Epit. *occidit* praeferunt, pro *interemit*. Vide ad Epit. 57.

Concione advocata, se jussisse dixit] *concione vocata* Exc. Pithoei, Norv. et tantum non omnes typis descripti ante Gruter. qui *advocata* emendavit, probantibus omnibus scriptis meis, et ed. Camp. Tum *sevisime*, pro *se jussisse*, Berg. Paulo ante *quum haec indigne ferret* Voff. *quum indigne ferret* Exc. Pithoei, Norv. et fere omnes edd. ante Gruterum; qui *hoc* inseruit, consentientibus reliquis scriptis meis, et ed. Camp.

In Africa Cn. Domitium proscriptum] Hunc Pompeji jussu interfectum etiam Valer. Max. 6, 2, 8. scribit; Plutarchus in Pompejo, castris ejus a Pompejo captis interfectum; et Oros. 5, 21. inter primores repugnantem occisum esse. DUK. *in Africam* Voff. Berg. et Lov. 2. Tum praenomen Domitii non adparet in Leid.

Et Hieram, regem Numidarum, bellum molientes, victos interemit] Hunc regem Eutropius (5, 9.) Iarbam nominat, itemque is, qui de Viris illustribus scripsit, [cap. 77.] Plutarch. in Pompej. [pag. 624.] εἰλε δὲ τῶν βασιλέων Ἰάρβαν τὸν συμμαχῆ-

σοντα Δομιτίῳ, τὴν δὲ βασιλείαν Ἰάρβῳ παρέδωκε. Hiarbae igitur regis filius fuit Hiempsal, qui regnavit consule Cicerone, ut ipse ait contra Rullum [orat. 1, 4. et 2, 21.] Hiempsalis filius fuit Juba victus a Caesare, ut ait Dio [41, 172.] ubi de bello Caesaris Africo. de quo loquitur Cic. contra Rullum [orat. 2, 22.] cum ait: *Juba regis filius*. Sic enim legendum, non *Jubae regis filius*. Hiempsalis enim regis filium intelligit. Jubae autem filius fuit Juba alter, cui Augustus regnum concessit, historiarum auctor, ut scribit Strabo lib. 17, (829.) SIG. Nequaquam verosimile est, Hiempsalem filium Hiarbae fuisse, quod hic dicit Sigonius. Plutarch. in Mario significat, Hiempsalem primum partibus Marii favorem visum fuisse, sed deinde ad Sullanum inclinare coepisse. Idem in Pompejo, et Appian. 1. Civ. 399. tradunt, eum regno pulsum, (haud dubie ab Hiarba) hoc victo a Pompejo restitutum esse: quod Salustium quoque lib. 1. Hist. memorasse, e Gellio 9, 12. et Nonio cap. 2. voc. *Metus* apparet. Ex his palam est, eum non potuisse Hiarbae filium esse. DUK. *Hieritam* Leid. Voff. et Berg. *Hieritem* Boend. *Hiertam* Exc. Pithoei. (* et ita vocat Freinsh. in Suppl. c. 21.) *Hiericam* Lov. 2. Norv. et edd. ante Ascens. qui anno 1513. *Hieram* substituit. Id vero recte Sigonius in *Hiarbam* mutavit. *Hiarbas* autem vel *Iarbas* nomen esse Afris usitatum, constat ex Iarba Libyae rege, qui Didas nuptias ambiit, memora-

eques Romanus, quod nulli contigerat, ex Africa triumphavit. Cn. Norbanus consularis proscriptus, in urbe Rhodo quum comprehenderetur, ipse se occidit. Mutilus, unus ex proscriptis, clam capite adoperto ad posticas aedes Bastiae uxoris quum accessisset, admissus non est, quia illum proscri-

tus Virg. 4. Aen. 36. et alibi. Vide etiam Justin. 18, 6, 1. ubi Bernecc. id melius per adspiratiorem scribi contendit. Passim in Mftis corruptum exstare, docet Fabric. ad Oros. 5, 21. Tum *regem Numidiae* Gronov. edidit anno 1665. nec aliter praeferunt Leid. Voff, Berg. Lov. 2. Boend. et ed. Camp. Eos itaque, quamcum Freinsh. Doujat. et Clerico veteres edd. *Numidarum* obferentes, sequi malui. V. ad Epit. 62. Hunc Hiarbam Gaudae filium facit Sponius in Miscell. Erud. Antiq. pag. 147. Sed vellem, addidisset, quam auctoritatem secutus foret. Deinde occidit omnes codd. nostri, Exc. Pithoei, et ed. Camp. V. supra hac Epit.

Quod quidem nemini contigerat] Vet. lib. *quod nulli contigerat*. SIG. Similiter scripti mei, Exc. Pithoei, et ed. Camp. De voce *quidem* perperam inserta jam supra hac Epit. dictum est.

Cn. Norbanus consularis] C. *Norbanus* Capit. tab. itemque reliqui omnes. SIG. Nihil mutant scripti nostri. At C. *Norbanus* Exc. Pithoei, et edd. principes. V. ad Epit. 85.

Se ipse interemit] Vet. lib. *ipse se interemit*. SIG. *ipse se occidit* Mfti mei, Exc. Pithoei, et ed. Camp. V. supra hac Epit.

Metellus, ex proscriptis unus] Vet. lib. *Mutilus*, quod est Papiorum cognomen. SIG. *Mu-*

tillus Berg. et Boend. *Mutilius* Leid. *Mutilus* Voff. Lov. 1. et ed. Camp. Insuper *unus ex proscriptis*, ordine vocum mutato, edidit Gruterus. Nec aliter est in omnibus scriptis nostris, et ed. Camp.

Ad posticum aedis Bastiae uxoris] Vet. lib. *ad posticias aedes*. SIG. *posticas* solum dicit, et *aditibus* opponit Ulpian. l. 7. §. 7. D. de Usufr. vel *aditus posticasve* *vertere* usufructuario permittitur. ubi suppleri potest *fores, januas, vel portas*. Livius 23, 8. *Hortus erat posticis aedium partibus*. V. Gronov. ad Livii 40, 2. DUK. *ad posticum*, voce sequenti ommissa, Boend. Prisca lectio non nisi in editis obvia fuit. Livius 45, 6. *Per posticum aedium in propinquum cubiculo hortum, atque inde ad mare pervenit. ad posticias aedes*, ut in suis invenit Sigonius, et in contextum recepit, ex meis servant Leid. et Berg. nec non Exc. Pithoei. Alibi tamen me vocem *posticius* legisse, non recordor. Ultima Gruteri *ad posticas aedes* dedit, quod superest in Voff. et Lov. 2. ac verum esse videtur. Forsitan olim scriptum fuerit more antiquo *ad posticas aedis*, et inde factum sit *ad posticum*. Servius indicare videtur ad Virg. 2. Aen. 453. *postica* genere feminino esse vocabulum augurale, *posticum* neutro genere de aedibus dici: quae observatio si vera foret, vulga-

ptum diceret, itaque se transfodit, et sanguine suo fores uxoris respersit. Sulla Nolam in Samnio recepit. quadraginta septem legiones in agros captos deduxit, et eos iis divisit. Volaterras, quod oppidum adhuc in armis erat, obsessum, in deditionem accepit. Mitylenae quoque in Asia, quae sola urbs post

tum ad posticum praeferre deberet. Eam tamen distinctionem non ubique observatam esse, constat ex illis, quae Gronov. notat ad Livii 40, 2, 2. Ceterum *Bastiae* gentis mentionem alibi non reperio. Neque codices variant, nisi quod *Hastiae* legat Leid. Verum hujus etiam gentis nullus meminit, nisi inscriptio l. 30. C. de Eviction. quae data est cuidam *Hastio*. An igitur ex unius cod. vestigiis hoc loco legendum *Hastiae uxoris*?

Admissus non est, quia illum proscriptum diceret] *admissus minime est* Norv. et omnes ferme typis descripti ante Sigonium, qui non, pro *minime*, emendavit: quod probant Leid. Voss. Berg. Lovel. 2. Boend. Exc. Pi-thoei, et ed. Camp. V. ad Epit. 49. Deinde *dicerent* Leid.

Et sanguine suo fores respersit] Vet. lib. *uxoris fores*. SIG. Idem tamen Sigonius in contextum recepit *fores uxoris*; quod non tantum servarunt eum secuti editores, verum etiam firman-
Leid. Voss. Berg. Lov. 2. Exc. Pi-thoei, et ed. Camp. Insuper *sanguine fuso* Berg. Voces has interdum in Mitis confundi, constat ex illis, quae notantur ad 10, 28, 12.

Sulla Nolam in Samnio recepit] Non tam *in Samnio*, quam *a Samnitibus*, qui invaserant. Supra lib. 73. J. FR. GRONOV.

Sulla tam in Samnio] Exc. Pi-thoei. *a Samnitibus* Clericus recepit, quod in Leid. superesse videtur. *in Samnio* tuentur Voss. Lov. 2. Berg. et Boend.

Quadraginta septem legiones in agros captos deduxit] Appian. 1. Civ. 413. *viginti tres* habet, et p. 416. *centum viginti millia hominum*. Hic numerus sufficere videtur. nam vix credi potest, Sullam cum omnibus suae partis ducibus quadraginta septem legiones sub signis habuisse. DUKER. Numerum augent adhuc Boend. et ed. Camp. *LXVII. legiones* praeferentes. An in numero notis scripto librarii errarunt, ac *XXVII.* pro *XLVII.* scribendum? Praepositio in omittitur in Voss. et Berg.

Et eos iis divisit. Volaterras, quod oppidum adhuc in armis erat] Sullam agros Volaterranorum publicasse, non divisisse, neque iis civitatem eripere potuisse, scribit Cic. 1. ad Att. 9. Pro Dom. 30. et 13. Famil. 4. DUKER. Omnia haec verba omitebantur in Boend. *eos bis divisit* praefert Voss. sed librariorum scribere voluit *eos his divisit*, ut legunt alii codd. Tum *Volterras* Lov. 2. *Volterras* Leid. et Voss. *Volateras* Berg.

Expugnatae dirutaeque sunt] De Mitylenaeorum facinoribus in Romanos vide ad Epit. 78. Mitylenas a M. Thermo praetore

victum Mithridatem arma retinebat, expugnatae dirutaeque sunt.

expugnatas fuisse, apud solum Sueton. Caes. cap. 2. legitur: ubi Casaubonus adnotat, praetura Thermi nusquam alibi reperiri. Pighius ad A. V. 1361. conjecturas habet sine testimonio veterum. Nec recte dicit, hanc epitomen indicare, Mitylenas diu obsessas a L. Lucullo proconsule, post Volaterras in Italia captas, sequenti demum

anno expugnatas ac dirutas esse. Nam Epitome, si auctor illius secutus est ordinem temporis, nihil aliud indicat, quam Mitylenas post deditionem Volaterrarum expugnatas esse. Luculli in ea nulla mentio est. DUK. *expugnatae et dirutae sunt* Leid. copula exsulat a Voss. *dirutaeque* legunt Berg. Lov. 2. et ed. Camp. Vide ad Livii 9, 45, 17.

JOHANNIS FREINSHEMII

SUPPLEMENTORUM LIVIANORUM LIBER LIV.

IN LOCUM LIBRI LXXXIX. T. LIVII.

I. Inter haec circum Italiae regiones missi post victoriam ab Sulla duces obibant municipia, suspectis praesidia imponebant: alia, quae postulabat usus, aut parendi necessitas, exsequebantur. Sed Cn. Pompejo, quem, dimissa Antistia, privignam suam Aemiliam, M. Scauro genitam, viro suo M. Glabrioni ademptam, ducere compulerat, negotium Carbonis persequendi impoluit; eadem opera Siciliam purgaturo, in quam Carbonis amici quidam, et praecipuus Perperna, qui prius in Liguria bellum cum Sullanis gesserat, vir praetorius, confugerant, quum Carbo et Cn. Domitius in Africam navigassent. Adventu Pompeji Perperna statim Sicilia cellit, civitatesque auctoritate adolescentis, et partim consilio receptae sunt. Inter quas Catana, quum suspecta Pompejo esset, et praesidium recusatura videretur, a fortissimis omnium militibus occupata est, quos Pompejus, impetrato, ut aegri sui reciperentur, sub eo habitu in oppidum miserat.

U. c. 670.

A. C. 82.

Cn. Pompejus in Siciliam missus.

Perpernam fugat.

II. Dum haec geruntur, ex Africa cum multis nobilibus viris redierat Carbo, et in Cossura insula rumores de rebus Italicis captabat, in Aegyptum fugam meditans, et interim L. Bruto in nave piscatoria Lilybaeum misso, ut exploraret, an in Sicilia Pompejus esset. Sed ille, circumventus a Pompejanis, quum se capi animadverteret, in se mucrone verso, ad transtrum navis, obnixus corporis pondere, occubuit.

Cap. I. Appian. Plut. Sull. c. 66. et Pomp. c. 14. Zonaras. Appian. Oros. 5, 24. Vell. 2, 30. Plut. Pomp. Frontin. Strat. 2, 11. Cap. II. Appian. Oros. 5, 21. Liv. Epit.

U. c. 670.

A. C. 82.

*Carbonem
captum oc-
cidit.*

III. Pompejus, cognito, Cossurae Carbonem esse, ad comprehendendum eum misit. Quum ita retractus in Siciliam esset, ceteros, qui judicati hostes erant, non admissos in conspectum Pompejus duci iussit; in Carbone visus est se gessisse insolentius, quum ad pedes suos sissi vinctum juberet ter consulem; et ipse, pro tribunali acerbe in eum invectus, (multum indignante corona, quae hunc acerrimum pueritiae Pompeji, ne paternis bonis spoliaretur, defensorem fuisse meminerat) post tam grave ludibrium abduci ad supplicium imperaret.

*Carbonis
mors defor-
mis.*

IV. Hic exitus Carbonis fuit, qui tot in urbe et per Italiam foeda cruentaue facinora fecerat; non merita magis, quam formidata, morte deformis. Ubi enim distringi gladium vidit, simulans sibi alvum purgari, locum et spatium demissa et flebili voce muliebriter petiit, miserrimaeque vitae brevem usuram rapuit, donec caput in sordido loco sedentis impatiens morae miles demeteret. Id Pompejus misit Romam, ut oculos Sullae hoc spectaculo pasceret. Per eosdem dies Q. Valerii Sorani fata reprehensionem Pompeji, et indignationem hominum habuerunt. quem adductum, quia peritissimum humanitatis et priscarum litterarum noverat, comiter una deambulans de multis rebus interrogavit: mox, ubi, quae voluerat, etiam arcanum Romae nomen accepit, abripi e conspectu virum trucidarique iussit. Ceterum hoc postremum de Pompejo Q. Oppius tradidit, C. Caesaris amicus, ut aliquid odio dedisse videatur.

*Pompejus
in Sicilia
jussu dicit.*

V. Nam Pompejus, uti praecipuos inimicorum Sullae et palam oblatos castigare necessum habuit, ita nec cupide requisivit latentes, et quibusdam effugiendi fecit potestatem. Deinde, quia bellum jam nullum in Sicilia supererat, versus ad res insulae componendas, jusque dicendum, valde recreavit provinciam, solers idem et incorruptus publicorum privatorumque negotiorum cognitor. Quae res eo gratior Siculis fuit, quod multis jam annis dictum in ea insula non meminerant. Mamertinis tamen, tribunal ejus praescriptione juris vetusti declinantibus, paullo acerbior

Cap. III. Appian. Plut. Pomp. Flor. 3, 21. Val. Max. 5, 3, 5. et 6, 2, 8. Cap. IV. Sall. Incert. 1. Plut. Liv. Epit. Val. Max. 9, 13. Appian. Flor. Plut. Plin. 3, 5. Solin. c. 1. Macrobi. Satur. 3, 9. Plut. Quaest. Rom. c. 60. Cap. V. Plut. Pomp. Diod. apud Val. Zonaras. Diod. Plut.

se exhibuit, gravi etiam voce edita; *Quousque leges accincto recitabitis?*

U. c. 670.
A. C. 82.

VI. Longe moderatior fuit in Thermitanorum causa, qui Himeram colebant. Hos ob studium adversarum partium quum punire decrevisset, Sthenius civitatis princeps, inique facturum, exclamavit, *si ob culpam unius condemnaret omnes*. Et, quaerente Pompejo, *ecquem igitur unum illum esse diceret? Se ipsum esse respondit, qui propter C. Marii familiaritatem et hospitium cives suos, amicis persuadendo, cogendo inimicos, ad eandem causam adduxisset*. Delectatus animi generosi adolescens tam forti et pia confessione, primo illum, deinde civitatem absolvit: et in eo ipso iudicio dignissimum statuit, quocum hospitii contraheret necessitudinem. Quum deinde militaris insolentia multas passim injurias Siculis inferre diceretur, excogitavit, ut, quoties aliquo mittendi milites essent, gladii, ne possent educi, obsignarentur; animadvertereturque in eos, quorum a gladiis revulsa cera esset.

Sthenii constantia et in patriam amor.

A Pompejo honoratur.

VII. Hoc rerum ubique statu, quum pacata omnia praeter Hispaniam viderentur, ubi Q. Sertorius bellum conflagrat, Pio Metello illa expeditione commissa, ad rempublicam ordinandam Sulla se transtulit, potestate plane tyrannica, sed honestius aliquod nomen circumspiciens. Igitur, licet acta ejus omnia senatus populusque Romanus rata habuisset, habiturusque etiam agenda videretur, paullisper ex urbe secedens monuit senatum, *ut, quoniam sine consulibus esset respublica, comitiis habendis interrex proderetur*. Proditus est L. Valerius Flaccus senatus princeps.

VIII. Ad hunc scripsit Sulla, *referret ad populum, videri sibi dictatorem creandum esse, nec ad certum tempus, sed donec constituta respublica foret*. Et in infima epistola subjecit, *si populus Romanus sibi id onus imponere velit, se populi Romani causa non recusaturum*. Libertas comitiorum sperari nulla poterat. igitur, quod proximum erat, libertatis umbram amplexi, Sullam dictatorem perpetuum creant: quum jam propter potestatis ejus magnitudinem per annos centum viginti dictator nemo factus esset. Lex etiam ab interrege lata est, qua

Sulla dictator perpetuus.

Cap. VI. Cic. in Verr. 2, 46. Plut. Pomp. et in Praecept. Reip. gerendae, c. 50. Cic. Plut. Pomp. Zonaras. Cap. VII. Appian. Oros. 5, 21. Appian. Cap. VIII. Vell. 2, 28. Plut. Sull.

U. e. 670. rerum omnium plena et libera potestas Sullae dabatur, ut deducere colonias, urbes condere aut evertere, regna eripere aut dare, etiam, quem vellet civium, indicta causa impune posset occidere. Dictator, accepto imperio, L. Valerium L. F. L. N. Flaccum, quo rogante lex lata fuerat, magistrum equitum dixit.

Leges multas fert, aut refert.

IX. Formidabilis inde et nova species procedentis in publicum fuit, quum, ut solitum dictatoribus, quatuor et viginti fasces praecederent: quod nemo praesentium umquam viderat. Mox consultata et acta longe terribiliora prodibant: quum leges alias antiquaret, alias novas ferret. Ne quis praeturam ante quaesturam peteret; neve consulatum ante praeturam: qui aedilis fuisset, continuo praetorem fieri, et ex praetura consulem, licere. Praetores octo quotannis creari.

X. Consulem eundem iterum, nisi decennio interposito, creari, superiores quoque leges vetuerant. id, sequentibus temporibus abolitum, Sulla dictator ex antiquo retulit. Itemque de Majestate: ne cui eorum, qui cum imperio essent, exire de provincia sua, exercitum educere, bellum injussu populi gerere, aut in regnum externum ingredi liceret. Eadem lege quaestiones haberi de quolibet, nullo discrimine fortunae, jubebat. Nominantur et de Fallo hodieque leges Corneliae, et de Sicariis, Veneficiisque, item de Injuriis. quae omnes cum pluribus aliis, quas memorare nihil attinet, in dictatura latae sunt.

Tribunorum potestatem minuit.

XI. Sed ante omnia tribunorum plebis potestatem ita minuit, ut tantum non abolevisse videretur. Nam et omne jus legum ferendarum ademit, tantum auxilii ferendi quadam imagine relicta: et ne quis, nisi senator, tribunus fieret, et ne quis tribunitius alium magistratum peteret, tulit. quorum altero provisum erat, ne plebis, quam Patrum, majorem rationem tribuni ducerent: altero, ne quis insigni genere aut favore populi, aut qui rerum magnarum esset appetens, tribunatum adfectaret. Pontificum augurumque collegium ampliavit, ut essent quindecim. Senatum, per se-

Senatum supplet, ei-

Cap. VIII. Cic. contra Rull. 3, 2. Plut. Cic. de Leg. 1. 15. Fasti Capit. Cap. IX. Liv. Epit. Appian. Plut. Fab. c. 5. Polyb. 1. 3. c. 87. Pigh. Ann. Cap. X. Ammian. Marcell. 19, 18. Pigh. Cap. XI. Sall. Hist. 1. Orat. M. Lepidi. Liv. Epit. Cic. de Leg. 3, 9. Appian. Ascon. in Divin. et 1. Act. in Verr. Appian.

ditionum bellorumque clades infrequentem, tributis U. c. 670.
comitiis ex equestri ordine supplevit, adlectis circi- A. C. 82.
ter trecentis. Quaestores etiam quotannis viginti cre- *que judicia*
ari jussit ad supplementum senatus, cui judicia tra- *tribuit.*
diderat.

XII. Proscriptorum liberis jus petendorum hono- *Proscripto-*
rum eripuit: ut, quod indignissimum profecto erat, *rum liberis*
senatorum filii et onera ordinis suslinerent, et jura *jus honorum*
perderent: praesertim quum etiam bona eorum ven- *petendorum*
deret, aut dilargiretur. quod quidem in tanta calami- *auferi.*
tate multo acerbissimum videbatur: quum ipse, in tri-
bunali sedens, mulieribus formae, quam famae, me-
lioris, histrionibusque et scurris, quibus impense de-
lectabatur, et libertinorum pessimis, agros populis
suffecturos et vectigalia civitatum concederet. Chry-
sogonum certe bona Sex. Roscii, quae erant sexagies,
duobus millibus nummum emisse, Ciceronis oratio te-
statur, quam proximis deinde consulibus sex et vigin-
ti annorum adolescens habuit. Ante diem Kalendas
Junias haec auctio coepit. Quum plurima ex his antea
rapuisset Sulla, ceterorum pleraque donasset, aut vi-
lissimo pretio addixisset, redactum est ter millies quin-
genties.

XIII. His ita pro arbitrio decretis factisque, ut *Q. Lucre-*
tamen aliqua pristinae reipublicae species esset, con- *tium occidi*
sules creare populo permisit. Inter candidatos Q. Lu- *jubes.*
cretius Ofella erat, qui Praeneste ceperat, meritis
suis et Sullae gratia confusus. At hunc, quia contra
legem recens latam petebat, nondum inferiores ma-
gistratus adeptus, primo monuit Sulla, desisteret: de-
inde, postquam, sprete dictatoris voluntate, magno
faventium agmine comitatus in forum venit, a L. Bel-
lieno in medio foro est interfectus.

XIV. Indigne rem ferente populo, comprehensus *Sullae a-*
percussor ad Sullae tribunal adducitur, qui sedens pro *trox fabula.*
Castoris ex edito loco caedem spectaverat. Ille, vo-
cata ad concionem multitudo, *Ne nesciatis*, inquit,

Cap. XI. Liv. Epit. Appian. Tac. 11. Ann. 22. Ascon. in
Divin. Cap. XII. Sall. Catil. c. 37. et Hist. 1. in Orat. M.
Lep. Plut. Sull. c. 63. et Cic. c. 15. Vell. 2, 28. Dionys.
8, 92. Plut. Sull. Nicol. Damasc. apud Athen. 1. 6. c. 17. Cic.
pro Sext. Rosc. c. 8. Cap. XIII. Gell. 15, 28. Cic. pro Sext.
Rosc. c. 44. Liv. Epit. Appian. Liv. Epit. Plut. Ascon. in Tog.
Candid. Cap. XIV. Plut. Appian.

U. c. 670. *Quirites, ego jussi. dimittite hominem dictatoris imperio obsequium.* Addidit deinde atrocissimae interpretationis fabulam: Rusticum a pediculis morsum, quum semel iterumque interulam purgasset, tandem, ne saepius intermittere opus cogeretur, exutam cum ipsis vermiculis injecisse in ignem. Et ego, inquit, monitos volo victos, ne tertium insanientes opus incendio habeant. Ita depulso, quem certissimum consulem fore omnes crediderant, M. Tullius M. F. A. N. Decula, Cn. Cornelius Dolabella creati, nomen verius, quam dignitatem, consulatus acceperunt. Nam eos dictator, viginti quatuor lictoribus et magna satellitum turba stipatus, potestate plane regia praeminebat.

U. c. 671. XV. Initio ejus anni L. Cornelius Sulla dictator
A. C. 81. de Mithridate rege triumphum duxit. In quo illud
M. Tullio, laudabiliter ab eo factum, quod neque triumphare de
Cn. Cornelio Coss. civibus voluit, quamquam ingentibus eorum copiis
Triumphus de Mithridate. prostratis; et, quum Asiae Graeciaeque multas urbes
transveheret, nullum civium Romanorum oppidum in
ea pompa spectari passus est. Ceterum magnificus apparatu
Ejus Triumphum magnifica pompa. ferculisque triumphus fuit, quum inter opulentissimi regis spolia res pretiosae visuque rarae longo ordine portarentur. Sed nullo majore ornamento illustrata pompa est, quam quod tantus nobilissimorum virorum numerus, quos a Mariana factione pulsos reduxerat, in equis currum ejus sequebantur, *servatorem et patrem* appellantes: cui acceptum referebant, quod adspectu patriae, quod complexu carissimorum pignorum, quod denique communi illa luce fruerentur. Biduo triumphavit, ante diem quartum et tertium Kalendas Februarias. prima die transtulit auri pondo quindecim millia, et argenti pondo centum et quindecim millia: postridie tredecim millia pondo auri, quae junior Marius ex Capitolinae aedis incendio, ceterisque delubris omnibus Praeneste detulerat, quae et sub eo titulo translata sunt, et argenti septem millia pondo. Exacto triumpho, de rebus suis pro concione differuit, non minus diligenter enarrans, quae feliciter, quam quae fortiter fecisset: *eaque de causa aequum videri dixit, ut, quod cognomentum recens adsciverat, ab omnibus Felix vocaretur.* Sed ad Graecos scribens Epaphroditum se appellabat: positaque sunt illi cum hac inscriptione staturae.

Cap. XV. Plut. Val. Max. 2, 8. Plut. Fasti Capit. Plin. 33, 1. Plut. Auctor de viris illustr. in Sull. Appian. Plut.

XVI. Eodem anno et L. Murena de Mithridate rege triumphavit, de cujus rebus gestis pauca, neque magnopere laudanda, solus, quod sciam, Appianus refert: quae suis temporibus reddidimus. Post ista, missu Sullae, A. Gabinus ad Murenam venit, denunciatum, *non placere senatus, bellum eum cum rege socio et amico gerere. Eidem Gabinio mandatum, ut Mithridatem Ariobarzanemque reges reconciliaret.* Mithridates filium quadrimulum amicitiae et pacis obsidem Ariobarzani quum dedisset; sub ejus pignoris fiducia non modo, quae habebat per Cappadociam, praesidia retinuit, sed insuper aliorum locorum concessione auctus est. Epulum deinde celebratae luxuriae omnibus dedit. nam et praemia proposuit, certum auri pondus, ei, qui plurimum bibisset edissetve, quive dicacissimus fuisset judicatus, aut cantus aliorumve ludicrorum peritia ceteros excelluisset. Eorum praemiorum omnium solum expertem fuisse Gabinium scribunt.

U. c. 671.
A. C. 81.
*L. Murenæ
triumphus
de Mithri-
date.*

XVII. Haec omnia nihil habent triumpho dignum. Quum tamen honorem illum Sulla haud temere, nisi merito, tribuisse videatur; et Murenam *fortissimum virum, summumque imperatorem*, audiente populo Romano, M. Tullius praedicaverit, non dubito, multa eum praecleara in Cappadocia Pontoque gessisse, donec, a L. Sulla revocatus, tradita M. Minucio provincia, Romam ad triumphum decederet. Sane, quae supersunt, Pontici Memnonis reliquiae, confirmato illum Ariobarzani regno, urbem adversus irruptionem Mithridatis condidisse, tradunt: deinde multis suadentibus Sinopen versus movisse, capite regni occupato, ceteram in promptu victoriam fore ratum. Sed Mithridatem, firmo imposito praesidio, ipsum cum exercitu occurrisse Murenæ: principia prosperiora regi fuisse; deinde aequo Marte gestum bellum, detrito utrarumque partium ardore, consenuisse. Mithridatem ad Phasin fluvium, Murenam in Asiam revertisse.

Ejus gesta.

XVIII. Dum, inter has triumphorum pompas, toties capta suorum armis Roma gentibus externis exprobrat victoriam, in Africa ductu imperioque Cn. Pompeji praeclearissime gesta respublica est; quo ille,

*Cn. Pompe-
jus res in A-
frica gerit.*

Cap. XVI. Fasti Capit. Cic. pro lege Manil. c. 3. et pro Murena. Appian. Mithrid. Cap. XVII. Cic. pro Lege Manil. Cic. Acad. 6, 1. Sueton. Caes. c. 2. Memnon apud Phot. Cap. XVIII. Liv. Epit. Plut. Pomp. c. 17.

U. c. 671. Sullae literis et senatusconsulto acceptis, ex Sicilia A. C. 81. transmiserat. Cn. enim Domitius Ahenobarbus proscriptus, (erat enim Cinnae gener) magna ibi manu coacta, priusquam magis confirmaretur, debellandus erat, ne pacem Italiae turbaret, quod ex eadem regione C. Marius non ita pridem, longe minoribus copiis instructus, fecerat. Pompejus, relicto, qui Siciliae praefectus, Memmio, sororis suae viro, cum navibus longis centum viginti trajecit copias, sequentibus onerariis octingentis, quibus commeatus, arma, pecuniaeque, et machinae portabantur. Parte classis Uticae portum tenente, parte Carthaginem appulsa, simul adesse Pompejum perccebut, septem ad eum millia ab hostibus desciverunt. ipse sub signis sex legiones plenas habebat.

*Exercitus
Pompejani
ridicula oc-
cupatio.*

XIX. Sed inutilis ei per aliquot dies exercitus a ridicula causa fuit. Forte militum quidam defossam olim in agro pecuniam repperant. ea fama per tota castra pervagante, omnem eam regionem plenam esse thesauris, quum Punica res floreret, absconditis, dictum simul vulgo creditumque est. Inde nihil videres aliud, nisi sparsa per campos agmina effodientium eruentiumque humum: neque abduci ab hac insania ulla vi aut arte poterant. complures ita dies absumpti, circumeunte Pompejo, nec tenente risum, quod tot millia hominum invertendis agris, tamquam rei seriae, incumbere cernebat. Tandem, inani labore defatigati, dixerunt Pompejo, *uti se, quo vellet, duceret: satis magnas se stultitiae suae poenas dedisse.*

*Proelium
Pompejicum
Domitio.*

XX. Circa Uticam uterque exercitus in acie adstitit, valle tantum interposita aspera et ad transeundum difficili. Ob eam rem, et quia ventus imbrem ferens, a primo mane ortus, ne provento quidem die cessabat, Domitius, tum temporis minime pugnatum iri ratus, signum receptui dedit. Hanc suam occasionem Pompejus prudenti consilio ratus, continuo transduxit suos, hostibusque incompositis et disiectis incubuit. at illi vento quoque turbabantur, qui, compulsa in ora oculosque pluvia, conspectum auditumque adimebat. Nec expers hujus incommodi Pompejanus exercitus erat: adeoque dux ipse parum abfuit, quin occi-

Cap. XVIII. Oros. 5, 24. Plut. Cap. XX. Oros. 5, 21. Plut.

occideretur a milite, cui tesseram poscenti tardius reddiderat. Victi tamen magna pugna Domitiani sunt, ut de viginti millibus hominum tria tantum superessent. Pompejus, quum ob hanc victoriam *Imperator* ab exercitu appellaretur, negavit, *boc se nomen agnosce- re, donec hostium castra starent.* Ad hunc quoque laborem promptis militum manibus usus est: et, ne iterum in simile periculum incideret, deposita galea, nudo capite pugnavit. Castra capta sunt; Domitius, dum inter primos repugnat, occubuit. Civitates, quae sequutae Carbonianas partes fuerant, sponte ad obsequium victoris occurrerunt: nonnullae vi receptae sunt.

U. c. 671.

A. C. 81.

XXI. Ut deinde Hiempsaem in Numidia^{Pompejus} regnum restitueret, Hiertam bello persequutus, quia Domitio ^{Hiempsaem} auxilium tulerat, in fugam praecipitem egit: deinde, ^{in Numidia} immisso Bogude, Bocchi Maurorum regis filio, copiis ^{regnum re-} omnibus spoliavit: postremo Bullae obsessum, dedito ^{stituit.} sibi oppido, interfecit. Ita regnum Numidia^{ae} ab Hierta ad Hiempsaem Pompeji beneficio rediit: quam universam finitimasque aliquot regiones cum victore exercitu mira celeritate peragravit, quadraginta non amplius diebus Africa recepta, regnorumque statu composito, annorum admodum quatuor et viginti adolefcens.

XXII. Postquam e Numidia reversus Uticam est, ^{Revocatur} redditae sunt ei dictatoris literae, dimittere jubentis ^{a Sulla.} exercitum, et cum una legione exspectare successorem. Id quum ipsum occulte morderet, exercitus palam indignantissime tulit: et, petente Pompejo, ut proficiscerentur, multis in dictatorem convitiis, ^{ty-} ^{vennum} et Cinnam appellantes, negarunt se passuros, ^{ne} ^{sine legionibus} se credas homini crudeli et perfido. Adversus haec Pompejus orando monendoque mitigare iratos conabatur: sed, illis in sententia persistentibus, in tabernaculum, relicto tribunali, lacrimabundus se recepit. Tum illi reprehensum iterum collocarunt, in suggestu: magnaque diei pars hac contentione exempta est; donec, instantibus illis et clamorem tollentibus, juravit sibi manus allaturum esse, ni quiescant. Aegre destiterunt.

Cap. XX. Liv. Epit. Oros. Plut. Val. Max. 6. 2. Plut. Cap. XXI. Sall. Hist. 1. 4. Eutrop. 1. 5. Auctor de viris illust. in Pomp. Oros. Hirt. de B. Afric. c. 22. Plut. Liv. Epit. Plut. Sull. Incert. 10. Plut.

Supplem. Liv. Tom. XIII.

R

U. c. 671. A.C. 81. *Aegyptiorum legati Roma regem petunt.* XXIII. Inter haec Aegyptii legati venerunt Romam, Cleopatrae, quae post mortem viri Alexandri ac patris Lathuri, duorum Ptolemaeorum, regnum obtinebat, maritum ex regia stirpe petituri. Nam Alexandri filius ex alia uxore, cognominis patri, quum a Cois, apud quos educabatur, Mithridati deditus, ab hoc ad Sullam profugisset, inter familiares ejus Romae agebat. Idcirco Sulla, tum alias honestum sibi fore ratus, Aegypto regem imposuisse, tum ex opulentissimo regno praedam forte sperans, Alexandrum ad Cleopatram mittit.

Alexander missus; sed malis successibus.

XXIV. Sed illi, nuptiis novercae potito, haud satis fuit consortem regni factum esse, quin, Sullae fiducia, quidlibet pro sua unius libidine faceret: eo progressus vesaniae, ut undevicesimo imperii die Cleopatram, audaciae suae succensentem, de medio tolleretur. Sed mors mulieris, ipsius quoque vitae prope- rum attulit finem: Alexandrinique, correptis armis, e regia protractum in Gymnasio interemerunt. Regnum ad Ptolemaeum, cognomento *juvenem Bacchum*, qui Ptolemaeo editus mox cognomen *Aulesae* ex tibi- arum studio nactus est, tamquam proximum Cleopatrae sororis haeredem, pervenit.

U. c. 672. A. C. 80. L. Cornelio II. Q. Caecilio Coll. *Pompeji reditus ex Africa.*

XXV. Anno sequente L. Sulla, quamquam dictaturam gereret, iterum creari consul voluit, adsumpto in societatem honoris Q. Caecilio Q. F. L. N. Metello Pio. Quod deinde Caesaribus exemplum placuit, ut cum summa et regia potestate consulatus titulum conjungere pulcrum et civile arbitrarentur. Hic annus jucundam, nec ante visum urbi spectaculum attulit, quum eques Romanus, idque nondum expleto quinto et vicesimo aetatis anno, triumpharet. Pompejus is fuit, non minoris paullo ante terroris hominibus, quam nunc laetitiae causa, quia dedignantem jussa Sullae cum infesto exercitu venturum in Italiam putaverant. Unde Sullam quoque dixisse rumor erat, *fatale sibi esse cum pueris in senectute colluctari*, quod et C. Marius adolefcens negotium ei exhibuerat. Igitur, quemadmodum praesentibus uteretur incertus, et ferebat de redi-

Cap. XXIII. Appian. Civil. l. 1. Porphyr. apud Euseb. Gr. p. 225. Appian. Cap. XXIV. Porphyr. Appian. Porphyr. Prolog. Trog. 39. Strabo, l. 17. p. 796. Cap. XXV. Appian. Plin. 7, 26. Liv. Epit. Plut. Sall. Hist. 2, 1. Caesar, Civil. 1, 7.

tu ejus legem, et ex composito per C. Herennium tribunum plebis se sinebat prohiberi. Nam, alio ferme omni jure tribunis erepto, intercessionem liberam reliquerat.

U. c. 673.
A. C. 80.

XXVI. Ceterum fama Pompeji, Romam pacato agmine contendente, metu ac sollicitudine civitatem absolvit. Incredibilis hominum multitudo, cum summa propensissimae voluntatis demonstratione, obviam fuere. Sulla quoque, quasi cum studiis civium certaturus, occurrit ei, pronoque favore acceptum, elata voce *Magnum* consalutavit, adstantesque monuit, ut hoc eum deinceps nomine compellarent.

Sulla honoris causa occurrit Pompejo.

XXVII. Triumphum tamen petenti restitit: nec quasi invideret. Nec enim ignoras, inquit, Cn. Pompei, quanti te faciam, quantisque dignum honoribus judicem. quid enim est, quod non virtus illa tua, rei publicae et mihi praestita fidelissima atque fortissima opera, mereatur? Et ego, si verum amas, non parcius in honoranda virtute tua fui, quam tu in explicanda exististi. sed neque in posterum quidquam tibi negaturus sum, quod fieri possit, et instituta civitatis nostrae patiantur. Verum enimvero ita comparatum esse nosti, ut more majorum hic honor concedatur nemini, nisi qui consulari aut praetoria imperio praedixit res gesserit. Ita P. Cornelius, aliquanto amplioribus in Hispania gestis rebus, ita M. Claudius, capitis Syracusis, triumpho caruerunt. Non debes indignanter pati, si Scipionibus et Marcellis aequaris adolescens nondum aetate senatoria. Plus est meruisse triumphum, quam duxisse: et, si quid in hac pompa felicitatis inesse arbitraris, non adempta tibi, sed ad maturos honores, quorum certiora pignora nemo unquam habuit, seposita est. Quid te delectat occupare cum invidia, quod paullo post ultro venturum est cum gloria?

Sed triumphum negat.

XXVIII. Quamquam, si te tantummodo sermonibus hominum objectares, forsassis ego paterer; et tibi eadem aetas, quae ad commovenda judicia facit animum, etiam ad ferenda daret. Sed quia mihi nemo ignosceret, cujus ab annis et potestate publici decoris scientia simul atque custodia postulatur, ut vel mea causa desistas, peto. Quod si tu mei rationem habere renuis, et, rem utrique invidiosam poscere perseverans, salva amicitia nostra hoc facere posse existimas, mihi quoque tantumdem juris adsumam: et, quod ambitione ac cupiditate inductus capias, auctoritate et jure prohibebo.

Rem invidiosam et illi et sibi dicatans.

Cap. XXVI. Plut. Cap. XXVII. Val. Max. 2, 8, 5. Cap. XXVIII. Plut.

R 2

U. c. 672.
A. C. 80.
*Pompeji
eorum Sullam
maius.*

XXIX. Vera erant, quae allegabantur, sed intelligebat adolescens, frustra haec ab eo adferri, qui iura civitatis omnia prior concussisset, Ideo, ne Lucretii quidem casu perterritus, insitit tanta fiducia, ut etiam, plures adorare solem orientem, quam occidentem, diceret. Eam vocem quum non satis Sulla percepisset, ex vultu autem gestuque mirantium aliquid inusitatum esse conjiceret; quid enim dixisset Pompejus? interrogavit: acceptoque, confidentia adolescentis percussus, voce velociter repetita, triumphet! triumphet! exclamavit. Erat plane res livori multorum obnoxia, sed Pompejus, ut malignitatem eorum ulcisceretur, augeretque dolorem, quadrigis elephantorum invahi constituit: multas enim belluas, victo Numidia rege, ceperat. Sed, quia porta erat angustior, quam ut juncti intrare elephantum possent, ad pristinum morem reversus est.

*Pompeji se-
veritas in se-
ditione mili-
tum.*

XXX. Dum id agitur, exercitus donativo non contentus tumultuabatur: et pecuniam, quae erat ferenda in triumpho, direpturos dicebant. Neque deerant ex illastribus, qui dividendam dicerent, ne seditio oriretur. Sed ille negabat, se clamoribus militum commoveri. Non ideo cepisse arma, et cum principibus civitatis multa proelia fecisse, ut iis servaret, quibus imperare debeat. Mirari se hominum amentiam, si putent constantiam, quam in mediis bellorum tumultibus semper praestiterit, nunc parva pace, victis hostibus, ad urbem omisurum. Non ita se per Italiam hoc bello, Siciliamque et Africam esse cognitum, ut illi ipsi, quos animi sui testes toto eo tempore habuisset, sperant seditionis vocibus ab instituto dimoveri posse.

*Liberalem
se fore dicit
suo arbitrio.*

XXXI. Facilem se et liberalem exercitiis suis imperatores fore exhibuisse, quoad rectum honestumque putaverit: nunc etiam pronuntiassse, quod satis esse existimet, praesartim tam brevi expeditione defunctis. Olim milites Romanos parvo contentos maluisse sudoribus et periculis suis aerarium publicum locupletari: nunc sibi studere quemque, ut, defraudata republica, in tot particulas distractae pecuniae neque privatorum cupiditatem expleant, et usibus civitatis, vinum quantum his temporibus exhaustae, subtrahantur.

XXXII. Audire se, jactari a quibusdam, multum etiam jaris penes exercitum esse. Id quidem facilius dici, quam demonstrari, posse. Ceterum, ut maxime in res haberet, mis-

Cap. XXIX. Zonar. [Plut.] Plin. 8, 2. Plut., Cap. XXX. Frontin. Strat. 4, 5.

sum se prius triumphum facere, quam ut militibus suis aduleretur. Fasces deinde laureatos obiecit acriter inerepitis, ab illorum direptione jubens incipere. Hac verrecundia quum ad modestiam eos redegisset, in majori omnium admiratione, quam ob tot res bello gestas, fuit: Serviliusque, praecipuus antea negandi triumphi auctor, pulcherrimum ei testimonium reddidit; *nunc vero se Pompejum vere Magnum, triumphoque dignissimum agnoscere.*

U. c. 672.
A. C. 80.

XXXIII. Sub idem tempus C. Norbanus consularis proscriptus, quum Rhodum trajecisset, atque repetitus a Sulla comprehenderetur, Rhodtis adhuc deliberrantibus, in medio foro se interemit. Neque enim adhuc proscriptionum acerbitas plane conquieverat: et Mutilus, unus ex proscriptis, clam capite adoperto ad aedes Bastiae uxoris quum accessisset, admissus minime est, quod illum mulier proscriptum diceret: itaque se transfodit, et sanguine suo fores uxoris respersit. Tum etiam Nola, quae postrema urbium Samnitibus infestarum pertinacissime arma retinebat, prodicione capta est, M. Aemilio Lepido intromisso: reque cognita obfessi, quia Samnitibus nulla spes salutis apud Sullam relicta erat, suis aut suorum gladiis occuparunt necem: quidam laqueis praefocati sunt: alii, foribus oclclis, domos seque concremarunt: eodemque tempore ventus exortus vehemens ita distulit incendium, ut, oppido conflagrante, omnis simul praedia amitteretur.

C. Norbanus se interimit.

Nola captur.

XXXIV. At L. Sulla, quo urbem et Italiam suae factionis hominibus, quasi compedibus, vinctas tenebat, decem millia servorum, aetate ac viribus florentissimum quemque, manumisit, qui, inter cives adscripti, de nomine patroni, uti mos erat, *Cornelii* sunt appellati. Lege deinde comitiis centuriatis lata, municipiis plerisque civitatem et agros ademit. adscripsit tamen in eandem legem: *si quid jus non esset rogari, ejus a lege nihilum rogatum.* Ita caput de civitatis jure adempto ne vivo quidem Sulla valuit: de agris ratum fuit, et coloniae militares legiones tres et viginti deductae, iisque divisi agri sunt. Namque, non modo qui arma contra tulerant, sed quorum neutro

Municipiis civitas et agri adimuntur.

Cap. XXXII. Plut. Zonar. Frontin. Plut. Zonar. Cap. XXXIII. Liv. Epit. Appian. Liv. Epit. Vellejus 2, 18. Liv. Epit. Appian. Cap. XXXIV. Cic. pro Domo, c. 30. Cic. pro Caecin. c. 33. Cic. pro Domo. Liv. Epit. Appian.

¶. c. 672. inclinata studia, aut etiam pro Sulla fuerant, res suas
A. C. 80. fortunasque omnes perdiderunt. nec enim tam in poenam inimicorum, quam ut firmamenta dominationi quaererentur, talia fiebant.

*Reges etiam
promuntur
a Sulla.*

XXXV. Ex eadem disciplina externae nationes regesque, non stipendiarii solum, sed et aequo foedere juncti, nonnulli etiam ob virtutem et merita immunitatem adepti, exactionibus et tributis atterebantur: ut etiam agri quibusdam et portus, qui ex formula foederis debebantur, adimerentur. His maxime rebus et ille annus praeteriit, et proximus, quo P. Servilius C. F. M. N. Vatia, qui postmodum Isauricus appellatus est, et Ap. Claudius consules fuerunt. Nam U. c. 673. oblatum sibi adulatione populi consulatum Sulla recusaverat.

A. C. 79.
P. Servilio,
Ap. Claudio
Coss.

*Volaterrae
deduntur.*

XXXVI. Inter haec Volaterrae, quod oppidum adhuc in armis erat, publica interposita fide, sunt deductae. In Etruria Volaterrae sunt juxta litus maris, eximio ad tutelam loci situ. Nam e profunda valle tamulus undique praeceps in altitudinem prope duorum millium passuum erectus urbem sustinebat, uti adscensu aspero et difficili, ita plano commodoque vertice. Huc se proscriptorum quidam contulerant, coactaque Etruscorum manu, quum legiones quatuor effecissent, per biennium resisterunt: quamquam nonnumquam ipse dictator in castris obsidentium fuisset. Sic extinctis per Italiam bellorum reliquiis, etiam in Asia, quae sola urbs post victum Mithridatem in rebellione persisterat, Mitylenae a M. Thermo expugnatae dirutaque sunt. Eo bello C. Julius Caesar admodum adulescens in contubernio praetoris egit, et ab eo, captis Mitylenis, corona civica donatus est.

*Mitylenis
expugnatis,
C. Caesar ci-
vicam mere-
tur.*

*Sulla pri-
vatus ex di-
ctatore.*

XXXVII. Idem annus L. Sullam ex perpetuo dictatore privatum vidit, rem inopinatam, et non una de causa prorsus admirabilem. Qui enim, tamquam rabie quadam actus, nihil usquam sibi et aliis quietum, nulla jura inviolata, nihil ad summam contentionem laborum, periculorum, denique scelerum et immanitatis reliquum fecerat, ut unus omnia posset; is ut, interpellante nemine, summi imperii pacatam

Cap. XXXV. Memnon. Appian. Cap. XXXVI. Liv. Epit. Cic. pro Domo. Strabo, l. 5. p. 223. Cic. pro Sex. Rosci c. 37. Liv. Epit. Sueton. Caes. c. 2. Cap. XXXVII. Oros. 5, 22. Plut. Sull. Appian.

et patientia civium propemodum justam possessionem sponte deponeret, exspectari profecto non debuit; praesertim quum neque aetate etiamnum, neque corporis viribus desitueretur. An ipsum jam pigebat raptae potestatis? et, quum recordatio delictorum aerae poenitentiae morsibus consciam mentem cruentaret, quantas misérias quam vile ob praemium perferret, experientia monstrante, persenserat? Nam, priusquam cupitis potiretur, in his omnem inesse et solidam animi felicitatem crediderat. adeptus deinde, quum se pejus etiam excruciaci deprehenderet, odisse atque fastidire coepit, quod antea per tot bella civilia flagrantissime appetiverat.

U. c. 673.

A. C. 79.

XXXVIII. Haec exempla docere mortalitatem poterant, ut, priusquam sese praecipitent, unde regredi non liceat, consilio regant adfectus, iisque rebus quarendis adhibeant, quas ubi consequuti fuerint, nullo deinceps pudore poenitentiave torqueantur. Nam, Sulla quidem quam acerbis suppliciis domitus pristini iudicii errorem emendaverit, in propatulo est, quum rem antea praelatam omnibus ita festinaret abjicere, ut, ne mortis quidem metu, tot millium in se irritatis animis, retentus, hoc diserte dicere videretur, perire se malle, quam diutius dictatorem agere. Non dubito, quin plerique pravo consilio usum fuisse Sullam judicaturi sint, quemadmodum et statim C. Caesar, in depositam ab eo dictaturam ludens, Sullam *nescisse* *litteras* dixit. Sed eventus utriusque satis ostendit, doctiorem in his negotiis Caesare Sullam fuisse.

Adfectus
consilio regendi.Caesaris
dictum in
Sullam.

XXXIX. Proximum deinde miraculum fuit, quod privato non solum salus, sed etiam dignitas constitit: quum plusquam centum millia civium Romanorum, et inter hos senatores nonaginta, consulares quindecim, equitum circiter duo millia sexcentos (computatis una exfulibus) occidisset; bona eorum vendidisset; multos projecisset inhumatos; civitates quoque plurimas arcibus, muris, agris, pecunia varie spoliasset. Ceterum illum, ne hominum manibus cita et communi plurimis morte defungeretur, ad memorabile exemplum ultio divina servaverat.

XL. Ideo quum pro concione dixisset, *rationem se actorum omnium, si quis reposcat, redditurum esse*, dimissis

Adolescent
conviciatur
Sullam.

Cap. XXXVIII. Sueton. Caes. c. 77. Cap. XXXIX. Appian. Oros. Appian. Cap. XL. Plut.

U. c. 673. lictoribus atque custodia, cum amicis diu in publico
 A. C. 79. deambulavit, attonito populo, et haec miracula non
 sine horrore quodam adspiciente. Unus tantum adole-
 scens fuit, qui auderet queri, et, quia nemo prohi-
 bebat, animo sumpto, recedentem usque ad fores do-
 mus conviciis incesset. Atque ille, cujus iram po-
 tentissimi viri maximaeque civitates nec effugere, nec
 placare potuerant, unius adolescentuli contumelias pa-
 tienter animo tulit; id tantum in limine jam domus ef-
 factus, *Hic adolescens efficit, ne quis posthac tale imperium*
deponat. quam praefagi animi vocem non longo post
 tempore dictator Caesar explevit.

Metella
Sullae mo-
ritur.

XLII. Sulla, profectus in Cumanum, rusticari, pi-
 scandoque et venando tempus ducere coepit: quum
 prius, Herculi consecratis decimis, epulum populo
 sumptuosissimum praeuisset, ea adfluentia, ut quoti-
 die (per multos enim dies ducebatur) ingens vis ci-
 borum in annem projiceretur. Vinum quoque dedit
 annis quadraginta vetustius, quod a nomine consulis,
 sub quo natum fuit, *Opimianum* vocabatur. nam contra
 suas ipse leges, leniendae aegritudinis causa, luxum
 intenderat, iisdem diebus uxore amissa Metella. Ei,
 quum jam desperatae salutis esset, de sententia sacer-
 dotum libellum repudii Sulla misit, spirantemque ad-
 huc transferri in alias aedes iussit, quod scilicet reli-
 giosissimus pontifex, qui tot hominum agmina contru-
 cidaverat, salvis religionibus adspicere morientem,
 aut funere pollui domum suam ferre non posset.

Sullae vox
ad Pompe-
jum de Le-
pido.

XLII. Non tamen sic abstinuit a republica, ut nul-
 lo eorum, quae fierent, sensu adficeretur. Igitur co-
 mitiis consularibus, quum, praeter suam sententiam
 designato M. Aemilio Lepido, Pompejus, cujus studiis
 perfecta res fuerat, laetus abiret, vocavit eum ad se
 Sulla, dixitque, *Te vero providum consilii, adolescens, et*
sapientem! qui pessimum omnium Lepidum optimo omnium Ca-
tulo priorem renunciandum curaveris. At tu fac, vigiles, qui
adversarium effecisti valentiorum. Neque fefellit eum prae-
 sagus futuri animus, et, spirante adhuc Sulla, sediti-
 onem ad Quirites orationem Lepidus consul habuit,
 quae adhuc inter reliquias Historiae Sallustianae ser-
 vatur.

Cap. XL. Appian. Cap. XLI. Plut. Plin. 14, 14. Plut. Se-
 nec. Consol. ad Marc. c. 15. Plut. Cap. XLII. Zonar. Ap-
 pian. Plut. Sull. et Pomp. Sall. Hist. 1.

XLIII. Paulo ante hoc tempus, quum a Mithridate ad scribendum foedus legati venissent, infecta re dimissi sunt: quod Ariobarzanes, sponte sua, an aliorum instinctu, incertum, non esse sibi cum fide restitutam Cappadociam detulerat: Eam Sulla tum adhuc dictator iussit restitui. et Mithridates paruit, quamquam, ad Phasin et Cautalum rebus interea praeclare gestis, imperii fines protulerat, Bosporanis subactis, quibus filiorum unum Macharem regem dedit. Sed idem, quum in Achaeos fecisset expeditionem, insidiis et vi frigoris exercitum carpentibus, vix tertiam copiarum partem reduxerat.

U. c. 673.
A. C. 79.
*Mithridatis
res gestae.*

Cap. XLIII, Appian. Mithrid. Memnon. Appian.

EPITOME

LIBRI NONAGESIMI.

Sulla decessit, honosque ei a senatu habitus est, ut in campo Martio sepeliretur. M. Aemilius Lepi-

M. Lepidus, quum acta Sullae tentaret rescindere] Barberinus et minor Gudianus: *M. Aemilius Lepidus*. J. FR. GRON. Similiter Leid. et Berg. At vocem additam nesciunt Voss. Lov. 2. Boend. Exc. Pithoei, et Norv. Tum *tractaret rescindere* Leid. Paulo ante *ab senatu* edidit Gron. anno 1665. quum priores habuissent *a senatu*, quod tuentur omnes nostri, Exc. Pithoei, et Norv.

Et a Q. Catulo collega] Prima vocula exsulat a Berg. Lov. 2. et Boend. prima et secunda a Voss. Forte legendum, *sed a Q. Catulo collega Italia pulsus, et in Sardinia frustra bellum molitus, periit.*

M. Brutus] Pater illius, qui deinde cum Cassio et aliis adversus Caesarem conspiravit. Plutarch. in vita Pompeji et Brutii. Lepidum Galliam Transalpinam, τὴν ὑπὲρ Ἀλπεῖς Γαλατίας, id est provinciam Narbonensem, sortitum fuisse, auctor est Appian. 1. Civ. 418. De eitereiore ita scribit Plutarch. Pompejum ducem belli creatum fuisse adversus Lepidum, ulteriorem Galliam per Brutum exercitu obtinentem, τὴν ἐντὸς Ἀλπεων Γαλατίας κατέχοντα διὰ Βρούτου στρατεύματι. Ex eo non decerni potest, utrum Brutus praetor, an pro praetore, an legatus Lepidi,

eam obtinuerit. Pighius ad A. V. 1361XXV. et sequentem, Brutum ex praetura Galliam citeriorem provinciam habuisse prodidit; sed conjecturam hanc nulla auctoritate scriptorum veterum confirmare potuit. Neque id mirum est: nam, deperditis monumentis vetustis, in quibus, quaeque tempore, loco, modo, et a quibus gesta essent, exponebatur, ex iis, qui sparsim quaedam de illis retulerunt, nulla satis certa notitia rerum his, superioribus et sequentibus aliquot annis gestarum, et hominum, per quos illae gestae fuerint, haberi potest. DUKERUS.

Qui Cisalpinam Galliam tenebat] Voss. et Gudianus obtinebat. J. FR. GRONOV. Similiter Leid. Berg. Lov. 2. Boend. et ed. Camp. optinebat Exc. Pithoei. Mox vocula est non adparet in Voss.

Q. Sertorius proscriptus] Barber. interponit: *Q. Sertorii viri bellicosissimi gesta referuntur*. Cui forte connectendum: *qui proscriptus*. Gudianus quoque: *Q. Sertorii viri bellacissimi gesta referuntur*. J. FR. GRON. Omnes nostri conspirant in vulgatum, et verba in codd. Gronovii interposita ignorant. Et *Q. Sertorius* ed. Camp.

L. Manlius proconsul] Hunc subsidio Metelli ex Gallia, cui ipse

duſ, quum acta Sullae tentaret reſcindere, bellum excitavit: et a Q. Catulo collega Italia pulſus eſt: et in Sardinia, fruſtra bellum molitus, periit. M. Brutus, qui Cisalpinam Galliam obtinebat, a Cn. Pompejo occiſus eſt. Q. Sertorius proſcriptus in ulteriore Hispania ingens bellum excitavit. L. Manlius proconſul et M. Domitius legatus ab Herculejo

praerat, in Hispaniam veniſſe ſcribit Oroſius [5, 23.] et Manilium nominat; quo pacto legendum eſſe apud Plutarch. in Sertor. [pag. 574.] puto. *Ὡς μὲν Δόλλιον ἐκ τῆς περὶ Νάρβωνα Γαλατίας ἐλάττω ἀνεψὶ βοηθόν.* eſt enim legendum *Ὡς Μανίλιον*. SIG. Ut hic, ita et in Oroſ. 5, 22. alia exemplaria habent *Manlius*, alia *Manilius*. In Plutarchi Sertorio, quem locum citat Sigonius, eſt *Ὡς Λεύκιον μὲν Δόλλιον*, pro quo Doctiff. Solanus legendum conjicit *Ὡς Λεύκιον μὲν Μάλλιον*. Sed quis hic ſive *Manlius*, ſive *Manilius*, quem proconſulem Galliae vocat Oroſius, fuerit, itidem obſcurum eſt. Pighius ad A. V. 106LXXV. hic quoque *Manilius*, et in Plutarcho *Μανίλιον* legit, et praetorem cum imperio conſulari eo anno Galliam provinciam habuiſſe putat. DUKER. *L. Manlius* uno conſenſu hic legunt manu et typis exarati.

M. Antonius legatus] Vet. lib. habent *M. Domitius*. et recte. Nam Antonius, cujus poſt mentio fit, in hoc bello cum Sertorio erat: Domitius autem cum Metello. Domitium autem ab Herculejo Sertorii duce cum exercitu oppreſſum ſcribit Oroſius, Eutropius, et Plutarchus. Et Salluſtius Hiſtor. lib. 1. in quo Sertorianum bellum narrabat: *Domitium proconſulem ex citeriore Hispania cum omnibus copiis,*

quas paraverat, a Metello arceſſitum ſcribit, ut ait Priscian. lib. 10, [901.] Porro autem *L. Domitius* vocandus. Sic enim et Eutropius, et Plutarchus. SIG. *Domitius*, quod recte reſtituit Sigonius, praeſenomen *M.* habere non potuit: nam, gentem Domitiam nulla praeſenomina, praeterquam *Cnati* et *Lucii*, uſurpaſſe, e Suetonio Ner. cap. 1. notum eſt. Nec tamen ei praeſenomen *L.* addit Plutarchus. Sed Sigonius pro eo, quod ibi ſcriptum eſt, *Δουτίον δὲ καὶ Λούδιον ἀνδρῶν πατρὸς τῆς ἐτέρας Ἰβηρίας*, forſitan legendum putavit *Λούκιον δὲ Δουτίον*; quod Xylandro quoque in mentem venit. Locum illum corruptum eſſe certius eſt, quam quomodo emendandus ſit: nam, non *Lusium*, ſed *Domitium* proconſulem citerioris Hispaniae fuiſſe, fragmentum Salluſtii apud Priscan. teſtatur. Solanus ibi *Λούδιον* ex eo, quod paullo ante haec verba in Plutarcho legitur *Λεύκιον μὲν Δόλλιον*, intruſum ſuſpicatur. Eutropio 6, 1 *L. Domitius praetor* eſt: praetor cum imperio proconſulari ſcilicet, unde Salluſtius *proconſulem* vocat. DUK. *M. Antonius* ſervant Boend. et Norv. *M. Domitius* Leid. Voff. Berg. et Boend. Iis, qui *L. Domitius* legendum cenſent, non adverſor, quia ita apud Eutrop. vocatur. Videndum tamen, quum omnes codd. hic in praeſenomen *M.* conſentiant,

quaestore proelio victi sunt. Praeterea res a P. Servilio proconsule adversus Cilicas gestas continet.

an potius *Cn. Domitius* legendum sit. Praenomine enim *Cnaei* compendium *Cn.* saepe ab indotatis librariis in *M.* sive *Marcum* mutatum esse, vidimus ad 7, 12, 1. Apud Plutarch. autem in *Servio*. pag. 574. pro *Δουτίων δε και Λούσιον*, Fabric. ad Oros. 5, 23. *Δουτίων δε Καλουτιον* legendum censebat; *Λούκιον*, pro *Λούσιον*, Haverkampius. Vox *legatus* deest in ed. Camp.

Ab Hirtulejo quaestore] Vet. lib. *Herculejo*. Item Eutropius [6, 1.] item Sallustius Histor. lib. 2. *Occurrere duci, et proelium accendere, adeo uti Metello in sagum, Herculejo in brachium tela venirent.* ex Marcello in voce *Sagum*. Hunc, ut opinor, *Επέννιον* nominat Plutarch. in Pompejo [pag. 628.] SIGON. a *Birtalegio* Voss. ab *Hircule-*

gio Lov. 2. ab *Hirculejo* Berg. et Boend. ab *Herculejo* Leid. Exc. Pithoei, et edd. ante Froben. qui anno 1535. ab *Hirtulejo* substituit. Vide viros doctos ad Flori 3, 22, 6. Front. 1, 5, 8. Oros. 5, 23 et Eutrop. 6, 1.

Praeterea res a P. Servilio proconsule adversus Cilicas gestas] *Praeterea a P. Servilio proconsule adversus Cilicas res gestas* Exc. Pithoei, Norv. et edd. vet. Parum inde differunt Lov. 2. et Boend. nisi quod prior *gestas res*, posterior *aliquas*, pro *Cilicas*, praeferant. *Praeterea a P. Servilio proconsule adversus Cilicas gentes gesta* Berg. Quod nunc vulgo superest, in edd. Gruteri primum inveni. Consentiant iis Leid. et Voss. Similis varietas infra est Epit. 104. in fine.

JOHANNIS FREINSHEMII

SUPPLEMENTORUM LIVIANORUM LIBER LV.

IN LOCUM LIBRI XC. T. LIVII.

I. Res populi Romani, M. Lepido, Q. Catpno consulibus, ac deinde, militiae et domi gestas, amisso Livio, satis ex Sallustianis historiis licebat cognoscere, nisi et illas idem omnino fatum abstulisset. Idcirco, fontibus obturatis, ex rivulis aut etiam lacunis illa nobis haurienda sunt: sic interim sordida coenaeque permixta, ut vix magno studio et attentione percolta liquecant. Sed nos, qua poterimus industria, cepto insistentes, a morte L. Sullae velut novum initium ordiemur. Nam ibi iterum conversio quaedam republicae facta est, et auctoris voluntate deposita brevis aevi dominatio morte ipsius plane extincta.

U. c. 67.
A. C. 78.
M. Aemil.
lio, Q. Lu-
tatio Coff.

II. Morbus igitur, quo Sulla periit, minime communis fati, sed singularis cujusdam foeditatis atque supplicii fuit, exuberantibus pediculis, ut, qui tot millia civium cognatique sanguinis hominum inauditis cruciatibus peremisset, ejusdem artus, velut intestino bello, ab illo, quem genuerant, animalculorum exercitu diriperentur. Est enim profecto Deus, qui nunquam impune spernitur; et, licet acerbiores poenas in aliud aevum justissimus judex seposuerit, quo includi praesentis angustiis nequeant, saepe tamen viventibus proponit spectanda noxiorum tanta supplicia, ut, si nihil deinceps timendum foret, vel his deberent a peccando deterreri.

*Morbus
Sullae pedi-
cularis.*

*Justum Dei
judicium.*

III. Dissimulavit tamen utcumque mali sensum am non felix Sulla, et, quo avocaret a tam tristi cogitatione animum, in quaslibet occupationes incubuit.

*Sullae rerum
suarum com-
mentariis
immeritur.*

Cap. I. Sall. Hist. 1, 2. Liv. Epit. Appian. Civil. 1. 1. Tac. Ann. 3, 1. Cap. II. Plut. Sull. c. 71. Q. Scaevola, c. 6. Fin. 7, 43.

U. c. 674. Quippe decimo ante excessum die, Puteolanorum dissensionibus compositis, leges scripsit, quibus deinceps uterentur. Rerum suarum componendis commentariis biduo, priusquam decederet, operam postremo dedit, alteri et vicesimo libro immortalis. In eo Chaldaeos sibi praedixisse narrabat, ubi gloria invidiam vicisset, in summo flore felicitatis esse obitum. itemque somnium praeterita nocte sibi oblatum, per quod filiolum suum, ante Metellam mortuum, videre vius esset, appellanti se, jubentemque, curis omissis, ire secum ad matrem, ubi cum ea in quiete et otio degeret.

Mors Sullae. IV. Postridie, quum id somnium amicis enarrasset, testamenti tabulas confecit obsignavitque. mox sub vespeam, nunciato, Granium quemdam, Puteolanae reipullicae debitorem, mortem ejus exspectare, ne solveret, accito homini in cubiculum a famulis intorqueri fauces, non sine vehementi clamore et corporis jactatione, jussit. Ab hac contentione rupta vomica magnam vim effudit sanguinis: ne, qui tam sanguinarius in vita fuisset, incruenta ad inferos morte descenderet. Ita viribus defectis noctem eam inter summos cruciatus quum exegisset, infelicem spiritum reddidit.

Et ejus exsequiis. V. Mors Sullae confestim consulum, jam ante non satis concordium, contentiones excitavit. Senatus, referente Catulo, honorem ei haberi volebat, ut in campo Martio sepeliretur: Lepidus multique cum eo alii praefracte repugnabant. Ibi generose animo suo Pompejus imperavit, et, quamquam Sullae testamento, quum ille legata relinqueret, liberisque tutores daret, esset praeteritus, partim gratia, partim precibus interim et minis submovit obstantes, funusque Romam prosequutus exsequiis securitatem decusque praestitit.

Ordo et pompa funeris. VI. Ordo pompae hic fuit. Aureo lecto corpus defuncti per Italiam in urbem regio prorsus fastu ferelatur. tibicinum caterva, equitesque, et gravis armaura frequentibus ordinibus sequebatur: pariterque in tinere, qui legati ejus ad exercitum fuerant, cum armis accurrentes, ut quisque advenerat, locum suum

Cap. III. Plut. Plin. Plut. Cap. IV. Appian. Plut. Cap. V. Appian. Liv. Epit. Appian. Plut. Pomp. c. 25. Plut. Lucul. c. 6. Plut. Sull. et Pomp. Cap. VI. Appian.

capiebat. alia quoque multitudo, quanta vix umquam ulla de caussa, undique confluebat. Insignia magistratus et secures, ut nuper dictatori, praeferebantur. Hoc ordine in urbem perlatum cadaver est. Sed, quum ad rogam efferretur, longe major longeque splendidior apparatus fuit: coronaeque aureae, dona civitatum, legionumve, aut amicorum, plusquam duo millia spectabantur. Corpus, quo sacrorum honor concurrentium militum licentiam frenaret, omnia sacerdotum collegia Vestalesque comitatae sunt: tum senatus universus, et cum insignibus suis magistratus. Mox equitum Romanorum agmen, et omnis, qui sub eo meruerat, exercitus (singuli enim, ut praesto forent, properaverant) cum auratis signis, et armis argentatis, quo ornatu esse deinceps etiam in pompis consueverunt. Inter hos variis locis magnus tubicinum insertus numerus lugubre quiddam concinebat. Voces deinde honorificae per ordines acclamatae sunt. incipientem senatum eques, equitem plebs excipiebat.

U. c. 674.
A. C. 78.

VII. Sed non idem omnibus in pari testificatione voluntatis animus erat. pars vere deflebat amissum: ceteri Sullanorum praesentes copias, et ipsum adhuc, quamquam vita orbem, metuebant. Pro rostris cadavere posito, laudatus est ab aliquo disertorum, quia Faustus filius nondum maturae aetatis erat. L. Philippum huic officio delectum crediderim, qui tum aetate et facundia ceteros antebat. Deinde sublatus senatorum humeris lectus in campum Martium deportatus est, ubi tantummodo regum erant monumenta.

Dispar animus hominum in pari testificatione voluntatis.

VIII. Sub nonam diei horam in campum est ventum: quia nebula matutina, ne celerius exirent, pluviae metu curatores funeris tardaverat. Tum impositus rogo est cum ingenti vi odorum, quos adeo liberali manu matronae contulerant, ut, praeter ducenta decem fercula, Sullae ipsius simulacrum iuxta magnitudine, simulque lictoris imago fictae fuerint ex optimo ture et cinnamomo. Haec omnia flammis consumpta. Nam cremari primus e patriciis Corneliis voluerat, quum ejus gentis mortui semper, intactis ignae corporibus, terra tegerentur. Id eo factum putant, quia C. Marii reliquias, ad Anienem sitas, mortuo quoque implacabilis hostis, spargi in flumen jusserat;

Sulla cui voluerit cremari.

Cap. VII. Sall. Hist. 1, 11. Appian. Cap. VIII. Plut. Cic. de Leg. 2, 22. Plin. 7, 54.

U. c. 674. et, ne sibi accideret, quod in alterum statisset, me-
A. O. 78. tuebat.

*Novae con-
tentiones post
Marii et
Sullam.*

IX. Mortuus jam Marius, mortuus Sulla, civilium bellorum saevissimi duces, erant: sed vivebant adhuc in animis superstitum discordiae, et, velut ab ipso huius rogo accensae, inter redeuntes ab exsequiis consules statim acerbis sermonibus exarserunt. Seditiosum Lepidi ingenium metus judiciorum stimulat, ut, res turbari, valde sua interesse judicaret. Nam ob expoliata Siciliam a duobus Metellis, Celere et Nepote, legibus interrogatus, quamvis illi, ob gratiam ejus apud populum victi, destiterant, absolutus tamen non erat, et, ne aliquando revocaretur in iudicium, metuebat. Itaque turbidis concionibus, veluti classico, concitata inopi plebe, Italicos etiam populos spe restituendorum agrorum conciliabat. Sanior pars populi facile providebat, si acta Sullae rescinderentur, rempublicam, utrumque compositam, novis tumultibus bellisque arsuram. Movebantur et prodigiorum obscoenitate: quae inter, novum illud et inauditum antea, in Ariminensi agro in villa Gallerii loquutum gallum gallinaceum esse.

Prodigia.

X. Idcirco senatus utrumque consulem jurejurando adigit, se huius controversiae causa arma non sumpturos. Lepido, ne quid in urbe turbarum daret, exercitus et provincia Gallia trans Alpes decreta. Ille, tempus in Etruria ducendo, nolebat ad comitia reverti, ne bellum, quod in animo habebat, impediretur. putabat enim, jurisjurandi non ultra consulatus tempora valitura fide, postmodum nulla religione obstrictum ad servandam pacem fore.

*Lepidus
cum exerci-
tu venit ad
urbem.*

XI. Non erat obscurum senatui, quid animi consiliique Lepido esset: praesertim quum Etruriam conjurare, proscriptos acciri, largitionem tantari pernoctasset. Igitur occurrere eum ad tempus comitiorum jubet. Et adfuit ille ex Etruria, sed cum universo exercitu, quem ad urbem adducere secum constituerat. Sed jam Milvium pontem colleoque Janiculum

Q. Ca.

Cap. VIII. Cic. Cap. IX. Flor. 3, 23. Appian. L. Ampel. Pedian. in Divin. et in Verr. 11. Flor. Liv. Epit. Appian. Flor. Plin. 10, 21. Cap. X. Appian. Sallust. Hist. in Orat. Philippi. Flor. Appian. Cap. XI. Sallust. Appian. Flor.

Q. Catulus consul cum Cn. Pompejo praeceperant. Relata enim lex Plautia, capitibus aliquot adjectis, contra vim malorum: et adjungens se optimatibus Pompejus Catulo, pacis quam belli artibus praestantiori, datus adjutor fuerat.

U. c. 674.
A. C. 78.

XII. Igitur Lepidus arma suos capere imperat. fit idem et a senatus partibus: proeliumque non procul campo Martio conferitur. Primo statim impetu pulsus Lepidus in Etruriam perfugit: Pompejus adversum Brutum est profectus, qui legatus Lepidi Galliam Cisalpinam non invalida manu obtinebat. Satis diu bellum id tractum ad Mutinam est, quum castra castris opposita essent, nec ad summam rei profectura certamina confererentur. Ea res Lepido, qui, circumactio interim anno, pro consule se gerebat, otium praebuit, ut, collectis ex qualibet hominum faece copiis magnis, ad urbem tenderet, adsidensque consulatum alterum postulare.

Sed repetitur.

XIII. Ad famam venientis haud parva in urbe trepidatio fuit: et in senatu Q. Philippus in haec verba censuit; *Quoniam Lepidus exercitum, privato consilio paratum, cum pessimis et hostibus reipublicae contra hujus ordinis auctoritatem ad urbem ducit, uti Ap. Claudius interrex cum Q. Catulo pro consule et ceteris, quibus imperium est, urbi praefidio sint, operamque dent, ne quid respublica detrimenti capiat.*

L. Philippi sententia contra Lepidum.

XIV. Sed metum cito ademerunt adlatæ a Pompejo literæ, quibus confectum bellum, traditus cum exercitu Brutus, nunciabantur. Eum Pompejus quum, datis, qui prosequerentur, equitibus, Rhegium deduci jussisset, statim insequenti die poenitentia ductus Geminium misit, a quo non sine infamia perfidia crudelitatisque Pompejanae est interfectus. Alba quoque, quam deinde *Pompeji* nomen tulisse arbitror, quod ab eo tum conservata esset, postquam obsidionem famemque ferre amplius non potuit, dedita est: ibique Scipio cum Lepido filio captus et occisus.

Pompejus id bellum conficit.

XV. Inter haec comitiis per interregem habitis, consulatum D. Junius D. F. M. N. Brutus, Mam. Aemilius Mam. F. M. N. Lepidus Livianus inierunt.

U. c. 675.
A. C. 77.
D. Junio, Mam. Aemilio Coss.

Cap. XI. Liv. Epit. Cic. pro Coel. c. 29. Plut. Pomp. c. 25. Cap. XII. Appian. Flor. Plut. Pomp. Cap. XIII. Sall. Hist. 1. in Orat. Phil. Cap. XIV. Plut. Oros. 5, 22. Plut. Liv. Epit. Val. Max. 6, 2. Zonaras. Plut. Brut. c. 6. Cap. XV. Cellar. Geogr. Ant. 1. 2. c. 9.

Supplem. Liv. Tom. XIII.

S

U. c. 67⁶. Mamerco, homini ditissimo, ne suo anno consul fieret,
 A. C. 77. praetermissio aedilitatis nocuit, quod sumptuosum mun-
 neribus magistratum amore pecuniae vitatum ab eo po-
 pulus crediderat. tum quoque tulisset repulsam, ni C.
 Curio, ut adolescentior, et populi suffragiis integer,
 aetati Mamerci concessisset.

*Lepidus in
Sardiniam
fugit.*

XVI. His auditis, Lepidus, quum hostis ab senatu
 judicatus, iterumque victus esset, recessit Cosas, E-
 truriae maritimum oppidum, ubi, insequente Catulo,
 nova commissa pugna est. cui superveniens ex Gallia
 Pompejus magnam edidit caedem, et reliquos fugere
 in Sardiniam coëgit. M. Lepido cum omnibus copiis
 Italia pulso, segnior, ut amoto nonnihil periculo,
 ceterum haud minus gravis et multiplex cura Patres
 exercebat; quia, praeter externa bella, quae sub idem
 tempus pluribus locis eruperant, duce partium vivo,
 dilatum potius, quam extinctum, civile incendium
 habebatur: metusque erat, ne impedienda annonae
 transvectione urbem inopia urgeret.

*Ibi que mo-
ritur.*

XVII. Sed ille bellum, per quod homo delicatus
 luxu sibi cendum videbat, segniter moliebatur: do-
 nec poenitentia consilii, et a C. Valerio Triario, qui
 provinciam pro praetore obtinebat, undique depulsus,
 et oppidorum expugnatione prohibitus, contrarios co-
 gitatis eventus habuit: lentaque tabe correptum, co-
 gnitum uxoris Apulejae adulterium taedio et dolore
 confecit. Epistolam enim, criminis indicem, forte
 nactus, divortii libellum misit: deinde, simul carita-
 te desiderioque repudiatae, simul injuriae suae acer-
 bitate ac dolore extabuit. Extrema quoque hujus me-
 morabili eventu adverterunt curiosos: quia corpus,
 flammae vi e rogo ejectum, quum reponi propter ar-
 dorem nequiret, juxta sarmentis aliis nudum crema-
 tum est.

*Mortis ejus
caussa.*

*Belli Lepi-
dani gratia
fit poeniten-
tibus.*

XVIII. Sic atrocibus belli minis inter ipsa initia
 compressis, victores, rara iis temporibus modestia,
 pace contenti fuerunt. quam ob moderationem non
 minus, quam ob bellum feliciter confectum, Q. Catuli

Cap. XV. Oros. Fasti Capit. Cic. de Off. 2, 17. Sall. Hist. 1,
 11. Cap. XVI. Flor. Euseb. Oros. Rutil. Itin. 1. v. 207. Jul.
 Exuperant. c. 6. Flor. Appian. Sall. Hist. 1, 18. Oros. 5, 23.
 Jul. Exuperant. Sall. Hist. 1. in Or. Phil. Flor. Ascon. in
 Scaur. Plut. Pomp. Plin. 7, 36. 53. Cap. XVIII. Flor. Val.
 Max. 2, 8.

magnopere celebratum nomen est. Exercitus Lepidi, carpentibus insulanicis, quibus molestus esse coeperat, dissipatus est: quod roboris fuerat, Perperna ad Sertorium adduxit, qui, profectus in Hispaniam, quum se relatum in proscriptos didicisset, bellum ingens excitaverat. Igitur, ut vires ei subtraherentur, senatusconsulto et rogatione Plautia belli Lepidani gratia poenitentibus facta, reditusque decretus, maxime adnitente C. Caesare, qui concionem super ea re habuit, quod in eadem causa L. Cinna, uxoris suae frater, esset.

U. c. 675.
A. C. 77.

XIX. Igitur, civilium armorum furias, quibus ipse haud leviores excitaturus erat, multum execratus, orare Patres coepit, *ut aliquando his malis terminus poneretur. Ira Deorum multis ab annis ita conquassatam internis seditionibus rempublicam, ut, siquidem diutius ea durare pestis debeat, necessum sit omnia ruere. Desiderare urbem ornamenta pacis bellique; desiderare consiliorum auctoritatisque principes curiam: multa praestantissimorum virorum capita per Damasippum, multo deinde plura per Sullam decisa, quae, velut in opprobrium publicae servitutis, pro rostris spectanda proponerentur. Nunc autem, remittente numinum indignatione, sublatis horum scelerum auctoribus, necessum haud esse, ut deterrimorum virorum instituta per probos et patriae amantes exerceantur.*

Suadente C. Caesare.

XX. Donec recens adhuc dominatio, et dictatoris terror primum, deinde memoria valuerit, facta quaedam a gementibus esse, quae recordatione temporum utcumque defendantur. Si quid eorum praeterea fieret, jam nullum colorem superesse, quin consulto facta credantur, et multi pro uno Sullae existisse. Ita nullum alium civilis belli finem, nisi eundem et imperii, sperari posse. Igitur magnopere se consulere Patribus, ut, recipiendis in civitatem, abolendaque eorum noxa, qui Lepidum sequuti nuper essent, minuerent hostes patriae, darentque exemplum omnibus, nemini errorem suum fraudi, sed tantum pervicaciam fore: neque senatum alios habiturum pro hostibus, quam qui conciliari patriae nolint. Nullum validius ad stabiliendam pacem adjumentum fore. nam eadem opera Sertorio, et qui alii arma retineant, magnam virium partem decessuram; et eandem, ad rempublicam accessuram esse.

XXI. Ceterum, postquam ad Sertoriani belli mentionem accessimus, quod illa tempestate longe gravis-

Sertoriani belli origines.

Cap. XVIII. Appian. Jul. Exuperant. Sueton. Caes. c. 5. Liv. Epit. Sall. Hist. 3, 14. Sueton. A. Gell. 13, 3.

U. c. 677. simum fuit, rem paullo supra repeti, ad multa, quae
 A. C. 75. scire lecturos refert, profuerit. Postquam primum,
 Scipionis deficiente exercitu, Sertorius in Hispaniam
 abiverat, tum admiratione virtutis et industriae, tum am-
 bitioso ac leni imperio, provincialium simul civiumque
 Romanorum, qui locis illis confederant, ita conciliavit
 animos, ut paullo post, magno exercitu coacto, C. An-
 nio, missu Sullae in Hispaniam eunti, sex millia ar-
 matorum, duce Livio Salinatore, opponere potuerit;
 qui, occupatis Pyrenaei angustiis, Sullanos aditu ar-
 cerent.

*Sertorius
 ab Annio
 pulsus.*

XXII. Sed obtruncatus a Calpurnio Lanario Salina-
 tor, quem fidissimum amicorum crediderat, C. An-
 nium subito immisit necopinantibus: unde Sertorius
 cum tribus hominum millibus Carthaginem novam, et
 inde navibus in Mauritaniae litus perfugit. Sed, mul-
 tis militibus inter aquandum subita barbarorum irru-
 ptione amissis, retro vela fecit: iterumque repulsus,
 adscitis piratarum Cilicum paronibus, praesidium An-
 nii in Pityusa insula improvisus opprellit. Sed, An-
 nio magnam classem cum una legione adducente, proe-
 lio navali parum prospero usus, quod naves illius le-
 ves parumque firmas ortus forte ventus disjecerat,
 post longum et acrem naufragii metum, paullo supra
 Baetis amnis ostia applicuit.

*Fugam a-
 gitat ad in-
 sulas Fortu-
 natas.*

XXIII. Sub idem tempus nautae recens ex insulis
 Atlanticis revecti miracula narrabant: duas ibi insulas
 propinquas inter se, et decem millibus stadiis procul
 a Gadibus sitas, suoapte ingenio alimenta mortalibus
 gignere. Igitur *Fortunatae* vocabantur: et has intel-
 lexisse Homerum etiam apud barbaros obtinebat, quum
 Elysios campos sedesque beatorum describeret. Ea-
 rum esse, quae hodie *Canariae* vocantur, ex modo na-
 vigationis, et descriptione locorum, et quae de his
 apud Plinium, auctore Juba rege, narrantur, prope-
 modum constat. His igitur intellectis traditur taedio
 praesentium Sertorius, et ne aut facere aut pati tam
 tristitia necessum esset, fugam in longinqua Oceani agi-
 tavisse, apud Fortunatas illas insulas, quod reliquum
 esset aevi, in quiete exacturus.

Cap. XXI. Plut. Sertor. c. 9. L. Ampel. Plut. Cap. XXIII.
 Hieron. adversus Rufin. Sall. Incert. 26. Plut. Cellar. Geogr.
 Ant. l. 4. c. 7. Plin. 6; 32. Plut. Sall. Incert. 20. et 26.

XXIV. Igitur aliquando, quum famam illam, apud suos late sparsam, cum admiratione vidisset excipi, ejusmodi jacere sermones coepit: *Fabulam* hanc esse credidissem, nisi non spernendi auspices verum subesse persuaderent. Multi sunt, qui se vidisse confirmant. et, ne dolum putem, singuli seorsum interrogati de rebus, de quibus inter se comparare, si maxime voluissent, nullo pacto potuerunt, eadem omnia miro consensu referunt. Unum subit mirari, quod tantae felicitatis loca ex cetero orbe non petuntur avidius. Annon enim satius foret, contentum iis, quae in pace et otio viventibus omniparens tellus sponte sua ministraret, dimittere inanes aut atroces curas, et sibi aliisque parcentem, sine metu, sine injuria, munere Deorum oblata accipere cibaria? At nos improvidi et immites, quo scilicet aliquando beatiorem ducamus vitam, tumultu turbisque miscemus omnia; annisque nostros prodigimus, tamquam alio tempore victuri; et, ut paremus supervacua, necessariis invicem spoliatur spoliaturque. Ita multis calamitatibus malisque, cogentes coactique, et interdum sceleresti magis, quam miseri, distringimur.

U. c. 675.
A. C. 77.
Idque suis
persuadere
conatur.

Vitam com-
munem vitu-
perans.

XXV. Sed alii sane insaniant. Quid nos facere decet, commilitones? Quin arripimus vacuum tantorum bonorum possessionem: ut, aliquando incipiamus vivere, ceterorum mortaliū errores tempestatesque de tutis litoribus despecturi. Si cuiquam nostram sperare multum ex his rebus licet, quae vulgo praecipuae habentur, ego is esse debeo, genere Romanus, ordine senator, dignitate praetorius, qui exercitiis magnis provinciisque praefui, qui res gessi nemini hujus aevi ducum poenitendas. Me tamen eo propemodum natura ducit, quam sequi optimam vitae magistram aequum est, ut spes meas omnes hoc pretio commutare nihil abnuam.

XXVI. Non erat ea mens Cilicibus, ut pacis amore pecuniae studium abjicerent, cujus caussa pacem otiumque reliquissent. ita, Sertorio relicto, in Africam se contulerunt, ubi de regno Mauritaniae bellabatur. At Sertorius, ne, quod supererat militum, inopia deficeret, alteri se partium adplicuit; rebusque bene gestis, quum ab incolis locorum amaretur, quid postea facto opus esset, deliberabat.

Sed Cili-
ces eum de-
serunt.

XXVII. Ancipitem et impeditam consultationem legati Lusitanorum abruperunt, ad imperium gentis eum vocantes: quae, contra Romanos terrores ducis egens, laudatum ab omnibus, qui cum illo fuerant, Serto-

Sertorius
a Lusitanis
vocatur.

Cap. XXIV. Flor. 3, 22. Plut. Sall. Incert. 17. Cap. XXVI. Plut.

U. c. 675. rium velut divino munere oblatum rebatur. Erat enim
 A. C. 77. ille animo consilioque maximus; virtutis liberalissimus
 aestimator, in puniendo moderatus; facundus idem et
 comis: et tam in confirmandis suis, quam terrendis
 hostibus, singularis artifex. Igitur, accepta conditio-
 ne, cum duobus millibus sexcentis, quos vocabat Ro-
 manos, et septingentis, qui ex omni Africa se ad eum con-
 tulerant, levi praesidio relicto in Mauritania, nactus ob-
 scuram noctem, aestu secundo, furtivaque celeritate,
 vitare proelium in transgressu conatus est. Sed, oc-
 currente cum navibus Cotta, juxta Mellariam in freto
 dimicare coactus, vi perripit, et ad montem Balle-
 ram, quem Lusitani praeceperant, contendit.

*Furfidium
 vincit, et
 alios.*

XXVIII. Horum copiis adsuraptis, (erant autem
 cetratorum millia quatuor, equites septingenti) Fur-
 fidio cum legionibus adventanti se objecit. Is enim
 Baeticam cum imperio obtinebat. Cum hoc, difficul-
 tatibus locorum adjutus, ita certavit, ut ille, duobus
 millibus Romanorum amissis, cedere cogeretur. His
 igitur aliisque multis ducibus interfectis pulsive, Q.
 Metellus a Sulla missus est, clarae veterisque famae
 imperator. Qui, postquam in ulteriorem provinciam
 venit, artibusque Sertorii fatigatus neque cogere po-
 tuit ad pugnandum, neque insequi fugientem, nisi ut
 omnia fugientium incommoda ipse pateretur, L. Do-
 mitium proconsulem citerioris Hispaniae cum omnibus
 copiis, quas paraverat, arcessivit.

*L. Domitii
 et L. Mani-
 lii clades.*

XXIX. Sed ille ad Anam fluvium, qui Baeticam a
 Lusitania separat, ab Hirtulejo quaestore Sertorii cum
 exercitu oppressus est. Idemque fatum eodem loci le-
 gatum Metelli Thorium deprehendit. Deinde, quia
 tanto hosti resistere res Romana uno imperatore non
 poterat, L. Manilio Galliam Narbonensem obtinenti
 praecipitur, ut suppetias Metello in Hispaniam trans-
 grediatur. Hunc quoque, cum tribus legionibus et
 mille quingentis equitibus advenientem, idem Hirtu-
 lejus sic excepit, ut L. Valerius Praeconinus legatus,
 exercitu pulso, interficeretur; L. Manilius proconsul,

Cap. XXVII. Oros. 5, 23. Sall. Hist. 1, 21. Plut. Sall. ibid.
 Cap. XXVIII. Plut. Lips. Epist. Quaest. 4, 14. Plut. Sall. ibid.
 Plut. Appian. Civil. l. 1. et Iber. Plut. Pomp. c. 27. Sall.
 Hist. 1, 19. Cap. XXIX. Plut. Pompon. Mela. Oros. Eutrop.
 l. 6. Liv. Epit. Plut. Sert. Flor. Plut. Oros. Liv. Epit.

impedimentis amissis, in oppidum Ilerdam pene solus confugeret. U. c. 675.
A. C. 77.

XXX. Unde viribus et fama in dies augescens Sertorius, ut consilium et decus partibus adderet, senatores ex proscriptis eodem nomine locoque apud se habebat: adlectisque ex amicorum cohorte primoribus, ut trecentorum numerus fieret, hunc *Senatum* appellabat: ad eum ordinem de rebus omnibus referebat: hinc quaestores legatique quam proxime patrium morem creabantur. Nam Sertorius ea modestia et animi magnitudine agebat, ut, quamquam Hispanorum armis, pecuniisque, et urbibus, ac corporibus uteretur, nulla tamen re laedi oblitterarive Romani nominis dignitatem sineret. *Sertorius sibi senatum constituit.*

XXXI. Quum haec agebantur, P. Servilius cum Cilicibus prospere ad summum, sed non sine magno labore ac periculo, dimicabat. Mithridatici belli occasione piratae, quod inter Cretam Cyrenasque et Achaïam sinumque Maleum est, mare (ipsi a praedarum ubertate *aureum* vocabant) latrociniiis infestum habere coeperant, Isidoro duce. Deinde, quia Mithridates Asiam pro aliena negligebat, Sullam urbanae res revocabant in Italiam, impunitate plures invitante, numero viribusque aucti, magnis jam classibus oberrabant: adeoque placebat ipsis hoc vitae genus, ut, hoc perpetuo exercere certi, in quamdam velut reipublicae formam coirent. Igitur, licet passim haberent castris, arces, insulas desertas, sedem tamen fortunarum omnium Ciliciam, quae vocatur Aspera, consensu legerunt, importuosam, et altissimis rupibus horrentem. Unde communiter ab omnibus *Cilices* vocari coeperunt: quamvis esset mixta variarum gentium coluvies, Syri, Cyprii, Pamphylii, et quidam ex Ponto, ac propemodum omnibus Orientis regnis. multi enim, bellorum diuturnitate patrimoniis exuti, quum facere indigna et gravia, quam pati, mallent, naves pro natali solo ad ducendam vitam delegerant. *Piratae cui Cilices vocantur.*

XXXII. His omnes fere Ciliciae Pamphyliaeque urbes patebant dulcedine lucris, forum praedae vendendae, navibusque eorum stationem praebentes. Sidae quidem naves etiam iis fabricabant, et captos ab

Cap. XXIX. Caes. de B. Gall. 3, 20. Oros. Cap. XXX. Plut. Appian. Plut. Cap. XXXI. Flor. 3, 6. Appian. Mithrid. Cap. XXXII. Strabo, l. 14. p. 664. et 665.

U. c. 675. illis palam vendebant, quamvis liberos esse scirent et
 A. C. 77. faterentur. Diversum Lyciorum institutum; eoque
 dispar etiam fortuna fuit: qui, neque terrore, neque
 lucro victi, omnem cum Cilicibus societatem constan-
 ter recusarunt: quorum deinde excidium salvi sospi-
 tesque viderunt, nisi quod e finitimis bellis, velut ex
 vicino incendio, partem aliquam vapor adflavit.

*A Murena
 paullisper
 repressi.*

XXXIII. Ceterum piratas L. Murena nuper, impe-
 rato civitatibus Asiae, ut ex pecunia vectigali populi
 Romani naves facerent, paullisper represserat: sed,
 quia neque receptacula illorum expugnata erant, ne-
 que prohiberi poterat, quominus plures quotidie ad
 illorum institutum adfluerent, postquam Murena de-
 cessit ex Asia, plus terroris ac damni, quam umquam
 antea, passim dederunt. Jam enim et Siciliam infesta-
 bant, ut circa eam insulam nemini tuta navigatio esset:
 occurrentemque sibi praetorem navali proelio vice-
 rant. nec meliore eventu ab aliis in eos pugnatum.

*Mox vehe-
 mentius a P.
 Servilio.*

XXXIV. Igitur missus in eos P. Servilius procon-
 sul, primum in ipso mari congressus, quamquam ad-
 versus leves et fugaces myoparonas justae magnitudinis
 naves opposuerat, non incruentam victoriam retulit.
 Sed nec mari submovisse contentus, ad urbes illorum
 et praedarum receptacula eruenda convertit. Non mi-
 nimi laboris id bellum fuit. fere triennio pugnatum:
 multaeque per Ciliciam Pamphyliamque et Lyciam ur-
 bes evercae.

*Qui Phae-
 lin, Olym-
 pum, Cory-
 cum evertit.*

XXXV. Phaelis, in Lyciae Pamphyliaeque confinio
 sita, juxta quam Alexander olim per angustias fluctibus
 coopertas transduxit exercitum, crebro commeantibus
 eo piratis, quod projecta in altum horum accessibus
 erat opportuna, primo commerciis, deinde et socie-
 tate se conjunxerat. Sed non ante destitit Servilius,
 quam expugnatam dirueret. Eadem sors Olympi fuit,
 urbis antiquae et opulentae, quae inter sex Lycias ma-
 ximas numerari solet. Hujus, quum vi capta esset,
 magna praeda fuit: multaque inde signa et ornamenta
 ab imperatore belli jure sublata sunt. Corycum quoque,
 urbem inclitam nemore, in quo crocum gignitur, eo-
 rumdem armorum tempestas evertit.

Cap. XXXIII. Cic. in Verr. 1, 35. Appian. Cap. XXXIV. Sex.
 Rufus, c. 11. Oros. 5, 23. Flor. Oros. Eutrop. Cap. XXXV.
 Cic. in Verr. 4, 10. Strabo, l. 14. p. 666. Cic. Oros. Eutrop.
 Cic. in Verr. 1, 21. Strabo, l. 14. p. 665. Cic. Sall. Hist. 1, 22.
 Eutrop. Oros.

EPITOME

LIBRI NONAGESIMI PRIMI.

Cn. Pompejus, quum adhuc eques esset, cum imperio consulari adversus Sertorium missus est. Sertorius aliquot urbes expugnavit, plurimasque civitates in potestatem suam redegit. Ap. Claudius proconsul Thracas pluribus proeliis vicit. Q. Metellus

Quum adhuc quaestor esset] Vox quaestor mendose est: aut enim equester, ut in quibusdam veteribus libris est, aut eques Ro. est legendum. Nam sex post libris scriptum est, Cn. Pompejum consulem factum esse, antequam quaesturam gereret, ex equite Romano. Sic autem locutus est Epit. 89. *Cn. Pompejus, adhuc eques Romanus, ex Africa triumphavit.* ut etiam Cic. pro L. Manil. [21.] *Quid tam incredibile, quam ut iterum eques Romanus senatusconsulto triumpharet?* Triumphavit autem iterum ex Hispania. Et Dio in quadam concione lib. 36, [13.] habita de Pompejo: καὶ ὃ ἱππὲς ἐπὶ ὄντι πολέμους ἐκείνους ἐνεχειρήσατε. Et Plutarchus [Pompej. 630.] Μήπω δὲ μετέχοντι βουλῇς ἐψηφίσασθε δύο Σπιδάμβους. SIG. Vulgatum quaestor, licet mendosum, superest tamen in Leid. Lov. 2. et Norv. equester esset in Boend. Berg. Exc. Pithoei, et ed. Camp. Nullum tamen scriptorem equester, pro eques Romanus, dixisse, mecum existimat Cl.

Dukerus. De eodem etiam dubitat Crevierius. *quum adhuc eques esset* legit Voff. quod probandum puto, nisi quis mallet eques R. id est Romanus. De Pompejo ad bellum Sertorianum misso Cic. pro L. Manil. 21. *Quid tam inusitatum, quam ut, quum duo consules clarissimi fortissimique essent, eques Romanus ad bellum maximum formidolosissimumque pro consule mitteretur.* Tum cum imperio proconsulari Exc. Pithoei. Mox Sertorii aliquot urbes Voff.

Thracas pluribus proeliis vicit] Aliud significat Orosius, qui 5, 23. eum se magnis malorum molibus objecisse, et aegritudine animi ac morbo interiisse prodit. DUK. Omnia haec vocabula cum tribus sequentibus Q. Metellus proconsul desunt in Leid. negligentia scribae; cui fraudi fuit repetitio vocis proconsul. V. ad 9, 11, 11.

L. Herculejum, quaestorem Sertorii, omni cum exercitu

proconsul L. Herculejum, quaestorem Sertorii, cum exercitu cecidit.

cecidit] Membrana Barber. *cecidit atque fugavit.* Voff. et Gud. minor: *quaest. Sertorii cum exercitu cecidit.* Major: *quaest. Sertorii ceciditque atque fugavit.* J. FR. GRON. *Herculejum* hic praeferunt omnes scripti, et editi, uno demto Berg. qui legit *Hirculejum*. Vide ad Epit. praec. Deinde *omnino cum exercitu* edd. principes, pro quo

Frob. anno 1535. *omni cum exercitu* substituit: quum praestitisset, ut integram vocem ex contextu ejecisset. Omnes enim scripti mei, plerique Gronoviani, Exc. Pithoei, et ed. Camp. et *omnino*, et *omni* ignorant. De voce *omnino*, perperam in his Epit. adscita, vide ad Epit. 58. Praeterea *occidit* Boend. et ed. Camp. V. ad Livii 36, 36, 6.

JOHANNIS FREINSHEMII

SUPPLEMENTORUM LIVIANORUM LIBER LVI.

IN LOCUM LIBRI XCI. T. LIVII.

I. Transgressus in Hispaniam Perperna, quemadmodum superiore libro offendimus, curam senatus duplicaverat, nihil aequae metuentis, quam ne auctus novo exercitu Sertorius in Italiam reverteretur. Metellus enim, fessa jam aetate, et statariis pugnis adfuefactus, velocissimae virtutis hosti parum resistebat. Idcirco Cn. Pompejus, qui nuper, recepta Gallia Cisalpina, quamquam jubente Catulo, copias non dimiserat, cupidus Hispaniensis belli, ut ad opem ferendam Metello mitteretur, ad urbem haerebat, semper aliqua reperta causa, cur exercitum sub signis retineret. Neque aliud in promptu praesidium erat, neque ducum quisquam, qui Sertoriano vigori rectius opponeretur. Ergo ex sententia L. Philippi decreta illi provincia est, ut pari cum Q. Metello imperio esset. quo tempore ajunt mirantibus quaerentibusque, *anne igitur equitem Romanum pro consule mittendum censeveret?* respondisse Philippum: *non se illum sua sententia pro consule, sed pro consulibus mittere.* Tanta erat de virtute Pompeji opinio, ut, quum duo consules clarissimi fortissimique essent, duorum consulum munus unius adolescentis virtuti committeretur.

U. c. 675.
A. C. 77.

Cn. Pompejus contra Sertorium mittitur.

II. Igitur Pompejus, accepto imperio, diebus quadraginta suppleto exercitu, paratisque necessariis, ad Alpes movit, quarum aditus Sertoriana praesidia obtinebant. Igitur Pompejus aliud, quam Hannibal patefecerat, sibi opportunius iter juxta Rhodani Padique

Cap. I. Appian. Civil. l. 1. Appian. Iber. Plut. Pomp. Val. Max. 8, 15. Plut. Pomp. Cic. pro lege Manil. c. 21. Oros. 5, 23. Cicero. Cap. II. Sall. Hist. 3. in Epist. Cn. Pomp. Appian. Civil. Sallust.

U. c. 675. fontes aperuit: hostibusque in Hispaniam submotis,
 A. C. 77. Galliam, adjuvante non segniter, qui provinciae praee-
 rat, M. Fontejo, recepit. deinde perrexit ad Pyre-
 naeum, ut ad auxilium Metello ferendum quam ma-
 turrimè occurreret. Nam is in dies molestioribus re-
 bus utebatur: quum, super alia mala, fatiscens labo-
 ribus miles, segnior, et adversus imperatorem con-
 tumacior fieret: eousque, ut, Sertorio Metellum ad
 singulare certamen provocante, impudens clamor ori-
 retur, ire jubentium, *ducemque cum duce, Romanum cum Romano congrédi*, non sine conviciis, ubi Metellum, im-
 peratorii loci memorem, neque hostis insultatione, ne-
 que suorum stultitia moveri viderunt.

*Sertorius
Metellum ad
singulare
certamen
provocat.*

*Laccobri-
gas obsiden-
tem frustra-
tur.*

*Et cum
damno sub-
movet.*

III. Igitur Metellus, ut aliquo negotio militem oc-
 cuparet, celeriter ad Laccobrigas movit, urbem hosti
 opportunissimam non magno negotio in potestatem red-
 acturus, quod unus tantum intra moenia puteus erat,
 et suburbanis aquis obsessi prohibebantur. Sed hic
 quoque neque solita cautio Sertorio, neque celeritas
 efficiendi cogitata defuit. Ex omni Hispanorum Mau-
 rorumque numero robustissimum quemque, eundem-
 que perniciosissimum, pronunciato in singulos utres
 praemio, excitans, magnam aquarum copiam inferen-
 dam in oppidum curat. per eosdem inutilis turba edu-
 citur. ita in multos dies adversum sitim providetur.
 Enimvero Metellus, cui omnis spes in eo erat posita,
 ut imparatos opprimeret, tantum quinque dierum ci-
 baria portare militem iusserat. Idcirco, deficiente com-
 meatu, Aquinum cum sex millibus militum frumenta-
 tum misit. At Sertorius, occultatis tribus hominum
 millibus, cum ceteris, quos secum habebat, Aquinum
 ad pugnam cogit. ea dum conferitur, signo dato, pro-
 currunt insidiae. sic Aquinus, dimidia copiarum par-
 te, et equo armisque amissis, vix a Metello receptus,
 et obsidio cum magna Romanorum ignominia soluta
 est.

IV. His successibus ab Hispanis Sertorius in coe-
 lum tolli; hoc imperatore sibi decus, divitias, victo-
 riam quisque spondere. neque ille omittebat omni ar-
 te parare novorum amicorum, retinere veterum bene-
 volentiam: comiter appellando singulos, donando ob
 virtutem armis, auro atque argento ornatis, sagulis-
 que pictis, et Romana disciplina exercitum ad spe-

ciem et robur instruendo. Sed et nobilissimos ex amicis populis pueros, ludo Oscae instituto, Graecis Latinisque literis curabat erudiendos, civitatem Romanam promittens, ubi adolevissept. Et hi quidem Sertorio usum obsidum praebebant: sed, quia nominis invidia aberat, securi vacuique suspicione parentes ultro liberali et honesta suorum educatione laetabantur.

U. c. 675.
A. C. 77.

V. Mos vetus Germanorum Gallorumque per Celtiberos in Hispaniam introductus fuerat, ut principibus virtute praestantes viri comites se adjungerent, indiscreta familiaritate laetorum adverforumque, atque etiam mortis, socii. nam, ne quis, amisso duce, vivus ex acie reverteretur, devotione terribili adstringebant fidem. Horum major, quam cuiquam alias, Sertorio numerus apparebat. multa enim eum in his leges millia sequebantur: feruntque aliquando, fuga ad urbem quamdam facta, portisque turbam morantibus, devotos illos, abjecta suae salutis cura, Sertorium per sua corpora ad medium quasi murum extulisse, ut deinde superadstantium manibus in summum attraheretur.

*Hispanis
usitata de-
votio comi-
tum.*

*Horum de
veterum mil-
ta millia a-
pud Serto-
rium.*

VI. Nec dissimili fama atque caritate apud Italicos milites celebrabatur. Nam Perpernae milites, quod ille, nobilitate et opibus potior, cedere Sertorio recusabat, indignabantur: nec ultra passi, quam donec per Pyrenaeum saltum Pompejus adventare auditus est, ut ad Sertorium duceret, postularunt; *ni duxisset, sua sponte ituros.* Idcirco Perperna, quod summum tenere locum nequibat, proximum utique non abjiciendum ratus, cum ingenti pecunia tribusque et quinquaginta cohortibus ad Sertorium venit.

*Perperna
ad Sertorium
accedit.*

VII. Hac tanta accessione ferociores Hispani, quorum undique magna vis ad castra Sertorii concurrerat, insolentioribus quotidie vocibus pugnam flagitabant. At Sertorius, non minus cautus, quam acer, imperator, nequiquam conducere rebus suis existimabat, ut praeter rationem belli seque et exercitum non necessariis casibus objiceret. Postremo, quia nulla jam ratione cohiberi hominum impetus poterat, tur-

Cap. V. Tac. Germ. c. 14. Nicol. Damasc. l. 66. apud Athen. 6, 13. Sall. Incert. 16. Plut. Sertor. Sall. Hist. 1, 22. Cap. VI. Plut. Cap. VII. Suidas in *Σεπτίπιος*. Plut. Suidas. Plut.

U. c. 675. mae equitum, ut lacefferet hostem, permisit: deinde laboranti submisit alias: atque ita citra magnae noxae experimentum docuit, quis exitus flagitatam pugnam mansisset.

Sertorii inventum ad frangendam suorum temeritatem.

VIII. Igitur, ut quoque in posterum obsequentioribus uteretur, jussis in concionem adsistere militibus, duos equos produci imperavit, praevalidum alterum, alterum mire exilem. valido deinde parvum hominem et contemptibilem adspectu, exili magnum robustumque admovit, praecepto, ut robustior ille gracilis equi caudam universam abrumperet, valentis singulos pilos infirmus velleret. Atque, illo inter plurimum omnium risum magna vi nequidquam adhibita defatigato, quum gracilis, quod imperatum erat, confecisset, versus ad suos Sertorius, Jam, inquit, quod mihi saepe monenti nolulistis, oculis, opinor, vestris credetis, milites. Quanto plus perseverantia, quam impetus, valeat, sub claro exemplo didicistis. Romani exercitus hac imagine vobis ostensa natura est: quem universum qui adgredietur, nihil aget; per partes carpenti minime erit insuperabilis.

Ejusdem oratio eodem pertinens.

IX. Per haec conversis animis suorum, et ad accipienda quaelibet apertis; Rem se facere non nisi rarissimam et magna de causa probabilem, ait, qui gerendi belli rationem exercitui reddat imperator. Sed facere semel, ut, ostenso cognitoque, a quali duce, et qualibus consiliis regantur, post haec etiam celanti animum suum laeti atque securi obediant. Neque enim sibi deesse ferociam, siquidem robore et impetu posse obtineri victoriam putaret: idque tot proeliis compertum, quibus miles, tribunus, legatus, imperator, suae alienaeque vitae juxta pepercisset. Ceterum ita se videre comparata esse praesentia, ut nulla sit, nisi qua instituerit ducere, ad salutem via.

Utilitatem artium suarum ostendit.

X. Laudare se quidem animos cuilibet discrimini promptos, et timori impenetrabiles. Sed eo ipso dignos arbitrari, qui nullum aut modicum ad usum temere non prodigantur. Sed neque ignaviae cuiquam auctorem esse. quin ultro indicare expeditiones, pugnas, itinerum operumque multiplicatum laborem. His enim rebus se confidere, quibus adhuc contra tot duces et magnos exercitus cum modicis copiis invictus stetisset. Olim se scire, plerosque omnes prae nimio ardore ad summae rei diminutionem animis votisque properare. sed suis artibus effectum, ut et bellum sustineretur egregie, et Perpernae daretur spatium

Cap. VIII. Frontin. Strat. 1, 10. et 4, 7. Val. Max. 7, 3. Plut.

santas adducendi copias: quae profecto, si ante tempus in unius certaminis aleam descensum foret, non fuissent habiturae, quomodo se conjungerent.

U. c. 675.

A. C. 77.

XI. Nunc vero aucti tanto exercitu, neque ipsi nos trademus inertiae, neque hosti quidquam temporis tutum aut quietum esse patiemur. Sed nec temere a priori ratione belli gerendi recedemus. Romanam aciem, si viribus ac locis aequis congregiare, sine summo tuo periculo damnoque haud sustinueris. at ego vobis ita constrictam locis, turbatam improvise metu, vigiliis laboribusque enectam dabo, ut citra noxam meorum militum concidatur.

Rationem
earum edo-
cet.

XII. Omnia, quae ad hunc obtinendum finem faciunt, pro nobis sunt. Locorum ingenium, quibus a pueritia adsuavistis, et perinde scientia; velocitas ingenita Hispanis; famis, sitis, aestus, laboris patientia. quibus rebus ita fatigabimus statarias hostium copias, ut quandoque se victas ante sentiant, quam, a quibus oppugnentur, cognoverint. Scio nobiscum esse, qui Viriathini belli meminere. iis consilium meum haud difficulter approbabo. juniores satis habeant, animos promptos, arma expedita habere, ut feliciter expertum ducem, ad gloriam et opus recto itinere praeeuntem, sequantur. Ita condocentibus barbaris, quum illorum viribus, ingenio suo uteretur, multa prospere gessit, aliquot urbes expugnavit, plurimasque civitates in potestatem suam redegit. unde non minori admirationi, quam terrori, hostibus erat.

Sic obse-
quentes suos
habet.

XIII. Sed praecipuam ei calliditatis famam peperit Characitana expeditio, qua gentem feram, non urbes aut vicos, sed magnum et arduum collem, plurimis speluncis in Aquilonem versis, supra Tagum incolentem, subegit. Ibi dum circa inaccessible collem obsequitans adversus tutos loco barbaros inanes minas jactit, et pudore recedendi multa volvit animo, Caeciam animadvertit in adversas speluncas flare: edoctusque ab accolis, id eo tempore anni solitum illis regionibus esse, milites excidere glebas ex circumjecto agro, et contra speluncas comportare in aggerem jubet: multum iridentibus montanis insanae molitionis vanitatem, quod putabant, ad oppugnandum altissimum collem id institutum pertinere. inter haec Sertorius sub noctem suos reduxit in castra.

Characita-
nos strate-
gema ex-
pugnat,

U. c. 675. XIV. Postridie, quum flare ventus coepisset, et ex
 A. C. 77. congesta humo pulverem in altum efferre, militibus
Pulvere in immixtis, subruere ex imo cumulum illum iussit, ter-
speluncas co- ramque levem admodum et friabilem comminuere.
rum immixto. Atque illa, labore hominum, equorumque, ultro ci-
 troque super eam discurrentium, ungulis trita, quum
 a vento rapta in aërem tolleretur, statim densa quae-
 dam nebula speluncarum ostia fenestrasque obturavit:
 neque jam aut lucis usus supererat, aut reciprocandae
 animae purus suppetebat aër. nec enim aliam in
 partem apertae illorum habitationes, aut ulla ducendi
 spiritus copia dabatur. Biduo tamen sustinuerunt hoc
 malum obsessi: tertio die, quia perseverante vento
 suffocabantur, sunt dediti.

Pompejus XV. Dum haec geruntur, in Hispaniam Pompejus
in Hispani- venit, arrectique omnium animi erant, ut solet, ad
am venit. novi imperatoris famam: multique populi, qui minus
 constanter adhaerebant Sertorio, jamjam mutaturi so-
 cios videbantur. Sed insperatus ad Lauronem ca-
 sus et dubios in officio retinuit, et fidos confirmavit.
 Sertorius eam urbem obsidebat, quum universum ex-
 ercitus suum, apud Pallantiam convenire iustum, suc-
 cursurus obsessis Pompejus adduxit. Tumulus haud
 procul urbe visebatur, quem qui prior occupasset,
 magna erat ex loco commoda habiturus. Utroque du-
 ce properante, Sertorius quum praevenisset, exclu-
 sus ea spe Pompejus haud eo minus laeto animo age-
 bat, quod inter suum exercitum et Lauronem interclu-
 sas Sertorii copias tenere rebatur. Igitur, missis ad
 Lauronenses nunciis, bono animo esse jubet, atque
 considentes in moenibus obsessi obsefforis spectacu-
 lo frui.

Sertorii ar- XVI. Sertorius, jactantia Pompeji comperta, ri-
tibus supe- dens ait, *se discipulum Sullae* (sic appellabat eum ludi-
ratur. brii causa) *docturum, debere plus respicere imperatorem,*
quam prospicere. Simul ostendit obsessis sex millia pe-
 ditum prioribus in castris relicta, ut Pompejum, si
 in se movisset signa, a tergo aggredierentur. Ita Pom-
 peji gaudium irritum cito in gravem verecundiam ver-
 tit. Nam, serius errore cognito, quum neque inva-
 dere Sertorium, ne circumveniretur, auderet, neque
 prae

Cap. XV. Plut. Pomp. c. 28. Plut. Sertor. Oros. 5, 23.
 Plut. Sertor.

prae pudore Lauronem sustineret relinquere, pereuntium sociorum spectator otiosus sedebat. U. c. 675. A. C. 77.

XVII. Dum ita vicina castris castra duo imperatores habent, Sertorius talem dolum machinatur. Duae tantummodo regiones erant, ex quibus peti pabulum posset, una in propinquo, altera longius sita. Sertorius ulteriorem ab armatis adiri vetuit: citimam subinde per levem armaturam iussit infestari. Sic ad extremum fides adversis partibus facta, tutiorem esse, quae erat remotior: magnusque eo Pompejanorum numerus pabulatum profectus est. *Sertorii vna-
framentum.*

XVIII. His a Sertorio triplices insidiae per idoneos saltus ponuntur, missis Octavio Graecino cum decem cohortibus, in morem Romanorum armatis, et totidem levis armaturae Hispanis, Tarquitioque Prisco cum duobus millibus equitum. Illi strenue imperata faciunt: explorataque locorum natura, in vicina silva praedictas copias noctu abscondunt, ita ut in prima parte leves Hispanos, gentem ad furta belli peridoneam, ponerent; paulo interius scutatos; in remotissimo equites, ne fremitu equorum destinata proderentur. quievere omnes, silentio servato in horam tertiam diei. Quum deinde Pompejani, securi gravatique pabulo, de reditu cogitarent, et hi quoque, qui in statione fuerant, quiete invitati, ad pabulum colligendum dilaberentur: emissi primum Hispani velocitate gentili in palantes effunduntur, et convulnerant confunduntque nihil tale expectantes. Prius deinde, quam resisti his inciperet, scutati erumpunt e saltu, et redeunt in ordinem conslernant vertuntque. Fugientibus equites immisi, toto eo spatio, quo redibatur in castra, persequuti caedunt. Curatum quoque, ne quis effugeret. nam praemissi per compendia itinerum ducenti quinquaginta equites, quos in hunc usum opperiri duces jusserant, antequam ad castra Pompeji perveniretur, conversi, occurrerunt eis, qui primi fugerant. *Pompejani
pabulatores
exciuntur.*

XIX. Ad cujus rei sensum Pompejo immittente legionem cum Laelio in praesidium suorum, subducti in dextrum latus specie cedentium equites, mox circumitu legionem abs tergo infestarunt, quum jam etiam a fronte Sertoriani, qui pabulatores persequuti *Itaque le-
gio subsidio
immissa.*

Cap. XVII. Frontin. Strat. 2, 5. Cap. XVIII. Sall. Hist. 3, 13. Frontin. Cap. XIX. Appian. Civil. 1. 1. Frontin.

Supplem. Liv. Tom. XIII.

T

U. c. 675. erant, incurfarent. Sic legio quoque inter duas acies
 A. C. 77. hostium cum legato elisa est, ad cujus auxilium Pompejo
 universas educente copias, Sertorius quoque e collibus
 instructum ostendit exercitum, effecitque, ne Pompe-
 jus progredetur. Ita praeter duplex damnum, ead-
 em solertia illatum, spectatorem quoque eum cladis
 suorum constituit. Hoc primum proelium inter Serto-
 rium et Pompejum fuit. decem millia hominum de
 Pompeji exercitu cum jumentis et calonibus amissa
 sunt. Pompejus vix reliquias incolumes reduxit.

*Sertorius
 Lauronem
 delet.*

XX. Hic eventus etiam Lauronensium fregit ani-
 mos, neque diu cunctati, concesserunt in Sertorii fi-
 dem. Is praedam militi concessit, edicto, liberis cor-
 poribus uti parceretur. direptam deinde urbem in-
 cendit, non crudelitate, a qua vix ullus umquam dux
 alienior fuit; sed ut ex tanta existimatione Pompejo
 contemptus apud barbaros oriretur; quo inspectante,
 et tantum non flammis incensae calefacto, urbs socia
 et amica deflagrasset. Lauronenses, qui obsidioni su-
 perfuerant, in Lusitaniam Sertorius deduxit. In ea
 direptione miles quidam, muliere Lauronensi praeter
 naturam abusus, oculis mulctatus est, quos directis in
 eos digitis mulier effoderat. Re ad imperatorem de-
 lata, quum facta et causam didicisset, insensus tanto
 militiae dedecori, integram cohortem, hoc genus fla-
 gitii famosam, licet Romana esset, delevit. Pompe-
 jus tamen impetum Sertorii victoris, quamquam novis
 militibus, et multo paucioribus, sustinuit. nam adver-
 sus sexaginta millia peditum, novem equitum, non
 ultra triginta peditum millia, et mille equites adduxe-
 rat. Haec ea aestate in Hispania gesta. Quum deinde
 tempus anni adversum expeditionibus esse coepisset,
 diversi imperatores in hiberna discesserunt. Cn. Pom-
 pejus et Q. Metellus circa Pyrenaeum inter saevissi-
 mos hostes in castris hiemarunt: Sertorius cum Per-
 perna in Lusitaniam profectus est.

*Bella cum
 Thracibus
 in Macedo-
 nia.*

XXI. Per haec tempora continuum fere cum Thra-
 cibus bellum erat, perpetuo incursantibus Macedo-
 niam. Et, quamquam acriter a Dolabella repressi, ju-
 stissimusque de iis ductus triumphus erat, cum Ap.

Cap. XIX. Jul. Obseq. Frontin. Appian. Cap. XX. Plut.
 Sertor. Appian. Oros. Plut. Oros. Appian. Sall. Hist. 3. in
 Epist. Cn. Pomp. Oros. Appian. Cic. pro Font. c. 3. Sallust.
 Cap. XXI. Appian. Oros. Cic. in Pis. c. 19.

Claudio successore Dolabellae multis, sed levibus, proeliis concurrerunt. Quibus victis, Appius per Rhodopaeas gentes magno cum labore in Sarmatas usque pervenit. Sed inter asperrimas gentes, ubi cum Maedis varie dimicavit, curis et aegritudine fatigatus in morbum incidit, ex quo est in provincia mortuus.

U. c. 675.
A. C. 77.
*Appius in
provincia
moriatur.*

XXII. Jam Romae Cn. Octavius, M. F. Cn. N. C. Scribonius Curio consulatum occeperant. Tum Reatinorum improvise clades in prodigium versa. quippe terrae motu aedes sacrae in oppido agrisque commotae; saxa, quibus forum stratum erat, discussa; pontes interrupti; ripae labentis fluminis in aquam provolutae; fremitus inferni exauditi fuerant. paucis abinde diebus, quae concussa erant, corruerunt. saxum vivum quum provolveretur, non sine stupore visentium in praecipiti rupe immobile stetit. Aliud deinde nunciatum prodigium est, quod scintillam e stella cadere, et augeri terrae appropinquantem, ac, postquam Lunae magnitudine facta esset, illuxisse ceu nubilo diei; dein, quum in coelum se reciperet, lampadem factam L. Junius Silanus proconsul cum comitatu suo viderat.

U. c. 676.
A. C. 76.
Cn. Octavio, C. Scribonio Coss.
*Reatinorum
improvisa
clades.*

XXIII. Hoc forte numquam antea visum annotatumve movit Patres, ut de Sibyllinis carminibus colligendis referri juberent, quoniam, quod eorum adservatum in Capitolio fuerat, incendio aedis illius consumptum erat. In eam legationem P. Gabinius, M. Otacilius, L. Valerius lecti. His negotium datum, ut Erythras praecipue adirent, quae patria Sibyllae dicebatur, ad describenda, quae ibi pro Sibyllinis celebrarentur. Per hos aliosque (nam et Samo quaedam allata sunt et Ilio, per Africam etiam et Siciliam, et Italicas colonias, etiam a privatis conquisita) magnus librorum numerus in urbem comportatus est: et, quia multa vana inerant, sacerdotibus mandatum, ut, quantum humana ope posset, vera a falsis discernere. Nec in tam caeco negotio certius aliud, quam per acrostichidum, ut vocant, indicia, repertum discrimen, Terentius Varro doctissimis, sed iisdem ineptissimis, Rerum Divinarum libris prodidit.

*Sibyllina
carmina un-
dique con-
quiruntur.*

Cap. XXI. Liv. Epit. Eutrop. Sex. Ruf. Flor. 3, 4. Jul. Obseq. Oros. Eutrop. Cap. XXII. Jul. Obseq. Plin. 2, 35. Pigh. Ann. 677. Cap. XXIII. Feneft. apud Lactant. de ira Dei, c. 22. et Inffit. 1, 6. Dionys. 4, 70. Strabo, l. 14. p. 645. Tac. 6. Ann. 12. Dionys.

U. c. 676. XXIV. Eodem anno, postquam primum ver apparuit, resumptum acriter in Hispania bellum est, multaque et cruenta proelia facta. Tandem apud Italicam Baeticae urbem Q. Metellus, et Sertorii quaeſtor L.

Metelli a-
pophthegmu. Hirtulejus, totis viribus congressi sunt. Metellus adversus hostium celeritatem ac ferociam haud paulo minus viribus, quam consilio, tribuebat: tam diligens celandi, quae cogitaret, ut interroganti, *quid postera die facturus esset*, responderit; *Tunicam meam, si eloqui posses, comburerem.*

Proelium
cum Hirtu-
lejo. XXV. Igitur insignem, quam tunc adeptus est, victoriam non tam militum lacertis, quam ingenio suo, debuit. Oriente protinus die Hirtulejus instructam aciem vallo ejus admoverat: neque mora esset, si suos audiret, quin statim contra exiretur. Sed prudens imperator, intra castra retento exercitu, geminam utilitatem percepit: spatium nactus, quo consideraret hostium aciem, eandemque (fervidissimum enim anni tempus erat) caloribus conficiendam relinqueret. Idcirco quum, quod roboris in hostili exercitu erat, in media acie stare comperisset, sic instruxit edocuitque suos, ut cornua longius protenta prius cum oppositis congredierentur, quam mediae acies confligerent. His ita ordinatis, sub sextam diei horam exercitum eduxit.

Et claravi-
ctoria Metel-
li. XXVI. Recens Metello miles, curatis corporibus, viribus integris pugnam capeſſebat; Sertoriani, stando fessi, magis etiam aestu fatigabantur: et, quia Metellus mediam aciem reduxerat, fortissimae quaeque cohortes, si starent, otiosae manebant; sin procurrent in hostem, hic quoque novus labor prioribus molestiis accedebat. Inter hanc dubitationem pulsus utrimque cornibus, ita circumveniuntur, ut neque repugnando servari, neque erumpere ad fugam possent. Ibi vehementissime dimicatum est, ita promptis avidisque ducibus, ut Metello in sagum, Hirtulejo in brachium tela venirent. Neque tam virtute, quam, quibus diximus, rebus inferiores Sertoriani exstiterunt. Ita viginti millibus militum amissis, pauci in Lusitaniam cum duce refugerunt. Neque tamen ille cladi suorum diu superstes fuit, dum, reparatis viribus, fortunam de novo tentat, cum fratre ad Segoviam interfectus. Quo

Cap. XXIV. Appian. Oros. Frontin. 1, 1. Cap. XXV. Frontin. 2, 1. Frontin. 2, 3. Frontin. 2, 1. Cap. XXVI. Frontin. 2, 3. Sall. Hist. 2, 8. Oros. Flor. 3, 22. Liv. Epit.

tempore barbarum, qui forte evaserat, nuncium cladis Sertorius, quum maxime pugnam adversus hostem ciens, e vestigio pugione trajecille dicitur; veritus ne inter milites vulgata rei fama animos eorum alienissimo tempore infringeret.

U. c. 676.

A. C. 76.

XXVII. Magnum enim omnino incommodum acceperat, insigni duce, multisque fortissimorum virorum millibus deperditis. Sed nemo temere tum ad alios belli casus, tum in reparandis cladibus, Sertorio dux melior erat: quum invictus ipse legatorum culpa fortunave vulneratam causam mirabili semper celeritate consilioque restitueret. Unde ingens viri nomen, quotidieque majus, ne quidem Europae finibus continebatur, quin Asiam quoque et Pontum implerent ejus laudibus, qui ex Occidente adventabant. Quod non ultimum incitamentum Mithridati fuit, cur tertii belli sibi ad postremum exitiosi aleam subiret, elatum regis animum aliis etiam stimulantibus caussis.

*Sertorius
magnus dux
in reparan-
dis cladibus.*

XXVIII. Quippe, post remissam a Sulla legationem, Cappadociam Ariobarzani, uti jussus erat, restituerat. quum alios oratores scribendi foederis causa Romam ablegasset, iterum spe sua frustratus est, quia, mortuo jam Sulla, magistratus, civilibus turbis impediti, de eo negotio non retulerunt. Igitur Mithridates, ultionis cupidus, et sibi adhuc diffusus, Tigranem subornat: facilius conjicientibus rem Romanis, quam ad prohibendum paratis. Ille Cappadociam velut indagine cinctam evacuavit, abactis hominum ferme trecentis millibus, et urbibus Graecanicis duodecim evastatis. Hos in Mesopotamiam, agris juxta Tigranocertam ad incolendum attributis, transtulit, majoremque partem urbis ex eo genere frequentavit. Curae enim habebat rex longe superbissimus, ut urbs, ubi sibi diadema Armeniae imposuerat, quamque de suo nomine voluerat appellari, magnificentissimo murorum ambitu, maximaque hominum et aedificiorum multitudine ornaretur. Haec dissimulare Romanos non externa tantum bella, sed etiam urbani motus, coegerunt,

*Tigranes
Cappadoci-
am vastat,
ad implen-
dam Tigra-
nocertam.*

XXIX. De tribunatu, cujus omnem fere potestatem Sulla exstinxerat, certabatur. Nam, illo mortuo, pleborumque erecti animi fuerant, restitutum iri jus po-

*Romae cer-
tatur de jure
tribunorum
restituendo.*

Cap. XXVI. Frontin. 2, 7. Cap. XXVII. Plut. Sertor. Ap-
pian. Mithrid. Cap. XXVIII. Strabo, l. 11. p. 532. et l. 12.
p. 539. Apptan..

U. c. 676. puli sperantium, nisi Q. Catulus acta Sullae constanter
 A. C. 76. defendisset. Proximis deinde consulibus, agente L. Sicinio tribuno plebis, tumultuatum: isque statim, quum D. Bruto et Aemilio Mamerco impar fuisset, cum acriore viro, Curione, malo suo fato, commissus est.

Curionis oratio in L. Sicinium tribunum.

XXX. Vehementer eum accusabat Curio, ut erat ei sermo splendidus et copiosus, quod reipublicae, vix e tantis cladibus respiranti, denuo civilium bellorum metum intestinae seditionis fax et auctor admoveret. Quasi enim parum molesti Perperna ac Sertorius forent; quasi nesciretur, quae Mithridatis, quae Tigranis essent consilia; quasi, Macedoniam et Acbajam a Thracibus lacerari, nihil ad rempublicam pertineret: ita novos subinde in ipsa urbe exoriri Cinnas atque Marios, qui saevius, quam ulli hostes, civitatem vexent permantque. Scilicet hunc Sicinium, apud levem et seditiosam urbem ipso nomine favorabilem, haud minus turbarum daturum credi, quam antiquis temporibus, educta in Sacrum montem plebe, nescio quis Sicinius dederit. Nisi tamen hic tanto est deterior, quod non contentus jure tribunizio, quatenus tolerabile civitati, et populo salutare est, quale majores vestri unice desiderarunt, licentiam sibi miscendi omnia, et rempublicam arbitratu suo agendi ferendi postulat.

Omnes seditiones a tribunis concitatas adseverat.

XXXI. Annon satis modo poenarum dedimus, quod hominibus turbulentis, ambitiosis, audacibus, stultis adolescentibus, populum, qua vellent, agitando concessa potestas est? Unde enim Gracchanae Apulejanaeque seditiones; unde mox Marianus Cinnaeque furor, nisi ex tribunitiis rogationibus? Hoc igitur audes dicere, Sicini? talem mihi potestatem deposco, qualem Sempronii Saturninique habuerunt: ego rempublicam constituam scilicet; ego leges, quibus obedias, feram. Infelix scurra, tu isto tuo impudenti ore flagitium tale proferre ausis? Tua ista insignis et prodigiosa stultitia, tua improbitas, tuae illae sordes in hac se republica jactabunt? At nos merito nostro miseros, si nunc Sicinium feremus regem, qui nuper Aemilium non tulimus. Scilicet apparebat, quam efficax ad subruendam rempublicam cuniculus effoderetur, si, quod ille sub honesta specie petebat, leges Sullae, quibus, tamquam firmissimo vinculo, concordia statusque civitatis hujus continetur, abrogarentur.

Sicini dilacitas et mors.

XXXII. Haec atque talia dictitantem non tam oratione Sicinius, quam clamoribus et improba dicaci-

Cap. XXIX. Sall. Hist. 3. in Orat. Maeri trib. pl. Ascon. in Divin. Cap. XXX. Cic. Bruto, c. 60, c. 59. Liv. 2, 32. Cap. XXXII. Cic. Bruto, c. 60.

tate, refellebat. Erat enim homo perquam ridiculus; et, scurriliter facetus, omnes civitatis principes ac magistratus exagitare consueverat. memoraturque a solo M. Crasso petulantiam abstinuisse; interrogantibus, cur soli omnium huic parceret? respondere solitus, *foenum in cornu habere*. Sed a Curione minime temperabat, quin et de republica cum eo contenderet acriter; et inconcinnum consulis in dicendo motum dictis procacibus irrideret; et corpore ac lingua percitum et inquietum, nomine histrionis vix sani *Burbulejum* appellaret. Igitur quum in magistratu esset occisus, penes Curionem invidia necati fuit: tribunatusque desiderium, paullisper repressum eo facinore apud plebem Romanam, non multo post vehementiore nisu erupit.

U. c. 676.
A. C. 76.

Cap. XXXII. Plut. Crasso, c. 13. Cic. et Quintil. 11, 3. Plin. 7, 12. et Val. Max. 9, 14. et Sall. Hist. 2, 6. Sall. Hist. 3. in Orat. Macri.

E P I T O M E

LIBRI NONAGESIMI SECUNDI.

Cn. Pompejus dubio eventu cum Sertorio pugnavit, ita ut singula ex utraque parte cornua vicerint.
Q. Metellus Sertorium et Perpernam cum duobus

Ita ut singula ex utraque parte cornua vicerint] Potest ferri. Forte tamen: *ita ut sinistra*. Quemadmodum Epit. 124. *Ita ut utriusque dextra cornua vicerent*. J. FR. GRON. Satis certa est conjectura sagacissimi Gronovii. Nam Plutarch. in Sertorio scribit, in pugna ad Suronem dextrum cornu Sertorii a sinistro cornu Romanorum, et dextrum Romanorum a sinistro Sertorii pulsum esse. DUK. Ridicule Voss. *ita ut sine gloria ex utraque parte cortina vicerit*. Reliqui nihil mutant. Paulo ante *adhuc dubio eventu* Norv. et edd. ante Gruter. qui vocem *adhuc*, in nullo apud me codice obviam, recte delevit.

Q. Sertorius Metellum et Perpernam c. etc.] Legendum *Q. Metellus Sertorium et Perpernam*. Neque enim Sertorius Perpernam, qui a se stabat, fundere potuit. SIG. Vitium priscae lectionis deprehendit jam Glareanus ad Valer. Max. 3, 4, 5. quomodo tamen emendari debeat, adsecutus non est; sed demum recte invenit Sigonius. Ejus emendationem firmant omnes codd. nostri, Exc. Pithoei, et ed. Camp. Ceterum codd. nostri, et edd. vett. hic et alibi perperam scri-

bunt *Perpernam*. Vide ad Livii 44, 27, 11.

Victoriae partem cupiens auferre] Vet. lib. *ferre*. SIG. Similiter scripti mei, Exc. Pithoei, et ed. Camp. *Ferre partem victoriae, ut ferre praemium, munus*. V. ad Livii 26, 2, 4. Ex ejus interpretatione natum est *auferre*.

Obsessus deinde Calagurii Sertorius] Sic finxerunt, opinor, ex epitoma sequenti, quum non assequerentur veterem scripturam. Nam Barber. *clime*. Gud. *climiae*. Alter, *Clume*. Voss. *cluviae*. Unde faciendum: *Obsessus deinde Cluniae Sertorius*. Sueton. Galb. [9.] *Sacerdos Jovis Cluniae*. conventus *Cluniensis* pars Tarraconensis provinciae apud Plinium 3, 3. Πολιορκούντι δ' αὐτῶς Κλονίαν (Metello scilicet Nepoti) est apud Dionem l. 39, [115.] J. FR. GRON. *diune* Lov. 2. *Cliniae* Berg. *Cluviae* Boend. Sed *Cluniae*, ut recte Gronovius emendat, superest in Leid. et Exc. Pithoei. V. Cellarii Geogr. Ant. 2, 1, 76.

Non leviora damna obsidentibus tulit] Vet. lib. *intulit*. SIGON. Similiter quinque scri-

exercitibus proelio fudit: cujus victoriae partem cupiens ferre Pompejus parum prospere pugnavit. Obsessus deinde Cluniae Sertorius, assiduis eruptionibus non leviora damna obsidentibus intulit. Praeterea ab Curione proconsule in Thracia res gestas adversus Dardanos, et Q. Sertorii multa crudelia in suos facta continet; qui plurimos ex amicis et secum proscriptis, crimine prodicionis insimulatos, occidit.

pti mei, ed. Camp. et, ut Hearnius testatur, Exc. Pithoei, ac Norv. Praeterea quatuor priora vocabula exsulant a Voss.

Ab Curione proconsule in Thracia res gestas adversus Dardanos] a P. Curiosone Exc. Pithoei. a P. Cursore Leid. Voss. Berg. Lov. 2. Boend. Norv. et edd. ante Frob. qui anno 1535. a Curione substituit. Sane praenomen P. servari nequit, quia Curio dictus est C. Scribonius Curio. V. Pighium in Ann. ad A. V. 1361. pag. 292. et 1362. pag. 302. C. Curio etiam infra vocatur Epit. 95. Quum tamen omnes libri constanter illud praenomen tueantur, eorum vestigia docent, recte Gronovium anno 1665. edidisse ab Curione. Deinde in Thracia ge-

sta Leid. et Berg. in Traciam res gestas Boend. Tum Dardanos perperam Leid. Voss. Boend. et ed. Camp. Mox atque Sertorii pro et Q. Sertorii Lov. 2. Denique voces in suos desunt in Voss.

Plurimos amicorum et secum proscriptorum, crimine prodicionis insimulatos, interemit] Vet. lib. plurimos ex amicis et secum proscriptis. SIGON. Pariter Mti mei, Exc. Pithoei, et ed. Camp. V. ad Epit. 79. Tum vox insimulatos abest a Leid. negligentia scribae. Livius 44, 16, 6. Quum suspectum se esse cerneret, et prodicionis interdum crimine insimulari. Hinc occidit Leid. Voss. Berg. Lov. 2. Boend. Exc. Pithoei, et ed. Camp.

JOHANNIS FREINSHEMII

SUPPLEMENTORUM LIVIANORUM LIBER LVII.

IN LOCUM LIBRI XCII. T. LIVII.

U. c. 676.

A. C. 76.

*Sertorius
et Pompejus
ambiguo
Marte di-
micant.*

I. Eadem aestate, qua victus et occisus a Metello L. Hirtulejus erat, Sertorius et Pompejus, collatis apud Sucronem oppidum signis, ambiguo Marte dimicarunt. Ab ambobus erat properatum, ut adventum Metelli occuparent: dum Sertorius auxiliatorem hostis praevenire studet; Pompejus consortem gloriae. Animosus enim rebus prospere gestis, quod Segidam, nobilem Celtiberiae urbem, ceperat, et secundo ad flumen Durium proelio ducem hostium C. Herennium cum decem amplius hominum milibus, et urbe Valentia, deleverat, solus cum Sertorio decertare cupiebat: ne saeva quidem tempestate territus, quum sereno repente coelo crebra cum ingenti fragore fulmina micarent. Dilata tamen in vesperam pugna est Sertorii astu, qui hostibus, locorum ignorantia, noctem neque ad fugiendum, neque ad persequendum, qualiscumque sors proelii fuisset, utilem fore praevidebat.

Pompeji duplex periculum.

II. Forte sic evenerat, ut Sertorius contra Afranium in acie consisteret, Pompejusque cum Perperna congressus impelleret illum, caederetque. Quare Sertorius propere, commisso aliis ducibus dextro cornu, succurrit laborantibus, et alios circumspectantes fugam, alios jam palantes colligit, Pompejique, victoriam gnaviter urgentis, impetum sistit. Ibi vir vasta corporis magnitudine in Pompejum equitem pedes se intulit: consertisque ensibus dextram alterius alter pe-

Cap. I. Flor. 3, 22. Liv. Epit. Plut. Sert. c. 30. et Pomp. c. 9. Oros. 5, 23. Sall. Hist. 3. in Epist. Pomp. Plut. Pomp. Appian. Civil. l. 1. Plut. Sertor. Cap. II. Appian. Plut. Sertor. Plut. Pomp.

tiit. sed aequior Pompejo sors fuit: et, accepto vulnere, manum hostis amputavit. At, multis in eum se incitantibus, quum etiam hasta in femore graviter laesus a suis fugientibus defereretur, praeter spem evasit. Equus, auro phalerisque eximiis adornatus, dum captus ab Afris divitis praedae objectu altercantes inter se barbaros a persequendo retinet, effugium domino dedit.

U. c. 676.

A. C. 76.

III. Dum hoc cornu, in quo Pompejus curaverat, vincitur, vicissim hi, a quibus Sertorius discesserat, ab Afranio vertuntur in fugam: adeo percussis mentibus, ut ne castra quidem defenderent, quominus ab Afranianis, eodem impetu victoriae perrumpentibus, diriperentur: frustra vetante legato, quia, Pompeji fortuna qualis fuisset, ignorabatur; quia tenebrae jam oborientes obtentui delinquentibus erant. Sed acerbam eis praedam Sertorius effecit, qui, reversus a persequendo, statim adortus est Afranii turbatas incompositasque cohortes, et magna cum caede ex castris suis ejecit.

Varia fortuna proelii.

IV. Quum ita discessum esset, ut, fuis utrimque singulis cornibus, damno quoque non valde inaequali, (decem millia Pompejus, haud multo pauciores Sertorius, desideraverant) de victoria neutri concederent; postridie, simul illuxit, iterum educti sunt exercitus, proeliumque sperabatur. Sed, propinquante Metello, Sertorius dixisse fertur: *Nisi anus ista supervenisset, ego hunc puerum verberibus castigatum Romam dimisisssem.* Idcirco, cum duobus congredi nolens, dimisit suos, admonitos, quem in locum convenire vellet. Eos enim ita dudum adfuefecerat, ut ad ducis imperium disfluere, aut colligerentur: et ipse, nunc solus per loca, quae vagando venandoque de industria pererrare consueverat, palaretur; nunc centum quinquaginta millibus armatorum stipatus incederet.

Sertorii vox de Metello et Pompejo.

V. At Pompejus, Metello venienti honoris causa obviam pergens, ubi in conspectu fuit, submitti fasces a lictoribus suis, ut dignitate superiori, iussit. Metellus neque id passus est fieri, neque ulla in re quidquam usurpavit praecipui, nisi quod, quoties una tendebant, universo exercitui signum ab uno Metello da-

Cap. II. Appian. Plut. Sertor. Cap. III. Sallust. Plut. Sertor. Cap. IV. Liv. Epit. Oros. Plut. Pomp. et Sertor. Frontin. Strat. 2, 13. Plut. Pomp.

U. c. 676. batur. Consilio tamen senis plerumque Pompejus ad-
A. C. 76. quiescebat, digno inter cetera, quod narretur, do-
cumento. Junctis uterque copiis saepe diuque Serto-

Metellus
pugnare non
vult cum de-
speratis.
rium provocaverant, contra duos pugnare reculan-
tem: donec, animadverso, milites Sertorianos, in-
credibili ardore instinctos, humeris exsertis, lanceis-
que vibratis, pugnam deposcere, Metellus recepit ex-
ercitum, et Pompejo idem faciendi auctor fuit.

Sertorii
cervam.

VI. Sed inter superioris pugnae trepidationem a-
missa cerva candida macerabat Sertorium, ita ut com-
pluribus diebus, non sine irrisu hostium, a rebus ge-
rendis abstineret. Nam ad inclinandos, quo vellet,
barbarorum animos illo animali, quasi machina qua-
dam, utebatur. Erat enim insigni forma, colore can-
dido, et sic adsueta Sertorio, ut audiret vocantem,
euntemque sequeretur. Hanc ille Dianae donum esse
fingebat, et superstitiosae genti quidlibet persuadebat
ab hac per quietem edoceri. sive hostes aliqua irruptu-
ros compererat, ab hac se dicebat admonitum: sive
res a suis bene gestae erant, occultatis, qui retule-
rant, cervam producebat ob faustum nuncium corona-
tam, jubebatque honorem habere Diis cito laetum ali-
quid gratumque audituros. Sertorius igitur non cer-
vam, sed, quam illa conciliabat, utilitatem, perisse
molestie ferebat.

Et affus
Sertorii cir-
ca eam.

VII. Idcirco, quum nocte quidam errantes ex co-
lore agnitam comprehendissent, scirentque, magnam
se ab imperatore gratiam hoc facto inituros, diligen-
ter nunciarunt. Ille, grandi promissa pecunia, si rem
tegerent, et, si vulgassent, supplicium interminatus,
praecepit, ut eam postero die repente in eum locum,
ubi jus reddere erat solitus, immitterent. Ipse, vul-
tu hilariore in publicum progressus, principibus Hispa-
norum, qui tum aderant, dixit, *in quiete sibi visum esse,*
cervam, quae perierat, ad se reverti; et pristino more, quid
facto esset opus, praedicere. Inter haec dimissa ex com-
posito cerva, ubi Sertorium conspexit, laetis saltibus
ad tribunal fertur, et, genibus ejus capite imposito,
dextram sedentis (nam frequenter ei gratum aliquem
cibum clam obtulerat) ore contingit. Clamor inde
factus, et orta admiratio est, tantumque ea persuasio,

Cap. V. Frontin. 2, 1. Cap. VI. Plut. Sertor. Appian.
Frontin. 1, 11. Plut. A. Gell. 15, 22. Plut. Cap. VII. A.
Gell. Plut. A. Gell.

Diis carum hunc ducem esse, in animis mobilissimorum alias hominum valuit, ut ex iis nationibus neminem umquam ab eo defecisse, quum esset multis proeliis superatus, memoriae proditum sit.

U. c. 676.
A. C. 76.

VIII. Sed tum maximo hominum concursu, laetus *De qua re*
successu fabulae Sertorius, et animos sponte in super- *cencio.*
stitutionem praecipites magis impulsurus; vultu ac voce in speciem religione incensi composita, Sunt; inquit, Diis: nec sunt modo, sed etiam nobis favent! Mittat sane Roma Pompejos suos, mittat Metellos. Utinam et regum ille domitor, terror omnium gentium, Romanae libertatis oppressor Sulla revivisceret, ut majora nomina vinceremus. Nam, ut haec quidem res eunt, favorem Deorum in tam manifestis indiciis non agnoscere, insaum; non aestimare, impium foret. Quid minus dare, quam victoriam, possunt, quibus tanta victoriae non praesagia tantum, sed adjumenta, miserunt? Quantum enim in eo esse putemus, quod toties monitu Dianae claudestina hostium consilia sacrum hoc animal indicavit; loca, tempora, agenda omittendaque docuit; rerum bene gestarum nuncium, bene gerendarum praenuncium fuit? Neque haec a me fingi, sicut existimari hostes vellent, ipsi praecclare intelligitis, honorum istorum saepe socii, participes, testes.

IX. Cur autem, o milites sociique, ad vetera provocamus? *In qua de-*
en vobis praefens et grande documentum! Quid enim, o quid *nunc fingit,*
mibi nuncias, amica? Simul cum his verbis permulcens *sibi aliquid*
cervae caput, quod iterum dextrae ejus admoverat, *a cervae nunci-*
nominansque locum, ubi partem hostium castra nuper *ciari.*
posuisse per exploratores didicerat, Imus, exclamat, *mus,*
imus, quo tua nos monita vocant, nemorum arcusque potens *Virgo.* Tu nobis tela intorquentibus aderis; tu venationem *efficies*
efficies uberem et secundam. Sed neque parum grati aut me- *more*
mores meritorum erimus. Tibi non jam ursorum cervorumque *arma,*
arma, sed victis hostibus detracta spolia suspendemus. Tibi pro *feris*
feris silvestribus cohortes legionesque procumbent.

X. Hoc velut furoris oestro percussas militum mentes Sertorius videns, optimaeque spei plenas, continuo duxit in hostem, levibusque proeliis tempore ducto, donec sui convenirent, eum inter Segontiam et Tutti-
am urbes in ultimas angustias redegit. Tandem Romani, magnis copiis pabulatum profecti, necessitatem imposuerunt Sertorio, ni reverti illos cum praeda vellet, proelio dimicandi. Igitur, equo adduci jussu, commisit pugnam: certatumque est summis utrim-

Suosque sic animatos statim educit in hostem.

U. c. 676. que viribus a sexta diei hora, donec stellae coelo fulserunt. In eo certamine C. Memmius quaestor Pompeji, vir militiae peritissimus, occubuit; et sex millia Pompejanorum sunt interfecta: de Sertorianis ad millia tria ceciderunt. Interim Metellus de Perpernae exercitu ad millia quinque concidit.

*Metelli
periculum.*

XI. Igitur, illatis in eam partem signis, Sertorius ad ipsum usque imperatorem, pulsus obstantibus, penetravit. Ille, quamquam senio gravaretur, fortiter restitit, animosque suorum, prope deploratis rebus, voce, manu, exemplo denique confirmavit. Sed immane quantum animi exarsere, postquam vulneratum ictu tragulae viderunt. tum enim pudore, ne deseruisse imperatorem dicerentur, et ea aetate virum, periculorum prae ira oblitum, repulerunt hostes, et Metellum, scutis objectis protegentes, extulerunt ex acie.

*Sertorius
includit su
Calaguri.*

XII. Sertorius, amissam e manibus prope certam victoriam dolens, vespera sequentis diei, quum magna ad eum auxilia Hispanorum venissent, castra Metelli subito oppugnare adortus est. sed, superveniente Pompejo, Calaguri montano et munito oppido, quod paucis inde millibus aberat, se inclusit, ut, in se advocatis Romanis ducibus, tutum suis abitum praestaret. Romani, quum neque persequi palantes, nec expugnare resistentes possent, gravibus ab eo damnis per continuas eruptiones adfecti, jam tempore anni invitante, relictis ad obsidionem Calaguritanam idoneis copiis, in hiberna discesserunt. Haec ita apud alios auctores reperio. Livius a Metello Sertorium et Perpernam cum duobus exercitibus fufos fugatosque scripserat; Pompejum, partem victoriae ferre cupientem, parum prospere pugnasse.

*Metelli in-
temperans
gloriatio.*

XIII. Certe Metellus Imperatorem se ob fufum acie Sertorium appellari, adeoque omnibus humanis honoribus coli passus est, ut ne quidem a divinis temperaret. In ulteriorem Hispaniam regressus, magna gloria concurrentium undique virorum feminarumque, vias ac tecta visendi causa replentium, spectabatur.

Cap. X. Oros. Plut. Appian. Cap. XI. Plut. Sall. Hist. 2, 10. et 9. Plut. Cap. XII. Appian. Liv. Epit. Plut. Ptolem. Plut. Appian. Liv. Epit. Cap. XIII. Plut. Sall. Hist. 2, 7. et 8.

XIV. Sed praecipuae infamiae coena fuit, qua eum quaestor C. Urbinius, et, postquam hoc ille gratum habebat, alii deinceps exceperunt. Aedes aulaeis signisque exornatae, scenae ad histrionum ostentationem, sparsa croco humus, et alia in modum celebrari templi visabantur. praeterea sedenti transenna demissum Victoriae simulacrum cum machinato strepitu tonitruorum coronam capiti imponebat. triumphalis plerumque habitus erat accumbenti: epulae quaesitissimae, non per omnem modo provinciam, sed trans maria ex Mauritania petita volucrum et ferarum incognita ante genera, inter puerorum virginumque choros, apponebantur, hymnos accinentium, quibus ejus victoriae celebrarentur. Nam adeo laudibus suis delectabatur, ut etiam Cordubensibus poetis, pingue quiddam atque peregrinum sonantibus, aures suas dederet.

U. c. 676.
A. C. 76.
*Festusque et
luxus.*

XV. Et haec faciebat, quia Sertorium propemodum voluntate cedentem repulerat: quum eum sermonibus contemneret, *Sullae fugitivum, et Carbonianorum exfulum reliquias* appellando. Sed idem in caput ejus quater et vices pronunciari jusserat, si a cive Romano interficeretur; si ab exsule, reditum in patriam.

*In Sertorii
caput pecu-
nia pronun-
ciata.*

XVI. Inter haec L. Octavius Cn. F. Cn. N. C. Aurelius Cotta consulatum inierant. Quo anno C. Scribonius Curio, Macedoniae proconsul, qui Appio successerat, ommissis, quas ille irritaverat, gentibus, in Dardania asperum bellum felici eventu gessit; et, aliquot subactis populis, mulctaque imperata, quam certo tempore penderent, in hiberna regressus est. Ea tam formidolosa militibus expeditio fuit, ut de quinque legionibus una circa Dyrrhachium obsequium detrectaret, sequuturam se temerarium ducem in asperam et insidiosam militiam negans. Sed dux acerrimus, quum reliquas legiones in armis adstiteret jussisset, seditiosam legionem inermem procedere, et in conspectu armati exercitus discinctam stramenta secare, postero etiam die similiter fossam discinctos milites facere coegit. Atque ita domiti quum infimis precibus obtestarentur, ne signa legionis submitteret, nomenque aboleret, nequitum est impetrari: signis

U. c. 677.
A. C. 75.
L. Octavio,
C. Aurelio
Cott.
*Curionis ge-
sta in Dar-
dania.*

Cap. XIV. Plut. Cic. pro Arch. c. 10. Cap. XV. Plut. Cap. XVI. Eutrop. l. 6. Oros. Liv. Epit. Sall. Hist. 2, 2. Frontin. Strat. 4, 1. 43. Marcellin. 29, 26. Frontin.

U. c. 677. ademptis soluta legio, militesque in ceterarum sup-
A. C. 75. plementum distributi sunt.

*Sertorius
mutatur ad
crudelitatem.*

XVII. In Hispania Q. Metellus et Cn. Pompejus imperatores iterum a Pyrenaeis montibus ad flumen Iberum castra moverunt. Hoc tempore quum multi subinde ad Metellum transfugerent, mutare priorem mansuetudinem Sertorius praecipiti ad poenas iracundia coepit, plurimis amicorum et secum proscriptorum crimine proditoris interemptis. Unde paulatim odio esse exercitui, et vicissim illum suspectare: neque animi priores militibus, neque duci consilium esse.

*Plus credit barbaris,
quam Romanis.*

XVIII. Maxime molestum Romanis erat, quod plus barbaris Sertorius crederet; hos haberet custodes corporis, popularium fide damnata: quamquam illius gratia contra patriam arma ferrent, nec transfugarum, si qui essent, crimen in sacramento manentibus aliis recte imputaretur. Sed nihil erat acerbius, quam quod Hispani, favore ducis elati, tamquam in perjuros infidosque petulantia dicta jaciebant. In hac aegritudine animorum tamen non omnino Sertorium deserebant, necessarium sibi ductum ejus judicantes, etiam quum amare amarique desiissent.

*Sertorii
magnae
virtutes.*

XIX. Erat enim vir bellicarum artium peritissimus, et ad fruendas insidias artifex: eoque ab Hispanis Hannibal vocabatur, quo nullum iis locis versutiorum acriorem imperatorem fuisse meminerant. Et ipse sic appellari gaudebat, cominus faciem ostentans, aliquot adversis cicatricibus et effosso oculo deformem, quo ille dehonestamento corporis maxime laetabatur, quod is quoque casus et Poeno duci, et Philippo Antigonoque regibus se adsimilaret: quos ille omnes, quum alium aliis virtutibus vinceret, animi magnitudine, prudentiaque et velocitate consiliorum aequabat.

XX. Tum quoque praeter alias causas erat exercitus solito segnior, quod scuta equitum parte exteriore, jaculaque et pectora equorum cruenta subito prodigio apparuerant. Sed ille formidinem suorum in audaciam vertit, sibi portendi victoriam interpretatus, quoniam illae partes solerent hostili sanguine maculari. Confirmatis igitur copiis, continua ei proelia
cum

Cap. XVII. Appian. Plut. Liv. Epit. Appian. Cap. XIX. Sall. Incert. 2. Plut. Sertor. init. Cap. XX. Jul. Obseq. et Frontin. 1, 12.

cum successu fuerunt. Inter quae Pompejum a Palantia submovit, adeo rebus obsessorum extremis, ut suffossa moenia trabibusque suffulta, incensa illa, Pompejani subruerent. Sertorius, instaurato, quod ceciderat, rebusque necessariis urbe munita, Calagurim profectus, subito in castra obsidentium impetu ad tria hominum millia delevit. Pompejus ad Metellum se receperat, qui, frequentibus incursionibus socias Sertorii civitates vexando, excisis castellis atque oppidis, incolas in Romanae ditionis loca deportabat.

U. c. 677.
A. C. 75.
*Pompejum
a Fulminis
submovet.*

XXI. Dum ita inter Romanos duces, illis ad populationem agrorum, his ad urbium excidia conversis, alienae discordiae poenas misera dat Hispania, ne urbanae quidem res dissensione ac tumultibus caruerunt: annonae praesertim inopia furorem plebis usque ad summi imperii contemptum consulisque periculum exstimulante. Quod quia non aliunde, quam ex oratione C. Cottae, cognosci potest, operae pretium putavimus, quibus eam verbis Sallustius tertio Historiarum libro posuerat, huc transcribi.

*Seditiones
in urbe pro-
pter inopiam
annonae.*

XXII. Multa mihi pericula domi, militiae multa adversa fuere, Quirites. quorum alia toleravi, partim repuli Deorum auxiliis, et virtute mea: in quibus omnibus neque animus negotio defuit, neque decretis labos. malae secundaeque res opes, non ingenium, mihi mutabant. At contra in his miseriis cuncta me cum fortuna deseruere. praeterea senectus per se gravis curam duplicat: cui misero, acta jam aetate, ne mortem quidem bonam sperare licet.

C. Cottae
consulis ora-
tio ad Qui-
rites.

XXIII. Nam, si parricida vestri sum, et his genitus hic Deos Penates meos, patriamque, et summum imperium vilia habeo; quis mihi vivo cruciatus satis est? aut quae poena mortuo? quum omnia memorata apud inferos supplicia scelere meo vici. A prima adolescentia in ore vestro, privatus et in magistratibus, egi: qui lingua, qui consilio meo, qui pecunia voluere, usi sunt: neque eo callidam facundiam, neque ingenium ad malefaciendum exercui: avidissimus privatae gratiae, maximas inimicitias pro republica suscepi. quois victus cum illa simul quum egenis alienae opis plura mala exspectarem, vos, Quirites, rursus mihi patriam, Deos Penates cum ingenti dignitate dedistis. Pro quibus beneficiis vix satis gratus vi-

*Beneficia
populi prae-
dicat.*

Cap. XX. Appian. Cap. XXI. Flor. 3, 22. Cap. XXII. Sall. Incert.

Supplem. Liv. Tom. XIII.

U

U. e. 677. *dear, si singulis animam, quam nequeo, concesserim. nam vita*
 A. C. 75. *et mors jura naturae sunt: uti sine dedecore cum civibus fama et fortunis integer agas, id dono datur atque accipitur.*

Consulatus XXIV. Consules nos fecistis, Quirites, domi bellicae in-
sui durat tem- peditissima republica. Namque imperatores Hispaniae stipen-
pura ostendit. dium, milites, arma, frumentum poscunt: et id res cogit, quoniam, post defectionem sociorum, et Sertorii per montes fugam, neque manu certare possunt, neque utilia parare. Exercitus in Asia Ciliciaque ob nimias opes Mithridatis aluntur: Macedonia plena hostium est: nec minus Italiae maritima, et provinciarum. Quum interim vectigalia parva, et bellis incerta, vix partem sumptuum sustinent. Ita classe, qua commeatus vebatur, minore, quam antea, navigamus.

Nec in se XXV. Haec si dolo aut socordia nostra contracta sunt,
culpam esse agite, et, uti lubet, ita supplicium sumite: fin communis for-
eorum. tuna asperior est, quare indigna vobis nobisque et republica incipitis? Atque ego, cujus aetati mors propior est, non deprecor, si quid ea vobis incommodi demitur: neque mors ingenuo corpori honestius, quam pro vestra salute, finem vitae fecerit.

Tamen of- XXVI. Adsum en C. Cotta consul; facio, quod saepe
fert animam majores asperis bellis fecere; roveo dedoque me pro republi-
suam pro ca: quam deinde cui mandetis, circumspicite. Nam talem honorem bonus nemo volet, quum fortunae, et pacis, et belli ab aliis acti ratio reddenda, aut turpiter moriendum sit. Tantummodo in animis habetote, non me ob scelus aut avaritiam caesum, sed volentem pro maximis beneficiis animam dono dedisse. Per vos igitur, Quirites, et gloriam majorum, tolerate adversa, et consulite reipublicae. Multa cura summo imperio inest, multi ingentes labores: quos nequidquam abnuis, et pacis opulentiam quaeritis, quum omnes provinciae, regna, maria terraeque, aspera aut fessa bellis sint.

Tribunis XXVII. Haec tum pro concione dicta memorantur. Quo deinde magis hominum animi lenirentur, ejusdem consulis lege jura quaedam tribunis plebis restituta sunt; ita tamen, ut non tam potestas eorum, quam dignitas, augeretur: legis Corneliae, ceteris manentibus, abrogato capite, quod tribunitiis aditum ad majores honores praecluserat. Ea quoque res con-

Cap. XXVII. Sall. Hist. 3. in Orat. Macri. Cic. pro C. Corn. et ibi Ascon.

tentione non caruit: sed, repugnante nobilitate, summo populi studio perfecta est.

U. c. 677.

A. C. 78.

XXVIII. Igitur et Q. Opimius, qui tum tribunus legem Aureliam suasit, quod contra Q. Catuli voluntatem dixerat, anno sequente ad C. Verrem praetorem in iudicium adductus, mulctaque ab eo petita est, *quod, quum esset tribunus plebis, contra legem Corneliā intercessisset.* Sub hoc obtentu potentes et iniqui homines, scelestissimi praetoris abusi ministerio, hominem innocentem bonis atque fortunis omnibus exuerunt.

Q. Opimius per hanc causam evertitur.

Cap. XXVIII. Cic. in Verr. 1, 60. et ibi Ascon.

E P I T O M E

LIBRI NONAGESIMI TERTII.

*P. Servilius proconsul in Cilicia Isauros domuit,
et aliquot urbes piratarum expugnavit. Nicomedes,
Bithyniae rex, moriens populum Romanum fecit hae-*

In Cilicia Isauros domuit] Indomitos antea. Cl. Claudianus [1. in Eutrop. 217.]

Indomitos curru Servilius e-
git Isauros.

Nihil itaque mutandum. DELR. *in Sicilia* Lov. 2. et Boend. librariorum errore, quos etiam alibi similiter lapsos esse, vidimus ad Epit. 68. Dein *Sauros* Voss. *Insauros* Boend. Quum autem tota Isauria tunc et diu etiam post id tempus domicilium et receptaculum latronum fuerit, *Isauros* hoc loco potius pro piratis dici, quam Ciliciam et Isauriam confundi, existimat Clariss. Dukerus ad Flori 3, 6, 5. Mox *aliquas urbes* Berg. sollemni aberratione scribarum. V. ad 30, 19, 5. et 32, 10, 12. Praeterea *moriens* exsulat a Voss. Berg. Lov. 2. Exc. Pithoei, Norv. et ed. Camp.

Foedere cum Sertorio icto] inito Voss. quod ex glossa, quae, olim margini adscripta, deinde in contextum inrepsit, natum est. V. ad Livii 22, 34, 7.

Ad Chalcedonem proelio ab rege victus est] ad Chalcedonem Leid. et Voss. ad *Calcedonem* Lov. 2. ad *Calcedoniam*, vel ad *Chalcedoniam* Boend.

Norv. et edd. principes. *ad Calcedonem* Berg. Sed recte ad *Chalcedonem* Frob. anno 1535. restituit. Deinde a rege omnes nostri cum Exc. Pithoei, Norv. et edd. Gronovio prioribus: nam is demum *ab rege* anno 1665. recepit. *Tò est* non adparet in Lov. 2.

Rexque a Pompejo et Metello victus, et ut contra Sertorium egerunt] Vitiosus sine dubio locus ex vestigiis veterum librorum a me ita emendatur: *resque a Pompejo et Metello contra Sertorium gestas continet; qui omnibus bellis.* Sic enim in veteribus libris est: praeterquam quod duae voces *gestas continet* interciderunt. Sic Epitoma seq. *Res a Cn. Pompejo in Hispania contra Sertorium prospere gestas continet.* SIGON. *resque a Pompejo et Metello (et a Metello* Berg. et Voss.) *adversum (adversus* Berg.) *Sertorium, omnibus* Leid. Voss. et Berg. *resque a Pompejo et Metello adversus Sertorium, qui omnibus* Lov. 2. et Boend. neque aliter ed. Camp. nisi quod legat *adversus Sertorium gestas, qui omnibus.* Exc. Pithoei consentire vet. lib. Sigonii, eo excepto, quod etiam *tò* qui omittat,

redem, regnumque ejus in provinciae formam redactum est. Mithridates, foedere cum Sertorio icto, bellum populo Romano intulit. Adparatus deinde regiarum copiarum pedestrium navaliumque: et, occupata Bithynia, M. Aurelius Cotta consul ad Chalcidonem proelio a rege victus est. resque a Pompejo et Metello adversus Sertorium gestas continet; qui omnibus belli militiaeque artibus par fuit. quos etiam, ab obsidione Calagurris oppidi depulsos, coëgit

Hearnius auctor est. Forte legendum et distinguendum est: *Adparatus deinde regiarum copiarum terrestrium navaliumque, et, occupata Bithynia, M. Aurelius Cotta consul ad Chalcidonem proelio a rege victus, resque a Pompejo et a Metello adversus Sertorium: qui omnibus etc.* ut intelligatur verbum referuntur, narrantur, vel simile. Ita infra Epit. 100. *Legem tulit, ut Pompejo Mithridaticum bellum mandaretur. Concio ejus bona. Q. Metellus etc.* V. Gronov. ad Epit. 49. In constituendo hoc loco enumeratas codicum lectiones per omnia secutus sum. *Res et rex* in Mssis saepe commutari, vidimus ad Livii 36, 9, 6. Repetita praepositio in locutione *a Pompejo et a Metello* auctori adhaesit ex lectione Livii. V. ad Epit. 46. Primi editores denique contra, pro adversus, substituerant; quod eos passim fecisse, vidimus ad Epit. 57.

Belli militiaeque artibus) Dispicet illud *belli militiaeque*, praesertim in auctore, qui passim brevitati studet. *belli, militiae*, omissa copula, Boend. Forte legendum *qui omnibus bellis militiae artibus par fuit.* ut innuat auctor, Sertorium in

omnibus bellis, quae cum Pompejo et Metello gessit, peritia rei militaris iis parem fuisse.

Quos etiam ab obsidione Calagurrii oppidi depulsos coëgit diversas regiones petere) Varie scribitur, *Calaguris, Calagurris, Calagorris, Calagorra, Calagurra.* V. ad Flor. 3, 22, 9. *Calagurrium* nusquam alibi inveni. *Calaguriis* in margine exemplaris Pithoei pro *Calagurris* scriptum fuisse puto DUK. quod et ab obsidione Lov. 2. et Boend. quod et obsidione Leid. et ab obsidione Berg. et obsidione Voss. ab obsidione Exc. Pithoei. Deinde *Calaguriae oppidi depulsos* ed. Camp. *Calaguriis oppidi depulsos* Exc. Pithoei. *Calagurris oppidi depulsos* Lov. 2. et Boend. *Calagurris oppidi depulsos* Berg. *Calagurris depulsos* Leid. Hinc legendum puto *par fuit, et obsidione Calagurris (vel Calagurris) depulsos coëgit etc.* *Depulsos obsidione*, omissa praepositione, ex auctoritate codd. ut *depellere sententia, spe, muris.* Liv. 23, 8, 3. *Nec eum aut inclinata in partem alteram civitas, aut patria majestas sententia depulerat.* 31, 25, 11. *Philippus magna spe depul-*

diversas regiones petere, Metellum ulteriorem Hispaniam, Pompejum Galliam.

sus. 42, 54, 4. Depulsi muris ad portam tuendam concurrunt. Recepi deinde Calagurris; quia urbem hanc alibi Calagurium dictam non memini. Ita tamen vocabatur in cod. Mog. supra apud Liv. 39, 21, 8. ubi vide, quae notantur. Vocabulum oppidi non magis hic requiro, quam supra Epit. praec. Obsessus deinde Cluniae Sertorius: praesertim quum Calagur-

ris longe notior fuerit, quam Clunia.

Coëgit diversas regiones petere, Metellum ulteriorem Hispaniam, Pompejum Galliam] Contra Plutarch. [in Sertorio p. 579.] ὥς τε ἡναγκάσθησαν οἱ στρατηγοὶ διαλυθέντες, ὁ μὲν ἐς Γαλατίαν ἀπελθεῖν, Πομπήιος δὲ περὶ Βακκαίους διαχειμάσαι. SIG. coëgerit Leid. et Berg.

JOHANNIS FREINSHEMII

SUPPLEMENTORUM LIVIANORUM LIBER LVIII.

IN LOCUM LIBRI XCIII. T. LIVII.

I. Iisdem consulibus P. Servilius proconsul in Cilicia Isauros domuit, et aliquot urbes piratarum expugnavit. Per Tauri quoque montis in Ciliciam vergentia latera, quo nullus adhuc Romanus exercitus penetraverat, in Isauros itum, Lycaoniae partem: et Isaura, unde genti nomen, obsidione circumdata sunt. His expugnatis, P. Servilius *Isaurici* cognomen accepit, non ex nobilitate locorum, sed magnitudine laboris, victoriam aestimans. Nam omnia circum piratae tenebant: durumque armis genus situs asperitate propemodum erat inexpugnabile: donec imperator, averso flumine, ex quo hostes aquabantur, oppidum ad deductionem siti coëgit. Hic ei limes itinerum eo bello et expeditionum fuit.

U. c. 677.
A. C. 75.
P. Servilius
Isauros de-
mat.

II. P. Servilius, Isaura demolitus, Ciliciae Isauriae- *Ciliciaeque* vectigal imposuit, confectaque provincia, multis *vectigal im-* ubique piratarum, quas ad mare habuerunt, excisis *ponit.* munitionibus, magna gloria decessit. Praecipuum, quacumque incedebat, hominibus gaudium fuerunt spectati in vinculis praedonum duces, quorum unus ille plures, quam omnes ante eum Romani ceperant: fruebaturque vulgus tam avidè miseria eorum, quos timuerat, ut non modo ex his oppidis, per quae ducebantur, sed etiam ex finitimis, visendi causa concurreret. Exercitum tamen in Cilicia retineri placuit, ob suspectam Mithridatis potentiam, et haud dubii

Cap. I. Liv. Epit. Oros. 5, 23. Eutrop. 1. 6. Strabo, l. 12. p. 568. Flor. 3, 6. Val. Max. 8, 5. Strabo. Frontin. Strat. 3, 7. Oros. Cap. II. Flor. Marcellin. 14, 25. Strabo, ubi supra, et l. 14. p. 671. Cic. in Verr. 5, 14. Sall. Incert. in Orat. Cottae.

U. c. 677. jam belli apparatus. eum P. Servilius L. Octavio pro-
 A. C. 75. consuli quum tradidisset, Romam ad triumphum de-
 cessit. Isque haud dubitanter decretus, et magno spe-
 ctantium studio celebratus est; quod eum P. Servilius
 captorum oppidorum spoliis, et divite piratarum prae-
 da satis magnifice instruxerat.

Bithyniae III. Inter haec Bithyniae rex Nicomedes moriens,
rex haeredit quamquam ex Nufa sorore Mithridatis prolem susce-
populo Ro- perat, sive gratiae referendae causa, sive ut gravio-
mano mari- rem inimico regi adversarium relinqueret, populum
tur. Romanum fecit haeredem. Idcirco praetori Asiae M.
 Junio Silano (quod is provincias obtinentium Bithy-
 niae proximus erat) negotium datum, ut regnum Nico-
 medis in provinciam redigeret.

Itemque Li- IV. Sub idem tempus Libyci quoque regni pars,
byae rex A- quae sub Apione Ptolemaeo fuerat, ejusdem testamen-
gio. to Romanis provinciis accessit. Cyrenascam alterius
 Apionis judicium dudum ad Romanum populum trans-
 tulerat: tum altera pars Libyae, quam vocabant ari-
 dam, Paraetionio, Chaereclaque, et Neapoli urbibus
 Romanam ditionem auxit. Id Aegyptii, quorum ad
 regnum haud dubie illa pertinebant, dissimulare coacti
 sunt ob intestinas discordias metumque, ne Syriacis
 regibus ab senatu Romano Aegyptus adjudicaretur.
 Erant enim Romae adolescentuli duo, quos ex Sele-
 ne, Ptolemaei filia, Grypus Antiochus sustulerat: qui
 ad se et matrem suam regnum Aegypti pertinere di-
 cerent. Atque illi quidem, obtentu temporum populi
 Romani, per senatum agere nihil potuerunt: Libya in-
 ter Romanas provincias mansit.

Mithrida- V. Sed Mithridates, hoc maxime ad nudanda con-
tes bellum silia tempus opportunum judicans, quo transiens ad
sumit. aliud imperium Bithynia, deslituta priore domino,
 nondum fida aut firma novis, nutaret, bellum aperte
 sumpsit. Et, quia Sertorii celebres fama opes erant,
 ad societatem cum eo jungendam hortantibus aures
 praebuit.

Cap. II. Plut. Lucull. c. 11. Eutrop. Val. Max. Claudian.
 in Eutrop. 1, 217. Cap. III. Sex. Rufus. Cic. in Verr. 1, 21.
 Arrian. Bithyn. apud Phot. Cap. IV. Sall. Hist. 4. in Epist.
 Mithrid. Appian. Civil. l. 1. Plut. Caes. c. 3. Liv. Epit. Ap-
 pian. Eutrop. 6, 9. Marcellin. 22, 43. Sex. Rufus. Cic. in
 Verr. 4, 27. Cap. V. Liv. Epit. Appian. Mithrid.

VI. Duo enim Lucii, Magius et Fannius, Fimbriae seditionis reliquiae, qui, sedibus Myndi fixis, apud regem per obsequelam orationis, et maxime odium Sullae, auctoritate et gratia valebant, Asiam vicinosque populos haud dubium auxilii Sertorii ferendi praemium fore dicentes, impulerunt, ut de foedere ineundo legatos in Hispaniam mitteret. Eos Fannius et Magius empta dudum a C. Verre navi Milesia per Italiam ad Sertorium deduxerunt. Senatus, re audita, hostes illos iudicavit, inquirendosque mandavit. Sed illi jam in Hispaniam pervenerant.

U. e. 677.
A. C. 75.
Legatos ad Sertorium mittit.

VII. Sertorius, introductis in senatum suum legatis, magnifice de rebus suis locutus, quod jam ab oriente simul et ab occidente facessere negotium adversariis posset, exponere mandata iussit. Illi hanc in sententiam coeperunt: Rex Mithridates, multas gravesque injurias olim et nuper perpeffus a Romanis, qui in urbe sunt, iterum ad arma cogitur. Quas illum causas moveant, non modo praeclare scitis, nec enim leves aut obscurae sunt, sed, ab iisdem hominibus similia aut atrociora passi, quam nihil ab his aequi, nihil saltem tolerabile possis impetrari, compertum habetis.

Eorum ratio.

VIII. Sane cum senatu populoque Romano foedus icit Mithridates: sed multoties id ruptum a Sullanis est, ut et ipsi discedere inde citra perjurii noxam liceas. Ceterum inviolabile, sicut hacenus, ita porro quoque, et sanctum servare cupis; sed vobiscum, Q. Sertori, vosque Patres conscripti, quem ille veriore dignioreque antiqua populi Romani fama senatum iudicat, quam qui urbi incubat, non externorum modo regum nationumque, sed suae quoque patriae, tyrannus et hostis.

Sertorium senatum pro Romano agnoscentis.

IX. Sed non magno negotio commune periculum ab utrorumque cervicibus depelli potest, si hinc Sertorius, inde Mithridates totis viribus insurgant. Rex noster, ex quo contra pacem Sullanam est a L. Murena appetitus, superior armis fuit. Eadem audivit de his Romanis, qui Hispanias obrineant: multa quoque iis locis fama tu, Q. Sertori, vosque, reliqui duces, estis. Igitur mittendam ad vos legationem censuit, ut, qui similibus causis concitentur, similique virtute et fortuna agant, communi foedere communem salutem tueantur. Utrisque promissa erunt omnia, si, juncti consiliis armisque, invicem, ubi

Et cum hoc foedus servare cupiunt.

Cap. VI. Oros. 6, 2. Cic. in Verr. 1, 34. Sall. Hist. 2, 6. Appian. Plut. Sert. c. 38. Cic. pro Lege Manil. c. 4. et pro Mur. c. 15. et in Verr. 1, 34. Cap. VII. Ascon. in Verr. 1, 34. Appian. Cap. IX. Plut. Sertor.

U. c. 677. *utilitas desideres, juvamus et juvamus, quam si diversi divi-*
 A. C. 76. *fique sua quisque negotia seorsim curent.*

X. Postquam e Curia dimissi legati sunt, inter praesentes diu de tantis rebus consultatum est. Plerique minime dubitandum censebant, quin oblata, quibus quum maxime esset opus, acciperentur; nihil e contra, nisi quod alioquin alienum esset, tradituri. Quippe legati, navium et pecuniarum magnam vim polliciti, Asiam et vicina regna Mithridati concedi postulaverant.

Sertorii XI. At Sertorius, insigni documento maximi spiritus, *Siquidem Bithyniam et Cappadociam, parere regibus adsuetas, Mithridates subegisset, facile passurum dixit: sed Asiam, iustissimo titulo possessam Romanis, postea receptam a C. Fimbria, tum pace Sullana dimissam ab rege, non esse concessurum. Se enim Romanos esse, nec cum patria, sed, a quibus oppressa sit, tyrannis, bellum gerere. omnia ergo consilia ad augendam magis ornandamque rempublicam, quam ad vexandam, esse referenda. Optandam plane viro foris victoridiligentis riam, si honestis parari rationibus possit; sed cum turpitudine omnia. ne salutem quidem expetendam.*

Sed et privatim sic melius consulti docentis. XII. Praeterea ne utilem quidem eam sententiam fore. Infinitos enim per Italiam et in urbe cives Romanos agere, qui bis partibus occulte faveant, ad omnem Fortunae nutum animos et consilia monstraturi. Sed optimum quemque non aliis causis moveri, quam quod bonos egregiosque viros, et reipublicae studiosos, per vim et injuriam ab adversa factione pulsfos arbitrentur. Minime igitur dubitandum, quin, si ne odio quidem inimicorum, et tantis commodis suis, ad pactionem populo Romano indignam adduci potuisse intellexerint, major apud omnes existimatio sua sit futura, favorque in partes prior. Sed nec eo animo aut successu bellum geri, ut desperandum sit, quin, sive victis adversariis, sive ad aequas condiciones adactis, patriam cum pristina dignitate sint recepturi. Aequum igitur esse, ut, quem locum spe et virtute repetant, eo etiam dignos animos et habeant, et habere demonstrent.

XIII. Haec renunciata Mithridatem miraculo rei perculerunt: ajuntque velut attonitum dixisse ad amicos; Quid igitur sedens in Romana curia Sertorius imperares, qui nunc exsul, et ad angulum Europae submotus, fines regno meo ponit, et Asiam tentantibus arma minatur? Accepit tamen, quod dabatur, et foedus jurejurando sancitum in has leges: Cappadociam et Bithyniam, quibus finibus A-

riobarzanes et Nicomedes habuissent, Mithridates rex haberet: U. c. 677.
Sertorius regi ducem cum certo militum numero; Sertorio ta- A. C. 75.
lentum tria millia et naves quadraginta rex mitteret. *Mithrida-*
tem.
 apud Dianium, quae Massiliensium colonia inter Car-
 thaginem et Sucronem a Dianae templo nomen traxe-
 rat, stationem navium arcemque maritimarum expedi-
 tionum Sertorius habebat: quia locus munitus excel-
 susque, ad longissima spatia patente prospectu, mul-
 to commodissimus ad excursions et latrociniis simi-
 liores conatus erat. Utrunque fides pactorum inte-
 merata stetit; et, quae convenerat, in tempore missa.

XIV. His ita perfectis, Mithridates, Romanarum *Mithridatis*
 virium haud rudis, nec ullam postea veniam sperans, *apparatus.*
 quamquam simulatione Bosporani belli maximas clas-
 ses copiasque dudum confecerat, totus in apparatibus
 esse: reliquum ejus aestatis et hiemem omnem cae-
 denda materia, fabricandisque navibus et armis, ad
 Romanum maxime morem, impendere: denique nihil
 ad instruendum immane bellum consilii, laboris, in-
 dustriae praetermittere.

XV. Hac cura bis millena millia medimnorum fru- *Gentes va-*
 menti per maritima horrea distributa sunt: auxilia, *riarum inter au-*
 praeter veterem exercitum, ex Chalybum, Armenio- *xilia Mithri-*
 rum, Scytharum, Taurorumque gentibus, et fortissi- *datis.*
 mis omnium Bastarnis, atque Thracibus, centum qua-
 draginta millia peditum, sedecim equitum, coacta.
 Hos magnus praeterea calorum lixarumque numerus,
 et ad vias muniendas agrestium, sequebatur. Trire-
 mes quadringentae aderant, praeter minora navigia:
 omnia non ad vanam speciem, ut prius, sed ad fir-
 mitudinem usumque, fabrefacta. currus falcati cen-
 tum et viginti, rerumque ceterarum respondens tan-
 tis conatibus apparatio.

XVI. Haec quia clam esse non poterant, senatus *U. c. 678.*
 ambos consules (L. Licinius L. F. L. N. Lucullus, M. *A. C. 74.*
 Aurelius Cotta jam inierant) ad id bellum mittendos *L. Licinio,*
 censuit: ita ut alter Mithridatem persequeretur, alteri *M. Aurelio*
 classis daretur ad tuendam Bithyniam. Bellum Lucul- *Cons.*
 lo evenit, Cottae Bithynia: quamquam a principio *Ambo consu-*
les ad bellum
Mithridati.

Cap. XIII. Cic. pro Lege Man. c. 8. Plut. Strabo, l. 3.
 p. 159. Cap. XIV. Appian. Mithrid. Cic. pro Lege Manil.
 c. 4. Memnon. apud Phot. Appian. Plut. Lucull. c. 14. Cap.
 XV. Appian. Memnon. Plut. Memnon. Cap. XVI. Cic. pro
 Mur. c. 15. Plut. Lucull. c. 9.

U. c. 678. anni aliae consulibus decretae provinciae fuerant. Sed
 A. C. 74. Lucullus, haud magnam in Cisalpina Gallia materiam
cum missun- gloriae sperans, cupiditate Mithridatici belli flagrabat.
dur. Igitur, audita morte L. Octavii, qui Ciliciae praefue-
 rat, cum P. Cethego, cujus tum ob maximas in sena-
 tu opes patrocinium a plerisque expetebatur, ex acer-
 rimis simultatibus subito in gratiam rediit, ut provin-
 ciam Ciliciam adipisceretur. quam ubi nactus est, ne-
 mo dubitabat, quin illi committendum bellum Mithri-
 daticum foret. Decretae sunt illi legiones, quae jam
 erant in Asia, quatuor: quintam ut in Italia conscri-
 beret, permittum.

M. Antonio
totius orae
maritimae
imperium
datur.

XVII. Contra piratarum audaciam M. Antonio prae-
 tori, M. Cotta consule et patris M. Antonii memoria
 suffragante, qui bellum in Cilicia feliciter administra-
 verat, P. Cethegi factio totius orae maritimae, qua
 Romani populi jus esset, curationem cum infinito im-
 perio dedit: quale postea piratico bello Cn. Pompejus
 adeptus est.

XVIII. Jam Mithridates primo vere Jovi Bellipo-
 tenti patrio more fecerat: deinde, quo tempore pri-
 mum nova classis in mare deducta est, Neptuno qua-
 drigas albas immolaverat, corporibus profundo mer-
 sis. His religionibus coepto bello, Diophantus pur-
 puratus cum exercitu in Cappadociam erat praemissus,
 praesidiis firmaturus urbes, et obviam iturus Lucul-
 lo, si ad Pontum accederet. Ceteras copias, centum
 et quinquaginta millia peditum, equitum duodecim,
 rex ipse per Timonitidem (Paphlagoniae ea regio est)
 Galatiamque nono die in Bithyniam duxit.

Heraclea
Mithridati-
ci juris fa-
cta.

XIX. Sub id tempus Heraclea his de causis Mithri-
 datici juris facta est. Classis regia praeternavigans,
 quum urbe non reciperetur, forum rerum venalium
 praeberi postulavit. Ea re impetrata, quum, ut fit,
 ubi nullus hostilis animi metus est, Heracleotae multi
 ad naves venissent, praefectus classis Archelaus Sile-
 num atque Satyrum e primoribus civitatis comprehen-
 dit: neque antea dimisit, quam ad redimendos eos
 naves quinque traderentur. Is eventus quum talis es-
 set, ut potius ex compacto, quam casu, res gesta vi-

Cap. XVI. Appian. Cap. XVII. Cic. in Verr. 2, 4. et ibi
 Ascon. Supra, 68, 1. Sall. Incert. 29. Cap. XVIII. Vell. 2,
 31. Appian. Sidon. Carm. 22, v. 158. Memnon. Ptolem. 5, 1.
 Plut. Memnon.

deretur; Romani, publicanis Heracleam missis, vectigal, ut ex aliis circa urbibus, exigere coeperunt. Id vulgus, et si qui alii propensioribus in regem animis erant, principium servitutis interpretati, quum legatos iis de rebus ad senatum mitti praestitisset, audacissimi cujusdam hominis oratione accensi, publicanos ita privarunt luce, ut ne genus quidem mortis, quo perierunt, sit cognitum.

U. c. 678.
A. C. 74.

*Publicani
ab Heracleo-
tis luce pri-
vantur.*

XX. Sed illud odium Romani nominis, praeter licentiam praesidiarii militis, et foeneratorum improbitas, et eorum, qui publicum exercebant, injuriae, ita vulgaverant, ut passim venienti Mithridati portae panderentur. Praesertim quia M. Varius, senator ex proscriptis, missus a Q. Sertorio, cum L. Magio et L. Fannio, consilii causa additis, ex Hispania ad regem venerat. Vario, quod proconsulari potestate ab Sertoriano senatu erat ornatus, fasces securesque praeferebantur: eique primas concedente Mithridate, a quibus recipiebantur urbibus, aliis libertatem, aliis immunitatem Sertorii nomine concedebat. Quo tempore C. Caesar tanti mox futuri viri specimen memoria dignum edidit. cujus de adolescentia, quando plerumque hujus historiae partem paullo post facturus est, quaedam cognosci pretium operae fuerit.

*M. Varius
a Sertorio
pro consule
ad Mithri-
datem mis-
situr.*

XXI. Igitur C. Julius C. F. C. N. Caesar, annos fere duodeviginti natus, quum in matrimonio haberet Cinnae quater consulis filiam, nullo modo compelli a dictatore Sulla potuit, ut eam dimitteret: quum M. Piso consularis Anniam, quod Cinnae uxor fuerat, in gratiam victoris repudiaret. Igitur et sacerdotio, et uxoris dote, et gentilitiis haereditatibus mulctatus, ad necem quaerebatur: ut, dissimulato habitu nocte elapsus urbe, profectusque in Sabinos, singulas prope noctes, quamquam morbo quartanae aggravante, latebras mutare cogeretur. Sic quoque deprehensus a Cornelio Phagita, Sullae libertus, vix, praemio dato, evasit. Postremo per virgines Vestales, et Mam. Aemilium, et Aurelium Cottam, propinquos et adfines suos, veniam impetravit: diu quidem repugnante Sulla, et, ut erat sagacissimus ingeniorum conector, multos ei puero inesse Marios testante.

*C. Caesaris
adolescencia.*

*Sullae judi-
cium de Cas-
sare.*

Cap. XX. Plut. Lucull. Appian. Oros. Cic. in Verr. 1, 34. Plut. Sertor. Cap. XXI. Vell. 2, 41. Sueton. Caes. c. 1. Plut. Caes. Vell. Sueton. Sueton. et Plut. Sueton. Caes. c. 74. Idem ibid. c. 1. Plut. Sueton.

U. c. 678.

A. C. 74.

XXII. Post merita deinde sub Thermo et Isaurico stipendia, quum Romam esset reversus, Cornelium Dolabellam consularem, qui ex Macedonia paullo ante triumphaverat, summo favore populi, tertio et vicesimo aetatis anno postulavit, magnamque ingenii et facundiae laudem adeptus est; quamquam Dolabella reus, Q. Hortensio, C. Cotta defendentibus, absolveretur: querente Caesare, extorqueri sibi causam optimam C. Cottae patrociniis. Nam haerebat criminibus repetundarum Dolabella, frequentesque civitates Graeciae testimonium in eum dixerant.

*Caesar ap-
ratis capiens.*

XXIII. Ergo, declinandae invidiae causa, simul ut clarissimo dicendi magistro daret operam, Rhodum ad Apollonium Mollonis profecturus, apud Pharmacusam insulam (hodie *Parמושан* vocant) a piratis captus est. Inter hos, cum uno medico et cubiculariis duobus, per dies ferme quadraginta (reliquos enim comites servosque ad pecunias, quibus redimeretur, expediendas dimiserat) heri magis, quam captivi, animo ac dignatione versatur. Ne suspicionem ullam praedonibus daret, si quid ex solito mutasset, calceatus cinctusque noctes ac dies permansit. Viginti talenta piratae postulaverant: ille deridens ut ignaros, quem tenerent, quinquaginta spopondit daturum.

*Vicissim il-
los capis.*

XXIV. Quae summa postquam ex publica civitatum pecunia confecta est, expositus in litore, obsidibus, quos civitatibus piratae dederant, redditus, Miletum, quae proxime aberat, properavit, ibique contracta classe tumultuaria, privatus, post paucas horas, quam erat liberatus, stantes adhuc ad eandem insulam praedones noctu adortus, aliquot naves, mersis aliis et fugata reliqua classe, cepit. Deinde festinans ad proconsulem Asiae Junium, qui tum erat in Bithynia, rem gestam exposuit, utque ille auctor supplicii de captivis sumendi fieret, postulavit. Atque, illo venditurum captivos respondente, Pergamum, ubi piratas in castris dederat, incredibili celeritate relictus, priusquam ullae supervenire proconsulis epistolae possent, adfecit eo supplicio, quod saepe minatus per jocum fuerat. Sed, ne a lenitate naturae suae desciscere-

Cap. XXII. Cic. in Pis. c. 19. Vell. 2, 43. Auct. de causis corr. Elog. c. 34. Pigh. Ann. 676. Cic. Brut. c. 92. Val. Max. 8, 9. 3. Cap. XXIII. Plut. Sueton. Plut. Val. Max. 6, 9. Vell. 2, 41. Sueton. Vell. Polyæn. Strat. 1. 8. Plut. Cap. XXIV. Vell. et Plut. Sueton. Caes. 6, 74.

ret, et-tamen impleret dictorum fidem, jugulari prius, U. c. 6-8.
A. C. 74.
deinde crucibus suffigi iussit.

XXV. Hic igitur Caesar, quum, Mithridate provincias Romanas vastante, res ad defectionem spectaret, ab Rhodo, quo pertenderat, in Asiam profectus est: contractisque sociorum auxiliis, et praefecto regis provincia expulso, dubios ac deliberantes civitatum animos in fide continuit. Idem pari studio, auctoritate majore Lucullus consul faciebat, qui, rebus urbanis utcumque compositis, interea in provinciam venerat. Nam ob delectum erat moratus et tribunitia jurgia, quum L. Quinctio, quotidie seditiosas conciones habenti, summa vi resisteret: donec, insolentia hominis mitibus remediis, docendo mulcendoque, cohibita; cum una legione pervenit in Asiam: adjunctisque legionibus quatuor, peditum Romanorum triginta millia, equites bis mille quingentos ducens, jam in Phrygiam usque processerat: quum, adventu ejus cognito, M. Cotta, ne cum collega debellati regis laudem communicaret, ad Chalcedonem cum Mithridate confligere maturavit.

*L. Lucullus
consul in A-
siam venit.*

XXVI. Neque tamen ipse, ut erat bellicorum certaminum rudis, prodire ausus, Nudum praefectum classis cum parte exercitus emisit. Qui, licet munitissimam campi partem occupasset, a Mithridate pulsus, per multa transcensu difficilia septa Chalcedonem aegre refugit: multis in ipsa porta, dum conferti per-rumpunt, telis barbarorum cadentibus. Metu deinde clausis portis, Nudus et alii ducum funibus subducti sunt: reliquum vulgus, quum hinc ad suos, inde ad hostem supplices manus tenderet, nec apud illos auxilio, nec apud hunc misericordia inventa, trucidatum est. Millia quinque trecentos, et in his L. Manlium senatorem, ea clades absumpsit. de victoribus, Bastarnarum, quorum singularis eo proelio virtus fuit, triginta; ceterorum ad septingentos ceciderunt,

*Mithridates
Cottam vin-
cit pedestri
proelio.*

XXVII. Mithridates, utendum fortuna, donec pro-pitia esset, ratus, eodem die classem ad portum Chalcedonis adduxit: perruptaque catena ferrea, quam consul praetendi jusserat, proelium navale commisit,

*Atque ite-
ram mari-
mo.*

Cap. XXV. Sueton. Caes. c. 4. Plut. Lucull. c. 13. Sall. Hist. 3. in Orat. Macri. Cic. pro Cluent. c. 49. Appian. Mithrid. Plut. Cap. XXVI. Appian. Memnon. Appian. Memnon. Cap. XXVII. Appian.

U. C. 678. eo successu, ut, hostium octo fere millibus interem-
A. C. 74. tis, quatuor naves injecto igne consumeret; reliquas
 sexaginta, cum viro- rum quatuor millibus quingentis
 captas, remulco traheret ad sua praesidia: neque Nu-
 do ultra, neque Cotta obsistentibus, qui muris oppidi
 se incluserant. Haec duplex terra marique victoria
 vehementer et opes Mithridatis, et nomen auxit.

*Lucullus,
 contra alio-
 rum senten-
 tiam; Mi-
 thridatem
 quacrit.*

XXVIII. Eo tempore circa Sangarium amnem ca-
 stris Lucullus habebat. Is igitur, cognita collegae ca-
 lamitate, perculsum exercitum cohortatus, protinus
 versus Chalcedonem castra movit. Erat apud eum Ar-
 chelaus, qui nuper ad Murenā a Mithridate transfu-
 gerat, monebatque, ut, omisso rege, protinus in Pon-
 tum irrumperet: *ad conspectum ejus omnia defectura.* In
 hanc sententiam praeconi milites erant, non auctori tantum
 perniciosam fuisse Cottae temeritatem frementes, sed sibi quo-
 que detrimento fore, si, omnia, quam Fortuna patefecisset,
 tantarum rerum occasione, ad illum obsidione liberandum eatur.
 Igitur, pro concione praefatus, unum se servare civem
 malle, quam omnibus hostium fortunis potiri; negavit, se
 timidiores venatoribus esse, ut, feris omissis, ad earum va-
 cuae lustra pergat. His dictis, pronuntiari iter in poste-
 rum diem iussit.

*Sertorius
 Metellum et
 Pompejum
 macerat.*

XXIX. Hoc rerum ad orientem statu, Q. Metellus,
 Cn. Pompejus in Hispania, ubi majoris firmamenti ro-
 borisque partes erant, civitates aliquot in potestatem
 redegerunt: Magna tamen pugna nulla pugnata est,
 Sertorio vitante, et mora miserisque omnibus atte-
 rente hostem. nam et commeatum praecidebat ei, li-
 tora piraticis navigiis, agros populationibus infestan-
 do: et ad omnia quantumlibet distantia promptus ac
 velox, curis, inopia, periculo adversarios macerabat:
 donec obsidione Calaguritana depulso, Metellum ul-
 teriorem Hispaniam, Pompejum Galliam, diversos
 petere coegit, ne conjuncti rerum necessariorum penu-
 ria premerentur.

*Pompeji
 epistola ad
 senatum.*

XXX. Magnum ea res terrorem Romae concivit:
 vulgoque jam venturus in Italiam cum exercitu Serto-
 rius

Cap. XXVII. Memnon. Appian. Sall. Hist. 4. in Ep. Mi-
 thrid. Cap. XXVIII. Cic. pro Mur. c. 15. Plut. Liv. Epit.
 Memnon. Plut. Cap. XXIX. Liv. Epit. Cic. pro I. lege Manil.
 c. 4. Appian. Civil. l. 1. Plut. Sertor. et Pomp. Liv. Epit.
 Cic. pro Font. c. 3. Plut. Pomp. et Sertor.

rius putabatur, maxime postquam Cn. Pompeji adlatæ literæ sunt, in hanc sententiam scriptæ: Si adversus vos, patriamque, et Deos Penates, totiens labores et pericula suscepissem, quociens a prima adolescentia ductu meo sceleratissimi hostes fusi, et vobis salus quaesita est: nihil amplius in absentem me statuissetis, quam adhuc agitis, Patres conscripti; quem contra aetatem projectum ad bellum saevissimum, cum exercitu optime merito, quantum est in vobis, fame, miserrima omnium morte, confecistis. Hac enim spe populus Romanus liberos suos ad bellum misit? haec sunt praemia pro vulneribus, et totiens ob rempublicam fuso sanguine? Fessus scribundo, mittundoque legatos, omnes opes et spes privatas meas consumpsi: quum interim a vobis per triennium vix annuus sumptus datus est. Per Deos immortales! utrum censetis me vicem aerarii praestare, an exercitum sine frumento et stipendio habere posse?

U. c. 678.
A. C. 74.

XXXI. Equidem fateor, me ad hoc bellum majore studio, *Sua gesta quam consilio*, projectum; quippe qui, nomine modo imperii *exprobrat.* a vobis accepto, diebus quadraginta exercitum paravi; hostesque, in cervicibus jam Italiae agentes, ab Alpibus in Hispaniam submovi: per eas iter aliud, atque Hannibal, nobis opportunius patefeci: recepi Galliam, Pyrenaeum, Lacetaniam, Ilergetes: et primum impetum Sertorii victoris, novis quidem militibus, et multo paucioribus, sustinui: biememque in castris inter saevissimos hostes, non per oppida, neque ex ambitione mea, egi. Quid dein proelia, aut expeditiones bibernas, oppida excisa aut recepta enumerem? quando res plus valent, quam verba. Castra hostium apud Sucronem capta, et proelium apud flumen Durium, et dux hostium C. Herennius cum urbe Valentia et exercitu deleti, satis clara vobis sunt. Pro quibus, o grati Patres, egestatem et famem redditis. Itaque meo et hostium exercitui par conditio est. namque stipendium neutri datur: victor uterque in Italiam venire potest.

XXXII. Quod ego vos moneo quaesoque, ut animadvertatis, neu cogatis necessitatibus privatim mihi consulere. Hispaniam citeriorem, quae non ab hostibus tenetur, nos aut Sertorius ad internecionem vastavimus: praeter maritimas civitates, quae ultro nobis sumptui onerique. Gallia superiore anno Metelli exercitum stipendio frumentoque aluit: et nunc malis fructibus ipsa vix agitat. Ego non rem familiarem modo, verum etiam fidem, consumpsi. Reliqui vos estis: qui nisi subvenitis, invito et praedicente me, exercitus hic,

U. c. 678. *et cum eo omne bellum Hispaniae, in Italiam transgredietur.*
 A. C. 74. Haec epistola pervenerat Romam, quum adhuc in
 urbe Lucullus consul ageret. Idcirco, negotio pro-
Lucullo ad. pere ad senatum relato, quum et res cogeret, et
nirante, si. Lucullus, metu ne Pompejus ad urbem veniens Mi-
pendium ac- thridaticum sibi bellum praeriperet, summo studio
cipit. adniteretur, stipendium ei missum est.

Cap. XXXII. Plut. Lucull. et Pomp.

E P I T O M E

LIBRI NONAGESIMI QUARTI.

L. Licinius Lucullus consul adversus Mithridatem equestribus proeliis feliciter pugnavit, et expeditiones aliquot prosperas fecit, poscentesque pugnam milites a seditione inhibuit. Dejotarus, Gallograeciae tetrarches, praefectos Mithridatis, bellum in Phrygia moventes, cecidit. Praeterea res a Cn. Pompejo in Hispania contra Sertorium prospere gestas continet.

Lucullus consul adversus Mithridatem] Voss. *P. Licinius consul.* Gud. *A. Licinius Lucullus consul.* Min. *Publius Lucius Lucullus consul.* Lege: *L. Licinius Lucullus consul.* Mox omnes tres: *res a Cn. Pompejo.* J. FR. GRON. *Lucullus consul* primus dedit Dan. Heinsius; quum priores fere omnes cum Lov. 2. Exc. Pithoei, et Norv. *L. Lucullus consul* exhibuissent. *C. Lucullus consul* praefert ed. Rom. princeps. *Publius Lucullus* Boend. *P. Lucius Lucullus consul* ed. Camp. *P. Licinius Lucullus consul* Leid. et Berg. Pro quo recte Gronov. *L. Licinius Lucullus* emendat Mox *expeditiones aliquot* Leid. Voss. Exc. Pithoei, Norv. et edd. vett. pro quo Gronov. anno 1665. edidit *aliquot expeditiones*, probantibus Berg. Lov. 2. Boend. et ed. Camp. Insuper *pugnas* Boend.

Dejotarus, Gallograeciae tetrarches, praefectus Mithridatis] Vel adversantibus veteribus libris lego *praefectos Mithridatis*: Nam Dejotarus stetit pro Romanis, non pro Mithridate. Id autem aperte Appianus in Mithrid. [p. 222] *Τῷ δ' αὐτῷ Χρῶν Φρυγίαν Εὐμαχὸς Μιθριδάτου στρατηγὸς ἐπιτρέχων ἔκτεινε Ῥωμαίων πολλοὺς μετὰ παίδων καὶ γυναικῶν, Πισίδας τε καὶ Ἰ.*

δαύρους ὑπήγετο, καὶ Κιλικίαν, μέχρι τῶν τῆς Γαλατικῶν τετραρχῶν Δηϊόταρος ἐπιπολάζοντα αὐτὸν συνεδίωξε, καὶ πολλοὺς διέφθειρε. SIGON. *thethrarcha*, Latina terminatione, Boend. *tetrarcha* ed. Camp. Sed *tetrarchas* Leid. *tetrarches* reliqui scripti; qua forma etiam extulit auctor B. Alex. c. 67. Antiquitus Gallograeci constabant ex tribus diversis populis, quorum quisque divisus erat in quatuor tetrarchias, ita ut universae genti praefuerint duodecim tetrarchae, qui deinde ad tres, postea ad duos redacti sunt, donec tandem unus Dejotarus iis praeesse inceperit. Vide Strab. 12, 566. *praefectus* in sola tantum ed. Basil. anni 1554. sed, ut videtur, errore operarum, inveni, quod idem etiam Exc. Pithoei servare Hearnius auctor est. *praefectos* praefereunt non tantum reliqui typis descripti, sed etiam Leid. Voss. Berg. Lov. 2. Boend. et Norv. Mox *occidit* Leid. Boend. et ed. Camp. V. ad 36, 35, 6.

Praeterea res a Cn. Pompejo in Hispania] Praenomen Pompeji, quod in omnibus prioribus edd. deerat, fide trium codd. addidit Gronov. supra ad initium hujus Epitomes; quibus consentiunt Leid. Berg. et Lov. 2. Insuper male in *Hispaniam* Berg. et Norv.

JOHANNIS FREINSHEMII

SUPPLEMENTORUM LIVIANORUM LIBER LIX.

IN LOCUM LIBRI XCIV. T. LIVII.

U. c. 678. I. Interea L. Lucullus consul, quum ad hostem per-
A. C. 74. venisset, eumque succinctum tantis copiis videret,
Proelium proelio congredi minime tutum ratus, intra munimen-
inter Lucul- ta se tenebat. Sed, laceffente apud Otryas (Phrygiae
tum et Mi- locus est) M. Vario, qui missis ab Sertorio copiis prae-
thridaticos erat, eduxit suos; aciemque ordinavit. Quum in eo
prodigio di- essent, ut concurreretur, coelum, absque ullo, qui
rentum. animadverti potuerit, conatu disruptum, inter duas a-
cies ingentem flammae molem immisit, colore argen-
ti, forma dolii similem. Sic eo die, territis prodigio
utrisque, a pugnando temperatum; Lucullusque ad
priora consilia ducendi belli rediit.

Lucullus II. Quum enim, tot hominum millia in conspectu
Mithridatem hostis alere, non in longum facile fore Mithridati
fame consu- crederet; quo certius exploraret, quantum ei copia-
mere statuit. rum esset, captivos aliquot, seorsim unumquemque,
iussit adduci. Ex quibus percunctatus, quot quisque
contubernales in castris, cum quanto cibarium modo,
reliquisset, ita rationem iniit, ut intra triduum
aut quatrimum fame laboraturos existimaret. Idcirco,
abundantem annonae copiam in sua castra convehens,
satis habebat, si hostem annona prohiberet. Per hanc
occasionem quum equestria proelia frequentia fierent,
iisque superior Romanus esset; milites avidi pugnae,
nihilque suae virtuti invium jactantes, in hostem uti
ducerentur, postulabant. Recusante Lucullo, atque
suam occasionem jubente expectari, prope seditio-
nem ventum, vel injussu imperatoris pugnatos cla-
mantibus: donec accommodata tempori oratione mi-
tigati quieverunt. Neque multo post imperatorii con-
silio salubritas apparuit, quum penuria commeatum

Cap. I. Plut. Lucull. Cap. II. Liv. Epit.

movere castra Mithridates cogeretur. Nam ille, quo Lucullum falleret, coenatos milites statim abduxit, noctem obscuram atque nimbosam nactus, et oriente sole in Adrastriae monte, qui Cyzico urbi est oppositus, consedit.

U. c. 678.
A. C. 74.
*Mithridates
ad Cyzicum
ponit castra.*

III. Lucullus, composito agmine ita insequutus, ut ne pugnandi necessitas imponi invito posset, circa Thraciam, quam vocant, Comen castra communivit. Cognito deinde ex captivis, regi circiter trecenta hominum millia non ante paratis copiis, sed ex quotidiana subvectione maritima et frumentationibus, ali, futura animo prospiciens, non continuit laetitiam; sed, opere castrorum perfecto, advocavit concionem, atque apud circumfusus ita orsus est.

IV. Omnium gentium atque populorum institutis, qui utique consensus a recta ratione numquam discedit, ita videmus observari, ut in re bellica multis hominum millibus unus plerumque imperator praesit. multas enim manus, sed unum consilium, res militaris desiderat. quemadmodum et in animantium corporibus compluria membra capitis unius imperio reguntur. Atque hoc non ideo tantum est utile, ne, si plurium sit arbitrium, pestilentissima rebus gerundis dissensio nascatur; sed ut, quod deliberatum est, donec agendi tempus advenerit, occultius sit et tectius. Atque haec illa res est, quae plurimam in imperatore patientiam poscit; ut constanter maneat in recte consultis, neque hostium ludibriis, neque suorum sermonibus inde se patiatur dimoveri.

*Luculli con-
cio ad milites.*

V. Nec enim latere me potuit, quae nuper ex civilibus bellis prava consuetudo plurimorum etiam ex vobis corruperit mentes, ut, quum milites imperatori operam navare debeant, imperatores ipsi esse velint, et, quid de summa rerum iudicandum sit, decernere. Sed hos ego partes meas mihi relinquere, suas curare jubeo. simul autem omnibus lubens laetusque nuncio, nunc venisse tempus intelligendi, quo consilio pugnare volentium sit a me cohibitus impetus. Meis enim consiliis eo adactus hostis est, ut hunc in locum se demiserit, ubi necessum est, eum paullo post rerum necessariorum penuria copias omnes amittere.

*Suis consti-
tiis paratam
ostendit ad-
so victoriam.*

VI. Dispiciite igitur, quanto plus ego, quam vos omnes, providerim: quantoque melius consuluerim communibus rebus. Vobis congregi cum hoste collatis signis placuit. quod si esset factum, aut fusi essemus; aut magno cum sudore aequis pu-

U. c. 678. *gnassemus viribus; aut, si faventissimi Dii fuissent, multo*
 A. C. 74. *emptam sanguine obtinuissimus victoriam. At nunc prorsus in-*
cruentam reportabimus: idque fide mea spondeo: vos estote
promissi memores.

*Locum op-
 portunum
 occupat.*

*Prodeunte
 Mithrida-
 tem L. Ma-
 gio.*

VII. Quum deinde, montem magnum supra regis castra opportunum ad omnia conspicatus, occupare locum conaretur; neque, repellente praesidio, quod hortatu Taxilis aliorumque amicorum Mithridates imposuerat, potiri posset; inopinato Fortunae munere, quod viribus obtinere nequiverat, est consequutus. L. Magius, Sertorianis rebus diffisus, maxime quod occisum ab amicis ducem acceperat, clam missis ad Lucullum nunciis, reditum orabat: *si ejus rei fides data esset, non sibi de fore rationem, qua regi noceret.* Annuente Lucullo, regi persuadet, *nihil referre, quo loco castra hostis metetur. Fimbrianas legiones, quae essent apud Lucullum, propediem ad se transituras, ita sine proeliis et sanguine victoriam penes regem fore.* Grata erant, quae dicebantur, nec veri specie carebant, nota Fimbriani militis perfidia, et crebris adversum duces seditionibus. Idcirco, negligente custodiam locorum Mithridate, Romani, angustiis sine incommodo superatis, castra in monte posuerunt.

*Inde fiunt
 Mithridatis
 res perquam
 impeditae.*

VIII. Magna ea et multiplex utilitas Lucullo fuit, ipsi commeatus sine metu subvehebantur; rex toto propemodum agro, fluminibusque omnibus, et lacu Dascylite exclusus, perquam angusta frumentatione utebatur. Neque discessuro satis patens exitus erat, fossas multis locis objiciente Lucullo; neque Lucullum ob locorum opportunitatem vi poterat depellere: et, jam inclinante tempore anni, reliquam annonae spem interclusum tempestatibus mare sollicitabat. Idcirco duobus imperatoribus varii animorum habitus erant; Lucullus admonebat amicos, *tempus adesse praestandi, quae promiserant;* Mithridates, errore, postquam corrigi jam nequibat, intellecto, multa et diversa secum agitabat.

*Quas expe-
 dire conatur
 oppugnatio-
 ne Cyzici.*

IX. Tandem, licet cum tanta militum multitudine vel per medios hostes erumpi posse videretur, oppugnandae urbis consilium sedit. Fimbrianorum transitionem, cujus facta spes, subito discessu impedire in-

Cap. VI. Appian. Cap. VII. Ascon. in Verr. 1, 34, Appian. Plut. Lucull. c. 13, Appian. Cap. VIII. Plut. Appian. Oros. 6, 2. Appian.

consultum putabat. Et, quia Chalcedonensi pugna Cyziceni decem naves cum tribus hominum millibus amiserant, tanto facilius erat futura urbis expugnatio. pretium autem operae, si Cyzicus capta esset, ingens ostendebatur: et, hac velut janua Asiae perfracta, futurum erat, ut victori tota provincia pateret. Accedebat, quod ita omnia ad urbem clausa itinera erant, ut oppidani, licet in conspectu haberent Luculli castra, tamen, ubi esset, ignorarent.

U. c. 678.
A. C. 74.

X. Quippe Cyziceni in cognomine insula ad Propontidem colebant; et Mithridates, milite abundans, decem a terra castris oppidum adsidebat: et ad fretum, quo a continenti dirimitur, utroque latere naves quadringentas admoverat: et barbari, Romana castra digito monstrantes, obsessos horribili mendacio terrebant, Armeniorum Medorumque missas a Tigra-ne copias ibi confedissee dictitantes. Non tamen desponderunt animum, quamquam summa contentione omnibusque viribus oppugnarentur. Etenim Mithridates, capto suburbio, navalia duplici muro obsepserat: et, reliqua urbe circumvallata, magnos excitabat aggeres, aliaque opera multa studiose faciebat; turres et testudines, et insignem ante alias machinam, centum cubitorum helepolin, e qua turris alia tollebatur, catapultis instructa, quae telorum et lapidum quaquaversum velut imbrem spargerent, Niconidae Thessali opus. Ad portus porro duae quinqueres, inter se firmiter devinctae, aliam turrim sustinebant, ita fabricatam, ut, ubi muro admota esset, pons ex ea demitti subito in moenia posset.

*Cyziceni
terra mari-
que clausi.*

XI. His omnibus paratis, antequam vim tentaret, captivos Cyzicensorum omnes in conspectum suorum adduxit, sperans illorum caritate lacrimisque moveri ad deditionem oppidanos posse. Sed illos, multa nequidquam obtestantes, Pisisstratus, Cyzicensorum praetor, abstinere nihil profuturus precibus iussit; et, postquam semel in potestatem hostium venissent, fortiter ferre calamitatem.

*Mithridatis
strategema.*

XII. Sic exploso commento regis, ad seriam dimicationem ventum: quia progressa in navibus turris, ponte moenibus injecto, quatuor armatos muris im-

*Cyziceni
frenus se
defendunt.*

Cap. IX. Plut. Lucull. c. 19. Cic. pro Mur. c. 15. Plut. Cap. X. Strabo. Plut. Strabo. Plut. Strabo. Appian. Plut. Appian. Cap. XI. Frontin. Strat. 4, 5. 21. Appian.

U. c. 678, posuerat. Id spectaculum ita perterrefecit obseffos,
 A. C. 74, ut; si continuo sequuti plures fuissent, in magno periculo res Cyzicena fuerit. Sed, dum etiam in turri trepidatur, propugnatores, resumptis animis, quatuor illos detrudunt: navesque pice perfusas, et igni appetitas, inhibere retro cogunt, et se discrimini subducere. Sic maritima oppugnatio in irritum cessit. Sed a terra triplex eadem die conatus factus, machinaeque admotae, gnauiter ad defensionem concurrentibus oppidanis, uti quoque loco necessitas postulabat. Arietes aut libramētis saxorum injectis praefringebantur, aut laqueis eorum avertebantur ictus, aut obiectis e vimine cratibus lana repletis eludebantur. Contra ignita tela aceti et aquarum copia praesto erat. cetera missilia, vestibis centonibusque oppansis impetu fracto, cadebant irrita. nihil denique, quod humana suggerere aut exsequi industria possit, a Cyzicenis omittebatur. Neque tamen prohiberi potuit, ne pars moenium succensa sub vesperam concideret. Sed hostis, ne per ruinas irrumperet, ardore incendii vetabatur. idcirco sequenti nocte obseffi, alio munimento excitato, clauferunt locum.

Proserpina XIII. Mithridates, vanae oppugnationis dolore aeger, varie se torquebat, non solum virtute obsefforum, sed etiam casibus territus, quos plerique ad faventia Cyzicenis numina referebant. Aristagoras enim, qui in summo magistratu populi agebat, Proserpinam adstitisse sibi in somniis adferebat, dicentem, *adversus Ponticos tubicines Africum se tibicinem comparasse.* Mirantibus hanc vocem Cyzicenis, sub primam lucem intumescere mare, ventisque sibilantibus machinae stridere coeperunt. mox incredibili vehementia coortus Auster turre hostium, inter quas et illam insignem ceptum cubitorum altitudine, momento disjecit; et machinas reliquas ita laceravit, ut inutiles redderentur. Iliensium quoque multis apparuisse per quietem Minervae speciem ferunt, multo sudore manantibus, ostensaque pepli parte disrupta, dicentis, *modo se ab ope Cyzicenis ferenda reverti.*

Et Minerva.

XIV. Aliud deinde miraculum captas superstitione mentes, pro diversarum partium studiis, spe aut metu replevit. Cyziceni praecipua religione Proserpi-

Cap. XIII. Jul. Obseq. Plut. Appian. Plut. Cap. XIV. Appian.

nam venerabantur; cui et ab Jove dotis nomine datam insulam adferebant. Ei quotannis vacca nigra faciebant: et dies solennis sacrificii aderat, nec destinata Deae hostia suppetebat; sed cum cetero Cyzicenorum armento trans fretum in pascuis, et in potestate hostium erat.

XV. Idcirco, ut humanis ingeniis proclive est, cultus divini magisterium sibi sumere, Messeniorum atque Lacedaemoniorum exemplo, qui, centum tripudas statuere iussi, e ligno aut luto fecerant, pastam e farina formarunt in bovis figuram. jamque admovebant aris, quum per mediam urbem cursu fertur vera victima; quae, relicto armento, sola per hostium classem de montibus adnataverat, ne claustris quidem, quae ad angustias portus exstructa erant, morantibus, et sub aquis emenso, quod illa obtinebant, spatio.

*Victima
Proserpinae
sponte ac-
currit ad a-
ram.*

XVI. Sacrificio summa Cyzicenorum laetitia ob praesentem, ut interpretabantur, numinis favorem peracto; regem amici, ne cum Diis pugnare pergeret, hortabantur. Ille nihil territus, a cervice, qua Dindymo monti urbs connectitur, aggere ducto, turres imposuit, tutiores a venti impetu futuras; cuniculos quoque egit: alacriter occurrentibus ad omnia obsessis, qui, vicissim et ipsi suffodientes humum, aliquando ab ipso rege in cuniculis suis opprimendo haud multum abfuerunt. Inter haec etiam comperta Luculli praesentia magis erecti sunt animi: postquam missus ab Archelao Demonax primus id nuncium in urbem intulit; dubitantibusque puer, qui captivitatem hostium fuga evaserat, interrogatus ubi castra Romana essent, digito monstravit.

*Mithridates
alibi fruit
opera.*

XVII. Neque praetereunda est via, qua nuncius Luculli obsessam in urbem penetravit. Namque duos maximos utres levi tabulae subjecerat: utribus insutae literae Luculli erant, quo adversus humorem tegerentur. ab inferiori parte duae regulae distantes invicem utres continebant. huic machinae impositus, per trajectum, septem millia passuum habentem, pedibus iter adgubernans, inter molem Mithridatis atque insulam, vitabundus hostium classem, ad urbem pervenit: nam procul visentibus non homo, sed ma-

*Miro modo
Luculli nun-
cius in ur-
bem pene-
trat.*

Cap. XIV. Plut. Cap. XV. Pausan. l. 4. Plut. Appian. Cap. XVI. Strabo. Appian. Strabo. Plut. Cap. XVII. Sall. Hist. 3, 6. Sidon. Carm. 22. v. 168. Frontin. 3, 13. Oros. 6, 2.

U. c. 678. rina pistrix esse creditus, nemine curante, evaserat.
A. C. 74. Tandem et praesidii immittendi Lucullo reperta est ratio. In Dascylite lacu acatia satis magna commeabant. eorum quod erat capacissimum, plaustris deduxit ad mare, militibusque replevit. hi, noctu transmissio freto, incolumes pervenerunt in urbem; quorum auxilio confirmati Cyziceni crebris eruptionibus fatigaverunt hostem, machinasque ejus incenderunt.

Mithridates partem copiarum e castris dimittit. XVIII. Tolerabat tamen obfirmatus animo Mithridates, quamdiu, celantibus rem ducibus, famem exercitus ignorabat. Postquam superveniens hiems maritimos commeatus praeclusit, et confecti inedia milites ne cadaveribus quidem humanis abstinebant, et e cibis insalubribus morbos mortesque contagio vulgabat; ut se parte copiarum exoneraret, observato tempore, quo profectus ad arcis cujusdam oppugnationem Lucullus aberat e castris, peditatus inutilem turbam, et omnem ferme equitatum, cum grege jumentorum inopia pabuli languido, et detritis ungulis claudicante, aversis ab hoste itineribus in Bithyniam misit.

Sed Lucullus eam delect. XIX. Ea res quum propere nunciata Lucullo esset, noctu rediit ad stativa; et postridie, dubia adhuc luce, nec hiberna tempestate deterritus, cum decem cohortibus delectis et equitatu insequutus est. Nivosa dies erat, et incommoda multa properantibus objiciebantur. Itaque, parte militum ob frigoris asperitatem deficiente, cum reliquis ad Rhyndacum adeptus est barbaros, dum in transitu fluminis necessariam moram trahunt. Multa ibi regionum caedes facta. vivi quindecim millia capti, cum sex equorum millibus, et jumentorum propemodum incredibili multitudine: tantis copiis ita deletis, ut etiam ex Apollonia feminae procurrerent in campos, diriperentque sarcinas, et interfectorum cadavera spoliarent.

Alia Mithridaticorum clades. XX. Adversa Propontidis et Bythiniae sub idem tempus aggravavit aliarum Mithridatis copiarum clades. Fannius enim et Metrophanes, regius praetor, a Mamerco victi, cum duobus millibus equitum in Mysiam profugerunt: atque inde in Maeoniam digres-

Cap. XVII. Sallust. Frontin. Flor. 3, 5. Strabo. Plut. Appian. Cap. XVIII. Plut. Sall. Hist. 4. in Epist. Mithr. Appian. Plut. Sidon. Carm. 2. v. 513. et 22, 165. Appian. Strabo. Memnon. Sall. Lucert. 17. Cap. XIX. Oros. Plut. Appian. Plut. Appian. Memnon. Plut. Cap. XX. Oros.

si, quum hostem evasisse putassent, ipsius soli, cui se crediderant, plusquam hostiles insidias sunt experti, feceruntque vulgatae fabulae fidem, Arimos ibi et fulminati a Jove gigantis cubile ponenti. Delati certe in loca, caeco subter terram incendio infamia, saxis quoque et humo quasi fuligine quadam occultum ignem prodentibus, magna cum sollicitudine oberrant; donec, tandem via reperta, in castra regia reversi sunt. Eodem tempore praefectus regis Eumachus, post egregios successus, necatamque cum uxoribus et liberis civium Romanorum magnam multitudinem, Pisidia Isaurisque subactis, Cilicia tentata, quum in Phrygia bellum movisset; Dejotarus Gallograeciae tetrarcha, vagantem adsequutus, magna clade adfecit.

U. c. 678.
A. C. 74.

XXI. Hoc etiam anno Cn. Pompejus in Hispania prospere bellavit cum Q. Sertorio: qui, jam curis et laboribus fessus, et quia se peti videbat eorum insidiis, qui, se remoto, salvi esse non poterant, ad obeunda ducis munia segnior, in luxum et libidines declinabat. Unde, quum frequentius succumberet, quotidie ad iram pronior, multis ob suspicionem doli crudeliter interfectis, ceteros ad maturandam conjunctionem acrioribus stimulis incitavit.

Sertorius declinat.

XXII. Erant illi jam antea, simul ex ingenti metu per virtutem atque felicitatem Sertorii animos ad spem transtulerant, livore et aemulatione potentiae infensi: et crebris Perpernae sermonibus incendebantur, qui sibi deberi summam imperii propter nobilitatem generis existimabat. idcirco, clandestinis opprobriis Sertorium apud credulos onerando, sortem suam ceterorumque invidiose dessebat. *Quis enim, inquit, malus genius eo calamitatis nos compulit, ut, Sullae, terrarum omnium marisque dominium obtinenti, parere dedignati, ubi licuisset domi manentibus, salva dignitate, salvis facultatibus, in otio degere, Sertorium sequamur; et, voluntariam sub inani libertatis specie servitutem amplexi, dicto exsulis geramus morem? egregio scilicet praemio, quod ridicula omnibus appellatione Senatus vocatur; sub decoro nomine non minus laborum contumeliarumque, ac si Celtiberi aut Lusitani essemus, perferentes!*

Eum clam odiosum suis reddit Perperna.

Cap. XX. Strabo, l. 13. p. 627. Oros. Appian. Liv. Epit. Oros. Cap. XXI. Liv. Epit. Appian. Civil. l. 1. Cap. XXII. Plut. Sertor. c. 41.

U. c. 678. **XXIII.** *At, qui Romae remanserunt, cum amplissimis emolumentis sacerdotia et magistratus capiunt; provincias sortuntur; triumphos ducunt: et, uno pridem remoto domino, ipsi rerum omnium moderatores sunt et arbitri. At nos contemptum et vile vulgus obscuri hominis imperio, premimur: perpetuumque et ipsi dictatorem, sed deteriore conditione nostra, patimur, quam illi Sullam habuerunt. Sulla enim, armis sane potentior, ab invitis forsitan, sed tamen jus istud habentibus, dictaturae novi generis imperium obtinuit, sed paullo post sponte sua positurus. hic neque bello nos vicit, ut vel hoc jure plus pollere debeat; neque nostris suffragiis adeptus potentiam tenet stringitque, non temporum limites ullos, non rerum aut negotiorum circumdari patiens. Ad haec Sulla hic crudelior non inimicos suos tantum, ut ille, proscribit; sed socios omnis fortunae amicosque trucidat, vitam his eripiens, sine quorum ope vivere ipse non potuisset. Neque licet, aut vacat de aliorum interitu queri. jam ubi hos sermones aliquo indicio resciverit, haec libertas nobis ultimo cruciatu luetur.*

Hinc multa incommoda Sertorio.

XXIV. *Atqui his querelis occupatae hominum mentes imperia Sertorii contemnebant: aut, si qui suscepissent, contra utilitatem et consilium ejus bene cogitata in exitium, omittendo praecepta, faciendo vetita, convertebant. destitutusque ministerio Sertorius, quum multa praeclare provideret, non alium consiliorum fructum, quam taedium irriti laboris, et durae indignaeque sortis gravem atque inanem, conquestionem, capiebat.*

U. c. 679.
A. C. 73.
M. Terentio, C. Cassio.

Tumultus Romae propter annum.

XXV. *Anno sequenti M. Terentius M. F. Varro Lucullus, C. Cassius Varus, consules facti, legem Terentiam et Cassiam frumentariam tulerunt, ut annonae urbis consuleretur. Piratis enim maria diu instantibus, sublato generis humani commercio, non modo negotiatores navigare prohibebantur, sed ne classibus quidem Romanis tutus cursus erat. Igitur plebs penuria com meatuum saepe tumultuabatur; curamque Patrum intendebat, ut omnia expediundae annonae remedia tentarent. Igitur L. Octavio, C. Cottae consulibus permisit senatus, ut vini et olei decumas, et frugum minutarum, quas quaestores in Sicilia vendere consuevissent, Romae venderent: et*

Cap. XXV. Pigh. Ann. 680. Cic. in Verr. 3. c. 70. Flor. 3, 6. Cic. pro Lege Manil. c. 12. Sall. Incert. in Or. Cottae.

mox Q. Hortensius, in aedilitate sesquimodiis in capita divisus, magnam a populo Romano gratiam inivit; quia caritas annonae faciebat, ut, quod re parvum erat, tempore magnum videretur. Deinde M. Tullius Cicero quaestor frumenti maximum numerum ex Sicilia misit. U. c. 679. A. C. 73.

XXVI. Quae omnia quam tanta populi multitudo facile absorbuisset, nec ideo difficultas annonae cessaret, consules ex senatusconsulto tulerunt, ut frumentum a Siciliae civitatibus emeretur. ad hanc frumentum *Frumentum ex Sicilia emittitur.* emptionem ex inopi atque exhausto aerario per triennium prope centies et vicies erogatum est. At haec modica in praesens auxilia solabantur potius, quam tollebant, penuriam: neque antea reddita urbi solita copia commeatum est, quam Cn. Pompeji virtute piratae toto mari arcerentur.

Cap. XXV. Cic. in Verr. 3. c. 7. Id. ibid. c. 92. Cic. pro Planc. c. 26. Plut. Cic. c. 8. Cap. XXVI. Cic. in Verr. 3. c. 70.

E P I T O M E

LIBRI NONAGESIMI QUINTI.

*C. Curio proconsul Dardanos in Thracia domuit.
Quatuor et septuaginta gladiatores Capuae ex ludo*

C. Curio proconsul Dardanos in Thracia domuit] Hinc Sallustius Histor. lib. 2. Nonio auctore: Eodem anno in Macedonia C. Curio principio veris cum exercitu profectus in Dardaniam, quibus potuit, pecunias coëgit. SIG. Cicero proconsul Boend. Curio proconsul Berg. L. Curio proconsul Norv. Praenomen antiquissimae edd. partim omittunt, partim legunt P. partim M. partim G. partim Ca. jo. V. ad Epit. 62.

Quatuor et septuaginta gladiatores] CCCCLXX gladiatores Berg. quadringenti septuaginta Leid. Quamvis autem de numero gladiatorum, qui, effracto ludo Lentuli, belli gladiatorii concitores fuerunt, inter historicos non conveniat, nemo tamen majorem, quam hic proditur, memoravit; nisi quod apud Plutarch. in Crass. pag. 548. octo et septuaginta fuisse dicantur. V. Freinsheim. ad Flori 3, 20, 3.

Congregata servorum et ergastulorum multitudine] Claudius Puteanus affirmat, se in MSS. legisse: *congregata servorum ex ergastulis multitudine*. SIG. Egregie codices Barberinus et Gudiani ambo: *servitorum*. Restituimus et Livio. J. FR. GRON. In vulgata scriptura hic sensus esse potest, eos congregasse multitudinem cum aliorum servorum,

tum servorum de ergastulo, qui etiam *ergastula* dicuntur. Plinius 18. H. N. 6. *Coli rura ab ergastulis pessimum est*. Et Florus 4, 8. *Quum insuper ergastula armasset*. Nec tamen displicet *servorum ex ergastulo*. Livius 24, 15. *Mancipia Romana et ex ergastulo militem*. Justin. 1, 6. *Obvium habuit servum de ergastulo*. DUK. Pleraque edd. *servorum ergastulorum*. Campanus *servorum ergastulorumque*; quod Gruterus recepit, et firmant codd. Leid. Voss. ac Boend. *servorum ex ergastulis* editio Sigonii anni 1592. quod non spernendum judicat Crevierius. *servulorum ergastulorumque* Berg. *servitorum ergastulorum*, sine copula, Lov. 2. De ea locutione vide ad 35, 32, 4. *servitorum ergastulorumque* Exc. Pithoei. *Servitia* pro servis, *ergastula* pro illis servis, qui compediti in ergastulis custodiebantur, poni, vidimus ad 3, 15, 9. De servis compeditis et ergastulis vide Briffon. 2. Select. Antiq. 9. Mox *Crexo* Voss. *Criso* Leid. Lov. 2. Boend. et ed. Campani. *Crisso* Exc. Pithoei. *Chryso* Norv. et reliquae edd. principes, nisi quod *Chryso* ex prima Rom. laudet Hearnius. *Crixo* ed. Sigonii anni 1572. quod etiam superest in Berg. V. Salmas. ad Flori 3, 20, 3. *Crixum* et Oeno-

Lentuli profugerunt: et, congregata servitiorum ergastulorumque multitudine, Criro et Spartaco ducibus bello excitato, Claudium Pulchrum legatum et P. Varenum praetorem proelio vicerunt. L. Lucullus proconsul ad Cyzicum urbem exercitum Mithridatis fame ferroque delevit; pulsumque Bithynia regem, variis belli ac naufragiorum casibus fractum, coëgit in Pontum profugere.

maum Gallos, ac Spartacum Thracem memorant Oros. 5, 24. ubi vide Fabric. et Freulph. Chron. part. 1. lib. 6, 16.

Claudium Pulchrum legatum Clodius praetor vocatur Oros. 5, 24. *Κλωδίου στρατηγός* Plut. in Crass. pag. 547. *Clodius Glaber* Floro 3, 20, 4. Sed *Glaber* non Claudiorum, sed Variniorum, cognomen fuit. V. Sigon. ad verba seq.

P. Vorenus praetorem Hunc praetorem Plutarchus in Crasso [pag. 548.] vocat *Πόπλιον Βαπίνον*, *Varinium* Frontinus lib. 1. cap. 5. [ex. 22.] Appianus autem lib. 1. [424.] *Βαπίων Γλαβρον*. ut appareat, hunc *P. Varinium Glabrum* appellatum fuisse: meminit etiam *P. Varini* praetoris Cicero pro Flacco [cap. 19.] ubi forte *Varinii* legendum est, ut gentis nomen, non familiae, sit. SIGON. In Cicerone pro Flacco cap. 19. Pighius quoque ad A. V. 1311. legit a *P. Varinio*. Vide, quae viri docti ad Frontinum 1. Strateg. 5, 22. adnotarunt. *Varenus* tamen etiam nomen Romanum est. Cicero orationem pro *L. Vareno* habuit, cujus parti-

culae quaedam in Quintiliano et aliis supersunt. DUK. Sigonius anno 1555. *P. Varinium* in contextum recepit; pro quo sequentes ejus editiones operarum menda *P. Vatinium* dederunt; quem errorem proximi editores servarunt, et hinc fraudi fuerunt Petavio ad Themist. orat. 7. p. 425. Gruterus deinde *P. Varenus* substituit, quod firmant Leid. Berg. Lovel. 2. Boend. et edit. Campani, ac recentiores retinuerunt, excepto Clerico, qui Sigonii lectionem *Varinium* adoptavit. *P. Varcenum* legit Voss. *P. Vorenus*, ut est in edd. ante Sigonium, Norvic. Vox praetorem exsulat a Berg.

Pulsumque Bithynia regem a *Bithynia* Exc. Pithoei, Norv. et edd. fere omnes ante Gruterum; qui praepositionem expunxit, consentientibus Leid. Voss. Berg. Lov. 2. Boend. et ed. Campani. V. ad Epit. 46. *Mox belli et naufragiorum* Boend. *belli naufragiorumque* Voss. Deinde *in portum profugere* Voss. Berg. et ed. Camp. *in portum profugere* Exc. Pithoei.

JOHANNIS FREINSHEMII

SUPPLEMENTORUM LIVIANORUM LIBER LX.

IN LOCUM LIBRI XCV. T. LIVII.

U. c. 679. I. Hoc anno C. Scribonius Curio, Dardanis in
A. C. 73. Thracia victis, bello finem imposuit, acribus suppli-
Curio Dar- ciis domita inquietarum gentium ferocia, quum rebel-
danos vincit. lium primores amputatione manuum, ceterorum ple-
rosque morte mulctavisset. Eadem expeditione Moesi
quoque subacti: et ad Danubii Daciaeque terminos
ventum. Ne ulterius procederetur, insidiosa loca den-
sique saltus impedimento fuerunt.

Spartaci II. Novum inter haec bellum contemptis initiis
belli initia. (adeo nullius imperii tuta vel domi potentia est) in
maximas Italiae calamitates evaluit. Quatuor et septua-
ginta gladiatores Capuae ex ludo Cn. Lentuli profuge-
runt, Galli plerique, portaesi pessimae sortis, ad quam
eos non suum aliquod scelus, sed iniquitas domini,
coegerat. Hi quum, verubus atque coquinariis cultris
e popina correptis, oppido erupissent, in plaustra quae-
dam inciderunt, quibus arma gladiatoria portabantur.
Atque illi, velut munere Deum oblatis armis alacres,
in munito quodam colle constiterunt, ducibus tribus
creatis, inter quos Spartacus eminebat, Thrax gente,
et ab ineunte aetate pastor; sed animo et viribus in-
gens, nonnulla quoque belli peritia, quod inter sti-
pendiarios militaverat, ferociam originis institutique
prudencia et moderatione temperabat. Uxor ei oriun-
da indidem aderat; quae, Bacchici numinis plenam
se ferens, quo primum tempore Romam venalis est
dedu-

Cap. I. Liv. Epit. Eutrop. l. 6. Marcellin. 29, 26. Sext. Ruf.
c. 8. Flor. 3, 4. Cap. II. Pacat. Panegy. c. 23. Liv. Epit.
Vellejus, 2, 30. Eutrop. l. 6. Oros. 5, 24. Appian. Civil. l. 1.
Plut. Crasso. Flor. 3, 20. Appian. Plut.

deductus, conspecto dracone circa dormientis caput instar coronae convoluto, magnam viro potentiam praedixerat. Cognito hominum consilio, statim ex oppido venerunt armati, qui eos ex fuga reprehenderent. His fusis fugatisque, quum multa arma militaria cepissent, abjectis gladiatoriiis, quae oderant, illa laeti gratulabundique sumpserunt.

U. c. 679.
A. C. 78.

III. Inter haec Claudius Pulcher legatus cum tribus millibus armatorum ex urbe accurrit; et ad Vesuvium montem, quo illi se receperant, castris positus, aditum, qui unicus ea parte, atque is difficile tamen et impeditum iter praebebat, obsedit. Illi nullas circa stationes, qua inaccessus videbatur, conspicati, per abrupta cavasque fauces catenis ex vite silvestri confectis se demilerant, uno relicto, qui, dejectis armis, postremo ipse quoque descendit. Spartacus postquam incolumes omnes recepit, solerti cum audacia statim ad castra Romanorum duxit, et improvisi periculi conspectu ita terruit Claudium, ut, turpi fuga castris desertis, aliquot cohortes quatuor et septuaginta gladiatoribus cederent.

*Claudius
Pulcher male
rem gerit ad-
versus fugi-
tivos.*

IV. Res prosperae, ut adsolet, statim invenerunt socios, multique pastores, durum et pernix genus, accesserunt ad partes: quorum robustissimum quemque armavit Spartacus, reliquos antecursorum et velut numero habuit. Servitiis deinde ergastulisque concitatis, quum celeriter ad hominum millia decem coivissent, quod armorum erat inopia, scuta ex vimine dedit. eratque is facilis labor solitis, vasa agrestia ex viminibusnectere; et, unoquoque se ad eam artem in formam equestris parmae armante, celeriter confecta res est. mox mactatis pecoribus, parmas cooperiebant, quum coria recens detracta quasi glutino adhaerescerent. ferro dein ergastulorum recocto, gladios ac tela fabricabant.

*Spartacus
auget copiam.*

V. His rebus festinare coactus P. Varinius praetor, cui senatus negotium extra ordinem dederat, cum iusto exercitu, sed tumultuarie conscripto, advenit. Sed legatum ejus Furium, cum duobus millibus militum praemissum a praetore, acie congressi fugitivi fu-

*Successus et
saevitia fu-
gitivorum.*

Cap. III. Liv. Epit. Plut. Vell. Flor. Plut. Frontin. 1, 5;
21. Flor. Plut. Oros. Frontin. Cap. IV. Plut. Liv. Epit.
Flor. Sall. Hist. 4. Frontin. 1, 7. Flor. Sallust. Flor. Cap.
V. Liv. Epit. Appian. Plut.

Supplem. Liv. Tom. XIII.

Y

U. c. 679. derunt. Qua victoria usi saevius etiam infestiusque
 A. C. 73. totam Campaniam pervagati sunt. nec villarum atque
 vicorum vastatione contenti, Coram, Nuceriam, et,
 quae Romanis exercitibus tot per annos resisterat,
 Nolam, crudeliter populabantur. nactique nonnullos,
 quibus maxime infensi erant, eorum morti nefandum
 in modum illudebant, lacera corpora, sed adhuc spi-
 rantia, ne cito dolore defungerentur, omittentes. Alii
 in tecta jaciebant ignes: multique ex locis, quae oc-
 cupata erant, servi, quos ingenium socios dabat, ab-
 dita a dominis, aut ipsos trahebant ex occulto. neque
 sanctum aut nefandum quidquam fuit irae barbarorum,
 et servili ingenio; nequeunte prohibere Spartaco,
 quamquam multis precibus oraret.

*Cossinius a
 Spartaco in-
 terficatur.*

VI. Igitur, ut alio consilio eos ab hac immanitate
 abduceret, simulque adventus sui celeritate prae-
 teret nuncios; raptim in Lucaniam ductis copiis, Cos-
 sinium, qui datus praetori adjutor fuerat, cum magna
 militum manu apud Salinas agentem, ita improvise
 impetu oppressit, ut nihil propius sit factum, quam
 ut lavantem comprehenderet. Impedimenta certe ejus
 omnia diripuit, vestigiisque fugientium haerens mul-
 tos occidit, et castra eorum cepit, ipso ibi Cossinio
 interfecto. Hinc Lucaniae magnam partem, Thuri-
 num maxime Metapontinumque agrum, in potestate
 fugitivi habuerunt, ipsis quoque urbibus eodem bello
 potiti.

VII. At Varinius, dum haec aguntur a fugitivis,
 aegra parte militum autumnii gravitate, neque ex
 postrema fuga, quum severo edicto juberentur, ullis
 ad signa redeuntibus, et, qui reliqui erant, per sum-
 ma flagitia detrectantibus militiam; quaestorem suum
 C. Thoranium, ex quo praesente vera facillime nosce-
 rentur, in urbem miserat: et tamen interim cum vo-
 lentibus in expeditionem prodiit. Auxiliis deinde con-
 tractis, quum quaedam non improspere gessisset, con-
 tra morem fiducia augeri Romanis et promi lingua coe-
 pit. quo Varinius contra spectatam rem incaute mo-
 tus, novos incognitosque et aliorum casibus percul-
 sos milites ducit tamen ad castra fugitivorum presso
 gradu; silentes jam, neque tam magnifice sumentes
 proelium, quam postulaverant.

Cap. V. Flor. Sall. Fragm. ex Biblioth. Reg. Cap. VI.
 Plut. Flor. Cap. VII. Sallust. Fragm.

VIII. At fugitivi certamine consilii inter se juxta U. c. 679.
 seditionem erant, Crixo et gentis ejusdem Gallis at- A. C. 73.
 que Germanis obviam ire et ultro offerre pugnam cu- *Fugitivi in-*
 pientibus. Contra Spartaco dimittere, quae haberent *ter se discor-*
 e loco, commoda, et, quam integro exercitu spera- *des.*
 rent, cum periculo victoriam quaerere, non placebat.
 Quo deinde ordine ac loco res unaquaeque gesta sit,
 amissis, quae de hoc bello erant prodita, non habeo
 dicere. Illud certum utique habetur, multis proeliis
 victum a Spartaco Varinium esse, et adeo acgre ela-
 psam, ut equum illius lictoresque cum fascibus et
 insignibus magistratus ad Spartacum fugitivi detule-
 rint, quibus etiam postea ulus est.

IX. Eodem tempore quum forte praeclusus a P. *Spartacus*
 Varinio Spartacus fuisset, insigni actu elapsus est. *insigni actu*
 Quum enim operibus hostium in arctum coacti essent *elabatur.*
 fugitivi, consumptis jam alimentis, nec suppeditanti-
 bus ex propinquo, secunda vigilia cuncti egrediuntur,
 relicto buccinatore in castris, et ad vigiliarum
 speciem procul visentis cadaveribus, quae erexerant
 fulta palis, per modica intervalla ante portam fixis.
 Ea veste atque armis adornata quum per tenebras, aut
 dubia adhuc luce, satis tegerent fraudem, et per tota
 castra ignes collucerent, facile deceptus hostis est, ut
 eodem adhuc loco fugitivos esse crederet. Multa de- *Varinus*
 mum lux aperuit, quid actum esset, missique sunt e- *Spartacum*
 quites, qui vestigia Spartaci scrutarentur, et, quan- *insequitur.*
 tum possent damni ac morae, facerent. At ille, visis
 equitibus, priusquam cum reliquo exercitu adesset Va-
 rinus, prope nactus idoneos ex callibus duces,
 Picentinis, deinde Eburinis jugis occultus ad Nares
 Lucanas, atque inde prima luce pervenit ad Populi
 Forum, ignaris cultoribus.

X. Ac statim fugitivi contra praeceptum ducis ra- *Spartacus*
 pere ad stuprum virgines, matres, et aliis sceleribus *eximius im-*
 operam dare; multum obtestante Spartaco, cui, prae- *perator.*
 ter humilitatem sortis, nihil ad eximii imperatoris
 tuendum nomen deerat. Neque sapientiae egebat,
 qua futura prospiceret: victoque Varinio, quum ma-
 jorem esse Romanam potentiam intelligeret, quam ut
 sperare interitum ejus posset, auctor ad Alpes eundi
 suis erat, ut, iis superatis, diversi Thraces Gallique

Cap. VIII. Plut. Appian. Flor. Cap. IX. Frontin. Strat.
 1, 5. 22. Cap. X. Sall. Hist. 3, 22. Plut.

U. c. 679. suam quisque patriam repeterent. Sed illi, multitudine confisi, et elati successu, spernebant salubre consilium, et devastanda Italia suae libidini avaritiaeque indulgebant. Jam enim circa Consentiam et Metapontum delectibus agendis ita creverant, ut tum quidem Spartacus triginta millia, Crixus decem sub signis habuisse tradatur. nam tertius ducum Oenomaus superiore bello perierat.

Mithridates desperat de expugnatione Cyzici.

XI. Interca, dum Romana arma domi a servis contemnuntur, in remotis provinciis contra potentissimum regem, imperatore Lucullo, magna cum gloria fulgebant. Omnem jam non commeatum modo Mithridates, sed etiam opes, copias, spem denique expugnandae Cyzici consumpserat. Igitur, Hermaeo Varioque traditis peditibus, quorum numerus adhuc triginta millia superabat, ipse maritimo itinere in regnum cogitabat reverti.

Noctu abnavigat.

XII. Noctu, quo falleret obseffos, conscendi navigia iussit. Sed ea majoris trepidationis causa fuit. dum, inter tenebras metu reverentiam imperii vincente, certatim et promiscue ad naves ruitur, quaedam cum his, qui inscenderant, submersae sunt; aliae turbatae atque circumactae plus adhuc morae consternationisque fecerunt. Hoc modo aegre solutis ancoris Parium rex pervenit. Quod ubi postridie a Cyzicenis est cognitum, excurrentes in Pontica castra, reliquam adhuc aegrotam multitudinem conciderunt, ablati, quae verti in praedam poterant.

Lucullus peditatum regium assensit.

XIII. Sub idem tempus Archelaus, classis regiae praefectus (*Aristonicum* Plutarchus appellat) in potestatem Luculli pervenit. Miserat eum Mithridates, ut negotium faceretur hosti, ne recedentem a Cyzico sequi posset; dederatque decem millia aureorum ad Fimbrianas corrumpendas legiones. Sed ille, fidem a perfidis inepte sperare ausus, quum tamquam ad accipiendas copias destinato tempore venisset, occisis, quos secum adduxerat, comprehenditur. Lucullus, audito, pedestres Mithridatis copias Lampacum petere, continuo insequutus, ad Aesepum amnem deprehendit, qui tum anni tempore pluvioso plurimum creverat. Ibi Granicus et Aesepus amnes cruentarunt

Cap. X. Oros. 5, 24. Cap. XI. Liv. Epit. Memnon. Cap. XII. Plut. Lucull. Memnon. Appian. Mithrid. Memnon. Cap. XIII. Plut. Memnon. Appian. Flor. 3, 5.

undas; regionumque, partim aquis hausta, partim hostilibus concisa armis, ad millia viginti perierunt, magnus praeterea captus est numerus: plusquam undecim millia Varianorum militum in proelio ceciderunt. Ceteros, quum se munimentis oppidi clausissent, Lucullus obsedit: donec a Mithridate missa classis, et illis et Lampfacenis omnibus exportatis, vacuam urbem victori reliquit.

U. c. 679.
A. C. 73.

XIV. Hic eventus obsidionis Cyzicenae fuit: qua periisse de regis militum lixarumque ad trecenta millia putantur. Cyziceni, sua et Luculli virtute incolumes, quo grati erga benemeritum essent, ludos victoriae solennes instituerunt, Lucullea vocantes: ipsumque, quum ingressus urbem esset, exquisitis honoribus acceperunt. Mithridates interea, quum quinquaginta naves, in quibus decem millia delectorum virorum imposuerat, L. Vario, et Alexandro Paphlagoni, et Dionysio eunucho tradidisset, cum aliquanto ampliore numero Perinthum navigavit: frustra tentata oppidi capiendi spe, Nicomediam Bithyniae petiit, postquam apud Parium ex utraque classe multas naves tempestate perdidisset.

Clades Mithridatis ad Cyzicum.

XV. Neque Lucullo tempus per otium transigebatur, quin, ex omni Asia navibus ad Hellespontum contractis, classem compararet: tanta fiducia, ut senatui, tria millia talentorum ad eos usus decernenti, rescriberet, *summam eam aetario se parcere: neque ideo minus auxilio socialium navium Asiam ab incurso regionum esse liberaturum.* Neque promissa ejus magnificentiora, quam facta, fuerunt. Classem ita distribuit, ut cum parte navium ad recipiendas Phrygiae urbes Valerium Triarium; cum aliis Voconium Barbam ad destinandum Nicomediae Mithridatem mitteret: ipse reliquis ad ea, quae occurrerent, usurus.

Lucullus decretam ab senatu pecuniam remisit.

XVI. Ab omnibus feliciter res gesta. Triarius Apameam, quae *Cibotus* cognominabatur, maximum post Ephesinam urbem Asiae emporium, obsedit. Erant a Romana magna beneficia regis penes Apamēnos, quod terrae motibus quassatam urbem, centum talentis publice dono datis, refecerat. Igitur acris aliquamdiu defensio,

Apamea et aliae urbes a Romanis capiuntur.

Cap. XIII. Plut. Oros. 6, 2. Appian. Cap. XIV. Plut. Oros. Appian. Memnon. Sall. Hist. 4. in Epist. Mithrid. Cap. XV. Appian. Plut. Appian. Cap. XVI. Strabo, l. 12. p. 577. Idem ibid. p. 579. Memnon.

U. c. 679. et post expugnationem caedes eorum, etiam qui in
A. C. 73. templa confugerant, fuit. Dum ad hunc modum Apamea vastatur, Prusa, quae sub Asiatico Olympo jacet, per Barbam capta ac direpta est. Triarius etiam Prusiam, maritimam urbem, quae olim Cius fuerat, volentibus oppidanis recepit, qui praesidium regis expulerant, eo merito libertatem ab Romanis adepti. Ea res etiam Nicaeam tradidit Romanis, diffugientibus noctu ad Mithridatem, qui tuendae fuerant impositi, quod animos Nicaensium ad Romanam amicitiam inclinare sensissent.

*Lucullus
somnia su-
um exponit
amicis.*

XVII. At vero Lucullus, qui ab Hellesponto Troadem petierat, quum in fano Veneris pernoctasset, vocari se a Dea ad oberrantem in proximo praedam somniavit. statimque iussis convocari amicis, Graecisque comitibus, *Non potui differre, inquit, quin protinus exponam vobis, quod mihi visum obvenit in templo. Somnio deinde narrato, Talis, inquam, per quietem obversata mihi species est, sed ita expressa, et velut solidae comprehensionis, ut, ista videre ac audire totis sensibus, non autem per inanes somni figuras imaginari, crederem.*

*Lucullus
philosophos
secum ha-
buit.*

XVIII. Sane jam olim saepius, sed maxime, quum pro quaestore missus a Sulla ad Ptolemaeum Alexandriae agerem, de omnibus ejusmodi rebus diligenter audivi differentes doctissimos viros. Erat enim tum etiam hic Antiochus mecum; et antea jam Heraclitus Tyrius agebat Alexandriae, qui et Clitomacho multis annis, et Philoni operam dederat. Sed ita mihi haec intricata, et ab hominis certa cognitione remota videbantur, ut inter disputationes eruditorum id semper probabile videretur, quod a differente defendebatur. nam etiam, qui decreta sua parum confirmarent, plerumque sententiam adversariorum baud inepte refellebant. Igitur eo inclinabam, ut incertam omnium opinionem, neque firmiter comprehendendi posse quidquam arbitrarer.

*Utrum al-
quid certo
argumentum,
ut, si dubitan-
dum esse de
omnibus puta-
rem, id com-
prehendi ta-
men scire vi-
derer, esse
utique de re-
bus dubitationem,
et me esse,
qui dubitarem.
Ab hoc minime
obscurum aut
fallacem gradu
statim eo ad-
scendebam,
ut sine ulla
fluctuatione
comprehende-
rem, esse ali-
quam humanam
superiorem
naturam, quan-
do nec ipse
me fecissem,
et, quoniam
essem, ab ali-
quo certe factus*

XIX. Sed unum ubique occurbat irrefragabilis veritatis argumentum, ut, si dubitandum esse de omnibus putarem, id comprehendere tamen scire viderer, esse utique de rebus dubitationem, et me esse, qui dubitarem. Ab hoc minime obscuro aut fallaci gradu statim eo adscendebam, ut sine ulla fluctuatione comprehenderem, esse aliquam humanam superiorem naturam, quando nec ipse me fecissem, et, quoniam essem, ab aliquo certe factus

Cap. XVI. Appian. Oros. Appian. Memnon. Strabo, l. 12. p. 564. Appian. Memnon. Cap. XVII. Plut. Cap. XVIII. Cic. Acad. Quaest. 4, 2. et 4.

essem. Id autem, cujus potentia et ego, et quidquid est, nec ab se ipso est, existissemus, non aliud intelligere poteram, quam quod video Dei appellatione apud omnes censeretur. Nam etsi plerasque apud gentes complures Dii coluntur; tamen sapientissimus quisque Deorum omnium unum regem patremque credit, a quo descendat, quidquid inferioris ordinis est, non potestate cum illo, non natura comparandum.

U. c. 679.
A. C. 73.

XX. Ut igitur baud inepte dubitari queat, quantum, quae in hoc fano colitur, Venus valeat, quantaque sit hujus loci sanctimonia: sic etiam experientia constat, neque rationi refragatur, esse aliquam majorem humanam potestatem, quae de juris, aut etiam praesentibus ita moveat hominum mentes, ut illo stimulo admonitae non inclinent modo ad credendum, sed etiam penitus ita se rem habere pro certo compertoque habeant. Mihi sane ita nunc adfectus est animus, ut de veritate rerum, quae mihi per quietem sunt ostensae, minus etiam dubitare possim, quantumcumque inibere ad sensum coner, quam de his, quae nunc videns vigilansque facio.

Esse aliam majorem humanam potestatem, certum.

XXI. Haec agenti cum amicis, dum adhuc loquebatur, supervenerunt ab Ilio nuntii, tredecim conspectas esse regis quinquereemes, Lemnum, ubi praefecti classis ad ancoras stabant, petituras. Igitur prope evectus, inter Tenedum et Achaeorum stationem proelio commisso, Isidorum, qui navibus illis praerat, interfecit, naves omnes cepit. Inde mari Aegeo Lemnum profectus ad ceteram classem expugnandam, in deserta insula, ubi Philoctetae casum aeneus serpens, arcusque, et fasciis illigatus thorax indicabat, praefectos regis apprehendit.

Somnii ejus expositio, re demonstrata.

XXII. Nec elici ad pugnam poterant: subductasque ad litora naves, tabulatis superstantes acriter defendebant. Multus ibi labor Romanis fuit, multaque vulnera accepta: quia inhaerentes litori naves a fluctuantibus, tamquam firmata in stabili solo castella, levi et irrita conatu petebantur. Postremo circummissi alia parte milites, excensione facta, a tergo circumvenerunt hostem: et, occisis nonnullis, alios propellere naves, et in aquas se recipere coegerunt. Ibi inter duo maxima discrimina prehensi, et, utrum magis vitarent, incerti, dum neque altum petere metu hostilium navium audent, et terra ab expositis prohibentur, ad oram oberrantes, utrimque vul-

Mithridatis naves ancipiti pugna deprehensas.

Cap. XXI. Plut. Memnon. Plut. Appian. Cap. XXII. Plut. Appian.

U. c. 679. perabantur. Sic velut indagine deprehensi sunt omnes, nisi quos mors obita ferro eripuerat.

Classis duces caesi, am capti,

XXIII. Duces, ejecto in terram navigio speluncam ingressos, male texerunt latebrae. Postera die quum caperentur, Dionysius, epoto, quod secum habebat, veneno, statim exanimatus est. Alexandrum Lucullus ad triumphum servari voluit. L. Varius, quia senatorem Romanum in triumpho duci fas non erat, post contumelias et ludibria supplicio adfectus est. Quod ne faciliori forte exitu anteverteret, Lucullus suis, ne quem lusum occiderent, (captus enim altero oculo erat Varius) praeceperat. Multi et alii proscriptionum tunc interempti sunt. Duae et triginta naves regiae cum onerariis compluribus eo tempore demersae, aut captae fuerunt.

Numerus captarum navium, et inde Romae laetitia.

XXIV. Haec a Lucullo ad senatum perscripta magnam in urbe laetitiam excitarunt: maxime postquam est cognitum, classem hostium, quae duplici proelio deleta aut capta fuerat, sub acerrimis ducibus Italiam petere voluisse.

Voconius tempus in Samothracia terit.

XXV. His confectis, Lucullus ad expellendum Bithynia regem properabat. hunc enim credebat a Voconio attingeri, legato suo, quem ea gratia imperator praemiserat. Sed ille, Samothracen profectus, dum superstitionibus dat operam, diesque caerimoniis et initiando terit, Mithridati praebuerat effugiendi copiam: qui si in tempore adfuisset, clauso maris exitu, capi Mithridates Nicomediae potuisset.

Mithridates Nicomediae obsessus.

XXVI. Nam a terra binis castris obsidebatur: quia M. Cotta, ut acceptum ad Chalcedonem dedecus aboleret, satis impigre Nicomediam perrexerat, castris ad vicesimum fere lapidem ab oppido communitis, ne pugnare contra commodum cogeretur. Eodem et Triarius non invitatus occurrit. Et, quia rex intra moenia suos reduxerat, ab utroque Romanorum exercitu coepit obsideri. Quod interim mediocriter ferens, postquam gemina navali pugna classem amissam didicit, Lucullo superventuro se ratus imparem, Pontum petere classibus decrevit.

Cap. XXIII. Oros. 6, 2. Appian. Plut. Oros. Cap. XXIV. Appian. Cic. pro Arch. c. 9. pro Mur. c. 15. Pro L. Manil. c. 8. Cap. XXV. Appian. Plut. Cap. XXVI. Memnon.

XXVII. In hoc itinere denuo tam foeda tempestate conflictatus est, ut navalis proelii instar esset, duplicique hac clade Mithridates, prius ad Parium, et nunc haud procul Heraclea, ad decem hominum millia, et rostratas sexaginta, florem exercitus sui classisque, perderet. Eam calamitatem ad iram Priapenae Dianae superstitiosi homines retulerunt, cujus a regiis spoliatum templum abreptumque simulacrum fuerat. Amissa magna parte classis, cum plerisque navibus in osium fluminis Hypii, quod haud procul Heraclea abest, rex se recepit.

U. c. 679.
A. C. 73.
Mari fugiens classem amittit.

XXVIII. Is tum status Heracleae erat, ut magis aliena a Romanis ob sublato publicanos, quam in potestate regis, esset. Igitur dum necessario stationem in flumine, nondum sedato mari, habet, sollicite inquisito, Lamachum in summo magistratu agere comperit: quo nuncio erectus, quod veteri amicitia cognitus illi Lamachus erat, missis idoneis hominibus, multa largiendo pollicendoque perfecit, ut operam suam Lamachus addiceret, quo rex in urbem reciperetur.

Heracleam properat.

XXIX. Dicta die solemne sacrificium Lamachus instituit, extra urbem vocato populo, ne portae consue- to tempore clauderentur. ad regem interea myoparo Seleuci archipiratae mittitur, quem conscenderet, quia navis oneraria, qua erat vectus, ob violentiam tempestatum utilis esse desierat. Dehortabantur maximopere amici, ne corpus suum hominibus incognitae fidei crederet. quorum ille metum tali sermone castigavit.

Confidens Lamacho.

XXX. Ego vero fidem vestram amoremque multis et magnis documentis experta novi, et aestimo: nihilque dici scio a vobis, quam ab optimo animo verissimoque affectu profectum. Sed interdum haec ipsa, quamlibet omnino suis praestantissima, bonis consiliis obstrepunt, quoties aliquid in speciem periculosum suscipi res cogit, timor vetax: ideoque in praesentia, quum vestrum animum et probem, et, ut cum semper mihi custodiatis, enixe petam, a sententia tamen vestra diffideo.

Ejus oratio ad amicos deterrentes.

XXXI. Videris, ea nunc esse tempora mea, ut evadere pericula non aliter, nisi periculo, possim. Nemo, opinor, in hoc toto negotio mihi temeritatem imputabit. Paratissimus quum essem ad bellum, tamen iterum iterumque consideravi, restiti, dum.

Periculum periculo nonnumquam discutien-

Cap. XXVII. Liv. Epit. Flor. 3, 5. Sall. Hist. 4. in Ep. Mithrid. Appian. Oros. Sallust. Plut. Memnon. Ptolemaeus, 5, 1. Cap. XXVIII. Memnon. Cap. XXIX. Plut. Oros. Appian.

U. e. 679. distuli, donec apud omnes constaret, bellum opportunius sumi.
A. C. 73. non potuisse. tamen magnae me calamitates et discrimina deprebenderunt; iis nempe viis, quas cavere aut occludere nemo mortalium queat.

Deorum ira placanda, et, si opus, ferenda fortiter. XXXII. Ipsos mihi Deos adversarios esse scitis, quum Rhodios, dios Isis, Cyzicenos Proserpina defenderent; quum Neptunus, classes meas tempestatibus persequeretur. Sed erit aliquis irarum modus, et, quod a pueritia saepe mihi contigit, praesens vexatio majore aliquo praemio pensabitur. nec enim frustra nea semper erit haec diligentia colendi Deos, qua nemini concedere soleo, perpetuo mecum habens sapientiae sacrorumque magistratos. Quod si decretum de me est, haecque Superis sententia sedit, ut oppressum deletumque velint, at opera dabitur, ut impavidum obruant.

Causae melioris spei. XXXIII. Sed absit omen! et bona potius spe votisque me prosequamini. nam et mihi praesagit animus, hoc mihi non ad securitatem modo iter, sed etiam ad augendas opes aditum fore. Seleuco satis confido; plus etiam Lamacho: neque dispicio, quomodo sperare majora ab Romanis proditi mei, quam a me servari, praemia possint. Sed et populus Heracleus ita est alienatus, ut quidlibet potius, quam Romanam imperium, laturus videatur.

Ingressus occupatque Heracleam Mithridates. XXXIV. Ita metu suorum castigato, confidenter ingressus piraticam navem, prius Heracleam introivit, quam obruti vino homines adventum ejus persentiscent. Postero demum die, quum essent ad concionem vocati, regem se habere didicerunt. qui, humaniter eos alloquutus, et ad servandam sibi benevolentiam hortatus, quatuor millia militum praesidio cum praefecto Connacorige imposuit, quo ab Romanis, si forte signa eo vertissent, defenderentur. Divisa deinde populo, sed praecipue magistratibus, pecunia, Sinopen, et inde Amisum navigavit.

Cap. XXXII. Supra, 78, 26. et 94, 14. Oros. 6, 5. Cap. XXXIV. Memnon. Appian.

EPITOME

LIBRI NONAGESIMI SEXTI.

Q. Arrius praetor Crixum, fugitivorum ducem, cum viginti millibus hominum cecidit. Cn. Lentulus consul male adversus Spartacum pugnavit. Ab eodem L. Gellius consul et Q. Arrius praetor acie victi sunt. Sertorius a M. Antonio, et M. Perperna, et aliis conjuratis in convivio interfectus est,

Q. Arrius praetor] Praenomen deest in Berg. spatio tamen, ubi adscriberetur, relicto. At *M.* ei tribuitur in Norv. *D.* in ed. primâ Romana Hearnius invenit. *Nuntius* est in Boend. *V.* ad Epit. 62. Deîn *Valerius*, pro *Arrius*, Boend. et ed. Camp. *Varius*, Lov. 2. *Artius* Berg. *Martius* Leid. *Arius* reliquae edd. principes. Sigonius demum *Arrius* dedit, quod superest in Voss.

Fugitivorum ducem, cum viginti millibus hominum cecidit] Quo numerus Appiano consentaneus sit, cum *triginta millibus* scribo. Dissentiunt a Floro nonnulli historiae scriptores; qui Crixum a Gellio consule ad Garganum oppressum tradunt. DELR. *fugitivorum regem* Boend. In numero codd. nihil mutant; sed mox *excidit* legit Leid. *occidit* Voss. Berg. a manu 1. et Boend. *V.* ad 36, 36, 6.

C. Lentulus consul] *Cn. Lentulus* perspicue omnes auctores. SIGON. Similiter omnes scripti, et edd. principes, nisi quod quaedam harum *Gn. Lentulus* legant.

Cn. Lentulus primum invenio in ed. Ascensii anni 1510.

Ab eodem L. Gellius et Q. Arrius praetor] Vet. lib. *L. Gellius consul et Q.* Item Plutarchus et Appianus. Caeterum hic est *Q. Arrius praetor*; qui, cum successurus esset C. Verri in Sicilia, non successit. Paedianus. SIG. Praetoris hujus nullam mentionem faciunt alii, qui hoc bellum memorarunt. Appian. 1. Civil. pag. 420. refert, Crixum ab altero consulum ad Garganum proelio victum cecidisse, et ex exercitu illius xx millia caesa fuisse. Consulem illum *L. Gellium* nominat Orosius 5, 24. a quo Crixum victum fuisse, etiam e Plutarchi Crasso apparet. DUHER. *ab eodem consule L. Gellius, vel Gelius, et Q. Arrius, vel Arius, praetores* Lov. 2. Berg. et Boend. Similiter Leid. et Voss. nisi quod praetoreservent. *ab eodem L. Gellius et Q. Arrius praetores* ed. Camp. *ab eodem L. Gellius consul et Q. Arrius praetores* Exc. Pithoei apud Hearnium.

Sertorius a M. Antonio, et

octavo ducatus sui anno: magnus dux, et adversus duos imperatores, Pompejum et Metellum, saepe par, vel frequentius victor: ad ultimum desertus et proditus. Imperium partium ad Marcum translatum est: quem Cn. Pompejus victum captumque in-

M. Perpenna, et aliis conjuratis in convivio interfectus est, etc. Imperium partium ad Marcum translatum est] Locus obscurus. Nam cum dicat, ab Antonio et Perpenna interfectum esse Sertorium, addit, imperium partium translatum esse ad Marcum. Nos autem ab aliis accepimus ad Perpernam pervenisse. Tolleitur igitur omnis obscuritas, si ita legatur: *Sertorius a Manio Antonio et Marco Perpenna etc.* Item *Imperium partium ad Marcum translatum est.* Plutarchus enim in Sertorio *Μάριον Αντωνιον* vitiose vocat, pro *Μάριον*. In veteribus autem libris est *ad Marcum*, non *ad Marium*. Ejusdem porro convivii meminit his verbis Sallustius Histor. lib. 3. *Igitur discubere, Sertorius inferior in medio, super eum L. Fabius Hispaniensis, senator ex proscriptis, in summo Antonius, et infra scriba Sertorii Versius; et alter scriba Maecenas in imo. medius inter Tarquinium et dominum Perpernam.* ex Nonio. SIG. a *M. Antonio* servant omnes scripti: at, passim prænomen *Manius* libris minus notum in *Marcus* corruptum esse, vidimus ad Livii 27, 25, 2.

Octavo ducatus sui anno] De voce *ducatus*, quae auctori non ex lectione Liviana, sed aevi sui corrupto sermone, adhaesit, vide ad Liv. 29, 20, 2.

Saepe par, ut frequentius victor] Vet. lib. vel frequentius. SIG. vel frequentius ab Sigonio est. Olim saepe par, ut frequen-

tius victor. Quod recte sese habet, modo intelligas *to ita* in praecedentibus verbis. Significat enim, ita saepe parem fuisse, ut saepius superior discesserit. J. FR. GRON. Duae priores voces exsulant ab omnibus scriptis meis, et Exc. Pithoei. Deinde *aut frequentius* legunt Norv. et edd. pleraeque ante Ascens. qui anno 1510. *ut frequentius* recepit, et annis 1513, ac 1516. *aut frequentius* pro varia lectione in margine ostentavit. *vel frequentius* omnes scripti mei, et ed. Camp. quos cum Sigonio sequi malo, quam cum Gronovio *to ut*, in nullo libro obvium, per ellipsin voculae *ita* exponere, vel cum Crevierio in *et* mutare. Mox *ad ultimum et saevus et prodigus* Leid. Voff. Lov. 2. Boend. et Exc. Pithoei. *ad ultimum et*, id est *etiam*, *saevus et prodigus* Berg. Sed frustra.

Imperium partium ad Marcum translatum est] *ad Marcum*, pro *ad Marium*, supra hac Epit. Sigonius emendavit ex vet. libb. quorum lectionem probant nostri Leid. Voff. Berg. Boend. et apud Hearnium Exc. Pithoei. At Clariff. Jac. Perizonius *ad M. Perpernam* in ora exemplaris sui legendum conjecit. *ad M. Perpernam* praefert Lov. 2. Insuper verbum *est* ignorant omnes, quibus utor, Msti. Mox *victumque captumque* Berg. Tum *interfecit* iidem libri cum ed. Camp. Vide ad Epit. 73.

Recepit Hispanias decimo fere anno, quam coeptum est bel-

terfecit, ac recepit Hispanias decimo fere anno, quam coeptum erat bellum. C. Cassius proconsul et Cn. Manlius praetor male adversus Spartacum pugnaverunt: idque bellum M. Crasso praetori mandatum est.

lum] recepit Hispanos Voss. Sed recte receptam scripturam reliqui tuentur. Hispanias numero plurali saepius Livius memoravit. Vide ad 28, 18, 9. et 30, 30, 13. Ex ejus lectione id hausit auctor Epitom. supra l. 26. cui mandaretur Hispaniarum imperium. ubi simili lapsu unus et alter codicum legebat Hispanorum. lib. 105. Pompejo Hispaniae, Crasso Syria et Parthicum bellum, Caesari Gallia et Germania dabantur. Tum vocem quam omittit idem Voss. cum Lov. 2. sed ejus loco quo legunt Berg. et Boend. Dein coeptum erat omnes scripti nostri, Exc. Pithoei, Norv. et edd. ante Ba-

sil. anni 1539. quae coeptum est dedit. Priscam igitur lectionem reduxi.

C. Cassius proconsul, Cn. Manlius praetor] Cassium Galliam Cisalpinam provinciam habuisse, et a Spartaco ad Alpes contendente victum vix fuga evasisse, narrat Plutarch. in Crasso. Orosius a Spartaco oppressum et interfectum dicit. DÜKER. Addita conjunctione proconsul et Cn. legunt Leid. Voss. Berg. et Lov. 2. Tum Malius praetor Voss. Gallius praetor Boend. Gallus praetor ed. Camp. Manilius praetor ed. nupera Londinensis. In sequentibus vox praetori o-mittitur in Boend.

JOHANNIS FREINSHEMII

SUPPLEMENTORUM LIVIANORUM LIBER LXI.

IN LOCUM LIBRI XCVI. T. LIVII.

U. c. 680. I. Haec eo anno gesta: et, quia funestas per Ita-
A. C. 72. liam clades senescens Sertorius et Luculli res floren-
L. Gellio, tes relevabant, minore externorum cura animi ad
Cn. Corne- Spartaci opprimenda bella versi: tam validis jam fu-
lio Coss. gitivorum opibus, ut ad septuaginta armatorum millia
Fugitivo- essent; hini exercitus, totidemque duces Italiam per-
rum copias. vagarentur. Igitur, quamquam ambobus consulibus
decretum id bellum cum duabus legionibus esset, Q.
Arrio praetori etiam datae copiae sunt, imperiumque
is seorsim a consulibus habere jussus. Consules tum
erant L. Gellius Poplicola, Cn. Cornelius Lentulus
Clodianus.

Eorum ma- II. Forte Germanicae cohortes duce Crixo per fe-
gua pars rociam a Spartaco se abruperant, et circa Garganum
cum duce montem cum triginta millibus armatorum praedas Cri-
Crixo caedi- xus agebat. Idcirco L. Gellius consul cum praetore
tur. Arrio, repente incautos adorti, viginti hominum mil-
lia cum ipso duce, acerrime quidem repugnante illo,
prostraverunt.

Spartacus III. Nec ideo minor adversus Spartacum moles su-
ambos con- pererat: qui, cavendi pugnandique egregius artifex,
sules vincit. occasiones et eventus omnes prorsus imperatorio con-
silio ad suum commodum trahebat. Sed illi, per A-
penninum ad Alpes tendenti, ut in Galliam evaderet,
Lentulus consul se objecit: eundem a tergo L. Gel-
lius conclusit. Ille vicissim, cum ambobus conferta
manu, utrumque magnis et pudendis cladibus adfecit,

Cap. I. Eutrop. l. 4. Appian. Civil. l. 1. Plut. Crasso.
Oros. 5, 24. Appian. Liv. Epit. Cap. II. Plut. Appian. Plut.
Oros. Liv. Epit. Appian.

cum duobus consulibus comparatus unus gladiator. Et priorem quidem Lentulum abegit, eumque castris et impedimentis omnibus exiit in Apennino: deinde, versus in Gellium, quamquam cum eo se Q. Arrius conjunxerat, utrumque collatis signis vicit. Post horum fugam, ut Romanis ostenderet, eidem ludibrio et ipsos obnoxios esse posse, per quod aliorum hominum sanguine tam immaniter abuterentur; per causam placandorum Crici manium, simul cujusdam matronae nobilis, quae a fugitivis per vim stuprata sibi manus intulerat, trecentos aut quadringentos ex captivis delectos circa rogam iussit armis depugnare. Ceteros ad unum omnes interfecit; impedimenta, praeter necessaria pauca, subdito igne cremavit, quo esset ad destinata expeditior.

U. c. 680.
A. C. 72.

IV. Nam, ne quid indignitatis abesset, de ipsa urbe Roma invadenda deliberabat. Neque leve discrimen erat, quum agmen centum viginti millium traheret: quamquam vulgo repudiare fugitivos solitus, quorum ad ipsum, si reciperentur, maximus numerus transibat. Idcirco duo consules, junctis copiis, in agro Piceno ei occurrerunt. Sed ille, licet eas magna clade profligasset, ad urbem ducere non est ausus: quia nondum ei satis suae vires placebant, nec exercitum adhuc ex sententia sua perarmaverat. alii quoque apparatus deerant: quum nullius civitatis populi auxilio, sed tantum corporibus fugitivorum atque convenarum, uteretur.

De urbe invadenda deliberat.

V. Ergo, ut arma ceteraque bello opportuna compararet, Thurinos montes stativis locum cepit. oppidum pro horreo rerum omnium habuit: vicina late populando, a mercatoribus injuriam omnem prohibuit, praecipue qui aes et ferrum vendituri venirent. eas res care mercabatur: aurum argentumque importari, aut importatum emi a suis, severo edicto vetuerat.

VI. Dum in Italia hunc ad modum certatur, Hispaniam a Sertorio magis alienum scelus, quam Romanorum vis ac robur, vindicavit. Erat ille jam, ut diximus, infensus invisusque plerisque, quod deprehensas aut creditas in se conspirationes atrociter pu-

Sertorii exitus.

Cap. III. Oros. Plut. Flor. 3, 20. Liv. Epit. Appian. Flor. Oros. Appian. Oros. Appian. Cap. IV. Flor. Appian. Oros. Appian. Cap. VI. Flor. 3, 22. Oros. 5, 23.

U. c. 680. niverat. Igitur, alienatis semel animis, omnia ducis
 A. C. 72. recte consulta ministrorum dolo atque contumacia in
Ministro- contrarium vertebant: Hispanique, propter tributa ac
rum dolo fit supplicia, quae, velut Sertorii jussu, acerbè exige-
invisus suis. bantur, deficiebant a partibus. ad hos revocandos qui
 mittebantur, de industria augebant iras, majoremque
 in modum irritatis barbaris revertebantur. Is dolor
 a pristinis moribus adeo deduxit Sertorium, ut saevi-
 ret in principum liberos, qui Oscae educabantur, et,
 parte interfecta, ceteros in servitutem venderet.

Caassama-
turandarum
insidiarum.

VII. Dum haec aguntur, Perperna praeter ceteros
 conjuratos in societatem consilii Manlium quemdam ex
 Sertorianis ducibus adsciverat. Deperibat adolescen-
 tis cujusdam turpi amore Manlius: eumque, ut magis
 sibi adjungeret, missos alios facere amatores hortatus
 est; unique, mox interfecto Sertorio, ad maximas
 opes perventuro, se dare. Eum sermonem Aufidio
 cuidam adolescens exposuit, in quem erat benevolen-
 tia propensior. Ille, non leviter ictus, (nam et ipse
 erat inter conjuratos, sed et Manlium esse nesciebat)
 dissimulata tamen conscientia, negat verbis hominis
 ventosi et levis adhibendam fidem esse. at, postquam
 adolescens Perpernam, Graecinum, aliosque partici-
 pes secreti nominavit, non distulit pergere ad Per-
 pernam, et admonere periculi, nisi mature praever-
 terent. *eo rem deductam, ut celari diu nequeat. occupandum*
Sertorium, aut pereundum insidiatoribus esse.

Conjurato-
rum aefus.

VIII. Non dubitabat Perperna, quin vera praedi-
 cerentur. Et nuper quoque, submissis decem militi-
 bus, Sertorium interficere conatus, punitisque par-
 tim, partim fuga elapsis insidiatoribus, quamquam
 nondum erat proditus, ne proderetur, metuebat. Id-
 circo conjurationis duces, convocatis celeriter prae-
 cipuis consciorum, nihil cunctandum rati, componunt
 e vestigio fraudis ordinem: subornatoque idoneo ho-
 mine, confictas literas Sertorio tradendas curant, qui-
 bus de magna victoria perscriptum erat, quam Ser-
 torii quidam legatus, ingenti hostium numero debel-
 lato, reportasset.

Perperna
Sertorium
ad convivi-
um, invitat.

IX. Laetum ob haec et sacrificantem Sertorium
 cum amicis (erant autem ex conjuratorum numero) ad
 convivium invitat Perperna, multisque precibus vin-
 cit,

Cap. VI. Appian. Plut. Sertor. Cap. VIII. Appian. Plut.
 Cap. IX. Sall. Hist. 3, 15.

cit, ut ad gaudium ejus diei celebrandum condiceret. Igitur discubuerunt. Sertorius inferior in medio lecto accubuerat: supra eum L. Fabius Hispaniensis senator ex proscriptis: in summo erat Antonius, et infra eum scriba Sertorii Versius: in imo scriba alter Maecenas, medius inter Tarquitium et dominum convivii Perpernam.

U. c. 680.
A. C. 72.

X. Erat ea quum Sertorii modestia, tum apud suos auctoritas, ut, eo praesente, verecunda et honesta omnia essent; nullae turpes facetiae, nulli clamores tumultusque audirentur. Sed eo tempore, ut initium rixarum conjurati facerent, inconditis sermonibus gestibusque, per simulationem ebrietatis, strepebant. Quum ad haec ille, sive offensus hac licentia, sive mentem eorum divinans, velut animum non adverteret, in lecto jaceret supinus; Perperna merum poposcit, et inter bibendum dimisit e manibus phialam, qui sonus perpetrandae caedis signum conjuratis erat. ac statim Antonius, qui in summo lecto accubebat, defricto pugione Sertorium sauciavit: deinde convertentis se ad ictum, et surgere conantis manum utramque continuit, dum a reliquis conficeretur. Custodes corporis ejus, quos semper circa se habebat, eodem momento a praeparatis ad facinus occupati sunt.

Sertorius interficitur.

XI. Ita Sertorius exiit vitam, octavum post annum, quam Hispanis se ducem praebere coeperat; magnus dux, et adversus duos imperatores, Pompejum et Metellum, saepe par, vel frequentius victor: ad ultimum desertus et proditus. Imperium partium ad M. Perpernam translatus est, quod homo vanus et ineptus olim concupiverat, nihil ei praestitutum, nisi ut, quantum ducem quanto inferior ipse sustulisset, intelligeretur.

Imperium desertur ad Perpernam.

XII. Nec tamen illud tam infelix praemium sine contentione retulerat. Exercitus post indignam Sertorii caedem, ira in commiserationem versa, tumultuabatur, virtutem occisi et sua pericula reputando. Mille experimentis constitisse, quantumlibet egregium exercitum, amoro duce, velut pulcrum corpus, adempto spiritu, marcere. Unum his temporibus fuisse Q. Sertorium, qui sine opibus, sine pecunia, sola virtute subnixus, terribilem populi Romani potentiam per tot annos sustinisset. Pauperem, ex-

Exercitus Sertorii necem aegrofert.

Cap. X. Plut. Appian. Cap. XI. Liv. Epit. Eutrop. Liv. Epit. Plut. Cap. XII. Appian.

Supplem. Liv. Tom. XIII.

Z

U. c. 680. *sulem, desolatum, ex omni tempore, ex omni regione, tam-*
 A. C. 72. *quam miraculo quodam productas de nibilo copias excitare*
potuisse.

Virtutes XIII. Huic tot duces Romanos, tot legiones procubuisse:
ejus deprae- coactumque senatum, ut ipsa reipublicae firmamenta atque co-
dicat. lumina mitteres. Neque tamen aut veterem militiae gloriae-
 que Metellum, aut triumphalem Pompeji adolescentiam, quam-
 quam junctis consiliis ac viribus, uni pares esse potuisse. Hoc
 defendente, absentiam a penatibus suis, a propinquis atque
 amicis, non exilium, sed militiam, putavisse, bona spe fre-
 tos, aliquando fore, ut patriae domesticisque cum laetitia glo-
 riaeque restituantur.

Se destitu- XIV. Nunc autem adeo spem illam omnem defluxisse, ut
tum queri- vix corpora sua libertatemque satis in tuto esse credant. Quem
tur. enim alium se habere, cui salutem suam committant? aut cui
 satis firmos humeros fore, ut post Sertorium tantam rerum
 molem sustineant ferantque?

Perpernam XV. Sane non deesse, qui praecipiti ambitione ad capeffen-
contemnit. da imperia ruant. Sed brevi appariturum, quanto majora vi-
 ribus onera susceperint. Non enim majorum imaginibus, aut
 patrimonii magnitudine, sed solido robore animi, sapientibus-
 que consiliis sustineri ac geri bella posse. Igitur, commutatis
 ducum artibus, fortunae quoque similem mutationem haud ini-
 juria timeri. Egregiam scilicet spem in successore ostendi, si
 Sertorium Perperna excipiat, summum virum ducemque vulgaris.

XVI. Haec Romanae copiae fremebant, majoribus
 et pluribus apud exteras querelis. Lusitani ante om-
 nes, quod eorum praecipua semper opera Sertorius
 uti consueverat, optimum imperatorem, fortissimum commi-
 litionem, virtutis remuneratorem liberalissimum requirebant.
 Ut vero, aperto Sertorii testamento, scriptum ab eo
 Perpernam haeredem fuisse innotuit, et detestatione
 tam ingrati facinoris magis exarserunt animi; nihil
 propius factum, quam ut poenas ab homicida suis
 manibus sumerent: nisi discurrens per contubernia
Perperna cum ducibus Perperna quosdam donis, alios promissis,
milites et so- nonnullos etiam minis pacasset, etiam uno et al-
cios concilia- tero, ad terrorem ceterorum, ferro interemptis. De-
re nititur. inde socios populos obeundo, quo illorum odia miti-
 garet, orsus ab Osca, ubi patrata caedes fuerat, con-
 ciones ubique blandas habuit; apertis carceribus, qui
 erant ab Sertorio vincti, dimisit; obsides civitatibus
 reddidit.

Cap. XVI. Vell. 2, 30. Appian.

XVII. Sed earum multae cum execratione nefarii hominis, missis ad Metellum Pompejumve legatis, in fidem Romanorum venere: praesertim ubi, sumpto imperio, Perperna statim crudelis apparuit, tribus illustribus viris, qui una ex urbe profugerant, fratri-que filio, interfectis. Igitur Metellus, adversus talem hostem duobus exercitibus rem non indigere judicans, diversam Hispaniae partem interim pacaturus, debellandum Pompejo reliquit.

U. c. 680.
A. C. 72.
*Multae ci-
vitates ad
Metellum
Pompejumve
desciscunt.*

XVIII. Inter hos per aliquot dies levibus certaminibus quam tentatae utrimque vires animique essent, decima die collatis signis dimicatum. neutri enim diutius rem differri placebat, quod Perpernam Pompejus sperneret; Perperna, donec in officio milites essent, eorum utendum opera arbitraretur. Sed ea pugna, temere a Perperna commissa, dignum auctoris imprudentia exitum habuit. Namque Pompejus, parte copiarum idoneis locis subsidere iussa, cum decem cohortibus processit: eamque velut escam ut objiceret hosti, sparsit per campum suos, et Perpernam spe hujus opprimendae manus illexit. Ita contracto certamine, quasi resistere non posset, hostem deduxit ad locum insidiarum: ibi ab utroque latere prorumpentibus, qui erant occultati, conversus Sertorianos ad internecionem cecidit.

*Perperna
vincitur.*

XIX. Perpernam, quam se non minus suorum, quam hostium, metu in sentibus abdidisset, quidam equites retraxerunt; probra dirasque cumulantibus, qui eum videbant, Sertorianis, quod homo nihili praestantissimum virum dolo, ceteros omnes imperitia et stoliditate perdidisset. At ille nihil aliud, quam ut salvus ad imperatorem deduceretur, postulabat. habere enim se principum Romanorum literas, quibus Sertorius in Italiam acciretur. Ibi prudentissime praesentibus usum esse Pompejum Roma judicavit, quod, priusquam in conspectum veniret Perperna, iussit hominem occidi: epistolas neque legit ipse, neque legendas concessit, sed continuo cremavit omnes; eoque facto novarum rerum oppressis seminibus, terrore atque sollicitudine ingenti respublica liberata est. Neque tamen defuerunt, qui carperent, quod hominem, Sicilia sine certamine

*Captusque,
occiditur.*

Cap. XVII. Oros. Plut. Appian. Cap. XVIII. Plut. Pomp. Oros. Plut. Sertor. Cap. XIX. Appian. Plut. Pomp. et Sertor. Appian. Plut. Pomp. Supra, 89, 1.

U. c. 68o. *tradenda bene meritum, indemnatum occidisset.* Sed, adversus hanc criminationem, istud Pompeji factum et suae aetatis et sequentium judicia frequentibus suffragiis absolverunt. Sic Perperna poenas occiso per fraudem Sertorio dedit.

Reliqui etiam conjurati male perierunt.

XX. Ceteros conjuratorum partim victor interemit, partim fuga tulit in Africam, ubi Maurorum jaculis confixi sunt. neque praeter Aufidium quisquam evasit; si modo evasisse dicendus est, qui, contemptus invisusque omnibus, in vico quodam barbarico consenuit. Reliquus Pompejo labor recipiendi dedentem se Hispaniam fuit. Osca, Termes, Tutia, Valentia, victoris se permiserunt potestati. duas, Uxamam et Calagurim, reliquiae partium. validis praesidiis occupatas retinebant: quae deinde expugnatae.

Finis belli Sertoriani.

XXI. Hic finis ejus in Hispania belli fuit; quod, a fuga Sertorii ortum, decimo ferme anno cum ipse duce defecit: gravius haud dubie diuturniusque futurum, si longior ei viro vita suppeditasset. De his rebus quum senatui Pompejus scripsisset, multosque se virtutis causa civitate Romana donavisse diceret; senatus mandavit consulibus, *ad populum ferrent, uti cives Romani essent ii, quibus Cn. Pompejus imperator de sententia consilia sigillatim civitatem dedisset.* Consules ad populum tulerunt, eaque lex accepta est.

Spartacus Manlius et Cassium vincit.

XXII. Ceterum Hispaniensis victoriae gaudium, ne nimium fieret, Italica clade temperatum est. C. Cassius proconsul, Cn. Manlius praetor male adversus Spartacum pugnarunt. Nec ultra de Cn. Manlio comperi. Cassius, Circumpadanae Galliae proconsul, contendenti ad Alpes Spartaco castra apud Mutinam opposuerat, decem militum millia ducens. Horum quum plerique cecidissent in acie, proconsul vix fuga evasisset, castra deleta sunt: et cum ingenti praeda fugitivi ad praesidia sua recesserunt.

Senatus vetat consules quidquam pro imperio agere.

XXIII. Senatus, ob tot acceptas a contemptissimo hominum genere clades pudore et metu sollicitus, et culpam in consules conferens, vetuit hos quidquam deinceps pro imperio agere. Nam, qui erat inter duos melior, Gellius tamen imperite gerebat rem, et ex-

Cap. XIX. Appian. Plut. Sertor. Cap. XX. Oros. Flor. Cap. XXI. Liv. Epit. Appian. Cic. pro Balbo, c. 8. Cap. XXII. Liv. Epit. Plut. Crasso. Flor. 3, 20. Oros. 5, 24. Plut. Cap. XXIII. Plut. Cat. Min.

ercitum in luxum ignaviamque labi patiebatur. Quare infensus ei militiae Cato, quum propter fratrem Caepionem, qui tribunus militum erat, nomen sponte dedisset, honores et praemia, quae offerebat consul, accipere noluit: nihil iis dignum actum esse dictitans. Idcirco tantus ea tempestate terror urbem occupavit, non levius jam Spartaci arma, quam olim sub Hannibale Punica, timentibus, ut praetoriis comitiis candidati deessent. Ibi M. Licinius Crassus, nobilitate ac divitiis inter primos, quum ad praeturam petendam providisset, summa hominum voluntate factus est.

U. c. 680.
A. C. 72.

XXIV. Sub idem tempus L. Lucullus, post fugam Mithridatis Nicomediam profectus, cum M. Cotta ceterisque ducibus Romanis de ratione belli consilio habito, ita partitus erat vires, ut ipse per Cappadociam et mediterranea provinciarum, cum maxima virium parte, imperii Mithridatici arcem peteret: M. Cotta ad recipiendam Heracleam iret: cum reliqua classe Triarius Mithridaticis navibus, ex Hispania et Creta reducturis, insidiaretur. Neque defuerant, qui interquiescendum arbitrarentur, reficiendosque ex nimio et continuo labore milites. sed Lucullus, utiliore regi moram averfatus, per Bithyniam Galatiamque ad praesidia Mithridatis perrexit.

Lucullus cum aliis Romanis ducibus de Mithridatico bello consulat,

XXV. Neque regi tempus per ignaviam terebatur, quin ab Amiso legatos ad Scytharum regulos, Parthumque Arsacem, et generum Tigranem mitteret. Omnibus eadem mandata erant: *Aliis regibus atque nationibus, compluribus de caussis, pacem bellumque saepe mutari: raro ad cujusquam perniciem extendi odia; sed, ubi satisfactum injuriis suis victor censeat, arma poni solere.* Populo Romano cum reliquo terrarum orbe unum idemque perpetuum bellum esse, quod, nisi dominatione aut interitu illius, poni nequeat.

Mithridatis mandata ad reges.

XXVI. Illum olim tantum astutia valuisse, ut, donec multis subjugatis gentibus in formidabilem potentiam exurgeret, semper alios ab aliis disjunxerit, ne invicem ope ferenda imminens omnibus jugum, unius periculo, communi commodo, averterent. Ita desertos destitutosque cepisse singulos, ut horum deinceps armis ac sanguine etiam longius distros aggrediretur. Sic Italiam primo redegit sub suas leges; mox variis coloribus infulas, deinde Africam, postremo magnis auscibus Macedoniam, Acchiam, Asiam accessisse; remque eo deductam

Romanorum astutiam criminatur.

Cap. XXIII. Oros. Appian. Cap. XXIV. Memnon. Plut. Lucull. Cap. XXV. Appian. Mithrid. Memnon.

U. c. 680. *esse, ut multi reges, tamquam pro ingenti beneficio, quod non*
 A. C. 79. *ante supremam diem exuti fuerint opibus suis, haerede populo Romano decesserint.*

*Cui sit ob-
viam cun-
dum commu-
niter.*

XXVII. Tanta potentia auctos Romanos non jam curare praetextum armorum, et decora nomina; sed satis habere, si, quamlibet injuste egisse crediti, appetitis potiantur. Quid enim sibi posse imputari? cujus patientia maximas contumelias simul injuriasque pertulerit, quo insignitior hostium iniquitas fieret. Igitur pro se unumquemque, et, quanto quis sit potentior, tanto impensus niti oportere, ut hi communes omnium hostes orbisque praedones opprimantur. Eoque animo esse debere pro se quemque, ut, quod ad hos retundendos auxiliorum suppeditaverit, non Mithridati magis, quam sibi ipsi primum, deinde publicae generis humani libertati, praestitum putet.

*Regum ro-
sponsa.*

XXVIII. Haec ad alios precibus exponenda mandata dedit: at Macharem, Bosporo imperantem, jure patris dominique excivit. Ceterum Parthus, procul a se periculum esse reputans, neque sapientis praeter necessitatem arcessere molestias, auxilia denegavit. Scythica moratus est Diocles, cui ea credita legatio fuerat: namque multo cum auro et praeclaris muneribus, quae ad regulos mittebantur, in castra Luculli transfugit. Tigranem diu tergiversantem filia Mithridatis expugnavit, ut societatem cum eo novam pacisceretur.

*Luculli ino-
pia primum,
deinde copia.*

XXIX. Interea, quo Luculli impetum retardaret, praefectorum quosdam cum equitatu misit, qui negotium ei facerent. sed nihil aequae illum, quam famem, fatigabat, corruptis late, jussu regis, quae in ejus manus perventura fuerant: et multi commeatus insidiis latronum interierant. Igitur triginta millia Gallograecorum, singulos frumenti modios humeris portantium, sequi exercitum jussit. donec multis levibus certaminibus regiones submovendo in regiones belli cladibus intactas penetravit. tantaque mox rerum omnium copia adfuit, ut bos denario, mancipium denariis quatuor emeretur, ceteraeque praedae ea vilis esset, ut, quia distrahi nequibat, a militibus corrumperetur.

*Themiscy-
ram oppu-
gnat.*

XXX. Interea Lucullus Amisum et Eupatoriam obsidere coeperat, simul parte exercitus ad oppugnandum.

Cap. XXVIII. Appian. Memnon. Appian. Memnon. Cap. XXIX. Plut. Sall. Hist. 2, 5. Plut. Appian. et Plut. Cap. XXX. Appian.

dam Themiscyram missa, quae ad Thermoodontem fluvium Amazonis, a qua condita esset, habere nomen dicebatur. Hic operibus cuniculisque tentata omnia sunt, qui tam ampli fodiebantur, ut quandoque in eis velut subterraneae pugnae fierent. Eos obsessi superne aperiebant, immisissisque ursis, et aliis bestiis, interdum et apum examinibus, eos, qui in opere erant, omni genere calamitatis vexabant.

U. c. 680.
A. C. 72.

XXXI. Circa Amisum segnior obsidio erat, et Mithridates, audito, eam sine proeliis adsideri, recepto *Amisum obsidet.* animo, Cabiris substiterat, alium exercitum colligens. Id Lucullus non aegre patiebatur, reprehendentibusque dicebat, consulto se id agere, ne, rebus desperatis, ad Tigranem confugiens hostis majorem belli molem concitaret. Igitur Mithridates, contractis quadraginta ferme peditum, octo equitum millibus, Diophantum et Taxilem cum novis copiis ad priores praefectos misit; a quibus Amisum destinata subsidia, et frequentia equestria certamina, sed nullo eximio in alterutram partem momento, facta sunt.

XXXII. Dum haec a Mithridate et Lucullo geruntur, M. Cotta proconsul Prusiada Bithyniae venit. *Cotta Hera- cleam oppugnat.* inde, Pontici maris oram legens, ad Heracliam accessit. Ibi, quia pacati nihil respondebatur, adducto ad moenia exercitu, oppugnationem tentare non ausus, per partes Heracliam adfultabat, paucos subinde Romanos milites, sed magnum Bithynorum numerum, moenibus admovens. Sed, quum inani incepto nihil praeter vulnera reportaret, testudine effecta, adhibuit arietem, et turrim, quae adversus vim non diu duratura videbatur, pulsare instituit. Sed, ubi semel iterumque percussa turris non modo praeter opinionem reslitit, sed etiam arietis perfractum caput est, Heracleotae bono animo, proconsul iniquiore, esse coeperunt.

XXXIII. Igitur quum postridie denuo frustra turrim verberasset, machinas cremari, architectorum praeseidi capita jussit; praesidiisque juxta muros constitutis, cum majore parte copiarum in campo Lycaeō confedit, loco fertili, ad alendum militem copioso. unde quum Heracleoticum agrum omnem evasisset, obsessi, penuria fatigati, denuo ad Chersonesi incolas, et Theo-

Heracleotae penuria fatigantur.

Cap. XXXI. Plut. Sall. Hist. 4, 1. Appian. Plut. Memnoni.

U. c. 680. dosianos, et, qui Bosporum accolebant, regulos, so-
A. C. 72. cietatem et annonam petitum, miserunt.

*Praesidia-
arii militis
insolentia.* XXXIV. Et legato quidem satis fuit felix. ceterum
oppidanos et hostes foris, et intra viscera crudelius
praesidiarii milites angebant: qui, eodem, quo vul-
gus agebat, victu minime contenti, lautiores cibos ab
egenis et famelicis hominibus vi ac verberibus extor-
quebant. Neque Connacorix praefectus ista cohibe-
bat: quin ille deterrimus omnium gaudebat hac violen-
tia, licentiaeque suorum impunitatem addiderat. Haec
ferme his consulibus bello gesta sunt.

*Judicio no-
vaeque leges
novae.* XXXV. Res urbanas non tam parvitas earum, quam
scriptorum penuria, tradi vetat. Ceterum inopia Ro-
mae laboratum, piratis maria pejus omni tempestate
praecludentibus. Et judicia legesque novae civitatem
inquietam habuerunt. Clodius quidam tribunus ple-
bis sacerdotes virginesque Vestales, tamquam parum
caste sacra facerent, ad populum criminabatur, et ad
*Catilina ab-
solvitur in-
cesti.* turbas haud exiguas res spectabat. Catilina quoque
reus incesti, quod cum Fabia commisisset, accusaba-
tur. Sed Clodium M. Cato, quum ingenium ejus pro-
positumque multis verbis acriter coarguisset, desinere
actiones suas coëgit. Catilina favore Catuli, et quia
Terentia Ciceronis, soror erat Fabiae, absolutus est.

XXXVI. At consul Cn. Lentulus, perincertum sto-
lidior, an vanior, legem de pecunia, quam Sulla em-
ptoribus remiserat, exigenda promulgavit. Verbum
quoque in senatu Cn. Lentulus, L. Gellius consules
fecerunt, placere statui, si Patribus conscriptis vide-
retur, ne absentes homines in provinciis rei fierent.
Id Sthenii Thermitani causa factum, de quo supra
meminimus. Sed, impediante Verre patre, negotium
omissum est. Eodem anno quum, perpetua magnarum
urbium pestis, ignota et flagitiosa colluvies Romam in-
undaret, tribunorum plebis collegium edixit, non li-
cere quemquam Romae esse, qui rei capitalis condem-
natus esset.

*De tribuni-
tia potestate
restituenda
actum.* XXXVII. De tribunitia quoque restituenda potesta-
te acriter actum: eamque rem M. Lollius Palicanus,
humili loco Picens, loquax magis, quam facundus,

Cap. XXXV. Flor. 3, 6. Plut. Cat. Min. c. 26. Sall. Catil.
c. 15. Oros. 6, 3. Plut. Oros. Ascon. in Tog. Candid. Cap.
XXXVI. Sall. Hist. 4, 1. Cic. in Verr. 2, 39. Supra 89, 6.
Cic. ibid. 41. Cap. XXXVII. Ascon. in Divin. Sall. In-
cert. 9.

sed imperitorum auribus aptus, magnis clamoribus, et ad extremum felicibus, ursit, ut suo loco memorabimus.

U. c. 681.
A. C. 71.

Cn. Aufidio, P. Cornelio Coll.

XXXVIII. Sequens annus Cn. Aufidium Orestem, P. Cornelium Lentulum consules vidit. Lentulo cognomentum Surae a causa minime honesta accesserat: quia Sullanis temporibus quaestor magnam pecuniae publicae summam prodegerat: postulante deinde rationes Sulla, perfricta fronte dixerat, eas se non posse reddere, sed praebere suram, qua parte corporis pueri, si forte, dum pila se exercent, peccavissent, ex lege ludi verbera perferebant. Non igitur quaerendum est, cur, hoc consule, praetori M. Crasso servile demandarit bellum senatus: at collegam ejus Cn. Aufidium quae causa removerit, difficilius sit dicere. Credo praelatum illi Crassum ob peritiam rei militaris fuisse, cujus jam ante haud contemnenda documenta dederat. et erat iis temporibus permagna Crassi auctoritas, proficiscentemque multi nobiles in bellum sponte sequuti sunt.

Surae cognomentum unde Lentulus habuerit.

XXXIX. Legiones in universum habebat octo: quippe priorum consulum exercitum novi delectus auxerant. Igitur, quia venturus in Picenum Spartacus erat, ut eum praeverteret, festinanter copiis ductis, legatum suum Mummium cum viginti cohortibus, ad circumveniendum a tergo hostem, diverso itinere misit, cum mandatis, ut, quum perventum esset, quo voluisset, Spartacum sequi contentus, a pugnando abstineret.

Mummium Crassi legatus.

XL. At ille, simul aliqua spes bene gerendae rei cupienti animo adlucere visa, spreto imperio, contulit signa, victusque multos amisit milites: plures, abjectis armis, ad Crassum refugerunt. Ille, Mummio acriter increpito, militibus alia dedit arma, sponsoresque exegit, ea non omitturos. Deinde quingentos, a quibus initium ortum fugae fuerat, sorte ductos, more majorum fusti percussit. Hoc propius fidem est, quam, quod alii, totum exercitum, legiones octo decimatas, ajunt, militumque ad millia quatuor eo supplicio periisse.

A Spartaco vincitur.

Cap. XXXVII. Cic. Bruto, c. 62. Cap. XXXVIII. Ascon. Plut. Cic. c. 22. Liv. Epit. Plut. Crasso. Cap. XXXIX. Appian. Civil. l. 1. Oros. 5, 24. Plut. Cap. XL. Polyb. l. 6. c. 35. Appian.

U. c. 681. **XLI.** Nec alio tempore clarioribus documentis apparuit, quam salutaris sit severitas, ubi leniora remedia contemnuntur. Nam post hanc animadversionem, ducis majore, quam hostis, metu apud suos excitato, decem millia fugitivorum seorsim stativa habentium aggressus, sex millia eorum interfecit, cepitque nongentos. Reliqui quum ad ducem refugissent, Crassus in ipsum quoque intulit signa, prospectumque proelium fecit.

Spartacus in Siciliam trajicere conatur. **XLII.** Tum Spartacus per Lucaniam ad fretum contendit, in Siciliam transiturus: quae insula ex bellorum servilium inceptio, quo saepe et nuper erat agitata, multas adhuc scintillas velut sub cineribus alebat, exituras in flammam, si mediocri motu tamquam flabellis excitarentur. Igitur, quum forte praedatoria navigia venissent ad fretum, egit cum Cilicibus, ut certa mercede partem suorum, duo millia erat missurus, in insula exponerent. Sed, deceptus a Cilicibus, proposito excidit: quod illi post accepta munera, solutis navigiis, taciti abscefferant. Spartacus, (postquam ad trajiciendum rates ex cratibus fieri jussit, et dolia virgultis connecti, sed in rapidissimo freto fragile machinamentum cito dissolutum est) relicto litore, reduxit copias, et in Rheginorum peninsula consedit.

Sed circumvallatur a Crasso. **XLIII.** Neque Crassus cunctanter insequutus, ubi locorum consideravit ingenium, maximo operi admolitus est manum, fossaque, pedes quindecim alta, latitudine pari, a mari ad mare per cervicem ducta, murum insuper excelsum firmissimumque adstruxit. ingentem laborem (quippe circa Bruttium angulum millibus quinque et triginta Italia patet) brevi tamen tempore severitas et industria ducis perfecit. Eos conatus a principio Spartacus deriserat. sed, ubi, consumpta proximorum locorum praeda, ne aliunde petere commeatum posset, interclusum se obsessumque conspexit, his conatus erumpere, ut Samnium peteret, magna cum clade est repulsus. sub primam lucem sex amisit millia, totidem fere noctis initio; quum adeo facilis esset Romanis loco adjutis pugna, ut septem tantum gemino eo proelio vulnerati, tres

Cap. XLI. Oros. Appian. Cap. XLII. Plut. Flor. 3, 20. Plut. Cap. XLIII. Sall. Hist. 4, 13. Appian. Plut. Flor. Appian.

interempti tradantur. Nam virtute par, aut forte superior Spartaci miles fuerat, adeo nullius, quam pugnae, memor, ut e duodecim millibus trecentis caesorum negent plus, quam in duobus, aversa reperiri vulnera potuisse.

U. c. 681.
A. C. 71.

XLIV. Idcirco, non ausus ultra vim universam experiri, diversis partibus eruptionem minitando, subitis et continuis velitationibus vexabat Romanos, fascibusque in fossam injectis immittebat ignem, quo difficilior munientibus labor fieret. Deinde, ut suorum animos metu supplicii ad pervicaciam firmaret, e captivis Romanis unum medio inter duo castra spatium adfixit cruci, *ejusmodi supplicium neminem viraturum esse praedicans, nisi qui e praesenti periculo virtute se explicassent.* Tandem, omnibus tentatis, noctem nivisam ventisque streperam nactus, partem fossae caesis captivorum pecorumque corporibus, materiaquo injecta, et terra superadgesta complevit: partemque ferre tertiam exercitus statim, deinde hujus praesidio reliquas copias, transduxit.

Et tamen erumpit.

Cap. XLIII. Plut. Pomp. et Craffo. Cap. XLIV. Appian. Plut. Craffo. Frontin. Strat. 1, 5. 20. Plut. Craffo. Appian.

E P I T O M E

LIBRI NONAGESIMI SEPTIMI

M. Crassus praetor primum cum parte fugitivorum, quae ex Gallis Germanisque constabat, feliciter pugnavit, caesis hostium triginta quinque mil-

Ex Gallis Germanisque constabat] ex Germanis Gallisque solus Boend. Reliqui ordinem, qui vulgo obtinet, tuentur. Et hoc modo Frontin. 2, 5, 34. Parte alia Gallos Germanosque ex factione Casti et Gannici eliceret ad pugnam. Etiam Oros. 5, 24. Gallos auxiliores ejus Germanosque superavit. quae verbotenus descripsit Freculph. part. 2. Chron. lib. 6, 16. Ceterum Epitome haec ommissa erat in cod. Voff.

Caesis inimicorum triginta quinque millibus] Vet. lib. hostium. SIGON. Similiter scripti mei, Exc. Pithoei, et ed. Campani. Vide ad Epit. 110. Deinde quindecim millibus Leid. Male. Front. loc. laud. Triginta quinque millia armatorum eo proelio interfecta cum ipsis ducibus, Livius tradit. Alii numerum minorem ediderunt. Oros. 5, 24. E quibus triginta millia hominum cum ipsis ducibus occidit. Freculph. l. laud. ab eo dissentiens, xxxiii. millia hominum occisa memorat. τριακοσίων ἐπὶ διαχίλιος καὶ μύριοις interfectos refert Plut. in Crass. pag. 549.

Et duce eorum Granico] Plutarchus [pag. 549.] eum Cannicum appellare videtur: ὡς ἀπὸ γούνο Καννίκιος καὶ Κράτος. Gu-

diani Ganico. J. FR. GRON. V. adnotata ad Frontin. 2. Strateg. 4, 7. et 2, 5, 34. Plutarchus scribit, eos, qui C. Cannicio et Casto ducibus a Spartaco secesse- rant, Gallos scilicet et Germanos, ut ait Frontinus, a Crasso victos fuisse. Sed praenomen Γάιος, quod Cannicio addit Plutarchus, nec Gallo, nec Germano convenit. Fuit fortassis C. Cannicii alicujus libertus, vel unus e colluvie ingenuorum Italico- rum; quos ad Spartacum confluxisse, Appianus auctor est. DUKER. et ducibus eorum, et Gannico Leid. et ducibus eorum caesis et Gannico Lovel. 2. et ducibus eorum caesis Sacico Boend. et duce eorum caesis. Gannido cum Spartacho Berg. Gannico, pro Granico, etiam Exc. Pithoei. et duce eorum Eranico ed. Campani.

Cum Spartaco deinde bellavit] Clariss. Jac. Perizonius ad marginem Livii legendum conjecit dein debellavit. Idem etiam Crevierio in mentem venit; qui et in contextum recepit. Verum τὸ dein, quod Livio frequens est, aut numquam, aut rarissime in Epitomis occurrit. Potius igitur legendum puto deinde debellavit, ut postrema prioris vocis syllaba primam sequentis eliserit. Simile exemplum habuimus supra apud Liv. ad 40, 50, 5.

libus, et duce eorum Granico. Cum Spartaco deinde bellavit, caesis cum ipso millibus sexaginta. M. Antonius praetor bellum adversus Cretenses, parum prospere susceptum, morte sua finivit. M. Lucullus proconsul Thracas subegit. L. Lucullus in Ponto adversus Mithridatem feliciter pugnavit, caesis hostium amplius quam sexaginta millibus. M. Crassus et Cn. Pompejus consules facti (sed Pom-

Caesis cum ipso millibus quadraginta] Vet. lib. LXX. Orosius LX. millia cecidisse arbitrat. DELR. caesi cum ipsis LXX millibus Boend. caesis cum ipso LXX millibus ed. Camp. caesis cum ipso LXLov. 2. caesis cum ipso LXM. Berg. caesis cum ipso sexaginta millibus Leid. Et hunc numerum edidit Oros. 5, 24. Novissime ipsum Spartacum, disposita acie congressum, maximasque cum eo fugitivorum copias perculit. Nam sexaginta millia eorum caesa, sex millia capta referuntur. tria millia civium Romanorum recepta sunt. Ex quo id totidem verbis repetiit Freculph. in Chron. part. 2. lib. 6. cap. 16. Eutrop. 6, 7. Multis ducibus et duobus simul Romanorum consulibus victis, sexaginta fere millium armatorum exercitum congregaverunt, victique sunt in Apulia a M. Licinio Crasso proconsole. Plurimum itaque codicum, laudatorumque historicorum auctoritate permoveor, ut credam, in vulgata scriptura errorem commissum, et, transpositis numerorum notis, LX, pro XL, legendum esse, et emendandum similiter Vell. Paterc. 2, 30. Quorum (fugitivorum) numerus in tantum adolevit, ut, qua ultimo dimicavere acie, LX millia hominum

se Romano exercitui opposuerint. Hujus patrati gloria penes M. Crassum fuit. ubi nunc editur XL millia, et viri docti XC millia scribendum conjiciunt. Quod nec ipsum displicet, Caesarum numerum iniri non potuisse, testis est Appian. 1. B. Civ. 426. Ceterum, librorum numerorum notas LX et XL alibi confundere solitos fuisse, docuimus supra ad 10, 38, 4. et 36, 40, 12. Idem error obcurrit infra Epit. 98. 99.

Bellum adversus Cretenses parum prospere susceptum] Ita Gruterus edidit, cum quo fecisse videtur Leid. unde nihil in excerptis ad hunc locum notatur. Antea edebatur parum prospere gestum, quod superest in Berg. Lov. 2. Boend. Exc. Pithoei, et Norv. Ascon. ad Cic. Divin. in Caecil. 17. Antonius rem inauditam invasit, et, indicto Cretensibus bello, male re gesta ibidem periit. Mox morte sua finiit Leid. morte sua finit Lov. 2. sua morte finivit Berg. Deinde voces proconsul Thracas subegit. L. Lucullus desunt in Boend. culpa librarii, cui fraudi fuit repetita vox Lucullus. V. ad Livii 9, 11, 11.

Caesis hostium amplius quam sexaginta millibus] Tò quam non video in Gudiano. J. FR. GRON. Vocula quam non neces-

pejus, antequam quaesturam gereret, ex equite Romano) tribunitiam potestatem restituerunt. Judicia

saria quidem est; eam tamen omnes Miti mei constanter servant. Unius itaque fide eam expungere non audeo.

M. Crassus et Cn. Pompejus consules facti sunt sicut Pompejus etc. restituerunt]* Locus mutilatus, merito asterisco notatus. Vetusti libri nihil varietatis habent, nisi quod *facti sic* ibi est. Ex quo colligo, ita esse legendum: *M. Crassus et Cn. Pompejus consules facti, ut Crassus ex praetura, sic Pompejus, antequam quaesturam gereret, ex equite Romano, tribunitiam potestatem restituerunt.* Eamdem enim rem, ut memorabilem, edit etiam Appian. lib. 1, [426.] hoc modo: *Ἐς δὲ ὑπατεῖαν ἀμφω παρήγγελλον. ὁ μὲν ἐστρατηγικῶς κατὰ τὸν νόμον Σύλλα, ὁ δὲ Πομπηῖος ὄντε στρατηγῆσας, ὄντε ταμειύσας, ἔτος τε ἔχων τέταρτον ἐπὶ τοὺς τριάκοντα.* Id est, *Consulatum autem ambo se petituros esse professi sunt: is quidem, cum praetor ex lege Sullae fuisset; Pompejus autem, neque praetura, neque quaestura perfunctus, anno aetatis quarto et tricesimo.* Puto tamen legendum *sexto et tricesimo*: quod quisque intelliget, qui aut ortum aut obitum Pompeji cum primo consulatu ejus conferet. Duabus ergo legibus solutus est: una, quod praeturam non gesserat; altera, quod ante annos aetatis legitimos factus est. Quare merito pro Pompejo ait Cic. [pro l. Manil. 21.] *Quid tam singulare, quam ut ex S. C. legibus solutus consul ante fieret, quam ullum alium magistratum per leges capere licuisset?* SIGON. Locum sola interpunctione, frustra sudante Sigonio, sic sanabam. divisa una voce *sicut* in

duas: *M. Crassus et Cn. Pompejus consules facti sunt sic, ut Pompejus, antequam quaesturam gereret, ex equite Romano.* PIGH. in Annal. ad A. V. 136LXXXIII. pag. 310. Locus hic stigmatum est, et asterisco notari jussus Caroli Sigonii auctoritate: cujus viri etsi summa est apud me, ut esse debet, auctoritas, tamen fas sit interdum sine malevolentia dissentire. Si legas, et interpungas, voce *sicut* diducta in duas *sic, ut*, planus erit sensus; tametsi non inficior, verum esse, quod Sigonius adjicit, *ut Crassus ex praetura.* Dein evincit librorum, quos Carolus adhibuit, fides, qui *facti sic* integre praeferunt, ut divisam appareat dictionem, sensu plana. ANDR. SCHOTTUS lib. 3. Observ. Human. c. 6. Totum hoc [ut Crassus ex praetura, sic] de conjectura interposuit Sigonius, cujus nullum aliud habet argumentum, quam quod in veteri libro invenit *facti sic*, pro *facti sunt*. Mihi vero videtur, cur de Crasso adderet hoc auctor, causam nullam habuisse, cum ille per eodem gradus et articulos productus sit, per quos omnes vulgo. Delendum potius aliquid, quam infulciendum, hoc modo: *consules facti (Pompejus, antequam quaesturam gereret, ex equite Romano) tribunitiam potestatem restituerunt.* J. FR. GRON. Et supplementum, quod interponit Sigonius, et ejectio vocis *sicut*, quae placet Gronovio, nullius codicis testimonio firmatur. Nec facile quemquam probaturum puto, quod Pighio et mox Schotto in mentem venit, quum ita vix sensus confiet. In eo etiam Schottus erravit, quod locum auctoritate Sigonii afferi-

quoque per *L. Aureliam Cottam* praetorem ad equites Romanos translata sunt. *Mithridates*, despe-

sco notatum scribat, quum Frobenius diu ante Sigonium anno 1531. eum apposuerit, et reliqui post Frobenium editores servarint usque ad Sigonium; qui, asterisco sublato, plures ex conjectura voces substituit. *consules facti, sicut Pompejus praeferunt Berg. Lov. 2. Boend. et ed. Camp. sed egregie consules facti, sed Pompejus* Leid. Hinc, recepta Gronovii distinctione, legendum est: *M. Crassus et Cn. Pompejus consules facti (sed Pompejus, antequam quaesturam gereret, ex equite Romano) tribunitiam potestatem restituerunt*. Quod etiam in contextum recipere non dubitavi.

Per M. Aurelium Cottam] Lege *L. Aurelium*. Paedianus enim pro Cornelio: *Fuerunt tres fratres C. M. et L. Aurelius Cotta, is qui lege sua judicia inter tres ordines communicavit, adeptique sunt omnes consulatum*. SIG. Post decem annos, quam a Sulla equitibus adempta, et ad senatum translata fuerant. Nam tot annos numerat Cicero Act. 1. in Verr. 13. a lege Sullae ad eum, quo ipse Verrem accusavit, id est, ad A. V. 13CLXXXIII. Pompejo et Crasso, utroque primum, consulibus; quo anno Cottam legem de judiciis promulgasse, e lib. 2. in Verr. 71. 3, 96, et 5, 69. constat. Quod autem hic judicia per Cottam ad equites Romanos translata dicuntur, non habet hanc sententiam, post legem Aureliam solos equites iudices fuisse, ut post legem C. Gracchi, qui judicia a senatu ad equites transferat. Certum enim est, lege Aurelia judicia inter tres ordines, senatum, equites et tribunos aerarios, communicata fuisse. Hoc ex Asconio in Divinatione

nem Ciceronis in Caecilium cap. 3. ad Orat. in Pison. cap. 39. et ad Cornelianam dudum docuerunt Budaeus ad l. 18. §. 14. D. de Munerib. et Manutius de Legib. Rom. cap. 15. et etiam ex eo apertum est, quod Cic. 1. Philipp. 8. centurionibus quoque in tertiam decuria iudicum lege Aurelia iudicatum patuisse dicit. Et ex ea deinde per multos annos lectos fuisse, qui res iudicaret, ostendunt exempla iudiciorum apud Cic. 1. ad Att. 16, 2. ad Q. Fratr. 5. et 16. et apud Ascon. ad Orat. pro Scauro et Milon. in extremo. Julius Caesar demum, teste Sueton. in vita illius cap. 41. sublatiis tribunis aerariis judicia ad duo genera iudicum, senatores et equites, redegit: quod ab illo post victoriam de Scipione et Juba factum tradit Dio lib. 43. pag. 226. Haec igitur quum sine controversia vera sint, quaeri potest, quid sit, quod auctor Epit. Liv. hic scribit, judicia per *L. Aurelium Cottam ad equites Romanos translata* esse? Nam *judicia transferri* dicuntur, quum adempta ordini, e quo solo iudices antea legebantur, ita ad alium ordinem transferuntur, ut deinde ex eo, penes quem ante fuerant, nemo iudex esse possit. Cicero Act. 1. in Verr. 13. de Sulla: *Inter decem annos, posteaquam judicia ad senatum translata sunt*. Et ibid. *Judiciis ad senatorium ordinem translatis*. Florus 3, 13, 8. de C. Graccho: *A senatu in equitem translata iudiciorum potestas*. Vellejus 2, 6. de eodem: *Judicia a senatu transferebat ad equites*. Idem 2, 14. de Druso: *Quum judicia ab equitibus ad eum transferre ordinem cuperet*. et cap. 32. *Munus iudicandi, quod C. Gracchus ereptum*

ratione rerum suarum coactus, ad Tigranem Armeniae regem confugit.

JO-

senatui ad equites, Sulla ab illis ad senatum transtulerant. Vir longe doctissimus Anton. Augustinus in libro de Legibus sub lege Aurelia in Epitoma non male scriptum dicit, *judicia per Cottam ad equites Romanos translata esse*, quum majori ex parte equites judicarent. Sed hoc testimoniis scriptorum veterum confirmandum fuisse puto. Magis huc pertinet, primum, quod *judicia* non semper eadem significatione transferri dicuntur. Nam ita Cic. Act. 1. in Verr. 8. ad hanc legem respiciens, *Etenim quis poterit, inquit, Verre absoluto, de transferendis judiciis dubitare?* lib. 1. in Verr. 2. *Desinemus nos de judiciis transferendis recusare.* Et ibid. cap. 8. *Ut judicia a vobis (senatoribus) auferantur.* Deinde quod Cicero quoque Divin. in Caecil. cap. 3. lib. 5. in Verr. 69. et Ascon. ad Act. 1. in Verr. 1. quae loca observavit Manutius, de hac lege agentes tantum unum ordinem memorant, quasi Cotta eum solum res judicare voluerit, aut is solus post legem illius indicaverit. Nec Cicero his locis tantum ita loquitur, verum etiam 1. Act. in Verr. 16. 2. Verr. 71. et 3. Verr. 96. ubi ita scriptum est: *Quid possumus contra istum praetorem dicere, qui quotidie templum tenet, qui rempublicam negat sistere posse, ni ad equestrem ordinem judicia referantur?* Sic post Ciceronem Tacit. 11. Annal. 22. *Post lege Sullae viginti [quaeflores] creati supplendo senatui, cui judicia tradiderat, et quamquam equites judicia recuperavissent, quaestura tamen etc.* Et Plutarch. in Pompejo de primo illius consulatu: *Τὰς δίκας πρ-*

πρὸς τοὺς εἰς τοὺς ἰππέας νόμους μεταπεποιμέναις. Quapropter eo minus mirum videri debet, interdum tantum duos ordines, senatorium et equestrem, nominari, et tribunos aerarios praeteriri. Hoc e Cic. pro Cluent. cap. 43. ostendit, et ex eo Vellejum, qui 2, 31. *Cottam munus judicandi aequaliter inter utrumque ordinem partitum fuisse* scribit, ita interpretatur Manutius, eum tribunos aerarios non nominasse quidem, sed tamen non exclusisse. Hanc interpretationem loci Vellejani veram esse, et etiam eo confirmari posse arbitror, quod Cicero in eadem Orat. cap. 47. L. Gellio et Cn. Cornelio Lentulo censoribus, id est Pompejo et Crasso consulibus, *judicia cum ordine equestri communicata esse* dicit, nec mentionem tribunorum aerariorum facit. Ad haec si animum advertisset Lipsius, abstinuisset, credo, conjectura in Vellejo, nec, pro *inter utrumque ordinem partitus est*, legendum putasset *inter ordines partitus est*. Quod autem Vellejus Cottam *munus judicandi aequaliter inter utrumque ordinem partitum fuisse* tradit, haud scio, an ita accipi possit, eum ex utroque ordine parem numerum judicum legi voluisse. Nec tamen aliud hujus opinionis argumentum habeo, quam quod id videtur colligi e numero judicum ex utroque ordine in judiciis, quae ad Orat. Ciceronis pro Scauro et pro Milone memorat Asconius. *DUK. per M. Aurelium Cottam*, ut ante Sigonium edebatur, servant Leid. Berg. Lov. 2. Boend. Exc. Pithoei, et Norv.

JOHANNIS FREINSHEMII

SUPPLEMENTORUM LIVIANORUM LIBER LXII.

IN LOCUM LIBRI XCVII. T. LIVII.

I. Eruptione Spartaci recrudit in urbe consternatio, quam M. Crassi res prosperae, et praeclusi muro fossaeque fugitivi paullisper consopiverant. Et quoniam ipse quoque Crassus, ne Romam properaret hostis, metuebat, et, *ad hoc incendium extinguendum, Cn. Pompejum ex Hispania, M. Lucillum ex Thracia evocari oportere, senatui scripserat: minime dubitatum est, quin utrumque eum imperatorem publicis literis acciri oporteret. Interim M. Crassus, discordia fugitivorum confirmatus, quod Gallicae Germanicaeque copiae, ne Crixii quidem interitu colere Spartacum doctae, ab ipso discesserant; subito has adortus fudit fugavitque a lacu quodam, ubi locum castris ceperant. is lacus, alternante natura, quandoque salsas, aliis temporibus potabiles habere aquas dicitur. Sed superveniens summa contentione Spartacus turbatum exercitum, ne magna aliqua strage plecteretur, vincenti Crasso eripuit.*

U. c. 681.
A. C. 71.
Crassus
partem fugitivorum
fundis.

Sed Spartacus subvictis.

II. In summa tamen potior ad pereundum ferocia dissentientium, quam ad servandum diligentia Spartaci fuit. Ne recenti quidem beneficio moti castra seorsim habere perseverant, Spartacum contemnunt, Granico et Castro ducibus confidunt. Igitur Crassus, abruptas a duce copias deleri posse facile ratus, his insidiabatur. Spartacus, quamquam suorum contumacia doleret, tamen ob commune periculum ita agebat, ut, quando eodem vallo eos continere non poterat, haud longius inde, quam locorum commoditas

Cap. I. Appian. Civil. l. 1. Plut. Crasso. Appian. et Cic. pro L. Manil. c. 11. Plut. Liv. Epit. Oros. 5, 24. Plut. Cap. II. Liv. Epit. Frontin. 2, 4. 7. et 5. 34. Plut. Frontin. 2, 5. 34.

Supplem. Liv. Tom. XIII.

A a

U. c. 681. ferret, castra metaretur. Igitur, illis in agro Crotoniensi castra habentibus, ipse haud magno inde intervallo confedit.

*Tamen ite-
rum insidia-
tur illis Cras-
sus.*

III. Crassus, divisis et ipse copiis, castris hostium bina castra opposuerat, ita partitus, ut majorem numerum contra Spartacum haberet, contra Castum et Granicum multitudine ac virtute inferiores collocaret. Sed, ubi tempus opportunum venisse putavit, quo minores illi duces opprimi possent, noctu commutavit copias, relicto tamen in majoribus castris praetorio, ut ibi esse imperatorem cum validiore parte exercitus Spartacus crederet. C. deinde Pomptinum et C. Marcium Ruffum legatos, cum cohortibus quingenariis duodecim, post montem circummittit. L. Quintium cum parte equitatus ludificare Spartacum jubet; cum alia parte Gallos Germanosque ad pugnam elicere; mox cedendo ad radices montis ducere, ubi ipse cum legionibus instructis erat opperiturus.

*Et, adju-
vante fortu-
na,*

IV. Rectum ducis consilium industria legatorum et temeritas hostium propositi compos fecit. Refugientes ex composito equites, incomposito agmine sequentem hostem quum ad dictum locum pertraxis-
sent, in latera discesserunt: sublatoque clamore, Romana acies excepit barbaros. neque potuisset opportunius res cadere, magno in periculo futuris, qui cum Pomptino Ruffoque erant, si nunciari adventus eorum nondum occupatis hostibus potuisset. namque in eo quum summa spei consistere videretur, ut cuntes, quo mittebantur, deinde prorumpentes fallerent hostem, eaque de causa galeas frondibus contexissent; forte conspecti a duabus Gallicis mulierculis erant, quae, lumine etiam tum incerto, conventum vitantes ad menstrua pro exercitus salute vota solvenda montem adscenderunt. Sed, pugna jam coepta in tempore decurrentes, tantum fugitivorum exercitui terroris intulerunt, ut caedes inde potius, quam pugna, esset. Triginta quinque millia armatorum cum ipsis ducibus eo proelio interfecta; receptae quinque aquilae Romanae, signa sex et viginti, multa praeterea spolia, inter quae quinque fascēs cum securibus.

*Multa ho-
stium millia
delet.*

V. Quum per se magna victoria esset, viam pate-

Cap. III. Plut. Frontin. 2, 4. 7. Frontin. 2, 5. 34. Cap. IV. Sall. Hist. 4, 11. Frontin. 2, 4. 7. Liv. Epit. Oros. Frontin. 2, 5. 34.

fecit ad majorem, neque diu post cum Spartaco debellatum. Crassus enim, poenitens consilii, quod alios advocari duces jussisset, post tantas hostium copias deletas plenus alacritatis ac spei, summa vi instabat reliquis, ut, priusquam Pompejus venisset, cetera belli conficerentur. U. c. 631.
A. C. 71.

VI. Res enim Hispaniae interim in eum statum venerant, ut, omnibus ferme compositis, paucissimae hostium reliquiae essent. Duae praesertim urbes, Uxama et Calaguris, resistebant. sed Uxamam Pompejus evertit. Calaguritani, diu ab Afranio circumsessi, non ante capi potuerunt, quam ad extremam necessariorum inopiam compellerentur. Nam eo feritatis redegit fames, ut, nullo jam alio in urbe animali reliquo, uxorum liberorumque corporibus vescerentur; et, parte consumpta, reliqua cadaverum ad diuturnitatem usus sallerent. Haec scelera nihilominus perituri patrare, quam victoris experiri clementiam, maluerunt. Idcirco, tandem expugnata urbe, interfecti omnes, oppidum ipsum incensum atque deletum. *Calaguri-
tanorum per-
sinacia,*

VII. Interim, deducto reliquo exercitu, Pompejus, quum ad montes Pyrenaeos pervenisset, oppidum de suo nomine condidit (Pompelonem obtinuit vocari, hodie Pamplona est, regni Navarrae caput) et tropaea excitavit, quibus *Pompejus exercitum ducis ex Hispania.* *oppida octingenta septuaginta sex, ab Alpibus ad fines ulterioris Hispaniae, in ditionem redegit* inscripsit: Sertorii nomine dissimulato, quod de Romano tropaeum erigi incivile judicabat, quamquam in eo victo plus gloriae, quam in tot receptis oppidis, esset.

VIII. Transgressus in Italiam Pompejus summa populi laetitia exceptus est; non ob illustrem modo victoriam, bellumque civile, quod omnia externa conciebat, penitus sublatum; sed quia tribunitiae potestatis, quam restitui flagrantissime cupiebant, futurus auctor existimabatur: eaque res jam olim dilata in adventum ejus fuerat. Quo majore studio populus, ut dignitatem ejus augeret, proficisci eum in expeditionem adversus Spartacum jussit. Strepebant quotidiana-

Cap. V. Liv. Epit. Plut. Pomp. c. 31. Cap. VI. Oros. 5, 23. Jul. Exuperant. Oros. Flor. 3, 22. Val. Max. 7, 6. Sall. Hist. 3, 1. et 4, 1. Oros. Jul. Exuperant. Cap. VII. Biblioth. Hisp. Andr. Schotti, 1, 4. Plin. 7, 26. Cap. VIII. Plut. Pomp. Sall. Hist. 3. in Orat. Macri. Appian. Civil. l. 1.

U. c. 681. nis concionibus tribuni plebis, *bunc unum optimum imperatorem, quocumque se vertisset, certam victoriam trahere: simulatque conspectus a fugitivis esset, debellatum fore.*

Crassus festinat, ne Pompejus accederet gloriæ partis.

Spartacus conditiones tentat, negante Crasso.

IX. Eo diligentior Crassus instare Spartaco, festinare, ne penes alium confecti belli gloria foret. Neque minus apud fugitivos properabatur. Forte Spartacus post sociorum cladem, quum ad Petellinos montes se reciperet, insequutos L. Quintium et Tremellium Scrofam Crassi quaestorem fuderat. Ab hac victoria spiritus adeo creverunt fugitivorum, ut progressum in Calabriam ducem convertere agmen, et incedenti per Lucaniam Crasso occurrere cogerent. Neque prorsus carebat ratione consilium, quia, instante jam Pompejo, cunctantibus nulla spes effugii, pugnae quoque sors durior ostendebatur. Sed Spartacus, conditionibus tentatis, et aspernante Crasso, Brundisium petebat: quum, suorum clamoribus victus, in Lucaniam referri signa iussit, et ad caput Silari amnis castra metatus est. Nam ad Brundisium contendentem fama impulsus e Thracia Luculli perculerat.

Spartaci extrema pugna.

X. Idcirco Crassus, cognito hostis adventu, nihil moratus, castra castris contulit, et, quo magis ad pugnam irritaret feroces animos, circumvallare hostem orsus est. Ita prohibentibus opus fugitivis, quum, inter paucos orto certamine, vicissitudo victoriae plures subinde alliceret; Spartacus, universo exercitu educto, et equitatu, qui nuper ad eum accefferat, in cornibus locato, ipse inter pedites stetit: acieque structa equum admotum sua manu confodit, *si quidem victus esset, non amplius usurum eo dicens; victorem multos barbarum et bonos.*

Ejusque mors, et fugitivorum clades.

XI. Pugna fuit vehementer anceps, donec Spartacus superfuit, qua forte Romanum imperatorem agere conpexerat, viam ferro muniens. Sed postea quam, duobus centurionibus, qui pro Crasso propugnabant, impigre caesis, penetrare ad illum nequivit, sauciumque femur submisso genu fulciens, concursu hostium est interfectus; fugitivorum turbatis metu ordinibus, nihil postea nisi caedes fuit. Quadraginta millia eo proelio caesa sunt. Victores circiter mille ceciderunt. pro his tria civium Romanorum millia, qui in vincu-

Cap. VIII. Plut. Crasso, c. 20. Cap. IX. Appian. Oros. 5, 24. Appian. Cap. X. Plut. Cap. XI. Appian. Athen. 6, 21. Liv. Epit. Oros.

lis apud Spartacum fuerant, recepta. cadaver Spartaci non potuit reperiri.

U. c. 681.
A. C. 71.

XII. At, qui supererant proelio, fugitivi diversa, *Fugitivi, uti solet rebus perditis, capeſſunt. namque alii, fiducia gnaritatis locorum, occultam fugam sparsi, alii globis eruptionem tentavere. Sic agmina ferme quadraginta facta; quos Crassus alique duces, veluti feras in montibus et silvis indagando, plerosque omnes aut interemerunt, aut abripuerunt vinctos. Unus in agro Lucano conſliterat, gnarus loci, nomine Publi- por. ad hunc magna manus fugitivorum se aggregaverat, ut quinque circiter hominum millia eſſent. Sed hos Pompejus obrivit, forte cum exercitu superveniens, scripsitque ſenatui, *Quosdam et Pompejus* *fusos a Crasso fugitivos, a se concidit.* *radices exciſas eſſe belli.* Ita tandem illud formidabile belli ſervilis incendium multo utrimque ſanguine reſtinctum eſt. ſexaginta millia fugitivorum cum Spartaco et poſt illum caeſa ſunt: capta ſex millia; quos victores tota via, quae Romam a Capua ducit, diſpoſitis crucibus adfixerunt.*

XIII. Crassus, ſextum intra menſem Italia tantis cladibus metuque liberata, jam ſe non imparem Pompeji gloriae ferebat, ex praetura, ſicuti per legem Corneliam licebat, conſulatum petiturus, competitor Pompejo: quamquam hic nullum ante magiſtratum geſſerat, neque legitimam aetatem habebat; ſed magnitudine rerum geſtarum, et favore populi, ob hoc quoque flagrantiore, quod haud obſcure ſe auctorem reſtituendae tribunitiae poteſtatis proſtebatur. Nec ille civium exſpectationi deſuit, quin ſtatim eo de negotio verba faceret, quum primam concionem ad urbem conſul designatus habuit. Sed huic deſtinationi complures, interque eos homo ſapientiſſimus atque ampliſſimus Q. Catulus, adverſabantur.

XIV. Inter haec de M. Antonio triſtes nuncii venerunt, qui poſt Siciliam Graecosque Asiaticos, ſtudio donandi rapiendique, in utroque immodicus, deſpoliatos, Cretenſibus bellum intulerat. Favisse Mi- *M. Antoni-* *us Cretensi-* *bus bellum* *inferi.* *thruidati videbantur, permiſſo, ut bellum Romanis fa-*

Cap. XI. Flor. 3, 30. Cap. XII. Appian. Oros. Appian. Sall. Hiſt. 3, 1. Appian. Oros. Salluſt. Plut. Crass. et Pomp. Oros. Appian. Cap. XIII. Cic. Act. 1. in Verr. c. 15. et ibi Aſcon. Cap. XIV. Liv. Epit. Cic. in Verr. 2, 3. et ibi Aſcon. Sall. Incert. 29.

U. c. 681. A. C. 71. cienti juvenus sua militaret. Piratas etiam, Mithridaticarum partium genus, quum persequeretur eos Antonius, aperte defenderant, dimissis cum superbo responso legatis, quos ea de re questum Antonius miserat. Is Antonius filius M. Antonii oratoris erat, clarissimi viri; sed neutiquam patri similis: quumque fratres etiam duos haudquaquam probatae vitae haberet, ipse omnium erat corruptissimus, ut perdundae pecuniae genitus videretur. Idem vacuus curis, nisi instantibus, tam contemptim adortus Cretam fuerat, ut plures in navibus catenas, quam arma, portaret. Quam vecordiam celerrima poena consequuta est. ple-
raeque enim naves a Cretensibus captae sunt, remulcoque in portus tractae, quum, velut imitatione quadam triumphi, captiva corpora, velis et funibus suspensa, eminus visentibus spectaculo essent.

*Sed victus
aegritudine
animi mori-
tur.*

XV. Infelix proelium, et pudor mox injussu senatus populique factae pacis, aegritudine animi ad corporis quoque subruendam valetudinem Antonio causam praebuit: hominemque, multa contra sociorum salutem, et contra provinciarum utilitatem, et facientem, et cogitantem, in mediis ejus injuriis et cupiditatibus mors oppressit. Tamen Cretici cognomentum ab hac expeditione retulit, non victoriae argumentum, sed belli temere suscepti.

*M. Luculli gesta in
Thracia.*

XVI. At a duobus Lucullis honestius laudabiliusque gesta respublica est; quorum Marcus Macedoniam provinciam, Lucius Mithridaticum bellum obtinebant. M. Lucullus, qui Curioni successerat, majoribus per Thraciam rebus, quam ullus ante eum imperator gesserat, justissimum triumphum meruit. Quippe, Getis, qui et Mysi vocabantur, superatis, Bessos, nationem ferocissimam, primus Romanorum ducum bello petiit, eosque in Haemo monte ingenti proelio fregit. Sic receptis in deditionem Haemimontanis, Eumolpiadem, quae postea Philippopolis dicta est; mox Uscudamam, quae Hadrianopolis est appellata, eodem, quo aggressus erat, die expugnavit.

Cap. XIV. Plut. Anton. c. 1. Flor. 3, 7. Appian. apud Fulv. Ursin. Plut. Sall. Incert. 29, Sall. Hist. 3, 15. Plut. Cap. XV. Diodor. apud Fulv. Ursin. Ascon. in Divin. Cic. in Verr. 3. c. 91. Liv. Epit. Plut. Cap. XVI. Appian. Cic. in Verr. 2. c. 8. Oros. 6, 3. Sall. Incert. 29. Appian. Illyr. Sex. Rufus, c. 9. Eutrop. Marcellin. 27, 8.

XVII. Progressus deinde Calyben, quam Philippus Amyntae filius, pessimis ibi collocatis hominibus, Poneropolin vocaverat, illa quoque capta, usque ad terminum gentium Thracicarum Tanaïm, paludemque Maeotin penetravit. Inde multas supra Pontum positas civitates in jus ditionemque populi Romani redegit. Calatim, Phthinopolim, Parthenopolim, Tomos, Istrum, Buziam omnem cepit: evertit Apolloniam: arma Romana Scythis monstravit: belloque confecto, sub tempus victi a Crasso Spartaci Romam regressus, de Bessis triumphavit, et, praeter alia ornamenta, colossus Apollinis, quem ex Apolloniatarum insula transvexerat, in Capitolio posuit. U. c. 681.
A. C. 71.

XVIII. Sed L. Luculli, qui frater hujus fuit, nescio an majores eodem tempore, clariores certe, scriptorumque beneficio notiores res fuerunt: de quibus deinceps dicemus. Vere ejus anni, quo Cn. Orestes, P. Lentulus consules fuerunt, Lucullus, Murena cum duabus legionibus ad obsidionem Amisi relicto, cum tribus aliis per montana versus Cabira movit, ubi Mithridates hiberna habuerat, et tum quoque iisdem in locis erat eo consilio, ut Romanis advenientibus resisteret. Stationes tamen disposuerat in montibus, quae et opponerent sese transitum molientibus, et ignibus excitatis adventum hostium significarent. His Phoenicem quemdam, regii generis virum, praefecerat. qui signum quidem factis ignibus Mithridati dedit; sed ipse cum iis, quas secum habebat, copiis transfugit ad hostem. *Lucullus
contra Mi-
thridatem
movet.*

XIX. Mithridates impigre motus, amne Lyco superato, in campis patentibus pugnandi copiam fecit. commisso equestri proelio, superiores regii fuerunt, rejectusque Lucullus retro se ad montes recepit. Praefectus ejus equitum Pomponius, quum ad Mithridatem saucius adduceretur, roganti regi, *ecquid amicus ipsi futurus esset, si eum conservasset?* Amicus, inquit, *si quidem amicus populo Romano fueris; sin vero, hostis.* Volentibus eum post hanc vocem interficere barbaris, laudabili *Pomponii
generosum
dictum.*

Cap. XXVII. Sex. Rufus, et Marcellin. Strabo, l. 7, p. 310. Flor. 3, 4. Eutrop. et Sex. Rufus. Appian. Civil. l. 1. Eutrop. Euseb. Chron. Strabo, l. 7, p. 319. Cap. XVIII. Plin. 34, 7. Appian. Mithrid. Plut. Lucull. c. 28. Phlegon. apud Phot. Plut. Appian. Cap. XIX. Plut. Memnon. Appian. Plut.

U. c. 681. voce Mithridates occurrit, in virtutem a fortuna destitu-
A. C. 71. tam saevendum negans.

Lucullovi. XX. Post haec per continuos aliquot dies instru-
am monstrant ctam aciem Mithridates ostentare; Romanus retinere
venatores. suos, et, equitatu inferior, campis nolle credere:
donec ancipiti malo circumventum (quia per patentia
non audebat ducere, circumitus per montes longus
ac taedii plenus erat) forte reperti venatores recrea-
runt, calle ostenso, per quem copias suas supra ca-
put regis in locum ita comparatum duxit, ut pugnare
volenti spatium non deesset, proelium detrectans co-
gi nequiret.

Praesentia XXI. Quum neuter alterum adoriri decrevisset, ca-
boni impe- su contractum certamen est, quia, persequentibus for-
ratoris plu- te cervum regiis, Romani quidam occurrerant; plu-
rimum pol- ribus deinde, ut sit, hinc inde adgregatis, loco pulsi
let. Romani sunt. Haec ignominia ex superiore loco con-
specta iram movit militibus, signumque pugnae con-
tinuo poposcerunt. Lucullus, quiescere iussis, ut do-
ceret, quantum in praesentia boni imperatoris esset,
cum paucis descendit, primisque fugientium, ut con-
sisterent, occlamavit. Quum illi paruisent, et proximi
quique ad idem imperium exemplumque firmarent
pedem, globo facto disjecit hostes, victorque ad suos
rediit. deinde pro concione increpitos, qui fugerant,
in conspectu totius exercitus fossam duodecim pedum
discinctos fodere coëgit.

Luculli po- XXII. Sed longe majus occultiusque periculum sub
riculum ab eosdem dies, quod virtute amoveri nequibat, casu
insidiis. idem Lucullus effugit. Olthacus quidam, ex Darda-
riorum Maeotica gente, quum apud Mithridatem de
gloria et praemiis virtutis saepe cum aliis regulis dis-
ceptasset, ut se omnibus ostenderet superiorem, Lu-
culli capite regi promisso, specie transfugae in Ro-
mana castra pervenerat. Is deinde, quum frequenti-
bus excursionibus promptam enixamque operam exhi-
buisset, postremo quoque equestri proelio servasset
multos, in propiorem admissionem receptus, mensae
consiliisque admoveri coeperat.

Cubicularii XXIII. Igitur, observato tempore, quo, missis prin-
fides. cipis, vacuum magis incustoditumque praetorium erat,

Cap. XIX. Appian. Cap. XX. Plut. Appian. Plut. Cap.
XXII. Frontin. 2, 5. 3o. Appian. Cap. XXIII. Frontin. Plut.

brevi pugione accinctus ex more ad Lucullum introibat. Sed illum forte fatigatum longis vigiliis corpus meridiari coëgerat: et Menedemus cubicularius, ad ostium stans, negabat intromitti quemquam mortalium posse. Ille, *subitum esse ac necessarium, quod afferret*, dictitans, nihilominus conabatur irrumpere; quum accensus ira Menedemus, *nihil salute imperatoris magis esse necessarium* regerens, ambabus manibus repulit hominem.

U. c. 681.
A. C. 71.

XXIV. Quare, ne suspectus haberetur, veritus *Insidiator* Scythæ, equis, quos ante portam castrorum paratos *fugit*. stare jusserat, ad Mithridatem refugit, aliumque Scytham, nomine Sobadacum, transfugere ad Lucullum conari detulit, qui statim jussu regis comprehensus est.

XXV. Dum his aliisque rebus bellum trahitur, longe lateque omnibus circum evastatis, inopia utrumque exercitum incoëssit. Idcirco Lucullus, quo re anonaria commodiore uteretur, in planum degressus, quia patentibus locis equitatum regis timebat, ita metatus est castra, ut munimenti vicem uliginosum paludibus solum hosti objiceret; et regnum Ariobarzanis, intactum bello, a tergo haberet, unde commeatus subveherentur. Crebra inter hæc equestria proelia fiebant. Semel etiam, quum suos fugientes obviam egressus e castris Mithridates acerbe corripuisset, iis animis in pugnam redierunt, ut Romani fusi fugatique, etiam, reversis a persequendo hostibus, suum quisque contubernalem pro victore metuentes, vix aliquando facerent fugæ finem: tantus eos pavor occupaverat.

*Mithridates
equestri proelio victor.*

XXVI. Hanc victoriam, missis ad vicinos reges nationesque nunciis, magnificentius, quam verius, *Lucullum* Mithridates extollebat, promptumque Romani exercitus exitium augurabatur. Sed eventus contra dedit. Quum enim haudquaquam reprehendendo consilio hoc ageret, ut Lucullum, commeatibus exclusum, ad eas redigeret angustias, in quibus ipse ad Cyzicum fuisset; negotium equitibus suis dedit, ut frumentatores e Cappadocia redeuntes (nec enim aliunde Romanus alebatur) exciperent.

*Lucullum
inopia premere nititur.*

Cap. XXIV. Frontin. Plut. Appian. Cap. XXV. Memnon. Sall. Hist. 4. in Ep. Mithrid. Appian. Sallust. Appian.

U. c. 691. XXVII. Neque desidia regionum res corrumpibat:
 A. C. 71. sed nimius pugnandi ardor non sinebat a suis locis
Sed, suo- aliena discernere. igitur primo Sornatius, cum una
rum nimia legione ex Cappadocia redux, praefectum regis Me-
ferocia, spe nandrum, alacritate majori, quam consilio, congres-
excidit. sum, cum magna hostium caede in fugam egit.

Mithrida- XXVIII. Fabius deinde Adrianus, quum ex eadem
tici fugiunt. Cappadocia magnum annonae modum adveheret, a
 Menemacho et Myrone, quos Taxiles et Diophantus
 cum quatuor peditum duobus equitum millibus immi-
 serunt, laceffitus est. Et si, donec in aequa loca
 descensum esset, expectare regii potuissent, fortassis
 in periculo et cohortes Romanae, et, quam adduce-
 bant, annona fuerat. in ipsis adhuc angustiis invaden-
 te hoste, et suum sibi equitatum efficiente inutilem,
 haud aegre restiterunt, donec auxilium Lucullus sub-
 mitteret. Tum vero effusa fuga Mithridaticorum ver-
 sus eum locum, ubi Taxiles et Diophantus tendebant,
 eodem etiam victorem deduxit. et post acre, sed mi-
 nime obstinatum, certamen dissipata barbarorum acies
 diversa fuga disparuit: pauci cum ipsis ducibus ad
 Mithridatem pervenerunt. Magna eo die caedes re-
 giorum fuit, et a quinque Romanorum millibus tri-
 ginta millia, totius exercitus regii robur, fusa refe-
 runtur.

Mithrida- XXIX. Mithridates, hac accepta clade, veritus,
tis et amico- ne destitutum equitatu quamprimum Lucullus circum-
rum confer- veniret, statim convocatis amicis aperuit, *sibi in animo*
natio. *esse discedere, priusquam itinera ab hoste clauderentur.* Illi,
 suarum rerum anxii, non expectata luce, pecunias
 suas supellectilemque emittebant e castris: et, quum
 hoc a multis et divitibus fieret, brevi angustiae circa
 portam erant, et rixae agasonum, uno quolibet ante
 alios exire properante, audiebantur.

Et totius XXX. Exercitus, re cognita, visisque ducum sar-
exercitus cinis, metu et indignatione commotus, prodique se
fuga. vociferans, vallo proruto, qua cuique proximum erat,
 sine ducē, sine imperio evadebat. Inter eum tumultum
 direptae multorum praefectorum sarcinae sunt,
 custodibus interemptis: Dorylaus quoque, magni no-
 minis ductor, nihil praeter purpuram, qua erat ami-

Cap. XXVII. Plut. Cap. XXVIII. Phlegon. Memnon. Ap-
 pian. Memnon. Appian. Eutrop. Cap. XXIX. Appian. Plut.
 Appian. Cap. XXX. Plut. Strabo, l. 10. p. 477. Plut.

ctus, habens, propter illam interfectus est. Hermaeus arulpex, qui et ipse exercitum duxerat, in porta castrorum pedibus hominum jumentorumque obtritus.

U. c. 681.
A. C. 71.

XXXI. Rex ipse, extremis proximus, inter turbam *Mithridates* pedes profugit: (nec enim quisquam ministrorum a-*effugit.* pud eum remanserat) donec impulsu turbae humi stratum Ptolemaeus eunuchus conplexit, equumque, desiliens ipse, prae-buit. Ne sic quidem expedita fuga erat, Gallograecis equitibus, qui Lucullo militabant, terga prementibus. sed forte, an consilio Mithridatis, objectus mulus ex iis, qui aurum et argentum regium portabant, avaritiam persequentium praedae dulcedine distinuit, tempusque evadendi dedit. Ceteri plerique caesi sunt. nam Lucullus, cognita suorum victoria, e vestigio equitatum ad persequendos hostes miserat, legiones circumdederat castris, ut ibi fugientes, hic resistentes interneccione delerentur. Amplius sexaginta Ponticorum millia his cladibus extincta creduntur.

XXXII. Praeter ereptum triumpho Mithridatis corpus confectique belli gloriam extortam, aliud quoque non leve incommodum Lucullo militum avaritia attulit. Callistratum, qui regi a secretis fuerat, comprehensum in castra ducere iussi, quum aureis quingentis succinctum sensissent, interemerunt. Castra tamen regis diripi, praedamque militis esse passus est, quo insolentiam illorum molliret, nuper etiam in Amisena obsidione invidiose querentium, *quod nullam civitatem vi caperes, conditionibus omnes acciperes in deditionem, ne militi pro labore tanto periculisque fructus ullus usquam esset.* Sane vix ulli imperatorum justior victoria flagitio militari de manibus excidit: meritumque virtute decus ingratus impiusque exercitus, varie vexato, et ad postremum relicto Lucullo, intercept.

Romanorum militum avaritia ad-jusus.

XXXIII. Dum haec diversissimis locis aguntur, Pompejus Romae haud exiguum metum Pompejus atque Crassus faciebant exercitus retinendo. nam ille se Metellum expectare dictitabat ad triumphum venientem; Crassus aequum esse dicebat, priorem Pompeji exercitum

Pompejus atque Crassus exercitum dimittere nolunt.

Cap. XXX. Memnon. c. 42. Plut. Cap. XXXI. Memnon. Plut. Cic. pro Lege Manil. c. 9. Appian. Liv. Epit. Cap. XXXII. Plut. Eutrop. Plut. Cap. XXXIII. Appian. Civil. l. 1.

U. c. 681. dimitti. Sed Pompejus eam quidem dubitationem sustulit, statim a triumpho missos facturum milites pollicitus.

Multi simul triumphi.

XXXIV. Igitur, quum ex Hispania Metellus advenisset, multi sub finem anni hujus triumphi fuerunt. Sub idem enim tempus et ex Macedonia C. Curio, et ex Isauria P. Servilius, et ex Macedonia M. Lucullus triumpharunt: ex Hispania Q. Metellus, et Cn. Pompejus, hoc nomine quoque gloriosius, quod iterum eques Romanus triumphabat. Crassus, de fugitivis triumphum petere pudore prohibitus, ovans inivit urbem, hoc novo honore magna ambitione impetrato, ut pro myrtea corona, qualem ovantes sumere consueverant, laurea uteretur.

U. c. 682. XXXV. Consules deinde M. Crassus, Cn. Pompejus Magnus facti. Eo tempore Pompejus, quod per M. Crasso, militiae tempora senatus habendi consulendique rationem ignorabat, M. Varronem familiarem suum rogavit, uti commentarium faceret Itagologicum, ex quo disceret, quid facere dicereque deberet, quum senatum consulcret. Consul enim fiebat ex equite Romano, priusquam quaesturam gessisset. tanta hujus adolescentis gratia et virtus erat, ut quibuslibet legibus facile solveretur. Latum ex senatusconsulto ad populum est, ut Cn. Pompejum consulem fieri liceret, quum curulem magistratum nullum per leges capere potuisset.

Pompejus legibus solutus.

XXXVI. Nec illud tamen plus adicere magnitudini videbatur, quam quod M. Crassus, contemptor omnium, et divitiis facundiaque inter primores excellens, non erat ausus consulatum petere, priusquam Pompejum rogavisset: et Pompejus, olim cupidus demerendi hominem potentissimum, adeo enixe gratiam suam interposuerat, ut non pro Crasso minus, quam pro semetipso, laborare testaretur. Discors tamen magistratus fuit: nec quidquam magnopere ab iis domi forisve memorabile gestum est, nisi quod Crassus, Herculi decimas solvens, decem menfarum millibus epulum populo praebeuit, ac frumentum gratuitum in trimestre dimensus est.

Crassus Herculi decimas solvens.

Cap. XXXIII. Plut. Pomp. Cap. XXXIV. Eutrop. 6, 4. Cic. in Pis. capp. 19. et 24. Vell. 2, 30. Plut. Crass. c. 22. Cic. in Pis. c. 24. Cap. XXXV. A. Gell. 5, 6. Plin. 15, 29. A. Gell. 14, 7. Liv. Epit. Plut. Pomp. Vell. 2, 30. Cic. pro Lege Manil. c. 21. Cap. XXXVI. Plut. Pomp. et Crasso. Plut. Crasso.

XXXVII. Pompejum illa dies magno honore illustravit, qua militiae vacationem a censoribus postulavit: quod, expletis stipendiis, equites Romani facere consueverant. Sedebant pro tribunali L. Gellius, Cn. Lentulus censores. ad hos Pompejus descendit in forum, equum manu ducens, ceterum insignibus nitens magistratus sui. Ubi stitit equum ad tribunal, major natu censor, *Quaero ex te, inquit, Pompei Magne, ecquid omnia stipendia expleveris? Cui Pompejus alta voce, Explevi, inquit, et quidem, me imperatore.* Tum vero mixtus laetitiae et admiratione clamor populi ortus vix sedari potuit, donec surgentes de tribunali censores, ut populo applaudenti gratulantique gratum facerent, Pompejum consulem domum deduxerunt. Magnus enim ejus apud populum favor erat, quum plus in senatu Crassus polleret. Et erat in invidia Pompejus, quod, plebi potius, quam senatui, gratificatus, tribunitiā potestatem restituerat: adsentiente quidem Crasso, quia prohibere nequibat: sed Pompejus solus pertenderat, nec sibi glorioso, nec in rempublicam utili facinore, quae iterum ab eo principio tribunitiis seditionibus periculose vexata est, donec hac quoque non ultima impellente causa concideret.

U. c. 681.
A. C. 70.
*Pompejus
militiae va-
cationem a
censoribus
impetrat.*

XXXVIII. Tribunitiā potestas restituta traxit et judiciorum ordinem, quod eorum levitas flagitandae potestatis ejus permagnum desiderium fecerat. Igitur L. Aurelius Cotta praetor, favente et adnitente Pompejo, judicia ad equites transtulit, non ut penitus excluderentur senatores, sed ut major esset equitum potentia, communicatis inter tres ordines judiciis, senatum, equites, et tribunos aerarios, qui ferme erant ex equitibus. Iisdem consulibus P. Virgilius Maro natus perhibetur Idibus Octobris; ut publicorum actuum monumentis natalis ejus infereretur, ingenii operumque praestantia meritis.

*Judiciaria
lex L. Cotta.*

XXXIX. Interea Lucullus Cabiromum castellum, cum aliis multis, custodias thesaurorum victorumque, in deditionem accepit, passim ad victorem praefectis rebus deficientibus: quorum ex numero Sraonis ejus,

*Mithridates
uxores sororesque inter-
fici jubet.*

Cap. XXXVII. Plut. Pomp. et Apophth. Rom. c. 35. Plut. Pomp. Ascon. in Divin. Sall. Catil. c. 38. Liv. Epit. Cic. de Leg. 3, 9. Cap. XXXVIII. Cic. Divin. c. 3. et in Verr. 5, 69. Liv. Epit. Plut. Pomp. Cic. pro Cluent. c. 47. Ascon. in Divin. et in Cornel. et in Pison. Cap. XXXIX. Ant. August. de Legib. Phlegon. apud Phot.

U. c. 682. qui Geographiae pulcherrimum opus edidit, avus maternus quindecim castella, fide accepta, tradiderat. Magnae in iis opes, tetri quoque carceres reperti, quibus Graeci barbarique multi olim, desperata salute, attinebantur. Inter hos et Nyfa liberata est, soror regis, eademque ob Nicomedem, cui nupta fuerat, hostis. Hanc igitur, nihil nisi extrema expectantem, inopinata salus respexit. at alias mulieres regias, quum procul omni metu abesse viderentur, triste fatum comprehendit. Mithridates enim, desperatione rerum suarum Ponto profugus, quum venisset in Armeniam, nec admitti se in conspectum Tigranis videret, immani tristitia et moerore percussus, Bacchidem eunuchum misit, ut sorores uxoresque et concubinas regias tollet, quae Pharnaciae servabantur, quod oppidum haud procul Trapezunte aberat.

*Monimus et
Berenices
fata.*

XL. Multae erant, sed prae caeteris insignes Roxane et Statira, quae circiter annos quadraginta in virginitate exegerant, conjugesque duae, Iōnici ambae generis, Berenice Chia, et Monime Milesia, cujus praecipua inter Graecos fama erat. Hanc, ubi Bacchides arbitrium mortis dedisset, detractum capiti diadema obvolvissse collo ferunt, ut inde suspenderet corpus; abruptoque, exclamasse, *O execrabilis fascia, ne ad hoc quidem usui eris?* consputum deinde abjecisse, jugulumque praebuissse percussori. Berenice, veneno temperato, partem praelenti rogantique matri dederat. Ergo remissior et divisa vis potionis, quum in senili corpore viam lethi haud difficulter invenisset, juvenulam diu cum anima luctantem Bacchides stranguavit.

*Roxanes
querelas de
fratre.*

XLI. Sororum regis longe dispar ut animus, ita sermo extremus, fuisse traditur. Roxane, quum venenum miscuisset, *Hoc igitur, inquit, extremum a fratre munus teneo, invisum certe, nisi esset odiosior, qui misit. Hoc igitur erat, cur me felicem praedicarent homines, tantis majoribus, in hac fortuna genitam, sororem magni Mithridatis! Ergo igitur, si quoslibet de vulgo parentes, quemlibet fratrem fors dedisset, viverem. quia regibus orta sum, et hunc consanguineum habeo, moriendum est. At illum, tanta, ut aje-*

Cap. XXXIX. Euseb. Chron. Plut. Lucull. Memnon. Sall. Hist. 4, 1. Appian. Mithrid. Strabo, l. 12. p. 557. Plut. Memnon. Plut. Liv. Epit. Appian. Cap. XL. Plut. Stephanus. Strabo, l. 12. p. 548. Plut.

bant, potentia, tanta virtute praeditum, tutelam omnium, U. o. 68a.
etiam minimorum, fore credideram; nedum ut sororum sua- A. C. 70.
rum proditor, sororum interfector esset.

XLII. Sane jam tum satis esset miser, si ex tanta fiducia Consilii o-
tantum in metum venisset. Sed fac metuere. quam procul ad- jus temerita-
huc absunt Romani? cur non servamur in spem melioris for- tem arguit.
tunae, numquam defuturo veneno, si sequius consuli necessum
fit? cur non in Bosphorum aut Colchos mittimur, quo populi
Romani non modo arma, sed etiam nomen vix penetravit?
cur hostis et carnificis officium ipse occupat? quid facerent Ro-
mani crudelius? Sed aliud nimirum exspectare sorores non
oportuit, ab isto quidem, qui matrem venenum coëgit bibere?
Sed, age, age, bibamus, soror, si nihil aliud, hoc certe con-
sequuturæ, ut postea nihil in nos tali tyranno liceat. At tu,
pessime omnium et perfidiosissime parricida, in hoc per annos
quadraginta virgines asservasti, ut, ubi tu summam rerum ad
desperationem adduxisses, veneno moreremur! Tibi vero scele-
rum ultores Dii eandem aliquando necessitatem moriendi im-
ponant, facultatem negent!

XLIII. Haec dicentem Statira consolabatur, fra- Statira de-
trem simul excusans. Summae fortunae, sicuti singularem fendis fra-
bonorem, potentiam, gloriam, ita nec vulgares molestias ad- trem.
jacere. Deorum imperium in reges, quemadmodum in ceteros
homines potestatem regum, esse. nullum tanta sapientia aut pru-
dentia umquam exstitisse, ut destinatum sibi a potentiore exi-
tum vitare quiverit.

XLIV. Idcirco minime imputandum Mithridati, siue quod Qui provi-
vinci debuerit, omnibus frustra tentatis; siue quod victus ul- deris, ne ho-
tima cura providerit, ut, quod suorum servari non posset, stium in po-
boneste saltem et in libertate moveretur. Sibi quoque minime testatem in-
laetam mortem esse. verumtamen hanc malle, quam quae ti- ciderent.
menda essent in potestatem hostium venientibus. In bello nemi-
ni parci. multos adeo intervenire casus, quibus vilissimum qui-
dem calonem coërcere ne suus quidem imperator possit. Saepe
et alias, et hoc bello audivisse, quanta in captis urbibus esse
licentia militis, quanta cum crudelitate libido soleat. sibi qui-
dem vel millies mori satius esse, quam ut hanc, non dicere
sortem, sed vel periculum subeat.

XLV. Non igitur maledicendum esse fratri, qui sangui- Insigne fra-
nem suam, per longissimam temporum seriem deductum a re- terni amoris
gibus, contaminari aut servire nolit. Sed gratias potius agen- specimen in-
das curanti, ut, quatenus omnibus molestiis liberari nequirent, esse.
maximis certe et gravissimis eriperentur. Magnum in eo fra-
terni amoris curaeque specimen inesse, sed et vere regii animi,

U. c. 682. quod inter suos casus laboresque, de sororum periculo, deque
 A. C. 70. domus suae dignitate cogitasset. Neque dubium esse, quin aliud
 nihil viderit pro his melius. nam eadem mandata dedisse ad
 uxores, quas utique non odisset. Post haec et talia verba,
 sumpto veneno, exanimatae sunt.

*Luculli a-
 cta post fu-
 gam Mithri-
 datis.*

XLVI. Haec audita moerore adfecerunt Lucullum,
 clementem virum, et plurimae humanitatis; praefe-
 ctos autem Mithridatis, velut signo dato, ad traden-
 da, quibus praecerant, praesidia, paucis exceptis, in-
 citaverunt, ultimae necessitatis id facinus esse repu-
 tantes. Lucullus, Mithridatem usque ad Talaura (ca-
 stelli nomen est) insequutus, ubi quatrinduo ante illum
 in regnum Tigranis perfugisse intellexit, Chaldaeis,
 qui et Chalybes vocantur, Tibarenisque subactis, re-
 ceptaque minore Armenia, quae in ditjone Mithrida-
 tis fuerat, ad obsidionem Amisi reversus est. Ami-
 senis conditiones respicientibus, Callimachus enim prae-
 erat, machinarum mirus artifex, consilioque et au-
 dacia promptus; ad Eupatoriam se contulit: quam
 haud procul Amiso regiam Mithridates struxerat, et
 ex suo cognomento voluerat appellari.

*Eupatoria
 et Amisus
 captas ar-
 dent.*

XLVII. Quum et hic impigre resisteretur, Lucul-
 lus, per aliquot dies languidiori oppugnatione usus,
 propugnatorum negligentiam felici consilio aluit. quum
 enim itata quasi diei hora soleret abducere ab oppu-
 gnatione suos, ubi opportunum visum est, eodem tem-
 pore corripere scalas et in moenia eniti iussit. Infre-
 quentes defensores aderant, plerisque jam de more
 per hospitia dilapsis. Statim igitur capta Eupatoria,
 itatimque deleta est. Neque multo post Amisus, eo-
 dem ferme modo, in potestatem venit, parique fato
 incensa est, Callimacho injiciente ignem, ut interea
 facilius abnavigare posset, an quia praedam Romanis
 invidebat.

*Invito et
 miserante
 Lucullo.*

XLVIII. Nec eripere oppidum, licet summa ope
 adniteretur, Lucullus poterat; iussique ignem restin-
 guere milites minaci cum clamore arma quatiebant:
 donec exercitui se praedam concedere edixit, modo
 ab incendio aedificia protegerentur. sed intentus rap-
 pinis miles auxit magis, quam exstinxit, ignem, quum
 mul-

Cap. XLVI. Plut. Appian. Strabo, l. 12. p. 557. Plut. Eu-
 trop. Plut. Memnon. Appian. et Plin. l. 6. c. 2. Cap. XLVII.
 Memnon. Plut.

multi quoslibet angulos cum facibus perscrutando ultro succenderent aedes, ingentemque in urbe paullo ante frequentissima vastitatem facerent. Idcirco postmodum ingressus urbem Lucullus non tenuit lacrimas, dixitque amicis, *saepe sibi fortunam Sullae admirabilem visam, eo maxime quod Asbenas servare, quum vellet, potuerit. se, parem gloriam magno studio expetentem, ad L. Mummii sortem detrudi, ut everfor potius magnarum urbium, quam servator, praedicetur.* Bona tamen pars urbis erepta flammis est pluviae miseratione, quae opportuna velut ex machina prorupit. Et Lucullus, priusquam inde discederet, operam dedit, ut pleraque corrupta restituerentur: edictoque collegit Amilenos, qui e patria profugerant, novisque colonis Graecis, quibus ibi habitare placebat, auctos, agro quindecim millium passuum urbi adjecto locupletavit: Alexandrum imitari studens, qui eandem urbem, quum Persicis regibus parentem invenisset, liberaverat.

XLIX. Amisum Athenienses condiderant, quo tempore classibus validi, non proxima tantum, sed et jam longius sita maria pervagabantur. eoque nuper multi, ut tyrannidem Ariflionis fugerent, velut in aliam patriam, concesserant: ignari, eodem quoque, quam metuebant, belli perventuram tempestatem esse. Sed illos Lucullus honeste vestitos, ducenis distributis denariis, in patriam remisit.

L. Tunc etiam inter captivos Tyrannio fuit, celeberrimi nominis Grammaticus. eum Lucullus gentili suo Murenas, praecipuo legatorum, rogatus concessit. Ille, magnanimi doctissimique et ob hoc doctorum studiosi imperatoris munere perquam illiberaliter usus, manumisit hominem, ut ab eo commoda, quae patronis liberti praestant, adipisceretur. Alia quoque similia multa idem Murena designavit, bello non spernendus, vita moribusque multum ab imperatoris sui nobilitate discrepans. Rebus Amisi ex praesenti copia constitutis, Lucullus in Asiam hibernatum abiit, ut civitatibus illis, sub aeris alieni pondere gravissime anhelantibus, succurreret. Interea misit ab Tigranem, Mithridatem sibi dedi postulans. Eam legationem Ap. Claudius obiit, qui uxori imperatoris frater. et liberis ejus avunculus erat.

Cap. XLVIII. Memnon. Plut. Appian. Cap. XLIX. Meurs. de Fort. Athen. c. 6. Plut. Cap. L. Suidas in *Τυραννίων*. Strabo, l. 12. p. 548. Plut. Memnon. Plut. Sall. Hist. 5, 1. et 1, 20.

E P I T O M E

LIBRI NONAGESIMI OCTAVI.

Machares, filius Mithridatis, Bospori rex, ab

Lachares filius Mithridatis Vet. lib. *Machares*. Dio [lib. 36. pag. 25.] *Μαχάρης*. SIG. *Bacares* Boend. *Jachares* Norv. *Maccares* ed. Camp. *achares*, omitta prima litera, et relicto spatio, ubi deinceps minio pingeretur, edd. reliquae usque ad Ascensium, qui primus vulgatum proculdit. Sed recte *Machares* restituit Sigonius: neque aliter est in Leid. Voss. Berg. Lov. 2. et Exc. Pithoei. Hoc etiam nomine passim apud alios vocatur. Ita apud App. in *Mithrid.* p. 216. ubi a patre *Mithridate* Ponti rege regem *Bospori* constitutum refert, (et pag. 241. ubi mortem ejus narrat: apud *Plutarch.* in *Lucull.* pag. 507. ubi in amicitiam *Luculli* receptum memorat: et apud *Oros.* 6, 5. *Mithridates Euxipodram filium suum interfecit, quum antea jam alium, Macharem nomine, paricidio trucidasset.* Ita *FabRICIUS* id nomen, quod in prioribus edd. varie corruptum erat, ex *Mtis* et auctoribus Graecis restituit. Et ita emendandus *Freculph.* in *Chron.* part. 2. lib. 7, 3. ubi perperam nunc legitur cum ante jam *Alimacharem*. Mox ab *L. Lucullo* Gronov. anno 1665. edidit; quum antea fuerit a *L. Lucullo*; quod servant *Boend.* et, teste *Hearnio*, *Exc. Pithoei*, ac *Norv.* ab *Lucullo* legit *Lov. 2. a Lucullo* Berg.

C. Lentulus et L. Gellius censores asperam censuram egerunt *Cn. Lentulus*, ut ante. *SIGON.* Ita est in *Leid.* *Voss.* *Berg.* *Lov. 2.* et nonnullis edd. antt. nisi quod quaedam earum legant

Gn. Lentulus. Male *C. Lentulus* praeferunt *Boend.* et ed. *Camp.* *ni.* Dein *L. Lelius* perperam *Leid.* et *Berg.* Nec melius *C. Gellius* edidit *Doujatius*, quod tamen *Clericus* et *Crevierius* servarunt. At *Cn. Lentulus et L. Gellius* in consulatu et censura collegae saepius memorantur. Vide *Pighium* in *Annal.* ad A. V. 1061XXXI. pag. 307. et 1061XXXIII. pag. 311. Consules memorati sunt supra *Epit.* 96. Deinde censuram gesserunt *Boend.* et ed. *Camp.* sed invitis reliquis scriptis et editis. Adscribenda igitur lectio illa errori librariorum, qui passim haec verba confuderunt. V. ad 22, 28, 1. Mox quatuor et quadraginta, vel IV. et XL. senatu motis *Berg.* V. ad *Epit.* praec. quatuor et sexaginta e senatu motis *Lov. 2.* quatuor et sexaginta a senatu motis ed. *Camp.* Sed vide ad 39, 42, 5. quatuor et sexaginta senatores moverunt *Voss.* At passim obcurrit locutio movere senatu, numquam vero movere senatorem, pro movere eum senatu.

A quibus lustrum conditum est. Censa sunt] Vet. lib. a quibus, lustrum condito, censa sunt. SIG. Pariter *Voss.* *Leid.* *Berg.* *Lov. 2.* *Boend.* *Exc. Pithoei*, et ed. *Camp.*

Censa sunt civium capita quadringenta quinquaginta millia] *Υπερβολικῶς* vet. lib. DCCCL millia. *DELR.* *Phlegon Trallianus* in fragmentis *Synagoges Olympiorum* in *Biblioth. Photii* cod. 92. scribit, anno tertio Olympiadis CLXXVII. id est,

L. Lucullo in amicitiam receptus est. Cn. Lentulus et L. Gellius censores asperam censuram egerunt, quatuor et sexaginta senatu motis: a quibus, lustro condito, censa sunt civium capita quadringenta quinquaginta millia. L. Metellus prae-

A. V. 10CLXXXIII. his censoribus *nonaginta et unam myriadas*, quae *nongenta et decem millia* sunt, Romanorum census fuisse. Hujus auctoritate Rualdus ad Plutarch. Animadv. xxcv. ls. Vossius in Observationibus confirmari putant scripturam librorum, qui hic *I CCCCL*. (ita Rualdus, Vossius *I CCCCC*. Lipsius, Elect. 27. et unus MS. Hearnii *I CCCCCCL*.) *millia* habent. Addit Rualdus ex Epit. 60. quum jam ante multos annos, puta, A. V. 10CXVIII. non multo minus *CCCC millia* censa, ac deinde socii in civitatem recepti fuerint, numerum civium per annos paullo minus LX, omnibus rebus florentissimis, facile tantum potuisse crescere. Haec etsi probabiliter disputari videntur, tamen scriptura editionum, quae hic *CCCCCL millia* exhibent, nonnihil praesidii in eo habet, quod Eusebius in Chronico prodidit, anno quarto Olympiadis cLXXIII. descriptione Romae facta, inventa fuisse hominum cccclxiii. millia. Nam, quum census ille non alius esse possit, quam qui L. Marcio Philippo et M. Perperna censoribus actus est, ut Scaliger ad Euseb. et Pighius in Annal. ad A. V. 10CLXVII. adnotant, vix credi potest, quindecim annis, qui inter horum et Lentuli ac Gellii censuram interfuerunt, numerum civium prope *quadringentis millibus* capitum auctum fuisse. Civitate Italicis data, quod ante A. V. 10CLXVII. factum est, multum crevisse numerum civium, quo argumento, praeter locum Phle-

gontis, praecipue nititur Rualdus, facile concedi potest. Sed hoc quoque considerandum est, bellis, quae paullo post A. V. 10CXVIII. quo censa fuisse civium capita *CCCXCIV millia, trecenta triginta sex* ex Epitoma 63. constat, fere continua usque ad A. V. 10CLXXXIII. et censuram Lentuli et Gellii gesta sunt, incredibilem multitudinem, tam Romanorum, quam Italicorum, periisse. Bello Cimbrico quinque consulares exercitus victos, et uno proelio LXXX millia civium et sociorum cecidisse, testantur historici. Bello sociali amplius ccc. millia juventutis Italicae absumpta prodit Vellejus 2, 15. Bello civili, quo Italicorum et civium alia a Marii, alii a Sullae partibus stabant, Mithridatico, quo uno die CL millia Italici sanguinis, civium ac sociorum, trucidata sunt, servili in Sicilia, et gladiatorio, quanta strages hominum facta sit, e scriptoribus, qui proelia bellis illis pugnata, et saepe numerum ex utraque parte caesorum referunt, intelligi potest. Unde non valde mirum videri debet, neque A. V. 10CLXVII. vixdum exincto bello sociali, amplius quam cccclxiii millia, neque A. V. 10CLXXXIII. post finita anno priore bella civilia et gladiatoria, plus ccccl millia civium censa fuisse. Non decerno, utrum in Photio et libris Epitomarum Livii, quorum scripturam probat Rualdus, an in Eusebio et vulgatis libris Epitomarum corrupti sint numeri; sed hoc tantum ostendere volui,

B b 2

tor in Sicilia adversus piratas prospere rem gessit. Templum Jovis in Capitolio, quod incendio consumptum ac resectum erat, a Q. Catulo dedicatum est. L. Lucullus in Armenia Mithridatem et Tigranem, et ingentes utriusque regis copias, pluribus proeliis

dubitari posse, an satis certa sint, quae de tot myriadibus civium hoc tempore census dicuntur. Rualdus etiam in eo non nihil servit sententiae, quam tuetur, quod ex Epitoma 60. scribit, quum jam A. V. 10cxxxviii. fere CCCC millia civium (CCCXC millia septingenta trigenta sex habet Epitoma) censa fuerint, populum Romanum, omnibus rebus florentissimum, per annos paulo minus LX non difficile in illam multitudinem excrecere potuisse. Primum enim, quo probabilius faceret, tot annis plurimum augeri potuisse sobolem stirpis Romanae, maluit ex Epit. 60. eligere A. V. 10cxxxviii. quam ex Epit. 63. A. V. 10cxxxviii. quo paulo plus CCCXCIV. millia censa fuerunt; ne, si XLV. annos dixisset, qui ab hoc anno ad A. V. 10cLxxxiii. fluxerunt, minus credibile esset, iis numerum civium plus altero tanto crescere potuisse, qui ab A. V. 10cxxxviii. ad annum 10cxxxviii. nondum quatuor millibus auctus fuerat. Deinde frustra jactat florentissimas illis annis res Romanas, quibus assiduus bellis et multis gravissimis cladibus tantam multitudinem civium interiisse constat; ut mirum videri possit, eorum his censoribus CCCCL millia superfuisset. Graevius quidem in Praefatione tom. 1. Antiq. Rom. ita scribit, ut non videatur credidisse, rationem librorum habendam esse, qui hic numerum civium in immensum augent. Sed Rualdo praecivit Lipsius, qui 1. Elect. 27. ad bonam causam de-

pendendam (vide Epitom. cxv.) undique argumenta conquirens, certis et gravibus hoc quoque dubium et leve admiscet. DUK. Omnes editi vulgatum constanter servant: id contra in nullo cod. superest. civium capita DCCC legit Lov. 2. civium capita non-genta millia Leid. et Voss. civium capita DCCCCL^m. Berg. Boend. et Exc. Pithoei.

L. Metellus praetor in Cilicia adversus piratas prospere rem gessit Scribe *Sicilia*. Hic est enim Metellus, qui Verri in Sicilia successit. Paedrianus. SIGON. Praenomen omittit Berg. quod a praecedente numeri quinquagenarii nota interceptum est. Tum in *Cicilia* Lov. 2. in *Sicilia* Voss. Leid. Berg. Exc. Pithoei, et omnes typis inpressi usque ad Frob. qui anno 1535. ejus loco substituit in *Cilicia*. Male. Oros. 6, 3. *Metellus, Siciliae praetor, quum foedissima illa C. Verris praetura Siciliam adfectam invenisset, maxime Pyrganione archipirata nefariis praedis et caedibus dilacerante, qui, pulsa classe Romana, Syracusanum portum obtinuerat, quem mox navali terrestrique proelio comminutum Sicilia decedere compulit. in Siciliam legit Boend. Sed vide ad Epit. 84. Deinde adversus piratas Leid. Lovel. 2. Boend. et ed. Camp. V. ad Epit. 47. et infra hac Epit. in *Sicilia* bellum prospere gessit Voss.*

Quod incendio consumptum erat, resectum a Q. Catulo de-

fudit. Q. Metellus proconsul, bello sibi adversus Cretenses mandato, Cydoniam urbem obsedit. C. Triarius, legatus Luculli, adversus Mithridatem parum prospere pugnavit. Lucillum, ne persequeretur Mithridatem ac Tigranem, summamque victo-

dicatum est] Vet. lib. quod incendio consumptum ac refectum erat, a Q. Catulo dedicatum est. SIG. Ita etiam omnes Msti nostri, Exc. Pithoei, et ed. Camp. Prior lectio innuit, Catulum non modo dedicasse Capitolium, sed refecisse: idque verum est. Hinc curator restituendi Capitolii vocatur apud Gell. 2, 10. Hinc etiam Caesar apud Suet. ejus vita cap. 15. Q. Catulum de refactione Capitolii ad disquisitionem populi vocavit, rogatione promulgata, qua curationem illam in alium transferebat. qui deinde actionem hanc deposuit. An tamen ideo eodd. lectio praeferenda est, quia Capitolii refectio ante Catulum Sullae data est; quo, antequam absolveret, mortuo curam hanc Catulus accepit? Vide Tacit. 3. Hist. 72. Deinde vox quod deest in Voss. et Exc. Pithoei. Id si placet, locum ita distingue: *Templum Jovis in Capitolio (incendio consumptum ac refectum erat) a Q. Catulo dedicatum est.* Insuper ab Q. Catulo Gronov. anno 1665. edidit, et recentiores servarunt. Antea legebatur a Q. Catulo; quod superest in omnibus scriptis meis. Exc. Pithoei, et Norv.

Et immensas utriusque regis copias] Voss. et Gudiani ingentes. J. FR. GRONOV. Similiter Leid. Berg. Lov. 2. Boend. Exc. Pithoei, et ed. Campani: quod recepi. Vide ad Epit. 51.

Multis certaminibus fudit] Vet. lib. pluribus proeliis. SIGON. Eamdem lectionem praef-

ferunt Leid. Voss. Berg. Lov. 2. Boend. et ed. Campani. Idem etiam voluerunt Exc. Pithoei. Sed ibi librarii errore datum est *floribus proeliis. multi et plures* alibi quoque confunduntur. Vide ad Epit. 80. Similiter certamen et proelium. Vide ad Epit. 129.

Bello sibi adversum Cretenses mandato, Cydoniam urbem obsedit] Pronomen sibi deest in omnibus scriptis meis: qui cum ed. Campani praeferunt *adversus Cretenses.* Vide supra hac Epit. Dein, pro mandato Cydoniam, una voce, scribae errore, *Macedoniam* legit Voss.

L. Triarius, legatus Luculli] Triario praenomen Cnaeus tribuit Berg. at Cajus, vel Gajus Leid. Voss. Lov. 2. Boend., Exc. Pithoei, Norv. et edd. usque ad Gruterum, qui in ultima ed. reposuit L. Triarius. In eo secutus est Pighium, ita emendantem in Annal. ad A. V. 1561. pag. 267. Verum L. Triarium quae florem urbanum memorat quidem Cic. 1. in Verr. 14. eum tamen Luculli legatum hoc tempore fuisse, vel legatum Luculli Lucii praenomen habuisse, non constat. Certe Ascon. in Arg. Orat. Cic. pro M. Scauro, Appian. in Mithrid. p. 231. Plutarch. in Lucull. pag. 515. in Pompej. p. 639. quae loca Pighius laudavit, et Dio Cass. 35. pag. 4. et 5. omisso praenomine, eum simpliciter Triarium vocant. Contra Γάιος Τριάριος, qui ἐπεΐχισε τὴν Δῆλον, memoratur Phlegonti Trall. apud Photium in Bibl. pag. 147. quem verisimiliter Luculli legatum re-

JOHANNIS FREINSHEMII

SUPPLEMENTORUM LIVIANORUM LIBER LXIII.

IN LOCUM LIBRI XCVIII. T. LIVII.

I. Oppressam aere alieno Asiam, et, quo recreata est, Luculli consilium traditurus, cohibere animum nequeo, quin praesentibus temporibus ingemiscat, Germaniam intuens, nullo miserante deterius prope-modum ab hac peste, quam sub tricennalis belli nefandis cladibus pereuntem. Quum enim ad omnes prorsus homines, quibus aliquantum rei est, aut fuit, malum istud pertineat, a plurimis annis, sine cura, sine lege, ut cuique potentia aut debilitas aderat, extorquebantur a debitoribus nummi, aut negabantur. Ita dum alii, partem sortis offerendo, tamdiu usurpatae pecuniae alienae mercedem postulant, alii, quamquam praeter suam culpam fortunis eruti, etiam usuras repraesentare coguntur; iustitia et concordia, quae in medio esse debuerant, miserandum in modum lacerabantur: donec prorsus Alexandrino more nodum hunc secari placuit: utinam durabili ad pacem remedio! Sed his quoque calamitatibus nostris finem aliquem viderit DEUS!

U. c. 682.
A. C. 70.
*Deploratio
status Ger
manici.*

II. Asiae acerba ob impotentiam foeneratorum conditio erat: quod imperatam a Sulla pecuniam, viginti millia talentorum, civitates a publicanis maxime sub gravibus usuris acceperant. Erat illa potentissima factio, et plerumque magistratus Romanos opibus et gratia sic habebant obnoxios, ut illorum auctoritate ad quodvis desiderium suum abuti possent. Ergo servilem in modum vexati provinciales, quo exedentem omnia voraginem interdum placarent, privatim liberos suos, virgines, puerosque formosos; publice, quidquid ornamentorum in civitatibus erat, vendere

*Asia usuris
oppressa.*

U. c. 682. cogebantur. quae omnia quum insatiabile foenus hausisset, nec ideo expungi debita possent, ad extremum ipsi creditoribus in servitutem addicebantur.

Luculli aequitate et prudentia liberatur.

III. Adversus haec Lucullus prime constituit, ne majores centesimis usurae ducerentur. deinde usuras, quae sortem excefferant, amputavit, non ad invidiosum illud et inverecundum alterius tanti commentum, quo nuper ex Orco revocato, et interpretatione aucto, perfidiosissimi seculi turpitudine ad extinguendas fidei et justitiae tenues reliquias erudiri gaudet. Sed quia rem suam creditoribus salvam praestabat, jamque providerat, ut expensam pecuniam brevi recuperarent, tam gravibus uluris ulterius aggravari provinciam non patiebatur. Quippe, quod longe utilissimum apparuit, creditorem in bona obaerati hactenus misit, ut quartam reddituum partem perciperet. ita neque debitor egebat, et foenerator haud longo tempore, quod erat ab ipso profectum, cum uluris ad praescriptum a Lucullo modum recuperabat. Quod si quis usuras applicuisset sorti, et sortem et usuras amittebat. Hac aequitate rem paullo ante desperatissimam confecit, ut intra quadriennium omni debito liberaretur Asia, et possessiones obligatione solutae ad eos, qui antea tenerant, reverterentur.

Ea re foeneratores irritantur.

IV. Hoc pacto duplum ejus, quod dederant, paucis annis adsequuti foeneratores non ideo quiescebant. nam, ut ipsi subduxerant calculum, non quadraginta ipsis, sed centum viginti talentorum millia debebantur. Ceterum in provincia novare nihil poterant. Romam scripserunt ad suos, tribunosque plebis, commodum pristinam omnia turbandi licentiam adeptos, mercati sunt, ut actis desideriisque Luculli obstreperent. At ille, magna, non apud suam modo provinciam, sed universos, gloria (justos enim magistratus rebus ipsis cogentibus unaquaeque civitas laudat) Ephesi residens, Asiam constituebat legibus, cumulat fidae pacis bonis, spectaculis etiam ludisque triumphalibus seque et illam recreabat. vicissim in honorem ejus Asiatici instituerunt Lucullea, celebrantque.

Legatio ad Tigranem.

V. Dedit deinde Ap. Claudio operam de legatione sua referenti. cum regii viarum duces longo circum-

Cap. IV. Appian. Plut.

itu et sinuosis itinerum amfractibus detinuerant, donec a servo doctus, quem natione Syrum secum habebat, illis valere iussis, paucis diebus ad Euphratem, et, amne superato, Antiqchiam pervenit.

U. c. 682.

A. C. 70.

VI. Aberat Tigranes, et, Ptolemaïdo capta, cui se regina Syriae Cleopatra incluserat, reliquas Phoenices urbes obibat. Idcirco Appius, dum illum operitur, nonnullos regulorum haudquaquam aequo animo Tigranis opes intueri cernens, illorum animos Romanis conciliabat. quorum et Zarbienus fuit, Gordyenorum rex, quam gentem Gordys condidisse traditur, Triptolemi filius. Civitates etiam multas, nuper a Tigraue domitas, quum ad ipsum clam misissent legatos, in praesentia quiescere iussit, ut advenienti Lucullo se reservarent. Graecarum enim urbium spiritus Armenium jugum haudquaquam animo aequo patiebantur. Et super omnia invisa erat intolerabilis superbia Tigranis: qui, fortuna inflatus, neque cupiditatis suae finem, neque magnitudinis modum repe-
Regulos et civitates quasdam a Tigraue alienas Appius.

VII. Nam, a mediocribus initiis profectus, annis viginti quinque multas gentes domuerat. Mesopotamiam, Syriam, Phoenicem occupaverat. Parthos gravius, quam quisquam ante eum aliis, vexaverat: infinita prope millia Graecorum, e Cilicia Cappadociaque abactorum, in Mesopotamia collocarat, Scenitis etiam Arabum transferre sedes in loca sibi placencia coactis. His rebus ita erat elatus, ut multos in quotidiano ministerio reges haberet: quorum quatuor, si equo veheretur, juxta incedebant pedites; si responsa legatis gentium redderet, consertis pectinatim manibus adstantabant taciti.

Tigranis incrementa.

VIII. Nihil hac scena perturbatus Appius, quum ad edenda mandata in conspectum venisset, L. Lucullus, inquit, populi Romani imperator, Mithridatem, ob multas et graves injurias justo pioque bello petiitum, regno suo expulit, rex Tigranes. Quem igitur nobis hostem sua improbitas, servum victoria et virtus nostra fecit, eum, quoquo fuga se proripuit, jure gentium reposcimus. Non arbitramur te, ut hominem, donec opibus et fortuna floruit, omnibus iniquum, gravem tuearis, cum victo et exsule communia habere
Appii Mithridatem a Tigraue repescit ratio.

Cap. VI. Joseph. 13, 24. Plut. Strabo, l. 16. p. 747. Plut. Cap. VII. Eutrop. l. 6. Plut.

U. c. 682. *fara velle. nec enim ignoras, eandem causam esse eorum, qui*
 A. C. 70. *fugiunt heros, et qui fugitivos recipiunt.*

Libera et IX. *Etiam si te prae multis regibus potentia valere scio, minax.* non tamen opinor tam levi de causa facturum esse quidquam, quo de illa dimicare cogaris. Quanto plura possides, tanto gravius periclitabere. Quid arma Romana valeant, si Magnus nuper Antiochus, et Magna Carthago parum grandia aut recentia documenta sunt; Mithridates docere potuit, qui et ipse vulgo jam coeperat Magnus usurpari. Et tamen ille in ea tempora incidit, quibus arma civilia, aut socialia, aut servilia denique, vires imperii nostri divisas atque districtas tenebant. nunc intestina bella penitus quieverunt. nullus usquam Sertorius est, nullus Spartacus, qui adferre impedimentum queant, ne, quod senatui populoque Romano visum fuerit, paribus animis viribusque exsequamur.

Tigranis ad X. Notarunt, qui adstiterant, hac juvenis audacia *eam commo-* tactum hominem, qui tot ab annis liberam vocem *tio.* nullam audiverat, non tenuisse vultus, quem induerat, aequalitatem; sed, quamquam serenum placidumque fingeret, commotionem animi prodidisse. Respondit, sibi quoque non ignotam Mithridatis pravitatem esse: sed necessitudinem revereri, et commune apud omnes homines opprobrium, si socerum suum ad exitium deditisset. In eadem sententiam et literas ad Lucillum dedit; in quibus, imperatoris omissa appellatione, hanc causam homo vecors attulit, quod se quoque regem regum appellare Romanus neglexisset. Misit tamen multa et splendida dona Appio; et, illo recusante, plura etiam et pulchriora adjecit. e quibus Appius, ne quasi professis odiis superbum et potentem regem irritaret, una phiala accepta, cetera remisit, celerique cursu ad imperatorem suum est reventus.

Heracleotas XI. Toto illo tempore cum Heracleotis negotium *arguuntur* M. Cottae fuerat. isque, iterum tentata improspere *ab Romanis.* oppugnatione, Triarium advocavit, ad prohibendos com meatus, qui obsessis mari subvehebantur. Triarius cum suis tribus et viginti triremibus, viginti Rhodiis, quum Cottae nunciandum curavisset, qua die esset adfuturus, in idem tempus suum exercitum paravit Cotta: acciditque, ut simul terra Romani, simul navibus ad Heracleam accederent.

Proelio na- XII. Heracleotae, re inexpectata perterriti, tamen *valli vincun-* triginta naves semiplenas deducunt: ceteri ad pellen- *tur.*

Cap. X. Memnon. Appian. Plut. Cap. XI. Memnon.

dum moenibus hostem accinguntur. In agmine Romano primae Rhodiae naves ibant: in quas illati Heracleotae statim deprefferunt tres hostiles; ipsi vicissim quinque perdidērunt. Superveniente deinde Triario, quum aliquamdiu resistissent, in majorum portum coacti sunt refugere, navibus amissis quatuordecim.

U. c. 68a.
A. C. 70.

XIII. Idcirco, licet irritus tum quoque conatus Cottae fuisset, inopia tamen rerum necessariarum, quod Triarius, quotidie cum triremibus oberrans, subventionem commeatum impediēbat, brevi in maximas calamitates obseffi inciderunt: donec choenix frumenti octoginta drachmis Atticis veniret. Tandem, ut solet, ex fame pestilentia accessit: quae et Lamachum, omnium malorum patriae auctorem, prae caeteris longius et acerbius excruciatum, absumpsit; et in praesidiarios praecipue saeviens, de tribus millibus, qui tum adhuc superfuerant, trientem demessuit. At Romani, quibus aura liberior et annona sufficiens erat, intacti ab his suppliciis manserunt.

Famem patiuntur et pestilentiam.

XIV. Inde Connacorigi tempus visum de deditione agendi, quo suae salutis vel per interitum Heracleae confuleret. Igitur, assumpto in societatem consilii Damophele, qui, partium Lamachi quum fuisset, etiam in praefecturam ejus successerat, Cottae ingenium, ut ferox et infidum, averfati, cum Triario agere coeperunt. Ea re per epistolam quamdam interceptam prodita, magno cum tumultu in theatrum populus concurrit, cunctisque metu trepidantibus, Brithagoras e primoribus civium oravit, Connacoriga, siquidem deditio cordi esset, at saltem ne ignaris oppidanis res tanta agitareretur; seque in illud negotium legatum offerebat: quum negaret Connacorig, deditionem sibi placere; esse meliorem salutis viam, sibi ex diu emanfura auxilia. Sic decepto populo, Connacorig intempesta nocte milites suos cum sarcinis (id enim Triarius per-mittebat) imposuit triremibus, simulque cum iis abnavigavit.

A praesidio deseruntur.

XV. Sub idem tempus Damopheles, apertis portis, Triarium accepit: nonnulli milites, sive taedio morae, sive quo vi capta civitas videretur, per muros transcendere maluerunt. Sic occupata Heraclea, crudeliter in oppidanos saevitum. Romanique memores, quae longam inter obsidionem fastidia, quos labores

A suis prodiis capiuntur.

U. c. 682. tolerassent, vel ab aris et simulacris abstractos jugulabant. quo metu magna pars, per moenia desiliens, per universam regionem, ut quisque latebras speraverat, dissipata est, aut ad Cottae castra perfugit. Ille, hactenus rei, quum captam urbem direptamque ex his didicisset, ira fremens excivit exercitum, protinusque contendit ad urbem, poenam sumpturus a Triario, a quo esset et Heracleae capiendae gloria, et manubiarum utilitate spoliatus: concursumque civilibus armis foret; nisi Triarius, Cotta exercituque multis lenibusque verbis placato, praedam communem omnibus fore spondidisset. Sic redintegrata amicitia, quum Tion et Amastrin ab Connacorige teneri didicissent, Triarius, in istam expeditionem profectus, utrumque oppidum, pacto securum abitum Connacorige, nullo negotio recepit.

Cotta crudeliter et avare se gerit Heracleas.

XVI. Inter haec Cotta captivos Heracleotarum, et qui eorum ad se perfugerant, retinens, crudeliter et avare praesentibus utebatur, omnibus abreptis templorum donariis, simulacrisque numinum, ut nec Herculi parceretur, cui sacram urbem suam, et in illius honorem oraculi jussu conditam Heraclienses ferebant. Ejus effigiem antiquitus talem posuerant, ut nihil ad summam magnificentiam pretiumque ac pulchritudinem reliquum videretur. Clavam addiderant auro obrizo solidam: et ex eodem metallo leoninam ingentem finxerant, plenamque sagittis pharetram. Haec et alia quum ad naves deportasset, injici tectis ignem jussit: quo pleraeque urbis regiones conflagnarunt. Hic fuit Heracliensis obsidionis exitus, alterum in annum protractae.

Romam proficiscens tempestates patitur.

XVII. Cotta, missis ad Lucullus, qui iterum in Pontum movebat, cohortibus aliisque Romanis, permissoque sociis, ut suam quisque in patriam revertentur, cum classe Romam instituit iter. sed pars navium onere gravata, quum haud procul litore processisset, subsedit: alias flantes forte Aquilones in breviam compulerunt, ut facere jacturam cogerentur.

Lucullus Sinopen obsidet.

XVIII. Quum ita quotidie in deterius res Mithridatis ruerent, motus iterum ex Asia Lucullus validius eas impulit, ira quoque instigante, ob superbas

Cap. XVI. Justin. 16, 3. Memnon. Cap. XVIII. Plut. Lucull.

Tigranis literas. Idcirco, postquam iterum in Pontum irrupisset, Sinopen obsedit, clarissimam Ponticarum urbium, quam caput regni Mithridates, natus in ea et educatus, effecerat. Leucippus et Cleochares spado urbi praeerant; eratque Seleucus, a quo vectus Heraclae rex fuerat, pari auctoritate additus. horum Leucippum, die ad populum dicta, prodicionis collegae reum egerant, et, quum nihil accusando profecissent, noctu interfecerant per insidias. Hinc, irritatis magnopere Sinopensibus, unam effugiendae vindictae viam creditam, tyrannidem invaserunt.

U. c. 682.

A. C. 70.

XIX. Quum in eo res essent, annonam a Bosporo ad castra Luculli vehentes onerariae naves apparuerunt: quas cum triremibus quindecim praefectus classis Censorinus deducebat. Igitur Seleucus, cum Cilicibus suis et Sinopensium navibus longis proventus, superatis Romanis, onerarias aliquot abstraxit. Haec fortuna magis adhuc inflavit, asperioresque fecit tyrannorum animos, multique ab iis oppidanorum, indicta plerumque caussa, jugulati. Sed et inter ipsos parum conveniebat, Cleochare resistendum Romanis contendente; Seleuco, trucidandos Sinopenses, acceptisque ingentibus praemiis tradendam Lucullo urbem. Quum neuter cederet, re in medio relicta, opes suas onerariis navibus impositas ad Macharem miserunt, Mithridatis filium, qui tum apud Colchos agebat.

Sinopensium praefectorum discordia.

XX. Circum haec occupatis Lucullus supervenit, castrisque ad Sinopen positis, obsidionem coepit. venerunt mox a Machare legati, societatem et amicitiam petentes. quos ille comiter receptos omnia sperare a se et populo Romano iussit, dum ne commeatu rex eorum Sinopenses aut ulla re alia juvaret. Machares, responso Luculli cognito, fecisse imperata non contentus, ut se bene et gnaviter destinasse probaret amicitiam Romanam colere, quidquid in usum Mithridaticarum partium paraverat, ultro in castra Luculli misit.

Macharis legatio ad Lucullum.

XXI. Ea res non solum obessoribus fecit animos, sed et tyrannos penitus adegit ad desperationem. Igitur nocte quadam per milites urbe iussa diripi, levioribusque navigiis delectis, cum magnis divitiis ad in-

Sinope a Lucullo occupatur.

Cap. XVIII. Appian. Strabo, l. 12. p. 545. Memnon. Oros. 6, 3. Memnon. Cap. XIX. Plut. Memnon. Cap. XXI. Appian.

U. c. 681. teriora Ponti, ubi Sanni Lazique accolunt, profugerunt, ignibus antea reliquas in naves injectis. Lucullum ortus in urbe clamor (multam enim caedem inter diripiendum Cilices ediderant) simul flamma visa admonuit, ut ad urbem duceret, cujus jam etiam partes aliquas ignis comprehenderat. scalis admotis, facile transcensum: et Cilices, quos praeda tardaverat, passim occisi. ne oppidanis quidem parci inter tumultum potuit; donec, octo ferme hominum interfectis millibus, caedibus abstineri imperator iussit.

Luculli somnium de Autolyco. XXII. Deinde consolatus Sinopenses privatim sua cuique reddidit, publice dedit libertatem: praeter ingenium beneficium ac mite, somnio quoque motus. Proxima ante capiendam urbem quiete videre visus est habitus ignotioris hominem, paullisper jubentem progredi, ut Autolico occurreret. id somnium inter tantarum rerum occupationes quum exfluxisset animo, forte, dum Cilicas ad mare fugientes persequitur, obvolutam panvis statuam vidit. hanc ubi solvi eximique iussit, statim agnovit speciem, quae obversata noctu fuerat: simul praesentium aliquis Autolycum esse, Sthenidis opus, confirmavit. Heroem Autolycum Sinopenses colebant, quod sive Jasonis in expeditione Colchica, sive Herculis adversus Amazonas profecti socius, quum forte naufragium iis locis fecisset, Sinopen cum suis pervenerat, eamque urbem prioribus incolis, a Syro (quem Apolline et Afopi filia Sinope genitum ferebant) ibi collocatis, ademptam obtinuerat.

Somniorum vanitas capitiota. XXIII. Ea res admonuit Lucullum commentariorum, quos ei Sulla inscripserat, inferueratque monitum, ut per quietem oblata praecipue firmitudinis existimare meminisset. Quae fatua et puerilis hominum credulitas quid aliud, quam theatrum, est, in quo fabulas suas deceptores genii pro lubitu instruant, erroresque omnes, in quos demergere miseram mortalitatem student, nullo negotio stabiliant? Hanc igitur statuam Lucullus abstulit, una cum Billari sphaera: ceteris ornamentis oppidi abstinuit injuriam. Sinope recepta, nihil jam iis regionibus hostile, praeter Amasiam, supererat.

Cap. XXI. Memnon. Plin. 6, 4. Appian. Memnon. Plut. Memnon. Oros. Plut. Memnon. Plut. Memnon. Cap. XXII. Plut. Appian. Plut. Strabo. Plut. Appian. Plut. Cap. XXIII. Strabo.

Sed ipsa quoque paullo post in ditionem populi Romani concessit.

U. c. 68a.
A. C. 70.

XXIV. Haec agenti Lucullo legati a rege Bosphorano advenerunt, coronam auream dono adferentes. quibus ille benigne exceptis, Macharem illorum regem socium amicumque populi Romani appellavit.

Machares socius amicusque populi Romani appellatur.

XXV. His rebus patratis, quum finem imposuisset Pontico bello videretur, rege fugato, nemine praeter ea morante victorem; Sornatium cum sex millibus militum praesidio reliquit provinciae. ipse cum reliquis duodecim millibus peditum, equitum haud totis tribus millibus, Tigrani bellum illaturus, castra movit. Tigranes enim, postquam per annum integrum, octoque praeterea menses, in regno suo versari Mithridatem passus non admisisset in conspectum, sed, custodia corporis attributa, in remotissimis locis magis captivi, quam regis, modo habuisset; sive misericordia ductus, sive metu Romanorum, et legatione irritatus Appii, perquam honorifice acciverat.

Tigranes Mithridatem arcessit.

XXVI. Triduum inter se arcanis sermonibus transduxerant, conciliataque plenissime gratia, quod ex factis deprehendi potuit, priorum offensiuncularum causas in amicos rejecerunt. Ex quibus statim interfectus est a Mithridate Metrodorus Scepsius, vir facundia et eruditione clarus, quem in eum amicitiae gradum Mithridates receperat, ut regis patrem appellari pateretur. Sed Tigranes exposuerat Mithridati, quemadmodum ad se missus ille, quum mandata regis sui de belli adversus Romanos societate edidisset, interrogatus a Tigra- ne, quid igitur ipse suaderet, in haec verba responderit: *Ut legatus, suadeo; ut consilium rogatus, alia omnia.* Nec oderat Metrodorum Tigranes. idcirco, suam per culpam interfectum dolens, magnifice extulit funere, et suprema ei magnis sumptibus persolvit. Splendidis dein epulis omnique comitate socerum quum excepisset, attributis decem millibus equitum dimisit, in Ponto res novaturum.

Unde Metrodoro exitum.

XXVII. Haec, ut solet, in majus distulerat fama, regesque junctis viribus jamjam in Lycaoniam Ciliciamque irrupturi ferebantur: quum miratus Armenium Lucullus, quod non stantem potius Mithridatem susti-

Lucullus regibus obviam ire statuit.

Cap. XXIII. Memnon. Cap. XXIV. Appian. Plut. Liv. Epit. Cap. XXV. Plut. Memnon. Appian. Plut. Cap. XXVI. Memnon. Plut. Memnon. Cap. XXVII. Plut.

U. c. 68^a. nuisset, quam ut erecturus prostratum idem ipse dis-
 A. C. 70^a. crimen adiret; occupare ejus adventum proposuit, et
 ultro in Armeniam procedere. Gravabantur milites,
 alioqui plus aequo turbulenti, in regionem hostilem,
 gentesque bellicosas, et innumerabili equitatu instru-
 ctas, terramque vastis amnibus et nivosis montibus
 septam, sequi. Romae quoque a tribunis plebis con-
 silium imperatoris carpebatur, *hominem imperii et opum*
cupidum bella ferere ex bellis, ut publico periculo privatis li-
bidinibus satisfaceret, invidiose querentibus. Sed ille,
 placatis utcumque militibus, in Cappadociam duxit,
 ut ibi, Ariobarzanis opibus amicitiaque apparandis,
 quae usus belli poscebant; instructor, ubi primum
 tempus anni pateretur, Euphratem transcenderet.

Trifstis.com-
sura.

XXVIII. Hoc anno tristem in urbe censuram L.
 Gellius Poplicola, Cn. Cornelius Lentulus Clodianus
 egerunt, quatuor et sexaginta senatu motis. In his et
 C. Antonius fuit, Marci oratoris filius. cui caussas
 subscripserunt censoris, *quod socios diripuerit; quod ju-*
dicium, apud M. Lucillum praetorem accusatus, recusavit,
turpi allegatione, se cum Graecis hominibus in urbe non posse
aequo jure contendere; quod propter aeris alieni magnitudinem
praedia mancipavit, bonaque sua in potestate non haberet.
 Etiam P. Lentulus Sura, qui nuper consul fuerat,
 senatu motus est, et Q. Curius, notissimus aleator,
 ceterique, mox ad Catilinariae conjurationis scelus
 non tam hac censoria nota, quam caussis aliis, impul-
 si. Lustrum deinde conditum est. civium amplior,
 quam ante, numerus, receptis in idem jus sociorum
 populis, fuit. capita nongenta quinquaginta millia cen-
 sa, principem senatus Q. Lutatium Catulum legerunt.

Census a-
cus.

XXIX. Per idem tempus L. Metellus Siciliae prae-
 tor rem adversus piratas prospere gessit. Nam inter
 foedissimam C. Verris praeturam Pyrganio archipira-
 ta Syracusanum portum, pulsa classe Romana, obti-
 nuerat, insulamque inde caedibus rapinisque misere
 vexabat. Hunc igitur Metellus, terrestri navalique
 proelio victum, profugere ex Sicilia coëgit, pacem-
 que provinciae reddidit.

XXX. Fi-

Cap. XXVII. Memnon. Cap. XXVIII. Liv. Epit. Ascon. in
 Tog. Candid. Plut. Caes. c. 5. Ascon. Plut. Cic. c. 22. Dio,
 l. 37. Ascon. in Tog. Candid. Sall. Catil. c. 23. Liv. Epit.
 Cap. XXIX. Lips. Admirand. 1, 7. et Elector. 1, 27. Dio, l.
 36. Liv. Epit. Oros. 6, 3.

XXX. Finem hujus anni laetum urbi, reditu suo in gratiam, duo potentissimi viri Pompejus Crassusque consules fecere. Illi hactenus retinuerant exercitus suos, neque populum, extrema quaeque inter discordes et praevalidos metuentem, quum eos rogaret, ut reconciliari paterentur, audiverant. Sed, postquam, alio tempore sedentibus pro tribunali, C. quidam Aurelius, equestri loco natus, sed qui vitam procul negotiis egerat, ad eos ascendit, *Jovemque sibi per quietem imperasse dixit, moneret consules, uti in gratiam redirent*, populusque gemebundus et supplex eadem precari coepit; Pompejus restitit tacens; at Crassus, prior porrigens dextram, Nihil, inquit, *me indignum aut vile facere reor, si huic Pompejo aliquid deferro, quem vos imberbem adhuc appellare Magnum sustinuisistis; quem bis triumphare jussistis, priusquam in senatum legeretur.* Tunc et Pompejus occurrit Crasso, junctisque dextris fecerunt redintegratae gratiae fidem. ergo populus, in laetas acclamationes votaque et preces effusus, non ante destitit, quam dies ab utroque mittendis exercitibus diceretur. Id ubi est factum, magistratu consules abierunt.

U. c. 682.
A. C. 70.
Pompejus et Crassus in gratiam redeunt.

Exercitus dimittunt.

XXXI. Q. deinde Hortensio, Q. Caecilio Metello, qui postea Creticus appellatus est, consulibus, templum Jovis in Capitolio, quod ex Sullanorum temporum injuria super iisdem fundamentis reffectum erat, a Q. Catulo dedicatum est: quem solum honorem felicitati suae defuisse confessum questumque L. Sullam ferunt. In ea dedicatione, quum vehemens aestus esset, Q. Catulus velis expansis umbram fieri populo jussit, quod deinceps in theatri est frequentatum.

U. c. 633.
A. C. 69.
Q. Hortensio, Q. Caecilio Coll.

XXXII. His consulibus, Romanae copiae, imperatore Lucullo, maximis itineribus per regnum Ariobarzanis contenderunt ad Euphratem, qua in parte Cappadocia ab Armenia disjungitur: et, quamquam ad id naves codicariae occulto per hiemem fabrefactae aderant, tamen hibernis aquis tumidus amnis trans-eundi metum faciebat. sed mira felicitate circa vesperam ejus diei subsidere flumen coepit, et fluctus intra alveum coërcere. Igitur accolae, quum, reddita

Lucullus ad Euphratem movet.

Cap. XXX. Plut. Pomp. et Crasso. Appian. Civil. l. i. Plut. Appian. Plut. Appian. Plut. Pomp. Cap. XXXI. Liv. Epit. Dionys. Halic. 4, 69. Cassiod. Chron. Cic. in Verr. 4, 31. Cap. XXXII. Plin. 2, 43. Tac. Hist. 3, 39. Plut. Poplic. c. 13. Plin. 19, 1. Val. Max. 2, 4.

Supplem. Liv. Tom. XIII.

C c

U. c. 683. luce, non inflatio solito Euphrates parvas in mediis
 A. C. 69. aquis insulas ostenderet, adoraverunt Lucullum, amicum Deo imperatorem rati, cujus honoris causa praeter solitum tam cito amnis detumisset.

Ei sacrificatur ultro se sistit hostia.

XXXIII. Alia deinde haud minus insolita res, oblata transgresso, opinionem hominum firmavit. Pascebat in ea regione Persicae Dianae sacrum armentum, peculiari nota insigne, et humanis usibus exemptum. ex eo, ubi tempus sacrificii venisset, plerumque non sine magno labore victima capiebatur. Sed tum ultro ad petram, quae sacra Deae habetur, insigni specie bos concedens, eo loco constitit, demissoque capite, tamquam resiste traheretur, hostiam se praebuit Lucullo. Ille et hoc peragit sacrum, et propter facilem transitum taurum immolavit Euphrati. His eodem die perfectis, postero sequentibusque per Sophenen iter fecit, pacato agmine, quod incolae pacificis animis imperata facientes nulla re violari voluerat. sed et militibus, castellum quoddam, ubi magnos esse thesauros audierant, capere volentibus, ostenso procul monte Tauro, *Istud potius, inquit, excindendum nobis praesidium est. nam haec quidem victoribus servantur.* Magnis deinde itineribus ad Tigrin, et, hoc quoque superato, in Armeniam processit.

Tigranis recordia.

XXXIV. Nec quisquam ibat obviam, ignaro omnium Tigrae, cui nunciare Luculli adventum audebat nemo, quod, qui primus id fecerat, tamquam civitatibus turbandis nuncium fingeret, capitali supplicio erat adfectus. Et adulatorem blanditiis et laudibus vanos spiritus inflabant, egregium fore ducem Lucullum, dictitantes, *si vel Ephefi expectet regis regum impetum, nec ad primum conspectum innumerabilium copiarum diffugiat.* Tandem unus amicorum Mithrobarzanes, verum indicare ausus, e vestigio adsumptis tribus equis millibus, et ingenti peditum numero, Romanos obterere iussus est, solum ducem vivum adducere.

Qui Mithrobarzanem cum stolidis mandatis amittit.

XXXV. Forte castra metari primum suorum agmen Lucullus jusserat, donec reliqua pars exercitus, quae adhuc erat in itinere, successisset; quum adesse illi hostes nunciatur. idcirco, ne distractas copias Armenii opprimerent, ipse ad castra permunienda substitit.

Cap. XXXII. Plut. Lucull. Sall. Hist. 4, 9. Cap. XXXIII. Plut. Appian. Mithrid. Plut. Cap. XXXIV. Appian. Plut. Appian. et Plut.

Sextilium legatum cum mille sexcentis equitibus, militumque et velitum haud multo majore numero praemisit; mandato, ut, quum appropinquasset hostis, citra pugnae periculum distineret eum, donec munita esse castra didicisset. Imperium ducis quum servare Sextilius vellet, impetu ferociter invehentium se hostium dimicare est coactus. pugna prospera Romanis fuit. Mithrobarzanes in proelio cecidit: barbari plerique fugientes caesi: pauci ad regem redierunt incolumes. Is, hoc nuncio territus, neque minus nunc ad timorem praeceps, quam paullo ante superbia tumidus fuerat, Tigranocerta Mancae fidei committit. ipse ad Taurum montem se confert, omnes imperii vires eo contracturus, Mithridate quoque revocato.

U. c. 683.

A. C. 69.

Sed is a Romanis caediur.

XXXVI. Lucullus interea urbem, in qua concubinas regis adservari audiverat, obsidebat, Sextilio ad Tigranocerta claudenda, aliis quoque ducibus circum insigniora castella dimissis. Mancaeus Sextilium arce re instituerat. sed, repulsus intra moenia, suburbanam regiam diripi, seque et urbem circumvallari, adduci machinas, effodi cuniculos tulit. Interea sex equitum millia, jussu Tigranis ad concubinas eripendas profecta, per medias Romanorum copias, quum imbre sagittarum clausissent iis exitum, eduxerunt mulieres, praemisissentque per noctem. sed, orta luce, Romanisque et Thracum auxiliis acerrime proeliantibus, magna multitudo Armeniorum caesa captaque, praemissum tamen agmen, quia jam aliquantum viae praeceperat, in loca tuta pervenit.

Tigranes concubinas suas eripendas periculo curat.

XXXVII. At Lucullus, ne spatium regi per otium contrahendarum virium concederet, Murenam ad carpandos, qui ad illum accelerabant, misit. ipse quum ad Tigranocerta venisset, Sextilium occurrere Arabum exercitui jussit, qui conjungere se Tigrani cupiebat. Et horum plerique oppressi sunt a Sextilio, quum forte castra ponentibus supervenisset. Murena, in arcta quadam et confragosa valle Tigranem nactus, loco audaciam dante, conferuit manus: neque spernenda victoria potitus, impedimentis omnibus regem exiit.

XXXVIII. Sed Lucullus, ut ad pugnam eum eliceret, acriter Tigranocerta premebat, non sine peri-

Lucullus Tigranocerta oppugnat.

Cap. XXXV. Appian. Plut. Cap. XXXVI. Memnon. Appian. Memnon. Cap. XXXVII. Plut. Xiphilin. Plut. Cíc. pro Mur. c. 9. Plut.

U. c. 683. culo militum; in quos obseſſi, praeter ſolita defen-
 A. C. 69. dendis urbibus, ignes omnia comburentes, nec reſin-
 gui faciles, ejaculabantur. Naphtam vocant bituminis
 genus, adeo cognatum ignibus, ut eminus rapiat flam-
 mas, et momento vel in longa ſpatia diffuſum inar-
 deſcat. ſimilis natura malthae, cujus in Commagenes
 urbe Samofatis ſtagnum eſt; qua etiam, oppugnante
 Lucullo, muros defendiſſe oppidani traduntur.

*Ejus urbis
 opulentia.*

XXXIX. Urgebat tamen inceptum Lucullus, haud
 dubitans, ſuccuſſurum ei urbi Tigranem, quam tan-
 tae curae ſemper habuiſſet, totque ac tantis nobili-
 taſſet ornamentis. Namque Tigranes, ut hanc omnium
 efficeret opulentiffimam, proceribus ſuis, ut ibi habe-
 rent domicilia, praeceperat, multa quoque impoſita,
 ut, quidquid pretioſarum rerum in eam urbem non
 tranſuliſſent, publicaretur. Huc coactis Graecorum,
 Adiabenorum, Aſſyriorum, Gordyenorum, eque Cap-
 padocia et Cilicia multis millibus, quorum patrias non
 aliam ferme ob cauſſam exciderat, murum curaverat
 exaedificandum cubitorum quinquaginta altitudine, in
 cujus ambitu ſtabula equorum erant diſpoſita. Regiam
 quoque hortosque in ſuburbiiis, ſerarumque et piſci-
 um vivaria, itemque arcem validam juxta ſtruxerat.

*Mithrida-
 tes Tigranem
 dehortatur
 a pugna.*

XL. Neque Mithridates aliud, quam quod in ex-
 ſpectatione Lucullo erat, metuebat. crebris ergo nun-
 ciis literisque monebat Tigranem, *ne in diſcrimen res
 daret: tantum intercipere commeatum niteretur. unam hanc
 victoriae viam. collatis ſignis inſuperabilem vim Romanam eſſe.*
 Eadem Taxiles, dux Mithridatis, qui tum Tigrani ade-
 rat, praecipere non deſinebat.

*Sed ille, vi-
 ribus et adu-
 lationibus
 inflatus, con-
 ſilium ſper-
 nit.*

XLI. Tigranes ab initio praebebat aures. ſed, poſt-
 quam Armeniorum Gordyenorumque coacta multitudo
 adfuit, exercitusque numerosos Medorum Adiabeno-
 rumque reges adduxerunt, praeterea a Babylonio ma-
 ri Arabum, a Caſpio Albanorum et Iberorum magnus
 numerus advenit, accedentibus quoque liberarum gen-
 tium auxiliis, quae ab Araxe fluvio, partim donis
 aut gratia motae miſerant, partim ea opinione, quod
 ad diripiendum nobiliſſimum iis oris ſanum Romani

Cap. XXXVIII. Xiphilin. Sall. Hiſt. 4, 13. Plin. 2, 105.
 Plut. Alex. c. 54. Cap. XXXIX. Plin. 2, 104. Plut. Lucull.
 Appian. Plut. Dio, l. 35. Appian. Cap. XL. Plut. Appian.
 Plut. Cic. pro Lege Manil. c. 9.

existimabantur venisse; omnia apud barbaros audacia
minisque perfonare coeperunt; neque in conviviis re-
gis, neque in consilio, aliis erat sermonibus locus.
Taxiles, quia tum quoque pugnam oblique dissuade-
bat, in periculum vitae adductus est: Mithridates pro
aemulo traductus, qui tantam gloriam socrero invide-
ret. Igitur, non exspectato illo, ne veniret in victo-
riae societatem, Tigranes toto cum exercitu movit,
nihil aequè apud amicos, ut ferebatur, questus, quam
*quod cum uno tantum Lucullo, ac non simul omnibus Romani
populi ducibus, dimicatio instaret.*

XLII. Et erant eae vires, quae modestiorem etiam *Tigran*
 animum efferre potuissent. funditores et sagittarii *vi-*
 ginti millia expleverant; equites millia quinque et *copiae.*
 quinquaginta: quorum (ut ad senatum scripsit Lucul-
 lus) septemdecim millia cataphracti erant, ferrea om-
 ni specie. His gravis armaturae milites centum quin-
 quaginta millia accefferant. calorum quoque et muni-
 torum, ad pontes sternendos, caedendamque mate-
 riam, et similes usus, triginta quinque millia seque-
 bantur. Hoc tantum agmen ubi primum, superato
 Tauro, conspici a Tigranocertis potuit, obsessi, ex
 metu in audaciam versi, Romanos respicere minita-
 bundi jubebant.

XLIII. At in principiis Romanis diversae sententiae dicebantur: quibusdam occurrendum regi, aliis non esse deferendam obsidionem affirmantibus. Lucullus, utrosque recte censuisse dicens, et neutros, *Luculli copias.* divisit copias, Murenaque cum sex peditum millibus in castris relicto, quatuor et viginti cohortes, in quibus haud erant amplius decem armatorum millia, cum omni equitatu, et funditorum sagittariorum mille ducit in Armenios.

XLIV. Illi, patenti in campo juxta flumen castra metantem conspicati, contempta paucitate, ludum jocumque faciebant. neque quisquam erat regum ducumve, quin, adito Tigraue, sibi seorsim pugnam posceret: *neque enim attinere, tantum exercitum tam levi operae pretio fatigari.* Etiam Tigranes facetus esse voluit, et, *Siquidem hi pro legatis, inquit, adsunt, oppido multi sunt; si vero pro bellatoribus, oppido pauci.*

Cap. XLI. Plut. Cap. XLII. Sall. Hist. 4, 9. Plut. Cap.
XLIV. Appian. Memnon. Xiphilin. Plut.

U. c. 683. XLV. Longe alia aestimatione suas Tigranisque vi-
 A. C. 69. res Lucullus pensabat: inhabilem hostium multitudi-
Lucullus nem sua mole perituram ratus, si, priusquam ordi-
ad pugnam nari posset, turbaretur. Idcirco simul cum luce co-
educit suos. pias armatas instructasque castris educit, amnem trans-
 iturus. Erat in averſa ab hoſtibus parte commodum
 transgreſſuro vadum. id dum petit, ſpeciem fugien-
 tis praeſbuit Tigrani: iſque, prae voluptate geſtiens,
 Taxilem compellabat, *Ecce autem invicti tui Romani fu-
 giunt*, inquiens. Rurſus ille, *Utinam ita ſit, o Rex! at
 vero compitis illos ſignis armisque fulgentibus incedere video.
 hoc ad pugnam euntes faciunt, in itinere coriaceis tegumentis
 arma condere ſoliti.* Vix finierat, quum prima aquila
 ſlectentis agmen Luculli verſus Tigranem ire viſa eſt,
 manipulatimque cohortes ſequi. Tum vero, tamquam
 ex profunda ebrietate reverſus ad ſe Tigranes, his
 terve exclamato, *Itane in nos illi?* propere ſuos in-
 ſtrui jubet.

*Pugnae ini-
 tium et pro-
 gressus.*

XLVI. Mediam aciem regendam ſibi ſumit: lae-
 vum cornu Adiabeno regi permittit; dextrum, ubi
 plerique cataphracti primis in ordinibus ſtabant, Me-
 do. Hoc in cornu primum invectus Lucullus reperit
 victoriae viam. Tumulum enim quemdam, ſub quo
 cataphracti collocati erant, conſpicatus, hoc ſitu, ut
 in vertice planus et patens, aditu haud valde aſpero
 paſſuum non ferme quingentorum adſcendi poſſet,
 Thracum Gallograecorumque alas ex obliquo in cata-
 phractorum ordines incurrere jubet, enſibusque con-
 tos, in quibus omnis illorum vis eſt, detorquere. In-
 terim ipſe, conſpicuis armis indutus, exſerto gladio
 ante prima ſigna in tumulum enititur; locoque capto,
Vicinus, exclamat, *vicinus, milites!* ſimul ruit in cata-
 phractus, omiſſis pilis enſes ſtringi, petique crura et
 femora, quae ſola patebant vulneribus, praeci-
 piens. Sed hoſtes, non exſpectato congreſſu, foedam pror-
 ſus fugam praecipitant: ipſique et equi armis graves
 intolerabili pondere incumbunt ſuorum ordinibus.

*Armenio-
 rum fuga.*

XLVII. Omnia ſtatim tumultu et terrore complen-
 tur, alios aliis turbantibus. neque fugae locus eſt:
 conferta conſtipataque acies a paucis impune caeditur.
 Multum ibi ſanguinis fuſum eſt, quia Lucullus ſpoliari

Cap. XLV. Frontin. 2, 1, 14. Plut. Cap. XLVI. Memnon.
 Appian. Frontin. 2, 3, 4. Plut. Apophth. Rom. Appian. Plut.
 Lucull. Memnon. Appian. Cap. XLVII. Plut. Appian.

corpora, nisi post consummatam victoriam, severo proposito edicto, vetuerat. igitur per quindecim millia passuum, armillas torquesque aureos calcando, insequuti hostem sunt: sub noctem demum reversi, Lucullo jam permittente, legerunt spolia. Peditum ad millia centum interfecta traduntur, equites valde pauci effugisse; quum victores omnino quinque cecidissent, centum essent vulnerati: ut ipsos propemodum puderet victoriae suae, qui cum talibus Mancipiis, quasi cum viris, signa contulissent. tam levi momento dejectus conculcatusque potentissimi regis, ejusdemque superbissimi, factus fuit.

U. c. 683.
A. C. 69.

XLVIII. Atque ipse inter primos fugiens, vix centum quinquaginta equitibus comitatus, quum filium in eadem fortuna conspiceret, diadema capiti detractum porrexit lacrimans, jussitque alia, qua videretur, via salutem quaerere. Adolescens, imponere sibi tiaram non ausus, servandum uni ex fidissimis dedit. atque, eo capto, diadema quoque cum dependentibus vittis pervenit in potestatem victoris.

*Ipsiusque
Tigranis.*

XLIX. Pugnatum est pridie nonas Octobres, quamvis illa dies, ob cladem Caepionis Cimbricam, inter atras haberetur. Sed Lucullus id submonenti cuiquam, ex atra facturum, respondit, candidam; idque cum ingenti sua gloria praestitit. Numquam tanto inferiores numero Romani pugnaverant. nec enim vicesimam hostium partem Luculli exercitus adaequabat. Sed apud peritos belli hoc summi ducis argumentum habebatur, quod duabus diversissimis artibus celeberrimos duos aetatis ejus reges, Mithridatem fregisset mora, Tigranem celeritate obtrivisset.

*Pugnae dies,
et de ea di-
ctum Lucul-
li.*

L. Atque res tam improvisa etiam Mithridatem fefellerat, qui, Lucillum priore belli gerendi ratione usarum ratus, non maturaverat ad Tigranem accedere. Tendenti ad illum occurrerunt in itinere pauci primum, deinde plures profugorum ex proelio. unde, cognito Tigranis casu, requisivit eum diligenter: neque reddidit contumelias, sed, ex equo desiliens, vestem ei regiam, haud inferiorem, quam gestare erat solitus, suique comitatus partem dedit; bonoque ani-

*Mithrida-
tes Tigranem
consolatur.*

Cap. XLVII. Plut. Cap. XLVIII. Oros. 6, 5. Memnon. Plut. Xiphilin. Cap. XLIX. Plut. Apophth. Rom. et in Lucull. Cap. L. Memnon.

U. c. 683. mo esse iustum ad parandas alias copias bellumque re-
A. C. 69. sumendum confirmavit.

Discordia LI. Inter haec, reverso ad Tigranocerta Lucullo,
Mancaeus cum Mancaeus Graecis militibus mercenariis, quod suspe-
Graecis Ti- ctos haberet, arma ademitt. Unde illi, acerbiora ve-
granocerta ritu, dies noctesque congregati permanebant, fusti-
aperit Lu- bus armorum loco arreptis. idcirco Mancaeus cum
cullo, armatis in eos impetum fecit, eventu prorsus inopi-
nato. Namque, brachia veste obvoluta clipeorum vi-
cem objicientes, fustibus haud impigre se defende-
runt; occisorumque barbarorum armis celeriter inter
se divisus, moeniorum partem occuparunt. Cum iis
magna quoque pars Graecorum urbem incolentium
sentiebat. Ea discordia Romanis urbem aperuit, the-
saurosque regis, et aliorum amplissimas opes tradidit.
Octo millia talentum signatae pecuniae inventa sunt.
urbs diripienda militibus data, et insuper distributi
in singulos denarii octingenti. Multi scenici artifices
capti erant, quos ad dedicandum theatrum Tigranes
contraxerat. iis Lucullus ad ludos victoriae suae usus
est. Convenas deinde variarum gentium, quibus Ti-
granes urbem suam frequentaverat, in suam quosque
patriam dimisit, Graecis etiam viatico dato. Ita,
cujus urbis incrementum multarum aliarum ruina fue-
rat, ejusdem interitus vicissim illas magna ex parte
recreavit.

Tigranes LII. Interea reges magna cura nationes obeundo
summam re- novum exercitum colligebant, summam rerum, per-
rum permit- missu Tigranis, in se recipiente Mithridate, quod ani-
tit Mithri- mo ac prudentia praestare, et belli contra Romanos
dati. gerendi per adversa ac prospera peritior habebatur.

Ad Phraa- LIII. Misit etiam Tigranes ad Phraatem, qui Deus
tim Tigrantis cognominatus nuper Sinatrucci successerat. *cum patre*
legatio. *ejus quas gessisset inimicitias, ipsius morte exspirasse. adver-*
sus novum regem integra sibi omnia; quoque magis fida inter
utrumque sit amicitia, et adversus communes regum hostes Ro-
manos societas, Mesopotamia se, et Adiabene, et regione, quam
Convalles Magnas vocant, cedere.

Ad eundem LIV. Mithridates quoque literas addidit, quarum
literae Mi- sententia in Sallustii Crispi fragmentis ita est exposita.
thridatis.

Cap. LI. Plut. Appian. Dio, I. 35. Memnon. Plut. Strabo,
I. 11. p. 532. Plut. Cap. LII. Appian. Memnon. Cap. LIII.
Dio. Phlegon apud Phot. Appian. Dio. Memnon. Strabo, I.
11. p. 532. Cap. LIV. Sall. Hist. 4.

Omnes, qui secundis rebus suis ad belli societatem orantur, U. c. 683.
 confiderare debent, liceatne tum pacem agere: dein, quod quae- A. C. 69.
 ritur, satisne pium, tutum, gloriosum, an indecorum sit.
 Tibi perpetua pace frui liceret, nisi hostes opportuni, et scelestissimi. egregia fama, si Romanos oppresseris, futura est. neque petere audeam societatem: et frustra mala mea cum tuis bonis misceri sperem. Atqui ea, quae te morari posse videntur, ira in Tigranem recentis belli, et meae res parum prosperae, si vera aestimare voles, maxime hortabuntur. Ille enim obnoxius, qualem tu voles, societatem accipiet: mihi fortuna, multis rebus ereptis, usum dedit bene suadendi; et, quod florentibus optabile est, ego non validissimus praebeo exemplum, quo rectius tua componas.

LV. Namque Romanis cum nationibus, populis, regibus *Roges a Romanis ever-
 sos commemorantis.*
 cunctis una et ea vetus causa bellandi est, cupido profunda imperii et divitiarum: qua primum cum rege Macedonum Philippo bellum sumpserunt, dum a Carthaginensibus premebantur, amicitiam simulantes. Ei subvenientem Antiochum concessione Asiae per dolum avertere: ac mox a Philippo, Antiochus omni cis Taurum agro, et quindectim millibus talentorum spoliatus est. Persen deinde Philippi filium, post multa et varia certamina, apud Samothracas Deos acceptum in fidem, callidi et repertoires perfidiae, quia paco vitam dederant, insomniis occidere. Eumenem, cuius amicitiam gloriose ostendant, initio prodidere Antiocho, pacis mercedem. Post, Attalum custodem agri captivi sumptibus et contumeliis ex rege miserrimum servorum effecere: simulatoque impio testamento, filium Eumenis Aristonicum, quia patrium regnum petiverat, hostium more per triumphum duxere: Asia ab ipsis obsessa est. Postremo totam Bithyniam, Nicomede mortuo, diripuerunt; quum filius Nusae, quam reginam appellaverant, genitus baud dubie esset.

LVI. Nam quid ego me appellem? quem, disjunctum undique regnis et tetrarchiis ab imperio eorum, quia fama erat *Et sua cum illis certamina.*
 divitem neque servitutum esse, per Nicomedem bello lacefferunt, sceleris eorum baud ignarum, et ea, quae accidere, testatum antea Cretenses, solos omnium liberos ea tempestate, et regem Ptolemaeum? Atque ego ultus injurias Nicomedem Bithynia expuli; Asiamque spoliis regis Antiochi recepi; et Graeciae dempsi grave servitium. Incepta mea postremus servorum Archelaus, exercitu prodito, impedivit: illique, quos ignavia, aut prava calliditas, uti meis laboribus tuti essent, armis abstinuit, acerbissimas poenas solvunt: Ptolemaeus pretio in dies bellum prolatans; Cretenses impugnati semel jam, neque finem, nisi excidio, habituri.

U. c. 683.
A. C. 69.
Iteratoque
sumptum
bellum.

LVII. Equidem quum mihi ob ipsorum interna mala dilata proelia magis, quam pacem datam, intelligerem; abnuente Tigrane, qui mea dicta sero probat, te remoto procul, omnibus aliis obnoxiiis, rursus tamen bellum cepi; Marcumque Cottam Romanum ducem apud Chalcedona terra fudi, mari exui classe pulcherrima. Apud Cyzicum magno cum exercitu in obsidione moranti frumentum defuit, nullo circum adnidente: simul hiems mari prohibebat. ita sine vi hostium regredi coactus in patrium regnum, naufragiis apud Parium et Heracleam militum optimos cum classibus amisi. Restituto deinde apud Cabira exercitu, et variis inter me atque Lucullum proeliis, inopia rursus ambos incescit. Illi suberat regnum Ariobarzani hello intactum: ego, vastatis circum omnibus locis, in Armeniam concessi: sequutique Romani non me, sed morem suum omnia regna subvertendi, quia multitudinem artis locis pugna prohibuere, imprudentiam Tigranis pro victoria ostentant.

Ex his
Phraatem
capere consilium jubet.

LVIII. Nunc, quaeso, considera, nobis oppressis utrum firmiorem te ad resistendum, an finem belli futurum putes? Scio equidem tibi magnas opes virorum, armorum, et auri esse; et ea re a nobis ad societatem, ab illis ad praedam peteris. ceterum consilium est, Tigranis regno integro, meis militibus belli prudentibus, procul ab domo, parvo labore per nostra corpora bellum conficere; quando neque vincere, neque vinci sine tuo periculo possumus.

Romanos
omnium esse
hostes inculcat.

LIX. An ignoras, Romanos, postquam ad occidentem pergentibus finem oceanus fecit, arma huc convertisse? neque quidquam a principio, nisi raptum, habere, domum, conjuges, agros, imperium? convenas olim sine patria, sine parentibus, peste conditis orbis terrarum? quibus non humana ulla, neque divina obstant, quin socios, amicos, procul, juxta fixos, inopes potentesque trahant excidantque; omniaque non serua, et maxime regna, hostilia ducant. Namque pauci libertatem, pars magna justos dominos volunt: nos suspecti sumus, nemuli, et in tempore vindices adfuturi. Tu vero, cui Seleucia, maxima urbium, regnumque Persidis inclitis divitiis est, quid ab illis, nisi dolum in praesens, et postea bellum, expectas? Romani in omnes arma habent: acerrima in eos, quibus victis spolia maxima sunt.

Sed illos tamen
vinci posse.

LX. Audendo, et fallendo, et bella ex bellis ferendo magni facti, per hunc morem exstinguent omnia, aut occident. quod difficile non est, si tu Mesopotamia, nos Armenia circumgredimur exercitum sine frumento, sine auxiliis, fortuna, aut nostris vitiis adhuc incolumem. neque illa fama sequeretur, auxilio profectum magnis regibus latrones gentium oppressisse.

Quod uti facias, moneo hortorque, neu malis perniciē nostrā unum imperium prolatare, quam societate victor fieri. U. c. 683. A. C. 69.

LXI. Romae, his rebus auditis, haudquaquam pro merito Luculli gratia fuit. quin elapsū Tigranem imputabant, et imperii certe dulcedine hoc agi, ut perpetua iis locis bella essent. Igitur tum quidem praetores sortiri iusserunt *Asiam*; deinde decreverunt, ut alter sequentis anni consulum succederet: quamquam sine ulla aerarii molestia, bello semet alente, tot amplissimae provinciae populo Romano quaerebantur. Sed invidia, quae plerumque bonum publicum vincit, tum quidem potior ad minuendam summi imperatoris dignitatem, quam ad augendam virtus fuit. *Lucullo invidens senatores Romanos.*

LXII. Alienis quoque vitiis miscebatur; Ponticos imperatores sibi prospicere posse, rempublicam post privata commoda ducere, clamantibus multis; quod M. Cotta nuper cum invidiosis opibus redierat. Et, quamquam, minuendi rumoris causa, magnam pecuniam in aerarium intulerat, manebat opinio, de multis eum pauca populo Romano dedisse. Neque aliam veriore causam fuisse volebant, cur quaestorem a se P. Oppium dimisisset. Atqui Oppius, quum ob pecunias male captas, et cibaria militum fraudata, a proconsule ablegaretur, etiam insidiatus illi fuerat, deprehensusque, dum tectum veste pugionem conatur expedire. Sed apud iratos etiam, quae sublevare hominem debuerant, ultro in crimen vocabantur. *M. Cotta Romanum re- versus.*

LXIII. Idcirco propter illius offensam Heracleotis aequiores, dimitti captivos illorum, libertatique restitui iusserunt. Quorum Thrasymedes, quum ei concionem inimicus Cottae Carbo prae buisset, Heraclien- sium desolata calamitate, innocentiam illorum, saevitiamque et aviditatem Cottae exposuit. Simul captivorum multitudo, promiscuus sexus aetasque, protensis supplicum ramis, velut publica comploratione, populum movebant. Cotta deinde pauca pro se loquuto, et ad populi iussum vocante, surgens Carbo, Capi, inquit, *Heracleam, non exscindi, iussimus.* Aliis quoque Cottam incusantibus, praecipuo Carbonis studio damnatus est. Exsilio tamen remisso, senatoriis insignibus caruit: Heracleotis ager portusque, et quod *Accusatur.*

Cap. XLI. Dio. Plut. Lucull. Cap. LXII. Memnon. Dio, l. 36. Cap. LXIII. Memnon. Val. Max. 5, 4, 4. Memnon.

U. c. 683. in mari juris habuerant, redditum: civitasque libera
A. C. 69. esse et suis uti legibus iussa est.

*Luculli iu-
stitia et hu-
manitas.*

LXIV. At Lucullus imperator, rebus gerendis in-
tentus, non armis modo, sed iustitiae et humanitatis
blandissima vi, barbaros subigebat. Tigranocertis
multas nobiles feminas captas honestissime habuerat.
per has mariti earum adducti sunt in fidem; quos in-
ter Antiochus Commagenae rex fuit, et regulus Ara-
bum Alchaudonius. Armeniae quoque multae partes
se dediderunt, Sophenorum tota natio, et regis sui
casum acerbè ferentes Gordyeni.

*Zarbieno
facit exse-
quias.*

LXV. Zarbienus is fuerat, jam, ut praediximus,
per Ap. Claudium adjunctus Lucullo, et hoc crimine,
postquam res prodita est, ab Tigrae interemptus.
Huic insignes exsequias Lucullus fecit, *amicum socum-
que populi Romani* appellans, monumentumque locavit
splendidissimum. Nam in thesauris ejus auri argenti-
que magnam vim reppererat; praeterea conditi in hor-
reis frumenti medimnorum tricies centena millia.

*Parthos pe-
titurus ami-
tate destitui-
tur.*

LXVI. Cognitis deinde regum ad Phraatem lega-
tionibus, ipse quoque sociorum nonnullos ad eum mi-
sit, ut amicitiam ei Romanam utiliore bello fore
ostenderent. Parthus, utrisque spe societatis clam
facta, legatos dimisit. Deinde, quum missus a Lu-
cullo Sextilius venisset, virum militarem ad speculan-
dum regionis viriumque habitum accessisse suspicatus,
neque promissa Romanis auxilia, neque contra eos re-
gibus misit: quod, illis inter sese bellantibus, sibi
certissimum cum securitate emolumentum polliceba-
tur. Neque impunita ei astutia maneret, ni Luculli
animum ignavia et seditio militaris destituisset. Quum
enim ille ad Sornatium ceterosque legatos ac tribu-
nos suos scripsisset, adduci iubens, quas reliquerat
in Ponto, copias, quod per Gordyenen in Parthos ir-
rumpere cogitabat, dilatis interim Tigrae et Mithri-
date regibus; milites neque ad Lucullum ituros re-
sponderunt, neque diutius futuros in praesidiis.

*Militum
seditiosae vo-
ces.*

LXVII. Quod ubi in castris Luculli est cognitum,
eadem contumacia in praesentem exercitum pervasit.
omnes mirari ac laudari Ponticorum militum animos:
*hos vere liberos, hos viros dicere. at se, tamquam vilia
mançipia, quocumque inquieti domini cupiditates jussissent, sub*

Cap. LXIV. Plut. Dio, l. 35. Plut. Cap. LXVI. Memnon.
Dio. Appian. Dio. Appian. Dio. Plut. Eutrop. Plut.

alium pene solem, ignotas in terras trahi, etiam si impervia ferro membra haberent, senio et itinerum labore defecturos. Ita Lucullo quiescendum aliquamdiu contra animi sententiam fuit. Interea Romae iisdem consulibus M. Pupius Piso ex Hispania triumphavit, non admodum magnis gestis rebus. Sequens annus unum tantummodo consulem habuit, Q. Marcium Regem, quia L. Metellus collega ejus principio anni obiverat, et post eum alius, qui fuerat in locum Metelli subrogatus; eaque ex re postmodum suffici quemquam religio in-
 cesserat.

U. c. 684.
 A. C. 68.
 Q. Marcio,
 L. Caecilio
 Coll.
*Consuli suf-
 facto morien-
 ti altum suf-
 fici religio
 ess.*

LXVIII. Interea Mithridates, armorum officinis per oppida institutis, omnique fere Armeniorum juventute contracta, delectus agebat: unde retentis, quorum alacritas et robur eminebat, septuaginta millibus peditum, triginta quinque equitum, ceteram multitudinem dimisit. Eas copias, in cohortes alasque proxime Romanum morem tributas, per homines Ponticos, gnaros ejus militiae, exercebat. Spatium ei dabant Romanorum militum vitia, jam velut precario parentium. Haec verior causa dilatae expeditionis Lucullo fuit, quam frigora, quae obtendebantur.

*Mithridates
 novum exer-
 citum cogit.*

LXIX. Igitur non ante mediam aestatem motis castris, quum persequendi Tigranis causa Taurum transcendisset, licet opinione sua falsus, in plana deduxit exercitum. Quam enim ille messem ob anni tempus jam maturam adepturam existimaverat, adhuc in herba erat, propter coeli asperitatem tardius ibi canescente segete. Quapropter, ut ad proelium eliceret hostem, vastare partem regionis coepit: et nihilominus cunctantibus Armeniis, ad illorum castra contendit. Erant illa in colle quodam sita, ubi peditatum omnem cum parte equitatus Mithridates continebat: cum reliquis equitibus Tigranes frumentatoribus insidiatus, bis terve repulsus a Romanis est, levi cum jactura hominum, quia Romano superior barbarus equitatus, simul accedere pedites senserat, vertebat terga, fugamque inhibat hostibus damnosiores, emittendis a tergo sagittis, multosque aut interficiebant statim, aut gravissimis adficiebant vulneribus. Duplices enim aculeos illorum sagittae habebant, sic aptatos, ut, si arundinem vel-

*Lucullus
 Taurum
 transcendit.*

Cap. LXVIII. Cic. in Pis. c. 26. et ibi Ascon. Dio. Cap. LXVIII. Appian. Phlegon apud Phot. Appian. Plut. Dio. Plut. Cap. LXIX. Appian. Plut. Dio.

U. c. 684. leres, una tantum ferri particula sequeretur; altera, A. C. 68. quod prehendi trahique non posset, caeca peste corpus ad perniciem ureret.

Descriptio sagittarum, aculeos in corpore relinquentium.

LXX. Neque poenitet, quo clarius intelligatur ejus ingenii ratio, rem ex usu remotam, praeterea perquam obscure traditam, pluribus verbis et manifestioribus exposuisse. Praefixum arundini ferrum non erat solidum, sed duabus ex laminis ita compositum, ut altera fibulam haberet, qua ligno adnecteretur, altera huic sic jungeretur, ut coëret in unius aculei speciem, ceterum leviter tantum esset alligata, quo emitti quidem arcu posset, et simul penetraret in vulnus; sed tracta evulsaeque sagitta, hamulis suis retenta facile se vinculo educeret.

Lucullus Artaxata petit.

LXXI. Ceterum illae, quamquam modicae, victoriae submovebant tamen hostem, vicosque liberius populandi copiam Lucullo faciebant. atque ille, intercepto, qui regibus apportabatur, commeatu, quam timuerat inopiam, in eam hostes redegit. Reges tamen nulla re ad universum certamen eliciebantur, quum nihil intentatum Lucullus reliquisset; etiam castra circumvallare orsus. Igitur, annona jam deficiente, quum praeterea milites, qui inter levia certamina sagittis vulnerabantur, aut inter curandum morerentur, aut mutilarentur membris; Artaxata versus instituit iter, ubi regia Tigranis, et cum parvis liberis uxores erant.

Proelium committit cum Tigrane.

LXXII. Igitur, quod quaesitum a Lucullo fuerat, Tigranes obviam progressus, quarto die ad Arsanium fluvium ostendit se Romanis, qui transeundus erat Artaxata petentibus. Quum proelium instaret, Lucullus, egregie litato, tamquam certus de victoria, duodecim cohortes in fronte statuit: reliquos, ne circumveniretur a multitudine hostium, collocavit in subsidiis. Nam multum lectumque equitatum in adversa acie conspiciebat: sagittarii erant equites Mardi, et hastati Iberi, cujus generis auxiliis Tigranes plurimum confidebat. Nullam tamen insignem ediderunt pugnam: sed, cum equitatu Romano paullisper velitati, simul succedere peditem viderunt, in fugam dissipati sunt.

Et egregie vincit.

LXXIII. Ostenderunt se deinde Armenii, proprius Tigranis miles, egregia specie armorum virorumque.

Cap. LXXI. Plut. Dio. Plut.

Idcirco Lucullus, iussis acciri equitibus, qui primo proelio pulsos insequerantur; ipse, adjuncto promptissimo quoque, oppositos sibi Atropatenos invasit, eo terrore, ut, priusquam ad manus veniretur, hostes, solutis ordinibus, fugerent. De tribus regibus, qui ei pugnae adfuerant, turpissime fugit Ponticus Mithridates, (nam et Medo Mithridatis erat nomen) quum ne clamorem quidem hostium sustinisset. Reliqua parte diei, totaque deinceps nocte, caesi captique fugientes sunt; maximaque relata spolia, donec fatigatus persequendo miles conquievit. Plures prior proelio hostes, hoc insigniores, morte aut captivitate desiderati sunt. Praeter ignobile vulgus, de robore exercitus quinque millia ceciderunt; capti aliquanto plures sunt.

U. c. 684.
A. C. 68.

LXXIV. Attamen victoriae fructum Lucullo, quum speraret amplissimum, tempus anni et natura locorum inviderunt. Sub aequinoctium frequentes nives gelum jam adstringebant flumina. ea praecipue equis infesta res erat, quibus et insalubris rigore potus fiebat, et inter transeundum rupta glacie crura convulnerabantur. Neque exercitui faciles aut dies iter facienti erant, aut noctes in humenti solo silvosisque locis stativa habenti.

Sed victoriae fructum tempus anni negat.

LXXV. Aliquot tamen dies militum patientia tenuit: inde, per tribunos imperatorem deprecati, quum nihil proficerent, tumultuosius egerunt; frustra obtinente Lucullo, hunc saltem extremum laborem sumerent, donec infensissimi hostis monumentum, velut alteram Carthaginem, evertissent. Nam Artaxata condendi auctor Hannibal Poenus fuerat, quum ad Artaxiam Armeniorum regem profugus patria se contulisset.

Et miles laborem gravatur.

LXXVI. Igitur, per alia iuga, quam venerat, reducto cis Taurum exercitu, imminente hieme Mygdoniam intravit, fertili amoenitate, Nisibique urbe (Anziochiam Mygdoniae Graeci vocant) nobilem. Eam Parthis quum ademisset Tigranes, thesaurorum suorum, aliarumque rerum, quas diligenter adservari oportebat, custodiam fecerat, Gura fratre praeposito. Eodem nuper Callimachus venerat, diu defensa contra Lucillum Amiso notior.

Lucillus in Mygdoniam intrat.

Cap. LXXIII. Dio. Plut. Phlegon apud Phot. Cap. LXXIV. Plut. Cap. LXXVI. Oros. 6, 3. Plut. Dio. Plut.

U. c. 684. **LXXVII.** Oppugnabat urbem acriter Lucullus: sed
 A. C. 68. munita duplici muro lateritio non vulgari crassitie,
Nisibinop- fossaque altissima, quae et machinarum vim omnem,
pugnat. et cuniculorum dolos a muro defenderet, expugnari
 nequibat. donec, quae rerum humanarum est fragili-
 tas, hiems superveniens, exploratam prope spem sa-
 lutis in pestem et exitium Nisibenorum vertit.

Capitque. **LXXVIII.** Obsessi enim, nihil credentes certius,
 quam propter anni tempus paullo post abituros Roma-
 nos esse, negligentius agebant excubias: quum Lucul-
 lus, observata nocte illuni, quam insuper pluviae et
 tonitrua exsurdaverant, ad murum sgressus est. Op-
 pidani, quidlibet potius praestolati, paucis admodum
 in exteriore muro et ad fossam, quae post illum erat,
 relictis, in urbem concesserant. Igitur per aggeres,
 quos ante murum jecerat, deinde scalis adhibitis in
 moenia enisus, custodibus facile oppressis, fossae par-
 tem (pontes enim barbari removerant) ingesta terra
 compleri jubet. Quod ubi majori cum labore, quam
 periculo, perfectum est, quia neque sagittas neque
 ignes jacere barbari, pluvia utrumque impedi-
 potuerant; alter quoque murus, qui priori haudqua-
 quam firmitudine comparandus erat, superatus est.

Arx a fra- **LXXIX.** Urbe sic capta, Guras, qui in arcem con-
tre Tigranis fugerat, cum ceteris, fide accepta, in potestatem ve-
deditur. nit, comiterque est ab imperatore habitus. Diversa
 Callimachi sors fuit, quem, licet maximos thesauros
 absconditos indicaturum promitteret, compedibus vin-
 ciri iussit, poenas daturum, quod, desperata Amisi de-
 fensione, fugiens oppidum incendisset. Tanta felici-
 tate capta Nisibis non solum magnis opibus ditavit im-
 peratorem, sed etiam fatigatis labore et frigore co-
 piis abundantissima hiberna praebuit.

Q. Metellus **LXXX.** Dum in Armenia L. Lucullus Mithridatem,
Cretensibus et Tigranem, et immensas utriusque regis copias pu-
bellum in- ribus proeliis fundit; Q. Caecilius Metellus proconsul
fert. cum tribus legionibus in Cretam est provectus. Cre-
 tenses, victo Antonio, legatos Romam miserant, ma-
 gna spe fore, ut non antiquis modo legibus amicitia
 redintegrari posset, sed etiam ultro aliquod benefi-
 cium adjiceretur, ob servatum comiter quaestorem
 mili-

Cap. LXXVII. Dio. Cap. LXXIX. Eutrop. Oros. Dio.
 Plut. Dio. Cap. LXXX. Liv. Epit. Plegon. Euseb. Chron.
 Diodor. et Appian. et Dio apud Fulv. Ursin.

militesque Romanos, qui in potestatem illorum pervenerant. Atqui apud Romanos plus irarum erat, quod Cretenses non essent dediti, quam gratiae, quod deditis percussissent.

U. c. 684.
A. C. 68.

LXXXI. Nihilo tamen secius legati (triginta ex senioribus missi principes erant) obeundo sigillatim senatorum domos, blandisque sermonibus utendo, partem Patrum in sententiam suam traxerunt. In Curiam deinceps introducti, quum, apte refutatis criminibus, quam enixe omnibus bellis populi Romani imperatores adjuvissent, exponerent; motus est senatus, ut populi Romani socios amicosque Cretenses appellandos esse censeret.

*Legatio
Cretensium
Romam.*

LXXXII. Ei senatusconsulto P. Lentulus Spinther intercessit, adnitentibusque aliis inclementius senatusconsultum factum est: captivi omnes transfugaeque repetiti: pecuniae talenta quatuor millia, et trecenti insuper obsides postulati: naviumque majorum usque ad quatuor scalmos, Laesthenisque et Panaris imperata deditio. Nec exspectatum, donec suorum sententiam legati exquirerent, alterique consulum ea decreta provincia est, ut iussa reculantes vi ad obsequium cogeret. Simul, quia non obscurum erat, legatos operam datuos, ut intercessores pretio pararent, senatusconsultum factum est, ne quis Cretensibus pecuniam crederet.

Durae conditiones propositae Cretensibus.

LXXXIII. His tam duris imperiis in insulam perlatis, anxia erat et sollicita deliberatio. Seniores, vim Romanam veriti, quam ne maximi quidem reges potuissent sustinere, omnia, quam bellum, malebant. Laesthenes ejusque factio, quibus praecipue auctoribus bellatum cum Antonio fuerat, timentes, ne dederentur, populum commovebant; ab omni memoria retentam libertatem prodi vociferantes. praeterea absurdum indignumque esse, si, quod rebus integris numquam facturi fuissent, id bello superiores post insignem victoriam facere sustinerent. Facile persuaso vulgo, delectus habiti, et ad viginti quatuor millia coacta egregiae juventutis, et tam pernicitate corporum, quam laborum patientia, sagittarumque usu, praestantissimae.

*Deliberatio
Cretensium.*

*Et bello
placuisse delectus.*

LXXXIV. Ita conflatum bellum Creticum fuit: culpa haud minima Q. Hortensii, qui tum designatus

Cap. LXXXII. Dio ibid. Ascon. in Corn. Cap. LXXXIII. Appian. ibid. Diodor. ibid. Vellejus 2, 34. Cap. LXXXIV. Cic. in Verr. 2, 31.

Supplem. Liv. Tom. XIII.

D d

U. c. 684. provinciam eam sibi destinabat. Sed idem postea consul, quum sortitus Cretam esset, amore urbis et iudiciorum, in quibus regnabat, Metello exercitum provinciamque transdidit. Metellus, quum fetisset excensionem, occurrentem sibi cum copiis in Cydoniatarum agro Lathenem primo adventu fudit: et, ex eo proelio Imperator appellatus, incolas intra Cydoniae moenia compulso obsidione clausit. Ei tum oppido Panares praeerat, quod elapsus fuga Lathenes Gnossum petivisset.

Tigranes et Mithridates multa recuperant.

LXXXV. Inter haec Lucullo ad Nisibin, neque magis in vincendis hostibus, quam continendis suis, occupato, magna pars Armeniae Pontique a regibus abstracta est. Etenim Tigranes, quod munimentis Nisibis confideret, in alia verterat impetum, pulsumque L. Fannium, receptis, quae ille tenuerat, plerisque, in munito quodam loco circumsevit. Sed ille quidem Luculli auxilio exemptus est. Mithridates cum quatuor millibus suorum militum, totidemque submissis a Tigraue, minorem Armeniam vicinasque ei regiones obiens, multos Romanorum, necopinantibus superueniens, interficiebat; permultis oppidis castellisque magna celeritate recuperatis. Nam hominum animos ei non adusuetudo tantum parendi, et morum originisque communio conciliabat, sed etiam hostium vitia. quippe relictis a Lucullo, ut victas provincias et iam Romanas tuerentur, negligenter et avare se gerebant.

Fabius Adrianus vincitur a Mithridate.

LXXXVI. Perniciosum id M. Fabio Adriano fuit, locis illis praesidii causa cum parte copiarum relicto. Ille speculatum praemisera Thracas, qui prius apud Mithridatem meruerant stipendia, atque iterum in partes illius inclinabant. Igitur, quum nihil sani renunciasent, Fabium cum militibus longius progressum Mithridates ex improvise adortus: et Thraces, inter proelium mutata fide, Romanam aciem exterruerunt: amissisque circiter quingentis militibus, Fabius in castra sua se recepit.

Mithridates vulneratur.

LXXXVII. Postridie, data servis, quotquot ade-

Cap. LXXXIV. Xiphilin. Cic. Divin. in Caecil. c. 7. Plegon apud Phot. Cic. pro Mur. c. 35. Phlegon. Appian. apud Fulv. Ursin. et Liv. Epit. Cap. LXXXV. Dio, l. 35. Appian. Mithrid. Dio. Eutrop. Cap. LXXXVI. Dio. Cap. LXXXVII. Appian.

rant, libertate, denno eduxit copias, totumque fere diem dubio Marte certavit: donec servi, ad regis partes, qui et ipse promittebat libertatem, transeundo, extremum in periculum adduxerunt rem. deletaeque Romanae copiae forent, nisi Mithridates, dum inter primos pugnabat, licet septuagenario major, lapide in genu, sagitta sub oculo saucius, curam suis iniecisset. Idcirco, his inter trepidationem cessantibus, Fabius cum reliquis militum evasit, neque prius desiit fugere, quam munimenta Cabirorum attigisset. Mithridates, ob sua suorumque vulnera multis diebus quiete transmissis, donec ab Agaris, Scythica gente, qui serpentum virus curationi vulnerum adhibent, perfanaretur, adducto ad Cabira exercitu, M. Fabium coepit obsidere. Sed illum improvisa sors ita servavit, ut vicissim depulsis ab hoc calamitatibus implicaret servatorem.

U. c. 684.
A. C. 68.

LXXXVIII. C. Triarius ex Asia, postquam direptam ab Athenodoro Delon muro cinxerat, ad Lucullum proficiscebatur. Is, audito, Fabium obsideri, contractis undique, quantas potuerat, copiis, ad eum obsidione liberandum properans, terruit Mithridatem, ut, priusquam veniret in conspectum (justum enim exercitum Romanum adduci putabat) omissa obsidione discederet.

*C. Triarius
Fabium obsidione liberat.*

LXXXIX. Neque pulso contentus rege Triarius, recedentem longius in Commagenos usque persequutus, acie vicit. Quum enim, ut fessis ex itinere hostibus occurreret, flumine, quod in medio erat, cum parte copiarum transito, ceteris, ut per alium pontem subsidio sibi venirent, Mithridates praecepisset; pugna commissa dubioque eventu tracta, expectatum regi subsidium procella, quantam vix vidisse quisquam meminerat, interceptit. Per hanc in utrisque castris disjecta sunt tentoria, jumenta in transversum acta, militum etiam quidam rapti praecipitatieque. Eadem pontem, sub mole transeuntis exercitus laborantem, abruptit, exterritumque regem excedere proelio coegit. Sed eadem tempestas, quae fugae causa fuerat, prohibitis sequi Romanis, tutum regi abitum praestitit. Jam hiems aderat. igitur, nulla praeterea re tentata, in hiberna discessum est.

Et Mithridatem acie vincit.

Gravis tempestas.

Cap. LXXXVII. Dio. Appian. Dio. Appian. Dio. Cap. LXXXVIII. Phlegon apud Phot. Dio. Cap. LXXXIX. Appian. Dio.

U. c. 685. XC. Vere demum reddito, quum M[?] Acilius Glabrio, C. Calpurnius Piso consulatum gererent, Mithridates ad Gaziura, veterem Ponti regiam, castris Triario oppositis, Romanos pugnam detrectantes, tum aliis rebus, tum in conspectu eorum exercendo suos, provocabat: quo, priusquam Lucullus adventaret, his, uti sperabat, superatis, recipere regnum atque consistuere posset.

*Et tandem
ad pugnam
allicit.*

XCI. Quietis ad haec Romanis, partem copiarum ad oppugnanda Dadasa misit, quo in castello impedimenta exercitus sciebat adservari. Haec ei ratio processit, invitumque ducem coegerunt milites exire, *ni faceret, injussu ejus ad sua defendenda ituros* minati. Alii, quo ante Lucillum cum rege confligeret, gloriamque reportaret victoriae, festinasse Triarium tradiderunt. Quo tamen falleret hostem, per tenebras profectus, jamque castello adpropinquans, in excubias regis incidit, paullo longius millibus passuum tribus ab oppido Ziela, quod antiquitus Persicorum Deorum cultu celebre, ab illa clade Triarii magnam deinceps in illis partibus nobilitatem habuit.

Vincitque.

XCII. Cum his contractum ante lucem certamen quum totam Mithridaticarum virium molem attraxisset; multitudine barbarorum, et initium victoriae faciente rege, circumventa Romanorum acies est, multique in loco interfecti: multos, quum in campos se recepissent, ignari fluminis partem (Iris per ea loca labitur) in eos derivatam esse, compulsos in coenosam fossam, quia repugnare lapsantibus vestigiis nequibant, impune cecidit hostis.

*Sed ipse per
insidias a-
traciter vul-
neratus.*

XCIII. Nec effugisset quisquam, nisi persequentem equites Mithridatem centurio Romanus atroci vulnere in femur adacto sitisset. Transfugae Romani apud regem multi erant. ex eo genere hunc etiam esse, juxta equum suum diu currentem conspicatus, crediderat: deinde se praeberat tamquam dicere aliquid cupienti. Percussor e vestigio concisus est a proximis. Regem in extremum agmen amici receperunt, signumque dederunt receptui. Milites, subita re perturbati, postquam vulneratum esse regem audierunt, inter-

Cap. XC. Strabo, l. 12. p. 547. Dio. Cap. XCI. Appian. Plut. Appian. Hirt. de B. Alex. c. 72. Strabo, l. 12. p. 559. Hirt. Cap. XCII. Dio. Strabo, l. 12. p. 556. et Plin. 6, 3. Cap. XCIII. Appian. et Dio. Appian.

fectum rati, statim in campo circumdederunt lecticam. U. c. 685.
 Igitur, ut spirantem cognoscerent, Timotheus medi- A. C. 67.
 cus jam cohibito sanguine refocillatum de superiore
 loco ostendit. Rex, simul ad se rediit, signum re-
 ceptui datum tulit graviter, eademque adhuc die ad
 castra Romana duxit. Sed illa quoque fuga jam defer-
 ta erant. Quum spoliarentur mortui, tribunorum qua-
 tuor et viginti, centurionum centum quinquaginta di-
 cuntur agnita cadavera; militum quoque Romanorum
 plus septem millia cecidisse.

XCIV. At Mithridates, percurato vulnere, plures *Alios insi-*
 hoc genus insidiatores in castris suis agere suspicatus, *diatores bello*
 convocatos milites subito in contubernia iussit disce- *strategemate*
 dere. quod quum esset factum, et Romani, quo se *deprehendit.*
 reciperent, non haberent, deprehensi, supplicioque *Aliae iti-*
 adfecti sunt. Inde regressus in minorem Armeniam, *dem adversus*
 quo adventanti Lucullo inopiam commeatum faceret, *eum insidiae*
 absportata quanta poterat annona, quod erat reliquum, *deteguntur.*
 corrumpebat. Tum detectae sunt aliae adversus re-
 gem insidiae, ab Attilio paratae, Romano senatore
 ex proscriptis. Eum rex, pristinae dignitatis reve-
 rentia torqueri non passus, simplici morte; ceteros,
 qui cum eo conspiraverant, excruciatos necavit: li-
 bertos hominis dimisit illaesos, debuisse illos patro-
 no morem gerere praefatus.

XCV. Castris deinde circa Talaura aspero et mon-
 tuoso situ positis, Lucullum exspectabat. Neque de-
 fuit ille accedere, castra conjungere castris, modisque
 omnibus ad pugnam barbaros elicere. Contra Mithri-
 dates suos intra munimenta continebat, Tigranem op-
 periens. Et per eosdem dies alius Mithridates Mediae
 rex, palantibus forte Romanis ex improvviso superfu-
 sus, multos interemit.

XCVI. Haec omnia, semel exacerbatis militum ani- *Luculli mi-*
 mis, augebant iras, seditionesque alias super alias *lites succen-*
 excitabant. Erant jam ab initio male erga Lucullum *sunt impera-*
 adfecti milites, quod per duas continuas hiemes, ad *tori.*
 Cyzicum prius, deinde ad Amisum, sub pellibus eos
 attinuerat. Sed et ceteram militiam sic exegerant,
 ut aut inter hostes esset hibernandum, aut sub dio ten-
 dendum apud socios. nam in oppidum Graecum et pa-

Cap. XCIII. Plut. et Appian. Cap. XCIV. Dio. Appian.
 Cap. XCV. Dio. Appian. Plut. Dio. Cap. XCVI. Plut.

U. c. 685. catum numquam hiemandi caussa intulerant pedem. Ad
 A. C. 67. haec ipsius Luculli inter maximas viri virtutes desi-
Nonnulla derabatur comitas, adeo non parata vulgo, ut nec
ipsius culpa. pari quidem dignitate viris exhiberetur, quos despi-
 ciebat prae se atque contemnebat. Nec erat omnino
 ab imperii et pecuniae cupiditate immunis.

XCVII. Haec etiam in urbe a tribunis plebis, et
 L. Quinctio praetore, qui et ipse in tribunatu adver-
 satus Lucullo fuerat, taxabantur. A. Gabinius, ad au-
 gendam invidiam, villam Luculli pictam explicabat in
 concionibus, ipse mox aedificaturus longe pulchrio-
 rem. Nec ante desierunt, quam imperii diuturnitati
 modum statuendum esse populo persuasissent: ejusque
 scito Valerianae legiones, quod jam completis stipen-
 diis essent, dimitti juberentur.

Sed magis XCVIII. Sed nihil aequae milites adversus impera-
P. Clodii torem animavit, quam P. Clodii sermones, jam in Ni-
malitia. sibenis hibernis. Is, uxoris Luculli frater, erat per-
 ditus adolescens, et praeter cetera flagitia incestu so-
 rorum infamis. Idcirco aliis se postponi sentiens,
 quum esset primi loci cupidissimus, milites, praeser-
 tim Fimbrianos illos, seditiosis vocibus instigabat;
 illorum fortunam cum his, qui sub Pompejo militas-
 sent, conferens. *Ejusque* *Eos Luculli stipare camelos et plaustra,*
seditiosis *auratis gemmarisque onusta poculis: contra Pompejanos domi*
susurris. *cum uxoribus et liberis copiosam tranquillamque vitam agere,*
fertili agro donatos, quamquam illi neque Mithridatem, ne-
que Tigranem in solitudines invias exegissent; sed in Hispania
cum exsulibus, in Italia cum mancipiis habuissent nego-
rium. Quod si igitur nulla sit umquam speranda missio, ac
illi potius imperatori, quod reliquum esset vigoris, servent,
qui summum suum ornamentum esse existimat militum divi-
tias.

XCIX. Hoc genus susurris ita corruptus exercitus
 est, ut nec in Tigranem cupientem ducere Lucullum,
 nec in Mithridatem sequeretur. Hiemem caufati, tem-
 pus in Gordyena trahebant, successorem Luculli oppe-
 rientes. Ad famam deinde cladis Triarianae, cujus
 ne nuncius quidem penetrare potuerat, pudore moti

Cap. XCVI. Dio. Plut. Vell. 2, 33. Cap. XCVII. Plut.
 Cic. pro Sext. c. 43. Cic. pro Lege Manil. c. 9. Plut. Dio.
 Cap. XCVIII. Cic. de Har. Resp. c. 20. Dio. Plut. Cap.
 XCIX. Dio. Plut.

sunt, ut signa sequerentur. Postea Triarium, quum a militibus ad necem quaereretur, clam eripuit Lucullus. U. e. 685. A. C. 67.

C. Haec res iterum offendit contumaces animos: *Successor Lucullo venit Acilius Glabrio.* auditoque, venire successorem Lucullo consulem Acilium, cui lege Gabinia Bithynia et Pontus data erant, missasque Valerianas legiones esse; Lucullum pro privato habere coeperunt contemtui. Nam et ipse Acilius vulgari per populos iusserat; *Populum Romanum Lucullo finisse imperium: discedere iussisse milites, poena quoque addita, ut manentium bona publicarentur.* Has inter angustias, et quia, audito, Q. Marcium Regem pro consule per Lycaoniam cum tribus legionibus in Ciliciam tendere, cohortium aliquem numerum frustra ab illo petierat, Tigrani, qui cum maximis copiis juncturus se Mithridati ferebatur, statuit occurrere: ea potissimum spe, ut, si fatigatum itinere nec opinantem viciisset, reperturum se aliquam ad placandos militum animos viam confideret.

CI. Sed milites, aliquousque sequuti, postquam in Cappadociam iri viderunt, ne voce quidem ulla emissas, retro verterunt agmen: et Valerianae legiones, impleta a se stipendia dicentes, Lucullum reliquerunt. *Lucullus suppliciter rogat exercitum.* Hic ille nihil non indignitatis subiit,prehendendo singulos, rogando universos, tentoria cum squalore et lacrimis obeundo, ut contumaciam eorum flecteret. At illi, manus tendentis preces averfati, vacuas ostentabant zonas, solum iubentes dimicare cum hostibus, ex quibus solus sciret ditescere: donec, reliquo jam exercitu jungente preces, hactenus expugnati sunt, ut ea adhuc aestate mansuros promitterent: quod si nulli interea comparuissent hostes, discessuros a signis praedicarent.

CII. His oportebat adquiescere Lucullum, qui alias facile mederi acceptis incommodis potuisset; et interea vastari a Tigrae Cappadociam, recipi a Mithridate Pontum pati: quod tamen dedecus ita diffimulabat, ut, propinquo jam Glabrie, nullas in eo suas partes esse diceret. quum vicissim Glabrio, cognitis Luculli rebus, ex magna festinatione cunctator factus, in Bithynia desideret.

Glabrio interim cunctatur.

Cap. XCIX. Cic. pro Lege Manil. c. 9. Cap. C. Plut. Dio. Sall. Hist. 5, 1. Appian. Sallust. ibid. Dio. Plut. Dio. Cap. CI. Liv. Epit. Plut. Cap. CII. Cic. pro Lege Manil. c. 2. et 5. Dio.

U. c. 685. CIII. Q. etiam Marcius, nullis ad Lucullum missis
 A. C. 67, militibus, quod eos ad illum nolle proficisci diceret,
 quum in Ciliciam venisset, Menemachum quemdam a
 Tigrane deficientem recepit; et Clodium, Lucullo de-
 serto, ad se venientem praefecit classi: nam alteram
 Clodii sororem in matrimonio Marcius habebat. Sed
Clodius ca- Clodius, captus a piratis, ad Ptolemaeum Cypri regem
pitur a pi- misit, pretium redemptionis petens. Allatum est; sed
ratis. adeo parcum et illiberale, (talenta duo erant) ut pira-
 tas accipere puderet. Igitur, remissa ad regem pe-
 cunia, Clodium sine pretio, Pompeji, ut creditur,
 metu dimiserunt. quae res postmodum exitiosa Pto-
 lemaeo fuit, Clodio suam, ut putabat, injuriam in tri-
 bunatu crudeliter vindicante. Sed is quidem libera-
 tus a praedonibus, quum quiescere turbulentus et
 audax animus nequiret, Antiochiam Syriae pervenit,
 tamquam adversus Arabum regem Aretam bellum ge-
 rentibus auxilio futurus: atque ibi etiam quum sedi-
 tiose ageret, propemodum interfectus est.

Cap. CIII. Strabo, l. 14. p. 684. Appian. Civil. l. 2. Dio.
 Appian. ibid. et Dio, l. 38. Dio, l. 35.

E P I T O M E

LIBRI NONAGESIMI NONI.

Q. Metellus proconsul Gnosson, et Lyctum, et Cydoniam, et alias plurimas urbes expugnavit. L. Roscius tribunus plebis legem tulit, ut equitibus Romanis in theatro quatuordecim gradus proximi ad-

Gnosson, et Lyctum, et Cydoniam] Copulam priori loco omittit Boend. Sed vide ad Epit. 46. In nominibus urbium magis variant libri. *Cinoson* legit Boend. *Corson* Voff. quae indicare videntur, olim *Cnoson* scriptum fuisse. *Gnosum* est in Lov. 2. *Gnoson* in Leid. Berg. Exc. Pithoei, Norv. omnibusque edd. ante Gron. qui anno 1665. *Gnosson* dedit. Vide ad 37, 60, 3. Tum *Liciam* Voff. *Licion* Berg. *Litium* Lov. 2. et Boend. *Licium* Leid. *Lycium* Exc. Pithoei, et ed. Campani. *Lyctium* Norv. et pleraeque reliquae edd. usque ad Moguntinos, qui recte *Lyctum* ediderunt. Tandem *Adoniam* Voff. *Sidoniam* Boend. Mox *plurimas urbes*, pro *civitates*, Leid. Voff. Berg. Lov. 2. Boend. et ed. Campani; quod tot testimonium auctoritate praetuli. Voces *urbs* et *civitas* etiam supra commutantur a librariis 1, 59, 6.

L. Roscius tribunus plebis] *L. Rosius* Lov. 2. Norv. et plures edd. vett. *L. Rostius* Berg. et Boend.

Quatuordecim gradus proximi] Non intelligo, quomodo *gradus proximi* dici possint,

ubi antea non significatum est, quid illud sit, cui proximi fuerint. Duplex conjectura mihi in mentem venit. Una, excidisse aliquid, v. g. *orchestrae*, e qua senatus spectabat: nam huic proximi erant quatuordecim gradus, lege Roscia equitibus in theatro adsignati. Unde Petronius cap. 126. *Usque ab orchestra*, inquit, *quatuordecim transilit, et in extrema plebe quaerit, quod diligat*. Altera, quae probabilior videtur, pro *proximis* legi posse *primis*: primi enim post orchestram erant quatuordecim gradus, e quibus spectabant equites; quos etiam *sedilia prima* dicit Horat. Epod. 4, 15.

*Sedilibusque magnus in primis eques,
Othone contempto, sedet.*

Nam quidd ibi Scholiastae veteres de sedilibus tribunorum commenti sunt, merito explosit Pet. Faber 2. Semestr. 6. *primus* autem et *proximus* etiam in Livio et Suetonio permutari, adnotarunt viri Clarissimi Jac. Gronov. ad Livium 2, 33. P. Burmann. ad Suet. Caes. 50. et Drakenb. ad Liv. 5, 47. DUKER.

signarentur. Cn. Pompejus, lege ad populum lata, persequi piratas jussus, qui commercium annonae intercluserant, intra quadragesimum diem toto mari eos expulit; belloque cum iis in Cilicia confecto, acceptis in deditionem piratis agros et urbes dedit. Praeterea res gestas a Q. Metello adversus Cretenses

Persequi piratas jussus] prosequi Voff. Berg. Boend. et edd. Campani, ac Rom. anni 1472. Verba haec in Mssis Livii commutantur innumeris in locis, quae cumulare operae non est. Vide Benth. ad Hor. 1. Sat. 9, 16. Burmann. ad Ovid. 4. Met. 151. Broukh. ad Tib. 1, 9, 28. Corte ad Plinii 4, 9, 21. Torren. ad Valer. Max. 3, 2. princ. et Viros doctos ad Suet. Caes. 27. Mox *interclusus erat*, pro *intercluserant*, obvio errore, Voff. Vide ad Livii 23, 29, 16.

Intra quadragesimum diem toto mari eos expulit] intra LX diem Boenderm. De hac varietate notae numeralis vide ad Epit. 97. Quod vulgo exstat, firmatur testimonio Flori 3, 6. Quid prius mirere in hac victoria? velocitatem, quod quadragesimo die parta est? an felicitatem? ubi vide Freinsh. Alii tamen longius paullo temporis spatium bello conficiendo Pompejum inpendisse narrant. Id enim intra paucos menses ingenti felicitate et celeritate confectum dicit Eutrop. 6, 12. ubi vide Cellar. Eodem anno, quo coeptum est, etiam finitum fuisse, refert Dio Cass. 36, 81. [c. 20.] Πάσαν ἄμα τὴν θάλασσαν, ὅσῃν οἱ καταποντισαὶ ἐλύπον, τὰ μὲν αὐτοῖς, τὰ δὲ καὶ διὰ τῶν προσρατῆρων περιέπλευσε. καὶ τὰ πλείω αὐτοῖς ἡμέρωσε. Pro-nomen eos ignorat Voff. Mox bello quosque Leid. et Boend.

V. ad Livii 5, 27, 1. Praeterea in *Cilicia* Lovel. 2. in *Sicilia* Boend. et edd. Rom. princeps, teste Hearnio, ac Campani. Vide ad Epit. 68.

Res gestas a Q. Metello adversus Cretenses] Vocabulum *gestas* exsulat a Norv. et plerisque edd. antiquis, nisi quod in ed. Campani invenerim. Addidit deinde ed. Paris. anni 1573. et post eam recentiores omnes servarunt. Superest etiam in omnibus scriptis meis. In sequentibus et epistolas Cn. Pompeji et Metelli missas in vicem legit Leid.

Queritur Metellus, gloriam rerum a se gestarum a Pompejo sublatam praeteriri] Et Voff. et Gudiani ignorant *to sublatam*. Ergo pro *praeteriri* fac *intercipi*. Duo tamen *gloriam sibi rerum*. Ita forte melius foret *praeripi*. J. FR. GRON. queriturque Metellus Leid. Berg. Boend. et ed. Camp. queriturque, sequenti voce omissa, Voff. queritur Q. Metellus Exc. Pithoei. Vide ad 22, 31, 7. Tum *sibi gloriam rerum a se gestarum a Pompejo sublatam praeripi* ed. Camp. *gloriam sibi rerum a se gestarum a Pompejo praeteriri* Lov. 2. et Boend. *gloriam sibi rerum gestarum a Pompejo praeripi* Berg. quod recepi. Mox ad accipiendum urbium deditiones Boend. Vide ad Livii 40, 49, 1.

continet: et epistolas Metelli et Cn. Pompeji in vicem missas. Queritur Metellus, gloriam sibi rerum gestarum a Pompejo praeripi, qui in Cretam miserit legatum suum ad accipiendas urbium deditio- nes. Pompejus rationem reddit, hoc se facere de- buisse.

Pompejus Romae rationem reddit] Romae supervacaneum, praesertim cum dicat, per epistolas rem esse actam. Abest certe a vet. libris. SIGON. Abest etiam a Leid. Voss. Berg. Lov. 2. Boend. Exc. Pithoei, et ed. Campani? Tum reddidit Boend. Ita

passim librarii syllabae di vel additione vel omissione in hac voce variant in Mss. Vide ad 2, 15, 6. 3, 26, 2. cap. 60, 5. 28, 8. 6. 38, 13, 4. Idem in tradit ac tradidit obvenisse, vidimus ad Livii 34, 29, 13.

JOHANNIS FREINSHEMII

SUPPLEMENTORUM LIVIANORUM LIBER LXIV.

IN LOCUM LIBRI XCIX. T. LIVII.

U. c. 685.
A. C. 67.
Cretensis
victoria Q.
Metelli.

I. Interim in Creta Q. Metellus proconsul, prosperis rebus usus, multas in potestatem civitates redegit. Cydonia, Cretae metropolis, (quae hodie sub Caneae nomine Turcarum imperium, erepta Venetis, patitur) post obsidionem aliquamdiu toleratam a Panare est data, impunitatem veniamque delictorum pacto. Inde transductus Cnossus exercitus, ubi domicilium Lathenes habebat. Sed ille, sedibus cum omni suppellectile concrematis, ex oppido profugit. illo deinde similiter dedito, Lyctus; et, hac recepta, pleraeque aliae civitates et castella in fidem venerunt.

Lucullus
militum ple-
rosque di-
mittere co-
gitur.

II. Sed in Asiam Pontumque missi a senatu populoque Romano decem legati, (quia debellatum cum Mithridate Lucullus scripserat) postquam in castra venerunt, res repererunt turbatas, et imperatorem prae militum insolentia ne sui quidem potentem. Nam illi, postquam aestas, in quam promiserant operas, transiit, sumptis armis, strictisque gladiis egressi provocarunt hostem: et, postquam comparebat nemo, diu enim ante ille se receperat, impletam testati fidem, quam Lucullo dedissent, praeter exiguum aliquem numerum, castra reliquerunt. Lucullus, quod aliter se facere non posse videbat, Valerianas legiones dimisit: ceterorum militum quod erat turbulentius, Glabriori tradidit: alios, quibus nihil erat domi, quod neglecto plebiscito adimeretur, aliquanto aequiores sub signis continuit.

Cap. I. Liv. Epit. Flor. 3, 7. Appian. apud Ursin. Liv. Epit. Cap. II. Plut. Lucull. c. 73. Dio, l. 36. Plut. Cic. pro Lege Manil. c. 9. Appian. Mithrid.

III. Eodem anno Romae L. Roscius Otho tribunus plebis legem tulit, *ut equitibus Romanis in theatro quatuordecim ab orchestra citimi gradus adsignarentur: exceptio tamen, si quis artem ludicram exercuisset, aut suo fortunaeve vitio decoxisset, ut minorem quadringentis rem haberet.* Fuit illa lex gratissima plerisque equitum; cuius ordinis dignitatem adaugebat; populo graviter ferente discrimen sedis, quum antea promiscue plebs equitesque spectassent.

U. c. 685.
A. C. 67.
Lex Roscia theatralis.

IV. A. Gabinii tribuni plebis lex de piratico bello, *Piratarum quemadmodum majorum rerum habebat molimina, sollicitum senatum habuit.* Sane non erant exiguae causae, cur ad bellum istud summis viribus capeffendum properari oporteret. Ita enim piratarum invaluerat quasi quaedam respublica, ut jam multi magnis opibus et claro genere viri, ad hoc prudentiae laude celebres, nomina societati darent. Igitur classes praedatoriae per maria oberrabant, non solum multitudine et robore sociorum navalium, et gubernatorum arte terribiles; sed etiam magnifica ornamentorum specie plus propemodum doloris offerentes intuentibus. aureis columellis, purpureis cortinis adornata naves, inargentatis remis movebantur: tibiae cantusque et computationes circum litora erant, et inter haec principum virorum, interdum matronarum quoque ac virginum captivitates, urbium oppressarum redemptiones, insignia imperii Romani probra, frequentabantur. Usque ad mille naves numerabant: oppida plus minus quadringenta ceperant.

V. Tum et ab omni antiquitate sanctae inviolataeque aedes et oracula profanata ac direpta sunt: *Colonia. Et maleficia.* Colophon capta, Clarium; Didymaeum apud Milesios, et in Samothrace Castorum, et juxta Hermionem in Peloponneso Chthoniae Cereris fanum, et Aesculapii templum ad Epidaurum; tria quoque Neptuni, Isthmicum, Taenarium, et quod erat in Calauria; duo Apollinis, alterum Actii, alterum Leucade; tria Junonis, Samium, ipsa quoque urbe capta, Argivum, Lacinium.

Cap. III. Vell. 2, 32. Liv. Epit. Dio. Laber. apud Macrob. Sat. 2, 7. Cic. Phil. 2, 18. Hor. Ep. 1, 1. Cap. IV. Cic. pro Mur. c. 19. Plin. 7, 30. Cic. post Redit. in Sen. c. 5. et pro Leg. Manil. c. 17. Plut. Pomp. c. 37. Cap. V. Cic. pro Lege Manil. c. 12. Plut. Aemil. c. 39. Pausan. l. 2. Plut. Pomp. Arnob. l. 6. fin.

JOHANNIS FREINSHEMII

SUPPLEMENTORUM LIVIANORUM LIBER LXIV.

IN LOCUM LIBRI XCIX. T. LIVII.

U. c. 685.
A. C. 67.
Cretensis
victoria Q.
Metelli.

I. Interim in Creta Q. Metellus proconsul, prosperis rebus usus, multas in potestatem civitates redegit. Cydonia, Cretae metropolis, (quae hodie sub Canaeae nomine Turcarum imperiam, erepta Venetis, patitur) post obsidionem aliquamdiu toleratam a Panare est dedita, impunitatem veniamque delictorum pacto. Inde transductus Cnossus exercitus, ubi domicilium Lasithenes habebat. Sed ille, sedibus cum omni suppellectile concrematis, ex oppido profugit. illo deinde similiter dedito, Lyctus; et, hac recepta, pleraeque aliae civitates et castella in fidem venerunt.

Lucullus
militum ple-
rosque di-
mittere co-
gitur.

II. Sed in Asiam Pontumque missi a senatu populoque Romano decem legati, (quia debellatum cum Mithridate Lucullus scripserat) postquam in castra venerunt, res repererunt turbatas, et imperatorem prae militum insolentia ne sui quidem potentem. Nam illi, postquam aestas, in quam promiserant operas, transiit, sumptis armis, strictisque gladiis egressi provocarunt hostem: et, postquam comparebat nemo, diu enim ante ille se receperat, impletam testati fidem, quam Lucullo dedissent, praeter exiguum aliquem numerum, castra reliquerunt. Lucullus, quod aliter se facere non posse videbat, Valerianas legiones dimisit: ceterorum militum quod erat turbulentius, Glabroni tradidit: alios, quibus nihil erat domi, quod neglecto plebiscito adimeretur, aliquanto aequiores sub signis continuit.

Cap. I. Liv. Epit. Flor. 3, 7. Appian. apud Ursin. Liv. Epit. Cap. II. Plut. Lucull. c. 73. Dio, l. 36. Plut. Cic. pro Lege Manil. c. 9. Appian. Mithrid.

III. Eodem anno Romae L. Roscius Otho tribunus plebis legem tulit, *ut equitibus Romanis in theatro quatuordecim ab orchestra citimi gradus adsignarentur: excepto tamen, si quis artem ludicram exercuisset, aut suo fortunaeve visio decoxisset, ut minorem quadringentis rem haberet.* Fuit illa lex gratissima plerisque equitum; cuius ordinis dignitatem adaugebat; populo graviter ferente discri-
 U. c. 685.
 A. C. 67.
Lex Roscia theatralis.

IV. A. Gabinii tribuni plebis lex de piratico bello, *Piratarum quemadmodum majorum rerum habebat molimina, sollicitum senatum habuit.* Sane non erant exiguae causae, cur ad bellum istud summis viribus capeffendum properari oporteret. Ita enim piratarum invaluerat quasi quaedam respublica, ut jam multi magnis opibus et claro genere viri, ad hoc prudentiae laude celebres, nomina societati darent. Igitur classes praedatoriae per maria oberrabant, non solum multitudine et robore sociorum navalium, et gubernatorum arte terribiles; sed etiam magnifica ornamentorum specie plus propemodum doloris offerentes intuentibus. aureis columellis, purpureis cortinis adornata naves, inargentatis remis movebantur: tibiae cantusque et computationes circum litora erant, et inter haec principum virorum, interdum matronarum quoque ac virginum captivitates, urbium oppressarum redemptiones, insignia imperii Romani probra, frequentabantur. Usque ad mille naves numerabant: oppida plus minus quadringenta ceperant.

V. Tum et ab omni antiquitate sanctae inviolataeque aedes et oracula profanata ac direpta sunt: Colophonae capta, Clarium; Didymaeum apud Milesios, et in Samothrace Castorum, et juxta Hermionem in Peloponneso Chthoniae Cereris fanum, et Aesculapii templum ad Epidaurum; tria quoque Neptuni, Isthmicum, Taenarium, et quod erat in Calauria; duo Apollinis, alterum Actii, alterum Leucade; tria Junonis, Samium, ipsa quoque urbe capta, Argivum, Lacinium. *Et maleficia.*

Cap. III. Vell. 2, 32. Liv. Epit. Dio. Laber. apud Macrob. Sat. 2, 7. Cic. Phil. 2, 18. Hor. Ep. 1, 1. Cap. IV. Cic. pro Mur. c. 19. Plin. 7, 30. Cic. post Redit. in Sen. c. 5. et pro Leg. Manil. c. 17. Plut. Pomp. c. 37. Cap. V. Cic. pro Lege Manil. c. 12. Plut. Aemil. c. 39. Pausan. l. 2. Plut. Pomp. Arnob. l. 6. fin.

U. c. 685. VI. Nam non longinqua modo, sed etiam Italiae, A. C. 67. intuta ora erat: et saepe, exscensione facta, milites viae latrociniis infestabantur, adsitaeque divitum villae direptioni et praedae erant. Tantusque jam erat metus, ut etiam exercitus Romani Brundisio nunquam, nisi summa hieme, transmitterent; legati populi Romani pecunia redimerentur; duodecim secures, cum praetoribus Sextilio et Bellieno, in praedonum potestatem pervenirent; portus Cajetae celeberrimus atque plenissimus navium, inspectante praetore, diriperetur; ad Ostiam classis ea, cui consul populi Romani praepositus esset, opprimeretur; ex Miseno abriperetur M. Antonii filia, ejus ipsius, qui cum praedonibus antea bellum gesserat, rus forte exspatiata. Et acerbiora malis ludibria erant. quippe, ubi quis exceptus Romanum se civem esse testabatur, femur feriebant, tamquam timore perciti, genibusque ejus accidentibus orabant errori veniam. mox aderant, qui calceos inducerent homini, togamque darent, ne videlicet ignotus ultra civis Romanus esset. Ubi tandem ludibriorum eos satietas cepit, scalis ab ora navis in mare dimissis, abire jubebant incolumem: cunctatum et resistentem praecipitabant.

*Eorumdem
ludibria in
cives Romanos.*

VII. Ob haec pericula quotidie res frumentaria in urbe fiebat deterior, et ingens erat in tanta hominum turba famis et inopiae metus. Nec erat facile bellum in homines, subito magnis navigantes classibus, eosdemque, ubi voluissent, tamquam momento disparentes, et in latebras non inaccessas modo, sed etiam incognitas aliis, dilapsos. Neque Murena igitur coercere licet victos potuerat; neque majori deinceps mole per aliquot continuos annos incumbens Isauricus.

*Gabinii lex
de piratico
bello.*

VIII. Igitur magno plebis applausu legem Gabinius promulgavit, uti ex omni consularium numero unus deligeretur, cui imperium in triennium esset: idemque legatos, quotquot ex usu fore putaret, adsciceret. Idne Pompeji voluntate Gabinius, an ultro, fecerit, ut tanti viri aucuparetur gratiam, incertum est: illud certissimum, non esse inductum amore reipublicae, quam homo pessimus in nullo numero ducebat. Licet autem nominatus in lege Pompejus non erat, dubitari tamen ne-

*Ad Pompeji
potentiam*

Cap. VI. Plut. Pomp. Cicero. Plut. Cicero. Appian. Plut. Cicero. Dio. Cicero. Plut. Cicero. Plut. Cap. VII. Appian. et Dio. Appian. Cap. VIII. Dio.

quibat, quin ante omnes illum electurus populus esset. idque, simul atque recitata lex erat, apparebat futurum esse, cunctis statim ad Pompejum respicientibus.

U. c. 685.
A. C. 67.
*augendae
pertinens.*

IX. Sed Patres, quamquam in M. Antonio similem ante potestatem tulerant, partim aemulatione, plures metu correpti, ne acceptum semel imperium Cn. Pompejus, quamdiu vellet, retineret; ita resistebant, ut potius omnia piratici furoris incommoda, quam istam legem, passuri viderentur. Quippe totius pene terrarum orbis imperium uni viro deferebatur, quod adscriptum legi erat, *uti toto mari, et ad quinquagesimum a mari milliarium, praefensularem potestatem haberet: reges nationesque omnes auxilia petenti mitterent: pecuniae quantum vellet, ex aerario et a publicanis sumeret: militum sociorumque navalium delectus suo arbitratu haberet.*

X. Igitur tanta contentione pugnatum est, ut parum abfuerit, quin Gabinius in ipsa curia discerpere-
tur. Quod ubi forensis turba comperit, impetu in senatum facto, ceteris salutem fuga tutantibus, C. Pisonem consulem corripuit, qui forte in altercatione Pompejo dixerat, *Romuli sequentem vestigia non effugiturum illius exitum esse.* Territi periculo Patres, nam consulem exitio proximum vix servare Gabinius potuerat, abstinere contentionibus: ceterum saepe usurpato remedio contra vim tribunitiam ex collegio intercessores coeperunt quaerere. Duo tantum reperti, ceteris metu deterritis, L. Trebellius, L. Roscius.

*Cui repu-
gnant Pa-
tres.*

XI. Die comitiorum Pompejus, imperandi cupiditatem ficta modestia tegens, quum appetitam potestatem invidiosam fore, tamquam recusanti ingestam honestissimam cerneret, hujusmodi orationem orsus est. *Gracias equidem pro benevolentia vestra vobis ago, semperque agam, Quirites, quorum in me ornando perpetuo indefessa studia fuerunt. Ceterum et vobis in tribuendis honoribus imperiisque, et mihi in accipiendis modus aliquis esse debet.*

*Pompejus
ficta mode-
stia*

XII. Quae populi Romani principes omni aeo vix post longam aetatem consequuti sunt, ea in me prope puerum, certe adolescentem, congestistis. Quibus annis tirocinium esse aliorum solet, imperatorem agere coactus, vix umquam postea interquievi, quum ceteras continuas expeditiones gravissimum

*Provinciam
eam depre-
catur.*

Cap. IX. Vell. 2, 31. Dio. Plut. Zonaras. Vell. Appian.
Cap. X. Dio. Plut. Dio.

U. c. 685. et diuturnum cum Sertario bellum excepisset. Neque annos
 A. C. 67. meos computaveritis: stipendia potius numerare; et, quem longissimae vitae spatio fructum ex homine sperare potuissetis, jam ex me captum esse reputare. Non potest a mortalium conditione postulari, ut, si ante annos robur aliquod ostenderunt maturitatis, idem ad ulteriora vitae tempora perferant. Etiam fructus paullo praecociore minime durabiles sunt: et animalia, quorum magnitudo viresque velox incrementum habent, citius consenescent.

Anteaotos labores et invidiam obtinens. XIII. Quod si forte robur animi corporisque nondum ita consumptum esset, ut periculis laboribusque belli hujus impar existimari deberet; invidiosum tamen erat, inter tot egregios viros ad me potissimum populum Romanum respicere. Magnum est et intolerabile aemulationis onus, cui, se quum potest subducere, humeros nemo prudens subjecerit. Igitur jampridem haud minus bonorum laborumque, quam invidiae satur, consul, uti meministis, juravi, nullam in provinciam ex eo magistratu iturum: idque servavi. Nunc, exsolutis, ut spero, quae patriae debebantur, rem non arduam nec iniquam a vobis puto me petere, ut aliquando bellicis laboribus me vacuum mihi meisque suavis vivere.

Et esse a- XIV. Neque rempublicam praetexueritis. non ita oderunt
 lios his ne- negliguntque Romam Dii, ut non habeat multos, quibus ea-
 gotiis pares. dem sit peritia rei militaris, idemque in patriam amor. quo-
 rum ego nominibus abstineo, et quia vos non possunt fallere, et quia nolo dicta mea sic accipi, tamquam potius in gratiam singulorum, quam ob utilitatem publicam, essem loquutus.

A. Gabini- XV. Tacentem post ista Pompejum A. Gabinius
 us Pompejo tribunus plebis sic excepit. Rem plane dignam moribus
 respondet. suis Pompejus facit, imperium, quod offertur, recusando. Nec enim boni viri est omnes promiscue honores appetere; nec prudentis, nisi re probe considerata, tantae molis suscipere negotium. Igitur hunc ego quidem minime reprehendo, Quirites: vos horror, ut potius ad ea, quae publice sunt utilia, quam quae gratiora Pompejo sunt, respiciatis.

Illum satis XVI. Sane indulget tibi patria, Cn. Pompei, ut, confecto
 quievisse di- Hispaniensi bello, quietum consularum ageres; deinde jam tertium in annum non invidendo post tot labores otio rescicereris. Sed tuae vicissim virtutis, tuaeque aequitatis est, ut tam benignam atque indulgentem patriam iterum audias, non ad translatici cuiusdam belli labores, quibus et alii multi pares esse possunt, revocantem; sed ad liberandum fame populum,
 ad

ad exsolvendum ignominia imperium, ad generis humani confirmandam confirmandamque societatem, quae piratarum audacia propemodum convulsa bis annis et interrupta est.

U. c. 685.
A. C. 67.

XVII. Neque labores, fractumque iis animum corpusque objeceris. Magna illa gloria, ad quam genitus, quamque praestantissimis factis adeptus es, neque quaeri sine labore, neque conservari potest. igitur exprobrare, quae feceris, populo Romano noli: ne sit ei commemorare opus, quot et quanta ab eo acceperis. Neque persuaderis cuiquam ea aetate, qua vulgo homines animis corporibusque maxime valere consueverunt, te, singularem ad omnia virum, marcescere. Quod si tamen unum ita fortasse sentis, otio debes, quod illa pristina tua virtus languet: quam quia deperdere summa calamitas et tibi videtur, et omnibus, excitanda tibi negotiis est, facile pristinum recuperatura vigorem, ubi digna se negotia senserit.

Negotiis
isum exci-
tandam vir-
tutem esse.

XVIII. Sed alii quoque sunt, quibus ista recte committantur! Jamprimum a te peto, Pompei, ut de te tuisque laudibus populo potius Romano permittas iudicium, quam tibi sumas. quid in unoquoque spei habere debeat respublica, omnium, quam singulorum, aestimationem esse aequius est. An oblitus existimas, quid prima adolescentia Cinnano bello, quid deinde in Sicilia Africaque rerum gesseris? Nam Sertorium hostem, quum omnes nostri duces reformidarent, propemodum ipsa tibi necessitas dedit: eoque experimento populus Romanus didicit, non esse certius minusque fallax indicium, te unum praefici negotiis oportere, quam ubi tanta eorum difficultas esse coepit, ut a nemine uno sustineri posse videantur. Tibi vero, Pompei, pro ceteris moribus tuis, proque hac mutua tua populi Romani benevolentia, nihil recusandum est oneris, quod ob necessitatem publicam a civibus tuis carissimis simul amantissimisque imponitur. Operam, opes, labores, spiritum denique, si sit opus, impendenda patriae utilitatibus esse, praecleari illi viri, quorum tu ita sequeris vestigia, ut propemodum antevertas, constanti professione statuerunt.

Illi populum
omnia tribue-
re debere; il-
lum accipe-
re, quae tri-
buantur.

XIX. Invidiam autem ne expaveris. opprimi a virtute potius illa potest, quam virtutem opprimere. neque ejus est, qui amore patriae cetera terribilia omnia contemnat, ad livoris terculamentum expallescere. Ego optimum quemque eo esse animo puto, ut potius virtute sit tecum certaturus, quam ut ea vilitate animi gloriam tuam illustret, suam miseriam augeat. Quod si tamen aliqui tam perversis sunt moribus, an ideo te imperatore carebit respublica? Quin tu vel ideo promptius oblata suscipis, ut aegre facias pessimis hominibus, inimicorumque oculos adspectu fascium tuorum atque laurearum maceres.

Invidiam
non esse exit-
mendam.

U. c. 685.

A. C. 67.

*Trebellii
Gabinio re-
pugnantis
periculum.*

XX. Contra haec L. Trebellius quum coepisset disserere, nec silentium fieret, tribus in suffragia mitti vetuit. Tum vero Gabinius, omisso in praesens Pompeji negotio, de L. Trebellio rogare populum coepit. Jamque tribus septemdecim tribunatum ei abrogaverant, et in eo erat, ut etiam duodevicesima suffragium ferret, plebiscitum factura; quum vix dimoveri a proposito passus Trebellius, tandem incitatae concionis fluctibus cessit.

*Itemque
Roscii.*

XXI. Deinde Roscius loqui orsus, quum animum nemo adverteret, digitis sublati duos esse designandos significavit: ut vel sic potentiae Pompeji terminum figeret. Ad ejus conspectum tantus indignantis populi sublatus clamor est, ut forte praetervolans corvus, tamquam fulmine ictus esset, ex alto rueret.

*Q. Catuli
oratio.*

XXII. Ita quiescente Roscio, Gabinius Q. Catulum excitavit, ut diceret. Sperabat enim tribunorum periculo territum nihil, praeterquam volentia plebi, dicturum; et, quia princeps ille senatus erat, ceteros haud gravatim auctoritatem ejus sequuturos. At ille, dignitatis suae memor, attento ob reverentiam viri populo, in hunc modum verba fecit: *Si quidem tantarum rerum potestatem ad unum aliquem deferendam existimarem, Quirites, neminem certe Pompejo eram praelaturus. Quem enim aut peritia rei militaris ei viro conferam, quem adhuc pene puerum imperatores hostium timuerunt, nostri ornarunt, externi omnes admirationi habuerunt? Aut in quo lubentius conspiciam novorum honorum imperiorumque insignia, quam qui a L. Sulla victore Magnus est appellatus; qui vestro jussu, quum adhuc eques Romanus esset, semel iterumque triumphavit; qui, quum alium magistratum neque gessisset, neque ferme per actatam potuisset gerere, consul factus est? Praeterea tanta est Cn. Pompeji modestia, ut, si cuiquam tuto concedi immoderata potentia posset, huic rectissime credi videatur. Quam lubenter ille vobis perentibus dimisit exercitum? quam facile cum M. Crasso rediit in gratiam? quam prudenter a se cupitae provinciae invidiam, jurejurando interposito in nullam ex consularu iturum, amolitus est?*

*Negat uni
credendam
esse tantam
potentiam.*

XXIII. Verum enimvero negotium mihi potius, quam bo-
mo, displicet: neque Pompejo hoc adimendum esse imperium,
sed nemini mortalium concedendum existimo. Jamprimum ma-
jores nostri, sapientissimi mortales, quum ante omnia vide-

Cap. XX. Cic. pro Corn. et ibi Ascon. Dio. Cap. XXI. Plut. Pomp. c. 41. et Dio. Cap. XXII. Dio. Vell. 2, 29.

rent habendam esse libertatis curam, quam qui amisissent, ceterorum nihil essent in potestate habituri, diligentissime providerunt, ne nimia potestas uni homini, aut certe ut locis temporibusque constricta daretur.

U. c. 685.
A. C. 67.

XXIV. Summum in republica nostra dictatoris imperium fuit; sed illud cohiberi intra Italiae terminos, finire sex mensium angustia placuit. sic quoque centum viginti annis est intermissum, quum illud L. Sulla dictator ita accepit perpetuum, ut magis in perpetuum aboleret. Nec enim ipse diu sustinuit invidiam, nec tanta laboratueros insania posteros nostros crediderim, ut, donec Sullanorum temporum exstabit memoria, creare dictatorem concupiscant. Marii quoque paucos intra annos multiplicati consulatus quid aliud, quam continuæ potestatis amorem, et per hunc acerbissimas reipublicæ calamitates, pepererunt? Praetereo jam, quod ejusmodi leges statum convellunt civitatis. nam, si aequa libertate fruimur, laborum certe præmiorumque neminem haberi exorsorem convenit.

Ab hac
caussa dicta-
turam varie
apud majores
fuisse soliti-
mitatam.

XXV. At non est præterea, qui negotiis sufficiat. Dura profecto vox, et adversus tot excellentes viros injuriose pro-cax. Sed demus esse paucos. jam etiam pauciores effeceritis, si ad res gerendas nemini, præter unum aliquem, relinquatur aditus. nemo enim imperator nascitur: magno labore, multis periculis, longo etiam tempore, tentando, experiundo, facultas ea comparanda est. Quod si adversus Sertorium dux nobis defuit, (quamquam non poenitet Q. Metelli) minus equidem mirum est, quia tum, divisa intestinis bellis civitate, multi suorum armis interierant: nec adversus Sertorium duce habuissimus opus, si retinere Sertorium respublica potuisset. Tamen etiam tum fuissent haud dubie plures, nisi, superioribus annis tradita paucis hominibus republica, ceterorum vir-tus in otio, tamquam sub cineribus flamma, obtorpuisset.

Alios etiam
esse duces i-
doneos.

XXVI. Quorsum autem magistratus creatis annuos, si nullam ad rem insignem eorum opera estis usuri? majoremne vobis illi gratiam habebunt ob beneficium, quod bonore dignos habuistis, an succensebunt ob injuriam, quasi in hoc eos creaveritis, ut majori dedecore homini privato postponerentur?

Magistra-
tum ad in-
juriam perti-
nere extraor-
dinaria im-
peria.

XXVII. Sed hæc quidem civitatis leges atque instituta sunt, quæ fortasse, si omnino volueritis, moveri poterunt. At naturæ leges qui mutabitis, cujus providentia sic sunt res ordinatae, ut id negotium, cui vos unum præfiscitis, multos postulet? Diffusum per omnia maria, per omnes prope terras

Sed nec ab
uno tantum
negotii geri
posse.

U. c. 685. bellum ab uno regi omnibus locis poterit? idem Italiae litora
 A. C. 67. rutabitur? defendet Graeciam? in Syria, quum postularit usus,
 in Hispania, in insulis erit? idem eodem tempore geret in Ci-
 licia bellum? At habebit legatos praefectosque. Cur autem ille
 potius, quam populus Romanus, habeat? cur tot clari viri
 unum potius respiciant, quam rempublicam? Si quidem eo
 redeundum est, et multorum ingeniis manibusque res admini-
 stranda, quippeni jam ab initio plures creentur, qui, nullius
 alterius imperio obnoxii, quum pro cuiusque merito propriam
 sibi gloriam ignominiamque futuram esse reputabunt, omnia
 diligentius cordatiusque gerent? quando natura ita compara-
 rum est, ut lubentius pro suis commodis homines, quam pro
 alienis, laborem ac pericula capeffant.

XXVIII. Quae omnia si minus apud vos habebunt ponde-
 ris, quam habere debebant, at ipsi tandem Pompejo consulite,
 cujus paullo ante orationem audivistis. Tot profecto laboribus
 meruit, ut aliquando tempori ejus salutique parcatis. Nam
 certe iisdem, quibus ceteri homines, legibus vivit; nec invul-
 nerabile ferro corpus, nec inexpugnabilem morbis valerudinem
 gerit. Huic porro si quid humani evenerit, in quo deinde
 spem estis habituri? Haec dicente Catulo, universa con-
 cio succlamavit, *In te, Q. Carule.* Quo ille tam hono-
 rifico testimonio delinitus, simul obstinatos hominum
 animos flecti posse desperans, e concione discessit.
 Multa quoque Q. Hortensius in senatu contra Gabi-
 nium, multa pro rostris contra legem, pro summa sua
 facultate, graviter ornateque dixerat. sed vana omnis
 adversus populi favorem contentio fuit.

Judicium
populi Ro-
mani de Q.
Catulo.

XXIX. Qua die suffragia laturae tribus erant, Pom-
 pejus clam in praedium aliquod suum est profectus.
 Audito deinde perlatam jussamque rogationem esse,
 noctu introiit urbem, ut gratulantium coetus, et ex ea
 re, invidiam declinaret. Prima deinde luce progressus
 in forum sacrificavit: et, concione praebita, sic egit
 cum populo, ut lege datis multa adjicerentur, ge-
 minareturque propemodum apparatus. nam pro du-
 centis navibus quingentae sunt concessae: centum vi-
 ginti millia peditum, equites quinque millia. pro le-
 gatis quindecim legit ex omni senatu quinque et vi-
 ginti; quaestores duos; pecuniae praelentis accepit
 millies quingenties.

Cap. XXVIII. Sall. Hist. 5, 2. Cic. pro Lege Manil. c. 20.
 Vell. 2, 32. Plut. Pomp. Val. Max. 8, 15. Cic. ibid. c. 17.
 Cap. XXIX. Plut.

XXX. Ejus tanti apparatus fama quum minime latere potuisset, jam tum ita terruit piratas, ut parcius excurrentes mercatoribus liberiores navigandi copiam facerent. Unde subito decrescentia rerum venalium pretia magnam Pompejo claritudinem circumdederunt, tamquam solo nominis sui terrore belli partem profligasset. Sed ille, posthabitis inanibus, admirabili prorsus industria negotium complexus, quum suis et Rhodiorum socialibus navibus abundaret, in tredecim sortes distribuit maria, singulisque legatos praefecit, attributis navibus, peditibus, equitatu, et praetorum insignibus: ut unusquisque in parte sibi credita imperium haberet, ipse, tamquam rex regum, praesesset omnibus, et summam rerum consilio praeceptoque moderaretur.

U. c. 685.

A. C. 67.

*Pompejus
in tredecim
sortes distri-
buit maria.*

XXXI. Hispaniam et, quod circa Gades est, mare Ti. Nero; Balearicum Manlius Torquatus sortiti sunt; M. Pomponius Gallicum; Libycum Lentulus Marcellinus; P. Atilius Ligusticum sinum et mare, quod Sardiniam alluit et Corsicam; L. Gellius, Cn. Lentulus circa Italiam excubare iussi; Siciliam Ioniumque pelagus ad Acarnaniam usque Plotius Varus, M. Terentius Varro custodiebant; Achajae Macedoniaeque L. Sisenna praesidebat; Insulas Aegaei maris omnemque ejus ambitum cum Hellesponto L. Tubero obtinebat; Bithyniam, Thraciam, Propontidem, et ipsum os Ponti P. Piso; Lyciam, Pamphyliam, Cyprum, et Phoenicem Metellus Nepos. Ceterorum in obscuris sunt: M. Varroni, tamquam homini doctissimo, hoc tribuerunt literae, ut gestorum ejus meritorumque nonnullam servarent memoriam. Intervallum ab Italia Appolloniam versus, ubi tantum quinquaginta millibus passuum dirimuntur, ponte conjungere instituit: sed aliis curis, quominus destinata perficeret, est impeditus. Per idem tempus quum Corcyrae esset exercitus, ac classis et omnes domus repletae essent aegrotis ac funeribus, immisso fenestris novis Aquilone, et obstructis pestilentibus, januaque permutata, ceteraque ejus generis diligentia, suos comites ac familiam incolumes reduxit. Insignis etiam virtutis documentum corona navalis est, quam ex illo

*Legatorum
ejus nomina
et sortes.*

Varro coronam navalem meretur.

Cap. XXX. Plut. Flor. 3, 6. Vell. Appian. Cap. XXXI. Appian. et Flor. Plin. 3, 11. Varro de re Rust. 2, 4. Festus in Naval. coron.

U. c. 685. Cn. Pompejus ei dedit: quod paucissimis omni aeo
A. C. 67. contigit decus.

XXXII. Sed Pompejus, rebus ita ordinatis, quum velut indagine cinxisset maria, brevi tempore piratarum perplurimas naves cepit: et intra dies omnino quadraginta mare Tuscum, Libycom, Sardoum, Corsicum, Siculum, totumque tractum occidentis ita repurgavit, ut nulla praeterea praedonum navis usquam compareret. Inde Romam recurrit, ubi consul Piso per invidiam et iram apparatus ejus impediabat; acceptusque est summa gratulatione populi, tamquam ex diuturna peregrinatione revertisset. jam enim pacato longe lateque mari annona laxaverat. Id enim praecipue curae habuerat Pompejus, ut Siciliam, Africam, Sardiniam, tria frumentaria urbis subsidia, confirmaret: et, nondum tempestivo ad navigandum mari, omnes illas provincias ipse adiverat: magnaue vi frumenti in naves imposita, quum ob tempestatem ortam gubernatores cunctarentur, primus conscendit, anchoramque velli iussit, nobili voce edita, *Navigare necessum esse; vivere non necessum.*

XXXIII. Tanto major ex merito gratia apud populum fuit: eoque adversatus ei consul graviolem expertus est indignationem omnium; nihilque propius factum, quam ut magistratu dejiceretur: eamque in rem conscriptam jam rogationem Gabinius habebat. Sed, deprecante Pompejo, res omissa. ipsi, quidquid voluerat, liberalissime jam etiam ab senatu quoque decretum est, postquam frustra cum periculo fortunae gratiaeque Pompeji se obniti sentiebat. Neque tamen retinendi conscriptas in Ciliciam legiones praetextu consul carebat, quia coloniae Latinae, quas bello Mar-sico Cn. Pompejus Magni pater trans Padum deduxerat, instigante C. Caesare, consilia de petenda civitate Romana agitantes, suspicionem rerum novarum exciverant.

XXXIV. Pompejus, haud diutius, quam necessum erat, Romae moratus, Brundisium, ubi classem opperiri iusserat, et inde versus orientem profectus est.

*Pompejus
Ciliciam brevi
tempore
subigit.*

Cap. XXXI. Plin. 7, 30. et 16, 4. Cap. XXXII. Flor. Liv. Epit. Appian. Plut. Appian. Dio. Plut. Cic. pro Lege Manil. c. 22. Plut. Apophth. Rom. in Pomp. Cap. XXXIII. Plut. Dio. Plut. Dio. Sueton. Caes. c. 8. Ascon. in Pison. Sueton. Cap. XXXIV. Plut.

At Rhodi, quamquam properaret, differenti tamen Posidonio dedit operam. deinde in Ciliciam profectus, fontem caputque belli, undequinquagesimo die, quam Brundisio solverat, universam redegit in potestatem. Id adeo praeter omnium et ipsius quoque opinionem factum est, ut potius gravissimum ibi bellum cum exercitatissimis mari hominibus, et arcibus munitissimis futurum videretur: ideoque navibus ex omni numero delectis sexaginta, magnoque armorum atque machinarum apparatu erat profectus. Sed duae potissimum res maturum bello finem dederunt: altera, terror ex magnitudine famaue imperatoris; altera, spes propter lenitudinem, quam erga captos deditosque ostendebat.

U. c. 685.
A. C. 67.

XXXV. Igitur ab omni parte, vitata legatorum severitate, ad Pompejum veniebant oratores: et ille, receptis in fidem dedititiis, horum indicio latebras pessimorum discebat, qui, conscientia scelerum salutem desperantes, conjugibus liberisque in castella montis Tauri sepositis, prope Coracesium, Ciliciae castellum, ad anchoras stabant. Sed haud ultra primum congressum duravit his animus. statim pari undique plausu signum ediderunt deditionis, simulque tela ac remos abjecerunt. Castella deinde maxima duo, Cragum et Anticragum vocant, tradentibus, qui tenebant, recepta sunt; deinde ceterae per Asperam Ciliciam arces. In his navium armorumque inchoatorum effectorumque magna vis inventa est, aerisque et ferri funiumque et linteorum et omnigenae materiae incredibilis apparatus. Captivi quoque plurimi, quos, partim ut se redimerent pecunia, partim operis faciendi causa, vinctos piratae habuerant, ad suos remissi sunt: eorumque haud pauci erecta interim domi, tamquam defunctis, monumenta reppererunt.

*Piratas ad
Coracesium
vincit.*

XXXVI. Piratarum viginti circiter millia in potestate victoris erant. eos quum interficere crudele, dimittere periculofum videretur; optimo consilio usus, (quamquam ab obtrectatoribus reprehensum est) procul a conspectu maris in mediterraneis agris collocavit: futurum ratus, ut, necessitate et occasione, duobus nequissimis consultoribus, remotis, quieti deinde

*Deditos in
mediterraneis
locis collocat.*

Cap. XXXIV. Strabo, l. 11. p. 491. Flor. Cicero. Appian. Plut. Appian. Dio. Plut. Cap. XXXV. Strabo, l. 14. p. 668. Flor. Appian. Plut. Appian. Cap. XXXVI. Plut. Vell. 2, 32. Dio. Flor. Plut.

U. c. 685. pacatique viverent. Simul solitudini multorum oppidorum consulebatur: et inter cetera Mallus et Adana et Epiphanea his cultoribus frequentata sunt. In Solorum etiam urbem, quam Tigranes nuper adflixerat, instauratam introduxit ex eo genere honestissimum quemque, deque suo nomine vocari *Pompejopolin* iussit, immunitate concessa. Nonnullos etiam Dymen misit, quod Achajae oppidum, quum agrum latum et optimum haberet, habitatoribus infrequens erat: alios in Calabria, attributis ad colendum agris, collocavit.

Numerus XXXVII. Hic fuit belli tam formidabilis exitus: quo naves expugnatae duae et septuaginta, deditae trecentae sex narrantur, quo in numero rostratae nonaginta fuerunt: oppida castellaque recepta centum viginti; praedonum repugnantium caesa decem millia. quae tanta opera trimestri spatio confecta sunt ea felicitate, ut ne una quidem navis Romana desideraretur; ea quoque perpetuitate victoriae, ut postea longissima aetate piratas circum ea maria nemo viderit.

In urbe discordiae. XXXVIII. Tam prosper externis rebus annus, totus ferme tumultibus et discordiis in urbe transactus est. Inter alias causas turbarum ambitus erat, permultis proxima censura senatu motis, et ordinem quolibet modo recuperare properantibus. Idcirco C. Cornelius tribunus plebis, iratus senatui, quod relationem ejus, *ne quis legatis exterarum nationum pecuniam expensam ferret*, senatus repudiaverat, de ambitu ferebat legem, cum acerbissimis in delinquentes poenis.

C. Pisonis lex de ambitu. XXXIX. Placebat ea res populo: sed Patres, terribiliorem specie, quam effectu robustiorem, legem caussati, consulem ferre jusserunt legem, *uti condemnati ambitus neque magistratus gererent, et senatu moverentur; mulctam quoque pecuniariam eo nomine penderent*. Interea, dum comitorum dies expectatur, nihilominus ambitus fervebat, tam impudentibus quorundam studiis, ut etiam homicidio non abstineretur. Factum igitur senatusconsultum est, *de his etiam quaeri placere; consuli-que praesidium dari*. Namque C. Piso, quum propter multitudinem adversariorum ejectus foro esset, extremi difficillimique temporis vocem miserat, *ut, qui*

Cap. XXXVI. Appian. Dio. Plut. Strabo, l. 14. p. 665. Pomp. Mela, 1, 13. Appian. Plut. Serv. in 4. Georg. v. 127. Cap. XXXVII. Appian. Plut. Appian. Flor. Cap. XXXVIII. Dio. Ascon. in Corn. Dio. Cap. XXXIX. Cic. pro Mur. c. 23. Dio. Ascon. ibid. Dio. Ascon. ibid.

republicam salvam esse vellent, ad legem accipiendam adessent. U. c. 685.
 Deinde majori manu stipatus, legis perferendae causa progressus in concionem, negotium perfecit. Neque sponte legem eam tulisse consul juxta quosdam auctores putatur, ipse crimine eodem nocens, et vix gratia paucorum, ne causam diceret, ereptus: sed acerbiora timens senatus praeceperat. Ut tamen ea de consulis infamia minus credam, cetera ejus gravitas et constantia facit, tempore comitiorum memorabili voce factoque testata.

XL. M. Palicanus, homo sordidus et seditiosus, *Palicanus consulatus candidatus.* consulatum petere ausus, miro stolidae plebeculae favore sublevabatur. Sed et tribuni plebis ei aderant, ab hoc exemplo suae ambitioni paraturi faciliorem viam. His Patres, et ante ceteros consul Piso, resistebant. Igitur tribuni modo non manibus suis sublatum pro rostris statuerunt; et utrimque circumfusi interrogarunt, *essetne Palicanum renunciaturus consulem, si quidem fictus a populo foret?* Ille, *non existimare futurum,* respondit, *ut eo indignitatis veniretur.* At, urgentibus illis, dicentibusque, *Quid igitur, si ventum fuerit? renunciabis?* *Constantia Pisonis absterretur.* Non renuntiabo, inquit. Atque vocis hujus praecisa severitas Palicanum a summa spe impetrandi honoris removit.

XLI. His occasionibus dissidiorum arreptis, C. Cornelius, ut senatus minueret auctoritatem, promulgavit legem, *ne quis, nisi per populum, legibus solveretur.* Id antiquitus quoque cautum, et in omnibus senatusconsultis, quoties legibus aliquis solveretur, adjectum erat, *ut ea de re ad populum ferretur.* Sed paullatim fieri erat desitum, resque jam in eam consuetudinem venerat, ut postremo ne adjiceretur quidem in senatusconsultis de rogatione ad populum ferenda: eaque ipsa senatusconsulta per paucos admodum fiebant, Igitur eam Cornelii rogationem indigne tulerunt potentissimi quique, et quorum in senatu gratia magnopere minuebatur.

XLII. His satagentibus, P. Servilius Globulus tribunus plebis inventus est, qui C. Cornelio obsisteret. *Seditio tribunitia.* Is, ubi legis ferendae dies venit, et praeco, subiciente scriba, verba legis recitare populo coepit, et scribam subjicere, et praeconem pronunciare passus

Cap. XXXIX. Dio. Cap. XL. Val. Max. 3, 8. Cap. XLI. Dio. Ascon.

U. c. 685. non est. Tum Cornelius ipse codicem recitavit. Quod A. C. 67. quum improbe fieri C. Piso consul vehementer quere-
retur, tribunitiamque intercessionem diceret sublatam,
gravi convicio a populo exceptus est. Et quum illos
consul, qui sibi intendebant manum, prehendi a li-
ctore jussisset, fracti ejus fasces cuncti, lapidesque
etiam ex ultima concione in consulem jacti. quo tu-
multu Cornelius perturbatus concilium dimisit.

*Per quam
consulis fa-
sces fran-
guntur.*

XLIII. Actum deinde ea de re in senatu est magnis
contentionibus: quum Cornelius ita ferre rursus coe-
pit, *ne quis in senatu legibus solveretur, nisi ducenti ad-
fuissent; neve quis, quum solutus esset, intercederet, quum ea
de re ad populum ferretur.* Haec sine tumultu acta res
est. nemo enim negare poterat, pro auctoritate sena-
tus eam legem esse, quam populus habere ratam co-
geretur. sed tamen eam tulit invitis optimatibus, qui
vel pauci senatusconsultum facere solebant.

*Praetores ex
edictis per-
petuis jus di-
cere jussi.*

XLIV. Aliam deinde legem Cornelius, etsi nemo
repugnare ausus est, multorum tamen offensa tulit, *ut
praetores ex edictis suis perpetuis jus dicerent: quae res
gratiam ambitiosis praetoribus, qui varie jus dicere
solebant, sustulit.* Sic enim eodem omnibus modo
jus reddere cogeantur, alias insigni nefandoque sce-
lere, prout favebant succensebantve litigantibus, ali-
ter atque aliter pronunciare soliti. Alias quoque com-
plures leges Cornelius promulgavit, quibus plerique
collegae intercesserunt: per quas contentiones totus
tribunatus ejus peractus est.

*Repetunda-
rum leges se-
vere exerci-
tas.*

XLV. Ambitus judicio provifum erat, ne vulgo
magistratus male caperentur. ea res excitavit attentio-
nem hominum, ut etiam, ne male gererentur, exige-
rent. ideo sub id tempus adeo severe sunt exercitae
repetundarum leges, ut, praeter noxiorum poenas,
etiam accusatoribus praemia decernerentur. Carbo
equidem, M. Cotta damnato, quemadmodum exponere
per occasionem occupavimus, licet adhuc tribunitius
esset, consularibus insignis est decoratus. At idem
postea, quum eandem obtinuisset Bithyniam, ex qua
Cottam damnaverat, ab ejus filio, quo is die sumpta
virili toga de Capitolio descenderat, judicio adflictus
est.

Cap. XLII. Cic. in Vatin. c. 2. Ascon. Dio. Ascon. Cice-
ro. Cap. XLIII. Dio. et Ascon. Cap. XLIV. Dio. Ascon.
Cap. XLV. Dio. Val. Max. 5, 14.

XLVI. Igitur L. Lucullus, quum ex urbana praetura Sardiniam esset sortitus, ire in provinciam noluit, propterea quod participem se negabat futurum infamiae, qua tum ob avaritiam et rapinas plerique rectores provinciarum laborabant. Erat enim vir iustitiae amans, et constantis ingenii, cujus in praetura sua clarum documentum ediderat. Quum enim sellam ejus confringi consul Atilius iussisset, cui forte praetereunti non adsurrexerat, nihil commotus est, et deinde stans jus dixit: idemque ceteri praetores ut facerent, honori ejus tribuerunt.

U. c. 685.

A. C. 67.

L. Luculli
praetoris integritas.

XLVII. Inter haec in Creta Q. Metellus cum Cretensibus simul piratisque dimicabat: qui opprefferant partem insulae, alteramque ex ea post Ciliciam latrociniorum arcem fecerant, pluribus ea causa castellis per insulam exstructis. Ea quum Romanus expugnaret, ita severe in captivos animadverterat, ut reliqui partim veneno se conficerent, plerique prius omnia mallent experiri, quam ut illi se traderent. Tantaque Cretensium eo bello pervicacia traditur, ut obsessi, quum siti fatigarentur, suam jumentorumque suorum urinam biberent; donec a Pompejo acciperent responsum, ad quem, audita viri mansuetudine, miserant oratores, in Pamphylia tum agentem. Ille, obsidibus imperatis, unum ex legatis L. Octavium misit, qui eos in deditionem acciperet; scripsitque ad civitates, *ne dicto audientes Metello essent.*

Metellus
Cretenses
domat.

XLVIII. Hoc infestior Metellus non alios tantum, sed etiam quibuscum antea fuerat pactus, ut, priusquam venire Pompejus posset, exigeret ab iis poenas contumeliae suae, persequutus est. Nec Octavius obsistebat, inermis, et non ad bellandum missus: et Cornelius Sisenna, quem Pompejus Achajae praefecerat, venerat is quidem in Cretam, et cum Metello, ut populi Romani dedititiis parceret, egerat: sed, praeter inefficacia verba, nihil erat ab eo tentatum.

Pompejum
illos recipi-
entem sper-
nit.

XLIX. Interim Metellus Eleutheram urbem proditorum opera cepit, qui firmissimam ex lateribus turrim, ut facilius arietii cederet, continuis aliquot noctibus aceto perfuderant. Pecunia hic imperata, Lap-

Eleutheram
et Lappan
capit.

Cap. XLVI. Dio. Cap. XLVII. Plut. Pomp. Strabo, l. 10. p. 477. Flor. 3, 7. Val. Max. 7, 6. Appian. apud Fulv. Ur- sin. Cic. pro Lege Manil. c. 12. Cap. XLVIII. Plut. Flor. Dio.

U. c. 685. pan petiit, ubi se L. Octavius incluserat. Metellus, A. C. 67. eum nihil moratus, vi expugnavit locum, Octavioque non sine probris dimisso, quos secum habuerat, Ciliacas ad unum omnes interfecit. Hoc aegerrime ferens Octavius, adsumptis Sisennae copiis, nam ille morbo decesserat, auxilium quibusdam Cretensium tulit. revocatis deinde illis, Aristioni se conjunxit, Hieropydna munitum oppidum tenenti, quod Cydonia decedens, victo, qui se objecerat, L. Basso, nuper ceperat. Sed, ubi Metellus advenit, relictis munimentis, ambo se conjecerunt in naves. ibi in altum eventos atrox tempestas impexit litoribus, multique navium sociorum naufragio desiderati sunt.

Metelli et Pompeji odiosae epistolae. L. De his rebus aculeatis invicem epistolis impetratores duo scripserunt. *Metellus datum a senatu populoque Romano imperium, gloriamque rerum gerendarum eripi sibi a Pompejo, gestarumque pretium, querebatur, qui ad accipiendas urbium deditiones legatum in alienam provinciam misisset.* Pompejus, id a se rite atque ordine factum, adseribat; universam enim insulam, quum nulla pars ejus praefinitum Gabinia lege modum excedat, ad suam curam pertinere: nec officio se defuturum. Sed haec, utcumque speciose dicta, non tegebant penitus insitam animo ambitionem, ut neque amicissimis ejus probarentur, nedum ut ab instituto revocare Metellum possent.

Cap. XLIX. Plut. Dio. Cap. L. Liv. Epit. Plut.

E P I T O M E

L I B R I C E N T E S I M I.

C. Manilius tribunus plebis magna indignatione nobilitatis legem tulit, ut Pompejo Mithridaticum bellum mandaretur. Concio ejus bona. Q. Metellus, perdomitis Cretensibus, liberae in id tempus insulae leges dedit. Cn. Pompejus, ad gerendum

C. Manilius tribunus plebis] *C. Manilius.* Cicero pro lege Manilia. SIGON. *Cum Manilius tribunus* Voff. Berg. Lov. 2. et Boend. *Manlius* etiam Leid. Exc. Pithoei, et Norv. V. ad 34, 53, 2. *Mox indignatione maxima* Exc. Pithoei, Norv. et edd. ante Gronov. qui anno 1665. reposuit *magna indignatione.* Ejus autem lectio superest in omnibus scriptis meis, et ed. Camp. Vide ad E. pit. 50.

Ut Pompejo Mithridaticum bellum mandaretur] Ita Gronov. anno 1665. edidit, cui consentiunt Leid. Voff. Berg. Lov. 2. Boend. et ed. Campani. Antea circumferebatur *bellum Mithridaticum*; quod superest in Exc. Pithoei, et Norv. In verbis sequentibus *Concio ejus bona* aliquid vitii latere suspicatur Crevierius, sed rem parvi esse testatur.

Domitis Cretensibus] Vet. lib. *perdomitis Cretensibus.* SIGON. Pariter Leid. Berg. Lovel. 2. et Exc. Pithoei. *Domitius* corrupte Boend. et ed. Campani. *domitis* Voff. et Norv.

Liberae in id tempus insulae leges tulit] Vet. lib. *dedit.* Quo verbo et Cicero et alii in hoc genere utuntur. SIGON. *in id tempus usque liberae* Boend. et ed. Camp. quod ex librariorum interpolatione natum videtur. Sufficit *in id tempus*, pro usque ad id tempus. Ita Liv. 44, 2, 7. *Itaque in id tempus, quo prope divortium itinerum castra posituri erant, deliberatio ejus rei differtur.* Vide Cel. Dukerum ad Flori praefat. in princ. *Dein legem tulit* Norv. et priscae edd. pro quo Frob. anno 1535 reposuit *leges tulit.* Sigonius *leges dedit.* Et ita Leid. Voff. Berg. Lovel. 2. Boend. Exc. Pithoei, et ed. Camp. Liv. 45, 30, 8. *Quanta universos teneat Macedonas, formula dicta, quum leges quoque se daturum ostendisset.* c. 32, 7. *Leges Macedoniae dedit cum tanta cura, ut non hostibus victis, sed sociis bene meritis, dare videretur.* Cic. 2. in Verr. 49. *O. Claudius, adhibitis omnibus Marcellis, qui tum erant, de eorum sententia Halesinis leges dedit.* et cap. 50. *Leges similes de cooptando senatu, ac*

bellum adversus Mithridatem profectus, cum rege Parthorum Phraate amicitiam renovavit, equestri proelio Mithridatem vicit. Praeterea bellum inter Phraatem Parthorum regem, et Tigranem Armeniorum, ac deinde inter Tigranem filium patremque gestum, continet.

de numero veterum ac novorum dedit.

Ad gerendum bellum adversus Mithridatem profectus] ad regendum bellum Doujatius et Clericus ediderunt, invitis omnibus libris. Vox profectus deest in Boend.

Cum rege Parthorum Phraate] Pretogure et mox Pregarem Voss. Pharaarete et Pharaaretem Boend. Pharaarate et Pharaaratem ed. Camp. Pharte et Phartem Berg. Phracate et Phracatem Lov. 2. Phraharte et Phrahartem Norv. et edd. principes. Phrahate et Phrahatem postea secutae; quomodo apud Justin. Tacit. et alios editur, et optimi codd. Horatii praeferrunt, teste Torrent. ad Horat. 1. Ep. 12, 27. Vide etiam Cruquium ad Horat. 2. od. 2, 17. Phraate et Phraatem ed. Mogunt. quod omnes recentiores servarunt, et in novissimis Horatii editionibus obtinet.

Regem Parthorum, et Tigranem Armeniorum regem, ac demum inter filium] Vet. lib. Ti-

granem Armeniorum, ac deinde inter filium. SIGON. Gudiani: Phraatem Parthorum regem et Tigranem Armeniorum, ac deinde. J. FR. GRON. Parthorum regem, et Tigranem regem Armeniorum Voss. Boend. et ed. Campani. Parthorum regem, et Tigranem Armeniorum Berg. et Lov. 2. Parthorum regem etiam Leid. sed in eo desunt voces Armeniorum regem, ac deinde inter Tigranem errore librarii ob repetitionem vocis Tigranem. Vide ad 9, 11, 11. In edd. Sigonii altera ac tertia omittitur *zō Parthorum*, quod etiam exsulat ab Exc. Pithoei.

Ac deinde inter Tigranem filium patremque] ac deinde, quod pro ac demum Sigonius admisit, superest in Voss. Berg. Lov. 2. Boend. Exc. Pithoei, et ed. Campani. Vide ad Livii 40, 22, 1. Praeterea inter filium Tigranemque patrem Voss. inter filium Tigranem patremque Lov. 2. Boend. Exc. Pithoei, Norv. et typis descripti ante Gronov. qui edidit inter Tigranem filium, ut praefert Berg.

JOHANNIS FREINSHEMII

SUPPLEMENTORUM LIVIANORUM LIBER LXV.

IN LOCUM LIBRI C. T. LIVII.

I. Postquam eo contentione ventum inter viros amplissimos, civile bellum in expectatione erat, quia Pompejus se parabat, ut in Cretam transmitteret; Metellus ei neutiquam cessurus videbatur: quum improvisa res a proposito Pompejum ad aliam uberioris gloriae expeditionem avertit.

U. c. 685.
A. C. 67.
*Pompejum
in Cretam
transmissu-
rum avertit
alia expedi-
tio.*

II. C. Manilius, tribunatu plebis nuper inito, pridie Kalendas Januarias, quibus M. Aemilius Lepidus, L. Volcatius Tullus consulatum inchoarunt, inclinanti die legem Sulpiciam de libertinorum suffragiis retulerat, *uti pari cum patronis suis jure ferrent.* Abusus ad hoc propositum erat Compitalium solenni, quod, forte per eos dies celebratum, ex veteri consuetudine pro liberis agere sinens servos, occasionem praebebat, ut multi ejus generis, ingenuae plebi permixti, jubere rogationem possent: eique actioni fuisse quoque C. Cornelius putabatur. Quum res per tumultum ageretur, et factio tribuni clivum Capitolinum obsideret, L. Domitius Ahenobarbus quaestor perrupit ac disjecit agmen; multisque Manilianorum interfectis, plebi metum, Patribus animum addiderat.

III. Igitur senatus, postridie statim, quam consules inierunt, lege damnata, tribuno tantum incussit metum, ut primo legis auctorem M. Crassum fuisse diceret, et, postquam id credebat nemo, ipse quoque abjiceret legem. Sed, quo firmiorem sibi compararet patronum, adulari Pompejum etiam invitum ac ignorantem coepit; quum in magna apud eum gratia Ga-

U. c. 686.
A. C. 66.
M. Aemilio, L. Volcatio coiff.
Per adulatorem C. Manilii comparata.

Cap. I. Dio, l. 36. Cap. II. Ascon. in Corn. et in Milon. c. 8. Dio. Ascon. Dionys. Halic. l. 4. Cic. pro Corn. Ascon. in Milon. c. 8. Cap. III. Dio. Ascon. in Corn. Dion.

U. c. 686. binium esse cerneret, cujus rogatione maritimum imperium fuerat adeptus. Nam illum; simul abiverat tribunatu, Pompejus, ut sibi legaretur, postularat.

Qui legem de imperio Pompeji tulit. Idcirco legem C. Manilius, venalis alienae potentiae minister, de imperio Pompeji tulit; ut manentibus, quae Gabinia lex dedisset, Cilicia et Bithynia provinciae, bellumque contra Tigranem atque Mithridatem reges adjicerentur: utique imperium in omnes populi Romani exercitus extra Italiam haberet: utique jus ei ac potestas esset, quoscumque ei videretur, vel hostes populi Romani judicandi, vel socios adisciscendi, sicut e republica et sua fide esse censuisset.

Patres reserunt legi. IV. Maximam ea rogatio nobilitatis indignationem excitavit: quae, Gabiniam quoque legem aegerrime passa, quod supra ceterorum aequalitatem nimium effertur Pompejum videbat, nunc plane dominum imponi cervicibus suis existimabat. Hoc maxime stimulo, quamquam et Luculli injuria, et Glabronis Regisque, quibus ante tempus adimebantur provinciae, commoti Patres, mutuo se cohortabantur, ut huic rogationi resisterent. Sed, ubi comitiorum dies adfuit, et incitata populi voluntas constantiam excusserat, praeter Q. Catulum et Q. Hortensium, qui Gabiniam quoque legem dissuaserant, ora omnes tenuerunt. Q. Catulus multa loquutus, quum moveret neminem, saepe exclamavit, ad Patres conversus, quaerendam esse arcem ruendae libertati in tanta desperatione rerum omnium, quemadmodum majores, olim bello Gallico deserti a populo, in Capitolium confugissent.

Sed populus, Caesar et Cicero auctoribus, sciscit. V. Sed scivit legem populus, et ipsius Manilii egregia concione inductus, et Caesaris atque Cicero- nis impulsus auctoritate, qui eam suaserant: Cicero quidem ea oratione, quam hodieque mirantes legunt. Caesar etiam Gabiniam legem adjuverat; non quod Pompejo cuperet, sed ut populum, cujus tum erat potentior Patribus factio, haberet propitium, eundemque ad sciscenda nimia et inusitata, sibi mox eadem pollicitus, adsuefaceret. Cicero prae se optimationem amorem semper tulerat, eoque aedilitatem petierat, omisso tribunatu, ne populi studiosior videretur. Tum autem, sive gratiam Pompeji adfectans, sive

Cap. IV. Cic. pro Lege Manil. c. 13. Vell. 2, 33. Plut. Pomp. Appian. Mithrid. Dio. Liv. Epit. Appian. Cap. IV. Liv. Epit. Plut. et Dio. Plut. Lucull. Dio. Plut. Pomp. Cic. pro Lege Manil. c. 17. Plut. Cap. V. Liv. Epit. Dio.

sive ut in se momentum esse, quibus accessisset partibus, ostenderet, plebi se applicuit.

U. c. 686.
A. C. 66.

VI. Erat autem tum, praeter eloquentiae vim, magistratus etiam amplitudine potentior. Praetoram enim gerebat secundo populi rumore, maxime postquam in iudicio Q. Licinii Macri magnam integritatem constantiamque ostenderat. Vir ille praetorius, quum repetundarum esset postulatus, tantam in suis opibus gentilisque sui M. Crassi amicitia fiduciam reposuerat, ut, iudicibus in suffragium missis, conferret se domum, tamquam certus victor, tonsaque coma, et habitu priore, quem reus mutaverat, resumpto, in forum reverteretur.

Ciceronis praetoris integritas et constantia.

VII. Sed, Crasso damnari eum renunciente, quum e Maeniano praetextam ponere praetorem, dum sententiae diriberentur, conspexisset; misit ad eum, qui diceret, se ante damnationem perisse, nec bona sua bastae subijci posse: protinusque, correpto sudario, quod forte habebat in manibus, et in os inserto, interclusit spiritui viam. Cicero, re cognita, nihil de eo pronuntiavit. Ita patrimonium filio (Calvus is fuit, praecipui mox nominis orator) inusitati exempli mors patris conservavit.

Licinii Macri mors inusitata exempli.

VIII. Manilia lege perlata, senatus in illum inflammata sunt odia: sed sacrosancta maiestate tatum nihil interim potuerunt laedere. exacto tribunatus tempore, accusator comparatus ad Ciceronis tribunal eum forte postulavit. Iniquius cum reo egisse Cicero videbatur: praesertim quod enixe tempus ad defensionem postulanti unam tantummodo diem concesserat. Ob eam rem raptus ad rostra a tribunis, et invidiose ad populum traductus, postulata audientia, semper se aequum ac benignum miseris, quatenus per leges liceret, fuisse, ostendit. eandem benevolentiam C. Manilio praestare voluisse, ut ante eam diem, quae sola ei praeturae superesset, iudicium ageretur. neque enim faventis esse, ad alius potius praetoris arbitrium quaestionem rejicere.

Manilius apud Ciceronem postulatur.

IX. Haec audita mirifice opinionem vulgi mutaverunt: faustisque acclamationibus exceptus Cicero, et rogatus est, ut Manilii complecteretur causam. Atque ille, populi studiis laetus, simul uti Pompejum demereretur, de integro concione habita, acriter in pau-

Cap. VI. Cic. pro Lege Manil. c. 24. Plut. Cic. c. 11. Cic. ad Att. 1. ep. 4. Val. Max. 9, 12. Plut. Cap. VII. Val. Max. Cap. VIII. Dio. Plut. Cap. IX. Dio. et Plut.

Supplem. Liv. Tom. XIII.

F f

U. c. 686. corum potentiam Pompejique aemulos invectus est. Sed
 A. C. 66. Manilianum iudicium subito tumultu turbatum est, sol-
Sed iudici-
um turbatur
subito tu-
multum. licita civitate ob conjurationem, P. Paeti et P. Sullae
 opera conflata; qui designati consules, deinde dam-
 nati ambitus fuerant, ut paullo post memorabimus,
 quum, expositis, quae interim bello gesta sunt, ad
 res urbanas revertemur.

Cretenses a
Metello sub-
acti liberta-
tem amit-
tunt. X. Q. Metellus, nullo jam impediēte, quod ad
 Asiae conversae erant aemuli curae, redactis in potesta-
 tem, quae resisterant, Cretensi bello finem imposuit,
 iisdemque conditionibus recepto in fidem Lathene,
 quibus et Panares antea se dederat. Hic finis fuit
 libertati Cretensium, ad istud aevi illibatae. Etiam
 instituta majorem mutare coacti, novas leges, prae-
 scribente Metello, acceperunt. Metellus, constitutis
 in Creta rebus, *Cretici* cognomento accepto, iustus
 ille quidem, quam ante illum M. Antonius id gesse-
 rat, ad triumphum decessit.

Pompeji li-
vor et ambi-
tio. XI. Dilatus tamen invidia Pompeji in tertium an-
 num triumphus est, qui per addictos sibi tribunos sub-
 inde aliquid impedimenti objiciebat, ne triumphare
 Metellus posset. Ita quidquid aliorum gloriae acces-
 sisset, detrimentum esse putabat suae, neque gestis
 rebus maximis, neque gerendis poterat exsatiari: quum
 interim cupiditatem quietis et mirum imperii fastidi-
 um praeferret. Nam, acceptis de Manilia lege lite-
 ris, femur feriens, *Hem*, inquit, *adversariorum astutias!*
qui, ut aliquando me evertant, omnibus exponunt laboribus,
omnibus periculis objiciunt. Ecquando erit, ut privatus otio-
susque possim in dulcissimorum pignorum conspectu atque co-
mitatu rusticari?

Pompejus
acta Luculli
rescindit. XII. Haec adeo inepte fingeantur, ut familiari-
 mis stomachum facerent. Neque diu fuit expectan-
 dum, ut factis ipsis proderetur. Nam, praeter insi-
 tam ambitionem, aemulatio Luculli, ut gratissimum
 ei negotium esset, effecerat. Idcirco, penitus abjecta
 Cretensium rerum cura, toto animo Ponticum bellum
 complexus, praemissis edictis avocabat a Lucullo mi-
 lites, regesque et principes civitatum sibi jubebat
 occurrere. Mox, provinciam ingressus, acta Luculli

Cap. X. Appian. apud Fulv. Ursin. Liv. Epit. Vell. 2, 38.
 Dio. Strabo, l. 10. p. 484. Oros. 6, 4. Cap. XI. Dio. Vell.
 2, 34. Sall. Catil. c. 30. Dio. Dio. et Plut. Pomp. Cap. XII.
 Dio. Plut.

rescindere coepit; poenas, praemia, ab illo etiam de sententia decem legatorum decreta, auferre: denique summo studio hoc agere, ut prae se nullius momenti esse Luculli auctoritatem admiratoribus illius ostenderet.

U. c. 686.
A. C. 66.

XIII. Tandem, quum ille per amicos esset questus, convenire ad colloquium placuit Danalis, quod Galatarum Trocmorum castellum erat. Res ibi levis in omen versa est: ex iis, quae jam tum fiebant, minime difficili conjectura. Laureati fascēs utriusque imperatoris erant: sed, ut Lucullus ex amoeniore venerat regione, illius erat laurus recentior. Igitur lictores ejus, Pompejanis parte concessa, dederunt an- sam quibusdam, ut victoriarum Luculli ornamenta in Pompejum cessura dicerent.

*Cum eo col-
loquitur.*

XIV. Congressus imperatorum come et benignum principium habuit, gratulantibus et res ab utroque ge- stas invicem extollentibus. Sed cito mutatus ad ve- rum animi habitum sermo, gravibus querelis atque etiam conviciis inhorruit. Lucullus erat aetatis et consulatus tempore prior: Pompeji potior ex duobus triumphis et imperii amplitudine auctoritas. Neque deerat, quod obiceretur. Lucullus avaritiae nomine male audiebat, et, quum patrare bellum posset, quo diutius opulentissimas provincias obtineret, Tigrani Mithridatique praebuisset effugium existimabatur. Haec exagitantī Pompejo Lucullus infinitam imperii cupiditatem exprobrabat: debellatum esse dicens cum regi- bus, neque nova expeditione opus. post acre jurgium vix ab amicis dirempti sunt.

*Eorum que-
rela et jur-
gia.*

XV. Exinde Lucullus, in Galatia resistens, captos ex hostibus agros arbitrato suo distribuebat: inter quae nobile castellum Tomisa, quod Sophenae regi, cujus regno adiacebat, centum talentis fuerat emptum, Ariobarzani restitutum est. Contra Pompejus judicio- rum ejus haberi rationem vetabat; nudabatque illum copiis, mille tantum et sexcentis ad triumphum reli- ctis militibus, quos ex omni numero ferocissimos Lucul- loque infensissimos esse compererat. Neque his contentus, operum ejus aestimationem verbis obtere-

*Pompejus
gesta Luculli
contemnit.*

Cap. XIII. Dio. Plut. Lucull. et Pomp. Strabo, l. 12. p. 567. Plut. Cap. XIV. Vell. 2, 33. Dio, l. 35. Plut. Pomp. Dio, l. 36. Plut. Cap. XV. Strabo, l. 12. p. 535. et l. 14. 663. Dio. Plut.

U. c. 686. bat, cum umbra regum et tragico quodam apparatu dimicasse
 A. C. 66. Lucullum dictitans: nunc verum instare certamen, postquam illi, omissis ineptiis, ad arma virorumque robur se contulissent.

Et vicissim Pompejana Lucullus. XVI. Adversus haec Lucullus, non bellum Pompejo, sed imaginem belli umbramque relictam esse, jactabat. idque oppidò gratum esse homini, foedae alitis instar ab aliis prostrata corpora, et reliquias procliorum sequi consuevit. Sic in Servoriani belli, sic in Lepidani, postremo Spartacii titulos irreppisse: quum primum a Metello Pio esset, alterum a Q. Catulo, tertium M. Crassi virtute confectum. Neque mirum esse, si Ponticorum Armeniorumque bellorum adfectaret nomina, qui nihil non fecerit, ut in triumphum de fugitivis quovis modo se intruderet.

Pompejus contra Mithridatem proficiscitur. XVII. Post haec profectus est ex provincia Lucullus: Pompejusque, praemisso, qui Mithridatem ad pacem petendam hortaretur, Metrophane, quum classibus, a Phoenicia ad Bosporum usque distributis, totum in potestate mare haberet, contra regem magna celeritate contendit. Ducebat secum etiam Valerianas legiones, quae missionem tantopere expetitam, postquam impetrassent, in Pompeji gratiam spreverant: adeo ille ad animos militum alliciendos tenendosque aut aptior Lucullo, aut felicior imperator fuit.

Mithridates juras in-expiabile bellum sibi nem Romanis esse. XVIII. Mithridates initio spe Parthicae societatis Pompejum spreverat: sed, audito postea, Phraaten, renovata cum Romanis amicitia, in regnum Tigranidis irrupisse, territus legatos ad Romanum de pace misit. Sed ille ante omnia transfugas reposcebat. Quod ubi in castris regiis est cognitum, et a transfugis, ne dederentur, et a barbaris, ne spoliarentur horum auxilio, (multi enim et manu prompti erant) tumultuatum est acriter, non sine periculo regis: donec progressus in medium juravit, sibi propter avaritiam Romanorum in-expiabile cum illis bellum esse; neque traditurum eis quemquam: neque omnino facturum, nisi quod ex utilitate omnium esset. Neque vero missos a se oratores pacis petendae fuisse, sed ut sub habitu legatorum castra Romana specularentur.

Mithridatis consilium in- XIX. Interim, quae Pompejo usui futura crediderat, vastabat urebatque, ut commeatum inopia vim

Cap. XVI. Dio. Plut. Julian. Caesar. Plut. Cap. XVII. Dio. Plut. Dio, l. 35. et 36. Plut. Lucull. Suidas in *Ὀκρός*. Cap. XVIII. Dio, l. 36. Liv. Epit. Dio. Appian. Mithrid. Dio. Appian. Dio. Cap. XIX. Appian. et Dio. Oros. 6, 4.

ejus impetumque frustraretur. Sed, ubi Pompejus in Armeniam minorem convertit agmen, metuens ei per absentiam suam Mithridates, eodem cum phalange triginta millium, et tribus millibus equitum movit. Veteranus hic erat, et ex omni regno cum cura lectus exercitus: quem tum in montem quemdam arduum munitumque subduxit, Dastira vocabant, in Acisilena situm. Ibi castris positus, hostem atterere mora sedendoque conabatur. Nam, quod in amica regione consederat, promptius ipsi commeatus subvehebantur. Interea per equites, qua parte virium praestabat, planitiem subjectam incursando, subinde excipiebat quosdam: multis quoque ad illum ea de causa transfugientibus.

U. c. 686.
A. C. 66.
*opiasubigen-
di hostem.*

XX. Mutata deinde cum loco fortuna est, postquam omissum a Mithridate jugum Pompejus castris occupavit. Propter aquae penuriam Mithridates reliquerat locum: sed Pompejus, ex fruticum proventu, situsque indole, quod res erat, suspicatus, puteos fodi jussit: tantaque mox aquae adfluentia fuit, ut tamdiu hoc ignorasse Mithridatem mirarentur. Accedebat aliud ex ingenio locorum commodum, quod obsita virgultis et arboribus regio tegebat Romanos, ne equitum et sagittariorum regionum excursibus paterent.

*Vanum fit
ipsiusculpa.*

XXI. Eadem res admonuit Pompejum, ut insidias equitatui hostium, natis ad eam fraudem vallibus, strueret. Igitur, noctu tribus leviter armatorum millibus cum equitibus quingentis inter duo castra occultatis, prima luce paucos misit ad vallum regis equites, ita doctos, ut operam darent, quo universus equitatus hostilis eliceretur: eo facto, servatis ordinibus se subducerent, donec insidiis fecissent erumpendi opportunitatem. Omnia obedienter industrieque facta. Successus etiam expectationi par adfuit. Regii, novo, unde minime putaverant, hoste emicante, conversis etiam, quorum paullo ante terga viderant, territi, quum utrimque caederentur, et pedes etiam cominus sgressus equos confoderet; multis fortibusque viris amissis, ad castra refugerunt. Sequuti sunt victores: irrumpebantque cum fugientibus, nisi Mithridates, re provisa, peditum phalangem opposuisset.

*Pompejus
insidiasfruit
Mithridati-
cis.*

Cap. XIX. Plut. Pomp. et Appian. Dio. Strabo, l. 12. p. 555. Dio. Cap. XX. Plut. Dio. Cap. XXI. Frontin. 2, 5. Dio. Appian. Frontin. Appian.

U. c. 684.
A. C. 68.
*Mithridatis
res arctae.*

XXII. Hoc proelium, detracta regi, quam habebat in equestribus copiis, fiducia, magnis commodis victorem exercitum auxit: brevique liberior ipsis, angustior hosti frumentatio, abundantiam Romanis castris, inopiam et pene desperationem regiis attulit. Nam in regionibus, paullo ante per Lucillum vastatis, exiguae copiae erant; neque acciri longius, equitatu magna ex parte amisso, poterant. Igitur crebra fiebant ad Pompejum transfugia, quibus efferatus Mithridates, quos eadem molitos cognoverat, acerbissimis suppliciis adficiebat. Inde pauciores jam, ob magnitudinem poenae deterritis plerisque, transfugiebant: sed non ideo cessabat penuria, quae tandem etiam invitum ad interiora regni sui Mithridatem retrusit.

*Ejus castra
circumvallare
instituit
Pompejus.*

XXIII. Una spes erat futurum, ut in locis omni clade belli vexatis non diu durare Romanus posset. eam irritam Pompeji providentia fecit, qui, dimissis ad longinqua frumentatoribus, maximam annonae vim a tergo subvehi jusserat. Quum esset adeptus hostem, ad orientalem regni plagam redactum, circumvallare pugnam detrectantis castra coepit vallo viginti ferme miliarium, crebrisque in circumitu castellis exaedificatis.

*Mithridates
fugam
meditatur.*

XXIV. Id opus Mithridates, sive proelium vitans, sive per imprudentiam, quae ferme praecedere calamitatem solet, non impedivit. Fame mox urgente, quidquid in castris jumentorum erat, consumpsit: ne sic quidem ultra quinque et quadraginta dies sufficiente victu. Praeterea multos ad Pompejum Romanos milites venire quotidie, totamque Marcii Regis exercitum, delicerat. Igitur, fugam meditans, quo consilium suum occultum foret, solito latius, et usque ad valles ante Pompeji castra sitas pabulatus, colloquia quoque cum pluribus, avertendae suspicionis causa, in posteram diem constituit. Ignibus deinde frequentioribus per tota castra fieri jussis, secunda vigilia, nihil tale suspicante Pompejo, praeter valum ejus eduxit validam copiarum partem: quum antea, quod inutile et aegrum in castris fuerat, occidisset.

*Tigranis
res malae.*

XXV. Ad Tigranem habebat iter, ut illius opibus protegeretur. Sed haud multo meliore in statu res

Cap. XXII. Frontin. Dio. Appian. Cap. XXIII. Dio. Appian. Frontin. 1, 1. Plut. Appian. Cap. XXIV. Plut. Dio. Frontin. Appian. Dio. Plut. Dio. Cap. XXV. Dio, l. 37.

Tigranis erant, Gordyenen repetente Partho, et, postquam non dabatur, armis vexante Armeniam. quodque omni externo bello erat gravius, Tigranes adolescens arma contra patrem ceperat. Tres omnino filios e Cleopatra, Mithridatis filia, Tigranes sustulerat: quorum duo a patre erant interfecti: Sariafter in proelio, quum, inita conspiratione cum amicis, haustoque dextrarum sanguine, vim parasset; alter in venatione, quod equi lapsu praecipitem patrem neque sublevarat, et jacentis adhuc diadema capiti suo imposuerat. Tertius Tigranes, quod patris casu indoluerat, corona ab eo donatus est.

U. c. 686.
A. C. 66.

XXVI. Sed idem postea, deducentibus quibusdam principibus Armeniorum, qui senis imperio gravabantur, ad Phraatem confugerat, ejusque ducta filia, praecipuus invadendae Armeniae auctor exsistit. Igitur Phraates, deficientibus ad eum, aut vi subactis, quotquot ad Artaxata usque colebant, (quia pater Tigranes metu Parthorum in montes refugerat) urbem obsidione cinxit. ea quum diuturnior futura videretur, ipse, regni sui negotiis avocatus, partem copiarum genero reliquit. At rex Tigranes, discessu Phraatis cognito, relictum ad Artaxata filium egregie vicit. Juvenis ad avum Mithridatem prius intendit fugam: deinde, cognito, ipsum potius egere auxilii, quam auxiliari cuiquam posse, in Pompeji castra venit.

Bellum cum filio et Parthis.

XXVII. Inter haec reversus in urbem Lucullus fratrem Marcum reperit a C. Memmio Gemello tribuno plebis propter ea, quae Sullae jussu quaestor gesserat, accusari. Multi enim tum in judicium ob illorum temporum delicta vocabantur. Sed ille quidem absolutus est. at, facto in Lucium impetu, Memmius cum populo coepit agere, ut triumphum ei negaret; multa illum intervertisse, et bellum, quum finire posset, ultro duxisse arguens. Contra Lucullus, ratione gestorum reddita, contra invidiam meritis pugnabat: neque eo minus Pompeji potentia tanta fuit, ut per venales homines tanti viri justissimus triumphus in totum triennium differretur.

Lucullus triumphus invidiam Pompeji dilatus.

Cap. XXV. Liv. Epit. Appian. Justin. 88, 3. Appian. Cap. XXVI. Dio, l. 36. Plut. Dio. Cap. XXVII. Plut. Lucull. Ascon. in Tog. Candid. Plut. Nicol. Damasc. apud Athen. l. 7, c. 21. et 12, 11. Sall. Catil. c. 30. Cic. Acad. Quaest. l. 4, c. 1.

E P I T O M E

LIBRI CENTESIMI PRIMI.

Cn. Pompejus Mithridatem, nocturno proelio victum, coëgit Bosporon profugere. Tigranem in de-

Bosporum profugere] Voff. et Gud. alter *Bosporon*. Ut *Cypron*, *Isthmon*, *Corinthon*. J.FR.GRO. NOV. Terminum Graecum servant etiam Leid. Lov. 2. Boend. Exc. Pithoei, Norv. et edd. ante Elzevirianam Dan. Heinsii; quae *Bosphorum* dedit. V. ad Epit. 52.

Eique, ademtis Syria, Phoenicia, Cilicia, regnum Armeniae restituit] *Phoenice* vet. lib. SIGON. *etque*, pro *eique*, Voff. *atque* Leid. et Berg. Tum *adempta* Boend. Deinde *Fenicia* idem Boend. *Phoenicia* Norv. et edd. ante Sigonium, qui substituit *Phoenice*. nec aliter legunt Leid. Voff. Berg. Lov. 2. et Exc. Pithoei. Observant viri docti, melioris aevi scriptores Latinos *Phoenicen*, non *Phoeniciam*, dixisse. Vide Ferrar. ad Cic. 11. Philipp. 13. Jac. Gronovium ad Pomp. Melae 1, 12. et Cellar. 3. Geogr. Ant. 12, 271. *Phoeniciam* dixisse Martian. Capell. 1. 6. observat Relandus 1. Palaeft. 9. Eadem vox in lapide, qui tempore Septimii Severi sculptus est, occurrit apud Gudium in Inscript. pag. 69. n. 1. Licet igitur forte aetate, qua vixit auctor Epitomarum, in usu fuerit; alteram tamen recepi partim codd. fide, partim quod auctor eam ex ipso Livio

hausisse videtur. Tandem et *Cilicia* Exc. Pithoei, Norv. et edd. ante Gruterum, sublatae copulae auctorem; quae etiam ab omnibus Mssis meis exsulat.

Qui in petitione consulatus ambitus damnati erant] Hi erant P. Autronius et P. Sulla, quibus Dio lib. 36, 21. socios conjurationis addit Catilinam et Cn. Pisonem, et alii apud Sueton. Caes. 9. etiam Crassum et Caesarem. Crassum a Cicerone argui auctorem conjurationis, quae a Catilina et Pisone facta est, scribit Asconius ad princip. Orat. Cic. in Toga candida. DUKERUS.

Iberos, Albanos, qui transitum minime dabant] Vet. lib. *Albanosque, qui transitum non dabant*. SIG. Eadem lectio superest in Leid. Voff. Berg. Lov. 2. Boend. Exc. Pithoei, et ed. Camp. Copula *que* intercepta erat a sequenti pronomine *qui*. Alia exempla vide ad 2, 59, 11. 3, 50, 11. et 39, 19, 6. Passim etiam *minime* pro *non* in his Epitomis datum esse, vidimus ad Epit. 49.

Per Colchos, Heniochosque, et res ab eo in Bosporo gestas] Ita primi vulgarunt Moguntini, nisi quod *Hemochosque* vulga-

ditionem accepit, eique, ademtis Syria, Phoenice, Cilicia, regnum Armeniae restituit. Conjuratio eorum, qui in petitione consulatus ambitus damnati erant, facta de interficiendis consulibus, obpressa est. Cn. Pompejus, quum Mithridatem persequeretur, in ultimas ignotasque gentes penetravit. Iberos Albanosque, qui transitum non dabant, proelio vicit. Praeterea fugam Mithridatis per Colchos, Heniochosque, et res ab eo in Bosporo gestas continet.

tum sit errore operarum, quem servarunt proximi, et demum Froben. emendavit, *Heniochosque* reponens. Antea edebatur *Ethnicosque*, quod superest in Norv. Sed *Ethnicosque* legunt Exc. Pithoei. et *Ethnicos* Leid. *Ernicosque* Voss. *Ernicos*, omis-
sa copula, Lov. 2. et *Hernicos* ed. Camp. *Hernicosque* Boend. et *Thrachas* Berg. *Heniochos*

his oris memorant omnes Geographi. Eisdem etiam inter populos, quos Mithridates transiit, quum a Pompejo victus in Bosporo aufugeret, recensent Appian. in Mithrid. pag. 241. et Aurel. Vict. in Vir. Inlust. cap. 77. Praeterea in hospitio, pro in Bosporo, Leid. Dein prospere gestas, addita priori voce, Boend. et ed. Camp.

JOHANNIS FREINSHEMII

SUPPLEMENTORUM LIVIANORUM LIBER LXVI.

IN LOCUM LIBRI CI. T. LIVII.

U. c. 686. I. Mithridates interea Pompejum fugiens ita profectionem instituebat, ut noctibus progrediretur, interdiu requiesceret. Neque multum itineris praecerat, et postridie statim, quam castra movisset, Romani erant extremum agmen consequuti. nec dubitabant amici regis, quin pugnandum esset: ipse, alia omnia praeferens, satis habebat, equitibus emissis antecursores Pompeji repellere. Ita cedendo Mithridates, insequendo Romani, ad fines Tigranis usque processerunt. Neque enim cupido pugnandi Pompejo aut dies opportuni erant, quod castris Mithridates tum se continebat; aut noctes, quod in locis ignotis temerarium videbatur inter tenebras confligere. Sed ubi ventum ad Euphraten est, quem si transmittere Mithridates occupasset, effugerat; non diutius cunctandum ratus imperator, ita se exercitumque paravit, ut proxima nocte dimicaret.

Et adsequutus aggrreditur.

II. Armenia minor erat, per quam ibatur: neque longe distabat amnis, terminus hujus et alterius Armeniae, cui Tigranes imperabat. Igitur, quiescentibus sub meridiem barbaris, Romanus silentio castris egressus antevertit hostem, et in via, qua transeundum regiis erat, locum editiorem occupavit, ut majori impetu in subiectos decurreret. Nocte coepta barbari ex priore instituto capeffunt iter: adeo jam soluti cura, quod ad loca tuta perventum credebant, ut nulli speculatores praecederent agmen. Idcirco prius subiectam Pompeji castris vallem ingressi, quam hostem ad-

Cap. I. Dio, l. 36. Appian. Mithrid. Dio. Plut. Pomp. c. 51. Dio. Cap. II. Eutrop. Ptolem. 5, 13. Dio. Frontin. 2, 2. Dio.

esse putarent, ad subitam dimicationem sunt coacti. Magnus et multiplex is terror fuit, et astu Pompeji de industria auctus. Primum enim omnes simul tubicines classicum canere iussi: eum clangorem militum lixarumque acerrimus clamor excepit, hastarumque sonitus ad clipeos allifarum, et quem inermis turba, saxis aerea vasa pulsans, haud minus terribilem auribus ciebat: eaque omnia montium repercussu in majus augebantur.

U. c. 686.
A. C. 66.

III. Hoc repentino tumultu propemodum debellatos hostes omni ex parte Romanus invasit, lapides sagittasque et pila, quamvis per densas tenebras, haud vanis ictibus, ut in tantam multitudinem, jaculati. Barbari longo et mixto agmine, quod ad iter, non ad proelium, erant egressi, mutuo se impediabant, inter angustias locorum equis, camelisque, et vehiculis, quae mulieres portabant, armatos turbantibus. Consumptis deinde missilibus, cominus congressus miles caedebat primos, turbabat sequentes: et cito fiebat ferro via, quod inermes plerique Ponticorum uno vulnere sternebantur.

*Proelium
vehemens et
iniquum
Ponticis.*

IV. Inter haec emicans forte nubibus Luna recreavit barbaros, ut, si nihil aliud, viros saltem hostem sperarent, et minore pugnatu periculo, si, quale illud, et unde maxime timendum esset, agnovissent. Sed Lunae etiam fallax et perniciosus eis splendor fuit, quum adversos ipsorum perfringeret oculos, conspicuumque hosti agmen efficeret. Summa tamen noxae in eo fuit, quod umbra, quae a Romanis corporibus per longum intervallum ad suos ordines pertingebat, decepti, tamquam in propinquum hostem tela miserunt. Eo Romani animadverso, cum clamore sgressi sunt, Ponticosque tot malis circumventos pepulerunt. Ad millia decem eo proelio cecidisse traduntur, neque pauciores esse capti. Romani milites viginti cum duobus centurionibus interfecti sunt; vulnerati mille. Sunt, qui regionum capta caesaque referant quadraginta millia: quot vix existimem in eo Mithridatis exercitu fuisse: praesertim quum multos etiam effugisse sit proditum, inter quos et Mithridates fuit.

*Mithridatis
clades.*

Cap. III. Liv. Epit. Frontin. 2, 1. Dio. Cap. IV. Frontin. Flor. 3, 5. Oros. 6, 4. Plut. Dio. Plut. Appian. Dio. Eutrop. Oros. Dio.

U. c. 686. V. Is jam ab initio pugnae cum equitibus octin-
 A. C. 66. gentis per Romanam aciem se eripuerat. deinde, dif-
Et fuga, fugientibus metu ceteris, relictus ab omnibus, tres
comite Hy- omnino comites retinuit. quo in numero pellex ejus
psicratea. fuit, Hypsicratea, masculi animi roborisque mulier,
 quam ideo Hypsicratem nominare rex consueverat.
 Ea tum, virilem vestem Persicam induta, equo vehe-
 batur, neque longinquitate fugae, nec curando in-
 terim corpore et equo regis fatigata, quum eo ven-
 tum miseriarum esset, ut ipse plerumque per invia
 manu traheret equum: donec in globum equitum mer-
 cenariorum, et peditum tria ferme millia incidit, a
 quibus deductus est in castellum Synoria, sic appella-
 ta, quod ibi utriusque Armeniae confinia coibant: quo
 loco Mithridates magnam pecuniae vim habebat repo-
 sitam. Inde sumptis pretiosis vestibus, et inter prae-
 sentes distributis, stipendium annuum militi, donati-
 vo insuper adjecto, numeravit. Venenum etiam, quod
 in iisdem thesauris habuerat, dispertit amicis, ne cui
 necessum esset in manus hostium invito incidere.

Tigranem VI. Sex deinde talentorum portans millia, quum
inimicum ex- ad Tigranem properaret, cognoscit, legatos a se prae-
poritur, missos in vinculis, suum in caput centum a Tigra-
 ne pronunciata talenta esse, quod eum filio defectionis
 auctorem fuisse Tigra-nes autumabat. Igitur flectit ad
 fontes Euphratis iter, praeteritis illis Colchidem pe-
 titurus. quarto die contentissimo cursu pervenit ad
 fontes: triduumque moratus, (nam interea veteres,
 et quae postea accesserant, copias recensebat, arma-
 batque) Chotenen, majoris Armeniae praefecturam,
 ingressus est. Prohibebant aditum Choteni, Iberis et-
 iam quibusdam adjunctis. Sed hos, glandibus ac mis-
 silibus pugnantes, Mithridates submovit, penetravit-
 que ad flumen Abfaram. Deinde pacato per aliquot
 gentes itinere Dioscuriada venit, quam in Colchis con-
 didisse Castorum aurigae Amphistratus et Rhecas fere-
 bantur.

Pompejus VII. Interim Pompejus, qui ad persequendum Mi-
Nicopolin thridatem partem equitum et levis armaturae miserat,
condit. quum effugisse illum, Phasi transmissio, comperisset,

Cap. V. Plut. Cic. pro Mur. c. 16. Oros. Plut. Suidas in
 Πουπιῶς. Eutrop. Val. Max. 4, 6. Plut. Oros. Appian. Stra-
 bo, I. 12. p. 555. Appian. et Plut. Cap. VI. Appian. Dio.
 Plut. Dio. Plut. Appian. Plin. 6, 5. Strabo, I. 11. p. 496.
 Cap. VII. Dio. Oros. Appian.

in loco proelii novam urbem condidit. Hic quod aetate morbisve fessum in castris erat, lixasque volentes collocavit: et accessit sponte finitimorum barbarorum multitudo: *Nicopolis* ab argumento vocata est: inter duo flumina Euphraten Araxemque jacet, quae ab eodem monte, diversis tamen specubus, prosiliunt, non amplius sex millium intervallo. Cursus non idem utriusque: nam Araxes, ad orientem deflectens, in mare Caspium effunditur.

U. c. 686.
A. C. 66.

VIII. Haec agentem Tigranes juvenis accessit, ex proelio, sicut supra dictum est, profugus; ductoremque se paternum regnum invadenti prae-buit. Multis itaque populis metu Pompeji, partim etiam regi juvenis favore, deficientibus, rex lenitatem Romanam, quam vim, experiri maluit: missoque caduceatore legatos transdidit Mithridatis. Sed, obsistente filio, quum aequi nihil impetrasset, et, Araxe transmisso, venire Pompejum audiret, quamquam evocatis amicis cognatisque Artaxata praesidio muniverat, Romano se statuit dedere.

*Regnum
Tigranis
invadis.*

IX. Sextodecimo inde milliario castra Pompejus locaverat: auditoque Tigranis adventu, tribunos praefectosque honoris causa miserat obviam. Eos, amicos comitesque regis conspicati, in metum adducti sunt, quia Tigranes, nemine praemisso, neque potestate ea impetrata, veniebat, ne hostiliter exciperentur. Sed Tigranes, diffugientibus ceteris, nihilo secius institutum iter peregit.

*Tigranes
ad Pompe-
jum venit.*

X. Quum vallum intraret eques, duo Pompeji libertores descendere jusserunt, quod ita ingredi castra Romana non liceret. Idcirco pedibus perrexit ad Pompeji tribunal, e tanto fastu rex modo regum ad pudendam humilitatem animo delapsus, habitu inter pristinam pompam et praesentem fortunam temperato. Imitatione Persicorum regum tunicam albo colore distinctam, aliamque vestem purpuream totam (*Candys* haec, illa *Sarapis* vocabatur) gellare consueverat: eas tum omisit: tiam cum diademate retinuit. Sed progressus, ubi Pompejus erat, detractum capiti ad pedes

*Etumque
humiliter
veneratur.*

Cap. VII. Dio. Oros. Dio. Appian. Strabo, l. 12. p. 555. Oros. Plut. Plin. 6, 9. Strabo, l. 11. p. 527. Cap. VIII. Plut. Vell. 2, 37. Dio. Plut. Dio. Plut. Liv. Epit. Cap. IX. Eutrop. Appian. Dio. Cap. X. Plut. Dio. Curt. 3, 3. 17. et ibi Freinshem. Dio.

U. c. 686. illius deponere, ipse procumbens adorare imperato-
 A. C. 66. rem coepit, hoc tui se Pompejo dare, praefatus: neque cu-
 jusquam alterius, aut Romani, aut barbari, fidei se permissu-
 rum fuisse. neque turpe sibi existimare ei viro subjici, quem
 Fortuna supra omnes extulisset.

*Et a Pom-
pejo benigne
suscipitur.*

XI. Pompejus manu sublevatum, neque procidere ad genua passus, diadema suis manibus capiti ejus imposuit, regemque appellavit, et considerare jussit. ipse, inter patrem filiumque medius, benigna oratione compellavit: neque excidisse ipsos Armenia, et insuper amicitia Romana auctos esse confirmabat. Se porro nihil adempturum eorum, quae ad eam diem tenuissent: sed neque reddere dudum amissa posse. L. Lucullo imputandum, quod carere oporteat Syria, Phoenicia, Cilicia, Galatia, Sophene: sibi, quod cetera relinquantur. Ea se, ut antea, patris imperio regenda permittere: Sophenen tamen filio proprium regnum dare. At, quando bellum populo Romano sine causa commoverit Tigranes, ideo se ei mulctam sex millia talentorem dicere. Omnem eam pecuniam, sicuti Pompejo moris erat, quaestores acceptam in publicas tabulas retulerunt. Neque enim Tigranes quidquam recusabat. quin, impetratis conditionibus, quinquagenas drachmas in milites Romanos, millenas in centuriones, decuplum ejus in tribunos, hospitale munus, pronunciavit.

*Tigranis a-
dolescentis
irreverentia
in patrem.*

XII. Sed haec ut seni, tali quidem in sorte, prospera laetaque, ita adolescenti indigna, acerba, intoleranda videbantur. Is neque venienti patri adsurrexerat, neque ullum aliud reverentiae, aut etiam translitiae humanitatis ediderat signum. Vocatus deinde ad coenam, quam patri Pompejus dabat, neque adfuit; et dixisse dictus est, Pompejo se bonoris bujus gratiam facere; neque sibi alium Romanum imperatorem de fore, per quem cupita consequatur.

*Et contuma-
cia in Pom-
pejum.*

XIII. Pompejus, his nondum auditis, aut dissimulata injuria, postridie inter patrem filiumque controversiarum arbiter sedit. Senior Tigranes patrium regnum retinere jussus ea lege, ut filio utique haerede decederet; Sophene Gordyeneque juveni sunt at-

Cap. X. Plut. Appian. Eutrop. Vell. Cap. XI. Plut. Dio. Val. Max. 5, 1. Cic. pro Sext. c. 27. Vell. Plut. Dio. Plut. Liv. Epit. Eutrop. Appian. Dio. Eutrop. Plut. Strabo, l. 11. p. 530: Suidas in Πουμπήιος. Vell. Appian. Strabo. Cap. XII. Dio. Plut. Cap. XIII. Dio. Appian.

tributae. Sed is thesauros etiam, nam ibi adservabantur, retinere cupiverat. frustratus autem, nec enim aliunde promissa Romanis pecunia poterat exsolvi, tantum indignationis concepit animo, ut de fuga atque etiam insidiis patri fruendis deliberaret: incitantibus maxime proceribus, qui, rege, dum ad Pompejum proficiscitur, deserto, poenam metuebant.

U. c. 686.
A. C. 66.

XIV. Vanum id consilium fuit, quia Pompejus, *Ob eam in indicio ad se delato, juvenem libera custodia attinebat: missis interea circum castella, qui pecunias a custodibus patri Tigrani tradi juberent. Atque his iussa junioris expectare obtendentibus, cujus in ditione regnum Sophenes esset; adductus ad castella juvenis, quum clausa reperisset, aperiri, quamquam invitatus, imperabat. sed illi sic quoque recusare: nam coacti, non volentis, id imperium esse. Idcirco Pompejus ira commotus in vincula conjecit hominem. ita demum patris in potestatem thesauri sunt traditi. Atque ille liberallyter his usus ita devinxit Pompejum, ut mox socium amicumque populi Romani appellaret; et gravem senectuti ejus discordemque filium interim haberet in vinculis, decedens secum ad triumphum abduceret.*

XV. Id ne fieret, socer juvenis Phraates, missis *Et frustra ad Pompejum legatis, impedire studuerat; ad se repositus a sociis Phraatis. simul terminum Parthici Romanique imperii Euphraten esse postulabat. De Tigrane responsum, in patris potestate filium, quam in potestate soceri generum, censeret aequum esse: terminum imperiorum eum fore, quem jus et fas statuissent.*

XVI. Armeniorum calamitas Ariobarzani commoda *Ariobarzani adversa et prospera. fuit, cui tum Cappadociae regnum est redditum: et adjectae Sophene Gordyeneque, Tigranis filio ante datae: quae ex eo tempore Cappadociae partes sunt habitae, et dum regnum Cappadocum stetit, et postea, quum Romanorum est facta provincia. Eidem et civitatem Ciliciae Cabala, cum nonnullis aliis, dedit. Meruerat hoc constanti adversus populum Romanum fide, ob quam longissimo tempore aspera multa toleraverat, per Tigranem, per Mithridatem aliquoties regno pulsus. Igitur casuum socium, et filium videnti regem cupidus, rerum regimen in illum superstes*

Cap. XIII. Dio. Appian. Cap. XIV. Dio. Appian. Plut. Dio. Appian. Cap. XV. Plut. Cap. XVI. Appian. Strabo, l. 12. p. 539. Liv. Epit. 76. Val. Max. 5, 7.

U. c. 686. adhuc transtulit, memorabili exemplo. Forte a Pompejo in tribunal invitatus sella curuli sedebat: quum filium in cornu scribae adsidentem non ferens descendit, eique diadema imposuit. Orto inde certamine, quum pari pietate senex offerret regni insignia, juvenis repelleret, auctoritas Pompeji finem dedit, confirmato patris iudicio, honoribusque novo regi exhibitis.

XVII. Pompejus, his in Armenia gestis, relictoque ad tutelam pacatorum Afranio, persequi Mithridatem conatus, per gentes feras ignotasque Caucasum accolentes exercitum circumduxit. Frequentes ille tractus populos, sed praecipuae potentiae Albanos et Iberos, habuit. illi ad orientem et mare Caspium porrigebantur; Albani ad Pontum et Moschicos montes pertinebant. Haec ingressus loca Pompejus, quia periti fidi- que duces deerant, tamquam in mari, astris sequebatur viam. Satis pacatum ab initio iter fuit, transitum petente Pompejo, his concedentibus: donec in Tanaiticam regionem perventum. ibi propter frigoris asperitatem hiberna tribus locis sunt posita. Tum Oroeses, Albanorum rex, partim amicitia Tigranis adolescentis motus, ceterum sibi timens, ne aliorum regum exemplo ab his hospitibus opprimeretur; sub ipsa Saturnalia ad quadraginta hominum millia Cyrum fluvium transduxit: magna spe fore, ut incautos per hibernam Romanos, et diviso exercitu aggredientibus opportunos, simul omnibus locis adortus, ne subvenire invicem possent, aliqua certe parte operae pretium faceret.

Oroeses Albanus Romanos tribus locis adortus,

Et ubique profligatus,

XVIII. Non fefellit barbari dolus Pompejum. igitur, licet prohibere trajiciemtem posset, expectare, dum veniret in manus, maluit: nunciisque in cetera hiberna missis, ut intenti paratique omnes essent, monuit. Oroeses ita partitius erat copias et negotia, ut ad eripiendum Tigranem, quem in custodia Metellus Celer habebat, ipse proficisceretur; alios adversus Pompeji castra, reliquum exercitum ad opprimendos, qui cum L. Flacco erant, mitteret. Nusquam spei respondit eventus. ipse profligatus a Metello, ne ducibus quidem suis melius cessisse coepta triste nuncium acce-

Cap. XVII. Plut. Liv. Epit. Plut. Flor. 3, 5. Plut. Dio. Plut. Dio.

accepit. Flaccus, majorem castrorum ambitum defensus difficilem ratus, interius munimentum struxerat: deinde simulato metu attractis intra prius vallum hostes subita eruptione ceciderat; multis in proedio, neque paucioribus in fuga interemptis. Pompejus adversum se venientes, obviam egressus, eo ipso exterruit: et, qui necopinantem opprimi posse speraverant, in hoc incommodum ipsi inciderunt. At ille, post hanc victoriam nihil moratus, Oroesen petebat: sed barbarus jam praeverterat. magna tamen Albanorum multitudo in transitu. Cyri occupata atque interfecta est.

U. c. 686.

A. C. 66.

XIX. Oroeses, legatis ad imperatorem missis, veniam pacemque petiit: *neque enim fas esse, fratres injuriam agitare hostilia.* Hercules enim, quum boves Gerionis per Italiam ageret, ab Albano monte majores eorum in ea loca transduxisse credebatur. Quemadmodum et Iberos ab Hispania, quam Iberiam Graeci vocant, quantumvis ineptis fabulis laeti, nullo nisi nominis argumento, venisse tradiderunt. Dedit tamen Albanis veniam Pompejus, non tam cognationis causa, quam quia per tempus anni, parum bello commodum, exercitum quiete refici convenientius judicabat.

Veniam pacemque petiit.

XX. Eisdem temporibus, dum ad orientem arma Romana peregrinantur, periculosa domi conjuratio erupit, ab ambitu consularium comitiorum profecta. Namque L. Catilina, quum ex praetura Africam obtinisset, ad petitionem decesserat. Sed, quia graviter vexaverat provinciam, Afri legati jam tum de absente erant questii, multaeque graves in senatu de eo sententiae dictae. Postulatus deinde a P. Clodio, non minus foedo homine, contra testimonium Q. Metelli Pii, praevericatione, ut putatur, accusatoris, est absolutus ab equitibus et tribunis aerariis, quum senatorum urna damnavisset. Dolebat tamen, quod ea res, quum intra legitimos dies profiteri non posset, petitulo consulatum impedimento fuerat. rationem enim ejus haberi non posse, referente ad consilium L. Volcatio Tullio consule, qui comitia habebat, erat judicatum.

*Conjuratio Romana erupit.**Erat causa censoria.*

XXI. Forte acciderat, ut paullo ante designati consules P. Antonius Poetus, P. Cornelius, Ser. Sulla

Cap. XVIII. Plut. Cap. XIX. Justin. 43, 3. Appian. Plut. Dio. Cap. XX. Flor. 4, 1. Liv. Epit. Cic. in Tog. Candid. et ibi Ascon. Sall. Catil. 16. Ascon. Cap. XXI. Dio.

Supplem. Liv. Tom. XIII.

G g

U. c. 686. dictatoris fratre genitus, lege Calpurnia postularentur; hisque damnatis, L. Cottae, L. Torquato consulatus destinaretur: nam Cotta Autronium, Torquatus Sullam reos peregerant. Hi igitur, sociatis cum Catilina consiliis, paucos praeterea participes adhibuerunt.

Socii et consilia.

XXII. De Cn. Pisone, nobili et audaci juvene, non dubitatur, quocum circiter Nonas Decembres rem Catilina et Autronius communicarunt. Sed M. Crassus consularis, et designatus aedilis C. Caesar venerant in suspicionem: multis, tamquam rem haud dubiam, non tantum credentibus, sed etiam posterorum proidentibus memoriae. *Il convenisse dicunt, ut principio anni senatum adorirentur: et, trucidatis, quos placitum esset, consulibus ante omnes, dictatorem Crassus invaderet, Caesar ab eo magister equitum diceretur: constitutaque ad arbitrium republica, Sullae et Autronio consulatus restitueretur.*

Proditio.

XXIII. Sed emanavit indicium rei, senatumque perpulit, ut consulibus magistratum inituris praesidium decernerent. Factum etiam contra conjuratos, senatusconsultum erat: sed ei, tamquam re nondum satis cognita, tribunus quidam plebis intercessit. Kalendis Januariis, quum L. Aurelius M. F. Cotta, L. Manlius L. F. Torquatus in Capitolium adscendissent, quo die locoque patraturi caedem conjurati fuerant, conspectum praesidium audaciam emovit mentibus, Crassusque, poenitentia an metu incertum, destituit socios: eoque ne Caesar quidem signum, quod ab eo dari convenerat, dedit. *Convenisse autem C. Curio pater in orationibus scriptum reliquit, ut rogam de humero dejiceret.*

U. c. 687.
A. C. 65.
L. Aurelio,
L. Manlio
coll.
*Et impedi-
menta.*

*Alius cona-
tus itidem
vanus.*

XXIV. Idcirco rursus in Nonas Februarias consilium caedis transtulerunt, jam non consulibus modo, sed plerisque senatoribus exitio destinatis. Erant autem Nonis ex more Patres in senatu adfuturi. Sed tum etiam cessatum est a conjuratis, quia Catilina, quum nondum frequentes armati convenissent, signum praemature dederat. Neque tamen ideo spiritus sceleratorum conciderunt: praecipua Pisonis ferocia, prioribus consiliis non ita dissimulanter instantis, ut paul-

Cap. XXI. Sallust. Ascon. Dio. Ascon. in Corn. Cic. de Fin. 2, 19. Cap. XXII. Dio. Sueton. Caes. c. 9. Sallust. Sueton. Cap. XXIII. Sallust. Dio. Sallust. Cic. pro Sulla, c. 24. Sallust. Dio. Sueton. Cap. XXIV. Sallust. Cic. pro Mur. c. 38. Manut. de Sen. Rom. Sall. et Ascon. in Tog. Candid.

lo diligentiores fallere posset. Igitur, quum M. Cice- U. c. 687.
ro ex praetura in provinciam ire nollit, Crasso adni- A. C. 65.
tente, Piso in Hispaniam quaestor pro praetore mis-
sus est: nec invito senatu, qui pestiferum civem pro-
cul urbe tenere cupiebat; et, quia Pompeji potentia
multis erat formidini, hunc ejus inimicum cupidius
ornabant.

XXV. Tum quoque cum eo conspirasse Caesarem, *Nova con-*
auctores habeo, ut foris Piso, Caesar Romae ad res *spiratio Cao-*
novas consurgerent. Sed id consilium inopinata mors *saris et Pl-*
Pisonis dissipavit; quem in itinere Hispani quidam *bonis.*
equites peremerunt. Ea de re diversus in civitate
rumor exstitit: plerique propter injurias proprias id
facinus ausos Hispanos putabant. alii equites illos e
veteribus fidisque clientibus Pompeji fuisse arguebant;
neque tale facinus umquam antea patratum apud eam
gentem, saeva et injusta imperia multa perpessam.

XXVI. Inter has sollicitudines anxiam civitatem *Prodigia,*
religiones etiam, et haruspicum gravia responsa ter- *et eorum in-*
ruerunt. Tactum fulmine Capitolium fuerat, complu- *terpretatio-*
res turres percussae, lupa gemellos lactans icta, si- *nes.*
gnumque Jovis cum columna, et statua vetus Pinarii
Natae dejecta, et legum aera liquefacta. De his con-
sulti haruspices, quum ex tota Etruria convenissent,
incendia templorum, interitum legum et imperii appropinquare
dixerunt: idque periculum a civibus, iisque nobili stirpe pro-
gnatis, imminere. Itaque ludi per dies decem, aliaque
placandis numinibus facta. Signum quoque Jovis ma-
jus faciendum, et in excelso collocandum, ita ut ad ori-
entem spectans (nam prius contra fuerat) foro et cu-
riae obverteretur, consules locaverunt. *Sic enim fore,*
ut consilia, contra salutem urbis et imperii clam iniata, senatus
populoque Romano conspicua fierent, iidem haruspices do-
cuerant.

XXVII. Interea Cn. Pompejus, quamquam regnum *Pompejus*
Ponti possederat, nihil actum credens, donec rex vi- *Mithridatem*
veret, sui que juris animum ac corpus retineret, Mi- *persequitur.*
thridatem persequabatur: et obsistentes in itinere re-
ges nationesque debellabat. Cum Albanis et Iberis

Cap. XXIV. Cic. pro Mur. c. 20. Sallust. et ibi Inscriptio
vetus in not. apud J. Wasse. Cap. XXV. Sallust. Sueton.
Dio. Sallust. Ascon. Sallust. Cap. XXVI. Cic. de Divin. l.
12. et in Catil. 3, 8. Jul. Obseq. Cic. utrobique. Cap. XXVII.
Cic. pro Mur. c. 16. Liv. Epit.

U. c. 687. maximum negotium fuerat. sed illi nuper victi quiesce-
 A. C. 65. bant: Iberos antiquae libertatis fiducia, (neque enim
 Medis Persisque, neque postea Alexandro aervierant)
 et Artocis regis infelix astutia, in belli calamitatem
 egit.

*Iberos la-
 cessitus in-
 vadit.*

XXVIII. Nam is, post impetratam per legatos ami-
 citiam, incautiores ideo Romanos adoriri statuerat.
 Sed Pompejus, re cognita, prius occupandum existi-
 mans, quam se ex suo commodo paravisset; ut cito
 agmine difficillimos gentis aditus praeriperet, urbem
 Aeropolin, (sic vocabant) ignaro adhuc expeditionis
 hujus Artoce, circumscedit, claustrum gentis, ad Cau-
 casi fauces obstruendas conditum. Haec fama regem
 ita exterruit, ut, Cyro amne superato, pontem exu-
 reret: eoque facilius potiti urbe Romani, praesidio
 imposito, transitus in potestate habuerunt; atque in-
 de progressi, totam cis fluvium regionem subegerunt.

*Semelque
 et iterum vi-
 citus.*

XXIX. Jam et Cyrum transcendere Pompejus para-
 bat, quum legati ab Artoce adfuerunt, pacem oran-
 tes; pontemque ad transeundum et alia necessaria pol-
 licebantur. His cum fide praestitis, Artoces, simul
 Pompejum transisse comperit, denuo timens, ad Pe-
 lorum amnem (is quoque per Iberos volvitur) se re-
 cepit. Pompejus, inconsultam hominis pravitatem
 admiratus, qui, quos arcere transitu potuerat, et
 tamquam amicos recepisset, et tamquam hostes vitaret,
 citatis itineribus cis flumen eum deprehendit: cele-
 riterque invectus, quum arcibus utendi, quo genere
 pugnae plurimum Iberi valebant, spatium abstulisset,
 acie victum Artocen trans Pelorum fugere coegit. Ma-
 gna tamen multitudo pugnando, aut dum flumen vado
 transmeare tentant, interiit. alii, pro more gentium
 istarum densis nemoribus occultati, quum ab arbori-
 bus praealtis jacularentur, excisis illis adstricti elisque
 sunt. Ad novem millia hominum interfecta, supra
 decem capta esse, traditum.

*Pacem pe-
 tere cogit.*

XXX. Ea clades subegit Artocen, ut denuo lega-
 tos cum muneribus mitteret, serio jam pacis cupidus.
 Neque Pompejus ab ea abhorrebat, ad alia festinans;
 sed fidem barbari, semel iterumque deceptus, ido-
 neis pignoribus cupiebat obligare. Donis igitur ac-

Cap. XXVII. Dio, l. 36. Plut. Pomp. c. 57. Cap. XXVIII.
 Dio, l. 37. Cap. XXIX. Appian. Mithrid. Dio. Plut. Cap.
 XXX. Dio.

ceptis, ne spem foederum abrumperet, conventurum negavit, ni' liberos Artoces obsidum loco mitteret. Ille rem anxia deliberatione traxit, donec Pelorum quoque, vado per aestatem reperto, Romani transierunt. Tum demum, abjecta cunctatione, tradidit, qui postulabatur, obsides, pacemque impetravit.

U. c. 687.
A. C. 65.

XXXI. Pompejus, Phasin haud procul abesse, cognito, in Bosporum, ubi Mithridates agebat, transi-
In Bosporum transire cogitat.
turus, per Colchos finitimosque populos, partim voluntate eorum, partim vi pulsus, qui obsisterant, Colchis, invenit viam. Ceterum animo reputans, reliquum iter neque terra per multas bellicosasque nationes facile, mari etiam ob importuosa litora et feritatem accolentium periculosius fore; Servilio, qui classi praeerat, negotium dedit *Mithridatem observandi, neque finendi aut enavigare ipsam, aut quidquam ad eum portari.*

XXXII. Motis deinde castris, ut Albanos, qui interim defeecerant, coërceret, non proximo itinere Cyrum petiit, quod barbari, palis in flumine defixis, impediverant; sed in Armeniam regressus, ubi minore adhuc aquarum copia vadari per aestatem poterat, aditum moliebatur. Cyrus enim, (quem nonnulli *Cyrnum* vocant, corrupte forsitan, quum et in propinquo fuerit Cambyses amnis) Coraxicis montibus ortus, ab Iberia et Albanis Armeniam dividit: acceptoque (ut plures existimant) Araxe, duodecim ostiis in mare Caspium decurrit.

Sed regressus in Albanos.

XXXIII. Difficilis tamen sic quoque transitus fuit, quamquam repertum et vadum, et ab hoste otium erat, ob vim et rapiditatem fluminis. Idcirco Pompejus ita ordinavit agmen, ut equites supra, inferius jumenta sarcinaria, in imo milites transmitterent. Sic exceptus fractusque ab equitibus cursus aquarum molliorem pediti transitum dabat; et, si quod jumentum vi fluctuum corripere, excipi statim ac sublevare a pediatu poterat.

Cyrum vado transiit.

XXXIV. Hinc ad Cambysen amnem perventum, quieto ab hostibus itinere, sed ob aestum sitimque infesto, quamquam ad haec incommoda vitanda noctu plerumque proficiscebantur. duces enim, quum ex ca-
Mox Cambysen, frigidissimum flumen.
ptivis essent, de industria per difficilia loca circum-

Cap. XXX. Flor. 3, 5. Dio. Cap. XXXI. Strabo, l. 11. p. 493. Plut. et Dio. Cap. XXXII. Plin. 6, 9. et 13. Plut. Ap-
pian. Cap. XXXIII. Dio.

U. c. 687. ducebant agmen. Ipsum quoque flumen, quod frigidissimas aquas veheret, damno majori, quam solatio, sitientibus fuit; et multi, quum affatim se ingurgitassent, in morbos inciderunt. Inde, quum adhuc hostile nihil appareret, per Cambysenam ad Abanta fluvium processum, nihil praeter aquam deferente secum exercitu, quae decem utrium millibus portabatur; nam arida illa et aquarum inops regio est. cetera benigne praebebantur ab incolis, eoque vicissim omnis ab iis injuria abstinebatur.

*Albanos
istorum vi-
dit.*

XXXV. Hoc flumen transgressis Oroeses cum ingenti exercitu adesse nunciatur. Sexaginta millia pedatum, duodecim equitum fuisse referuntur, Albani Iberique; male plerumque armati, nec nisi ferarum tecti tergoribus. Igitur Pompejus, longa magis itinera et difficilem persequutionem, quam aciem hostium, timens, ut ad pugnam eos eliceret, equites in aequum locum praemittit: post illos juxta callem in angustiis locatum militem galeas, ne illarum fulgore proderentur, scuto tegere, et in genua se demittere jubet.

XXXVI. Oroeses, solis equitibus conspectis, quo genere armorum praevalebat, contemptim invectus, post levem pugnam (sic enim praeceptum fuerat) fugientes strenue persequitur. at illi, quum ad pedatum suum pervenissent, in latera discurrentes, spatium legionibus aperuerunt. ab iis inopinato proelio excepti hostes, ab equitibus utrimque circumventi magnam suorum multitudinem amiserunt. Reliqui quum in silvas se recepissent, Pompejus, exercitu circumdato, ignes admoveri jussit. pars pleraque incendio; qui erumpere tentaverant, excepti ab armatis perierunt, et gaudebat caedibus miles, ob tentatas nuper insidias infestus, quarum memoria continenter inclamabant ferientes, *hem Saturnalia!* nam sub eos dies opprimere Romanos Albani cogitaverant. Sed eo in proelio non tantum imperatoris, verum etiam militis, Pompejus explevit munia, fratre regis prostrato, (*Cosin* vocabant) qui, jaculo Pompejum petens, quum loricae commissuram percussisset, hasta Romani transfixus cecidit.

*Regis fra-
trem sua
manu pro-
stravit.*

Cap. XXXIV. Plut. Strabo, l. 11. p. 501. Dio, Cap. XXXV. Appian. Plut. Strabo, l. 11. p. 502. Plut. Dio. Frontin. 2, 3. Cap. XXXVI. Dio. Frontin. et Dio. Appian. Dio. Plut. et Zonaras.

XXXVII. Dum spolia leguntur, peltas cothurnosque repertos esse ferunt, qualibus Amazones usae creduntur; corpus tamen mullebre nullum repertum: alii fabulam audent, inter obsides captivosque multos generis ejus fuisse, honestis inter pugnandum acceptis vulneribus. adeo familiare hominibus est, per vaniloquentiam a veris ad mira et incredibilia desciscere.

U. e. 687.
A. C. 65.
Fabula de Amazonibus.

XXXVIII. Ceterum Oroëses, hac clade, et, quae illam excepit, vastatione regni domitus, missa legatione pacem petiit: deditque Pompejus jussu a montibus (nam sub ipso Caucasō castra posuerat) in plana descendere. Atque ille non paruit modo, sed ultro etiam cum epistolis munera misit, lectulum, mensam, solium, omnia aurea. quae pro more suo Pompejus quaestori referenda in tabulas dedit: regemque aliis quibusdam donis est remuneratus. Miserunt et reliqui plerique Caucasum inde ad Caspium usque mare accolentes populi de pace legatos: quam haud gravato concessit, quia jam expeditionem hanc finire, et ad componendas, quas recens confecerat, provincias, itemque Parthorum consilia speculanda, praevorti statuerat.

Albanorum rex et alii ad Caucasum pacem impetrant.

XXXIX. Post pugnam enim cupiditas invaserat animum ejus ad mare Caspium penetrandi, quo termino Romanum imperium ab oriente finiret; sicut ad meridiem oceano, ad occidentem Atlantico, rebus in Africa et Hispania gerendis, terminaverat. Nec amplius tridui itinere aberat. sed, multitudine et exitiali veneno anguium deterritus, in Armeniam regressus est: ne Mithridatē quidem ultra persequens, cui se acriorem hostem relinquere, famem, dictitabat. Edixerat enim, ne quis negotiator commeatum ad ea loca deportaret: qui fecisset, eum se pro hoste habiturum. et, ne contemni posset, classis disposita erat, exceptura, qui contra ejus edictum navigassent.

XL. Dum his curis Pompejus distringitur, Mithridates a Colchis, ubi hibernaverat, per Scythicas gentes, quarum multitudinem atque pugnacitatem vix florentibus rebus esset aggredi ausus, Bosporum petebat. Et Honiochi quidem transitum haud inviti dederunt; per Achaeos vi et manu parandus fuit; qui, su-

Mithridates per Scythicas gentes in Bosporum tendit.

Cap. XXXVII. Appian. Cap. XXXVIII. Dio. Flor. Oros. 6, 4. Zonar. Plut. Vell. 2, 37. Flor. Dio. Plut. Cap. XL. Appian. Liv. Epit. Strabo, l. 11. p. 496.

U. c. 687. per insitam feritatem, paucos ante annos bello appetiti iras retinebant. Graecorum id genus esse traditum est, ab Achaeis, qui Phthiotae vocati sunt, oriundum. Inde vel ab Jasonis exercitu, vel a bello Trojano reliquiae, quum navibus ad redeundum destituerentur, quae tempestate ad ea litora ejectae perierant; inter feras gentes humanitatem omnem exuerunt, ad latrocinia, etiamsi propositum abfuisset, locorum egestate coacti. quippe, cunctis circum hostilibus, in verticibus asperorum et nivosorum montium sedes figere necessum habuerant.

XLI. At Mithridates, transducto per fines horum exercitu, quum Maeoticas gentes attigisset; a regulis passim, ob famam virtutis et potentiae, et vires tum quoque non contemnendas, hospitaliter exceptus deductusque, acceptis datisque muneribus, societatem belli cum iis pepigit, multa et ingentia animo volutans: et, quo firmior esset amicitia, filias (habebat enim multas ex diversis mulieribus) potentissimis eorum respondit.

Filius Mithridatis, Bospori rex, legatos ad patrem misit.

XLII. Haec quum filius Mithridatis Machares, qui tum in Bosporo regnabat, cognovisset, tam brevi tempore tot indomitas gentes, et celebrata sermonibus Scythiae claustra perrupta, suoque jam regno proximum patrem esse; misit ad eum legatos, necessitatem excusans, quae omnia alia cupientem Romanas sequi partes adegisset: ipse patris conspectum, implacabilem ejus iram sciens, vitabat. Quoque tutior ab illius odio foret, plerisque concrematis, ut sequendi facultatem adimeret, cum ceteris navibus in Chersonesum concessit. At Mithridates, aliis repertis, misit certos, qui, promissa impunitate praemiisque, Macharis amicos ad tollendum herum incitarent. Quibus ille rebus cognitis, desperataque salute, sibi ipse conscivit necem. Mithridates amicorum ejus, quos ipse addiderat filio, tamquam proditores, adfecit suppliciiis: quos postea Machares sibi paraverat, iis pepercit, nihil contra se deliquisse dicens, cui nullo obstricti beneficio fuissent.

Mox, desperata salute, semetipsum interfecit.

Cap. XL. Appian. Strabo. Appian. Sall. Incert. 19. Marcellin. 17, 15. Cap. XLI. Appian. Cap. XLII. Dio, l. 36. Appian. Dio. Appian.

EPITOME

LIBRI CENTESIMI SECUNDI.

**Cn. Pompejus in provinciae formam Pontam rede-
git. Pharnaces, filius Mithridatis, bellum patri in-
tulit. Ab eo Mithridates obsessus in regia, quum
veneno sumto parum profecisset ad mortem, a mi-
lite Gallo, nomine Bitoeto, a quo, ut adjuvaret se,**

*Parum profecisset ad mor-
tem*] Duae ultimae voces desunt
in Leid. *parum profecisset mor-
te* legit Voss. Sed nihil mutan-
dum. Liv. 30, 34, 1. *Philippus
aliquid et ad caritatem suo-
rum, et ut promptius pro eo pe-
riculum adirent, ratus profe-
cturum se.* Cic. 7. ad Att. 13.
*Ad summam profectum aliquid
puto.* 3. de Finib. 4. *Multum-
que ad ea, quae quaerimus,
explicatio tua ista profecerit.*
Curtius 9, 10. *Tantum singulis
ad spem salutis ipsos proficere
credentibus.* Florus 4, 9. *Non-
dum tamen ad pacis stabilita-
tem profecerat Caesar.* Simil-
ter Celsum et Scribonium Lar-
gum locutos esse, docet Rhodius
in Indice Scriboniano voce *Pro-
ficit. in aliquid proficere* Li-
vius alibi saepe dixit. V. ad 3,
61, 12. Paulo ante *Ab eo pater
obsessus in regia* Voss.

*A milite Gallo, nomine Bi-
thoco*] *Bitoeto* rapono, ex Ap-
piano in Mithrid. [pag. 248.]
Βιζοκταν ἄντι τῆς ἰδῶν ἡμετέρας.
*Κελτῶν πολλὰ μὲν ἐκ τῆς σῆς,
ἐφ' ἣ, δεξιᾶς ἐκ πρὸς τοὺς ὠνά-*

*μην, ἀνέδομαι δὲ μέγιστον ἐν τῷ
μὲν κατεργάσασθαι.* Qui scripsit de
Viris Illustribus [cap. 76.] *Sitho-
cum* nominat. SIGON. *Bitocho*.
ed. Camp. *Bitoco* Lov. 1. et Exc.
Pithoei. *Bithocca* Norv. et edd.
principes. *Bithoco* iis proximae
cum Leid. Berg. et Boend. *Biro-
co* Voss. *Bitoeto* emendanti Si-
gonio consentiunt Fabric. ad O-
ros. 6, 5. et Schottus ad Aur. Vi-
ctor. de Vir. Illustr. cap. 76. Gal-
lum hunc forte *Bituitum* voca-
tum esse, conjicit Gruterus ad d.
loc. Aurelii Vict. Sane *Bituitos*
Appiani et *Birovito*, una tantum
litera differunt: Appiani etiam
interpres vocem Graecam red-
dit *Bituitus*. *Bituitum* Arver-
norum regem memorat auctor
supra Epit. 61. de cujus tamen loci
vera lectione non convenit.

A quo, ut juvaretur, petierat
Vet. lib. *a quo, ut adjuvaret
se, petierat.* SIG. *Illud juvare-
tur* demum obvium fuit in ed.
Froben. Priores habent *adjuva-
retur*, consentiente Norv. *ut ju-
varet se* Lov. 1. *ut adjuvaret se*
Leid. Berg. Boend. Exc. Pithoei,
et ed. Campani; eoque ducunt

petierat, interfectus est. Cn. Pompejus Judaeos subegit: fanum eorum in Hierosolyma, inviolatum ad id tempus, cepit. L. Catilina, bis repulsam in petitione consulatus passus, cum Lentulo praetore, et Cethego, et pluribus aliis, conjuravit de caede con-

vestigia Voss. qui errore librarii praefert ~~ut~~ adjuraret se.

Fanum eorum Hierosolymae, inviolatum ante id tempus, cepit Barber. et alter Gud. *Fanum eorum in Hierosolyma*. Sic apud Livium [42, 26.] legati Romani Ptolemaeum dicuntur in *Alexandria* convenisse. Caesar [1. B. Civ. 18.] *naves in Hispali facien-*
das. Voss. *eorum Hierosolymam*. Gud. *major: eorum iherosolymam*. J. FR. GRONOV. *fanum eorum Hierosolymam* Lo. vel. 2. et Norv. *fanum eorum Hierosolyma* Berg. Exc. Pithoei, et, teste Hearnio, ed. prima Rom. *fanum eorum in Hierosolyma* Leid. Boend. et edd. priori proximae usque ad Frobenianam anni 1535. in qua praepositio, sed forte culpa operarum, omissa est. *Hierosolymae* demum exhibuit Francof. editio anni 1578. *Recepi igitur in Hierosolyma*. V. ad 42, 26, 7. Deinde *inviolatum ad id tempus* Leid. quod et ipsum non temere spernendum est, pro usque ad id tempus. Liv. 43, 43, 4. *Ad id tempus patricii creati erant*. 42, 21, 1. *Consules ad id tempus in provincias non exierant*. Eo sensu pugnare ad *deditionem* 7, 19, 1. *ad undecimum interregem seditionibus certatum est* 7, 21, 2. *disciplina militari stetit ad hanc diem Romana res* 8, 7, 16. *ad hora diei tertia ad octavam ita princeps dicitur certamen stetisse* 8, 38, 10. ubi alia vido, et apud Cortium ad Sall. Jug. 114. *Similiter ad id locorum, pro usque*

ad id tempus, inlustrant Gronov. ad Livii 27, 7, 17. et Cort. ad Sall. Jugurth. 63.

Bis repulsam in petitione consulatus passus] Saepius petere voluit, sed his tantum petiit. Vide Manut. ad Cic. 1. ad Att. 1. DUK. *repulsas* Voss. Deinde *passus est* Boend.

Cethego, et pluribus] Vet. lib. et pluribus aliis. SIGON. Similiter Leid. Voss. Berg. Lovel. 2. Boend. et ed. Campani. et cum pluribus aliis Exc. Pithoei.

Incendiis urbis, opprimenda republica] Vet. lib. et opprimenda. SIGON. Copulativam addunt etiam Leid. Voss. Berg. Lov. 2. Boend. Exc. Pithoei, et ed. Camp.

Exercitu quoque in Etruria comparato. Ea conjuratio industria M. Tullii Ciceronis eruta est. Catilina urbe pulso, de reliquis conjuratis] opprimenda republica exercituque in Etruria. comparata conjuratione industria M. Tullii Ciceronis de conjuratis, reliquis omis- sis, Voss. Sed librarii errore. *exercituque* etiam Berg. V. ad 5, 27, 1. *Tum erupta est* Leid. et Berg. eodem errore, quo passim confunduntur *dirutus* et *diruptus*. Vide ad Livii 9, 45, 17. *extincta est* Boend. et ed. Camp. Orosius 6, 6. *Conjuratio Catilinae adversus patriam per eodem dies in urbe habita ac prodita, in Etruria vero civili bello extincta est*. Id tamen hie ex glossa natum puto. *Erudere conjurationem, ut erudere vitia*

*sulum et senatus, incendiis urbis, et obprimenda re-
publica; exercitu quoque in Etruria comparato. Ea
conjunctio industria M. Tullii Ciceronis eruta est.
Catilina urbe pulso, de reliquis conjunctis supplicium
sumtum est.*

apud Senec. 1. de Clem. 22. *Con-
stituit bonos mores civitati
princeps, et vitia eruit, si pa-
tiens eorum est, non tamquam
probet, sed tamquam invitus.*
Ita Gronov. legendum monuit.
Mox supplicium sumtum, omis-

*so verbo est, Boend. et ed. Camp.
omnino sumtum supplicium est
reliquae edd. ante Sigonium, qui
omnino abjecit. V. ad Epit. 58.
Gruterus deinde dedit suppli-
cium sumtum; quod probant
omnes codd. mei.*

JOHANNIS FREINSHEMII

SUPPLEMENTORUM LIVIANORUM LIBER LXVII.

IN LOCUM LIBRI CH. T. LIVII.

U. c. 687. I. Interea Pompejus, in minorem Armeniam re-
A. C. 65. versus, obvios Elymaeorum Medorumque legatos ha-
Parthorum buit, amicitiam petentium: quibus ille respondit co-
legatio ad miter, literasque plenas humanitatis ad reges dedit.
Pompejum. Phraates etiam, Pompeji gesta fortunamque veritus,
(cujus et legati per absentiam imperatoris, quidquid
in Armenia Pontoque fuerat reliquum, subegerant, et
Gabinius, Euphrate transito, jam ad Tigrin pervene-
rat) de renovanda societate et amicitia legationem mi-
sit. Nihil impetratum: quia fidens sibi Pompejus su-
perbe legatis responderat, etiam Gordyene repetita,
de qua cum Tigrae Phraates dimicabat. Illis nihil ad
hoc reagentibus, nec enim mandatum acceperant,
literas dedit ad Phraatem; nec expectato responso,
cum exercitu Afranium misit.

Afranius II. Hic nullo negotio repulit Parthos, et jussu Pom-
Parthos Gor- peji Gordyenen Armenio restituit. Quum deinde fu-
dyens expel- gientes per Mesopotamiam ad Arbelitin usque praefe-
lis. cturam insequeretur; ignorantia locorum aberravit a
via, multaue per inopiam et hiberna frigora passus,
haud procul abfuit exitio, nisi Carrheni, colonia Ma-
cedonum, excepissent eum atque deduxissent. Phraa-
tes, contra pacta Romanos in suae deditionis loca irrupisse
caussatus, gravem instituit per legatos querimoniam;
illud etiam inter offensas numerans, quod se, Regem
Regum appellari solitum, Pompejus in epistolis tantummodo
Regem nominaret.

Stratonica, III. Eadem hieme firmissimum castellum, (*Sympho-*
Mithridatis riu sicchos vocabant) in quo thesauri Mithridatis erant,
uxor.

Cap. I. Plut. Pomp. c. 59. Dio, l. 37. Plut. Dio. Cap. II.
Plut. Dio. Cap. III. Plut.

Romani, tradente Stratonica, receperunt. Ea in ma-
trimonium regis ex humili fortuna venerat, quam pla-
lens in convivio placuisset. Castoris enim senis et pau-
perculi erat filia; sed, repente in cubile regis re-
cepta, patrem quoque divitiis cumulavit.

U. c. 687.
A. C. 65.

IV. Nondum satis certa luce, ministri regii vestes pretiosas, vasa aurea et argentea, cum alia supelle-
tile plurima, domum ejus attulerunt. Quibus con-
spectis, senex, et sua esse audiens, ludibrio se ratus
haberi, proripere se per ostium voluit: donec resi-
nentibus, docentibusque *divitis ejusmodi haereditatem be-*
nescio regis donari, atque hac invid tantum esse honoris et
opam, quas mihi esse habiturus; vix tandem credidit;
tanto perusus gaudio, ut propemodum de potestate
exiret.

Patre pau-
perculo na-
ta.

Quem Mi-
thridates di-
tando infa-
stavit.

V. Sane purpuram indutus, prosequente copiosa
familia, per urbem obequitabat, clamitans, *Haec om-*
nia mea sunt: et, ridentibus obvis, *id mirum esse, ne-*
gabat; sed quod occurrentes sibi prae nimia voluptate lapidi-
bus non intesseret. Hoc sunt et possunt divitiae, his-
que interdum modis illudantur et illudunt.

VI. Illa ergo Stratonice, relictam se et quasi ne-
glectam a rege dolens, salutem Xipharis pacta, quem
Mithridati pepererat, si forte venisset in potestatem
Romanorum, castellum thesaurosque Pompejo tradidit,
multis a se adjectis muneribus. Validum in arce prae-
sidium Mithridates reliquerat: sed mulier composito
dolo maximam ejus partem per causam advehendi
commeatus emisit: deinde Romanis haud procul inde
latitantibus aperuit portas: Pompejus, ablata pecunia,
quae subterraneo in specu vasis aeneis ferro vinctis
ignota vulgo servabatur, et ex muneribus, quod or-
nati templorum aut triumphi accommodatum videba-
tur; cetera habere Stratonicen iussit. Sed hec illam,
nec quamvis aliam regiarum mulierum, quam captae
deditaeque plurimae essent, attigit; verum remisit eas
ad parentes propinquosve. Regulorum enim et ducum
pleraeque filiae aut uxores erant.

Stratonice
castellum mu-
nitum Pom-
pejo tradis.

VII. Exinde profectus Amisum in hiberna, iusta
quadam ultione in eandem reprehensionem incidit,
qua criminatus Lucillum fuerat, ut, manente bello,
(nam in Bóspero Mithridates haud exiguo instructus
agit.

Pompejus
Amisi con-
ventum cele-
berrimum
agit.

Cap. III. Appian. Mithrid. Plut. Cap. VI. Dio. Appian.
Plut. Dio. Appian. Plut.

U. c. 687. exercitu regnabat) res ordinaret, honoresque et prae-
 A. C. 66. mia distribueret. Maximo ibi concursu principum Asiae et orientis, reges quoque barbari duodecim adfuerunt. In hoc tam celebri conventu Armeniam, Colchos, Cappadociam, et Syriam composuit: Pontum in provinciae formam redegit: Armeniam minorem Dejotaro Galatae, cujus maximis auxiliis erat usus, quemque ex animo amicum, vereque benevolum populo Romano iudicabat, dono dedit. Paphlagoniam Attalo et Pylae-
Praemia so-
cis distri-
buit.
 meni reddidit, unde Mithridates eos expulerat: Colchis Aristarchum regem dedit. Comanis Ponticis sacerdotem praefecit Archelaum, Archelao, quem Sulla vicerat, filium; quod sacerdotium regias pene opes ac dignitatem habebat. Bellona hic et Cappadociae Comanis colebatur: paribus utrobique legibus, et antistitum opulentia. Pompejus Archelao, praeter agrum antiquitus sacrum, duos adiecit in orbem schoenos, id est passuum septem millia quingentos.

VIII. His confectis, per Cappadociam in Syriam movit, quum, domitis per Afranium Arabibus Amani accolis, viam sibi patefecisset. In itinere quum praeter Zielam duceret, ubi reliquiae Triarianae cladis insepultae jacebant, tumulum iis struxit, et persolvit extrema magnifice. quod neglectum a Lucullo, sauciis antea militum animis, haud mediocris ad pristina odia cumulus accesserat.

C. Caesaris
magnifica
aedilitas.

IX. Dum cum ad modum Pompejus incrementa gloriae potentiaeque bello quaerit, C. Caesar civilibus artibus ad opes vastissimo animo concupiscendas struens aditum, splendida aedilitate fungebatur. Nam Romanis Megalensibusque ludis, praeter Comitium ac forum basilicasque, etiam Capitolium temporariis porticibus ornaverat, in quibus, abundante rerum copia, pars apparatus spectanda proponeretur.

Bibuli de
ea dictum.

X. Venationes autem ludosque et cum collega M. Bibulo, et separatim edidit: quo factum, ut communium quoque nomen et gratia penes eum sola esset: ut, evenisse sibi, Bibulus, quod Polluci, diceret: ut enim Geminis in foro aedes posita, causam Castoris diceretur, ita suam Caesarisque munificentiam, unius Caesaris dici.

Cap. VII. Oros. 6. 4. Liv. Epit. Eutrop. l. 6. Cic. Phil. 11, 13. Appian. et Eutrop. Strabo, l. 12. p. 557. et 558. et Appian. Hirt. de B. Alex. c. 66. Strabo. Cap. VIII. Plut. Supra, 98, 91. Plut. Cap. IX: Plut. Caes. Dio. Sueton. Caes. c. 10. Cap. X. Dio. et Sueton.

XI. Adiecit insuper et gladiatorium munus Caesar, patris memoriam celebrans; paribus trecentis et viginti datis, quum aliquante plura destinasset. Sub idem enim tempus senatusconsulto de numero gladiatorum cautum est, quo ne majorem cuiquam habere Romae liceret: quia Caesar, multis lanistarum comparatis familiis, inimicos, quasi ad vim his usurus, exterruerat. Gladiatorio muneri et epulum adiecit. Ob has largitiones, et quia dudum curator Appiae viae creatus, multum de suo impenderat, maximum sibi favorem populi conciliavit.

U. c. 687.
A. C. 66.
*Caesaris
munus gla-
diorum.*

XII. Sed et illud laetum vulgo fuit, quod monumentum C. Marii de Jugurtha, deque Cimbris, quod Sulla disjecerat, a Caesare est restitutum. Is statuas Marii et tropaea clam fabricata noctu in Capitolio posuit. Postridie, quum auri splendor et artificis industria oculos hominum adverteret, momento per urbem diditus rumor ingentem ad id spectaculum concursum excitavit:

*Idem Marii
tropaeorum
statuit.*

XIII. Ad audaciam juvenis, (neque enim quemquam fallebat ejus rei auctor) inter diversos laudantium reprehendentiumque motas, universi stupebant. At inimici magnis clamoribus id videlicet ambitionis munerum quaesitum esse testabantur, ut hoc palpo mansuefactus populus, instar ferocis equi, frenum sibi injici pateretur. Nam ista profecto tentantia patientiam hominum, et viam ad regnum molientis esse. Contra Marianorum partium homines, ingens multitudo plausu complebat Capitolium, profusisque ad conspectum statuarum prae gaudio lacrimis, Caesarem faustis vocibus omnibusque prosequiebantur, unum omnium adfinitate C. Marii dignum praedicantes.

*Haec Caesaris acta
varie accipit.*

*Laudant
Mariani.*

XIV. Coacto hanc ob rem senatu, Q. Catulus, accusans Caesarem, inter alia multa nobilem illam vocem misit; *Nec enim jam cunctulis Caesar, sed machinis, petit rempublicam.* Quum autem Caesar ita respondisset, ut senatui probaret causam; faventium adeo sunt erecti animi, ut nemini se submittere juberent, ad omnia magna natum, et populi studiis consequaturum quidlibet.

*Definit
Caesar in
senatu.*

Cap. XI. Plut. Caes. Sueton. Plut. Cap. XII. Sueton. Plut. Propert. 3, 11, v. 46. Plut.

U. c. 687.

A. C. 65.

*C. Cornelius
majestatis
reus a Cice-
rone defen-
sus.*

XV. Eodem anno C. Cornelius majestatis reus apud Q. Gallium praetorem a Cicerone longissima oratione defensus est: quamquam Q. Hortensius, Q. Metellus Pius, M. Lucullus, M. Lepidus testimonium in eum infense dixerant, negantes eo salvo stare republi- cam posse: praeterea Q. Catulus, cujus eo anno cen- sura, collega M. Licinio Crasso, parum concolor aut utilis reipublicae fuit:

*Catuli et
Crassi cen-
sura discors
et inutilis.*

XVI. Nulla enim re gesta, (quippe neque senatus aut eques ab his recensitus, neque populi census ac- tus est) magistratu se abdicarunt. Causa diffidii pe- nes Crassum fuisse creditur, nota Catuli lenitate et modestia. Quidam de civitate Transpadanis danda dis- cordes habuisse sententias ferunt: quos Caesar, et hu- jus plerumque consiliis innexus Crassus fovebant. Apud alios restitisse Catulum collegae reperio, vecti- galem facere Aegyptum molienti.

*Catonis in
Catulum a
speritas.*

XVII. Cum hoc tanto et tam egregio viro per ea- dem tempora Catoni nata est dissensio. Is enim de- precanti mulctam clientis Catulo mira severitate inex- orabilem se praebeuit: eosque, ut molestus instanti diceret, *Turpe est, Q. Catule, te, quum sis censor, a meis ministris hinc abripi discedere notentem.* Catulus ad haec, labra movens, nec reperto, quid responderet, pro- hibente pudore vocem, quam ira impellebat, tacitus se proripuit. Tam multiplices inter discordias po- tentium C. Papius tribunus plebis, haud vano metu multitudinem ignotorum hominum suspectam habens, peregrinos, exceptis, qui sedes haberent in Italia, et uno nominatim Glaucippo, urbe submovit, lege in id lata.

U. c. 688.

A. C. 64.

*L. Julio, C.
Martio coll.*

*C. Caesar
quaestionem
de sicariis
exerceat in
Sullanos.*

XVIII. Jam L. Julius Caesar, C. Martius Figulus consules erant; quum C. Caesar, ut se experiretur, et inimicis aegre faceret, eorumque diminueret aucto- ritatem, in exercenda de sicariis quaestione, eos quo- que sicariorum numero habuit, qui proscriptione Sul- lana ob relata civium Romanorum capita praemium acceperant, quamquam excepti Corneliis legibus erant.

Eo-

Cap. XV. Ascon. in Corn. Lactant. 6, 2. Ascon. Val. Max. 8, 5. Ascon. Plut. Crasso. Cap. XVI. Dio. Sueton. Caes. c. 9. et Ascon. in Tog. Candid. Plut. Cap. XVII. Plut. Cat. Min. et de vitioso Pudore, c. 18. et Praecept. Polit. c. 30. Dio. Cic. de Off. 2, 11. Cic. in Rull. 1, 4. Cap. XVIII. Dio. Sueton. Plut. Cat. Min.

Eorum hominum causam Cato tum quaestor praejudicio premebat, quod ab iis acceptam ob caedes pecuniam, turpitudinem facti simul vehementer exprobrans, exegerat. Sic deinde trahebantur ad iudices, et, velut a Catone praedamnati, tristes sententias auferiebant. Damnati sunt L. Luscus, notus centurio Sullanus, et tam dives ex victoria factus, ut amplius centies rem haberet; itemque L. Bellienus, avunculus Catilinae, qui Sullae jussu Lucretium in foro confoderat: mirantibus, quibus improvisa res acciderat, ut, quos formidabiles prius omnibus vidissent, eosdem reos, humiles, sordidos, postremo sanctionibus poenisque obnoxios cernerent.

U. c. 688.
A. C. 64.

XIX. Post paucos deinde menses a dissimili causa par admiratio fuit: quod, his damnatis, quorum alter inficiatus erat factum, alter imperio dictatoris paruerat, Catilina est absolutus, quem post repulsam in petitione consulatus L. Lucullus, qui postea quoque eundem honorem petiit, lege de sicariis postulaverat.

*Absolutus
tamen Catilina.*

XX. Inter haec Mithridates, Cerealia in Bosporo celebrans, repentino terrae motu est turbatus, quo violentioris non exstabat memoria: clades inde plurima fuit, oppidorum quoque haud pauca graviter sunt adflicta. Sed ille, Panticapaeo recepto, quod ad ostium Ponti Europaeae partis emporium est, quum trans fretum agere Stratonicen comperisset, communem filium, cujus illa salutem pacta a Pompejo fuerat, in conspectu mulieris interfecit, abjicique insepultum iussit: bonum patrem exuens, ut malum maritum ageret. Legatos deinde ad Pompejum misit, paternum sibi regnum concedi postulans, vectigali stipendiarioque populi Romani futuro. Pompejus, adhuc vivere Mithridatem miratus, ad se venire iussit, Tigranis exemplo. Quod ubi est relatum; *Facerem, inquit, nisi essem Mithridates. aliquot tamen filios et amicorum principes mittam.*

*Mithridates
summe Stratonico filium
coram se nocet.*

XXI. Nec ideo segnius delectum habebat, ingenuos servosque promiscue sacramento adigens. Arma item telaque et machinas intente parabat: neque arboribus fructiferis parcens, neque bobus aratorum, qui ob nervos, quorum copia opus ad machinas erat,

*Mithridatis
apparatus
novi.*

Cap. XVIII. Cic. in Tog. Candid. et ibi Ascon. et Dio.
Cap. XX. Oros. 6, 15. Dio. Appian. Dio. Oros. Appian.

Supplem. Liv. Tom. XIII

H h

U. c. 668. frequentes occidebantur. Ob haec, et quia tenuissimis etiam tributum erat impositum, invisum esse vulgo Mithridatis imperium coepit. et ministrorum culpa crescebant offensae, quod, latente propter morbum rege, per superbiam et avaritiam in populares multa delinquebant. Mithridates enim, ulcerosam abscondens faciem, a nemine patiebatur adspici, extra spadones, qui et medicabantur. Quum percuratus esset, jam sexaginta cohortes sexcenariae sub signis erant, lecta juvenus, praeter inconditam multitudinem: naves etiam, et loca opportuna interim a ducibus praeoccupata praefixo erant.

*Defectio
Phanagorensium.*

XXII. Hoc animosior ad cetera, partem copiarum Phanagoream trajecit, ex adverso Panticapaei situm emporium, duobus his claustris os Ponti in potestate habiturus. Sed non diu perfliterunt in fide Phanagorenses, Castore quodam rebellionis auctore; qui, tortus aliquando a Tryphone, regio eunucho, ingressum Phanagoream hominem occidit, populumque ad vindicandam armis libertatem excitavit.

XXIII. Regiam liberi Mithridatis obtinebant. eos Castor, congesta circum arcem incensaque materia, compulit ad deditionem. In his Artaphernes ferme quadragenarius erat: Xerxes, Oxathres, et Eupatra in aetatis flore. Sed altera filiarum Mithridatis Cleopatra, quum perire mallet, quam se dedere, tam generoso proposito fortius stimulavit patrem, ut quidlibet pro ejus salute conaretur. Itaque submissis ab eo plurimis dicrotis erepta, et Panticapaeum revecta est. Ceteros Phanagorenses ad praesidia Romana transmiserunt.

*Et aliorum
populorum.*

XXIV. Subinde Castoris successu et aliae civitates animatae a rege defecerunt: Chersonesus, Theodosia, Nymphaeum, cum aliis circa Pontum opportunis bello gerendo oppidis. Idcirco Mithridates, crebris defectionibus territus, quum exercitui, qui magnam partem ex invitis constabat, parum fideret; filias, Scythiacis regulis desponsas, quingentorum militum addito praesidio, misit, ut eos quam maturime cum auxiliaribus copiis ad se pertraheret. Sed milites, occisis in itinere spadonibus, quod genus apud regem

Cap. XXII. Oros. Appian. Cap. XXIII. Dio. Oros. Cap. XXIV. Appian.

praevalidum et potentia saepe abusum infestissime oderant, puellas seque Pompejo tradiderunt. U. c. 688.
A. C. 64.

XXV. Inter has calamitates adeo non deficiebant Mithridatis spiritus, ut potius augerentur. quum enim esset septuagenario major, fractum laboribus corpus animi vigore sublevando, consilia vasta, inaudita, incredibilia agitabat. Namque per Colchos et Maeoticas gentes ad Istrum penetrare statuerat: inde sive per Gallicas gentes, quarum amicitiam diu ante paraverat, tritamque Cimbris viam, tractis secum, qua transiret, auxiliis, superare Alpes; sive, Thracia, Macedoniaque, et Graecia raptim transitis, in Italiam irrumpere. Quod si efficere potuisset, non dubitabat, quin in ipsa Italia contra Romanos arma et viros esset inventurus; quod et Hannibali successerat; et nuper Spartacus, homo nullius dignitatis, non caruerat adversus Romanos fautoribus. maxime autem socialis belli reliquias, et velut sub cinere latentes igniculos sperabat adventu suo excitari posse, quum haberet apud se generis ejus plurimos, et paucos ante annos ultro inde legationes venissent in Italiam eum vocantium.

Mithridates animo fortunam sustinet.
Ejus vasta consilia.

XXVI. Sed exercitus a mentione tam longinuae et durae militiae abhorrebat: neque enim se pares futuros Romanis in Italia sperabant, quos domi sustinere nequivissent, et regem desperatione ad audendum propelli rebantur, ut exactam aetatem regia potius morte clauderet, quam brevem lucis usuram perpetua ignominia mercaretur. Durabant tamen adhuc, et imperium patiebantur, reverentia regis, cujus tanta erat apud omnes gloria, ut ne quidem inter adversa contemptui facilis videretur.

Sed exercitus animo regis non respondit.

XXVII. Jam in Syria Pompejus erat, quum haec omnia circa Bosphorum gerebantur. Is enim, obiter superatis Antiocho Commagenae, Dario Mediae regibus, quinquagesima, quam ex Ponto profectus erat, die Ecbatana pervenerat. Duplicia fuerunt Ecbatana dispari nobilitate. nam altera Persarum, deinde Parthorum regum aestivis notissima sunt: Syriaca, praeter mediocritatem opum, nomen quoque mutatum obscuravit, postquam a monte, in quo situm erat oppidum, *Carmelum* appellare coeperunt.

Pompejus in Syriam descendit.

Cap. XXV. Dio. Oros. Dio. Appian. Flor. 3. 5. Plut. Pomp. Appian. Cap. XXVI. Dio. Appian. Cap. XXVII. Dio. Appian. Vellejus, 2, 40. Oros. 6, 4. Plin. 5, 19.

H h 2

U. c. 688.
A. C. 64.

*Parthica
bella decli-
nat.*

XXVIII. Ad hanc igitur Syriae urbem venisse Pompejum, non ad Medicam, arbitror: quamquam aliter est ab Orosio traditum. Nec ideo, quia cum Medorum rege bellum habuit, ad Ecbatana pervenisse credendus est: nam illum auxilium Antiocho ferentem coëgit fugere: neque vero Parthus quievisset, accedente Romano ad regni sui caput, quemadmodum ab eodem Orosio nominatur. Praeterea notum est, Parthica bella declinasse Pompejum, Syriae partes omnes percurrisse, ut sub imperium cogeret. Quidquid enim sub Tigrane fuisset, illo debellato, populi Romani factum esse autumabat: hocque facitabat lubentius, ut acta Luculli convellerentur.

*Antiochum
regno Sy-
riae exiit.*

XXIX. Nam Lucullus, victo Tigrane, reversum in Syriam, receptumque a suis, Antiochum Cyziceni filium, avito regno frui passus, regem appellaverat. Sed ademit praesenti videntique regnum Pompejus, quamquam numquam de populo Romano male meruisset, quum hostem ejus Tigranem regnare pateretur. Nec speciosa dictu deerant. *recusare Syros hominem, a quo tot per annos deserti, alienigenae regis jugum tulissent: neque vero aequum esse, quum sua tueri nequivisset, alieni laboris eum habere praemia. Paci quoque Syriae consulendum, ne rursus Judaeorum Arabumque latrocinii fiat opportuna.* Sic, velut iusto rege vacans, in provinciae formam Syria redacta est, Seleucidarumque imperium finem accepit: praeter modicum Commagenae regnum, quod illi Antiocho non modo reliquit Pompejus, sed etiam auxit, adjecta Mesopotamiae parte, quam raptim subegerat, castelloque Seleucia, in quo adservatam aliquamdiu Cleopatram, cognomento *Selenen*, Syriae reginam, Tigraenes nuper interfecerat.

*Tigranis et
Phraatis bel-
lum.*

XXX. Hoc modo constituenti Syriam Pompejo legati Phraatis Tigranisque regum adfuerunt. Recruduerat inter eos bellum: victusque primo proelio Parthus, sequenti Armenios pepulerat. Igitur Tigraenes Pompejum e Syria arcessebat: Parthus accusabat Romanos varie, ut sentire Pompejus posset, si bellum coeptaret, cum potente et parato hoste certamen fore. Quapropter, inconstantiam Fortunae reputans, nulla

Cap. XXVIII. Appian. Dio. et Appian. Cap. XXIX. Appian. Syriac. Justin. 40, 2. Xiphilin. Appian. Mithrid. et Syriac. Justin. Plut. Vell. 2, 37. Appian. Mithrid. Strabo, l. 16. p. 749. Cap. XXX. Dio. et Appian. Dio.

Tigrani auxilia misit, neque contra Parthos quidquam fecit hostiliter, negans *in iussu senatus populi que Romani bellum suscipi fas esse*. Legatis autem respondit, *esse Phraati non cum Romanis, sed Tigrane, de finibus controversiam: missurum igitur tres viros, qui dissidentes componerent*. U. c. 688. A. C. 64.

XXXI. Neque reges recusarunt, quin illos pro iustis disceptatoribus admitterent: quamquam inter ipsos jam odio metuque Romanorum convenerat. Tigranes negatis suppliciis iratus, Phraates sibi metuens, si Tigranes perisset, ambo satis certum putantes, ad utrum cum excidio alterius victoria venisset, illum hostes Romanos, et minus ad repellendum virium habiturum, in gratiam haud difficulter redierunt. *Et pax.*

XXXII. Quum inter has res comitiorum dies adessent, magnam in urbe novorum consulum expectationem multitudo competitorum, et suspecta quorundam consilia moverunt. Septem in eum annum candidati petebant: patricii duo, P. Sulpicius Galba, L. Sergius Catilina; totidem plebeji nobiles, C. Antonius, L. Calpurnius: praeterea Q. Cornificius, C. Licinius Sacerdos, qui tantum non primi ex familiis suis magistratum gesserant. Solus competitorum M. Tullius Cicero, equestri loco natus, nullas ostentare imagines poterat. Sed hic eloquentiae praesidio et integritate morum in id fastigium erat enisus, ut meliori spe, quam ceterorum quisquam, peteret. *Comitiorum consularium magna expectatio.*

XXXIII. Quapropter Antonius et Catilina, pessimi omnium turpissimique, contionem fecerunt: ut Ciceronem consulatu dejicerent, adiutoribus usi firmissimis M. Crasso, C. Caesare, qui civilem Ciceronis potentiam rationibus suis adversam fore judicabant. Horum opera et factionibus ita palam fervere ambitus coeperat, ut, paucis adhuc comitiorum diebus reliquis, senatus legem ambitus, aucta etiam tum poena, ferri juberet. Intercessit tribunus plebis Q. Mucius Orestinus.

XXXIV. Id quum graviter ferrent Patres, surgens Cicero loco sententiae orationem habuit in toga candida contra Catilinam et Antonium, ceteris competitoribus, qui modeste se gerebant, abstinens. Galba enim sine fuco et fallaciis prensabat more majorum: neque *Adversus competitores dicta.*

Cap. XXX. Plut. Appian. Cap. XXXI. Dio. Cap. XXXII. Ascon. in Tog. Candid. Cap. XXXIII. Plut. Cicer. Ascon. Cap. XXXIV. Cic. ad Att. 1, 1. Ascon.,

U. c. 688. Q. Cornificium reprehenderes. Cassius tum adhuc
A. C. 64. iners potius ac stolidus esse, quam improbus, videbatur. Orationi Ciceronis et Catilina et Antonius contumeliose responderunt, quod unum poterant, invecsi in novitatem ejus. Id telum erat ingens apud accensos invidia nobiles, qui velut pollui consulatum rebantur, si ad hominem novum, quantumlibet egregium, pervenisset. Et Manilianis actionibus, tamquam ad popularem factionem deficiens, optimates offenderat. Sed cito mutati sunt, postquam industria vigilantiaque viri opus esse periclitanti reipublicae viderunt.

*Catillinae
conjuratio.*

XXXV. Quippe Catilina circiter Kalendas Junias cum multis nobilibus aliisque pessimis et audacissimis hominibus conjurationem fecerat, ut, consulibus trucidatis, senatuque deleta, incensa pluribus locis urbe, aerarium diriperent, rempublicam constituerent arbitrato suo. in hoc fidem mutuo obligaverant, homine mactato, ejusque gustato sanguine: tantus furor mentes inceserat. Plerosque sequuta luxuriam egestas ad ultimi furoris consilia praecipitabat: erant et, qui spe dominationis improbis coeptis occulte faverent.

*In qua et
mulieres.*

XXXVI. Mulieres quoque luxu ac libidine perditas, aut maritorum necem optantes, adsciverant, per quas servitia concitarent, aut viros illarum interficerent. Harum nec paucae erant, corruptis civitatis moribus, et primariorum virorum conjuges, ex quibus Semproniam, D. Bruti uxorem, Sallustius nominat. Sed in eadem caussa fuisse non immerito existimemus, quae paullo ante aut postea sunt a viris repudiatae, Clodia et Servilia Luculli, Mucia Pompeji, Catonis Atilia, Caesaris Pompeja, Antonii Antonia, et M. Luculli, quacumque gente fuit, uxor. Juventus etiam pleraque, praecipue nobilium, licet nomen conspiracy non dederat, tamen, audiens hujusmodi quaedam agitari, gaudebat, imbecillitate aetatis, et quia, corruptis olim moribus, ut quaeque erant flagitiosissima, ita maxime probabantur.

XXXVII. Multum etiam ad perficienda coepta in

Cap. XXXIV. Sallust. Catil. c. 23. Dio. Cic. de Petit. Cons. Cap. XXXV. Plut. Cic. Sall. Catil. c. 17. Flor. 4, 1. Liv. Epit. Appian. Civil. l. 2. Plut. Flor. Dio. Sallust. c. 23. Cap. XXXVI. Flor. Sallust. c. 17. c. 24. Appian. Civil. l. 2. Sallust. Plut. Sallust. c. 17. et 37. Cap. XXXVII. c. 21.

Pisone spei Catilina posuerat, qui tum, nondum audito ejus casu, Hispaniam citeriorem obtinere credebatur: itemque P. Sittio Nucerino. Nam is, publico judicio postulatus, adscito in itinere pessimo quovis et levissimo eadem metuentium, aliisque, quos fors offerebat, per Italiam ac Hispaniam ad fretum transgressus, in Africam ductor exercitus sui transjecerat: ibique, regulis inter se bellantibus auxilia ferendo, quum, quibus ille accessisset, superiores fierent, ad famam brevi pervenerat. Sed maxime sperabat consulem se, collega C. Antonio, fore: tum, nullis domi provisus opibus, Pompejo bellum in ultimis gerente tarris, in destitutam rempublicam impetum rectissime fieri posse. Haec ita occulte parari non poterant, quin se quibusdam, sed obscurioribus, indiciis proderent. caeca tamen res erat, donec per Fulviam est patefacta, nobilem mulierem, quae ex amatore suo Q. Curio, perditae luxuriae juvenis, compertam tacito auctoris nomine pluribus enarravit.

XXXVIII. Id potissimum causae fuit comitiis, cur consensu omnium, neque per tabellam, sed una voce populi, Tullius renunciaretur prior: ei collega C. Antonius additur, quum ob patris memoriam, paulo speciosiore manu suffragante, pauculis centuriis Catilinam superasset. Conjurati, licet hoc eventu percussi, tamen arma parare, pecunias cogere, plures in societatem consilii adducere non omittebant. contra Cicero, gnarus quod negotium suscepisset, omnes nervos intenderat, ne quid ad summam diligentiam, exactissimasque pro republica vigilias, reliqui faceret.

XXXIX. Hic etiam annus censores habuit, quod proximis censoribus nulla pars populi censa, neque iustrum conditum erat. Sed horum etiam adeo opera nulla exstant, ut nomina vix eruantur. Utrum enim Q. Metellus, an P. Isauricus censuram tum gesserint, ambigitur. eadem de L. Cotta dubitatio foret, nisi Ciceronis joco fuisset notatus. Nam is, quum inter petitionem consulatus prensans de more homines, siti que correptus, circumstantibus et tegentibus amicis, biberet in foro, ubi L. Cotta censor confederat; Jure, inquit, timebatis, ne succenseret mihi censor, quod aquam

Cap. XXXVII. Appian. Civil. 1. 4. p. 620. Sallust. Flor. Plut. Appian. Civil. 1. 2. Sallust. Flor. Cap. XXXVIII. Appian. Sallust. Plut. Cic. in Rull. 2, 2. et in Pis. 1. Ascon. Sallust. Cap. XXXIX. Dio. Pigh. Ann. Plut. Cicero.

U. c. 688. bibo. Erat enim Cotta vinosior, et eo nomine vulgo
A. C. 64. male audiebat. Huic igitur Cottae, et collegae, quis-
 quis ille fuerit, senatum legere cupientibus, tribuni
 plebis resisterunt, ne ipsi quoque senatu moverentur,
 veriti, ob foedas et seditiosas actiones, quibus con-
 vellebant reipublicae statum.

*Rullus lex
 agraria.*

XL. Multae enim tunc rogationes promulgabantur.
 inter cetera P. Servilius Rullus ferebat agrariam, ut
*decemviri coloniis deducendis agros, qui ubivis publici essent,
 maxime Campanos, quemadmodum ex usu esse viderent, dis-
 tribuerent.* Eadem lege ad emendos, ubi opus foret, agros
 omnis propemodum publica pecunia, et quae cogi unde-
 cumque posset, decemvirorum subiciebatur potestati.
 Dabatur et exercitus conscribendi potestas, quanto res
 indigeret. Et favebat legi C. Antonius, unum se fore
 sperans in decem. Igitur M. Cicero Kalendis Janua-
 riis, qua die consulatum iniit, ea de re verba fecit
 in curia, senatusque confirmandi valida fundamenta
 jecit. neque deinceps desistit, donec, pro rostris et-
 iam causa exposita, rempublicam maximarum largi-
 tionum metu liberaret: tanta vi eloquentiae mentibus
 admota, ut legem agrariam, hoc est alimenta sua, vo-
 catae in suffragium tribus abrogarent; tribuni vero
 plebis ita consternarentur, ut alias quoque nonnullas
 actiones abjicerent.

*Cui faveat C.
 Antonius.*

U. c. 689.

A. C. 63.

M. Tullio,

C. Antonio

coll.

Sed Ciceronis eloquen-

tia aboletur.

XLI. Erant omnino ea tempora, ut et hoc consule
 respublica, et hoc ingenio consul, haberent opus:
 quum nihil abesse videretur, quod timere boni, spe-
 rare improbi possent. Tribuni plebis varie miscebant
 civitatem, favente in plerisque Antonio, facili inter
 prava ingenia ad deterius consensu. Alius, enixe rem
 urgente Caesare, proscriptorum liberis jus petendi
 magistratus reddere moliebatur: alius idem dabat P.
 Autronio et P. Sullae de ambitu damnatis. neque de-
 erat, qui novas tabulas meditaretur. Quibus praeci-
 pua Ciceronis industria vigilantiaque occursum est. is
 consilia omnium magna solertia indagavit, pari con-
 stantia excepit, denique incomparabili eloquentia, tam-
 quam fulmine, dejecit. Tantum enim dicendi copia

Cap. XXXIX. Dio. **Cap. XL. Cic.** in Rull. et Plut. Cic. Plut. Gell. 13, 23. Cic. ad Fam. 1. Ep. 9. et ad Att. 2, 1. et in Pis. c. 2. Plin. 7, 36. Dio. Plut. **Cap. XLI. Cic.** in Rull. 1, 8. Dio. Sueton. Caes. c. 41. Plut. Cic. in Pis. c. 2. Plin. Dio. Vell. 2, 34.

et gravitate valuit, ut etiam homines ad ea probanda, quae paullo ante insigniter vidissent, posset adducere. U. c. 689.
A. C. 63.

XLII. Nam, illo suadente, etiam Rosciam theatrali legem plebs aequo animo tulit, magnopere prius irata L. Othoni, auctori legis, quod, discrimine sedis constituto, indignam, quae cum equitibus sederet, habuisset. Forte acciderat, ut Othonem, tum praetorem, legis ejus dolore populus in theatro exhiberet; equites contra plausu exciperent; deinde, iterum inde sibilis, hinc plausu instaurato, maledictis atque conviciis inter se committerentur ordines, et res ad seditionem spectaret. Id ubi Cicero consul comperit, accurrit propere, vocataque in aede Bellonae concione plebem objurgans, ita mutavit animos, ut reversa in theatrum non minorem Othoni plausum ipsa, quam equites, darent. *Iras populi
in L. Rosci-
um Othonem
placat.*

XLIII. Majorem deinde dimicationem pro C. Rabirio subiit, cui subornatus a C. Caesare tribunus plebis T. Labianus perduellionis diem dixerat, quod ante sex ~~et~~ ^{et} triginta annos L. Saturninum tribunum plebis occidisset. Negabat factum Rabirius, sed non tam ille, quam senatus auctoritas, petebatur, nihil deinceps valitura, ubi, quod ipsius jussu esset factum, post tot annos in disquisitionem vocari, poenaeque et supplicio vindicari posse constitisset. Quum summa ope resisteret melior pars senatus, ne iudicium ea de re fieret; tribuni plebis, factione Caesaris adjuti, vicerunt, ita dumviri, non more antiquo a populo, qui perduellionem judicarent, sed a praetore dati: sic ducta sorte, ut, res suspiciosissima, Lucius et Cajus Julii Caesares fierent. a Cajo certe tam cupide condemnatus est, ut more majorum ad populum provocanti nihil aequae, ac iudicis acerbitas, profuerit. Pro hoc reo Ciceronis exstat oratio, quae, ipso indice, quarta habitarum in consulatu fuit. *C. Rabirio
defendit.*

XLIV. Periclitabatur tamen reus, (tanta vis adversae factionis erat) quum Q. Metelli Celeris, qui praetor et augur erat, facto est liberatus. Centuriatis comitiis de perduellione populus judicabat, illa quum intra pomerium fieri nefas esset, antiquitus erat sta- *Q. Metelli
factum anti-
mosum.*

Cap. XLI. Dio. Plut. Cap. XLII. Cic. ad Att. 2, 1. Plin. Plut. Cap. XLIII. Dio. Cic. pro Rabir. Sueton. Caes. c. 12. Dio. Cic. in Pis. c. 2. Dio. Liv. 1, 26. Sueton. Dio. Sueton. Cic. ad Att. 2, 1. Cap. XLIV. Dio. Rosin. Antiq. Rom. 6, 9.

U. c. 689. tutum, ut, occupato in suffragiis ferendis populo,
A. C. 63. exercitus praesidii causa imperaretur. ita fiebat, ut cum armis exirent, nec simul universi cives, sed per partes, ferrent suffragia, quo semper idonea manus ad tutelam ceterorum et urbis in Janiculo excubaret. nam inter initia metus ab aecolis, tenui adhuc re Romana, desiderabat cautionem. is deinde mos, ut sollet; quantumvis mutato rerum statu, pro lege servabatur. Vexillum igitur fixum erat in Janiculo, quamdiu comitia habebantur; eo dimoto, praesidium discedebat, neque deinceps agi cum populo poterat. Metellus igitur, quum frustra docere conatus esset, *contra majorum instituta iudicium eo tempore perduellionis fieri*; omissa concione, priusquam suffragia ferrentur, in Janiculum contendit; vexilloque revulso, necessitatem solvendi comitia fecit. Neque ultra institit Labienus, quamquam alia die repetere reum potuisset.

*De proscrip-
 torum libe-
 ris conten-
 tio.*

*Facundia
 Ciceronis
 tollitur.*

XLV. Supererat de proscriptorum liberis conten-
 tio, ideo tractatu asperior, quod adolescentes boni et fortes, nulla sua culpa, petitione magistratum arcebantur: eratque haec, quum numero, tum opibus, minime spernenda manus. Sed ita tum rei acerbitem oratione mollivit consul, et legibus Corneliis sic cohaerere statum civitatis docuit, ut ipsos quoque honores petere puderet. L. autem Caecilium tribunum plebis, P. Sullae fratrem, eoque de mitiganda poena ambitus ferentem, ut fratri reditus ad petendos honores esset, ita immutavit, ut et abjiceret rogationem, et agrariae legi se fore intercessorem profiteretur. Legationes quoque liberas, quamquam ad commodum senatus pertinere videbantur, frequentissimo senatu adsentiente sustulisset, nisi fuisset a tribunis interces-
 sum. tempus tamen minuit, et, quod infinitum fuerat, annum fecit. Et quia, proviso, quod imminebat, bello, rempublicam pecunia opus habituram putabat, misso Puteolos P. Vatinio quaestore, aurum et argentum vetuit exportari.

*Cicero colle-
 gam patien-
 tia et obse-
 quio mitigat.*

XLVI. Haec atque talia consuli eo facilius proce-
 debant, quod turbaturum alias cuncta collegam, ne contra rempublicam sentiret, patientia et obsequio

Cap. XLIV. A. Gell. 15, 27. Dio. Cap. XLV. Cic. ad Att. in Pis. Plut. Quintil. Instit. Or. 11, 1. Plin. 7, 30. Cic. pro Sulla, capp. 22. et 23. Cic. de Leg. 3, 8. Cic. in Vatin. c. 5. Cap. XLVI. Plut. Cic. in Pis. c. 2.

mitigatum, postremo commutatione provinciae perpu-
lerat. Quippe Cicero Macedoniam sortitus, quum eam
placere collegae videret, cum Gallia commutavit, quae
C. Antonio evenerat. Inter haec P. Lentulus Spinther
aedilis curulis tanta magnificentia ludos edidit, ut su-
periores omnes novo invento vinceret, argentatis cho-
ragiis scenam adornans. Idem et dibapha Tyria pri-
mus est usus; quod tum improbatum, mox vulgare
fuit.

U. c. 689.
A. C. 63.

XLVII. Hic ferme status urbanarum rerum erat,
quum, audito fine Mithridatis, grates Diis actae sunt,
et ad omnia pulvinaria supplicatum: quum, referente
Cicerone consule, quantum alias numquam, in duo-
decim dies supplicationem senatus decrevisset. Tri-
buni plebis T. Labienus, T. Ampius privilegium tu-
lerunt, ut Pompejus ludis circensibus corona aurea, toga pi-
cta, cultu triumphantium uteretur; scenicis praetexta, coro-
naque laurea. Salutis etiam augurium, confectis bellis
maritimis et terrestribus omnibus, celebrari posse cre-
ditum est. Id veteri more genus quoddam divination-
is erat, quo maximus praetor explorabat, salutemne
Dii populo Romano annuerent. neque fas erat alio die
agi, quam qui ab omni negotio militari vacuus: ea-
que de re diu intermissum inter continua bella civiles-
que discordias fuerat, nullum idoneum tempus ad pa-
cificas caerimonias invenientibus.

Salutis au-
gurium ce-
lebratur.

XLVIII. Porro Mithridatis exitum operae pretium
est penitus exsequi. Calamitatibus, et, quae calami-
tatem amat sequi, perfidia suorum irritatus, quum
multos ob culpam, alios per suspicionem interficeret,
omnium a se animos taedio et metu abalienavit. Etiam
Pharnaces filiorum ad eam diem honoratissimus, et
saepe declaratus regni successor, sive fratrum occiso-
rum dolore, sive sibi timens, insidias frueri seni
coepit, priusquam destinatam in Italos expeditionem
inchoasset. Nam, id ubi esset factum, omnem ab Ro-
manis praecidi spem veniae existimabat, neque ad se
ex opibus paternis quidquam esse perventurum. Non
deerant, qui haec referrent ad regem: multos enim

Mithrida-
tis exitus.

Cap. XLVI. Sall. Catil. c. 6. Dio. Cic. de Off. 2, 16. Val.
Max. 2, 4. 6. Plin. 9, 39. Cap. XLVII. Appian. Mithrid.
Cic. de Prov. Consul. c. 11. Vell. 2, 40. et Dio. et Cic. ad
Att. 1, 18. Dio. Cap. XLVIII. Eutrop. Oros. 6, 5. Appian.
Dio. Liv. Epit. Plut. Appian. Dip.

U. c. 689. filio apertos clandestinosque custodes apposuerat. Com-
 A. C. 63. prehensi igitur conficiorum nonnulli, tortique sunt;
 nec dubitabat rex insidiatorem tollere, nisi Menophanes,
 offensis incommodis, quae sub tempus tam longin-
 quae expeditionis occisum filium essent sequutura,
 perpallisset, ut veniam offerret.

*Pharnaces
 sollicitus Ro-
 manos trans-
 fugas.*

XLIX. Sed ille, longius progressum existimans,
 quam ut tutus inde receptus esset, ad hoc animos mi-
 litum a suscepta expeditione abhorrere gnarus, noctu
 ad primarios Romanorum transfugarum, qui proxime
 regem tendebant, ingreditur: casum suum miseratur:
 laborem improbum, pericula, miseras, quae per tan-
 ta marium terrarumque spatia, omnibus ubique infe-
 stis, Italiam petituros manerent, exaggerat: spem a
 se maximam, honoresque et opes in promptu osten-
 dit, si regno ipse potiat.

*Deinde to-
 tum patris
 exercitum.*

L. Facile persuadetur omnia triflissima, si perdu-
 ti in Italiam forent, metuentibus. mittuntur eadem
 nocte certi homines, ad alia vicina castra sollicitanda.
 nec mora, simul cum luce transfugarum exoritur cla-
 mor; eum exceptum alii sequuntur, transmittuntque.
 sic brevissimo tempore totum ubique exercitum, at-
 que etiam nauticam turbam seditis percurrit. Nam et
 ab ignaris antea simul cognitum probatumque Phar-
 naces consilium est, laetis ad res novas plerisque;
 aliis, quod in defectione omnium soli frustra et cum
 exitio renifuri videbantur. Sic ad urbem pergitur:
 nam Panticapaei Mithridates tum agebat.

*Mithridatis
 periculum.*

LI. Rex, tumultu audito, partem eorum, quos so-
 cum habebat, obviam mittit, cum ceteris ipse sequen-
 turus. Sed et illi defecerunt ad Pharnacem, et urbs,
 non invitis oppidanis, ab eodem occupata est: Mithri-
 dates in regiam confugit. Inde quum misisset ad mi-
 lites, quaesitum, quid ergo sibi vellent? aperte Pharna-
 cem postularunt regem, juvenem pro sene, eunuchorum
 mancipio, filiorum amicorumque carnifice. His auditis, Mi-
 thridates, ut spem ultimam tentaret, ipse alloquutu-
 rus eos prodiit. Tum, intentis in illum digitis, trans-
 fugae, En, inquit, qui transire ad nos statagitis, ubi
 prius fidem faciat animi propositique vestri. Ad hanc vo-
 cem prosilientes complures equum fugientis confode-
 runt, Pharnacem regem sublatiis vocibus acclamantes:

Cap. XLVIII. Appian. Cap. L. Dio. Cap. LI. Appian.

et, ne dubitari amplius posset, raptam aliquis ex templo papyrum instar diadematis capiti Pharnacis circumposuit. U. c. 689.
A. C. 63.

LII. Haec ex altissimo muro miserabilis senex conspicatus, multis precibus oravit filium, *ut ruxam sibi ad filium.* *Ejus preces* *fugam concederet,* alios super alios ea de causa missitando. Postquam nemo revertebatur, atque ultimam adesse necessitatem sentiebat, exclamasse fertur: *Quoniam Pharnaces mori jubet, vos, si estis, Dii parvi, precor, ut quandoque et ipse hanc vocem a liberis suis audiat.*

LIII. Collaudatos deinde satellites et amicos, qui pauci apud eum persisterant, fide ad extremum praestita, suae incolumitati consulere, et ire ad victorem jubet. Statimque descendens ad reliquas conjuges liberosque suos, venenum, quod semper cum gladio gestare consueverat, miscet. Erant ibi duae filiae virgines duobus Ptolemaeis, Aegypti Cyprique regibus, desponsae, Mithridatis et Nyssa. Hae enixe rogarunt patrem, ut, ipso superstite, morentur. Igitur his primum venenatam potionem, deinde reliquis dedit: ipse hausit novissimus. *Venenum*
dat suis, et
ipse sumit.

LIV. Reliqui cito extincti sunt: Mithridates, quamquam vehementissimi veneni magnum modum ebiberat, et vim potionis ambulando cuperet accendere, tamen, defendentibus vitalia, quae saepe sumpserat, remediis, metuere coepit, ne in filii, et deinde Romanorum potestatem incideret: gladioque admoto, ne sic quidem invenit exitum, quia, senecta malisque circumstantibus, ad hoc veneno debilitata manus aliquanto leviolem plagam fecerat. *Etiā gladium*
admo-
vit: utrum-
que frustra.

LV. Igitur, conspecto forte Bituito Gallo, qui, muro jam superato, cum aliis in regiam penetraverat, *Postremo a Bituito Gal-* *lo occiditur.* *Multrum,* inquit, *dextrae tuae, quum miles meus esses, debui: plus debiturus, si extremum mihi officium praestiteris, ne hac aetate bisque rebus gestis ducis Romani triumphalem currum Mithridates antecadam. Expelle, sis, hunc spiritum, quem frustra sollicitavi mea manus, quemque adversus venenum stultus ego medicamentis munii.* Ita Bituitus, quum

Cap. LII. Oros. Appian. Oros. Cap. LIII. Appian. Dio. Oros. Appian. Dio. Oros. Eutrop. Val. Max. 9, 2. Cap. LIV. Flor. 3, 5. Appian. Dio. Oros. Justin. 37, 2. Plin. 25. c. 2. Appian. Cap. LV. A. Gell. 17, 16. Flor. Dio. Oros. Liv. Epit. Appian.

U. c. 689. et Pharnaci rem gratam facturus videretur, jugulum
 A. C. 63. ultro praeberentis hausit; simul accurrentes alii gladiis
 ac lanceis accelerarunt ei mortem. Sic interiit ulti-
 mus tum sui juris regum, praeter Parthicos, post
 multas, et illatas aliis, et acceptas aliunde, calamita-
 tes, fortunaeque miras vicissitudines, ne simplici qui-
 dem morte sublatus. Aetatis annos (nam dubitatur)
 paullo plus minusve septuaginta, regni quinquaginta
 septem exegerat.

*Judaei fra-
 tres litigant
 coram Pom-
 pejo.*

LVI. Eo tempore Pompejus obibat Coelen Syriam,
 legatos et munera gentium excipiens, quae ex tota
 Syria Aegyptoque mittebantur. Nam et Aegyptus in-
 quieta seditionibus erat, adque eas comprimendas Pom-
 pejum rex advocabat: dona pecuniasque ipsi, et exer-
 citui vestem mittens. Venit et ab Hyrcano Antipater,
 et Nicodemus ab Hyrcani fratre Aristobulo, de regno
 Hierosolymitano certantibus. Ipsi occurrere jussi ad
 disceptandum reguli: quum Aristobuli legatus, data
 ab eo prius Gabinio trecenta talenta, deinde Scauro
 quadringenta arguens, supra ceteras inimicitias, ho-
 rum etiam odia comparasset.

*Pompejus
 latrones et
 tyrannos pu-
 nit.*

LVII. Interea, quum ver apparuisset, contracto ex
 hibernis exercitu, Pompejus in Damascenos fines fe-
 cit expeditionem, multis in via excisis latronum ca-
 stellis, supplicioque adfectis tyrannis, qui passim per
 civitateas exsisterant. Primum in Apameno agro capta
 ex itinere et diruta arx est, quam Antiochus Cyzice-
 nus struxerat. Deinde in Ituraeos transitum, qui sub
 Ptolemaei Mennaei ditione Libani partem habitabant,
 latrociniis dediti. Munitissima horum castella, Sinnam
 et Borama in monte sita, et inferius Botryn, et Gi-
 gartum, et speluncas juxta mare, et castellum in jugo,
 quod appellabant *Theu-prosofon*, Pompejus evertit. Ty-
 rannus, Tripolitano Dionysio, qui paullo ante securi
 percussus fuerat, nihilo innocentior, mille talentis
 redemit supplicium. quibus ad stipendia militum usus
 imperator, Lysiada deinde ad lacum Apamenum cepit,
 munitam urbem, quam Judaeus quidam tyrannus, no-
 mine Silas, obtinebat. Liberavit et Byblum, veterem
 Cinyrae regiam, quum et hujus urbis tyrannum secu-

Cap. LV. Dio. Vell. 2, 40. Dio. Appian. Eutrop. Plin.
 Cap. LVI. Xiphilin. Joseph. Antiq. 14, 3, Appian. Joseph.
 Cap. LVII. Appian. Oros. 6, 6. Strabo, l. 14. p. 753. 755. et
 756. Joseph. Strabo.

ri percussisset. Heliopolin deinde et Chalcidem, Men-
naei urbes, transiens, per Syriae partem, quae Liba-
no et Antilibano montibus inclusa proprie *Cava* dicitur,
Pellam, et hinc Damascum venit.

U. c. 689.
A. C. 63.

LVIII. Damascus inter Selencidarum calamitates
Aretam vocaverat; Arabum Nabataeorum regem, ei-
que se et omnem incirca regionem tradiderat. Sed
illam nuper, victo Arabe, Metellus atque Lollius re-
ceperant, quum ad Syriam pro sua defendendam Pom-
pejus exercitum misisset. Mox eodem venit ex Ar-
menia, ubi tum Tigranem bello Pompejus urgebat,
ejusdem missu M. Scaurus, Aretamque Hierosolymas
obsidentem, acceptis ab Aristobulo pecuniis, deter-
ruit; inde Damascum reversus.

*Damasci
varia fata.*

LIX. Has causas gerendi cum Arabibus belli ad-
eptus Pompejus Hyrcanum et Aristobulum, qui Da-
mascum accesserant, miti responso dimisit; *in praesentia*
praevertendum sibi ad Nabataeorum castigandam insolentiam:
inde iturum in Judaeam, ut litem fratrum componat.
interea mutuis injuriis abstineant. Sed Aristobulus, qui
se regem ferebat, velut herilium jussorum impatiens,
insalutato Pompejo digressus, ita offendit virum, prae-
cipue Hyrcani, et Antipatri, cujus postea filius Hero-
des in Judaea regnavit, obtestationibus augmentibus
iram; ut, dilato bello Arabico, in Judaeam converte-
ret signa, et per Pellam Scythopoliinque et Coreas
Alexandrium duceret, in finibus Judaeae situm, ubi
se Aristobulus incluserat, dubius animi, et vicissim
de salute ac dignitate anxius.

*Aristobulus
Pompejum
irritat.*

LX. Omnibus tamen a bello dehortantibus, de-
scendit in castra Pompeji, multaque de jure suo lo-
quutus, concedente illo, in castellum est regressus.
Hoc iterum atque tertio quum fecisset, inter spem
metumque ambiguus, se ita temperare cupiens, ut
neque prodere dignitatem videretur, neque Pompe-
jum offenderet; neutrum satis adsequutus, jussu Ro-
mani scripsit ad praesidiorum praefectos, *ut castella*
quaedam traderent. Deinde, bellum indignanti animo

Cap. LVII. Joseph. Antiq. 14, 5. et 13. Cap. LVIII. Stra-
bo, l. 16. p. 756. Joseph. Antiq. 14, 5. Joseph. Antiq. 13, 15.
et de B. Jud. 1, 4. Joseph. Antiq. 14, 4. Cap. LIX. Appian.
Dio. Joseph. Antiq. 14. c. 5. et de B. Jud. 1, 5.

U. c. 689. volvens, discessit Hierosolyma. Neque Pompejus distulit sequi: castrisque ad Hierichunta positis, palmarum ballamique proventu nobilem, extra vallum equitando exercebatur: quum citi accurrerunt equites, laetum, ut ex laureatis hastarum cuspidibus intelligi poterat, nuncium adferentes. Concurso igitur exercitus precibusque coactus statim legit epistolas, et suggestu non cespitibus, ut moris erat, sed per felinationem militum comportatis jumentorum sarcinariorum clitellis, effecto, *Mitbridatem vixisse* pronuntiavit. Inde laeti omnes ad sacrificandum epulandumque se converterunt, in uno corpore bellum extinctum, infinitosque populi Romani hostes deletos rati.

Et advenienti ur-
bem dedit. LXI. Pompejus etiam minore, quam credidisset, labore suo debellatum gaudens, et in patriam, ut primum posset, rediturus, statim orta luce Hierosolyma progressus, Aristobulum terruit, ut descendens, pecuniis promissis, urbem et omnia in potestatem ejus dederet. Pompejus, venia vicissim data, Gabinium ad accipiendam pecuniam misit. Sed, Aristobuli factione claudente portas, ille datus in custodiam est, urbs obsessa. quam ubi Hyrcani partibus dediti aperuerunt, Piso legatus Pompeji, regia occupata, praesidium ibi posuit; domusque et alia, templo, quod rebelles occupaverant, vicina, communivit.

Templum
oppugnatur. LXII. Deinde templum, qua respiciebat aquilonem, infirmis ea parte, quam cetero ambitu, videns, oppugnare coepit. Erat tamen ibi quoque praeceps et abrupta vallis, et pontem, qui templum urbi jungebat, obsessi revulserant. Murus etiam firmissimus, turresque praealtae tantum non inaccessiblei efficiebant locum. Sed Pompejus, abundanti multitudine, nam et a Damasco ceteraque Syria copias auxiliares adduxerat, voraginem comportata undique materia jussit expleri.

Sabbato
Judaei non
impediunt
opera hostium. LXIII. Quum multi inter haec Judaeorum telis vulnerarentur, tardius procedebat opus, vix ad optatum finem perducendum, nisi septima die cessantes a jaculando obsessi impune Romanos, quod placuisset, moliri

Cap. LX. Plut. Pomp. Joseph. de B. Jud. Plut. Cic. pro Mur. c. 16. Cap. LXI. Oros. 6, 6. Dio. Joseph. Antiq. et de B. Jud. Hegesipp. 1, 16. Joseph. Cap. LXIII. Plut. de Superfit. c. 14.

liri paterentur. Quemadmodum enim ea gens ita cum Deo suo velut dividere partes imperandi parendique consuevit, ut mandatis ejus ad suae interpretationis modum obtemperet; tum solummodo, quum peteretur corpus, repugnare licitum putabant, alia hostilia agentibus per sabbatum obniti nefas. Igitur per eos dies Romani neque petebant hostem, neque petebantur: tantummodo fossis complendis, struendoque aggeri strenue admovebant manus.

U. c. 689.
A. C. 63.

LXIV. Machinae deinde Tyro advectae, quum continuo saxorum jactu propugnatoribus moenia nudassent, spatium Romanis unam suffodiendi turrim praebuerunt. Per hujus ruinas tertio obsidionis mense captum est templum ipso die jejunii, quod tum incidit in Quintilem. Faultus Sulla, dictatoris filius, primus ascendit murum: sequutique statim Furius et Fabius centuriones cum suis manipularibus.

*Templum
captum.*

LXV. Interea nihilominus sacerdotes munia sua, tamquam in altissima pace, obeuntes, neque strictos in se gladios, neque accepta vulnera pavescebant: multique inter ipsa sacra sunt interfecti. ceterorum quoque varium exitum fuit: multi ab hoste, multi a civibus discordibus caesi, magna pars semet ipsos praecipitarunt in abrupta. quidam etiam, furentes calamitate, conjuncta templo aedificia cremarunt, seque ipsos injecerunt ignibus. Ad millia duodecim periisse dicuntur: de Romanis oppido pauci: complures tamen sunt vulnerati.

*Sacerdotum
in obus
sacris personarum.*

LXVI. In ea calamitate Judaeis nihil acerbius fuit, quam quod inviolata ad eam diem fani arcana, solique principi sacerdotum; nec nisi semel quotannis, adspicienda, profanis hominibus patuerunt. Sed praecipue Romanis admirationi fuit, nulla intus Deorum effigie, vacua sedes: quum simulacrum aliquod, rem gentibus omnibus velut consensu receptam, quaerent. Inde multiplex de Judaicis religionibus opinionum error apud gentes inolevit, tam pertinaciter, ut, etiam vulgatis per Christianorum incrementa Judaeorum sacris, Plutarchus, tam diligens abstrusorum inquisitor, in clarissima luce caecutiret, *Liberum Patrem a Judaeis coli*, multis argumentis ineptissime disputans. Absurda persuasio inde primum orta, quod sacerdotes Judaei tibia

*Nullam
simulacrum in
templo
Judaeorum.*

Cap. LXIII. Strabo, l. 16. p. 763. Dio. Joseph. Cap. LXVI. Max. Tyr. Dissert. 38. Plut. Sympos. 4, 5. Tac. Hist. 5, 5.

Supplem. Liv. Tom. XIII.

I i

U. c. 689. tympanisque concinebant, hederaque vinciebantur: et ante omnia quod reperta in templo vitis aurea fuisset. Pulcherrimum id opus, quingentis aestimatum talentis, sive Aristobuli donum, sive suas e templo manubias Romam deportante Pompejo, postea in Capitolini Jovis fano stetit, Alexandri nomen inscriptum habens, Judaeorum regis.

*Pompejus
institurari
sacra jubet.*

LXVII. In templo, praeter candelabrum insigne, mensamque et vasa aurea, magna vis odorum reperta, sacraeque pecuniae ad duo millia talentum. quibus omnibus abstinuit Pompejus: alteroque post captum templum die, repurgari locum ab aedituis, solitoque ritu institurari sacra voluit. Jusso deinde regnare Hyrcano, praecipuos belli auctores, in quibus et Absalomus fuit, Aristobuli socer, securi percussit: Faustum ceterosque virtutis causa donavit: Hierosolyma, dirutis oppidi moenibus, Romanis stipendiaria fecit, procuratore imposito Antipatro.

*Demetrii li-
berti poten-
tia.*

LXVIII. Judaeorum deinde gentem veteres intra terminos compescens, quos ab Syria populos urbesque superioribus annis avellerant, ademit. Gadara, quod oppidum paullo ante dirutum ab ipsis fuerat, instituravit in Demetrii gratiam liberti sui; cujus tanta erat potentia apud patronum, ut saepe, ad convivas excipiendos discurrente Pompejo, ipse accubuisse memoretur. Unde et apud alios ei adeo nimius honor, ut, quantum Catonem accipere puduisset, homo libertinus admitteret. Ajunt, per absentiam Pompeji Catonem ad Antiochiam visendam profectum, quum ante portam virorum agmen cum vestibus albis, et propter viam hinc quidem adultos, inde impuberes stare vidisset, honore nimio offensum coepisse stomachari: quum accesserit ad eum dux pompae, coronatus et virgam tenens, interrogans, *ubi Demetrium reliquissent? et anne cito esset adfuturus?* Ibi amicis Catonis effuse ridentibus, Catonem, haec tantum effatum, *O miseram civitatem!* nec alio responso dato, praeteriisse. Atque hoc idem tanto post tempore Julianus imperator Antiochiensium posteris objecit.

LXIX. Hujus igitur Demetrii patriam liberam esse

Cap. LXVI. Joseph. LXVII. Euseb. Chronic. Sulpic. Sever. Cap. LXVIII. Hegesipp. 1, 17. Joseph. Plut. Pomp. Plut. Pomp. c. 66. et Cat. Min. c. 17. Julian. Misopogon. Joseph.

jussit Pompejus; et praeterea in mediterraneis Hippum, Scythopolin, Pellam, Dium, Samariam, Marissamque et Azotum, et Jamniam, et Arethufam, Sampsicerami Arabum phylarchi castellum, prioribus cultoribus restituit. ad mare vero Gazam, Joppen, Dora, Stratonisque turrim, quae post *Caesarea* fuit, potestate Judaeorum liberatas suis legibus reddidit. His ita gestis, M. Scauro quaestori suo duas legiones reliquit, ut Syriam, qua Aegypto et Euphrate terminatur, obtineret: ipse in Ciliciam discessit, vinctum abducens Aristobulum cum duobus filiis, filiabusque totidem; quorum e numero paullo post major fratrum Alexander, in itinere parum diligenter adservatus, effugit. Festinabat enim Pompejus, ut, rebus orientis constitutis, Romam recurreret.

U. c. 689.
A. C. 63.

*Pompejus
in Ciliciam
discedit.*

LXX. Idcirco celeriter pertransitis, quae Ciliciam et Pontum interjacent, provinciis, quum Amisum venisset, regios ibi liberos, qui capti interea fuerant, et ab Pharnace munera reperit, cum cadavere Mithridatis, quod muria conditum parricida Pharnaces miserat. Pompejus, mortuo Sinopen amandato, ut sepulchro majorum inferretur, sumptu insuper ad regii splendoris exequias liberaliter praebito, vestem, qua uti consueverat, armorumque elegantiam et pondus est admiratus. At vaginam gladii, quam ajunt talentis constitisse quadringentis, Publius quidam suffragatus, clam vendiderat: itemque cidarin miri operis Caejus, Mithridatis collectaneus, Fausto Sullae: in quos deinde Pharnaces, re comperta, animadvertit.

*Mithridatem
majorum
tumulo
inferri
jubet.*

LXXI. Idem obsides quoque multos Graeci barbarique generis misit ad Pompejum: adductis etiam, qui M. Aquillium comprehenderant, orans, ut sibi aut paternum Ponti regnum, aut saltem Bosporanum, quibus finibus Machabes tenuisset, concederetur. Et Pompejus, illius sane opera Italiam maximo metu liberatam reputans, socium et amicum appellatum regnare in Bosporo jussit; exceptis in libertatem Phanagorensibus, qui defectione sua primi perculerant Mithridatem, caussamque praebuerant periculis, quibus ad extremum est obrutus. Ab eodem merito Castor socius amicusque

*Pharnacem
in Bosporo
regnare
jubet.*

Cap. LXIX. Strabo, l. 16. p. 753. Joseph. Appian. Syriac. Joseph. Cap. LXX. Plut. Pomp. Appian. Mithrid. Dio. Plut. Dio. Appian. Plut. Cap. LXXI. Appian.

U. c. 689. populi Romani appellatus est: et, accepta Galatiae parte, filiam Dejotari regis duxit. unde subitus ei domui, nec diuturnus splendor.

*Thesaurus
Mithridatis
recipit.*

LXXII. Venerunt deinde praefecti castellorum, qui deditionem in adventum Pompeji distulerant, ne forte thesauros diriperent, quorum in manus traditi forent, et deinde ratio a se reposceretur. Incredibiles hic repertae opes: quamquam diuturno et infelici bello maximam vim pecuniae Mithridates absumpserat. Taulaura praecipue, referta omnis generis opulentia, quaeflorem, dum inventa percenset, ad dies triginta attinuerunt. Duo inde millia poculorum ex onyche Romani sustulerunt, cum multis phialis, sellis, lectis, equorum etiam phaleris aureis gemmatisque. Haec partim a Dario Hytaspis filio pervenisse ad ultimum Mithridatem ferebantur: pars cum Alexandro filio a Cleopatra in templo Aesculapii deposita, tradentibus Cois, facta illius erant: nec pauca ipse paraverat, elegantioris instrumenti percupidus.

*Catilinae
conjuratio
erumpit.*

LXXIII. Dum ad hunc modum res Romana, tabidae meretricis instar, insigni splendore et opulento cultu foris enitescit, peste intima propemodum vitalia exedente, in id periculum adducta est, ut parum abesset, quin omnibus a se subactis conculcatisque urbibus haberi deberet infelicior. Architectus ejus fraudis Catilina erat, cujus tum maxime, consularibus instantibus comitiis, conjuratio erumpebat. Nam Catilina omni contentione pugnabat, ut prius designaretur, quam venire Pompejus in Italiam posset, cujus unius vires virtutemque maxime metuebat. Idcirco, contracto consociorum consilio, quum Sallani milites spe novae praedae, quia veteres rapinas luxu et libidinibus dissipaverant, conjurationi faventes, ei totam, in qua plurimum poterant, Etruriam partibus adjuncturi viderentur, consilium ceperunt Ciceronem inter ipsa comitia trucidandi. *hoc submoto, cetera facilius successura.*

*Nec ipse
diffidetur.*

LXXIV. Haec primo per literas, incertum unde datas, sunt cognita, quae erant ad M. Crassum aliosque pari nobilitate scriptae: quas ad Ciceronem Crassus ipse cum M. Marcello et Metello Scipione detulit.

Cap. LXXI. Strabo, l. 12. p. 568. Cic. pro Dejot. c. 11. Cap. LXXII. Dio. Appian. Cap. LXXIII. Plut. Cic. Cic. pro Mur. c. 25. Sall. Catil. c. 28. Appian. Civil. l. 2. Plut. Cic. pro Mur. c. 24. Cap. LXXIV. Dio. Plut. Crass. c. 24. et Cicer. Dio.

Ob eam rem comitiorum dies, quae suberat, agente Cicerone, dilata est, ut de his rebus consuli senatus posset. Postridie Catilinam interrogavit in curia consul, *quid de illa causa diceret?* atque ille aperte respondit: *quum duo sint reipublicae corpora, debile alterum infirmo capite, alterum sine capite praevalidum, huic, se vivo, caput non esse defuturum.* Tum ergo tumultum esse decretum est ab senatu, et in auctores inquisitio iussa. Consul, ut metum et periculum cives animum adverterent, dissuta de indultria tunica, loricae ostendit particulam. Igitur, ad praesidium ejus valida se adgregante manu, comitia sine tumultu peracta. D. Silanus, L. Murena designati.

U. c. 689.
A. C. 63.

LXXV. Sub hoc demum tempus, dilatatum inimicorum calumnia triumphum L. Lucullus de Mithridate et Tigrane regibus duxit: quae ipsa res gloriam ejus miseratione injuriae augebat. Pompa uti minime proluxa, ita delecto apparatu spectabilis fuit. Armis machinisque hostilibus circum Flaminium exornaverat. in triumpho paucos cataphractus duxit, decem currus falcatos, amicos ducesque regioes sexaginta. Naves quoque rostratae centum decem translatae. Praeterea Mithridatis effigies ex auro senum pedum, et distinctus gemmis clipeus. Fercula viginti vasorum argenteorum: duo et triginta, poculorum armorumve aut nummorum ex auro. Lectos etiam aureos octo muli transporterunt; et alii sex et quinquaginta argentum infectum; alii centum et septem, signati paullo minus vicies septies centena millia drachmarum. Praeferebantur et in tabulis summae, quas Pompejo ad bellum piraticum, deinde quae floribus aerarii dederat: adscriptum etiam erat, nongenas quinquagenas drachmas militibus divisisse.

Lucullus triumphat.

Ejus triumphus pompa.

LXXVI. Inde splendidum epulum populo dedit, in foro et per vicos tricliniis stratis: vinique Graeci congiario divisit millia cadum amplius centum. Statuas permultas in publico posuit ex manubiis, in quibus eximiae artis Hercules fuit in fatali tunica suprema sentiens, et colossus Apollinis triginta cubitorum, centum quinquaginta talentis factus, quem ex Apolloniatarum Ponticorum insula advexerat.

Epulum ei donaria.

Cap. LXXIV. Plut. Cic. pro Mur. c. 25. Dio. Plut. Cic. Dio. Cic. pro Mur. c. 26. Dio. Plut. Cap. LXXV. Cic. pro Mur. c. 18. et Acad. Quaest. 4, 1. Eutrop. Vell. 2, 34. Plut. Lucull. Cap. LXXVI. Plin. 14, 14. 34, 8. 34, 7.

U. c. 689.
A. C. 63.
Luculli otium et luxus.

LXXVII. Hic finis publicorum operum Lucullo fuit. postea, sive gloriae opumque satis adeptum ratus, sive nequidquam adplicari medicamenta desperatis patriae morbis, abjecta semel rerum aliarum cura, in otio et luxu vixit: profusae in aedificiis conviviiisque luxuriae, quae mox in immensum crevit, primus auctor. quem, ob injectas moles mari, et vicissim, exciso ad Neapolim monte, mare admissum, Magnus Pompejus haud infacete *Xerxem rogatum* appellavit. Atque ea res etiam incitamento conjuratis fuit, deplorente suam suorumque paupertatem Catilina, dum alii, sursum deorsumque vexando opes suas, vincere tamē et consumere nequirent.

LXXVIII. Sed, augente horum amentia, simul augeri consulis et Patrum vigiliae coeperunt. Jam senatusconsultum factum erat ultimae necessitatis: *darem operam consules, ne quid detrimenti respublica pateretur.* Post paucos deinde dies L. Senius senator literas in senatu recitavit, Faesulis allatas, in quibus scriptum erat, *C. Manlium, qui sub Sulla duxisset ordines, bellatorem impigrum, postquam male partas divitias pejus etiam decoxisset, ante diem sextum Kalendas Novembres arma cepisse cum magna multitudinem.* Trepidus inde vulgo omnibus, ut solet in tali re, prodigia nunciabantur. ingenti motu quassata tellus, Spoletumque totum concussum erat, et quaedam corruerant. crebra fulmina ceciderant, quibus decussa pleraque, et Varguntejus Pompejis sereno coelo exanimatus fuerat. Trabs ardens ab occasu ad coelum ferri visa: multisque locis spectra hominum apparuerant. Erant et, qui salutis augurium rite factum negarent, quod eo tempore infaustae aves visae dicebantur. Nonnullos Claudius augur moverat, consuli bellum domesticum triste ac turbulentum praedicendo. Itaque, certa incerta rumoribus adaugentes, *conventus facios, arma comportata, servile bellum in Apulia et Capuae motum,* loquebantur.

Senatus contra providet.

LXXIX. Multa ob has res decreta in senatu facta. Q. Marcius Rex, Q. Metellus Creticus, qui duo imperatores adhuc ad urbem erant, impediti ab adversariis,

Cap. LXXVII. Plut. Nicol. Damasc. apud Athen. l. 6. fin. Vell. 2, 33. Plin. 9, 54. Sall. Catil. c. 20. Cap. LXXVIII. Sallust. c. 29. Dio. Cic. in Catil. 1, 2. Plut. Cic. Sallust. Plut. Appian. Dio. Cic. Sallust. Plut. Cic. in Cat. 3, 8. Jul. Obsequ. Dio. Cic. de Divin. 1, 47. Sallust. Cap. LXXIX. Plut. Dio. Appian. Sallust.

ne triumpharent, ille Faesulas, Metellus in Apuliam ire iussi. Praetores Q. Pompejus Rufus Capuam, Q. Metellus Celer in Picenum missi cum mandatis, *uti pro tempore atque periculo exercitum compararent*, Gladiatoriae familiae Capuam, et in cetera municipia, pro cuiusque opibus distribui, per totam urbem minores magistratus vigilias agere iussi. Conjurat[i]onis indicibus praemia proposita: servo libertas et centena sestertia, libero impunitas et sestertia ducenta.

U. c. 68.
A. C. 63.

LXXX. Post haec per aliquot dies, Catilina nihil auso moliri, tranquillae res videri multis coeperunt, ut jam Ciceronis calumniam incusarent. Sed Etrusci motus cito fidem fecerunt veris: et Catilinam L. Paulus lege Plautia de vi postulavit. Atque ille, conscientiam dissimulans, *vitandae suspicionis causa apud M. Lepidum habitare velle*, dixit, Paulli fratrem. nec receptus, venit ad Ciceronem, deinde ad Q. Metellum praetorem, et, repudiatus ubique, M. Marcello custodiendum se tradidit.

Catilina
reus fit.

LXXXI. Postea, quum in senatum venire ausus esset, qui tum in Jovis Statoris habebatur, et omnes subsellia, ad quae sedendi gratia iste accesserat, vacua relinquerent, in aliam partem digressi, Cicero, sive praesentiam ejus timens, sive ira commotus, orationem in praesentem reum habuit, quam adhuc legimus: *excedere jubens urbe, quam exitio destinasset. nam referre bonorum civium, ut inter se et hostem patriae murus interfir.*

A Cicero
excedere ur-
be jussus.

LXXXII. Ille, demisso vultu rogatis Patribus, ne temere de se crederent, clarissimis majoribus orro, deflexit ad convicia, Ciceronem inquilinum urbis appellando. Plura deinde maledicta ingerenti quum omnes obstreperent, hostem atque parricidam vocando; furenti similis, *Quandoquidem*, inquit, *inimicorum conspiratione praeceps agor, incendium meum ruina restinguam.* Proxima deinde nocte cum trecentis armatis egressus urbe, plerisque consularibus, praeterea optimo cuique scribit ex itinere: *Massiliam se in exilium proficisci, ne, si resisteres inimicorum calumniis, periculum inde reipublicae oriretur.*

Egreditur.

Cap. LXXX. Dio. Sallust. Cic. in Vatin. c. 10. in Catil. 1, 8. Cap. LXXXI. Plut. et Cic. in Catil. 1, 5. et 7. Sallust. Cic. in Pis. c. 2. Plut. Cap. LXXXII. Sallust. Appian. Sallust. Val. Max. 9, 11. Sallust. Plut. Sallust. Cic. in Cat. 2, 7.

U. c. 689. LXXXIII. Interim cum praecipuis sodalium ita
 A. C. 63. comparaverat, ut, *quamprimum se Faefulas pervenisse cognos-*
Conjurato- sent, Lentulus atque Cethegus cum fidei domum Ciceronis irent,
rum consi- propter dignitatem minime excludendi, et specie secretioris col-
lia. loquii seductum confoderent: L. Bestia, (is tribunatum ple-
 bis erat initurus) subito concione vocata, Ciceronem accusaret,
 mericulosum hominem, et sui timoris implem credulos. pro-
 xima deinde nocte, duodecim locis urbs incenderetur. Ei ne-
 gotio, praeter jam dictos, L. Cassius, P. Gabinus
 Capito, L. Statilius erant praefuturi.

LXXXIV. Haec vigilantissimi consulis cura in irri-
 tum omnia reciderunt. Is, in forum progressus, Ca-
 tilinae fugam et consilia exposuit populo, ita mode-
 rans, ut negligentibus extrema omnia metuenda, in-
 tentis optimam spem ostenderet: neque falli eos pate-
 retur ficta Catilinae modestia, quem exsilii caussa so-
 lum vertisse multi, literis ejus decepti, aut studio
 partium, dictitabant. sed paucos post dies epistolam
 ejus in senatu Q. Catulus recitavit hoc exemplo.

Epistola
Catilinae ad
Catulum.

LXXXV. L. Catilina Q. Catulo salutem. Egregia tua
 fides, re cognita, grata mihi magnis in meis periculis, fidu-
 ciam commendationi meae tribuit. quamobrem defensionem in
 consilio novo non statui parare: satisfactionem ex nulla con-
 scientia de culpa proponere decrevi: quam medius fidiis veram
 licet cognoscas. Injuriis contumeliisque concitatus, quod, fru-
 ctu laboris industriaeque meae privatus, statum dignitatis non
 obtinebam, publicam miserorum causam pro mea consuetudine
 suscepi. non quin aes alienum meis nominibus ex possessionibus
 solvere possem, quum et alienis nominibus liberalitas Orestillae
 suis fidei etque copiis persolveret; sed quod non dignos homines
 honore honestatos videbam, meque falsa suspitione alienatum
 esse sentiebam: hac nomine satis honestas pro meo casu spes re-
 liquae dignitatis conservandae sum sequutus. Plura quum scri-
 bere vellem, nunciatum est, vim mihi parari. Nunc Orestil-
 lam tibi commendo, tuaeque fidei trado. eam ab injuria defen-
 das, per liberos tuos rogatus. aveto.

Culpam
suae temeri-
tatis consi-
dit in inimi-
cos.

Cum lictori-
bis fascibus-
que ad exerci-
tum pergit.

LXXXVI. Inter haec ipse, quum aliquot dies apud
 C. Flaminium Flammam in agro Reatino exegisset, vi-
 cinitate, quam per emissarios suos antea sollicitave-
 rat, armanda; sumptis fascibus lictoribusque, signis-
 que explicatis ad paratas a Manlio copias contendit:

Cap. LXXXIII. Appian. Sallust. c. 43. Appian. Sallust.
 Cap. LXXXIV. Cic. in Catil. x. Cap. LXXXV. Sallust. c. 34.
 Cap. LXXXVI. Plut. Dio.

liberis omnibus, adhuc enim servitia repudiabat, ad societatem armorum vocatis. Haec ubi Romae comperta sunt, senatus vestem mutat: Catilinam et Manlium hostes judicat: ceterae multitudini diem statuit, ante quam sine fraude liceret ab armis discedere, praeterquam rerum capitalium condemnatis. praeterea decernit, uti consules delectum habeant: Antonius cum exercitu Catilinam persequi maturet. Cicero urbi praesidio fit: qui providus futuri provinciam Galliam, senatus auctoritate exercitu et pecunia instructam et ornatam, quod ita reipublicae ferebant tempora, in concione, licet reclamante populo Romano, deposuerat. Gallia, ne Catilinae pateret, ipso maxime Cicerone adnitente, Q. Metello Celeri, qui in Piceno exercitum habebat, commissa est.

U. c. 689.
A. C. 63.

LXXXVII. Cicero, qui ante etiam contra Catilinae audaciam clientium amicorumque praesidiis dissimulanter se muniverat, tum vero palam custodiam circum se habuit, equitum Romanorum maxime. quod nomen, ipse equestri genere ortus, sic in consulatu stabilivit extulitque, ut ab eo tempore tertium hoc in republica corpus cum senatu populoque Romano haberi coeperit.

LXXXVIII. Quum inter haec a Ser. Sulpicio competitore suo L. Murena consul designatus legibus ambitus interrogaretur, Cicerone defendente est absolutus, quod nemo iudicum sibi de ambitu audiendum esse putaret, quia, gerente bellum Catilina, sciebant Kalendis Januariis duos in republica consules esse oportere. Dixerat etiam Cato in reum, vir nullius rei, quam legum et aequi, studiosior. Is quum in petendo non obscure vidisset largitionem versari, in senatu dixerat, accusaturum se, quicumque pecuniam dedisset: unum excipiens Silanum, quod is in matrimonio Serviliam habebat, Catonis sororem. Ceterum, quo tempore Catilina bellum orsus est, magnum secretitatis documentum A. Fulvius senator dedit, filium ad necando, quem ad Catilinam euntem e medio itinere retraxerat: praefatus, non se Catilinae adversus patriam, sed patriae adversus Catilinam genuisse.

A. Fulvius
filium ad
Catilinam
proficiscentem necat.

Cap. LXXXVI. Sallust. Plut. Dio. Cic. in Pis. c. 2. Cic. in Catil. 2, 3. et ad Fam. 5. ep. 2. Cap. LXXXVII. Plut. Dio. Cic. in Catil. 4, 7. Plin. 33, 2. Cap. LXXXVIII. Cic. pro Mur. Quintil. 6, 1. Cic. pro Flacc. c. 39. Cic. pro Mur. c. 37. Plut. Cat. Min. Sall. Cat. c. 39: et Dio. Val. Max. 5, 8.

U. c. 689.

A. C. 63.

*Allobrogum
legati a con-
juratis solli-
citantur.*

LXXXIX. Ceterum Ciceronis in urbe retinendi consilium salubre reipublicae fuit. P. enim Lentulus, ceterique conjuratorum principes non cessabant de Catilinae praecepto adjungere, quoscunque novis rebus idoneos judicassent. Idcirco, quum forte duo legati Allobrogum venissent, de magistratuum Romanorum injuriis questum; per P. Umbrenum, qui negotiatus in Gallia fuerat, sollicitantur. Neque parum commoti sunt feroces animi, quum spes libertatis, et ampla alia praemia ostenderentur. Tandem, incerta certioribus posthabendo, Q. Fabium Sangam, quod civitas in tutela Fabiorum erat, adeunt, eique rem totam aperiunt: ab hoc Cicero edocetur. vocantur legati: veniunt cum Murena consule designato, magnisque promissis inducuntur, ut, studio conjurationis diligenter simulato, id agant, uti quam certissima coarguendorum noxiorum argumenta indispiscantur. Interea non in urbe solum, sed per Italiam, magni motus erant, ceterum festinatione et amentia conjuratorum fere innoxii: quorum e numero multos Metellus Celer in Piceno; in citeriore Gallia C. Murena, consulis designati frater, qui ei provinciae praeerat, ex senatus-consulto in vincula conjecerunt.

*Paticinia
de rege orbis
terrarum
nascente.*

XC. Sed in urbe, quum ante diem nonum Kalendas Octobres senatus ob instantia pericula vocatus esset, novae sollicitudinum causae plerosque terruerant. P. Nigidius Figulus, quo amico et consiliario intimo consul utebatur, audito, C. Octavium uxoris suae puerperium excusare, quod in curiam tardius venisset, exclamavit: *Dominiim nobis genuisti.* Ea Figuli existimatio Romae erat, ut inter doctissimos haberetur: mathematicarum autem rerum peritia sic excelebat, ut prohibitis artibus crederetur uti. Eo majorem in animis Patrum timorem ea vox peperit, praecipue quia paucos ante menses constanter jactatum fuerat, *naturam regem orbi terrarum parturire.* idemque Sibyllae carminibus comprehensum dicebatur. praeterea passim etiam extremis ab oris in eum sensum oracula adferebantur. Oh eas causas, maxime quod Romae etiam factum prodigium esset, senatum exterritum censuisse,

Cap. LXXXIX. Dio. Plut. Cicer. Sallust. Plut. Cic. in Cat. 3. 2. Dio. Appian. Sallust. Cic. pro Font. c. 12. Sallust. Cic. pro Dom. c. 52. Sallust. Cic. pro Mur. c. 41. Sallust. Cap. XC. Sueton. Aug. c. 5. A. Gell. 15, 7. Plut. Sueton. Aug. c. 94. Constantin. Manass. Dio, l. 45. init. Sueton. Cic. de Divin. 2. 54. Virgil. Eclog. 4. Sueton.

ne quis illo anno tolleretur, suppressumque fuisse senatusconsultum per eos, qui gravidas uxores habebant, Julius Marathus scripsit, Augusti libertus. nam ad Augustum haec postea tracta sunt, cujus ille, quem diximus, natalis M. Tullii consulatum illustravit.

U. c. 689.
A. C. 63.

XCI. Sed tum quidem ad propiora pericula praeventendum senatui fuit. Lentulus et ceteri, enses, sulphur, stupam in domum Cethegi clam comportari jusserant. urbem in centum descripserant partes, quas totidem perditis hominibus adsignarent sortito, ut multis simul locis incenderetur: paratique erant, qui aquaeductus obstruerent, et aquam petentes trucidarent. cetera quoque, ut supra est expositum, administrarentur: et filii familias, quorum multi ex nobilitate inter conjuratos erant, patres suos, feminae maritos occiderent. tantummodo liberis Pompeji parcere Lentulus decreverat, quos adversus iram hominis potentissimi, qui paullo post adfuturus dicebatur, haberet obsides. Inter illum tumultum, caede et incendio percussis omnibus, ad Catilinam debebant erumpere. Sed ceterorum cunctationem Cethegus saepe increpabat, praefervido ingenio, promptusque manu, et ad quodlibet facinus praesentis audaciae. Nam Lentulus et ceteri rem in Saturnalia proferebant.

Conjuratorum apparatus et consilia.

XCII. Jam Allobroges ex mandato Ciceronis cum conjuratis egerant. ab iis ad Catilinam cum T. quodam Volturcio Crotoniense mittuntur. eidem literas dat perferendas Lentulus, hoc exemplo: *Qui sis, ex eo, quem ad te misi, cognosces. cura, ut vir sis, et cogita, quem in locum sis progressus: et vide, quid jam tibi sit necesse. cura, omnium tibi auxilia adjungas, etiam infimorum.* Ad hoc mandata verbis dat, *ne quod genus auxiliorum in hac necessitate spernas: neve cunctetur, paratis in urbe omnibus, propius accedere.*

Litterae Lentuli ad Catilinam.

XCIII. His ita constitutis, quum noctu per pontem Mulvium proficiscerentur, excepti sunt insidiis, quas ibi consulis jussu C. Pontinius, L. Valerius Flaccus praetores collocaverant. Ita, his comprehensis, consul summo mane vocari ad se statim Gabinium, Lentulum, Cethegum, Statilium jubet, itemque Ceparium

Conjurati comprehendantur.

Cap. XC. Sueton. Aug. c. 79. Vell. 2, 36. Cap. XCI. Plut. Sall. c. 43. c. 24. Plut. Sallust. Cic. in Cat. 3, 4. Plut. Cap. XCI. Sallust. Cap. XCIII. Flor. 4, 1. Cic. Plut. Appian. Cic. pro Flacco, c. 40.

U. c. 689. Terracinensem, qui in Apuliam ad sollicitandos patres proficiscebatur. Reliqui venerunt. Ceparius, indicio cognito, ex urbe profugit. Consul, senatu in aedem Concordiae vocato, conjuratos cum custodibus adduci jubet: Lentulum (quia praetor iterum erat, post consulatum senatu motus, deinde ordine recuperato) manu tenens eodem adscendit.

*Lentulum
Allobroges
coarguunt.*

XCIV. Ibi D. Silanus consul designatus dixit, ex Cethego nonnullos audisse, fore, ut brevi consules tres, cum praetoribus quatuor, occiderentur. Similia C. Piso vir consularis adferebat. Interea C. Sulpicius, quem consul domum Cethegi miserat, redit, magnamque vim ibi telorum armorumque, plurimasque sicas et gladios recens exacutos, reperisse nunciat. Postremo Volturcius, accepta fide publica, et post hunc Allobroges omnia aperiunt. Auctores sceleris tot indiciiis, testibus, literis, sua confessione, vultu denique ipso, gestu, colore, convincuntur. Lentulum dissimulantem sermonibus etiam, quos habere solitus erat, Allobroges coarguebant, quaerentes ab eo, *nihilne secum esset de fatis Sibyllinis loquutus?* Nam ex libris earum et haruspicum responsis, regnum Romae tribus Corneliiis portendi, confirmaverat: ante se Cinnam et Sullam fuisse; se tertium, quem necesse esset urbe potiri. praeterea esse annum ab incendio Capitolii vicesimum, et post Vestalium resolutionem decimum, quem saepe praedixissent haruspices bello civili cruentum fore. Idcirco senatus Lentulum, abdicato magistratu, itemque ceteros in libera custodia habendos quum censuisset; Lentulus P. Lentulo Spintheri, qui tum aedilis erat, Cethegus Q. Cornificio, Statilius G. Caesari, Gabinius M. Crasso, Ceparius, qui retractus ex fuga fuerat, Cn. Terentio senatori traduntur. Supplicatio etiam nomine Ciceronis decreta, qui honor nemini ante eum togato contigerat, his verbis: *quod urbem incendiis, caede cives, Italiam bello liberasset.*

Cicero laudatur ab omnibus.

XCV. Quum inter haec agenda praeterisset dies, obscuro jam consul, quid actum esset, populo exposuit: cujus magna pars paullo ante bello faverat. Tunc autem, subito commutata mente, Ciceronem ad coe-

Cap. XCIII. Plut. Vell. 2, 34. Dio. Cap. XCIV. Plut. Cic. in Cat. 3, 4. Sallust. Plut. Cicero. Sallust. Cicero. Flor. Appian. Plut. Sallust. Cicero. Dio. Appian. Plut. Cic. Sallust. Cicero. Quintil. 4, 16. Cic. in Pis. c. 3. Cap. XCV. Plut. Sallust.

lum tollebant laudibus, incendium maxime detestati, U. c. 689.
 quod sibi in primis calamitosum fore non dubitabant. A. C. 63.
 Forte eodem die, eademque hora diei, qua per forum conjurati in aedem Concordiae ducebantur, Jovis simulacrum ad ortum solis in conspectu curiae forique altioribus, quam antea, columnis impositum est; quum biennio ante locatum, neque tamen ob tarditatem operis statutum ad eam diem esset. Igitur, quod eodem tempore patefacta est conspiratio, quod futurum, eo signo sic posito, haruspices responderant, non sine numine Deorum tantis periculis ereptam esse civitatem crediderunt.

XCVI. Postridie, quum iterum senatus haberetur, introductus a consule P. Tarquitius, qui professus indicium fuerat, Crassum inter conjuratos nominavit, Crassus inter conjuratos nominatur.
 nobilitate, divitiis, potentiaque summa hominem. Conclamant senatores, *falsum indicium esse*, deque ea re, postulant, ut referatur, pars ita sentientes; alii, quod periculosum putabant, potentissimum virum vel vero crimine praecipitem agi; multi privatim obnoxii. Igitur, consulente Cicerone, frequens senatus decrevit, *indiciū falsum videri*. Quidam existimabant, machinatorem ejus indicii P. Autronium fuisse, quo Crassi potentia reliquis praesidio esset. alii Ciceronis dolum, ut Crassus a suscipiendo improborum patrocinio, quod ipsi frequens erat, abstereretur. Ipsum utique Crassum querentem audivisse Sallustius scribit, tantam illam contumeliam sibi ab Cicerone impositam: semperque postea fuit ab eo alienior.

XCVII. Caesarem quoque nominari per Allobrogas, aut alium indicem, Q. Catulus, C. Piso vehementer optarunt: sed nec prece nec pretio persuaderi Ciceroni potuit, ut pateretur. Cum utroque graves inimicitias Caesar alebat: Pisonem oppugnaverat modo in judicio propter Transpadani cujusdam injustam supplicium, quo tamen judicio Piso est, defendente consule Cicerone, absolutus: Q. Catulus extrema aetate, maximis honoribus usus, victum se a Caesare in petitione pontificatus, impatientissime ferebat. *Caesarem etiam nominari volunt ejus inimici.*

Cap. XCV. Dio. Cic. in Cat. 3, 8. Cap. XCVI. Sallust. Plut. Craffo. Dio. Sallust. Plut. Craffo. Sallust. et Plut. Caes. et Cic. Cap. XCVII. Cic. pro Flacco c. 39. Sallust. Vell. 2, 43.

U. c. 689.
A. C. 63.
*Caesar in
petitione ponti-
ficatus sum-
mos viros su-
perat.*

XCVIII. Nuper enim, Q. Metello Pio mortuo, quum pontificis maximi vacaret locus, T. Labienus legem tulerat, ut, abrogata lege Cornelia, et revocata Domitia, populus sacerdotia mandaret. Fiebat hoc in Caesaris gratiam, quem ita fovebat populus, ut nihil non ad demerendum eum facturus videretur. Itaque, licet duo summi viri Q. Catulus, P. Servilius Isauricus peterent, Caesar nihil territus se ostendit competitorem. Et Catulus, quanto major annis ac dignitate erat, impensius timens repulsam, per certos homines egisse cum Caesare dicebatur, magna ostensa mercede, ut a petitione desisteret. Ille contra longe maiorem se impensam facturum in comitia declaravit. Nec verbis abfuit fides: tantaque largitione est usus, ut matri, descendantem ad comitia cum lacrimis osculanti, magnitudinem aeris alieni reputando, dixerit: *Hodie, mater, aut pontificem habebis filium, aut exulem.* Ideoque duos tam potentes viros ita superavit, ut plura in eorum tribubus suffragia, quam uterque in omnibus, ferret.

XCIX. Piso igitur et Catulus, his odiorum causis quum impellere consulem nequivissent, circum-eundo tamen, et velut ex Volturcio aut Allobrogibus audita differendo, tantum illi invidiae conflarunt, ut equites Romani quidam ex eo numero, qui circum Concordiae armatus stabat, tamquam hosti publico gladiis minitarentur. Ibi Curio dicitur eum texisse toga sua, et consul, intuentibus in eum equitibus, abnuisse caedem: sive credebat innocentem, sive ille potentiam hominis metuebat, ne, causa hujus et ceterorum mixta, potius illos ob Caesarem servaret populus, quam cum illis interire Caesarem pateretur. Territus tamen Caesar, an ut invidiam conflaret inimicis, in reliquum anni tempus curia abstinuit. Inter haec liberti et clientes conjuratorum servitia et faecem vulgi commovebant, ut vi Lentulum et ceteros eriperent. Qua re cognita, consul, cujus diligentiam nihil effugiebat, noctu Capitolium forumque praesidiis occupat: ipse in domo cujusdam amici praesentia insomnis ac sollicitus animo volvebat. Nam suam domum intrare religione vetabatur: quod ibi tum Terentia uxor cum Vestalibus sacrum Bonae Deae celebrabat. Detecta conjuratione

*Ciceronis
solicitude.*

Cap. XCVIII. Dio. Plut. Caes. Sueton. Caes. c. 13. Plut. Sueton. Cap. XCIX. Sallust. Plut. et Sueton. Plut. Cicero. Sueton. Sallust. et Dio. Plut. Cicer. Dio. Plut.

laetabatur: sed nobilissimi deprehensi cives angebant, si tollerentur, invidiam sibi; sin viverent, reipublicae periculum allaturi. U. c. 689. A. C. 63.

C. Sub ortam lucem (Nonae Decembres erant) confirmatus prodigio, et nuncio Vestalium, *insistere jubentium consiliis, magnum ei lumen ad gloriam praeferebantibus, quod domi ejus inter sacrificandum ex favilla et cinere luculenta flamma proruperat; populum sacramento per praetores adigit, ubi militibus opus esset, arma capturum: ipse, convocato senatu, refert, quid de iis fieri placeat, qui essent in custodia traditi.* Tum D. Junius Silanus consul designatus, (hi enim ferme sententiam primi rogabantur) de illis, et praeterea de L. Cassio, P. Umbreno, P. Furio, Q. Annio, quum deprehensi forent, supplicium sumendum, censuit. Adsentientibus aliis, Ti. Nero, debellandum antea Carilinam, dixit, videri; ceteros haberi in custodia, praesidiis additis, donec iterum ea de re referatur.

Sententiae in senatu feruntur de conjuratis.

CL. Ubi ventum ad Caesarem est, qui tum erat praetor designatus, mortem a Diis immortalibus supplicii causa constitutam, negans, sed potius porcum quemdam miseriarum, et quietem laborum esse; vinculis, eisque sempiternis, coercendos decrevit, bona publicanda, ipsos in municipiis, quae Cicero consul probasset, habendos: neu quis de iis postea ad senatum referret, neve cum populo ageret: municipibus, si quis eorum vincula rupisset, atroces poenae praestituerentur: sic effugi invidiam, ne quis civis indicia causa necatus videatur; reos interea gravius plectri, quam si supplicium paterentur.

Caesaris sententia.

CII. Adeo commoverat animos tam facundia orationis, quam potentia viri, ut non modo ceteri deinceps eam sententiam sequerentur; sed, qui sententiam prius dixerant, et ipse ante omnes Silanus, retractarent, quae censuerant, aut interpretatione molirent; quum, post orationem insignem a consule interpositam, pene inter ultimos (adolescens enim adhuc, et tribunus plebis designatus erat) sententiam M. Cato rogatus, ita et Silani perstrinxit inconstantiam, et Caesarem suspicionibus et invidia obruit, ut in ejus sententiam, *sumendum de conjuratis supplicium*, decerneretur.

Catonis sententia.

Cap. C. Cic. ad Fam. 1, ep. 9. Dio. Plut. Dio. Sallust. Plut. Appian. Sallust. Appian. Sallust. Cap. CI. Sueton. Dio, Appian. Plut. Caes. et Cic. Cic. in Cat. 4, 5. Sallust. Dio. Sallust. Cap. CII. Appian. Plut. Sueton. Cic. in Cat. 4. Vell. 2, 35. Plut. Cat. Min. Cic. ad Att. 12, 21.

D. c. 689.

A. C. 69.

CIII. Etiam bona publicari, volebant plerique: sed Caesar, *indignum esse testatus, id unum ex sententia sua retineri, quod erat asperissimum*, (nec enim alii hoc censuerant) repugnavit; illisque non desistentibus appellavit tribunos. quum neque tribuni intercederent, consul sponte cessit, eamque sententiae partem remisit. Magnam ea dies Cătoni celebritatem attulit, adeo incomparabilem pro republica et honesto animum attulisse viso, ut major pars senatus abeuntem domum prosequeretur.

Et ex ea celebritas.

Conjuratorum supplicium.

CIV. Consul, opperiri noctem, ne quid per eam novaretur, inutile ratus, triumvros capitales parare, quae pertineant ad supplicium, jubet: et, praesidiis dispositis, Lentulum e Palatio per sacram viam mediumque forum ipse ducit. Principes senatus consulem stipabant: populus, magnitudine rei attonitus, cum horrore et veneratione praeteribat. Ut ventum ad carcerem est, demisso in Tullianum Lentulo gula laqueo frangitur. Idem fit Cethego, Statilio, Gabinio, et Cepario, quos praetores adduxerant. Consul, spectato supplicio digrediens, quum frequentem adhuc in foro videret turbam, velut noctem effringendi carceris causa exspectantium, alta voce pronuntiavit, *vixerunt*: hoc enim verbo ad mortis evitandum omnes veteres utebantur.

Ciceroni maximi honores exhibentur, servata patria.

CV. Demum deinde jam coepta nocte redeuntem cum plausu et laetis acclamationibus deduxit populus; matronis etiam honoris ejus causa, simulque servatorem urbis videndi cupidine, de tectis efferentibus facies. Prosequebantur eum primarii viri, gestis praecclare rebus, et triumphorum splendore nobiles: quibus non alius inter eundem sermo erat, quam *se quidem et similes alios imperium protulisse populi Romani; servatum populum Romanum cum imperio et imperatoribus, unius Ciceronis opus esse. hunc, non exercitu, neque vi militum, sed suis consiliis rogataque nixum industria, tantum incenditum, quo conflagratura opulentissima post homines natos civitas fuerit, quinque admodum noxiorum sanguine restinxisse.*

Parens patriae vocatur.

CVI. Neque deinceps aut in rostris, aut in curia minus ei honoris ab optimo quoque delatum est. Cato certe

Cap. CIII. Sallust. Dio, etc. Plut. Cic. Sallust. Vell. 2, 35.
Cap. CIV. Appian. Sallust. Plut. Cic. Sallust. Plut.

certe pro concione, deinde Q. Catulus frequentissimo senatu, *parentem patriae nominarunt: non ut postea Caesares idem vocabulum, et quidquid tribuere adulatio potest, habuerunt, sed integra libertate.* L. Gellius vir censorius, *civicam ei coronam deberi, dixit, a republica.*

U. c. 689.
A. C. 63.

CVII. Quum hic honorum omnium sensus esset, exortus est Q. Metellus Nepos, qui, tum tribunatu recens inito, cum L. Bestia collega, et designato praetore C. Caesare, Ciceronis acta laceraret. Is pridie Kalendas Januarias. abeuntem magistratu verba facere ad populum vetuit, *ei, qui in alios animadvertisset indicata causa, dicendi potestatem fieri non oportere, dictitans: tantummodo jurare permisit.* Tum Cicero, ut insultaret inimicorum pravitati, non solenne magistratum ejurantium carmen, sed hoc magna voce juravit, *republicam atque Romam urbem sua unius opera, esse salvam.* Nec indelectatus ea calliditate populus, magna voce et ipse juravit, *vere hoc ab illo juratum esse.* Ea res adversarios ejus momordit vehementer, utque se magis etiam contra eum intenderent, stimulavit. Sed Ciceronis, ut ipse deinde in senatu dixit, is domum fuit e foro reditus, ut nemo, nisi qui cum illo esset, civium esse in numero videretur.

Ciceronis magistratum abeuntis ius-jurandum.

CVIII. Nec sane tanto viro nimius haberi honor poterat, cujus consulatui nullum alium omni memoria conferendum reperio. nam ceteri saepe domi bellive egregiam operam navarunt reipublicae, sed magnis plerumque praesidiis instructi. hic, sibi praecipue innixus, adjutus a paucissimis, oppugnatus a magno audacissimorum hominum agmine, et adhuc amplius latentes adversarios timens, atrocissimam post homines natos vafferimamque conjurationem eruit industria, debilitavit facundia, virtute constantiaque singulari superavit.

Ciceronis consulatus omnibus aliis praefertur.

Cap. CVI. Appian. et Plat. Cic. Pis. c. 3. Plin. 7, 30. Juven. Sat. 8. v. 243. Cap. CVII. Cic. in Pis. Plut. Cicer. Cic. ad Fam. 5. ep. 2. Plut. et Dio. Cic. ad Fam. 5. et in Pis. Dio. Cic. in Pis.

E P I T O M E

LIBRI CENTESIMI TERTII.

Catilina a C. Antonio proconsule cum exercitu

A C. Antonio proconsule] Recte proconsule. nam, ἐν ἀρχῇ ἐν δούσι τοῦ ἔτους, ἐν ᾧ Λούκιος τε Σιλανός καὶ Λούκιος Λικίνιος ἤρξαν, periisse Catilinam, testatur Dio [37, 47.] J. FR. GRON. Praepositio omittitur in Voff. Ceterum Gronov. in ed. anni 1665. legendum conjecerat *consule*, quod in Addendis ipse damnavit; substitutis, quae hic ejus nomine leguntur.

Cum exercitu caesus] Vet. lib. *caesus est*. SIGON. Similiter omnes Mti mei, Exc. Pitthoei, et edd. principes. Aldus demum *zō est* omiserat.

Quod in habitu mulieris sacrarium, in quod virum intrare nefas est] Vet. lib. *in sacrarium*. SIG. Pall. *in quo*. Fuit forte, *in sacrarium*, quo. GRUT. *in mulieris habitu* Exc. Pitthoei, Norv. omnesque excusi ante Gronov. qui anno 1665. invertit ordinem, et edidit *in habitu mulieris*; cum eo autem faciunt Leid. Voff. Berg. Lov. 2. et ed. Campani. at insuper *in habitu muliebri* Boend. quod verum puto. Cic. 1. ad Att. 12. *P. Clodium Ap. filium, credo te audisse, cum veste muliebri deprehensum domi C. Caesaris*. et Epist. 13. *Credo enim te audisse, quum apud Caesarem pro populo fieret, venisse eo muliebri vestitu virum*. Suet. Caes. 6. *Quem inter publicas ceremonias penetrasse ad eam muliebri vestitam constans fama erat*. Dein-

de in sacrarium Leid. Voff. Berg. Lov. 2. Boend. Exc. Pitthoei, et ed. Camp. Supra Epit. 31. *In sacrarium Cereris cum aliis popularibus suis intraverunt*. ubi vide, quae notantur. Praeterea *in quo* eodd. nostri, Norvic. et primae edd. usque ad Moguntinos, qui *in quod* dederunt. Sed nec male Gruterus, deleta praepositione, *quo* scribendum, conjecit: ut *zō* in perperam repetitum sit ex littera ultima vocis praecedentis. V. ad 37, 11, 4. Quamvis autem in hoc auctore vix elegantiae captandae videantur, ita tamen evitabimus ingratis ter repetitam praepositionem *in habitu muliebri in sacrarium, in quod*. Denique nefas erat Voff. a manu pr. *nefas esset* Boend. et ed. Camp.

Intrasset, quumque uxorem Metelli pontificis stupravisset, absolutus] Cicero, Plutarchus, Suetonius, omnes denique Caesaris pontificis maximi uxorem fuisse credunt, non Metelli. Itaque non est credendum, in tam nota historia lapsum esse auctorem; verum, ut multos alios, sic hunc locum a librariis esse vitiatum. Ego vero sine dubio legendum esse duco *maximi pontificis*. Errandi causa orta est ex compendiosa scriptura. Nam, cum paucis literis scriptum esset *M. pont.* imperitus ille, qui descripsit, interpretatus est *Metelli*, cum *maximi* ea vox significaret. SIGON. Voff. et Gudiani:

caesus est. *P. Clodius accusatus, quod in habitu muliebri in sacrarium, in quod virum intrare nefas est, intrasset, et uxorem maximi pontificis stuprasset, absolutus est. C. Pontinius praetor Allobrogas, qui rebellaverant, ad Solonem domuit. P. Clodius ad plebem transiit. C. Caesar Lusitanos*

cum intrasset, et uxorem: deinde stuprasset. Tollenda nimis copulativa, *cum intrasset, uxorem maximi pontificis stuprasset.* J. FR. GRON. Vulgata lectio comparuit demum in ed. Moguntina. Priores tantum non omnes habent *cumque intrasset, uxorem Metelli Pontii stupravisset*; nisi quod in quibusdam sit *Metelli Ponti*, vel *Metelli Pon.* ut habet etiam Norv. *cum intrasset, cumque uxorem Metelli pontificis stupravisset* Exc. Pithoei. *cum intrasset, et uxorem Metelli pontificis stuprasset* Berg. et Lov. 2. *intrasset, et Metelli pontificis uxorem stuprasset* Leid. *intrasset, et uxorem Metelli pontificis stuprasset* Boend. et ed. Campani. Nomen Metelli hic vitiosum, et errorem inde natum esse, quod, quum hic pontificis maximi nomen desideraretur, aliquis historiae inperitus Metelli nomen scripserit, qui pontifex maximus ante Caesarem fuerat, monuit Manut. ad Cic. 1. ad Attic. 12. Emendo igitur *intrasset, et uxorem maximi pontificis stuprasset.* Praeterea *absolutus est* primus edidit Gruterus. Nec aliter inveni in Leid. Voff. Berg. Lov. 2. Boend. Exc. Pithoei, et ed. Campani. Reliquae edd. ignorant *est.*

Cn. Potitius praetor Allobrogas Hic praetor fuit consule Cicerone, ab eoque et Sallustio *C. Pontinus*, a Dione *Ἰπποκρίτης* et *Πομπίνιος* dicitur. 1.

dem etiam post triumphavit ex Gallia. Ego *C. Pontinium* scribo. SIGON. Ante haec verba ultimam hujus epitomae periodum inserendam censuit Sigonius. Vide ad ea verba. Praetoris, a quo Allobroges domiti sunt, nomen varie in vetustis edd. et Mssis exaratur. *Cn. Pontirius* est in edd. Rom. anni 1472. et Parm. *Cn. Pontitius* in proximis, et cod. Norvic. pro quo Mediol. anni 1505. *Cn. Pontius*, Ascensius anno 1510. *Cnae. Potitius* dederunt, probantibus Ascensii lectionem recentioribus usque ad Sigonium. Is autem *C. Pontinius*, Gruterus *Cn. Pontinius* reposuerunt. *Cn. Pompejus* praeferunt Boend. et ed. Campani; *Cn. Pontinus* Leid. et Lov. 2. *Cn. Pontius* Berg. *C. Pontinus* Voff. *C. Pontinius* Exc. Pithoei. Ex lapidibus etiam nihil certi erui potest. Nomen enim hujus gentis *Pontinius* et *Pontinus* scribitur apud Gruter. *Pontinius* apud Reines. *Pomptinius* apud Fabrett. pag. 640. et Donium class. 2, 189. ad class. 16, 14. *Pontinius* in nummo, victoriam et triumphum hujus praetoris de Allobrogibus celebrante, quem edidit Goltzius in Fast. ad A. V. 1061. Praetorem hunc *C. Pomptinum* dictum censet Cortius ad Sall. Catil. 45. *C. Pomptinium* Oudend. ad Front. 2, 4, 7. *C. Pontinium* Crevierius ad h. loc. cujus exemplo ita etiam hic edidi. Ceterum *Allobrogas* Leid. et Boend. a manu pr. *Allobrogas* Berg. Lov. 2. et ed. Campani. V. ad Epit. 64.

subegit: eoque consulatus candidato, et captante rempublicam invadere, conspiratio inter tres principes civitatis facta est, Cn. Pompejum, M. Crassum, C. Caesarem. Leges agrariae a Caesare consule cum magna contentione, invito senatu, et altero consule M. Bibulo, latae sunt. C. Antonius proconsul in

Ad Solonem domuit] Σολων vocat Dio Cass. 39, 51. *ad Salonem* edidit Doujatius, sed verisimiliter operarum errore, quia in notis nihil monuit, et in Supplementis Freinsheimii urbem ex auctoritate Dionis *Solonium* vocat. Errorem editionis Doujatianae servarunt Clericus et Crevierius. *ad Solonem* codd. nostri servant; nisi quod a *Solone* sit in Voss.

P. Clodius ad plebem transit] *transit* Voss. Berg. Lov. 2. Boend. et ed. Campani. Ita saepe variant librarii. Vide ad 1, 27, 4. 2, 48, 4. 3, 52, 1. 4, 16, 3. 5, 33, 2. 6, 2, 14. 22, 13, 1. ad Epit. 24. 46. 106. et 107. Similia alia vide ad 36, 20, 3. *Mox ergoque consulatus candidato* Voss. *eoque candidato*, omissa media voce, Boend. a manu pr. *candidato* a manu sec.

Conspiratio inter tres principes civitatis] *conspiratio civitatis inter tres principes* Voss. Vox tres omittitur in Leid. Berg. Boend. et ed. Camp. sed intercepta videtur ab ultima syllaba vocis praecedentis. *civitatis principes* Berg. et Lov. 2. *Mox et Caesarem* Voss. et *C. Caesarem* Boend. Exc. Pithoei, Norv. et editi ante Gruter. qui copulam eiecit. Eam ignorant etiam Leid. Berg. et Lov. 2.

Leges agrariae a Caesare consule cum maxima contentione] Voss. et Gudiani *magna*,

J. FR. GRON. Praepositio a deest in Leid. vox *consule* in Boend. cuius loco *censore* perperam praefert Voss. Dein *magna* Leid. Berg. Lov. 2. Boend. et ed. Campani. Vulgatum servant Exc. Pithoei, et Norvic. Vide supra ad Epit. 50.

C. Antonius proconsul] *M. Antonius* Voss. et Berg. Sed male. Intelligitur enim Antonius Ciceronis in consulatu collega, qui *Caji* praenomen habuit. Ejus res gestas vide apud Dion. Cass. 38, 64.

Lege a P. Clodio tribuno plebis lata, quod indemnatos cives necavisset] *ab Ap. Claudio* Boend. ed. Camp. et, ut Hearne testatur, Romana princeps. a *P. Claudio* Norv. *ab P. Claudio*, vel *Clodio*, editiones memoratis proximae. a *P. Clodio* Aldus dedit. Vox *lata* omittitur in Leid. Deinde *quia indemnatos* Boend. Norv. et edd. ante Sigonium, qui emendavit *quod indemnatos*, ut exstat in Leid. Voss. Berg. et Lov. 2. Tum *cives* deest in Leid. et *mox verbum est* in Voss. Berg. Lov. 2. et Exc. Pithoei.

Helvetios, vagam gentem, domuit] *Etruscos* Voss. Tum *gentem vagam* Berg. Lov. 2. Boend. et edd. ante Gruter. Paullo ante vox *Caesar* exsulat ab Exc. Pithoei.

Per provinciam Caesaris Narbonem iter facere] *Lege per provinciam Caesaris Narbonem*

Thracia parum prospere rem gessit. M. Cicero, lege a P. Clodio tribuno plebis lata, quod indemnatos cives necavisset, in exsilium missus est. Caesar, in provinciam Galliam profectus, Helvetios, vagam gentem, domuit: quae, sedem quaerens, per provinciam Caesaris Narbonem iter facere volebat. Prae-

sem. in aliam puta Galliam, quae non erat provincia. J. FR. GRONOV. Conjecturam Gronovii in contextum recepit Clericus, non monito lectore. Sed Narbonem servant omnes scripti, praeter solum Leid. qui vocem illam omisit. Potest etiam abesse, quia jam praecesserat, Caesar in provinciam Galliam profectus. Forte igitur ex margine in contextum inrepsit. Sequentia Praeterea situm Galliarum continet non adparent in Leid. quae rectius in omnibus reliquis supersunt. Verius enim videtur, Livium ad exemplum Caesaris, antequam belli cum Gallis gesti fata recenseret, brevem Galliae descriptionem praemisisse, ejusque auctorem Epitomarum nominatim mentionem fecisse, quem admodum etiam ratione Germaniae fecit in initio lib. seq. Prima pars libri situm Germaniae moresque continet.

Pompejus de liberis Mithridatis, Tigrane, et Tigranis filio, triumphavit] Haec verba non puto suo loco sita esse. Ut ita sentiam, me impellit, quod Cicero lib. 1. ad Atticum, Plinius lib. 7. c. 25. et lib. 38. c. 2. Capitolinorum triumphorum scriptores, et reliqua omnia Romanae historiae monumenta loquuntur, Cn. Pompejum de Mithridate et Asia triumphasse, Pisone et Messalla consulibus. In hac autem epitoma triumphus post Gabinii et Pisonis consulatum, quo

anno Caesar se scribit in Galliam venisse, et cum Helvetiis pugnasse, id est, post tertium annum, collocatur, cum tamen in eadem ante triumphum Pompeji mentio fiat conspirationis factae inter Pompejum et Caesarem, quae Pompejo praesente ante consulatum Caesaris facta est. Librarii tamen et hunc errorem fuisse, pro certo habeo. Nam, qui Cn. Pompejus etc. erat scripturus, per incuriam oculis ad Pontinium conjectis, Cn. Pontinius scripsit, et quae sequuntur. Post autem, cum intelligeret, se Pompeji triumphum temere praetermisisse, eundem ipsum in fine Epitomae collocasse. Est autem triumphus Pompeji rebus a Pontinio gestis anteposendus. SIG. Non inepte disputat Sigonius haec suo loco posita non esse. Sed et in historia vitium est. Cur enim de liberis potius Mithridatis, quam de ipso? Res est: Pompejus de Mithridate, ductis ante currum Mithridatis liberis, et Tigrane Tigranis filio, triumphavit. J. FR. GRON. Ordinem temporum hic non observari, ac Pompejum de Mithridate aliisque in oriente devictis diu ante initium belli Gallici triumphasse, certum est. Id vero utrum librariis, ut Sigonius existimat, an ipsi Epitomarum auctori adscribendum sit, incertum puto. Ab utrisque enim in hac re erratum esse, ex superioribus libris non uno in loco constare potest. Vide ad Epit. 2. 5. et alibi, Quam ta-

terea situm Galliarum continet. Pompejus de liberis Mithridatis, Tigrane, et Tigranis filio, trium-

men haec periodus in omnibus Mstis constanter in finem Epitomes rejiciatur, verisimilius est, errorem ab auctore Epitomarum commissum esse. Ceterum Gronovii conjectura convenit aliorum relationibus. Eutrop. 6, 16. *Triumphavit Pompejus de bello piratico et Mithridatico. Nulla umquam pompa triumphi similis fuit. Ducti sunt ante ejus currum filii Mithridatis, filius Tigranis, et Aristobulus rex Judaeorum.* Adde Appian. in B. Mithrid. 252. et Plutarch. in Pomp. 642.

Magnusque a tota concione consalutatus est] Quando et a quo Pompejus cognomen *Magni* acceperit, varie traditum est. Plutarchi, Appiani et Auctoris Epitomes Livianae diversas sententias refert Illustris Spanhemius ad Juliani Caesares p. 167. ed. Amstel. Cum Plutarcho, qui in vita Pompeji narrat, eum, ex Africa victis Marianis reversum, a Sulla *Magnum* appellatum fuisse, convenit, quod Plinius 7. Hist. Nat. 26. scribit, eum, Africa subacta, *Magni* nomen in spoliis inde cepisse. Nec contrarium ei, quod in Pompejo dicit Plutarchus, est, quod apud eundem in Crasso legitur, a populo *Magnum* cognominatum fuisse. Nam hoc ita accipi potest, quum sive a Sulla, sive a militibus in Africa, quod quidam tradiderunt, ita consalutatus fuisset, populum deinde propter benevolentiam erga eum vulgo cognomen illud usurpasse. Appianus in princ. Mithridatico- rum et 2. Civil. pag. 285. eum a rebus adversus Mithridatem gestis id consecutum auctor est. Deinde in Mithridatic. p. 238. conjecturam adfert; forsitan in de ortum

fuisse, quod ei post confectum bellum piraticum imperium, quale numquam cuiquam ante eum, nimirum lege Manilia, datum, id est, ut Plutarchus dicit, universum imperium Romanum unius potestati subiectum fuerat; quod non faciendum putabat Hortensius apud Cic. pro L. Manil. cap. 17. Spanhemio maxime probabile videtur, quod in hac Epitoma scriptum est, ob rationem non contemnendam, quae apud eum legi potest. Sed Livius 30, 45. quem locum idem observavit, hoc cognomen ab adsentatione familiari coeptum fuisse celebrari putavit. Hoc consideratione dignum esse arbitror, non solum, quia quodammodo e Plutarcho in principio vitae Pompeji confirmari potest; sed etiam, quia Livius, aliquot annis ante mortem Pompeji natus, non ignorare potuit originem hujus cognominis, et quia Sallustius quoque, prope aequalis Pompejo, eandem indicasse videtur lib. 3. Hist. e quo Nonius in v. *Aemulus*, et in *Accusativus pro genitivo* haec descripsit: *Sed Pompejus, a prima adolescentia sermone fantorum similem se fore credens Alexandro regi, facta consultaque ejus quidem aemulatus erat.* Nec absurde credi potest, Sullam, cui adulatio illi adsentantium familiarium non poterat non nota esse, eum, post rem egregie in Africa gestam, eodem cognomine, tamquam eo dignum, appellasse; deinde eum vulgo ita dici coepisse; ac postremo, quum post triumphum de rebus a se gestis apud populum, ut mos erat, disseruisset, a tota concione *Magnum* consalutatum fuisse. Harduinus ad d. l. Plinii scribit, Suetonium

phavit: Magnusque a tota concione consalutatus est.

prodidisse, Pompejum id cognominis ex Ponto, non ex Africa, retulisse. Rectius Appianum dixisset; ut liquet Suetonium in Caes. cap. 35. et Appianum lib. 2. Civil. pag. 485. inspicientibus. DUKER. *salutatus* Voff. Lov. 2. et Boend. Male. Livius 1, 7, 1. *Utrumque regem sua multitu-*

do consalutaverat. ubi vide. 12, 30, 2. Circumfususque militum ejus totum agmen patronos consalutasset. Deinde rō est, quod omiserunt quaedam veterum editionum, recte iterum addiderunt Moguntini. Superest enim in omnibus meis Mssis.

JOHANNIS FREINSHEMII

SUPPLEMENTORUM LIVIANORUM LIBER LXVIII.

IN LOCUM LIBRI CIII. T. LIVII.

U. c. 690. I. Turbulentum et atrocem annum excepit D. Ju-
A. C. 62. nii M. F. Silani, L. Licinii L. F. Murenæ consulatus,
D. Junio, sicut periculorum oppressa majori parte tutior, ita re-
L. Licinio liquo adversus Catilinam bello, et gliscentibus in ur-
coff. be discordiis, futurorumque expectatione, haud mi-
Metellus nus laboriosus et minax. Kalendis Januariis, quum
Ciceronem, senatum novi consules convocassent, Q. Metellus tri-
Caesar Ca- bunus plebis, Ciceronem vellicans, vicissim acriter
tulum vexat. est ab illo reprehensus. Et C. Caesar primo praetu-
rae die Q. Catulum de refectioe Capitolii ad disqui-
sitionem populi vocavit, promulgata rogatione, qua
curatio ea in alium transferretur, ut Catulum honore
dedicationis depelleret.

II. Sive enim quaedam adhuc, ut ex tanto opere,
imperfecta restabant, et depresso sub area cellae plu-
res gradus, paremque fastigio suggestum fieri non
erant passae, sive hoc fingebat Caesar; id certe age-
batur, ut, peculatus praescriptione remoto Catulo,
Pompeji nomen operi absoluto praescriberetur. In ea
contentione tam contumeliose tractavit primum vi-
rum, ut purgare se volentem ex inferiore loco jube-
ret dicere. Sed, optimates, relicto novorum consu-
lum officio, frequentes accurrisse videns ad resisten-
dum, hanc quidem actionem deposuit: Metelli turbu-
lentissimas actiones pertinaciter coepit defendere, in-
firmæ plebi totum se adplicans, quae res novare cu-
pientibus in omni magna civitate paratissima semper
materies fuit.

Cap. I. Cic. ad Fam. 5, 2. Sueton. Caes. c. 15. et Dio, l. 37.
Cap. II. J. Ryck. Comment. de Capitol. Rom. Dio. Cic. ad
Att. 2, 24. Sueton. Plut. Cat. Min.

III. Igitur M. Porcius Cato, minime alias largitor, ut eriperet homini populum, auctor Patribus dividendi in egenos cives frumenti fuit. Ea res licet constaret trecenties sestertium annui sumptus, tamen quietam eo anno rempublicam a formidata Caesaris praetura praeslitit. atque is, post aliquot experimenta, quum deseri se a turba videret, reliquum magistratus sui tempus modeste et civiliter exegit. Sed haec paullo post referentur, ubi Catilinae et copiarum, quas secum habebat, exitum tradidero.

U. c. 690.
A. C. 62.
*Cato frum-
menti divi-
dendi popu-
lo fit auctor.*

IV. Is jam ex omni numero hominum, quos aut ipse adduxerat, aut coactos repererat a Manlio, duabus expletis legionibus, eventum consiliorum suorum in urbe expectabat. Ubi deprehensa ea disturbataque, et principes conjurationis supplicio adfectos didicit; simul, ob eam rem multis deficientibus, res suas quotidie fieri imbecilliores, priusquam relinqueretur ab omnibus, per montes arduos in agrum Pistoriensem duxit, fugam in Galliam trans Alpes moliens.

*Catiline
fugam in
Galliam me-
litur.*

V. Sed, intellecto ejus consilio, Q. Metellus Celer, castris ex agro Piceno propere motis; in radice montium, qua descendendum Catilinae erat, consedit. Interea et C. Antonius adfuit, qui cum magno exercitu sequutus fugientem fuerat. Ibi Catilina, locorum ingenio geminisque hostium castris clausus, quamprimum statuit decernere, in Antonium versus: quamquam ille dignitate praestabat, majoribusque et melioribus, quam Metellus, copiis erat instructus. Sed, quia non alienum a pravis consiliis noverat, futurum aliquid sperabat, quo ille ultro victoriae occasionem corrumperet. Neque dubitatum est, lentius periculosiusque futurum bellum fuisse, nisi M. Petrejus et P. Sextius cunctanti Antonio stimulos ad rem gerendam admovissent.

*Sed impe-
ditus ab An-
tonio,*

VI. Quaestor Antonii Sextius erat; Petrejus legatus, vir mirifico rei militaris usu, qui amplius annos triginta tribunus, aut praefectus, aut legatus, aut praetor cum magna gloria in exercitu fuerat. unde summa ipsi apud milites auctoritas; simul amor, quod noverat plerosque, et fortia eorum facta subinde com-

*Fugam
init.*

Cap. III. Plut. Cass. et Cat. Cap. IV. Sall. Catil. c. 56. Dio. Sallust. Plut. Cicer. Jul. Obseq. Cap. V. Cassiod. Chron. Appian. Civil. l. 2. Sallust. Dio. Cic. pro Sext. c. 5. Cap. VI. Sallust.

U. e. 690. memorabat. Is igitur, exploratis omnibus, (nam Antonius, pedibus aeger, aut simulato morbo, proelio non adfuit) signum pugnae proposuit.

*Victusque
occiditur.*

VII. Numquam certatum est pertinacius. Catilinae exercitus, quamquam viribus impar, quum perire unusquisque proelio, quam supplicio, mallet, fugae immemor, vita citius, quam loco, depelli potuit. Manlius, in primo dimicans, post insignem editam pugnam cecidit. Catilina, post expletas boni militis imperatorisque omnes partes, ubi se relictum cum paucis vidit, in confertissimos hostes impetu facto, longe a suis occisus est. ceteri quoque omnes, tria circiter hominum millia, ad unum pugnando interfecti: neque quisquam ingenuus civis aut inter proeliandum, aut in fuga captus est. Ex Antonianis quoque haud paucos pugna tam pertinax absumpsit. Antonius ex eo proelio, licet minore hostium interfecto numero, quam ob quem hic honor dari consueverat, *Imperator* est appellatus; triumphum tamen non petiit.

*Metellus
Creticus tri-
umphat.*

VIII. At Q. Caecilius Metellus Creticus, ex Apulia reversus, ante diem Kalendas Junias triumphans urbem iniit; serius, quam meruerat, ob ejusdem Pompeji invidiam, qua et Luculli fuerat triumphus retardatus. Quin et Panarem Lathenemque, praecipuos Cretum duces, ne in triumpho currum Metelli praecederent, per quemdam tribunum plebis eripuit Pompejus, suos dedititios esse caussatus.

IX. Ceterum in urbe, capite Catilinae viso, (nam illud certae securitatis pignus Antonii jussu adlatum fuerat) supplicatio decreta, quod alias ex civili bello fieri non solebat: et, sagis positis, ad priorem vestitum civitas rediit. C. Antonius statim in provinciam suam Macedoniam, reliqui etiam in suas provincias sunt profecti. Galliam cis Alpes Metellus Celer habebat: Transalpina C. Pontinio cessit. Hispaniam C. Cosconius, Q. Pompejus Africam sortiti sunt. L. Valerius Flaccus in Asiam est missus.

*Reliquiae
conjuratōnis
opprimuntur.*

X. Reliquiae deinde conjurationis, quum, ne quiescere possent, metu suppliciorum praecipites ageren-

Cap. VI. Dio. Sallust. Cap. VII. Appian. Flor. Sallust. Eiv. Epit. Plut. Dio. Sallust. Dio. Val. Max. 2, 8. 7. Cap. VIII. Eutrop. 1. 6. Fasti Capit. Sall. Cat. c. 30. Vell. 2, 34. et 40. Dio, 1. 36. Cap. IX. Dio, 1. 37. Jul. Obseq. Pigh. Ann. Cap. X. Dio,

tur, diversis Italiae regionibus sunt extinctae. Praecipui in his C. Marcelli fuerunt, pater et filius. sed alterum in Pelignis, alterum in Brutiis, M. Bibulus, Q. Cicero praetores opprefferunt. De his motibus L. Vettii equitis Romani indicio fuerat cognitum: quod, ab initio salutare, mox varie corruptum, magnas et ipsum in civitate turbas excitavit. Multi enim adfines conjurationi protracti sunt, partimque morte, alii, pecunia condemnati. quod tempus ab inimicis Ciceroni postea objectum est, quasi *domi suae judicia legis Plautiae exercuisset cum uxore Terentia*: cujus alioquin id erat ingenium, ut cupide se publicis negotiis ingereret. Sed Vettius, quum tabulam senatui exhibuisset, qua socios Catilinae dicebat contineri, ex intervallo eam repetiit, plures adscripturus. Enimvero Patres, hoc anceps et fraudibus opportunum rati, tabulam, ne forte etiam nomina quorundam expungeret, non reddiderunt: ipsum, si quos praeterea indicaturus esset, voce jusserunt edere. Sic ille, pudore et metu peresus, pauca addidit nomina.

U. c. 690.
A. C. 62.

Vettius conjurationis index.

XI. Sed apud Novium Nigrum quaestorem ab eodem Vettio C. Caesar erat compellatus: quem etiam Q. Curius, cui primo Catilinariae conjurationis indicia decreta praemia erant, in senatu nominaverat. Id vero intolerabile Caesari visum. Idcirco, Ciceronem in senatu testatus, *ad quem ultro quaedam de illa conjuratione derulisset*, effecit, ne praemia Curio darentur. Vettium, pignoribus captis et direpta suppellectile, male multatum, et pro rostris in concione pene disceptam, conjecit in carcerem: eodem et quaestorem Novium, quod majorem apud se potestatem compellari passus esset. Ab eodem indicio et per Italiam multa sollicitudo exstitit: dum etiam, qui non erant nominati, ne essent, metuunt, aut aliorum suspicione notarentur. Idcirco senatus, publicata Vettii tabula, securitatem ceteris et quietem praestitit. at, qui nominati erant, vocati in iudicium, et praesentes, absentes condemnati sunt.

Etiam C. Caesarem nominat.

XII. Nec desinebat Ciceronem accusare Nepos, senatum oblique petens, cui negabat permissum, injussu populi civem occidere. Ceterum, facto senatuscon-

Nepos actionis praevius.

Cap. X. Oros. 6, 5. Dio. Cic. ad Att. 2, 24. Dio. Sull. in Cic. Plut. Cic. c. 36. Dio. Cap. XI. Sueton. Caes. c. 17. Dio.

U. e. 690. sulto, *ne cui pestilentes et in conjuratione deprehensos necasse*
 A. C. 62. *fraudi foret, additoque, si quis contra haec periculum cui-*
quam faxit, eum senatui pro hoste futurum; ista calumnia
citra majorem tumultum conquievit.

Ei Cato
resistit,

XIII. Illa Metelli ejusdem rogatio maximas turbas dedit, qua Pompejus una cum exercitu ad constituendam rempublicam vocabatur. hoc maxime modo Ciceronis se potentiam infracturos rebantur, uti salutarem reipublicae, ita novatoribus importunam. Metello inter pertinacissimos propugnatores C. Caesar aderat: Patrum seniores resistebant, et amplissimus quisque maxime. his firmissimum praesidium in animo Catonis erat: qui, jam a principio Metelli provisus consiliis, non alia de causa, quam ut his occurreret, tribunatum petierat.

Tribunatu
propter hanc
causam pe-
sido.

XIV. Forte cum amicis quibusdam et librorum suppellectile proficiscebatur in Lucaniam, ubi praedia non contemnenda possidebat: quum, jumentorum sarcinarumque et servorum magna multitudine obvia, Metellum Nepotem in urbem ire didicit, tribunatus petendi causa. Idcirco, quum paullisper restitisset cogitabundus, praecepit suis convertere iter. Mirantibus, qui aderant, *Non intelligitis, inquit, stoliditatem Metelli, bonis ultro formidabilem, nunc voluntate Pompeji velut ameno concitatum, in rempublicam ferri? Minime vero hic cessandi locus est, sed aut reprimendus ille mihi, aut pro libertate moriendum.* Nam adfinis Pompeji Metellus omnia ex ipsius nutu facere facturusque videbatur. praeterea moribus erat improbis, unde et cognomentum ei *Nepotis*, licet a majoribus acceptum, mire congruebat. Profectus tamen, hortantibus illis, quo intenderat, nec multo post reversus in urbem, petiit tribunatum, et una designatus est.

Sed primo
cum eo leni-
ter agit.

XV. Hic igitur, Metellum in senatu compellans, non egit vehementer et illo Catoniano spiritu, sed praeter morem lenis, etiam ad preces devolutus, admonuit, *ne familiae suae decus, quae semper optimarum partium fuisset, abjiceret.* At illi, postquam rogari sensit, crevit animus: Catonisque domitam libertatem cedere sibi et succumbere putans, eo prorupit temeritatis, ut, *vel invito senatu, coepta exsequiturum, dice-*

Cap. XIII. Plut. Cicer. Sueton. Caes. c. 16. Dio. Plut. Cic. Plut. Cat. c. 27. Cic. pro Mur. c. 38. Cap. XIV, Plut. Cic. ad Fam. 5, 2. Val. Max. 9, 14, 4. Plut. Cat.

ret. Tum vero, mutato oris habitu, et vocem ac orationem a priori mansuetudine ad contentionem et vehementiam revocans Cato, acerrime cum illo disputavit de republica. postremo adjecit, *Pompejum armatum, se vivo, venturum in urbem non esse*. Ambo exivisse de potestate videbantur: sed Metellus quadam infernali rabie concitari; Cato coelitus adflatum furorem furere.

U. c. 690.
A. C. 62.

XVI. Quum deinde cum populo agendi dies adesset, in quem Metellus atque Caesar vim et arma paraverant, magnusque conflictus expectaretur; domesticos anxios Cato confirmavit, coenaque de mora sumpta quievit ita tranquille, ut a Q. Minucio Thermo collega, arcte dormiens, excitaretur. Cum hoc ad templum Castoris progressus, conspecta armatorum multitudine, *Homines*, inquit, *timidos et nequam, qui contra unum et inermem tantum praesidium compararunt!* Hoc dicto, perrumpens per densam circumstantium turbam, Minucio comite, et Munatium amicorum intimum manu vix pertrahens, ceteris exclusis omnibus, medium se Metello et Caesari interposuit, quo colloquium eorum dirimeret.

Mox vehementissime pugnans.

XVII. Ibi omnibus de vita ejus timentibus, cum Thermo collega intercessit legi. Metellus ferre perseverabat. illi recitare scribam vetuerunt. Tum, arrepto codice, Metellus instituit recitare: Cato ei extorsit codicem. Metellus, qui memoriter tenebat verba legis, nihilominus eam populo satagebat exponere: quum Thermus opposita manu compressit os homini, farique prohibuit. Ibi Metellus, constantia virorum cognita, signo dato excivit armatos. hoc metu quum omnes diffugerent, solus Cato resisteret; saxis et fustibus petebatur. At consul Murena, quamquam accusatus a Catone nuper fuerat, obtenta toga pervicit, ut jacere cessarent, Catonemque secum in aedem Castoris abduxit.

Catonis periculum.

XVIII. Metellus, vicisse ratus, et legem sine impedimento perferendam, discedere jussit armatos, iterumque coepit civiliter cum populo agere. Sed adversarii, subito recollecti, cum magno plenoque fiducia clamore adfuerunt: vicissimque Metelli operae, venire illos arreptis alicunde armis rati, fuga facta va-

Et postremo victoria.

Cap. XVI. Sueton. Plut. Cat. Cic. pro Sext. c. 29. Plut. Cap. XVII. Cic. Dio. Plut.

U. c. 690. cuam ad rostra viam reliquerunt. Igitur Cato populum
 A. C. 62. docendo confirmandoque suam in sententiam adduxit:
 simul Patres, eum ob tumultum subito vocati, rem-
 publicam consulibus tuendam permiserunt, addito, ut
*omnes, qui salvam vellent, pestiferam legem oppugnavi Cato-
 ni adessent.*

*Senatus de-
 cretum con-
 tra Metel-
 lum et Cae-
 sarem.*

XIX. Ergo Metellus, quamquam ipsum audacia non
 deseruerat, suis perterritis, imparem se factioni opti-
 matium videns, celeriter convocata concione, multis
 invectus est in Catonem, *ejusque se tyrannidem, et prin-
 cipum contra Pompejum conjurationem (cujus futurum sit, ut
 brevi eos poeniteat) fugere dixit, statimque contendit in
 Asiam;* quum tribunus plebis esset, quibus ne quidem
 abnoctare licebat. Senatus, molestissimo tribunatu Ca-
 tonis opera et virtute excusso, decretum contra Metel-
 lum et Caesarem fecit, quo ab administratione reipu-
 blicae ambo removebantur.

*Mox indu-
 citur.*

XX. Caesar, primo resistens, deinde, postquam
 sibi vim paratam sensit, domi se continuit; plebem-
 que, biduo post sponte confluentem, operamque sibi
 in adserenda dignitate pollicentem, compescuit. Hoc
 facto tam propitium sibi senatum effecit, qui ad tu-
 multum concurrentis populi celeriter convenerat, ut
 gratias ei per primarios ageret, accitumque in cu-
 riam, et gravissimis verbis collaudatum, inducto prio-
 re decreto, in integrum restitueret. Eadem lenitas
 erga Metellum adhibita, non tam sponte senatus, quam
 Catonis precibus: qui nec insultare victo inimico cu-
 piebat, nec utile putabat irritare Pompejum. Et Me-
 tellus, iis rebus auditis, eadem levitate, qua ad Pom-
 pejum ex urbe cucurrerat, a Pompejo in urbem rediit.

*Urbes a
 Pompejo con-
 ditae.*

XXI. Pompejus interea, constitutis Asiae rebus,
 praeter alia, quae dederat amicis, praemia Mithrida-
 tium, quod Pontici juris fuerat, Brogodiatoro, Gala-
 tarum Trocmorum Tetrarchae, dedit, qui Deiotari fi-
 liam in matrimonio habebat. Eupatoriam, non eam,
 quae conjuncta fuit Amiso, sed ubi Lycus et Iris flu-
 vii miscentur, dirui a Mithridate coeptam, quod Ro-
 manos recepisset, refecit, appellavitque ex suo cogno-
 miento *Magnopolin*. Cabira quoque, in urbis formam
 adornata, *Diospolin* postea vocari voluit. Sed et aliam

Cap. XVIII. Dio. Plut. Cap. XIX. Dio. Plut. Sueton.
 Cap. XX. Plut. Cicer. Cap. XXI. Strabo, l. 12. p. 567.
 Cic. de Har. Resp. c. 13. Strabo, l. 12. p. 550. Appian. Mithrid.

Eupatoriam, quae fuit Amiso juncta, simul cum eadem Amiso vocari *Pompejopolin* iussit. Per eundem Phazemon vicus urbs effecta, cognomento *Neapolis*. castella circum dejecta, praesertim, quae sita in editis jugis erant, ne praedonum receptacula fierent. putei quoque, qui inerant, obturati. Ad Amniam itidem fluvium, ubi victi a Mithridatis ducibus Bithyni fuerant, Pompejopolin condidit. Interim, ut otio liberaliter uteretur, Rhodum navigavit Posidonii causa, quem sapientiae professorem etiam proficiscens ad piraticum bellum audiverat: tantumque studiis honorem detulit orientis occidentisque victor, ut, intraturus domum ejus, percuti ex more fores a lictore vetaret.

U. c. 690.
A. C. 62.

XXII. His per hiemem gestis, decessurus ex Asia viritim militibus distribuit denarios millenos quingenos, et pro portione centurionibus et equiti. Sedecim millia talentorum ea largitione expensa dicuntur. Inde descendit Ephesum, et mox, exercitu in classem imposito, petiit Italiam. Sub idem tempus praemissus ab eo M. Piso consulatum petebat. idcirco Pompejus literas misit ad senatum, *ut dies comitiorum proferretur, quo ipse praesens commendare amicum posset.* nam hactenus eo legato erat usus. Tantis rebus gestis, nihil sibi denegatum iri putabat: eratque plerisque formidabilis, quod adhuc exercitum habebat, neque dimissurus credebatur. At Cato, ne hoc initio ad majora progrediretur, obstitit, persuasitque senatui, ut negaret. ne tamen queri Pompejus posset, M. Piso consensu omnium comitiis est designatus.

*Pompejus
differvi co-
mitia postu-
lat.*

XXIII. Eodem tempore Pompejus uxori Tertiae, *Uxori nuncium remittit.* Mucii Scaevolae filiae, quamquam soror Metellorum erat, corruptam a Caesare suspicatus, libellum repudi- dii misit ex itinere, quod jam erat ingressus; quum, quo propius Italiam accedebat, eo plures et graviores de ea rumores exciperet. Id divortium a plerisque vehementer probabatur. quo iniquiore postea animo Pompejus tulit, M. Scaurum, ducta Mucia, iudicium suum traducere.

Cap. XXI. Strabo, p. 557. Plin. 6, 2. Strabo, p. 560. Id. p. 562. Plut. Pomp. Supra, 99, 34. Plin. 7, 30. Cap. XXII. Appian. Mithrid. Plut. Appian. Dio. Plut. Pomp. et Cat. Dio. Cap. XXIII. Ascon. in Scaur. Cic. ad Fam. 5, 2. Sueton. Caes. c. 60. Plut. Pomp. Cic. ad Att. 1, 12. Ascon.

U. c. 690.
A. C. 62.
P. Clodii
facinus in
sacro Bonae
Deae.

XXIV. Sed, quasi gentilis sui suamque vindictura injuriam, Pompeja Quinti filia, L. Sullae neptis, adulterandam se P. Clodio tradidit, simul publicis violatis ceremoniis. Quum enim, exeunte anno, domi praetoris Caesaris pro populo fieret, P. Clodius App. F. perditissimus adolescens, psaltriae vestitu in sacrarium (opertum vocabant) accessit: neque enim virum, interea dum Vestales ibi sacrum Bonae Deae facerent, fas erat interesse, aut omnino sub eodem tecto versari; in tantum ut picturas quoque masculorum animantium contegi mos esset. Inter haec tam horribilia arcana, mater Caesaris Aurelia, sororque Julia, cum ceteris matronis, P. Clodium, ancillam Pompejae opperientem, deprehenderant; velatisque continuo sacris, a mulieribus domo exactus est.

XXV. Eam rem eadem statim nocte viro quaque suo indicantibus, cum luce per totam urbem percrebuit, magnum et atrox admissum piaculum esse. Sacrificium a virginibus instauratum est. In senatu mentionem faciente Q. Cornificio, senatusconsultum factum, *ea de re ad virgines et pontifices referri oportere*: ab his, *nefas esse*, decretum est. Deinde senatus, *quaestionem de pollutis sacris habendam*, censuit, *consulesque* (jam A. C. 61. M. Pupius M. F. Piso Calpurnianus, M. Valerius M. F. M. Pupio, Messala Niger iniverant) *rogationem ea de re promulgare* jussit. Caesar uxorem tanta coopertam infamia dimisit.

Provinciae.

XXVI. Quum deinde de provinciis ornandis ageretur, C. Antonio, qui multa facere injuste et illiberaliter dicebatur, successor dabatur, ni fuisset a Cicerone defensus. Sic ille Macedoniam retinuit, Q. Metellus Galliam citeriorem, C. Pontinius Transalpinam. Utrobique bellum erat, ortum auctumve ex conjuratione Catilinaria: et Helvetios novis rebus studere nuntiatus ab sociis. Igitur senatus censuit, *uti, quicumque Galliam provinciam obtineret, quod commodo reipublicae facere posset, Aeduos ceterosque amicos populi Romani defenderet*. C. Caesar Hispaniam ulteriorem, Q. Tullius Cicero Asiaticam sortiti obtinuerunt.

XXVII.

Cap. XXIV. Sueton. Caes. c. 4. Cic. ad Att. 1, 12. et 16. Liv. Epit. Dio. Plut. Caes. et Cic. Plut. Quaest. Rom. Senec. Ep. 97. Juvenal. Sat. 6. v. 338. Cap. XXV. Plut. Caes. et Cic. Dio. Cic. ad Att. 1, 13. Marian. Scot. Cic. Ascon. in Milon. Plut. Dio. Cap. XXVI. Sueton. Cic. ad Att. 1, 9. et ad Fam. 5, 6. Cic. de Prov. Cons. c. 13. Caes. de B. Gall. 1, 2. et 35.

XXVII. Dum ista maxime fiunt, Pompejus ad urbem venit, non, ut plerique crediderant; armatus; sed Brundisii dimisso, sic tamen ut ad tempus triumphi praesto esset, exercitu. Vitare invidiam et certamina maluerat, quae utraque praegravia et acerba imminebant. Nam, quae esset omnium de Marii Sullaeque actis sententia, non ignorabat: movebaturque, quod et M. Crassus cum liberis et pecuniis, velut vim Pompeji timens, ex urbe profugerat: et Cato, haudquaquam spernendus adversarius, tum alios principes, tum maxime Lucillum, ad resistendum Pompejo excitabat. Ferunt, Catonis tantam jam tum fuisse Pompeji aestimatione auctoritatem, ut ad hunc conciliandum, sibi filioque duas Catonis propinquas in matrimonium peteret: repudiatusque a Catone est, qui pararium ejus Munatium nunciare Pompejo jussit; *Catonem per feminas capi non posse: ceterum recte agenti ultro amicum et adiutorem fore.*

U. c. 691.
A. C. 61.
*Pompejus
ad urbem
venit.*

XXVIII. Sed hanc, undecumque profectam, Pompeji modestiam tantus hominum favor excepit, ut cum paucis et inermibus, tamquam ex qualibet peregrinatione, redeuntem adgregata per viam maxima hominum multitudo deduxerit, nihil magnopere desideraturum pristinas copias, si quid novare cupisset. Ex urbe quoque frequenter obviam itum: longissime à juventute; post hos, ut cujusque aetas aut dignitas tulerunt; proxime portam senatus occurrit.

*Maximo
favore ho-
minum ex-
cepsum.*

XXIX. Non erat obscurum, quamcumque in partem vir eo robore inclinasset, momentum ingens fore: idcirco, qui Clodium salvum volebant, non omiserunt ad hunc se protinus convertere. M. Piso consul, quam ipse ferebat ex senatusconsulto, de religione violata rogationem, amicitia Clodii adductus, antiquatam cupiebat. Ejus impulsu Q. Fufius tribunus plebis Pompejum in concionem produxit, quum die nundinarum in circo Flaminio maxima frequentia populi esset, quaesivitque; *Placeretne ei, judices a praetore legi, quo consilio idem praetor uteretur.* Pompejus, senatus auctoritatem semper sibi maximam visam esse, ejusque decretis obtemperandum, respondit. Ad extremum Fufius

*In concio-
nem produ-
citur.*

Cap. XXVII. Sueton. Caes. c. 18. Cic. ad Att. 1, 15. Plut. Pomp. Vell. 2, 40. Plut. Dio. Plut. Lucull. et Cat. Plut. Pomp. et Cat. Cap. XXVIII. Plut. Pomp. Vell. Plut. App. Mithrid. Cap. XXIX. Cic. ad Att. 1, 13. 14. 16.

Supplem. Liv. Tom. XIII.

LI

U. c. 691. obtinuit, ut de iudicum genere (in quo erant omnia)
A. C. 61. ipsi concederetur.

Clodius accusatur.

XXX. Accusavit Clodium tribunus plebis P. Lentulus Spinther, duobus ex eadem gente subscriptoribus usus. Q. Hortensius praecipue, ut haec sineret, auctor senatui fuit; infensus Clodio, et nullis illum aut iudicibus, aut accusatoribus effugiturum putans. Itaque, ne Fufius rogationi consulum intercederet, ita transactum, ut ipse ferret eadem omnia, praeterquam ut iudices a praetore legerentur.

Clodii facinora.

XXXI. Testimonium in hoc iudicio Cato et Cicero dixerunt: Clodius, *Interamniae se fuisse*, pugnabat, *qua die incestasse sacra diceretur*. Sed Cicero vere quidem, sed impulsus, ut putant, a Terentia, ut eum testimonio laederet, *Romae apud se fuisse*, iuravit. Multi praeterea principum, perjurya ejus, testamenta supposita, Nisibenam seditionem, homines centuriatos, stupra matronarum atque virginum, suis testimoniis exposuerunt.

Incestus cum sororibus.

XXXII. Lucullus etiam ancillas produxit, *adulteratam a Clodio sororem germanam esse*, quam de tribus minimam idem Lucullus in matrimonio habuerat. Putabatur etiam cum duabus reliquis sororibus suis consuetudinem stupri habere, quarum Tertia Q. Marcio Regi nupta erat, Q. Metello Celeri major Clodia, profligatissimi pudoris femina, quam vulgus *Quadrantariam* cognominabat; quod ei quidam aliquando moechus, quum aureos dare putaretur, loculos quadrantibus impleverat. Eandem et Catullo poetae sub Lesbiae nomine fuisse adamatam, Apulejo prodente, cognovimus.

Judicium corruptum.

XXXIII. Inter haec testimonia Caesar quoque citatus negavit, se quidquam comperisse: quamvis et mater Aurelia, et soror Julia, apud eosdem iudices, omnia ex fide retulissent. interrogatusque, *cur igitur repudiasset uxorem? Quoniam*, inquit, *meos iam suspicione, quam crimine, iudico carere oportere*. At iudices, quum initio se valde severos exhibuissent reo, praesidium-

Cap. XXX. Plut. Caes. et Val. Max. 4, 2. 5. et Cic. de Har. Resp. c. 17. Cic. ad Att. 1, 19. Cap. XXXI. Senec. Ep. 97. Cic. ibid. et pro Domo, c. 40. et pro Mil. c. 17. Plut. Cic. Dio. Plut. Caes. et Cicer. Cap. XXXII. Apul. Apolog. Cap. XXXIII. Dio. Plut. Caes. et Cic. Appian. Civil. 1. 2. Sueton. Caes. c. 74.

que ab senatu, non nisi damnaturis necessarium, postulassent; M. Crasso suscipiente negotium, pars major ita turpiter sunt corrupti, ut, praeter pecuniam, noctes etiam certarum mulierum, atque adolescentulorum nobilium introductiones nonnullis iudicibus pro mercèdis cumulo fuisse, Cicero scripserit. Igitur Q. Catulus, quum vidisset eorum aliquem, *Quid vos, inquit, praesidium a nobis petebatis? an, ne nummi vobis eriperentur?*

U. c. 691.
A. C. 61.

Catuli de eo dictum.

XXXIV. Neque diu post Catulus senex admodum exstinctus est: vir summis honoribus in republica usus, optimarum semper partium, et incorrupta integritatis fama. Paulo ante mortem dedicato Capitolio consummasse felicitatem vitae visus est, praecipuo tum honore, et usque ad aliud incendium Vespasianique tempora mansuro.

XXXV. Nec omiserim, quae tum ei per somnium oblata futuri species dicitur. Namque post dedicationem duabus continuis noctibus somniasse dicitur: prima Jovem optimum maximum, praetextatis compluribus circum aram ludentibus, unum secrevisse, atque sigillum Romae, quod manu gestabat, in ejus sinum deposuisse. at insequenti, animadvertisse se in gremio Capitolini Jovis eundem puerum: quem quum detrahi jussisset, prohibitum monitu Dei, tamquam is ad tutelam reipublicae educaretur. Ac die proximo, quum adoraturus in Capitolium adscendisset, obvium sibi C. Octavium, qui postea est Augustus appellatus, numquam antea visum, non sine admiratione contuitus, similem dixit puero, de quo somniasset. Quidam aliter somnium Catuli exponunt, sed eodem recedente significatu.

Ejus somnium de Augusto.

XXXVI. Inter haec pons Fabricius, ad insulam Tiberinam pertinens, exstructus est: qui, ad nostram aetatem incorrupta structura, hanc inscriptionem per tulit; L. FABRICIUS C. F. CUR. VIAR. FACIUNDUM COE-RAVIT.

Pons Fabricius exstructus.

XXXVII. Dum in urbe ista fiunt, Allobroges, quam diu volverant animis, rebellionem coeptavere, facto in Galliam Narbonensem impetu. Sed C. Pontinius,

Allobrogum bellum cum Pontinio.

Cap. XXXIII. Cic. ad Att. 1, 16. Senec. ep. 97. Plut. Cicer. Cap. XXXIV. Dio. Tac. Hist. 3, 72. Cap. XXXV. Sueton. Aug. c. 94. Tertullian. de Anima, c. 46. Dio, l. 45. init. Cap. XXXVI. Dio, l. 37. Pigh. Ann. Cap. XXXVII. Liv. Epit. Dio, l. 37.

U. c. 691. idoneo loco castra metatus, ut ad omnia, quae tem-
 A. C. 61. pus postulare, praesto esse posset, Manlium Lentinum
 cum copiis ad oppidum Ventiam recipiendum misit.
 Ventini, repentino hostium adventu territi, oppidum
 reliquerunt. qui relictis erant, missis oratoribus petie-
 runt pacem. Interea totis agris ad auxilium concur-
 ritur: fit in Romanos ex improvise impetus: oppidum-
 que in potestatem Allobrogum redit.

Catagnatus
Allobrogum
dux.

XXXVIII. Agrum tamen impune Romanus popula-
 batur, donec multi ad Isaram flumen accolentium cum
 Catagnato, gentis universae duce, adfuerunt. Ibi
 Manlius, quum transitu prohiberi hostes, propter mul-
 titudinem navigiorum, non possent, veritus, si aperte
 strueret aciem, ne conferti unitique incumberent, in
 propinquis flumini nemoribus occultus consedit, ut
 dissipatos et sine metu se trajicientes exciperet. Satis
 feliciter processit aliquamdiu dolus. Sed ubi, fugien-
 tes quosdam insequutus, in ipsum Catagnatum temere
 incidit, cum omnibus suis perierat, ni repentina tem-
 pestas hosti suam occasionem eripuisset. Postea, Ca-
 tagnato longius abscedente, rediit ad Ventiam Lenti-
 nus, obsessamque et oppugnatam vi cepit.

Romani
vincunt.

XXXIX. Ser. autem Galba et L. Marcius legati,
 Rhodano transmissi, populabundi agros Allobrogum,
 Solonium oppidum pervenerant, castello munito haud
 procul inde potiti. Occurrentes deinde hostes proe-
 lio fuderunt, oppidique partem incenderunt, (nam ple-
 raque aedificia ligno exstructa fuerant) ne universam
 caperent, Catagnati superventu prohibiti. His rebus
 auditis, Pontinius cum toto exercitu movit, obsessos-
 que hostes, praeter Catagnatum, in deditionem re-
 cepit.

Comitiorum
ambitus.

XL. Dum haec geruntur, Romae comitiorum fer-
 vebat ambitus, non sine gravi culpa Pompeii, qui,
 ut Afranium Metellumque consules efficeret, largitio-
 ne magis, quam vel auctoritate, vel gratia, pugnabat.
 In eo negotio M. Pisone consule uti credebatur. Con-
 tra haec tam adulta vitia parum aut veteribus legibus,
 aut novis profectum est. Nam Lurco tribunus plebis
 de ambitu ferebat hoc novum, ut, qui nummos in tribu
 pronunciarit, si non dederit, impune sit: sin dederit, ut,
 quoad vivat, singulis tribubus sestertium terna millia debeat.

Cap. XL. Cic. ad Att. 1, 16. Dio, Plut. Cat. et Pomp.
 Cic.

Sed minime lex perlata. Comititia in ante diem undecimum Kalendas Sextiles dilata sunt.

U. c. 691.
A. C. 61.

XLI. Cato, ut semper, pugnabat pro republica, Pompejus eodemque tempore propinquis, maxime mulieribus, quae repudiatam Pompeji adfinitatem aegre tulerant, probavit consilium suum; ostenditque, *siquidem accepta conditio foret, nunc ipsis una subeundam fuisse tantae turpitudinis infamiam*: quod in hortis Pompeji dividi pecuniam crebro vulgi rumore jactabatur. Ciceronem quoque mordebat, in Afranii honore consulatum suum sugillari: quem magistratum, velut usucaptum a nobilibus, duo novi homines Arpinates, C. Marius eccellente Belli gloria, M. Cicero pacis artibus, meruissent. at Afranium neutro praestantem aequari sibi aegre ferebat. Sed potior his omnibus pecunia consules, quos volebat, Pompejus designavit, Q. Metellum Celerem, L. Afranium.

XLII. Censores eo anno quinam fuerint, haud dixerim: fuisse certum est. Nam et senatus recensitus est, solito quidem numerosior, quod omnes, qui magistratum quandoque gessissent, adlecti erant: et vectigalia locata a censoribus. Lustrum neque tum, neque post Cn. Lentulum, L. Gellium censores, factum est, donec Augustus sextum consul fecit. Eodem anno L. Domitius Ahenobarbus aedilis curulis ursos Numidicos centum, et totidem Aethiopas venatores in circo dedit, ante diem quartum decimum Kalendas Octobres. Sic quidem in annalibus est adnotatum. at leones intelligi putant, quod constet, Africam ursos non gignere. Sed et in nummis Domitii leonum, non ursorum, expressa effigies cernitur. Ludis tum populus primum prandendi causa surgere instituit, prius sine interruptione perspectare solitus.

XLIII. Triumphum deinde tertium Pompejus biduo duxit, ante diem tertium et pridie Kalendas Octobres, quum una dies tot transvehendis opibus non sufficeret. In id tempus incidebat natalis ejus, ut consulto huc distulisse pompam videatur. Biduum quoque non cepit magnitudinem apparatus: et, quantum alii cuilibet instruendo triumpho fuisset satis, re-

Cap. XLI. Plut. Cat. Cic. Cap. XLII. Dio. Cic. ad Att. 1, 17. et 18. Dio. Cic. Infra 134, 80. Plin. 8, 36. Juven. Sat. 4. v. 99, Solin. c. 29. Plin. Cap. XLIII. Fulv. Ursin. Dio. Plut. Pomp. Vell. 2, 40. Plin. 7, 26. et 37, 2.

U. c. 691. lictum et omisſum eſt. Ejus triumphi haec fuit prae-
 A. C. 61. fatio: *Quum oram maritimam a praedonibus liberaſſet, et imperium maris populo Romano reſtituiſſet, ex Aſia, Ponto, Armenia, Paphlagonia, Cappadocia, Cilicia, Syria, Scythiis, Judaeis, Albanis, Iberia, inſula Creta, Baſternis, et ſuper haec de regibus Mithridate et Tigrane triumphum ducere. At in concione, quum de rebus ſuis diſſereret, cum duobus et viginti regibus bellum ſe geſſiſſe, dixit: et Aſiam, quam provinciarum ultimam accepiſſet, mediam patriae reddiſſe.*

Ejus inſcriptio in templo Minervae.

XLIV. Ceterum in templo Minervae, quod ex manubiis dicabat, hunc inſcripſit titulum: *Cn. Pompejus Magnus imperator, bello triginta annorum confecto, fuſis, fugatis, occiſis, in deditionem acceptis hominum vices ſemel centenis, octoginta tribus millibus; depreſſis aut captis navibus octingentis quadraginta ſex; oppidis, caſtellis mille quingentis triginta octo in fidem receptis; terris a Maeotis lacu ad Rubrum mare ſubactis, votum merito Minervae. Cognomen ex tot victoriis nullum adſcivit, quamquam plurima offerrentur, contentus appellatione Magni, quam olim meruerat. ſed tum a tota concione ſic conſalutatus eſt: hactenus familiaris magis adſentatio, quam conſcientis famaſ iudicium, fuerat.*

Opes maxime in triumpho tranſlatas.

XLV. Numquam antehac tanta ſpectata Romae opulenta fuit, neque tam exitioſa moribus, ad margaritarum gemmarumque ſtudium hinc praecipue inclinat: quarum rerum maximam ille copiam conſpicuae magnitudinis aeſtimationiſque in triumpho tulit. In acta relatus eſt alveus luſorius e duabus gemmis, latus pedes tres, longus quatuor. in eo fuit Luna aurea pondo triginta. Praeterea lecti tricliniares tres, in quibus unus Darii fuiſſe dicebatur, Hyſtaſpe geniti: vasa ex auro et gemmis abacorum novem: ſigna aurea tria, Minervae, Martis, et Apollinis: coronae ex margaritis triginta tres; mons aureus quadratus cum cerviſ et leonibus, et pomis omnis generis, circumdata vite aurea, Ariſtobuli donum: Muſeum ex margaritiſ, in cuius faſtigio horologium erat: imago C. Pompeji e margaritiſ.

Cap. XLIII. Plut. Plin. 7, 26. Val. Max. 8, 15. Oros. 6, 6. Plin. Cap. XLIV. Dio. Liv. Epit. Liv. 3, 45. Cap. XLV. Eutrop. 1, 6. Plin. 37, 1. et 2. Appian. Mithrid. Plin. Joſeph. Ant. 14, 4. Plin.

XLVI. Tituli quoque praeferebantur pecuniae, quam impenderat: *Reipublicae causa, legatis et quaestoribus, qui oras maris defendissent, datum mille talentum, militibus singulis sena millia sestertiorum.* Erat adscriptum, *universos populi Romani reditus antea fuisse bis millies: nunc suis victoriis Pompejum adjecisse millies quadringenties.* U. c. 691.
A. C. 61.
Tituli pecuniae reipublicae causa impensae translati.

XLVII. Praeter haec translata est Mithridatis regis dactyliotheca, quam mox dedicavit in Capitolio, cum illa, quam modo diximus, aurea vite aliisque donis. Naves in portum adduxit integras septingentas. Transvexit et sellam ac sceptrum Mithridatis, cum effigie illius aurea cubitorum octo, quamquam non totus, sed pectore tenus, expressus erat; itemque statuum argenteam Pharnacis, qui primus regnavit in Ponto; curusque aureos et argenteos. Arborum etiam generum primum ostensa Romae, ebenus, quam sola ferre putabatur India; et, uni quondam terrarum Judaeae concessa, balsamum. Arborum nova genera.

XLVIII. Inter haec innumeri currus transvehebantur, arma portantes et navium rostra. Captivorum deinde ingens multitudo, sine vinculis, patrio habitu cultuque. Proxime currum reges aut liberi regum ducesque ibant, capti bello, aut obsidum loco traditi. Horum illustrissimi Tigranes minor, ejusque conjunx et filia, et regina Zosime, patris Tigranis uxor: et Artaphernes, Cyrusque, et Oxathres, et cum Dario Xerxes, sororesque eorum Orsabaris et Eupatra, Mithridatis liberi. Sed et Olthaces ducebatur, qui in Colchis regnaverat: et Judaeorum rex Aristobulus cum Antigono filio, et puellis duabus. praeterea Cilicum tyranni et archipiratae: Scytharum regiae mulieres: tres Iberorum, duo Albanorum duces; earumdemque gentium et Commageni regis obsides: itemque Laodicensis Menander, qui praefectus equitum Mithridatis fuerat. Absentium quoque imagines, Tigranisque ac Mithridatis pugnas et clades pictura repraesentabat. Omnium item proeliorum, quibus per se legatosve victor exstiterat, tabulae antelatae. Mithridatis praecipue postrema obsidio, et nocturna fuga, sed et exitus spectabatur, virginesque mortis paternae comi-

Captivi et obsides transducti.

Cap. XLVI. Plut. Cap. XLVII. Plin. Strabo. l. 12. p. 556. et apud Joseph. 14, 5. Appian. Plin. 33, 12. Plin. 12, 4. et 25. Cap. XLVIII. Appian. Plut. et Appian. Joseph. Ant. 14, 8. et de B. Jud. 1, 5. Appian. et Plut. Dio. Plut. et Appian.

U. c. 691. tes. Etiam reliquorum ejus filiorum filiarumque ante
 A. C. 61. patrem mortuorum, nec non Deorum barbaricorum
 effigies transferebantur.

*Titulus con-
 ditionum ur-
 bium.*

XLIX. Titulus quoque visebatur conditarum ur-
 bium. octo in Cappadocia Pontoque aedificaverat: in
 Cilicia et Cava Syria viginti: in Palaestina quoque alia-
 que regionibus nonnullas: in universum undequadra-
 ginta. Reges victi memorabantur *Tigranes Armenius*,
Artoces Iberus, *Oroeses Albanus*, *Darius Medus*, cum *Ar-
 za*, qui *Nabataeis Arabibus*, et *Antiocho*, qui *Commagenae im-
 perabat*. Ipse triumphator, junctis exemplo Liberi ele-
 phantis, gemmato curru vehebatur, chlamyde, ut fe-
 rebatur, Alexandri Magni amictus, quam apud Coos
 in thesauris Cleopatrae Mithridates invenerat. Currum
 socii ministrique victoriae sequebantur, legati tribu-
 nique, pedites partim, alii in equis. nam exercitum
 diu ante dimissum non acciverat: quamquam veteri
 more Romano, sine exercitu triumphare imperatorem,
 bello confecto, absurdum habebatur. Mitior hic so-
 lito triumphus in captivos fuit: omnes dimissi sunt
 ad suos sumptu publico; praeter Aristobulum et Ti-
 granem, in custodia servatos, ne ille fratris, hic pa-
 tris pacem turbarent.

*Summa in
 aerarium il-
 lasa pecu-
 niae.*

L. Majorem hic triumphus pecuniam in aerarium,
 quam ulla aetate quisquam, intulit: non comprehen-
 sa, quae ex manubiis est in Capitolio reposita, signa-
 ti argenti septingenties quinquagies semel centena mil-
 lia drachmarum translata, Appianus auctor est: Plu-
 tarchus in auro et argento facto signatoque in aera-
 rium illata ad viginti talentorum millia. Multis novis
 inusitatisque ornamentis insignis iste triumphus quum
 haberetur, nihil illustrius visum, quam quod tribus
 triumphis totidem terrarum orbis partes devictae caus-
 sam titulosque praebuerunt. Ter enim et alii trium-
 phantes Capitolium adscenderant: hic, quod antea con-
 tingerat nemini, primum triumphum ex Africa, secun-
 dum ex Europa, tertium ex Asia duxit.

*Pompejus
 Magno Ale-
 xandro con-
 fertur.*

LI. Ob tam celeres grandesque victorias a pleris-
 que Magno Alexandro conferebatur: et, quo similior
 ei videretur, ut sit, ubi suis inventis homines blan-

Cap. XLIX. Plin. 8, 2. Appian. Dio. Appian. Cap. L.
 Vell. 2, 40. Val. Max. 8, 15. Cic. pro Balbo, 4. et 6. et pro
 Sext. c. 6. Albin. in Corp. Poet. p. 1543. Cap. LI. Plut.
 Vell. Plut.

diuntur, quatuor et triginta annis minorem finxerunt quidam; quum quintum atque quadragesimum explevisset: felix opinione hominum futurus, si quem gloriae, eundem et vitae finem habuisset, neque vertentem fortunam esset, jam aetate provectior, expertus.

U. c. 691.
A. C. 61.

LII. Mense Decembri coepit agitari in senatu causa publicanorum, qui, redemptis Asiae vectigalibus, ut induceretur locatio, postulabant. Erat res invidiosa, et turpis confessio temeritatis. Tamen Crassus, ut peterent, fuit auctor: Cicero adjuvit petentes, ut concordiam ordinum retineret, quam in consulatu stabiliverat. Sed Cato, semper adversus iniqua flagitantibus, summopere resistebat. Idemque praeterea, quod alterum ab senatu valde abalienavit equites, censuit, adsentiente senatu, ut de iis, qui ob iudicandum pecuniam acceperant, quaereretur.

Equites offendentur ab senatu.

LIII. Ea de re certatum et olim fuerat, honestissimis equitum hanc conditionem recusantibus, ut in dispari fortuna, dignitate, honoribusque ac praemiis, paria ipsis, atque senatoribus, pericula proponerentur: quum praesertim ita lex Sempronia primum, dein Cornelia conceptae essent, ut senatores complexae de ceteris non cogitasse viderentur. Sed tum hoc agebatur, ut etiam equites nova lege illigarentur. Placebant haec et Metello, qui, designatus tum consul, quum potestate nondum uteretur, auctoritate permultum poterat: adeo quidem, ut sub finem hujus anni Compitalitios ludos, quos, auctore tribuno quodam plebis, magistri vicorum facturi erant, privatus adhuc fieri prohiberet.

Metelli consulis designati auctoritas.

LIV. Eodem anno M. Aemilius Scaurus, qui relictus a Pompejo cum legionibus in Syria fuerat, Pertram, Arabum Nabataeorum metropolim, aggressus, quum famem exercitus pateretur locis difficilibus, Antipatrum ad Aretam misit, qui deditionem suaderet. Hoc internuncio pactum, ut trecenta talenta Romano darentur. Bellum, Areta Scauroque volentibus, diremptum est; idque adjumento fuit Scauro, ut destinatam M. Pisoni provinciam in alterum annum, adnitente Cicerone, retineret.

M. Scauri bellum et pax cum Areta.

Cap. LI. Vell. 2, 53. Plut. Liv. 9, 17. Cap. LII. Cic. ad Att. 2, 17. et 18. et 2, 1. Cap. LIII. Cic. pro Cluent. c. 56. Cic. ad Att. 1, 17. Cic. in Pis. c. 4. et ibi Ascon. Joseph. Antiq. 14, 9. et de B. Jud. 2, 6. Hegesipp. 1, 18. Joseph. Cic. ad Att. 1, 16.

U. c. 692. LV. L. deinde Afranius A. F. Q. Caecilius Q. F. A. C. 60. Metellus Celer consules inierunt: pro quibus, uti designarentur, maximis largitionibus pugnavisse Pompejum narravimus. Sed illi plus molestiae et impedi-
Novi consu-
les molesti
Pompejo. menti, quam, quod speraverat, auxilii, tantis impensis quaesitum est. Nam horum opera, tum alia, quae vellet, adsequuntur rebatur, tum uti acta sua confirmarentur: eo magis, quod legati sui ad exercitum operum summorum praecipui ministri iidem illi fuerant. Ceterum Afranius, saltandi, quam negotiorum, peritior, nihil ei profuit. Metellus etiam obfuit ab ira dimissae Mucia, quam sororem Metelli, quum haberet ex ea liberos, Pompejus repudiaverat. Accedebat excellentis gloriae perpetua comes invidia: praeterea simultates cum maximis viris Lucullo Metelloque, graves potius, quam iniquae, quos prior et sine causa offenderat.

Luculli contentio cum Pompejo, de actis utriusque. LVI. Igitur Lucullus, qui de cetero se penitus otio ac voluptatibus tradiderat, praeter pristini doloris stimulos, ab optimatibus nonnullis incitatus, in senatum venit, Pompejoque, rata haberi acta sua postulanti, acerrime resistit; *aequum esse, prius ut senatus cognoscat de singulis, dictitans: nam, ut promiscue omnia ignaris, qualia quaeque sint, Patribus confirmanda objiciantur, id vero incivile prorsus et dominationi proximum. Praeterea, quod a se constituta pleraque Pompejus labefactaverat, arbitrari jubebat senatum, utrius potiora esse decreta deberent.*

Pompejus ad plebem se applicat. LVII. Haec quum per se non iniqua principes senatus M. Crassus, duoque Q. Metelli, Creticus et consul, sed et M. Cato, enixe defenderent, inferior in curia Pompejus ad tribunos plebis confugit, ut, quod per senatum nequiverat, populi favore consequeretur. Idcirco, quo infimi vulgi promptiora et plura suffragia quaererentur, L. Flavius tribunus plebis promulgavit rogationem, *uti Pompejanis militibus certus agri modus daretur: utque quibus civitatis, iisdem et suffragii jus omnibus esset.* Ea tota ratio senatui displicebat. Cicero, ut populo simul Pompejoque et possessoribus satisfaceret, secunda concionis voluntate tollebat ex lege, quae ad incommodum pertinebant privatorum, *ne*

Cap. LV. Dio, l. 37. Dio, l. 36. fin. et l. 37. versus init. Dio, l. 37. Vell. 2, 40. Flor. 4, 2. Cap. LVI. Plut. Lucull. et Pomp. Dio. Cap. LVII. Appian. Civil. l. 2. Dio. Vell. Plut. Cat. Plut. Pomp. Dio. Cic. ad Att. 1, 18. et 19.

quid mutaretur de agro, qui P. Mucio, L. Calpurnio consulis publicus fuisset, quo anno Ti. Gracchus agrarias leges tulerat: neve Sullanorum hominum possessiones moverentur. Volaterranos etiam et Arretinos, quorum agrum publicarat Salla, neque dividerat, defendebat: id solum concedens, ut ex ea pecunia, quae ex novis vectigalibus per quinquennium redigeretur, agrorum emptiones fierent.

U. c. 691.
A. C. 60.

LVIII. Sed haec contentio, quum maxime ferveret, Gallici belli metu paullisper remissa fuit. Nam Helvetii in armis esse, atque excursions in provinciam facere, nunciabantur. Idcirco senatus decrevit, *ut consules duos Gallias fortirentur: delectus haberetur: vacationes ne valerent: legati cum auctoritate mitterentur, qui adirent Galliae civitates, darentque operam, ne se cum Helvetiis jungerent.* Quum in sortitione legatorum prima de consularibus sors Ciceronis, deinde Pompeji exisset; senatus una voce *retinendos hos in urbe* censuit. legati sunt Q. Metellus Creticus, L. Flaccus, et Lentulus Clodiani filius. Pacata tamen provincia mansit, quum victoria Cn. Pontinii facilem ad reliquias pacandas viam paravisset: atque ille, contentus domuisse, qui rebellaverant, non laceessivit quietos.

Helvetiorum motus.

LIX. Igitur, quum motuum Gallicorum vanus rumor fuisset, et otium e Gallia nunciaretur, ad civiles contentiones acrius reditum, tam vehementi concertatione, ut Q. Metellus consul lapidibus appetitus percuteretur a seditiosis; deinde a tribuno in carcerem duceretur. sed neque consul eo terrore flecti potuit; neque tanti viri causam deseruit senatus, quin apud illum in carcere convenire cuperet.

Consul in carcerem ducitur a tribuno.

LX. Ibi Flavius, sella tribunitia ad fores collocata, jure inviolabilis potestatis clausit aditum, per murum intrare jubens senatum, si vellet; tam pertinaciter oblutans, ut eodem loco pernoctaturus videretur. Tum vero Pompejus, pudore ductus, et quia res perquam invidiosa etiam ad populum erat, discedere Flavium iussit, id a se petiisse Metellum mentitus. Sed notam animi magnitudinem Metellus effecerat, quum eum reliqui tribuni eximere vellent e carcere, id beneficium recusando. postea quoque, quum Flavius de-

Tribuni plebis improbitas.

Cap. LVIII. Caes. de B. Gall. 1. Cic. ad Att. 1, 19. Dio. Cic. de Prov. Cons. c. 13. Cap. LIX. Cic. ad Att. 1, 20. Idem ibid. 2, 1. Dio.

U. c. 691. nunciaffet, non passurum, ut in provinciam iret, nisi
A. C. 60. legi consensisset, quamquam cupidior triumphi haberetur, manere potius in urbe, quam de sententia dimoveri, sustinuit. Pompejus igitur, principum invidia potentiam suam urgeri videns, interdum poenitentia ducebatur, quod exercitum dimisisset: postremo, quamlibet rationem inimicos reprimendi honestam arbitratus, plane descendit ab optimatibus, stulto consilio, ut dignitatem tueretur, stolidis turbulentisque adolescentulis indigne se submittens: quae potissima ipsi seque et rempublicam perdedi causa exstitit.

P. Clodius tribunatum ambit. LXI. Commodum sub ea tempora P. Clodius, ab Siciliensi quaestura reversus, conceptum ex iudicio suo adversus optimates odium tribunatus viribus exsequi gestiebat. et, ne propterea, quod erat patricius, impediretur petere, per C. Herennium tribunum plebis legem promulgandam curaverat, ut *universus populus in campo Martio suffragium ferret, quo P. Clodius, ejurato patriciatu, plebejus esset.*

Et Q. Metellus obsistit. LXII. Hoc perfecto, jam pro plebejo se gerens, quum omnes semper Claudii patriciae gentis acerrimi propugnatores assertoresque juris optimatum fuissent, tribunatum coepit petere. sed Q. Metellus consul, vir egregius, et patriae amans, impendebat tanta contentione animi, ut *eum sua se manu interfecurum diceret, quamquam frater ejus patruelis erat.* Sed maximum ei contra Herennii rogationem argumentum erat, quod negabat, *nisi Curiata lege, recte de illa causa ferri potuisse.* Igitur, tribunis aliis intercedentibus, tum quidem irrita P. Clodii astutia fuit.

Lex de abrogandis portoriis. LXIII. Lex deinde, auctore Q. Metello Nepote, qui praeturam gerebat, *de abrogandis urbis et Italiae portoriis* perlata est. Quum grata lex esset omnibus, non tam ob portorium, quam nonnullas injurias portitorum, tamen auctor displiceret; eo senatus inclinabat, ut, exemplo Lacedaemoniorum, qui commodam sententiam, ab improbo viro dictam, repeti a probato, atque huic adscribi jusserunt, alterius, quam

Cap. LX. Cic. ad Att. 1, 20. Dio. Plut. Pomp. Cap. LXI. Cic. ad Att. 2, 1. Pigh. Ann. Dio. Cic. ad Att. 1, 18. et 19. Cap. LXII. Cic. ad Att. 2, 1. Sueton. Tiber. c. 2. Cic. ibid. Cic. pro Coel. c. 24. Dio. Cic. ad Att. 1, 19. Cap. LXIII. Dio. Cic. ad Att. 2, 16. Cic. ad Q. Fratr. 1, 1. 11. Dio.

Nepotis, nomen legi praescriberetur. Sed id quidem omissum: voluntas tamen spectata senatus est.

U. e. 692.
A. C. 60.

LXIV. Eodem anno Faustus, Sullae dictatoris filius, munere gladiatorio, quod in patris honorem edebat, populo magnificentissimum epulum, balneumque et oleum dedit. Apollinares quoque ludi magnifice facti: primusque tum P. Spinther theatralia vela ex carbaso duxit. ostendit et amphoras ex onyche, Chiorum magnitudine cadorum: quod magnae tum admirationi, nec diurnae fuit: quum intra quintum deinde annum columnae triginta duorum pedum magnitudine ex eodem lapide monstrarentur.

*Faustus
Sulla ludos
in honorem
patris edit.*

LXV. Dum haec in urbe gerebantur, Caesar Lusitanos insulasque nonnullas in oceano sitas subegit, quum in ulteriorem Hispaniam ex praetura venisset, M. Crassi ope profectione maturata, qui sibi Caesarem contra Pompei praegraves opes cupiebat adjungere. Igitur, quum a creditoribus retineretur Caesar, Crassus pro eo spondit ducenties. Nam, per ambitionem effuso patrimonio, contractoque gravi aere alieno, multo plus debebat, quam redigi ex bonis ejus potuisset. auditaque vox est dicentis, *opus sibi esse milles, ut habeat nihil.* At tum Crassi opera onerosissimo quoque importunissimoque creditorum levatus, priusquam provinciae ornarentur, contra morem ita celeriter profectus est, ut ambiguum relinqueret, metune judicii, an, quo maturius sociis implorantibus subveniretur, festinarit.

*Caesaris ass
alienum.*

LXVI. Ajant in itinere per Alpes, quum ad conspectum pauperis vici comites ejus per jocum inter se controverserent, *an illic etiam sit ambitioni locus?* serio dixisse Caesarem, *malle se ibi primum, quam Romae secundum, esse.* Nam ingenium dominationis avidum, ne quidquam cogitare aliud posset, omnibus variis erectum in spem potiundi fuerat.

*Ejus ambi-
tio.*

LXVII. Quum adhuc quaestor in eadem Hispania conventus circumiret, jussu Veteris Antistii praetoris sui: visa Gadibus in Herculis fano Alexandri Magni imagine, ingemuit, nec sine lacrimis dixit ad amicos.

*Vox ad con-
spectum ima-
ginem Alex-
andri.*

Cap. LXIII. Aeschin. in Timarch. Plut. Praecept. Polit.
Cap. LXIV. Dio. Cic. in Vatin. c. 13. Plin. 19, 1. Plin. 36, 7.
Cap. LXV. Dio. Sueton. Caes. c. 18. Plut. Caes. Appian.
Civil. l. 2. Plut. Sueton. Cap. LXVI. Plut. Cap. LXVII.
Auctor de B. Hisp. fin. Sueton. Caes. c. 7.

U. c. 692. conversus, *Me miserum! qui hac aetate, qua iste terrarum*

A. C. 60. orbem subegit, nihil adhuc gesserim memorabile. Neque distulit missionem efflagitare, quo regressus in urbem majorum rerum captaret occasiones: maxime postquam absurdo proximae noctis somnio, et conjectorum promissis inflatus majorem in modum animus fuit. Quod enim ille cum matre concubuisse per quietem sibi visus erat, Imperium orbis terrarum portendi, quod omnium mater terra esset, interpretati sunt. Spem deinde confirmavit insolitae figurae ac ingenii equus, quem erat nactus, fissis prioribus ungulis, neque selloris, nisi Caesaris, patientem.

Omina et praesagia futurae dominationis.

Gesta Caesaris in Hispania.

LXVIII. Idcirco, quum latrocinia, locis illis sollemnina, minore negotio compescere praetor posset, bellum maluit: novaque legione paucos intra dies supra priores duas conscripta, contendit ad Herminium montem, et habitatores, situ loci ad praedas agendas incitari caussatus, in plana iussit descendere. Sic initio belli quaesito, et hos armis domuit: et vicinos populos, qui, relictis oppidis suis, trans Durium amnem cum uxoribus liberisque fugiebant, oppressit.

LXIX. Rebellantes deinde montis Herminii incolae quum iterum subito adortus profligasset, atque illi, fuga ad oceanum facta, in quamdam insulam transieissent; partem militum ratibus impositam, quia navigia deerant, immisit. Sed ille, cui commissum hoc negotium fuerat, in scopulo quodam vicino insulae exposuit copias, pedestri deinde itinere perrecturas ad hostem: ipse, priusquam faceret exscensionem, abreptus aestu recurrente, relinquere expositos coactus est.

P. Scaevae virtus.

LXX. Ibi milites circumventi caesique sunt, quum fortiter aliquamdiu se defendisset: neque, praeter P. Scaevam, prodigiosae virtutis hominem, quisquam servatus est. Is, quum diu magnam hostium multitudinem sustinisset, saucius fessusque, scuto, quod jam inutile innumeri excepti ictus fecerant, relicto, se coniecit in aestuarium, et interim, ubi profundior aqua occurrebat, natando vix evasit in litus; conspectoque Caesare, qui haec omnia cum admiratione videbat, genibus accidens veniam amissorum armorum

• Cap. LXVII. Vell. 2, 43. Dio. Sueton. Plut. Sueton. Plut. Sueton. Dio. Cap. LXVIII. Plut. Dio. Cap. LXX. Val. Max. 3, 2. 23.

supplex petiit. Caesar, non modo virtute hominis, sed etiam disciplinae reverentia probata, centurionatum ei praemii loco dedit. Sed hoc quidem alii Britannico factum bello tradiderunt: quod si ita esset, vix fuisset a Caesare praetermissum. Ceterum Caesar, classe Gadibus advehi iussa, totum trajecit exercitum; hostesque, penuria rerum omnium pressos, in deditionem accepit. Inde in Gallaecos transtulit bellum, qui Brigantium oppidum habebant: hominesque non ante visa classe sic exterruit, ut imperata prompte facturos pollicerentur.

U. c. 692.
A. C. 60.

LXXI. Sic pacata provincia, gentibusque aliquot novis imperio adjectis, juri dicundo conventibusque dedit operam, ut concordiam civitatum stabiliret, quae propter aeris alieni magnitudinem plerisque locis convellebatur. Igitur, constituto, ut ex debitorum peditibus bessem creditores perciperent, donec dissolutum aes alienum esset, cum magna gratia sociorum, se exercituque locuplete praeda aucto, praeterea Imperatorium nomen bello adeptus, non expectato successore, ad triumphi simul consulatusque petitionem decessit.

*Discordiae
propter aes
alienum.*

LXXII. Et quidem, quod grandem pecuniae summam ad aerarium miserat, decretus ei triumphus est. sed erat improba hominis et intricata ambitio: nam postulaturum triumphum extra urbem manendum, candidato honoris petendum in urbe erat. Igitur ab senatu contendit, ut absentis et per amicos petentis rationem haberi liceret. Neque decrant, qui faverent, nulla id lege prohibitum, praeterea et aliis concessum jactantes. sed multi contradicebant, et ante omnes Cato, qui, ne decretum ea de re fieret, diem, quae postrema erat temporis, intra quod profiteri candidatos oportebat, dicendo exemit.

Caesar triumphum simul consulatumque petiit.

LXXIII. His cognitis, Caesar, ne consulatu excluderetur, unde plus sibi virium, et ampliorem triumphi materiam pollicebatur, dimisso triumpho, urbem ingressus, eam continuo suscepit actionem, qua rempublicam captans invadere, praeter Catonem atque Ciceronem, omnes fefellit. Namque Pompejum et Crasum, aemulatione potentiae discordes, inter se et si-

Dimisso triumpho urbem intrat.

Pompejum et Crasum

Cap. LXX. Plut. Val. Max. Dio. Plut. Dio. Cap. LXXI. Plut. Dio. Sueton. Cap. LXXII. Appian. Civil. l. 2. Plut. et Sueton. Appian. Civ. in Rull. 2, 9. Appian. Sueton. Plut. Caes. et Cat. Cap. LXXIII. Dio. Plut. Caes. Appian. Sueton. Dio.

U. e. 692. bi conciliavit, his legibus, ut omnibus in rebus adjumen-
 A. C. 60. to invicem essent; ne quid, quod cuilibet horum displicuisset,
 inter se et si- in republica ageretur.
 bi conciliat.

LXXIV. Haec libertatem urbis deglutiit triceps conspiratio; quam exinde, velut infernale monstrum Cerbereo rictu absorbentem omnia, M. Varronis satyra, sub titulo Tricareni, perstrinxit; qui, sub id temporis aedilis cum C. Murena, Lacedaemone excisum lateritiis parietibus opus tectorium, propter excellentiam picturae, formis inclusum, ad Comitium exornandum deportavit. quod opus per se mirum hominibus; sed magis admirationi fuit, transferri potuisse.

*Causas cui-
 vis particu-
 lares initi
 triumvira-
 tus.*

LXXV. Ceterum tres illi principes suis quisque causis societatem inierant: Pompejus, ut tandem acta sua confirmarentur: Caesar, nondum adultum robur committere cum viro tantis radicibus immaturum ratus, ipsius illius opibus, ut se muniret, abutebatur, omni interim illi delegata invidia: simul Crassi retinebat studia, graviter adversaturi, si Pompejum sibi antepositum a Caesare vidisset. M. Crassus, cupidus primi loci, sed retinendo impar, ad rem pertinere credebat, si duorum potentissimorum viribus fulciretur; sperabatque Caesaris crescentem potentiam cum matura Pompeji auctoritate ita commissurum, ut, his mutuo se adterentibus, majores ipse opes consequeretur. Nam huc omnia sua consilia olim retulerat; neque optimatibus prorsus addictus, neque vicissim ita popularis, ut oblitus curiae videretur. tantum hoc agebat, ut, quidquid utrislibet gratum accidisset, id se auctore; quae contra essent, invito aut ignaro facta censerentur.

*Dissimula-
 tio intrat
 conspiratio-
 nis.*

LXXVI. Atqui reliquorum etiam principum nemo sincerum ad rempublicam studium, nullis admixtis ambitionis avaritiaeve sordibus, adferebat; uno excepto Catone, cujus invicta ad extremum constantia, quamquam nudata praesidiis omnibus, in tuenda republica persistit. ceterum, quo majores acquireret vires tardius animadversa conspiratio, dederunt diligentem ope-

Cap. LXXIII. Liv. Epit. Plut. Cic. Phil. 2, 10. Cap. LXXIV. Plut. Appian. Dio. Sueton. Liv. Epit. Appian. Plin. 35, 14. Cap. LXXV. Vall. 2, 44. Dio. Plut. Pomp. et Caes. et Cras. Vell. Dio.

operam, ut tegerent eam dissimularentque: neque eo secius communicabant consilia, et, quidquid conducere suis rationibus visum erat, conjunctis opibus exsequebantur.

U. c. 692.
A. C. 60.

LXXVII. Jam primum in petitione consulatus, *Caesaris* quum haberet competitores duos Caesar, L. Luccejum *pactum cum* historiarum scriptorem, et M. Bibulum, per Arrium *Luccejo.* cum Lucejo colvit, pactus, ut is, quia gratiae, quam Caesar, minus pecunias plus habebat, nummos de suo, communi nomine, per centurias pronuntiaret. Contra optimates, nihil non in consulatu Caesaris timentes, si concordem collegam nactus esset, auctores Bibulo fuerunt tantumdem pollicendi: ac plerique contulerunt pecunias, ne Catone quidem inficiante, esse e republica, largitionem eam fieri. haec tum erant tempora. Caesar cum Bibulo designatur. Igitur optimates dederunt operam, ut provinciae futuris consulibus minimi negotii, id est, silvae callesque, decernerentur.

LXXVIII. Interim C. Octavius, ex praetura summa *C. Octavii* cum laude gesta Macedoniam sortitus, (quod C. Antonio male provinciam administranti successorem mitti placuerat) negotio sibi ab senatu extra ordinem dato, egrum Thurinum purgavit, jam olim infamem latrocinii, residuamque ex Spartaci et Catilinae copiis fugitivorum manum delevit.

LXXIX. Sequitur jam non consulatus C. Caesaris, *U. c. 693.* sed regnum: quo tempore collegam potestatis M. Calpurnium Bibulum nomine, re et opere Cn. Magnum, *A. C. 59,* M. Crassum habuit. Idcirco, nullo jam veteris et probi moris respectu, tantum ea, quae ad fundandas conjurationis opes pertinebant, ingenio Caesaris, auctoritate Pompei, divitiis Crassi perficiebantur: neque Romanis fiebat injuria libertatem amittentibus, quam ingratus stolidusque populus accepta mercede vendiderat. *C. Julii,* Prodigia tum multa, non sine minis et *M. Calpurnio coll.* horrore malorum imminentium, nunciata aut visa sunt. *Triumvirorum nimia potentia.* Procella repens in urbe et circum arbores exstirpavit, aedificia scidit, naves in Tiberi juxta urbem et ad ostia fluminis mersit, pontem sublicium rupit. Theatrum quoque, ad ludos quosdam e ligno structum, cor-

Cap. LXXVII. Sueton. Cic. ad Att. 1, 17. Sueton. Ap-
pian. Civil. 1. 2. Sueton. Cap. LXXVIII. Cic. ad Q. fratr.
1, 1. 7. Sueton. Aug. c. 3. Dio, 1. 38. Sueton. Cap. LXXIX.
Dio.

Supplem. Liv. Tom. XIII.

M m

U. c. 693. ruit: omnibusque his cladibus magna hominum absumpta multitudo est. Sed prima honoris initi antiquitatis specie decora, aut, latente adhuc Caesaris proposito, pro innoxiiis fuerunt: ut, quo mense fasces non haberet, accensus ante eum iret, lictores pone sequerentur; quod ex vetustate relatum: ut tam senatus, quam populi, diurna acta conficerentur et publicarentur; quod ipse instituit primus, quo per provincias et exercitus nosceretur, nihil agi Romae, nisi ex voluntate trium principum, posse.

*Caesaris
leges.*

LXXX. Inter haec Bibulum, ut concorditer secum rempublicam gerere velit, in senatu rogans, ab intentione muniendi sese avocatum, ipse, clam paratis subsidiis, fallacibus blanditiis mulcebat: donec, provis, quae voluerat, ad maiora itum, legesque promulgari a consule coepit, quales vix tribunus plebis paullo modestior tulisset; agrariae ante omnes, quae maximam contentionem, quod invito senatu ferebantur, habuerunt. Sed nimirum Caesar, ita se fore popularem, semper erat professus, ut nihil esset acturus, quod non ad senatus quoque commodum pertineret. Igitur sic conceperat verba legis, ut nihil in his reprehendendum videretur; et tamen ne sic quidem latitum testabatur, nisi senatu auctore.

*Et in his
ferendis a-
stutia.*

LXXXI. Sed optimates non fallebat, haec omnia non alia causa fieri, quam ut abductam a Patribus plebem Caesar hac largitione sibi auctoraret. ideoque hoc ipsum erat dolori, quod ita scripta lex esset, ut, qui eam impedirent, non tam voluntati plebis, quam aequitati manifestissimae utilitatis publicae, refragari viderentur. Namque multitudo illa, numero et egestate urbi intoleranda, exhaurebatur; frequentabantur Italiae regiones, inopia hominum desertae: consulebatur annonae, instaurata passim agricultura; et haec sine impensa reipublicae, sine incommodo principum fiebant: immo his, utroque honor et emolumentum adiciebatur, quod ex eorum numero viginti viros dividendis agris creabat Caesar, seque nominatim excipiebat, ne scilicet suum in usum aliquid ferre existimaretur.

Cap. LXXIX. Sueton. Caes. Liv. 2, 1. A. Gell. 2, 15. Sueton. Cap. LXXX. Appian. Plut. Caes. et Cat. et Pomp. Liv. Epit. Dio, 1. 38.

LXXXII. Cetera quoque ita complexus erat, ut neque prudentiam, neque aequitatem desiderares. Publicum agrum omnem dividebat, Campano, ob praesentiam regionis, ad subsidia reipublicae reservato: privatam non nisi a volentibus emi jubebat, neque minoris plurisque, quam aestimatus in censu esset. Pecuniam autem affatim subministrabat quum triumphus Pompeji, tum recens ab eo constituta vectigalia: quae civium usibus, quorum et periculis parta forent, non immerito dicebant impendi. Haec utrumne placeret ferri, singulos interrogabat, correcturum, si quid secus scriptum videretur, aut plane deleturum pollicitus. Illi, quum nec incusare legem possent, nec ferri vellent, promisso, auctorem senatum fore, quae sitis impedimentis morabantur.

U. c. 693.
A. C. 59.
Legis Agrariae argumentum.

LXXXIII. At Cato, pro libertate ingenii sui palam, quae sentiret, praeferens, legem non damnavat; ceterum negabat, ex his, quae antea constituta essent, moveri quidquam oportere: ducebatque dicendo diem, ne perfici res ea posset. quippe sententiam rogato senatori licebat, etiam alijs de rebus, quoad vellet, disserere. Tum Caesar ira commotus, simul ut ceteris incuteret metum, Catonem extrahi curia per lictorem, ducique in carcerem iussit. nam illum tribunos appellaturum sperabat. Cato, nulla voce missa, sequebatur: neque pauci, relicto senatu, comites ei ibant: quorum M. Petrejus, objurgatus a Caesare, quod nondum misso senatu discederet, *Malo, inquit, esse cum Catone in carcere, quam tecum in curia.* Ob hanc invidiam, et quia plebem quoque gravatim haec ferre animadvertebatur, destitit Caesar, submissoque tribuno plebis dimittendum Catonem curavit.

*Catonis cor-
tam cum
Caesare.*

LXXXIV. Eo tempore, quum senatum mitteret, laetus contigisse, quem optaverat, ad plebem se applicandi colorem, hoc tantum adjecit; *Equidem vos et iudices legis et auctores esse volui, priusquam cum populo agerem, Patres conscripti: sed, quoniam vobis tam bona conditio displicet, et pro honore, quem vobis habebam, tantum injurias rependitis, age, jubebit populus, quod ei videbitur.* Exinde, senata prorsus neglecto, ferre ad populum coepit. Quo tamen honestiores haberet auctores, in conatione interrogavit collegam, *ecquid ei in lege displiceret?*

*Caesar senatum negli-
git.*

Cap. LXXXIII. A. Gell. 4, 10. Sueton. Plut. Caes. et Cat. Dio. Val. Max. 2, 10. Dio. Plut. Cap. LXXXIV. Dio.

M m 2

U. c. 693. Ille nihil, nisi non permissurum, ut aliquid novetur, se consule. Tum Caesar rogare illum coepit, idemque faciundi auctor populo fuit: nec mollior inde Bibulus, sublata voce, Ne si omnes quidem volueritis, legem habebitis: et cum dicto discessit.

Pompejus legem Caesaris probat.

LXXXV. Caesar, reliquos magistratus interrogare intutum putans, quum hujus esset contra spem expertus constantiam, Pompejum Crassumque produxit, privatos quidem, sed opibus et auctoritate principes. Ibi Pompejus, Ego vero, Quirites, omnia haec summopere probō: nec ego solum, sed jam tum universus probavit senatus, quum et metis et Metelli militibus agrum decerneret. Sed eo quidem tempore propter inopiam reipublicae ea largitio dilata est. eadem nunc, beneficio Deorum et opera mea locupletior, et illis praestare promissa, et reliquis reddere fructus communium laborum potest. Haec loquutus, singula legis capita recensens dilaudabat.

Etque defensore pollicetur.

LXXXVI. Id quum cupientissimo populo fieret, adjecit Caesar; Quaero igitur ex te, Magne Pompei, quoniam legem probas, an ei defensor sis fururus, si quam adversarii vim fecerint? simul versus ad plebem, orare Magnum hortabatur. Pompejus, hoc honore valde elatus, quod consul populi Romani atque ipse populus ad auctoritatem privati confugeret, multa de rebus suis magnifice loquutus, postremo dixit, si quis sumere gladium ausus esset, se cum scuto et gladio adfuturum. quo uno dicto nihil umquam exciderat Pompejo immodestius. Et offendeabantur quidem haud perfunctorie optimates. sed, quum haec omnia M. Crasso probarentur, alii quoque minus tetenderunt in re populo gratissima, hisque duobus accesserunt, qui et boni viri, et Caesari non amicissimi putabantur: adhuc enim conspiracyem suam occultabant.

Caesar filiam Pompejo collocat.

LXXXVII. Sed eruperunt paullo post ejus rei manifesta indicia, quum Caesar filiam, Caepioni Servilio, cui desponsa fuerat, cujusque praecipua opera Bibulum impugnaverat, adeptam, Pompejo collocavit; Pompeji filiam Caepioni pollicitus, quamquam et illa sponsum haberet Faustum Sullam. Haec faciebat provinciam cogitans; simul, ne, se absente, Pompe-

Cap. LXXXV. Plut. Caes. et Pomp. Appian. Dio. Cap. LXXXVI. Plut. Caes. et Pomp. Dio. Cap. LXXXVII. Cic. ad Att. 2, 17. Plut. Dio. Sueton. Caes. c. 20. Vell. 2, 44.

jus aliquid novaret per Gabinium, foedissimum adulatorem suum, qui consul in sequentem annum destinabatur. ipse Calpurniam duxit, ut patrem ejus L. Pisonem, quem alterum facturi consulem erant, hac adfinitate pignorum haberet: non dissimulante Catone, talibus nuptiis dotem a republica imperium et exercitus dari. Post hanc adfinitatem Caesar in senatu Pompejum primum sententiam rogare coepit, quum M. Crassum soleret: cujus rei rationem senatui reddendam putavit, quia moris erat, ut, quem quis rogandi sententias Kalendis Januariis instituisset ordinem, eum toto anno servaret: id quoque novo more, quum olim, qui princeps in senatum esset lectus, etiam sententiae dicendae esset princeps.

U. c. 693.

A. C. 59.

LXXXVIII. Ne sic quidem mutavit sententiam Bibulus, quin ope trium tribunorum plebis, Cn. Domitii, Q. Ancharii, C. Fannii, suffultus, legem impediret tanta pervicacia, ut, consumptis omnibus morae causis, ad extremum in singulos consulatus sui reliquos dies ferias indiceret: ne enim feriis coiret populus, legibus vetabatur. Sed Caesar, spreto Bibulo, nihilominus praedixit comitiis legis ferendae causam diem: inque idem tempus Pompejus, jam ducta Julia Caesaris gener, armatis urbem compleverat.

Bibulus legem impedit.

LXXXIX. Adfuit et Bibulus, instigantibus Patribus, qui domum consulis venerant, quod, altero impediente consule, convocari senatus nequibat; ut potius aliena improbitate victus esse, quam sua sponte cessasse, videretur: et per densam multitudinem, quae sivas sub vestibulis ferens forum de nocte occupaverat, ad aedem Castoris, Lucullo et Catone comitantibus, contendit; aliis reverentia potestatis, multis, qui sententiam mutasse crediderant, viam dantibus. Sed, ubi ex superiore loco impugnare legem coepit, tanta est commota seditio, ut ipse de gradibus deturbaretur, cophinus stercore repletus in caput consulis effunderetur, fasces frangerentur, multi comitum, atque inter alios duo tribuni, verberibus vulneribusque afficerentur.

Inde magna seditio exoritur.

Cap. LXXXVII. Plut. Caes. Dio. Appian. Plut. Cat. et Pomp. Appian. Dio. Plut. Sueton. A. Gell. 4, 10. Sueton. A. Gell. 4, 10. et 14, 7. Cap. LXXXVIII. Dio. Cic. pro Sext. c. 53. Dio. Plut. Caes. et Pomp. Cap. LXXXIX. Appian. Civil. l. 2. Dio. Appian. Plut. Pomp. Dio. Sueton. Dio. Appian. Plut. Pomp. et Cat.

U. c. 693. XC. Inter haec Bibulus insigni constantia nudabat
 A. C. 69. jugulum, offerebat, ad caedem magna voce invitabat
Bibulicon- Caesaris satellites, Ego vero, inquiens, si Caesarem,
stantia. ut iuste agat, movere nequeo, id saltem efficiam, ut mea mors
 scelestiarem invisioresque omnibus reddat. Haec vociferan-
 tem in vicinam Jovis Statoris aedem amici rapuerunt.
 Tum in Catonem versus impetus, qui, ut erat juve-
 nis et robusto corpore, per medium agmen via facta,
 quum verba coepisset facere, sublimis a factione Cae-
 saris est elatus. At ille, diversa fori parte recurrens,
 convicia Caesari ingerebat: donec iterum priorem ad
 modum est elatus. Ita per vim perlata lege, jurare
 populum iussit Caesar, perpetuo ratam fore. idem de-
 inde iusjurandum a senatu exegit.

Bibulus do- XCI. Bibulus, aegre vitato exitio, postridie in
mi se conti- curia conqueritur, rescindere acta parat: Pompejo
net. Crassoque resistentibus, plerisque metu aut errore
 quietis, nihil promovetur. Igitur Bibulus, in reliquum
 anni tempus (menses autem octo supererant) domi se
 continens, tantum agenti aliquid Caesari *ferias esse* ob-
Vatinii im- nunciabat per edicta. Sed P. Vatinius, tribunus ple-
probitas. bis levissimus, qui et nuper consulem in vincula du-
 cere conatus erat, viatorem misit, qui eum domo vi-
 extraheret. Nam hic se ad omnia Caesaris cupita si-
 gniferum praestabat, unde Cicero, occultius ad Atti-
 cum de his temporibus scribens, *Arbenionem* vocat, cum
 illo servorum in Sicilia duce vilissimae plebis concito-
 rem Vatinium comparans. Nec ex toto illo collegio
 quisquam illo anno legem tulit, quum nemo non habe-
 ret promulgatas, praeter Vatinium, qui nec auspicia,
 nec Aeliam Fusiamque leges curabat. Ceterum, col-
 legis Vatinii intercedentibus, Bibulus, omissus in prae-
 sentia, nihil postea neque ipse, neque tribuni, qui
 cum eo senserant, publicae rei egerunt.

XCII. Adhuc in legem aliqui senatorum non iura-
 verant, Q. Metellus Celer, exemplum Numidici refe-
 rens, M. Cato, et hujus imitationem adfectans M. Fa-
 vonius. Idcirco Caesar legem tulit, ut, qui certam ante
 diem non jurasset, capitalem fraudem fraudus esset. Hic me-
 tus, an quia lege jam perlata nihil ex sua calamitate

Cap. XC. Appian. Plut. Cat. Cap. XCI. Dio. Sueton.
 Dio. Sueton. Plut. Pomp. Appian. Vell. Dio. Cic. in Vatin.
 c. 9. Cic. ad Att. 2, 12. Cic. in Vatin. c. 7. Dio. Cap. XCII.
 Appian. Plut. Cat. Cic. pro Sext. c. 28.

commodi perventurum ad rempublicam erat, et illos, U. c. 693.
A. C. 59.
et tribunos plebis ad jurandum adegit.

XCH. Sic ille non modo agrum, de quo pugna- *Agrorum
divisiones.*
tum erat, divisit; sed etiam, qui exceptus antea fue-
rat, Campanum Stellatemque extra sortem dedit pa-
tribus familias, quibus terni, aut eo plures, liberi
essent. horum ad viginti millia reperti: et ab eo pri-
mum tempore coloniis Romanis connumerata Capua
est, quum circiter annos centum quinquaginta prae-
fecturae formam nomenque habuisset. His legibus in-
gentem ad populum quaesita gratia, quo equestrem or-
dinem adjungeret, publicanis (erant enim ex eo or-
dine) trientem plebiscito remisit: hactenus enim, re-
sistentibus quibusdam, et praecipue Catone, nihil ab
senatu impetraverant.

XCIV. Sic in ordinem redactis Patribus, reliqua *Caesaris
potentia.*
civitate devincta, quidquid voluit, cui voluit, dedit.
Acta Pompeji, ne ipso quidem ultra renitente Lucul-
lo, quem ita calumniarum metu exterruerat, ut ad ge-
nua sua accideret, nedum aliis, confirmavit: provin-
cias, ut Spintheri Hispaniam, dandas, quibus ipse
cuperet, curavit: de variis rebus ex suo conjurato-
rumque arbitrato leges tulit, de Majestate, de Sacer-
dotiis, de Provinciis, de Repetundis; paratis in quod-
libet populi suffragiis, quae praeter cetera ludorum
et venationum mercede quaesiverat. Totam denique
republicam, latente collega, solus administravit. Un-
de homines urbani, quae gesta eo anno essent, non,
ut solitum, duobus consulibus, sed ejusdem nomine
ac cognomento signabant, *Julio et Caesare consulibus.*

XCV. Hunc rerum statum quum multi gravaren- *Q. Considii
gravitas.*
tur, et aliquando Caesar in senatu de infrequentia
quereretur; Q. Considius, arma nimirum et milites time-
ri, respondit. *Quin igitur te, inquit Caesar, eadem for-
mido continuit domi? Tum ille: Hoc metu senectus me libe-
rat; quae gladiis tuis parvam reliquit vitae, nec dignam cau-
tione, particulam. Inter quae Q. Fuscus Calenus prae-
tor, animadverso, in suffragiis promiscue latis bene
consulta sibi quemque adscribere, deteriorum culpam*

Cap. XCII. Dio. Appian. Cap. XCH. Plut. Cat. Dio.
Sueton. Cic. ad Att. 2, 16. et 17. Appian. Dio. Sueton. Vell.
2, 44. Dio. Cap. XCIV. Appian. Sueton. Dio. Sueton. Caes.
B. Civ. 1. et Cic. ad Fam. 1, 9. Dio. Pigh. Ann. Appian. Sueton.
et Dio. Cap. XCV. Plut. Caes. Dio.

U. c. 693. transferre in alios, legem tulit, uti *singulorum corporum*
A. C. 59. *suffragia seorsim colligerentur*, quo intelligi possit, si non
quid viritim unicuique, nam id ad leges solvendas
tabellarias pertinebat, certe quid cuilibet ordini pla-
cuisset.

*Provinciae
et exercitus
Caesari de-
cernuntur.*

XCVI. Nihil id Caesaris intererat, qui, se prae-
sentibus abunde contentum ferens, quidquid cupiebat,
aliorum opera, nec a plebe solum, sed postea etiam
a senatu, consequabatur. Nam Illyricum Galliamque
Cisalpinam, quam ex omnibus provinciis elegerat, so-
cero generoque suffragantibus, cum legionibus tribus
in quinquennium accepit rogatione Vatinia: mox quar-
ta legio, et, quae trans Alpes est, Gallia senatuscon-
sulto accessit. Verebantur enim Patres, ne, cunctan-
tibus ipsis, et hanc populus daret, qui jam contra le-
gem Semproniam juris hujus usurpationem primam
gustaverat. Neque dissimulavit hujus victoriae gaudium,
paucisque interjectis diebus, frequenti curia, *omnium*
se capitibus illufurum, jactavit: ac, negante quopiam,
facile hoc ulli feminae fore, respondit, *in Assyria quoque*
regnasse Semiramis, et magnam Asiae partem olim paruisse
Amazonibus.

*Caesar re-
ges socios si-
bi conciliat.*

XCVII. Neque contentus domesticis praesidiis, re-
gina sociorum omnibus modis studuit adjungere. Ario-
vistum Suevorum regem, itemque Ptolemaeum, cui et
magnam pecuniae summam crediderat, *socium et ami-*
cum appellandum, et lege et senatusconsulto, foedus-
que cum eo in Capitolio feriendum curavit. Inter haec
consules designati sunt, uti convenerat, L. Piso, A.
Gabinus. Gabinius de ambitu interrogare C. Cato
adolescens cupiebat. Sed, quum per aliquot dies co-
piam sui praetores non facerent, in concionem ad-
scendit Cato, et Pompejum privatus *Dictatorem* appel-
lavit. Unde magnus exortus tumultus est, propiusque
nihil factum, quam ut homo temerarius et nullius
consilii occideretur.

*Vetustitudo.
bas excitat.*

XCVIII. Sed acriores sub idem tempus turbas ex-
citavit L. Vettius, Catilinariae conjurationis index,
qui, subornatus a Caesare, sollicitatum se a qui-

Cap. XCVI. Sueton. Dio. Appian. Plut. Vell. Sueton. Dio.
Oros. 6, 7. Sueton. Cic. in Vat. c. 15. et pro Domo, c. 9.
Sueton. Cap. XCVII. Caes. de B. Gall. 1. Dio, l. 38. Plut.
Caes. Dio, l. 39. Caes. de B. Civ. 3. Cic. pro Sext. c. 26.
Cic. ad Q. Fratr. 1, 2. Cap. XCVIII. Cic. ad Att. 2, 24.
Sueton.

busdam de inferenda Cn. Pompejo et C. Caesari nece dicebat. Et fabula aliquanto aliter, quam ornata putabatur, acta est. Vettius enim cum pugione, servique ejus cum telis in foro deprehendi, mox Vettius indicium profiteri debuerat. Sed ille, quo Curionem adolescentem in suspicionem adduceret, familiaritate ejus adfectata, dixerat sibi certum esse, cum suis servis impetum in Pompejum facere, idque ille ad patrem, pater ad Pompejum detulerat. Erat autem Curioni filio Caesar offensus, quod, aperte triumvirorum nimias opes traducens, adsensum habere multitudinis videbatur, eique ludis Apollinaribus equites stantes plauserant, quum, ingrediente theatrum Caesare, quievisset.

U. e. 693.
A. C. 59.

XCIX. At Vettius, in senatum introductus, fide publica postulata, exposuit, manum fuisse juvenutis, ducem Curione, in qua Paullus initio fuisset, et Q. Caepio Brutus, et Lentulus Flaminis filius, conscio patre. postea C. Septimium, scribam Bibuli, pugionem sibi a Bibulo attulisse. Quod totum irrisum est, Vettio pugionem defuisse, nisi dedisset eum consul: praesertim quum ipse Bibulus Pompejum, ut caveret insidias, monuisset, eoque nomine Pompejus ei gratias egisset. Introductus Curio filius refellit Vettium eo maxime, quod Paullum ille dixerat adferre manus Pompeio voluisse, quo tempore Paullum constabat fuisse in Macedonia. Fit senatusconsultum, uti Vettius, quod confessus esset se cum telo fuisse, in vincula conjiceretur: qui eum emisisset, eum contra rempublicam esse facturum.

C. Non obstitit senatusconsultum Caesari, quo minus postero die produceret in rostra Vettium, et, tribuno plebis P. Vatinius secundas agente, dicere juberet ex eo loco, ad quem consuli Bibulo non licebat accedere, quemque Caesar in praetura Q. Catulo praecluserat. Igitur Vettius auctores impulsoresque sceleris nominavit M. Bibulum, C. Curionem cum filio, L. Paullum, qui tum quaestor in Macedonia aberat: praeterea L. Lucullum, L. Domitium, quos in senatu tenuissima quidem suspicione adperserat. Contra Caepionem, quem ibidem acerrime nominaverat, in foro omisit; ut appareret noctem et nocturnam depreca-

Subornatur
a Caesare.

Cap. XCVIII. Cic. ad Att. 2, 18. et 19. Cap. XCIX. Cic. ad Att. 2, 24. et in Vatin. c. 10. Cic. ad Att. Cap. C. Cic. in Vatin. et ad Att.

U. c. 693. tionem intervenisse Serviliae, quae mater Caepionis A. C. 59. cum Caesare habere consuetudinem putabatur. Ciceronem non nominavit, sed dixit, *Consularem disertum, vicinum consuli, sibi dixisse, Abalam Servilium aliquem, aut etiam Brutum opus esse opperiri.* Deinde, quum jam descendisset de Rostris, colloquutus cum eo Vatinius revocavit, interrogavitque, *ecquosnam alios posset nominare?* tum ille C. Pisonem generum Ciceronis, et M. Laterensem consocios, edidit.

Occiditur.

*Caesar
praesidium
sibi circum-
dat.*

CI. Quamquam in his multa erant, quae falsum indicium proderent, tamen promulgata lex est a Vatinio, *ut Vettio praemia decernerentur; deque nominatis ab eo quaestio haberetur.* Interim Vettius, apud Crassum Divitem de vi postulatus, quum fraudis architecti consilii tam praecipitis eventum desperarent, in carcere occisus est: Caesare suspicionem in alios transferre niso, quamquam ipse necis auctor crederetur. Impetravit tamen ab addicta plebe, ut illius voluntate jussuque praesidium sibi circumdaret: verbo adversus insidias; revera, ut opprimendis inimicis se muniret.

CII. Erat plane miserabilis temporum status, quum paterentur homines, quae nollent, omitterent mederi, quum possent, et tamen ne taciti quidem sortem suam indignarentur. Ludis Apollinaribus maxime perspecta populi voluntas est: quum neque Caesari praesenti plausum, et in Pompejum (coloniam enim Capuam deducebat) petulantissime invectus Diphilus tra goedus ita placuit, ut saepius a populo juberetur repetere: *Nostra miseria tu es magnus, et, Virtutem istam, veniet tempus, quum graviter gemes.* Edicta vero Bibuli, probrorum in illum et Caesarem plena, tam erant jucunda populo, ut locum, ubi proponebantur, prae multitudine legentium, transire nemo posset.

*C. Antonius
damna-
tur.*

CIII. Quum ista maxime fierent, C. Antonium ex provincia reversum accusatores corripuerunt L. Caninius Gallus, Q. Maximus Aemilianus, et M. Coelius admodum adolescens, apud Cn. Lentulum Clodianum. Catilinariam conjurationem objiciebant: nec eo crimine convictus, ob alia, quae proprie in iudicium deducta non erant, est condemnatus, male gestis in

Cap. CI. Sueton. Dio, l. 38. Cicero. Appian. Cap. CII. Cic. ad Att. 2, 20. Cic. ad Att. 2, 19. Val. Max. 6, 2. Cic. ad Att. 2, 21. Cap. CIII. Val. Max. 4, 2. Cic. in Vatin. c. 11. et pro Coel. c. 31. Cic. pro Coel. c. 7.

Thracia rebus. Macedoniam provinciam obtinuerat, eoque, statim ut in agro Pistoriensi victus fuerat Catilina, cum laureatis fascibus profectus (quae res post eventum in omen tracta est, quasi victoriam hostibus, ad quos laurum victricem tulerat, portendisset) multa sociis finitimisque, tum adhuc pacatis, incommoda per avaritiam intulerat.

CIV. Non tulerunt Dardani praedas ex suis finibus agentem: suoque et vicinorum contracto exercitu ivērunt obviam. Sed ille, non ausus exspectare, quos laceSSiverat, tamquam ad alia praevertens, cum equitatu profugit. pedestres copiae caesae fugataeque sunt. praeda omnis amissa. Simili causa eventusque commovit timuitque Mysiae bellum, postquam ad Istrionorum urbem Scythae Bastarnaeque incolis auxilio advennerant. Hujus damnatione Catilinae sepulcrum floribus ornatum, iustaque ei a perditissimis hominibus facta sunt. Ipse Cephalleniam legit exsilii sedem, ibique urbem instituit condere, totam insulam tamquam suam possessionem tenens: ut jam tum appareat, majora fuisse exsulum viatica, quam fuerint principum antiquorum patrimonia. Hujus deinde filiam accusator ejus Caninius duxit.

CV. Sed Antonium, in consulatu collegam, Cicero defenderat, quamquam adpersum se suspicione gravatus, quod inter rapinas suas partem quaeri Ciceroni jactaverat. In eo iudicio forte quaedam de praesenti reipublicae statu questus erat Cicero, quae, ad Caesarem Pompejumque delata, graviter eos offenderunt. Et erat jam ante iratus Ciceroni Caesar, quod in viginti viris dividendo agro Campano esse nolisset. magnum enim inimicitiarum argumentum putabatur edere, qui ne honorem quidem delatum ab illo accipere vellet. Igitur nihil ultra cunctandum rati, ut simul potentiam suam vimque adversariis ostentarent, eadem adhuc die horaque nona, quum illa sub sextam a Cicerone dicta essent, acerbissimum ejus inimicum P. Clodium ad plebem transduxerunt.

CVI. Id olim agitabat Clodius, sed, varie frustrato proposito, nihil dum promoverat. Nuper autem Q. P. Clodius traducitur ad plebem.

Cap. CIII. Dio. Liv. Epit. Jul. Obseq. Dio. Cap. CIV. Cic. pro Flacco, c. 38. Strabo, l. 10. p. 455. Val. Max. 4, 2. Cap. CV. Dio. Cic. ad Att. 1, 12. Cic. pro Domo, c. 16. Dio. Sueton. Cic. ad Att. 2, 19. et 9, 2. et de Prov. Cons. c. 17. Vell. 2, 45. Cic. ad Att. 9, 2. Cap. CVI. Dio. Sueton.

U. c. 643. Celer, qui fortissime proposito Clodii restiterat, morte subductus erat, tam opportune et velociter, ut scelus uxoris, quae fratri et in aliis nimis dicebatur esse morigerata, plerique suspicarentur. Tum vero, agente Caesare, inventus est P. Fonteius quidam ex plebe Romana, qui lege curiata Clodium adoptaret, statimque emitteret manu: quod per se evidens erat elusarum legum commentum, et sanequam rationi et juri repugnans, quod major natu Clodius a minori adoptabatur. Exhinc multa injecta sunt in rempublicam et integerrimos quosque custodes ejus fulmina, patefacto ad tribunatum aditu, quem mox petiit Clodius; et designatus est.

M. Laterensis laudabile factum. CVII. Petierat et M. Laterensis egregius adolescens, sed, quia lex de agro Campano execrationem habebat in cōtione candidatorum, si mentionem fecerint, quod aliter ager possideatur, atque ex legibus Julii, petere destitit, ne juraret. Post Antonii damnationem reus ex Asia L. Valerius Flaccus ab eodem Cicerone apud T. Vettium feliciter est defensus, et opportunitate joci cujusdam absolutus. Eodem quoque patrono his hoc anno judicium suffragiis liberatus est A. Minucius Thermus. Inito deinde tribunatu P. Clodius M. Bibulum, verba facere in deponendo magistratu incipientem, prohibuit, et sollemni jurejurando jussit esse contentum.

Judi in Germaniam capti. CVIII. Eodem anno Q. Metello Celeri, quum in Galliam proconsule profectus esset, rex Suevorum Ariovistus homines quosdam ex India dono dedit, qui, quum e patria commercii causa navigarent, tempestatibus erant in Germaniam abrepti. Marcius Philippus, qui Syriam ex praetura obtinebat, cum Arabum praedonibus, provinciam incursantibus, parum prospere bellum gessit: alioquin etiam haud optima fama agendo, ut clarissima C. Octavius; qui Macedoniae non minore iustitia, quam fortitudine, praeerat. Atque is, Bessis, ferocissimis Thracum, magno proelio fuis, Imperator appellatus est.

Cap. CVI. Cic. pro Domo. Supra, c. 62. Cic. pro Coel. c. 24. Cic. pro Domo, capp. 13. et 14. Cic. pro Sext. c. 7. Plut. Caes. et Cic. Cap. CVII. Appian. Cic. ad Att. 2, 18. Cic. pro Flacco, c. 38. Id. ibid. c. 34. Macrobian. Sat. 2, 1. Cic. pro Flacco, c. 39. Dio. Cap. CVIII. Plin. 2, 67. et Pomp. Mela 3, 5. Appian. Syriac. Cic. ad Q. Fratr. 1, 2. Sueton. Aug. c. 3. Vell. 2, 54.

CIX. At Clodius, omni ad opprimendum Ciceronem intento nisu, favorem sibi ordinum prius parandum rogatione ratus, annonariam legem, itemque a-
 liam de instaurandis collegiis tulit, triduo postquam L. Calpurnius L. F. L. N. Piso Caesonius, A. Gabinus, A. F. consulatum inissent. Erant haec summe popularia. nam frumentum populo, quod antea semissibus et trientibus in singulos modios dabatur, gratuitum fiebat: et collegia non tantum, quae senatus sustulerat, restituebantur; sed multa praeterea, quae numquam fuerant, ex faece plebis constituebantur. Ut autem senatu placato uteretur, (nam consules, Pisoni Macedonia, Gabinio Syria, datis provinciis, emerat) tulit, ne quem censores in senatu legendo praeterirent, neve notarent, nisi qui apud eos accusatus, et utriusque censoris sententia damnatus esset. Ne autem cum plebe acturo de coelo servantium obtinatio noceret, unam maximam perniciosarum legum remoram, Fusiam et Aeliam leges, quae erant de auspiciis latae, abrogavit; cauto, ne quis magistratus per eos dies, quibus tribunus plebis cum populo ageret, de coelo servaret. Nam antiquitus obtinebat, ut, quum plurimum auguriis ominibusque Romani tribuerent, infinita haberent singulis negotiis, ut putabant, significantia eventum. Sed augurium de coelo praecipuum habebatur, idque semel captum in totam eam diem et ad omnia negotia valebat. Eadem rogatione Clodii comprehensum, ut omnibus fastis diebus legem ferre liceret, etiam intercessione sublata: ne quid divini humanive juris morari praecipitem hominis furorem posset.

U. c. 693.
 A. C. 59.
Clodii perniciosae leges.
 U. c. 694.
 A. C. 58.
 L. Calpurnio, A. Gabinio cons.

CX. Nec fallebat Ciceronem, adversus se omnes istas machinas comparari; quapropter L. Mummius Quadratum tribunum plebis invenit, qui Clodianis actionibus omnibus intercederet. Hic et Kalendis Januariis, quum in id tempus Compitalitiorum dies incidisset, Sex. Clodium, operarum Clodianarum ducem, prohibere tentaverat, ne ludos faceret: et P. Clodio se adversarium ubique intendebat.

Cicero resistit Clodio.

CXI. Idcirco Clodius et, qui occulte in perniciem Ciceronis conspiraverant, Pompejus atque Caesar, do-

Sed deo Clodii vestitur.

Cap. CIX. Marmor, apud Pigh. Plut. Cic. Dio. Cic. in Pis. c. 9. et ibi Ascon. Cic. passim in Orat. Dio. Cic. passim. Ascon. in Pis. Dio. Cic. post Redit. in Sen. et de Har. Resp. et pro Domo, etc. Cap. CX. Cic. in Pis. c. 4. et ibi Ascon. Dio. Cap. CXI. Vell. 2, 54.

U. c. 694. lum instruant. Pompejus, cui Cicero fidem habebat,
 A. C. 58. Clodium a se, uti ne in tribunatu contra Ciceronem faciat
 quidquam, omni cautione, foedere, exsecratione devinctum,
 confirmat; praeterea praeclare atque magnifice omnia
 pollicetur. his uti color constaret, ipse jam Clodius
 remissius leniusque inceslere Ciceronem: magis incu-
 sare Terentiam; saepe desiderium instaurandae gra-
 tiae profiteri. Ita decepto Cicerone, et quiescente
 Mummio, leges istae perferuntur.

*Ciceronis
 periculum.*

CXII. Continuo promulgatur, uti aqua ignique inter-
 diceretur eis, qui civem indemnatum occiderent, occidissent.
 Hoc crimine, si crimen esset, totus senatus teneba-
 tur: sed Cicero, solum se aut primum peti gnarus,
 qui Lentulum ceterosque Catilinariae conjurationis an-
 tesignanos de sententia senatus supplicio adfecerat,
 priusquam cum eo nominatim agi coeptum esset, ve-
 stitu mutato, populum rogare coepit: quod consilium,
 sejuncta causa sua, perniciosum fuisse, postea ipse
 agnovit.

*Cura pro eo
 senatus.*

CXIII. Mutavit cum eo vestem omnis pene Roma-
 norum equitum multitudo: nec minus viginti millia
 juvenum, promisso capillo, cum eo circumibant roga-
 bantque, P. Crasso M. F. auctore ac duce. Sed om-
 nibus viis, qua incederet, Clodius cum ingenti perdi-
 torum hominum agmine occurrebat, perculso insul-
 tantium, lapidesque et coenum in eum jactantium. Se-
 natus quoque vestem mutare populum, velut in publico lu-
 cro, jubebat: sed consules refragabantur, et cum ar-
 matis curiam obsidens Clodius. Sic quoque erupit
 magna pars Patrum, scissis vestibus, invidiam adver-
 sariis cum clamore cientes.

CXIV. At, ubi ne ista quidem tam lamentabilis fa-
 cies, ad movendum aut misericordiam plebis, aut pu-
 dorem, satis efficax fuit; cedendumque urbe Cicero-
 ni, aut pugnandum armis apparuit: tum Cicero, cre-
 scente anxietate, intentius etiam rogabat primores ci-
 vitatis, noctu atque interdium circumiens domos. Sed
 ceteris plus voluntatis, quam potentiae, aderat: Cras-
 sus palam oppugnabat eum: Pompejus atque Caesar

Caesaris et

Cap. CXI. Cic. ad Att. 2, 19. et 20. et pro Sext. c. 7. Dio.
 Plut. Cicer. Cap. CXII. Dio. Plut. Vell. Liv. Epit. Dio.
 Plut. Appian. Cic. ad Att. 3, 15. Cap. CXIII. Plut. Cic.
 post redit. ad Quir. c. 3. Plut. Crasso, Appian. Plut. Cicer.
 Cap. CXIV. Dio. Plut. Dio.

scelestius tegebant odia, quam fovebant, certique illum perdere, quo magis illicerent in fraudem, quamquam ipsi unanimes, discordia consilia dabant. Caesar secum ire jubebat in Gallias, legatione oblata, sic honeste declinaturum pericula. Pompejus id quidem magnopere dissuadebat, fugam appellando, neque consilium aliunde, quam ab inimico animo, profectum subinnuens. *Quin ille pro se atque jenatu fortiter propugnaret. nec suum ei, nec ceterorum bonorum auxilia defutura, quibus haud aegre superaturus Clodium esset.* Accessit haud invitus huic sententiae Cicero, semper in Pompejum pronior. praeterea opes ejus, quibus supra omnes eminebat, intuitus, per hunc maxime retineri Clodium posse putabat, qui adfinis ei per Muciam, et sub ejus imperio diu in exercitu fuerat. Consules autem, Gabinium quidem totum noverat esse Pompeji; Pisonem non inhumanum, et propter adfinitatem sui studiosum rebatur.

U. c. 604.

A. C. 58.

*Pompeji
fraus.*

CXV. Ergo, resumpta fiducia, se parabat ad pugnam, multorum adjutus insignibus studiis. Nam per ea tempora equites Romani, frequentes in Capitolio congressi, deprecatores ad consules et senatum quum alios ex suo ordine, tum principes civitatis Q. Hortensium, C. Carionem miserunt. L. Mummius tribunus plebis praeter alia, quae studiose pro Cicerone factitaverat, etiam plebem ad vestem mutandam est adhortatus: quod senatores itidem plerique fecerunt, donec edicto consulum ad vestitum redire compulsi sunt. Major enim adversariorum potentia fuit: et, intercessione sublata, parum L. Mummii valebat auctoritas: et equites per Gabinium consulem aditu curiae sunt prohibiti: L. etiam Aelius Lamia, quod vehementius insliterat, relegatus: Hortensius et Curio, ad populi concionem a Clodio rapti, per homines ad id praeparatos contumelias et verbera, susceptae legationis praemium, retulerunt.

*Aliorum
studia in
Ciceronem.*

CXVI. Igitur, rebus ad extrema deductis, Cicero ipse, aut per amicos, Pompejo supplicabat. Ille, quo pudorem improbe deserti amici saltem absentia tegetet, in Albano degebat. Eo primum Ciceronis gener

*Pompejus
Ciceronem
deserit.*

Cap. CXIV. Cic. ad Att. 2, 18. et 19. Plut. Dio. Flor. 4, 2. Dio. Cic. ad Fam. 5, 2. Dio. Cap. CXV. Cic. ad Q. Fratr. 1, 2. Cic. ad Att. et in Pis. c. 8. et pro Sext. c. 11. Dio. Cic. in Pis. c. 8. Dio. Cic. in Pis. c. 27. et pro Sext. c. 12. et pro Mil. c. 14. Dio. Cap. CXVI. Plut. Cic.

U. c. 694. C. Piso, deinde ipse quoque Cicero venit; quum ille
 A. C. 58. hominis ante amicissimi, et qui pro se multas conten-
 tiones suscepisset, vultum non sustinens, ne in con-
 spectum veniret, per alias fores se subduxit. Postre-
 mo accesserunt ad eum L. Lentulus tum praetor, Q. Fa-
 bius Sanga, et ex consularibus L. Torquatus, M. Lu-
 cullus. Sed remissi sunt ad consules, negante Pom-
 pejo, se, nisi relatum ea de re, senatusque consultum factum
 esset, arma capiturum. Itur ad consules, quorum non
 erat ignota Pompejo sententia. Gabinus duriter re-
 spondet: lenius in speciem, sed eodem animo, L. Pi-
 so, nihil opus esse conventionem: posse iterum a Cicerone serva-
 ri rempublicam, si cedat. ni faxit, infinitam caedem, et ipsi
 inevitabile periculum fore.

*Sensus prin-
 cipum in pe-
 riculo Cice-
 ronis.*

CXVII. Jam dies a Clodio perferendae legi dicta
 aderat, et concio, quo Caesar, qui jam paludatus
 profectus ex urbe fuerat, interesset, extra pomperia
 habebatur. Ibi producti ad populum consules, et in-
 terrogati, quid de lege sentirent? Piso respondit, num-
 quam sibi placuisse crudelitatem: Gabinus non Ciceronem
 modo, sed etiam equites ac senatum incusavit. Cae-
 sar deinde iussus dicere, Lentulum, Cethegumque, et ce-
 teros jure necatos videri, negavit: neque obscurum cuiquam
 esse, quid de ea causa semper sensisset. poenam tamen ejus
 facti non probare: praeterita mala oblivione sepelienda. At
 Crassus, quamquam filium suum, quam posset, opem
 ferre Ciceroni pateretur, ad populi sensum, ut sole-
 bat, adcommodavit orationem. Pompejus, ore magis,
 quam animo, verecundo, per simulationem aliorum
 negotiorum abfuit.

*Cato in Cy-
 prum profi-
 cisitur,*

CXVIII. Inter haec Ciceronem consilii incertum
 Lucullus vim vi repellere hortabatur: ceteri, et ma-
 xime M. Cato, Q. Hortensius, Q. Arrius, bellum ci-
 vile abnuebant. Cato tum in Cyprum proficiscebatur
 arte tyrannorum, qui, non nisi duobus his publicae
 libertatis amotis adsertoribus, consiliorum suorum,
 qualem volebant, eventum opperiebantur. Neque enim
 dubio illorum impulsu P. Clodius, de Ciceronis op-
 pressionem desperans, donec in urbe Cato esset, hanc
 ejus

*Artibus P.
 Clodii.*

Cap. CXVI. Cic. in Pis. c. 31. Plut. Cic. in Pis. Dio. Cap.
 CXVII. Cic. in Pis. c. 6. Dio. Cic. post red. in Sen. c. 5.
 Dio. Sallust. Incert. 1. Dio. Cap. CXVIII. Plut. Dio. Cic.
 ad Q. Fratr. 1, 3. Cic. pro Domo, c. 9. Plut. Cat. Dio, Cic.
 pro Sext. c. 28.

ejus per speciem honoris admolendi astutiam est commentus.

U. c. 694.
A. C. 58.

CXIX. In Cypro Ptolemaeus regnabat, omnibus contaminatus morum vitiis. ceterum nec id ad populum Romanum pertinebat; neque is erat Clodius, ut alienas vitas, omni ipse turpitudine coopertus, castigare deberet. Sed ille Ptolemaeum oderat, quod se captum a piratis redimere neglexisset; promulgabatque de Cypro ei adimenda. Magna paupertas erat tum aerarii, magna Cypriarum opum fama: civitatis corrupti mores, populus injustus, principes avari. his omnibus de causis injustissima rogatio cupide accepta est.

CXX. Ea de re cum Catone, non multo post initum *Catonis cum* tribunatum, colloquutus, *ei se curationem illam daturum, Clodio jur-* dicebat, *quem Romanorum omnium innocentissimum, ideoque* beneficio illo dignum arbitraretur. Reclamante Catone, *se vero insidias et injuriam, non beneficium, Clodii agnoscere;* tum ille arroganter et aspere, *Quando igitur volentem,* inquit, *emittere nequeo, nolentem expellam.* continuoque profectus in concionem legem tulit, uti Caro quaestor cum jure praetorio, adjecto etiam quaestore, ad exuendum regno Ptolemaeum in Cyprum mitteretur: idemque Byzantinorum reduceret exsules. quo nimirum diutius absens in tribunatu grassandi locum Clodio daret.

CXXI. Hoc igitur tam firmo propugnaculo quum *Cicero in ex-* se destitutum Cicero reputaret, signo Minervae, quod *silium abis.* diu habuerat domi, in Capitolium cum inscriptione *Custodis Urbis* posito, nocte profectus ex urbe, deducente amicorum praesidio, Sículos petiit, publice privatimque devinctos plurimis beneficiis, et quia provinciam eam C. Virgilius obtinebat, vir meliorum partium, et vetusta amicitia Ciceroni conjunctus. In illo itinere, dum in villa quadam Atinatis agri diversatur, primam ei meliorum temporum spem oblatus per quietem C. Marius cum laureatis fascibus obtulit; a quo, consulatus insignibus ornato, interrogari se putavit, *quid ita tristis incerto itinere pergeret?* deinde proximum sibi lictorem ab eo datum, qui se in monumentum Marii

Cap. CXVIII. Vell. 2, 45. Cap. CXIX. Strabo, l. 14. p. 684. Vell. Dio. Plut. Marcellin. 14, 27. Flor. 3, 9. Cic. pro Sext. c. 27. Cap. CXX. Plut. Vell. 2, 45. Plut. Cap. CXXI. Dio. Cic. pro Domo, c. 57. Plut. Cic. Dio. Cic. pro Planc. c. 40. Val. Max. 1, 7. Cic. de Divin. l. 1. c. 28.

Supplem. Liv. Tom. XIII.

N n

U. c. 694. deduceret, adjecto, *in eo salutem fore*. Id somnium
 A. C. 58. quum fugae comiti Sallustio narrasset, *reditum ei cele-*
rem et gloriosum paratum esse, Sallustius exclamavit. Et
 eventu comprobata rem ferunt: idque senatusconsul-
 tum, quo reditus Ciceroni procuratus est, in aede Jo-
 vis Mariana factum esse.

*Q. Ciceronis
 somnium de
 fratre.*

CXXII. Sub idem tempus obtinenti Asiam fratri
 Ciceronis Quinto visus per quietem Marcus erat equo
 ad ripam magni fluminis advehi: deinde lapsus in flu-
 men disparere; postremo redditus esse moerenti lae-
 tus, eodemque equo adversam adscendisse ripam, et
 venisse in fratris amplexus. Cognito Ciceronis dis-
 cessu, Clodius exilium ei scivit, aqua et igni inter-
 dicto, vetitoque, *ne a quoquam intra quingentesimum ab*
urbe milliare tecto reciperetur. si quis intra eos fines ipsum,
aut a quo receptus tecto esset, occidisset, ut impune esset.
 quae tanto omnium metu perlata rogatio est, ut etiam
 strenuissimi quique Ciceronis defensores adsentiren-
 tur. Senatus tamen publice regibus civitatibusque
 commendavit virum.

*Senatus Ci-
 ceronem com-
 mendat pu-
 blice.*

CXXIII. Ob eam rem, et propria merita famam-
 que, plurimorum obviis studiis exceptus adjutusque,
 tamen, quum Vibonem venisset, a Vibio, quem mul-
 tis adfecerat beneficiis, praefectumque fabrum habue-
 rat in consulatu, domo exclusus, etiam a C. Virgilio
 literas accepit, abstinere Sicilia jubentes. igitur, a
 Brundisio transmittens, ventoque rejectus, iterato
 cursu Dyrrhachium tenuit. ibi, quia inter exscenden-
 dum terra tremuerat, et reciprocaverat aequor, ce-
 lerem ei reditum vates praedixerunt. Ipse tamen tri-
 stis et abjectus animo, quamquam Graeciae civitates
 studiis in eum certabant, privatimque amicorum offi-
 cia supererant; non aliorum consolationibus, non sa-
 pientiae monitis, quamquam id studium praecipue ja-
 ctare solitus, adlevabatur.

*Clodius in
 Pompejum
 insurgit.*

CXXIV. Interea Clodius bona ejus subjecerat ha-
 stae, nec sectorem reperiebat. incendit ergo villas,
 diruit, velut publicatam, domum, area Libertati con-

Cap. CXXI. Val. Max. Cic. pro Sext. c. 54. Cap. CXXII.
 Cic. de Divin. Plut. Dio. Cic. pro Domo, c. 18. Plut. Dio.
 Cic. ad Att. 3, 4. Cic. ad Fam. 14, 4. Dio. Appian. Cap.
 CXXIII. Cic. pro Planc. c. 32. Plut. Cic. pro Planc. c. 40.
 Plut. Cic. ad Att. ad Terent. ad Q. Fratr. Plut. Cap. CXXIV.
 Dio. Appian. c.

secreta. Haec omnia quum, territis optimatibus, tam celeriter ex voto confecisset; praefidens animo, neminemque superiorem potentia ratus, in Pompejum insurgere, et ipsius sollicitare acta coepit. Praeterea Tigranem, qui ductus in triumpho tum adhuc in custodia apud L. Flavium amicum Pompejo detinebatur, acceptis pecuniis, liberavit emisitque. Erat eo anno praetor L. Flavius, a quo forte super coenam Clodius petiit, ut *Tigranem adduci juberet*, cupidum se videndi ejus simulans. Adductum deinde collocavit in convivio, neque Flavio statim, neque postea Pompejo repetenti reddidit: sed apud se aliquamdiu habitum imposuit in navem, et profugere jussit. Sed ille, tempestate relatus, quum a Sex. Clodio missu tribuni receptus ad urbem reduceretur, Flavius, re cognita, ad eum diripiendum excucurrit. ad quartum ab urbe lapidem pugna facta, multi ex Clodianis, plures a parte Flavii ceciderunt, inter quos et M. Papirius, eques Romanus, publicanus, familiaris Pompeji. Flavius sine comite Romam vix perfugit.

U. c. 604.
A. C. 58.

CXXV. Tum demum deserti Ciceronis poenitentia Pompejum subiit, dolentem ita sibi cecidisse nequiter omnia, ut cliens modo suus Clodius ad se opprimendum tribunatus a se restituti viribus abuteretur: statimque coepit revocandi Ciceronem agitare consilia. estque eo res perducta, quum, atrociter repugnante Clodio, perfici nihil posset, ut tamen senatusconsultum fieret, *ne quidquam prius publicae rei, quam de reditu Ciceronis, decerneretur.*

Inde Pompejus Ciceronem revocare audet.

CXXVI. Ob eas res quotidiana in urbe proelia fiebant, Pompejum Gabiniumque consulem, qui pro Pompejo stabat, foedissimis conviciis proscindente Clodio. multi mortales inter eas rixas verberati vulneratique sunt: fascies consulis fracti, bona a tribuno consecrata. Contra L. Mummius, adjutus a collegis septem, resistebat acriter. Hic enim Kalendis Junii de reditu Ciceronis retulit, (quae res intercessione P. Aelii Liguris est sublata) et bona P. Clodii, illius exemplo, Cereri consecravat.

Hinc in urbe proelia.

Cap. CXXIV. Cic. pro Domo, c. 43. Plut. Cic. pro Domo, c. 25. Ascon. in Milon. Plut. Pomp. Dio. Ascon. Cic. pro Mil. 7. et 14. Ascon. Cap. CXXV. Vell. Plut. Cic. Dio. Plut. Cic. ad Att. 3, 24. et in Pis. c. 13. etc. Dio. Cap. CXXVI. Cic. in Pis. c. 12. Dio. Cic. pro Domo, c. 47. Cic. pro Sext. c. 31. et 32.

U. c. 694.
A. C. 58.
*Pompejus
domi suae
obsidetur.*

CXXVII. Pompejus, sive contumeliarum impatiens, quod a Clodianis in medio fore saepe conviciis spurcissimis exagitatus erat; sive metu insidiarum, post deprehensum in turba cum gladio Clodii servum; quamdiu fuit in tribunatu Clodius, domi suae se tenuit. Ibi quoque obsessus est ab homine audacissimo, liberto Clodii, Damione, qui et L. Novium tribunum plebis ferro vulneravit. Sed, nec a Caesare vellicando Clodius abstinens, leges Julias contra auspicia latus in concionibus jactabat; quamquam in his esset curiata illa, qua adoptio Clodii continebatur: interrogabatque productum in rostra M. Bibulum, *utrumne, leges ferente Caesare, semper de coelo servasset?* interrogabat augures, *quae ita lata essent, rectene lata essent?*

Motus Helvetiorum.

CXXVIII. Interea Caesar, qui proficisci noluerat, donec relegatos a republica Ciceronem Catonemque vidisset, alterius ingenium, alterius animum, non fraude, non vi superabilia, metuens, sub initium Aprilis in provinciam iit. Pacatissima ibi erant omnia, minime ex voto Caesaris; qui, rebus turbatis, ex ditissimis nationibus praedam, et de pugnacissimis materiam triumphorum quaerebat. Igitur de motu Helvetiorum laetus audivit; qui, ab Orgetorige principe gentis incitati, quamquam illo defuncto, consilium, cujus auctorem damnaverant, exsequuti, incensis sedibus suis, alias quaesitum ad ripam Rhodani contendebant.

Eorum migrationem interpellat Caesar.

CXXIX. His Caesar auditis, tanta festinatione pergit iter, ut octavo die, quam erat ab urbe profectus, ad Rhodanum flumen perveniret. cujus adventu cognito, legatos Helvetii mittunt petitem, ut sibi per provinciam eundi copiam faciat, sine maleficio transiuris. Caesar, quasi deliberabundus, reverti legatos ante diem Idus Apriles jubet. interim contrahit strenue copias, provinciae indicit delectum, murum fossamque a lacu Lemano ad montem Juram ducit, quo Helvetiis, Rhodanum ad Genevam transmissuris, iter praecluderet. Igitur illi, quum se delusos intelligerent, et vim tentantes repellerentur, per Sequanos et Aeduos in Santonum fines penetrare instituunt. Hoc im-

Cap. CXXVII. Cic. pro Domo, c. 48. Plut. Pomp. Cic. pro Mil. c. 14. et de Har. Resp. c. 23. Ascon. in Mil. Cic. de Har. Resp. c. 28. et pro Domo, c. 15. CXXVIII. Plut. Caes. Caes. de B. Gall. 1. Dio. Sueton. Caes. c. 22. Appian. Celtic. Dio. Caes. Oros. 6, 7. Cap. CXXIX. Caes. Plut. Caes. Flor. 3, 10. Plut. Caes. Dio. Caes. Liv. Epit. Caes.

pediturus Caesar, T. Labieno legato ei munitioni, quam ad Rhodanum fecerat, imposito, celeriter in Italiam regressus, duas legiones novas conscribit, easque cum tribus, quae circa Aquilejam hiemabant, per Alpes non sine certamine transducit in Galliam.

U. c. 694.
A. C. 58.

CXXX. Inter haec Helvetii, Aeduorum agros populando, coëgerunt illos, Ambarrosque, et Allobrogum, quae trans Rhodanum colebat, partem, auxilium a Caesare petere. Nec abnuitt ille, quo potius, his sociis, bellum adversus Helvetios, quam, neglectis et alienatis, adversus hos simul illosque, gereret. Ad Ararim sive Sagonam (utroque enim nomine appellatur flumen) prima commissa pugna est: ubi quarta ferme pars Helvetiorum, (pagus Tigurinus erat) quum ceteri amnem transissent, a Caesare profligata est. Ceteri per Diviconem legatum, qui bello Cassiano dux Helvetiorum fuerat, pacem a Caesare postulando verius, quam petendo, conditiones ferebant, *uti sibi sedes constitueret: ibi futuros, ubi ipse voluisset.* recusanti minas ingerunt, pristinarum populi Romani cladum admonent, *neque magni facere ostendunt, quod nocturno Caesaris furio partem suorum desiderant: virtutes reparaturos, quod hostili dolo damnum capium sit.* Caesar, ad haec dato, quali opus erat, responso, *si quidem dent obsides, facturum, quae peterent, ostendit.* Helvetius contra, *sic se a maioribus suis institutos, ut obsides accipere, non dare, consueverint.*

Tigurinorum clades.

CXXXI. Sic abjecto pacis negotio, quum hostes progredierentur, Caesar sociorum equitatum praemitit, exploraturum hostium iter. Quatuor millia equitum erant, qui, numero confisi, cum longe paucioribus Helvetiis alieno loco pugnam conseruerunt. paucis cadentibus, fit fuga a Dumnorige, praefecto equitatus, quem Aedui auxilio Caesari miserant, quique, Orgetorigis ducta filia, clam rebus Helvetiorum studebat.

Helvetii Caesaris equites fundunt.

CXXXII. Helvetii, quod eorum equites quingenti admodum multitudinem tantam fuderant, maiore cum fiducia coepta prosequuntur. Subsequitur iter facientes cum suis copiis Caesar, ita ut, per dies praeterpropter quindecim, inter novissimum hostium et primum illius agmen, non amplius quinque aut sex milibus passuum interesset. Quum ita ad duodevicesi-

Deinde ipsum petunt.

U. c. 694. mum milliare ab oppido Aedunorum Bibracte perven-
 A. C. 58. tum esset, Caesar, rei frumentariae causa eo digres-
 sus, opinionem injecit hosti, timore correptos Roma-
 nos, et adversi proelii memoria discedere. Igitur,
 omisso itinere, insequi Caesarem atque laceessere coe-
 perunt. Ille, subductis in collem copiis, dum aciem
 instrueret, equitatum ad sustinendos hostes emittit:
 sarcinas in summo colle unum in locum conferri, eum-
 que ab auxiliariis copiis, ad viginti hominum millia
 erant, duabusque nuper conscriptis legionibus muni-
 ri jubet. Interea Helvetii, cum omnibus suis carris
 aggressi, postquam seorsim impedimenta collocassent,
 rejecto Caesaris equitatu, ad collem instructa phalan-
 ge processerunt.

*Sed commis-
 so proelio
 vincuntur.*

CXXXIII. Caesar, suo primum equo, deinde om-
 nium, e conspectu amotis, ut aequato periculo spem
 fugae tolleret, quatuor veteranis legionibus proelium
 committit. Ab hora septima usque ad vesperam ita
 certatur, ut terga neutri verterent: Helvetii, pars
 major, in montem se quemdam reciperent, vulneri-
 bus onerati: Boji Tulingique ad impedimenta carros-
 que se referrent. In hos ad mediam usque noctem
 pugnatum, non viris tantum, sed feminis atque pue-
 ris, acerrime se defendentibus. postremo tamen capta
 impedimenta, et cum his Orgetorigis filia, atque unus
 e filiis ejus. Hostes, qui proelio superfuerunt, ad
 centum triginta hominum millia, quamquam labore et
 vulneribus fessi, tota nocte continenter ierunt: et
 quartum intra diem in fines Lingonum sunt delati.
 Caesar, qui propter vulnera militum et sepulturam
 occisorum tridui moram fecerat, literas ad Lingones
 mittit; Helvetios frumento ullave alia re juvari ve-
 tat: secus facientes pro hostibus habiturum minatur.

*Et se Caesa-
 ri dedunt.*

CXXXIV. Ea res quum ad extremam inopiam Hel-
 vetios redegisset, legatos ad Caesarem de deditione
 mittunt. Caesar eodem loci adventum suum praestola-
 ri jubet: ubi venit, arma, obsides, servos, qui ad eos
 perfugissent, postulat. Inter haec conquirenda quum
 nox incidisset, Verbigeni pagi homines, sex circiter
 millia, ad Rhenum finesque Germanorum ituri, clam
 excefferant castris. Hoc ubi Caesar rescivit, iidem,
 per quorum agros incefferant, denunciat cum minis,
 ut illos reducant: reductis pro hostibus utitur: reli-

quos omnes, obsidibus, armis, perfugis traditis, in U. c. 694.
 deditionem accipit. A. C. 58.

CXXXV. Helvetios, Tulingos, Lacobrigos ad sua *Summa ca-*
 reverti iussit, pristinasque sedes instaurare: Allobro- *pisum in*
 gibus imperat, ut frumenti copiam his faciant, quod *Helvetica*
 nihil haberent domi, quo famem tolerarent. Nolebat *migrations.*
 enim Helvetiorum vacuos fines a Germanis occupari,
 quos graves provinciis Romanis futuros accolae me-
 tuebat. Bojos, quod egregia virtute erant, petenti-
 bus Aeduis dedit, quos in finibus suis praesidium con-
 tra Germanos collocarent: eosque postea Aedui in pa-
 rem juris atque libertatis conditionem, qua ipsi age-
 rent, receperunt. In castris Helvetiorum tabulas re-
 pertas esse, Graecis literis confectas, Caesar tradidit,
 harumdem rerum auctor idem scriptorque incompa-
 rabilis, quibus ratio contineretur generum capitum-
 que Helvetiorum et sociorum, quae domo exissent.
 Summa erat Helvetiorum millia ducenta sexaginta tria:
 Tulingorum millia triginta sex: Lacobrigorum quatuor-
 decim: Rauracorum tria et viginti: Bojorum duo et
 triginta: horum, qui arma ferre possent, ad millia
 duo et nonaginta. ex omni hoc numero tantum cen-
 tum et decem millia domum redierunt.

CXXXVI. Hoc primum Caesaris in Gallia bellum
 fuit, unde mox alia aliaque secuta, quibus ille per
 annos novem totam ad Rhenum oceanumque perdomuit;
 etiam semel iterumque, trajecto Rheno, Germaniam
 ingressus. Haec omnia quo facilius meliusque noscan-
 tur, regionum illarum situs, et quibus sub ea tempo-
 ra gentibus inhabitatae fuerint, pretium est exponere.

CXXXVII. Galliam Romani duplicem antiquitus fe- *Galliarum*
 cerunt, Alpibus discretas. Harum, quae ab Roma est *situs.*
 remotior, ea hoc vocabulo hodieque censetur. at,
 quam illi *Togatom* vocarunt, eam posterior aetas ab no-
 vis incolis nominavit *Longobardiam*: nunc Italiae pars
 est. Veram Galliam vetus aetas in Braccatam, Coma-
 tamque divisit. Braccata, quae et Narbonensis, ve-
 tus populi Romani provincia fuit. Comatam Caesar
 triplicem fecit, Belgas a Rheno ad Sequanam, Celtas
 inter Sequanam et Garumnā; reliquam partem, quae
 Garumna, Pyrenaeisque, et oceano clauditur, attri-

Cap. CXXXV. Strabo, l. 4. p. 193. Caes. Cap. CXXXVI.
 Sueton. Caes. c. 25. Eutrop. l. 6. Cap. CXXXVII. Scalig.
 Notit. Galliae.

U. c. 694. huit Aquitanis. Sed, ea quum videretur ineptior divisio, A. C. 58. visio, quod et Narbonensis, excluderetur provincia, et Aquitaniae fines, ceterarum comparatione partium, nimis exiles viderentur, Augustus Caesar, quidquid intra Alpes, mare mediterraneum, et oceanum, et Rhenum, terrarum jacet, uno Galliarum nomine complexus, Aquitaniae nationes adjecit quatuordecim: universae Galliae provincias constituit quatuor, Narbonensi addita: quae iterum sub tempora Constantini discesserunt in partes septemdecim: quae deinde partitione a Romanis semper est retenta. Ejus haec est notitia: Viennensis, Lugdunensis, Germania prima, Germania secunda, Belgica prima, Belgica secunda, Alpes Maritimae, Alpes Penninae et Graiae, Maxima Sequanorum, Aquitanica prima, Aquitanica secunda, Novem populorum, Narbonensis prima, Narbonensis secunda, Lugdunensis secunda, Lugdunensis tertia, Lugdunensis Senonia.

Viennensis provincia. CXXXVIII. Harum Viennensis hodie *Delphinatus* vocatur, inter fluvios Isaram Rhodanumque ad fines Allobrogum sita: cujus etiamnum caput Vienna est, Archiepiscopi sedes, sicut olim consularis fuit. pleraeque enim omnes urbes, quas Romanum imperium metropoles fecit, Archiepiscopales postea exstiterunt.

CXXXIX. Ceterum urbes Viennensis provinciae in Itinerario, quod Antonini vocant, notantur quatuordecim: Vienna metropolis, civitas Genevensium, Gratianopolitanorum, Albensium, seu Vivario, Deënsium, Valentinorum, Tricastinorum, Vasionensium, Arausicorum, Carpenteractensium, Caballicorum, Massiliensium, Avennicorum, Arelatensium. quae omnes suis adhuc aut paullum deflexis nominibus noscuntur; totidem nunc Episcopatus, praeter duas ultimas, Archiepiscopalibus infulis insignes. Gratianopolis etiam tribunal habet, *Parlamentum* vocant. Sequitur Lugdunensis in quatuor tributa partes, universa nomen a metropoli habens. Prima partium, praeter metropolin, quatuor habebat civitates, quae et ipsae nunc Episcopatus sunt, civitatem Aeduorum, hoc est Augustodunum, Lingonum, (nunc *Langrensem* Episcopatum vocant) Castrum Matisconense, et Cabillonense.

Germaniae duae. CXL. Germanias duas in Rheni ripa citeriore vocarunt Romani, quod eam Galliae partem Germanicae nationes insederant. Earum, quae prima vocabatur, a meridie Burgundos respicit et montem Juram, Rhe-

num ab ortu habet, ad occasum Lugdunenses Senones colunt. Metropolis huic est Maguntiacensium civitas: reliquae, praeter alia municipia, Argentoratensium, Nemetum, qui nunc *Spirenses* sunt, et Vangionum, in quorum urbe haec scribebamus: quae hodie *Vormatia* vocatur. (Borbetomagum fuisse opinantur) et hae quoque omnes, praeter metropolin Archiepiscopalem, Episcopos suos habent. Inferior Germania, post metropolin Coloniam, civitate Tungrorum, quam Caesar *Atuasicum* vocat, insignitur.

U. c. 694.

A. C. 53.

CXLI. Belgica fluminibus Mosella, qui et *Obringa* vocabatur, et Sequana terminatur: Mosa dividitur. Primae Trevirorum est civitas metropolis, mox Mediomatricum, id est *Mesis*, Leucorum, sive *Tullo*, et Verdunensium. Secunda Belgica nobiles civitates antiquitus habuit duodecim: civitatem Remorum, quae nunc etiam est metropolis, *Suessonum*, Catalaunorum, Veromanduorum, Atrebatum, (nunc *Arras* vocant) Cameracensium, Turnacensium, Silvanectum, qui nunc Episcopatus *Senlisensis* est, Bellovacorum, Ambianensium, Morinorum, (*Ternoensis* Episcopatus intelligitur) et Bononiensium, ubi *Gessoriacum* fuit.

Belgica.

CXLII. Ad oceanum deinde Britannicum secunda Lugdunensis Rotomago metropoli, et sex praeterea civitatibus, nobilis: Bajocassium, Abreicantum, Sajorum, Eburovicum, Lexoviorum, Constantiensium. Tertiam deinde Lugdunensem, cui caput Turonum, constituebant civitates Cenomanorum, (*Mansensis* Episcopatus hodie) Redonum, Andegavorum, Nannetum, Curiosopitarum, (is est *Carnovallensis* Episcopatus) Ciantium, id est Venetum, (*Vennensis* Episcopatus) Osismiorum, Diablintum, quas duas civitates ignoramus. Quarta Lugdunensis, quae et Senonia, inter Sequanam et Ligerim has amplectebatur civitates, Senonum metropolin, Carnutum, Altisiodorum, Treassium, Aurelianorum, Parisiorum, Meldorum, quos hodie *Meausenses* pronunciant.

Lugdunensis secunda, tertia, quarta.

CXLIII. Alpium maritimarum civitates, obscuri hodie nominis, Rigomagensium, Solliniensium, Cemenensium referuntur: notiores praeterea, Ebrodunensium metropolis, (*Ambrunum* hodie vocant, Archiepiscopalem urbem) Diniensium, Saniciensium, (*Senes* appellat vulgo) Glanatenna, et Venciensium, qui *S. Pauli Venciensis* Episcopatus nunc usurpatur, At in Penninis Grajiave Alpibus, ubi sunt Allobrogum Sa-

Alpes maritimae.

U. c. 694. *baudi*, et Helvetiorum particula, metropolis Centro-
 A. C. 58. num, id est Tarantasia, locatur, et praeter hanc Val-
 lensium civitas Octodurus, hodie *S. Mauricii* nomine
 notior.

Maxima Sequanorum. CXLIV. Maxima Sequanorum, Burgundiam Helve-
 tiosque complexa, Crispolinorum civitatem agnosce-
 bat metropolin, quae Vesuntio est, vel, ut hodie pro-
 nunciant, *Besançonensis* Archiepiscopatus. Huic civita-
 tes octo suberant, Equestrium, id est Noviodunum ad
 lacum Lemanium, quae, Genevam et Lausannam inter-
 jacens, hodie *Nion* appellatur: Elvicorum, id est A-
 venticum, nunc *Avanches*: Basiliensium, Castrum Viri-
 dunense, Castrum Ebrodunense, Castrum Argentarien-
 se, (cujus ex ruinis Colmaria surrexisse putatur) Ca-
 strum Rauracense, ceteris oppidis tum illustrius, ho-
 die nomen Augustum, sed sine specie, retinens pro-
 pe Basileam, in quam vetustioris et dignitas et appel-
 latio translata videtur sub Graecis imperatoribus: et
 portus Abucina. Hi Belgarum Celtarumque nobilio-
 res populi fuerunt.

Aquitania. CXLV. Aquitaniam ad mare sitam, eoque vetusta
 incolarum lingua appellatam *Aremoricam*, oceanus ab oc-
 casu claudit: Boreale latus ortumque solis Ligeris flu-
 vius terminat: a meridie Pyrenaeis montibus et Nar-
 bonensi Gallia finitur. Hoc spatium terrarum Garum-
 na fluvius, ex Pyrenaeo monte delapsus, in duas pro-

Prima et secunda. vinctas secatur. Primae caput Biturigum Cuborum ci-
 vitas est, (nunc *Bourgenfis* Archiepiscopatus) quam-
 quam Biturigas Lugdunensi primae Marcellinus accen-
 suit. Huic junguntur civitates Arvernorum, Ruteno-
 rum, Albigensium, Cadurcorum, Lemovicum, Gaba-
 lorum, Valaunorum. Quod deinde a ripa Garumnae
 ad Ligerim fluvium protenditur, sub Aquitaniae se-
 cundae vocabulo sex civitates habuit, Agennensium,
 Encolismensium, (*Angulema* hodie est) Santonum,
 Pictavorum, Petrocoriorum, cum metropoli Burde-
 gala.

Novem populi. CXLVI. Novem populos prope Aquitaniam, pro-
 ptereaque *terciam* a multis dictam, in qua Vascones
 habitant, Auscii commendant et Vasatae: reliquorum
 septem haec fuerunt nomina, Vibisci, Meduli, Roa-
 tae, Convenae, Consaranni, Bigerriones, Tarbelli.

Horum duodecim recensentur in veteri itinerario civitates: Ausciorum metropolis, Convenarii, (quae duae jam aetate Strabonis *jus Latii* habebant) Aquensium, Lactoratium, Consarannorum, hodie *Cauferans*, Boatum, Benearnensium, Aturensium, nunc *Aire*, Vasatica, Turba vel castrum Begerra, nunc Episcopatus *Tarba-Bigorrensis*, Eloronensium, id est *Oleron*, Elusatum, id est *Eause*, quam Narbonensis partem facit Ammianus.

U. c. 694.
A. C. 58.

CXLVII. Sed alii Narbonensem, et ipsam duplicem, ita distinguunt: ut primam, Cebennis montibus *Narbonensis prima*, ab Aquilone, Pyrenaeis et mari Gallico a meridie inclusam, septem insigniant civitatibus. Nam praeter metropolin Narbonensium, civitates ei tribuunt Tolosatium, Beterrensium, Agatensium, Nemausensium, Magalonensium, Lutevensium, sive castrum Lutevam, Uctiensium. Secundam Narbonensem, quae a Rhodano flumine usque ad Varum versus ortum porrigitur, *Narbonensis secunda*, a meridie mare Gallicum habet, cui metropolis olim Arelate fuit, nunc Aquensium est civitas, sex praeterea civitates honestabant, Aptensium, Rejensium, Foro juliensium, Vapincensium, Segesterorum, Antipolitana.

CXLVIII. Haec ferme fuit Galliarum, sub initia *Gentium Gallicarum numerus*, Constantinopolitani imperii, descriptio: sed idem situs gentium, plerarumque civitatum eadem fuisse nomina, Caesare bellum gerente, videntur: quamquam gentium numerus, ut solitum est, cresceret, aut contraheretur. Nam ara, quae apud Lugdunum Augusti Caesaris fuit, inscriptionem habuit gentium sexaginta: nec multis post annis universae Galliae quatuor et sexaginta civitates numerabantur. Sed Appianum, qui sub Adriano Caesare scripsit, pacatas a C. Julio populos quadringentos, oppida octingenta, tradidisse putant. Mihi numerorum potius errorem intervenisse liquet, ut pro *v'* aut *o'* Graecorum litera, quarum illa quinquaginta, haec septuaginta notat, *p'*, quae est quadringentorum nota, temere scripta lectave videatur: idque tum ex consensu veterum, tum adjecto numero oppidorum, quae tantae gentium multitudini pro portione parum responderet, haud difficile arbitrato est.

Cap. CXLVIII. Strabo, l. 4. p. 193. Serv. Aen. 1. v. 290.
Appian. Celt. et de B. Civil. 2. p. 523,

U. c. 694. Ceterum tractus ille terrarum, soli bonitate et incolarum abundantia maximarum opum famam, nec falso, adeptus, invitavit Caesarem, ut hanc unam, prae ceteris omnibus provinciis, suo proposito commodissimam crederet. Nam divitiis ad emendum imperium indigebat: militem duraturus erat ad civilia bella; famam reportaturus ex victoria clarissimam, periculisque et laboribus ampliorem; quod tum adhuc durabat Gallicae fortitudinis opinio, virtus paullatim deficiebat.

Cap. CXLVIII. Sueton. Caes. c. 54. et Tac. Ann. 11, 23. Tac. Germ. c. 28.

E P I T O M E

LIBRI CENTESIMI QUARTI

Prima pars libri situm Germaniae moresque continet. C. Caesar, quum adversus Germanos, qui Ariovisto duce in Galliam transcenderant, exercitum duceret, rogatus ab Aeduis et Sequanis, quorum ager possidebatur, trepidationem militum, propter metum novorum hostium ortam, adlocutione exercitus inhibuit, et victos proelio Germanos Gallia expu-

C. Caesar, quum contra Germanos etc. exercitum duceret] Ita primus edidit Gruterus, quum antea vulgati praeferant *C. Caesar contra Germanos etc. quum e. d.* quod etiam in Norv. superest. Sed ordinem verborum, qui Grutero placuit, servant Voss. Leid. Lovel. 2. Berg. Boend. et ed. Campani: qui iidem etiam legunt *adversus Germanos*. Vide supra ad Epit. 57. Praeterea *ducere* Exc. Pithoei. *ducerent* Norv. et editiones Aldina priorres, excepta ea, quam procuravit Campanus. Illa autem *duceret*, ut Aldus restituit, et omnes codd. mei exhibent, vulgavit.

Qui Ariovisto duce in Galliam descenderant] MSS. Barb. et Gudiani *transcenderant*. J. FR. GRONOV. Similiter Leid. Berg. Lov. 2. et Exc. Pithoei. Livius 28, 42, 14. *Quum Hasdrubal in Italiam transcendit*. 32, 13, 9. *Omisso incepto in Macedoniam transcendit*. 38, 3, 4. *Eadem spe in Aperantiam transcenderunt*. 43, 23, 3. *In agrum*

Antigonensem transcendit. Auctor Epit. Liv. lib. 108. *Parthos, qui in Syriam transcenderant, cecidit*. Quin etiam, qui mari vel flumine, ut hic Germani Rheno, trajecto in regionem veniunt, *in eam transcendere* dicuntur. Liv. 23, 1, 2. *Quasi angustis insulae terminis clauderetur, in Italiam transcendit*. Etiam *in eam transgredi* 42, 1, 3. *Cum quibus praetor, cui Sardinia obtigisset, in Corsicam transgressus bellum gereret*. Oros. 6, 9. *Caesar in Germaniam facto ponte transgrediens*. Vide Curt. ad Sall. 1. Hist. 955.

Quorum ager possidebatur] quorum agrum possidebat Boend. et ed. Campani. *Mox trepidatione militum etc. orta* Berg. et Lov. 2.

Gallia omni expulsi] Vet. lib. *Gallia expulsi*. SLG. Similiter legunt Leid. Voss. Lov. 2. Berg. Boend. et Exc. Pithoei. Paulo ante *victor proelio* Berg. *In sequentibus hortante, pro orante*, Berg. et ed. Campani.

lit. *M. Cicero, Pompejo inter alios orante, et T. Annio Milone tribuno plebis agente, ingenti gaudio senatus ac totius Italiae; ab exsilio reductus est. Cn. Pompejo per quinquennium annonae cura mandata est. Caesar Ambianos, Suessiones, Veromandos,*

exercente Leid. Berg. et Lov. 2. *exerente* Voss. An voluerunt librarii *Pompejo inter alios exorante*?

Et *T. Annio Milone tribuno plebis, ingenti gaudio* Suspicor legendum et *T. Annio Milone tribuno plebis agente*: neque enim hoc placet, ne Milonem, qui in magistratu erat, et legem rogare poterat, orasse dicamus, sed egisse: orasse autem Pompejum, qui erat privatus. Excidisse autem hanc vocem propter eam, quae similis sequitur, *ingenti*, puto. SIG. et *Ti. Antonio tribuno plebis* Leid. et *T. Antonio tribuno plebis* Berg. et *G. Antonio tribuno plebis* Voss. et *T. Annio milite tr. pl.* Lov. 2. et *T. Annio Milone tri. pl.* Boend. Ex his confirmatur conjectura supra ad Epit. 58. proposita, ubi pro *C. Antonius* legendum monui *T. Annius*. Deinde vox *agente*, quam Sigonius addidit, exsulat a Leid. Voss. Berg. Lovel. 2. Exc. Pithoei, et Norv. Solus Boend. ex quo in excerptis hic nihil notatur, eam agnoscere videtur. Adprime etiam convenit. Nam Milo non tantum pro reditu Ciceronis oravit, sed etiam Clodium, qui legem ea de re ferri inpediebat, licet gladiatoribus armatum, lege Plotia de vi postulavit, et, quum judicia sublata videret, gladiatores emit, quibus conatus furoresque Clodii comprimeret. Vide Fabricii Hiflor. Cic. ad A. V. rccxcvi.

Ac totius Italiae, ab exsilio

reductus est] Hanc lectionem nobis dedit Gronovius anno 1665. nec aliter legunt Leid. Voss. Berg. et Boend. ac *totius urbis praeferunt* Lov. 2. Antea edebatur ac *universae Italiae. sed primos editores passim universus, prototus*, in his epitomis substituisse, vidimus ad Epit. 52. Id etiam lectionem illam vitii arguit, quod particulam ac adsciscat ante vocem a vocali incipientem: ejus rei aliud exemplum apud auctorem Epitomarum non observavi, qui ab hac locutione abstinere didicit exemplo Livii. V. quae notantur ad Liv. 10, 36, 17. Praeterea voces ab *exsilio* non adparent in Leid. Deinde *revocatus est* legit Lov. 2.

Ambiones, Suessiones, Veromandos, Atrebatas, Belgarum populos] *Ambrones* Voss. et Berg. Verum Ambrones Helvetiorum populi fuerunt. V. Cellar. Geogr. Ant. 2, 3, 176. Sed hic auctor Belgarum populos memorat, inter quos notissimi fuerunt Ambiani. Vide eundem Cellar. pag. 244. Dein *Suessones* Leid. quomodo saepe alibi in Mftis hoc nomen scribi solet, et quidam etiam viri docti scribendum contendunt. Vide Cellar. ibid. pag. 249. et quae notantur ad Caesar. 7. B. Gall. 75. ut et ad Lucani 1, 423. *Suesonas* Berg. *Suesionas* Lovel. 2. Tum *Virumandos* Boend. *Viromandos* Berg. et ed. Camp. *Viruoniam* duo Voss. *Viromandos* Leid. Lovel. 2. et Exc. Pithoei. *Viromandos* edd. ante Gronovium; quam ortho-

Atrebatēs, Belgarum populos, quorum ingens multitudo erat, proelio victos in deditionem accepit: ac deinde contra Nervios unius civitatis cum magno discrimine pugnavit, eamque gentem delevit; quae bellum gessit, donec ex sexaginta millibus armatorum

graphiam probare videtur lapis apud Gruter. pag. cccclxxv. in quo memoratur *L BESIVS. SVPERIOR. VIROMAND. EQ. R.* Sed *Veromanduos*, ut Gronovius reposuit, passim vocat Caesar in B. Gall. Vide Cellar. ibid. pag. 246. Postea *Atrebares* Leid. et Voss. *Atrebatēs* Berg. et Exc. Pithoei. Denique *Belgas populos* Boend.

Quorum quidem maxima multitudo erat, proelio victos in deditionem accepit] Vet. lib. non habent quidem. SIG. Gud. quorum gens multitudo. Voss. et Gud. alter: quorum ingens multitudo. J. FR. GRON. Particulam quidem omittunt etiam omnes nostri, et Exc. Pithoei. Vide ad Epit. 55. *ingens multitudo* etiam omnes iidem. Vide ad Epit. 51. et mox hac Epit. *ingens est multitudo* ed. Camp. est, pro erat, praefert etiam Boend. Deinde voces *proelio victos* omittit Leid. at *proelio evictos* legunt Norv. et editiones ante Frobenianam anni 1535.

Ac deinde contra Nervios, unam harum civitatum, cum maximo discrimine pugnavit] Forte unam horum civitatem. Horum puta Belgarum. Nec male Barb. et Gudiani: *Nervios, unius civitatis.* J. FR. GRONOV. Vox deinde deest in Leid. Tum *Nervios duas ex his civitatibus* Voss. *Nervios unam ex his civitatibus* Boend. quod forte voluit ed. Camp. quae prodigiose corrupta *Hermosimam ex his civitatibus* praefert. Ner-

vios unius ex his civitatibus Exc. Pithoei. *Nervios unius civitatis* Leid. Berg. et Lov. 2. quod quum etiam Gronovius in suis invenerit, in contextum recepi. Prior Gronovii conjectura maxime Crevierio adridet. Insuper cum magno discrimine Leid. Voss. Berg. Lov. 2. Boend. et ed. Camp. Vide ad Epit. 50.

Ex sexaginta millibus armatorum trecenti superessent, ex nonaginta quinque senatoribus tres tantummodo evaderent] Variant hi numeri. Barber. ex sexaginta millibus armatorum septem superessent, ex sexcentis senatoribus tres. At apud Caesar. est lib. 2, [28.] *Ex sexcentis ad tres senatores; ex hominum millibus sexaginta, viri ad quingentos, qui arma ferre possent.* Ubi Ciacconius ex Plutarcho ex quadringentis. Gude ex LX milibus armatorum superessent, et ex Vc senatoribus tres tantum evaderent. Alter: ex sexaginta quinque milibus arm. septem superessent, et ex sexcentis senatoribus tres tantum evaderent. J. FR. GRONOV. Codices admodum variant. ex CXLX armatorum millibus trecenti superessent, ex VIC senatoribus tantum evaderent Berg. ex LX. CCC superessent, ex sexcentis senatoribus tres tantum evaderent Lov. 2. ex sexaginta millibus armatorum CXC senatoribus tres tantum evaderent Voss. ex LX milibus armatorum trecenti superessent, ex sexcentis senato-

trecenti superessent: ex sexcentis senatoribus tres tantum evaderent. Lege lata de redigenda in provinciae formam Cypro, et publicanda pecunia regia, M. Catoni administratio ejus rei mandata est. Ptolemaeus,

ribus tres tantum evaderent Boend. et ed. Campani. ex DC tres superessent, ex quadringentis senatoribus tres tantum evaderent Exc. Pithoei. ex sexaginta quinque millibus armatorum septem, et ex sexcentis senatoribus tres tantum superessent Leid. ex cujus postremi cod. vestigiis et ex Caesaris loco a Gronovio laudato forte legendum est, ex sexaginta millibus armatorum trecenti, ex sexcentis senatoribus tres tantum superessent. Ex variantibus autem codicum constat, inter eos convenire, tantum, pro tantummodo, legendum esse; quod admisi. Pro nonaginta quinque Gronov. in contextum recepit quadringentis, cujus loco ex longe plurium codd. auctoritate dedi sexcentis.

De redigenda in provinciae formam Cypro] de redigenda provincia Cypro Boend. et ed. Camp. de redigenda provinciae forma Cypro Leid. Voff. et Berg. Mox regia pecunia alio ordine Lov. 2.

C. Catoni administratio ejusdem rei mandata est] Vet. lib. ejus rei. SIGON. Similiter Voff. Leid. Berg. Lov. 2. Boend. Exc. Pithoei, et ed. Camp. Praeterea legendum esse M. Catoni, ut verbo monuit Crevierius ad h. loc. videbimus ad initium Epitomes sequentis.

Ob injurias, quas patiebatur, a suis regno pulsus Romam venit] Vet. lib. ob inju-

rias, quas patiebatur a suis, regno pulsus Romam venit. SIGON. In hac scriptura non optimus sensus esse videtur: nam reges non solent regno pelli ob injurias, quas a suis accipiunt, sed ob eas, quibus ipsi suos adficiunt. Si ipse tam intolerabilis injurias a suis accepisset, auctor Epitomes rectius dixisset, ob injurias, quas patiebatur a suis, regno profugus, quam regno pulsus. Sed neque regno pulsus est, si Timageni credimus: nam hic apud Plutarchum in Pompejo [p. 645.] scripsit, eum nulla necessitate coactum Aegypto excessisse. Nec a suis pulsum fuisse, non obscure e Dione colligi potest, qui lib. 39. p. 97. rem ita narrat: Quum propter exactiones pecuniarum in odium Aegyptiorum incurrisset, et iis nec persuadere, ut quiescerent, nec eos vi cogere posset, eum Romam fugisse, et se a suis regno pulsum, questum fuisse. Aegyptios ignorantes, eum in Italiam profectum, et mortuum esse ratos, filiae illius Berenice regnum tradidisse, ac deinde, re comperta, legatos Romam misisse, qui eos adversus accusationes illius defenderent, et ipsum de injuriis illatis accusarent. Itaque, si hic in scriptura vulgata nihil vitii est, ea forsitan non de eo, quod factum fuerat, sed quod rex factum querebatur, intelligi potest: quasi scriptum esset regno pulsus, ut ferebat, aut querebatur. DUK. quas patiebatur a suis etiam Leid. Voff. Berg. Lov. 2. Boend.

lemaeus, Aegypti rex, ob injurias, quas patiebatur a suis, regno pulsus, Romam venit. C. Caesar Venetos, gentem oceano junctam, navali proelio vicit. Praeterea res a legatis ejus eadem fortuna gestas continet.

et Exc. Pithoei. Non sine causa autem voces *regno pulsus* Clariss. Dukero displicuerunt: Ptolemaeum enim non regno pulsum esse, sed a civibus dissidentem Alexandriam reliquisse, et Romam navigasse, refert Plut. in Cat. min. pag. 776. quo eodem loco Cato exprobrans ipsi imprudentiam, qua summam felicitatem reliquisset, ac suadens, ut rediret, et cum civibus in gratiam reverteretur, non obscure indicat, eum potius sponte cessisse, quam vi pulsum esse. An igitur fides habenda est codici Leid. qui voces illas expungit? Forte igitur pro glossemate habendae sunt, quae olim margini adscriptae fuerunt explicandi causa injurias, quas Ptolemaeus a suis patiebatur.

Venetos, gentem oceano junctam] gentem oceano junctam, scilicet Venetos Norv. et edd. principes. gentem oceano junctam, Venetos, omissa voce, Frob. anno 1535. edidit, quod etiam superest in Exc. Pithoei.

Gruterus demum alio ordine *Venetos, gentem oceano junctam*, concinentibus Leid. Berg. et Lovel. 2. neque aliter Boend. et ed. Camp. nisi quod *conjunctam* praeferebant. *Venetam gentem, oceano junctam* legit Voss.

Praeterea res ab legatis ejus eadem fortuna gestas continet]

Ita Gronov. anno 1665. vulgari curavit, idque pariter praeferrunt Leid. Voss. Berg. et Lov. 2. nisi quod omnes legant a legatis, et Voss. omittat vocem ejus, Berg. ipsius loco suis scribat. Olim edebatur *Praeterea a legatis ejus eadem fortuna res gestas continet*; qui ordo verborum etiam obtinet in Boend. Exc. Pithoei, et Norv. Eandem varietatem supra habuimus Epit. 47. et 90. sed vocabula in eundem ordinem digesta, in quem Gronovius digessit, occurrunt Epit. 40. 60. 87. 94. 108. et 120. in alterum ordinem Epit. 93. ubi tamen in aliis codd. *gesta*, pro *res gestas*, inveni.

JOHANNIS FREINSHEMII

SUPPLEMENTORUM LIVIANORUM LIBER LXIX.

IN LOCUM LIBRI CIV. T. LIVII.

U. c. 694.

A. C. 58.

I. C. Caesar, Helvetiorum gente perdomita, quod ea fortissima totius Celticae habebatur, ingentem apud Gallos gloriam meruit. Idcirco passim ex civitatibus gratulatum venerunt principes; simul petatum, *ut bona cum ipsius gratia concilium totius Galliae sibi liceat indicere.* In illo, ut postea apparuit, de Germanorum amoliendo jugo deliberatum: et ab iisdem principibus flentibus et ad pedes prostratis rogatus est Caesar, *ut oppressis auxilium ferret.*

Ariovistus adfectat imperium Galliae.

II. Ariovistus Suevorum rex, per Avernorum Sequanorumque contentiones, cum centum viginti milium exercitu Galliae partem occupaverat: Aeduos eorumque clientes semel iterumque magnis proeliis vicerat: iis quoque gravis, a quibus erat accitus, universae Galliae imperio imminabat. Caesar, quum in suo consulatu petentem cupide Ariovistum socium amicumque populi Romani appellandum curassèt, causam belli a se removens, Ariovistum ad se venire jubet, ut de praesentibus colloquantur: ratus, quod accidit, regem moleste laturum, atque inde causam belli exstaturam. Nam Ariovistus Caesarem, si quid vellet, ad se jussit accedere. Tum Caesar postulata sua per legatos edidit: *ne quos praeterea Germanos trans Rhenum arcefferet: ne sociorum populi Romani fines armatus ingrederetur: obsides etiam ab illis acceptos redderet.* Ad haec ferociter ab Ariovisto responsum: oblataque Caesari conditio, *amico se, an hoste, uti mallet.*

Caesari superbe respondet.

III. Sub idem tempus, quo haec sunt renunciata Caesari, Aeduum etiam et Trevirorum legati adfue-

Cap. I. Caes. de B. Gall. 1, 30. Id. ibid. 1, 1. Id. ibid. 1, 30. Cap. II. Plut. Caes. Dio, l. 38. Caes. Plut. Dio. Caes. Dio. Flor. 3, 10. Caes.

runt. Illi querebantur, Harudes, nuper in Galliam transportatos, fines suos populari: Treviri, centum pagos Suevorum ad Rheni ripam consedisse, nunciabant, hoc animo, ut amnem transirent. Igitur Caesar, minime differendum ratus, ad Ariovistum, priusquam novae copiae cum veteribus ejus se conjungerent, magnis itineribus contendens, Vesontionem Sequanorum, ne ab hoste occuparetur, praecepit. Quae deinde gesta sunt, quoniam multorum Germaniae populorum mentionem continent, obscuram molestamque futuram legentibus, nisi commoda explicatione illustrentur; locus hic desiderat, ut veteris Germaniae situm moresque exponamus.

U. c. 694.
A. C. 58.

*Veteris Germaniae situs
moresque.
Fines Germaniae.*

IV. Igitur Germaniam ad occidentem a Gallis Rhætisque Rhenus, ad orientem a Pannoniis Danubius certissimi limites separabant: septentrionale latus vocatus inde Germanicus oceanus ambit: a meridie montes claudunt, Alpibus ita propinqui, ut pars earum videantur; appellanturque: a Sarmatis versus solem orientem montium, qui proprie Sarmatici vocabantur, asperitate et amne Vistula dirimebatur. Eodem pertinebat et Hercynia silva, quae tum novem dierum iter habebat in latitudine, et ab Helvetiorum, et Nemetum, et Rauracorum finibus, secundum flumen Danubium, ad fines Dacorum Anartiumque pertinebat: deinde sinistrorsum flexa multos attingebat propter magnitudinem populos, ultra sexaginta dierum iter porrecta.

V. Hoc spatio multae tum gentes coluere, veteribus non satis cognitae, quod asperae bellis, in pace commerciorum negligentes, ab alijs populis haud facile adibantur. Quod tamen inter antiquos constat, initium Germaniae, qua Sarmatas attingebat, mons Sevo fuit, sinum Codanum, id est Cdanum sive Danicum, efficiens, insulis refertum. Quarum clarissimam nominabant Scandinaviam, tria borealia regna amplectentem, ideoque veteribus incompertae magnitudinis, falso tamen insulam creditam: cujus partem Hellevionum gens, sic rupium incolas indigena sermo vocabat, quingentis pagis, scribente Plinio, obtinebat. Ab eodem auctore Germanorum genera quinque sic ponuntur, ut excludi Scandinaviae gentes appareat primum *Vindilos* vocat, quorum pars *Burgundiones*, *Varini*,

*Scandinavia
via.*

U. c. 694. *Carini, Guttones fuerint.* Vandalos intelligi putant, quorum sedes a Poloniae finibus atque Vistulae capite per Megaloburgensium, Pomeranorum, Prutenorumque regiones, et Marchiam, Saxoniaeque partem extantae fuerunt.

Peuce. VI. Alterum genus Peucini Bastarnaeque Peucen insulam, ad ostia Danubii positam, et vicina inter Sarmatas Dacosque loca occupabant. Cetera Germaniae tres habebant ex situ loci habitatorum differentias, totidemque nomina. Ingaevones qui scribuntur apud Plinium, eos Vigaevones non absurda conjectura Rhenanus intelligit, sic appellatos, quod ad sinum maris incolerent. Ejusdem Plinii Istaevones, occiduos interpretantur, quod ea parte fluit Rhenus, quem accolebant. Inter hos intercepti veteribus Hermiones vocabantur, incertum unde: et, qui detorquendis vocabulis sine alio indicio conjecturae nimis indulgent, eos proclivius est in mille errores incidere, quam unam veritatem.

*Accolae
Rheni.*

VII. Ex his gentes nobiliores ad Rheni ripam, praeter quas in Galliae descriptione retulimus, Batavi non multum ex ripa, sed insulam Rheni amnis, colebant, Cattis orti. At dextrum Rheni latus, quod Germaniae praetexitur, incertae olim possessionis fuit; eoque notitia illius obscurior. Rhenus ipse, a Rhætici Alpibus et monte Gothardi per abrupta devolutus, Curiensem agrum percipit; mox duos efficit lacus, Acronium et Venetum: hinc, modico flexu in occidentem pronior, juxta Rauracos ad septentriones redit, agrum Helvetium a Germanico dividens: quae res olim perpetuis duarum gentium bellis occasiones praebuit. nec alia major causa fuit, cur Helvetii, sedibus suis incensis, alias insituerint in Gallia interiori quaerere.

*Decumates
agri.*

VIII. Ibi jam antiquitus initium Germaniae fuit: sed ea loca incerti erant juris, quod nunc a Gallis invadebantur, nunc recipiebantur a Germanis. Ibi Decumates agri fuerunt postea trans Rhenum Danubiumque; cujus in propinquo fontes sunt, vix duorum miliarium a ripa Rheni spatio dirempti. Hegoviam nostrates vocant, oppositam Helvetiorum Turgaviae. Infra Hegoviam Clecgovia jacet, Martiano nemore (quod Hercyniae silvae caput est) et Rheno amne terminata. In illis regionibus, et quae praeterea usque ad Catto-

rum fines descendunt, Decumates agros fuisse intelligo, sinum Imperii, et Rhaeticae provinciae partem. U. c. 694.
A. C. 58.

IX. Ultra hos Catti tenuerunt iis finibus, quibus *Catti.*
nunc Turingi sunt Hassique, et ad Rhenum fluvium porrecta Westphalorum portio. Eorum pars Mattiaci, quum Tacitus scriberet, Romanis subditi, dictum ab oppido Mattio agrum coluerunt: cujus oppidi nomen adhuc et vestigia servare tenuis ad Adranam vicus traditur. In eorum agro calidissimi fontes visebantur, quos hodie frustra nisi apud Visbadenses, contra Moguntiam sitos, requiras. Neque moveor, quod apud Ptolemaeum Mattiaci et Moguntiaci ad millia passuum centum septuaginta disjungi videntur. Nec enim ignotum est, ne auctori culpam imputemus, quam proclivis sit in notis numerorum, atque in illius praecipue scriptoris opere frequens, librariorum aberratio. Catos penitus fuisse deletos quorundam opinio est: mihi verius videtur, Hassos nunc esse, qui olim Catti fuerunt; neque aliud nomen, sed tantummodo pronunciatione differens, non aliter quam et alia multa vocabula, quae apud ejusdem gentis varios populos aliter atque aliter efferuntur.

X. Sub Cattis Usipios Tencterosque ad Rhenum locans Tacitus, haud dubie tractum illis adsignat, ubi *Usippi et
Tencteri.*
nunc Franci colunt ad Salam Maenumque flumina: inter Bohemos Noricosque et Rhenum, a meridie Sueviam spectantes, ab aquilone Turingiam. Sed et Clivensium fines tenuisse videntur: et quae ad Rhenum inde loca versus Francofordiam usque pertinent, Hassorum hodie ditio.

XI. Juxta Tencteros Bructeri occurrebant, quorum agrum inter Amisiam Luppiamque amnes a Germanico vastatum Tacitus retulit. Hi tum ultimi Bructerorum erant. pars alia late terras inter Salam Westphaliae fluvium ac Rhenum interceptas possidebat. Ita, Juliae Bergensisque et Clivensis ditionum partes, comitatumque Marcanum, et Lippensem usque in Westphaliam, a Bructeris habitatum fuisse, non absurda opinio est. At Ubiorum sedes Colonia monstrat, certum clarumque monumentum. *Bructeri.*

XII. Ab his juxta Rheni ostia et Frisios Sicambri, *Angrivarii.*
mox Chamavi et Angrivarii, deinde Tubantes, postea Usipii, tum Franci, ad extremum Westphali, Monsieriensem agrum Cliviaeque et Geldrorum partem te-

U. c. 604. nuerunt. Ab Angrivariis certe Angriae ducatus ad Vi-
 A. C. 58. surgim amnem, qui nunc inter titulos Archiepiscopi
 Coloniensis est, nominatus creditur. A quibus diver-
 si Ansibarii, quondam a Chaucis pulsi, vacuos juxta
 Frisiorum regiones agros insederunt: quos deinde
 Francis Marcellinus accensuit. Angrivarios a tergo
 Dulgibini et Chasuarii claudebant. in fronte Frisii us-
 que ad oceanum pertingunt, populosum genus, in ma-
 jores minoresque distinctum: nunc orientalium et oc-
 cidentalium nominibus dividuntur. Haec ad occiden-
 tem solem veteris Germaniae tabula est.

Chauci. XIII. A septentrione Chaucorum gens, a Frisiis
 incipiens, partemque litoris occupans, terga gentium
 Rhenanarum claudit, usque dum in Cattos ingenti si-
 nu redeat. Hi quoque majores minoresque appella-
 bantur. Majores prope Angrivarios, ultra Visurgim,
 ad Albim usque tenuerunt; quorum oppidum fuit Fa-
 biranum, quae hodie Brema putatur. Minores a Vi-
 surgi ad Rhenum Westphaliae Frisiaeque partem ver-
 sus Issalam Rheni amnis ostium sedes habuerunt. Cher-
 usci, mediterraneus populus, Hercyniae partem, quae
 vulgo *Hartz* nuncupatur, accoluerunt, cis Albim flu-
 vium, ubi nunc Misni Turingique et Ascanienses sive
 Anhaltini habitant. Cheruscis conterminos fuisse Fosos,
Cimbri. ex uno Tacito discimus: quo latere fuerint, incertum.
 Sed Cimbri proxime oceanum colebant, et inter duo
 maria, orientale Germanicum et occidentale Britan-
 nicum, peninsula Cimbricae Chersonnesi nomine no-
 bilitata est.

Suevi. XIV. Prae cunctis istis populis uti maxima poten-
 tia, ita nomen quoque clarissimum, Suevorum fuit,
 majorem Germaniae partem occupans, et multas in
 nationes distributum. Nam, a Rheno usque ad Albim
 protenta, parte sui etiam trans Albim jacentes cam-
 pos obtinuit. Generis Suevici gentes quatuor et quin-
 quaginta suo tempore numerabat Orosius. Olim cen-
 tum pagos habere dicebantur: ex quibus quotannis sin-
 gula millia bellandi caussa suis ex finibus educerent.
 Mari Suevico nomen haud dubie ab accolis fuit: hic-
 que eorum olim terminus.

*Suevorum
veterum se-
des.* XV. Igitur, ab Holsatia et Jutia, Cimbrorum se-
 dibus, ad Bohemicam usque silvam, Pomeraniam,
 Marchiam, Saxoniam late repleverunt: mox etiam ad

Cap. XIV. Caes. de B. Gall. 4, 1.

Danubium et Rhaetiae partem transgressi, Sueviae, quae nunc est, appellationem cultoresque dederunt. Sed et praecipua Saxoniae nobilitas Suevicae est originis. Ceterum inter Suevicas gentes nobilissimi olim Semnones fuerunt, Lusatiam et Marchiae partem ad Suevi fluminis utramque ripam habitantes. Haec copiosa gens fuit. Longobardica, virtute, quam numero, potior, cis Albim in agro Luneburgensi reliquisse nominis sediumque suarum memoriam in oppido Bardunvigo creditur, quod Henricus cognomento Leo delevit.

U. c. 604.
A. C. 58.

XVI. Post hos Reudigni, et Aviones, et Angli, et Varini, Eudosesque, et cum Suardonibus Nuithones a Tacito memorantur. quorum Reudignos et Avionas in aquilonari et maritima Saxoniae plaga collocat Andreas Althamerus, cujus diligentiam tota hac descriptione plurimum sequor, (Cluverium enim, qui haec copiosissime est exsequutus, adipisci non licuit) ubi nunc Megaloburgensis ducatus nominatur.

*Reudigni,
Aviones, etc.*

XVII. Anglorum autem veterem habitationem inter Saxonas Vitarumque gentem fuisse, Beda tradidit, inde migrasse in Britanniam. Sed hos arguit Vecta insula, cui vocabulum hoc impositum est ab his incolis. Pro Vitis alii scriptores Jutas ponunt, notius nomen. Quidam putant habitasse Anglos ad mare Germanicum et Albim fluvium eas partes, quas hodie Luneburgensis atque Brunovicensis ditiones occupant. Ceterum peninsula inter Sliam et Flensburgum, Balthici maris sinus, incorrupta adhuc appellatione veteris Angliae situm commonstrat. Ceteris, quos memoravimus, per Germanici maris litora versus orientem a Pomerania in Prussiam, a conjectura potius, quam notitia, sedes adsignantur. Nam aetate Strabonis Germania Transalbiana prorsus erat incognita: quum Tacitus scriberet, is quoque fluvius adiri ab Romanis nequibat. Plinius autem Varinos Vandalorum fecit partem.

Angli.

XVIII. Paulo certiora sunt, quae de gentibus ad Danubium scriptores prisci tradiderunt. Ex his Hermundurorum terra, Albis ortu notata, et vicinia Semnonum Cattorumque, quibuscum de fluvio Sala magno proelio decertarunt, minus ignoratur; Misniam et Bohemiae partem fuisse indicis illis declarantibus. Juxta Hermunduros Narisci, deinde Marcomanni et Quadi agebant. Nariscos Voytlandiam superioremque

*Gentes apud
Danubium.*

U. c. 694. Palatinatum habuisse putant, cum Transdanubiana Bo-
 A. C. 58. jariae portione. Nec absonum est, ab his esse vocabulum regioni, quam Nordgaviam vocant, quum ab incolarum vulgo *Narca* nominetur.

Marcomanni.

XIX. Moraviam Marcomannis fuisse patriam, priusquam in Bohemiam immigrarent, vix dubitatur. His ferme conjungi Quadorum natio solet, ad Danubium flumen colens. Moraviae Silesiaeque partem, deinde Austriam obtinuisse, non inepta conjectura existimatur. Superest orientalis Germaniae portio, qua Pannoniam Sarmatasque respiciebat. Ex his Marsigni Buriique Suevico sermone habituque testabantur originem: Gothinos Gallica, Osos Pannonica lingua, teste Tacito, coarguebat non esse Germanos, et quia tributa patiebantur. Omnes eae gentes terga Marcomannorum Quadorumque claudebant, inter hos et Sarmatas intercepti; ut Silesiae Moraviaeque partem habitasse appareat; Buriis etiam ad Vistulam fluvium pertinentibus.

XX. At post hos Lygiorum multae civitates ad Danubium, qua nunc Austriae Hungariaeque trans amnem partes incoluntur, late tenuerunt. Arios, Helveconas, Manimos, Elysios, Naharvalos vetus aetas appellavit, sequens oblita est. Gothorum sedes, quos et Guttones scribunt, succinum ostendit, quod tantum Prutenico litore legitur. hos Vandalis adscripsit Plinius. Rugiorum insula sedes antiquas ejus populi, nomine nihil dum mutato, satis demonstrat. His quia finitimi fuerunt Lemovii, Pomeraniae cultores fuisse, non immerito quis arbitretur. Extremos Suevorum in ipso oceano statuit Suionas Tacitus, Sitonumque gentes: quorum illi nomen atque potentiam antiquam hodieque retinent: sermone etiam, quia penetrare eo Romani aliique externi non potuerunt, propius accedente ad veterem, ut ex antiquissimis monumentis Germanicae linguae certo cognoscitur.

Suiones.

Sitones.

XXI. Sitonas Norvegiam possedisse argumento est, quod Suionibus similes continuique tradantur; ac apud eos videatur aetate Taciti regnasse soror Hasmundi, minor annis fratre, sed audacia superior. nec multo post Sticla et Rusla virgines cum Trando fratre diutissime de regno certaverunt. Qua tamen re distingui a Suionibus non debuerunt. nam et apud illos antiqui-

tus utrique sexui praestans virtus adfuit; et modo virginis regnum fuit, qualem aequari sibi magnitudine animi, rerumque gestarum gloria, et imperandi artibus, nemo vel maximorum regum indignetur. Neque enim animis, uti corporibus, differentia sexus inest: neque pars ea, quae servire in singulis hominibus debet, ubi de imperio in quam plurimos agitur, respicienda est: ut, nisi culpam istam Tacitus aliis meritis redemisset, notandus eo nomine haud perfunctorie fuerit, quod, qui mulieris imperio regantur, eos etiam a servitute descivisse iudicavit, homo Neronem atque Othones et Domitianos passus, quorum mollietate atque flagitiis pleraque pars vel abjectissimarum feminarum erubesceret.

U. c. 694.
A. C. 58.

*Tacitus er-
guitur.*

XXII. Sed ad descriptionem Germaniae redeo; supersunt enim ad dextrum Suevici maris litus Aestiorum gentes, quorum hodie durat apud Finnonem appellatio, et per Livoniam sermo usurpatur. antiquitus in Prussiam usque pertingebant: argumento succini, quod soli omnium ea aetate legebant, *glesum* appellant, quo nomine vitrum Germani vocamus.

XXIII. Bastarnas fuisse Germanos, sed mixto Sarmatis sanguine, veteres auctores prodiderunt. horum Peucini ex insulae, quam habitabant, nomine vocantur: Roxani magis pertinebant ad aquilonem, inter Tanaim et Borysthenem pascere soliti. At Venedos Fennoque, licet quaedam ex Germanicis moribus traxissent, Sarmatis potius adscribendos crediderim, maximo certissimoque linguae argumento, quae nulla parte Germanicae est similis. Hellusios veterum in Gotlandia putant habitasse: Oxionas in Livonici sinus insula ponit vocabulum Oxiliae, (nunc *Oesiliam* frequentius vocant) et quod ovis avium vescebantur: inde a quibusdam *Oones* appellati: quae nota nostris etiam temporibus durat. nam avium innumerabilium agmina sub Majum mensem iis locis foetificant: earum dispoliant incolae nidos, ovaque sale condita ad diuturniorem victum recondunt.

Bastarnas.

XXIV. Hactenus, Cornelii Taciti maxime sequenti ductum, Germaniam ex obscuro vetustatis situ erui-
mus. restat ut de moribus earum gentium pauca refe-

Mores veterum Germanorum.

Cap. XXII. Tac. Germ. 45. Plin. 37, 3. Cap. XXIII. Plin. 4, 13. Mela, 3, 6.

U. c. 694. rantur. In universum aëssimanti liquet, coeli terrarumque genio Germanos ad feritatem et arma inclinari debuisse. Tanta enim erat antiquitus partium istarum asperitas, ut maximo mihi argumento sit tam incredibilis facta mutatio, praeter cognitos siderum cursus, certò quodam, sed nps fallente, motu naturae partes invicem conjungi aut discedere. Sed ista subtiliorem indagationem desiderant.

Habitus corporum.

XXV. Ceterum Germanis corporum magnitudo roburque, et copiosus sanguis pugnarum aviditatem et vulnorum contemptum attulit. Valida et ingentia membra, truces et caerulei oculi, rutilae comae, communis olim omnibus habitus nunc quoque manent, ubi minus peregrini sanguinis immixtum est. Nam haec nostra Germania, maxime quae Rheno est propinquior, peragrata Romanis exercitibus, in sessa coloniis, conjugii innexa, quantum a cognatione priorum, tantum a similitudine recessit. Sed et pacis artibus cultior, morumque longe meliore temperamento agit. Nam pristina Germanorum feritas latrocinia, dum extra fines cujusque civitatis fierent, in laude ponebat: eadem, uti mos barbaris ratione non multum, superstitione plurimum, moveri, mulierum vaticiniis incendebatur, aut interquiescebat: nec sumi proelia, nisi his anuentibus, in morem verterat.

Immortalitatis opinio.

XXVI. Mortem extimescebant minus, quod se redituros ad vitam existimabant. Illud etiam e natura regionis, quae multis passim lacubus fluminibusque finditur, profectum auctores mirantur, quod rapidissimos amnium vortices tranare Germani cum armis poterunt. Pecuniae antiquitus spretores, mox avidissimi facti, postquam Romanorum commerciis utilitatem ejus intellexerunt. Alia multa, quae de moribus eorum Tacitus retulit, procaranda Belgica vicinus illis notusque, (et quae adcurato opere Philippus Cluverius) propterea, quod omnium manibus auctoris eximii opera teruntur, praetereo.

Motus Germanorum in castris Caesaris.

XXVII. Cum hujusmodi gentibus tum primum sub nomine Germanorum dimicaturus populus Romanus, qui domi, quique militiae erat, haud tralatitia cura

Cap. XXIV. Liv. Epit. Caes. de B. Gall. 6, 23. Cap. XXV. Caes. de B. Gall. 1. et 6. Appian. Celt. Tac. Germ. 4. Caes. de B. Gall. 6, 23. Tac. Germ. 6. et Hist. 4, 61. Cap. XXVI. Dio, l. 38. Appian. Celtic. Tac. Hist. 2, 35. et Dio, l. 60. Tac. Germ. 5. Herodian. l. 6. Plin. 7, 16.

sese adfligebat. In castris multi erant adolescentes nobiles, per amicitiam sequuti Caesarem, et quia mollem sub eo quaestuosamque militiam speraverant: quibus ille tribunatus praefecturasque dederat. Hi partim per varias causas commeatum petebant a Caesare: partim, pudore prohibiti, tamen non dissimulabant metum, fatique instantis acerbitatem soli, aut inter familiares, deslebant, quod immanissimis gentibus, quibus nulla resisti vi humana posset, objicerentur. Ergo et alia indecore fiebant, et timorem incitabat militum, quod passim etiam in principiiis testamenta scribebantur.

U. c. 694.
A. C. 58.

XXVIII. Caesar, trepidatione exercitus cognita, *Caesar suos alienum a praesenti statu putavit, in concionem eum confirmat.* advocari, priusquam ductores confirmarentur. Igitur, consilio convocato, omnibusque adhibitis centurionibus, nullam esse causam timendi, docet, ne Ariovistus solvat amicitiam, tam diligenter quaesitam et cupide initam. Quod si maxime ille insanias, non ideo despondendos animos, tamquam ob rem novam et atrocem, esse. Cimbros et Teutonos clade sua satis docuisse, nec invictam esse Germanorum ferociam, nec valde difficilem vinci. sperare se, non deterioribus usurum militibus, quam Marius habuisset: nec ipsos multo inferiore cognituros imperatorem. Etiam Spartaci bello deletas Germanorum maximas copias a ducibus non maximis esse. Cum his ipsis hostibus per eos annos saepe Helvetios pugnasse: eosque non in suo tantum, sed etiam in illorum solo, vicisse. quorsum igitur timeant ab aliis expertos, quum haud magno negotio superiores victoribus eorum fuerint?

XXIX. Quod autem quidam timori regendo difficultates itinerum, et angustias frumentariae rei obtendant; id ipsos imperatorem arroganter facere, qui suum jus esse putent de his rebus concernentibus, fulendi, quae totae imperatoris officio contineantur. Igitur illa sibi curae et fuisse, et fore. Neque putare vera retulisse, qui milites propter timorem, ubi castra moveri iussisset, signa deserturos esse renunciarent. Non ita se virtutis felicitatisque suae, ac praeterea innocentiae poenitere, ut, quod malis atque avaris ducibus aliquando accidisset, id sibi metuendum a militibus suis existimaret. Atque, ut statim periculum faceret animorum, quod antea in dies aliquot fuisset dilaturus, eadem nocte de quarta vigilia profecturum. Defererent sane, quorum in animos potentior formido, quam Romani nominis et sa-

Cap. XXVII. Caes. de B. Gall. 1. Dio, l. 38. Plut. Caes. Caes. Flor. 3, 10. Cap. XXVIII. Liv. Ept. Dio. Caes. Plut. Caes.

U. c. 694. *cramenti memoria effes: sibi abunde fore, si decima sequatur*
 A. C. 58. *legio, de qua non dubitaret, quamque praetoriam effes cobar-*
Decimam sem habiturus.
regionem lau-
dans.

XXX. Hac oratione mirifica commutatio animorum facta: et, quum in vulgus militum, quae erant dicta a Caesare, emanassent, pars laudibus imperatoris alacriores redditi sunt: ceteri ad aemulationem ejusdem decoris incitati. Statim et deinde legio per tribunos militum gratias egit, *quod bene de se judicasset imperator: et reliquae satisfacere studuerunt, neque dubitasse unquam, aut timuisse; neque de summa belli suum, sed imperatoris esse, judicium existimavisse.*

Colloquium
inter Caesa-
rem et Ario-
vistum.

XXXI. Ita Caesar, eodem, quod praedixerat, tempore castris motis, quum nullo die iter intermisisset, septimo copias Ariovisti non longius passuum quatuor et viginti millibus abesse intellexit. Ariovistus etiam celeri Caesaris accessu, quem suum adventum vix praestolaturum putaverat, nonnihil commotus est. Idcirco, legatis missis, *quod antea petitum a Caesare colloquium esset, ejus nunc venisse opportunitatem, ostendit, propius inter se congressis, et remota suspicione periculi.* Convenit, ut in diem quintum colloquerentur.

XXXII. Interea, quum ultro citroque legati com-
 mearent, Ariovistus negabat se venturum ad collo-
 quium esse, si pedites Caesar adduxisset. Caesar,
 quod neque tolli colloquium volebat, neque suam
 salutem Gallis equitibus credere, jussit eos praebere
 militibus e legione decima equos, quibus militibus
 quam maxime confidebat. Unde nec absurde quidam
 decumanorum, *plus, quam pollicitus esset, facere Caesarem,*
dixit: pollicitum in cohortis praetoriae loco decimam legionem
habitutum, ad equum rescribere. Congressi sunt in con-
 spicuo tumulo, quem patens undique planities ambi-
 bat. equitatus utrimque ad passus ducentos abstetit:
 dein ad colloquium adducti sunt. Quum Caesar impe-
 rare quidlibet, Ariovistus concedere nihil vellet, et
 interim Germani tela conjicere in Caesarianos incipe-
 rent, direptum sine fructu colloquium est.

Ariovistus
Caesaris le-
gatos vincit.

XXXIII. Biduo post redintegrari Ariovistus collo-
 quium postulat, aut aliquem ex legatis Caesaris, ad se
 mitti. Caesar, suos obijcere periculo nolens, C. Va-

Cap. XXIX. Plut. Dio. Caes. Cap. XXX. Dio. Frontin. 4,
 5, 11. Caes. Plat. Caes. Cap. XXXI. Plut. Dio. Caes. Ap-
 pian. apud Fulv. Ursin. Cap. XXXII. Caes. Dio. Caes.

lerium Procillum ex principibus Gallorum, unaque U. c. 694.
A. C. 58.
M. Mettium mittit, qui hospitio Ariovisti usus fuerat. eos Germanus, speculatum venire caussatus, in catenas conjecit, statimque cum exercitu propius accessit ad Caesarem: mox, praeteritis ejus castris, ad duo millia passuum ultra consedit, quo commeatum impediret, qui ab Aeduis Sequanisque supportabatur.

XXXIV. Ex eo die dies continuos quinque Caesar, eductis in aciem copiis, potestatem pugnandi fecit. Ariovistus, equestri proelio contentus concurrere, pediatum intra castra continebat. Eo genere pugnae potiores erant Germani, quum ad sex millia haberent equitum, quos lecti vir a viro totidem mira velocitate pedites comitabantur, sic exerciti, ut, quoties esset properandum, jubis equorum sublevati cursum adaequarent; de cetero pugnantibus equitibus pro munimento essent, ad quod se reciperent, aut ipsi ultro subvenirent laborantibus. Igitur Caesar, ne diutius commeatu intercluderetur, circiter passus sexcentos longius, quam Germanorum stativa erant, castris delegit locum, eumque, frustra prohibentibus Germanis, communivit: ac duas ibi legiones cum parte auxiliorum reliquit, quatuor reliquas in castra majora reduxit.

XXXV. Ariovistus, quum ex more Caesaris productae in aciem copiae circiter meridiem in castra revertissent, partem suorum minora castra oppugnatum misit. multum utrimque sanguinis fusum. Germani re infecta sub occasum solis recesserunt. Caesar, quaesita ex captivis causa, propter quam de summa rerum Ariovistus decernere fugeret, eam esse intellexit, quod matres familias, quarum praedictione multum Germani utebantur, negarent fas esse vincere, si novam ante lunam acie decertassent. Erat his ea disciplina divinandi, ut ex fluviorum vorticibus undarumque sonitu futura se prospicere arbitrarentur.

XXXVI. Eo magis Caesar incitatus est, ut quam maturime contenderet, suo tempore usus, si qui, dem vera mulieres dicerent; aut saltem facilius debellaturus impeditum religione hostem, et de victoria desperare jussum. Igitur, acie instructa, quum ad castra hostium succederet, irritati ignominia Germani pro-

Cap. XXXV. Dio. Caes. Frontin. 2, 1. 16. Clemens Stomat. l. 1, Plut. Cap. XXXVI. Frontin. Plut. Caes. Plut. Caes.

U. c. 694. cesserunt et ipsi, nationatim distributis copiis. Prae-
 A. C. 58. ter Suevos, ex quibus ipse erat, Marcomannos in ex-
 exercitu Ariovistus habebat, et Triboccos, et Vangiones,
 Nemetasque, ac Harudes, et Sedusios, ignobiliora
 reliquis nomina, et vix certarum sedium, nisi quod
 Harudes ad lacum Acronium, quibus locis condita
 Constantia est, habitasse putant; Sedusios, aut, ut le-
 gi volunt, Sepusios, ad fines Nemetum in ripa Rheni.

*Romanis
 victoribus.*

XXXVII. Caesar a dextro cornu, quod ibi imbecil-
 liorem esse hostem senserat, commissa pugna, tanta
 Germanorum alacritate exceptus est, ut spatium pila
 in hostes conjiciendi militibus non daretur. Abiectis
 pilis, res acerrime gladio geritur: et, quum, pha-
 lange facta, Germani testudine se tegerent, multi Ro-
 manorum super ipsa scuta salierunt, manibusque ea
 revellentes desuper intulerunt vulnera. interim ab al-
 tero cornu Romanus urgebatur: quam tum rem con-
 spicatus P. Crassus, qui equitatu praecerat, tertiam
 aciem subsidio misit. haec res plenam Romanis victo-
 riam dedit. Ariovisto cum equitibus Rhenum versus
 fugiente, pedites, qui consequi non poterant, densa-
 tis agminibus restiterunt. Eos quum sine magno labo-
 re ac periculo militum caedi non posse Caesar videret,
 emitti iussit, ratus futurum, quod evenit, ut in fuga
 sparsi facilius opprimerentur.

*Clades Ger-
 manorum.*

XXXVIII. Ariovistus, naviculam ad ripam deliga-
 tam nactus, transmisit amnem. simili ratione, aut nan-
 do evasere perpauci: ceteros Romani equites conse-
 cuti interemerunt. Ne mulierum quidem infantium-
 que caedibus temperatum est: duae conjuges Ariovisti
 occisae cum una filiarum, altera pervenit in potesta-
 tem hostis. Cecidisse Germanorum octoginta millia fe-
 runtur. Quum maxima victoriae tantae laetitia esset,
 haud minus gaudium Caesari fuit, C. Valerius Proci-
 lus Marcusque Mettius recepti. Valerius ter, se prae-
 sente, sortibus de se consultatum narrabat, utrum sta-
 tim igni combureretur: sortium beneficio superesse.
 Clades Ariovisti quum Suevis, qui ad Rhenum vene-
 rant, terrorem fecisset, Ubiis animos; domum rever-
 tentes illos Ubi insequuti magnam multitudinem ceci-
 derunt. Caesar, duobus ingentibus bellis eadem aesta-

Cap. XXXVI. Ortel. Thesaur. et Cellar. Geogr. Ant. 2, 5.
 Cap. XXXVII. Caes. Dio. Flor. Oros. 6, 7. Caes. Frontin.
 2, 6. Cap. XXXVIII. Caes. Plut. Appian. Celt. Caes:

te confectis, aliquanto maturius solito exercitum in hiberna deduxit, Labienoque his praeposito, in Cisalpinam Galliam ad conventus agendos profectus est. U. c. 694.
A. C. 58.

XXXIX. Tanta Caesaris felicitas quum adversariorum odia metumque acrius stimulet, reducendi Ciceronis consilio magnis studiis coeperunt incumbere. *Felicitas Caesaris inimicos exstimulat.* L. Domitius Ahenobarbus professas cum Caesare inimicitias gerebat. Ab hoc et C. Memmio praetoribus relatum ad Patres de superioris anni actis fuerat, priusquam in provinciam Caesar iret: et quum ille, cognitione senatui delata, nec a senatu suscepta, profectus esset, statim quaestorem ejus in consulatu legibus in praedictum Caesaris interrogandum curaverunt. Vatinius quoque dicta dies, quo legato Caesar utebatur. sed et ipsum Caesarem L. Antistius tribunus plebis postulavit. Caesar, appellato collegio, *quod reipublicae causa aberat*, ne reus fieret, obtinuit. Vatinius, quum eadem exceptione posset uti, maluit in ipso iudicio pene deteriora scelera facere, quam quorum causa erat accusatus. Nam, ubi dies venit, nominatim appellato P. Clodio, ne causam diceret, illoque adjuvante, in tribunal sui quaesitoris adscendit, eumque vi deturbavit, dissipavit subsellia, urnas disiecit. Sic in fugam coniectus est praetor, accusatores ejus vix e manibus Vatiniatorum erepti.

XL. Horum intemperie stimulat, quicumque aut Ciceronis, aut omnino quietis atque legum cupidi *Qui Cicero- nem reducere satagunt.* erant, illum sibi virum omni conatu restituendum in priorem locum esse statuerunt. Sed deerat, qui referret ad senatum, quamvis adeo primum, ut nullis de rebus ante consuli vellet. Sed consules, quum essent inter inimicos Ciceronis, cupere se dicebant, *sed lege impediri.* nam id caput legis Clodius in curiae poste fixerat, *ut quis ad senatum referret, ne quis decerneret, ne disputaret, ne loqueretur, ne pedibus iret, ne scribendo adesset.* Idcirco Domitius praetor se dixit relaturum, si consules nollent.

XLI. Nihil tamen perfici eo anno potuit, quamquam praeterea studiosissimi Ciceronis homines in magistratibus agerent, tribuni octo, P. Nigidius, L. Len- Frustra.

Cap. XXXIX. Sueton. Caes. c. 23. et Ner. c. 3. Cic. in Vat. c. 14. Sueton. Caes. Cic. in Vat. c. 14. Cap. XL. Cic. pro Sext. c. 31. et in Pis. c. 13. Plut. Cic. Cic. in Pis. c. 13. et post redit. in Sen. c. 3. et pro Domo, c. 26. Cap. XLI. Cic. ad Att. 3, 15. et post redit. in Sen. c. 4.

U. c. 694. tulus praetores: eratque inexplicabilis in urbe con-
 A. C. 58. sternatio, quum senatus propensissimam voluntatem
 consules per causam legis morarentur; plebs et facta
 improbaret Clodii, et eundem, quo faceret quotidie
 plura, adjuvaret. Is populi sensus maxime in theatro
 et spectaculis erumpebat. eoque Clodius toto suo tri-
 bunatu spectando abstinuit; licet multi eo tempore
 magnifici ludi, et super omnes a M. Scauro appa-
 ratissimi ederentur.

*Scauri
 theatrum.*

XLII. Ille enim aedilitio munere (noscenda enim
 haec quoque est insania, quo minus ruinam libertatis
 admiremur) theatrum tantummodo ad temporarium
 usum fecit triplici scena: ima pars e marmore fuit,
 media e vitro, summa tabulis inauratis. Columnas ea
 structura habebat trecentas sexaginta duodequadrage-
 nam pedum; signa aenea inter columnas tria millia.
 Cavea ipsa cepit hominum octoginta millia: duplum
 nempe ejus, quod Pompejanum theatrum, sub eadem
 tempora structum. Sicyone olim praestantissimi picto-
 res fuerunt: eorum opera omnia, quotquot in publi-
 co servabantur, propter aes alienum civitatis addicta,
 ad ornamentum theatri sui transtulit Romam Scaurus:
 choragiumque, antea translatitiae cultum, exquisito
 genere vestis induxit: tanta quidem Attalicae vestis
 copia, tabularumque pictarum, et ceteri apparatus,
 ut, in Tusculanam villam reportatis, quae superfue-
 rant, incensa ab iratis servis villa, conflagraret se-
 sertium millies.

*Et iude-
 rum ejus ma-
 gnificientia.*

XLIII. Iisdem ludis ab hujus magnificentia coepis-
 se certamen Athletarum dicitur, antea insuetum Ro-
 mae. Idem Euripum fecit temporarium ludis suis, et
 in eo hippopotamum et quinque crocodilos ostendit,
 animalia numquam antehac Romae visa; postea per-
 quisita tam intemperanter, ut hippopotami defecerint
 in Aegypto, ad hanc vitandam molestiam, pro saga-
 citate naturae suae, migrasse crediti in Blemmyas.
 Circensibus pantheras varias centum quinquaginta u-
 niversas primus ostendit; itemque ossa longitudine pe-
 dum quadraginta, altitudine costarum majore, quam
 sit

Cap. XLI. Cic. pro Sext. c. 31. et 32. et ad Q. Fratr. 1, 2.
 Cic. pro Sext. c. 54. et seq. Cap. XLII. Plin. 36, 15. Plin.
 34, 7. Plin. 36, 15. Plin. 35, 11. Val. Max. 2, 4. Plin. 36, 15.
 Cap. XLIII. Val. Max. Plin. 8, 26. et Solin. c. 35. Themist.
 Or. 10. Amm. Marcellin. 1, 22.

sit elephantis Indicis, spinæ crassitudine sesquipedali: quæ belluæ fuisse dicebantur, quam ad oppidum Judææ Joppen (inde exportaverat Scaurus) liberator Andromedæ Perseus interfecisset. Non igitur mirum, si per hunc furorem in aes alienum grande se immer-
Atque ex- hinc aes alie- num.
 sit stultissimus adolescens, non sufficientibus opibus, quas pater, diu princeps civitatis, et sub iustitiæ larva minime in rapiendo segnis, quasque mater Metella, mariti Sullæ proscriptionibus ditata, amplissimas reliquerant.

U. c. 694.
 A. C. 58.

XLIV. Eodem anno, novum et inusitatum antea, designatorum consulum provinciæ ornatae sunt. P. Lentulus, Q. Metellus erant: alter amicissimus Ciceroni, alter, deposita, quam cum eo gesserat, similitate, non vehementer adversus. Igitur octo tribuni plebis ante diem quartum Kalendas Novembres promulgaverunt de reditu Ciceronis legem, eaque de re postea retulerunt ad senatum. Ibi Lentulus, nihil ter-
*U. c. 695.
 A. C. 57.
 P. Corne-
 lius, Q. Cae-
 cilio cos.
 Sententia
 de reditu Ci-
 ceronis.*
 ritus lege Clodia, sententiam libere dixit: sed, Piso-
 ne et Gabinio repugnantibus, nihil effectum, donec novi consules magistratum iniverunt. Cujus ipso prin-
 cipio, Kalendis Januariis, agente consule P. Lentulo, sententiae de reditu Ciceronis in senatu, praesente etiam et approbante Pompejo, dictae sunt. Sed et Q. Nepos consul susceptas cum Cicerone inimicitias Patribus conscriptis et temporibus reipublicae dixit esse remissurum. Varia tamen ludificatione senatus impedita est auctoritas.

XLV. Idcirco Q. Fabricius tribunus plebis, rogatione proposita, cum populo ante diem octavum Kalendas Februarias agere statuit. Sed id quoque vanum inceptum Clodianorum efficiebat audacia, qui multa de nocte curiam, forum, comitium armati occupaverant. Ab his Fabricius repellitur, itemque collega ejus M. Cispinus: caedes in foro editur maxima. Q. Cicero, qui nuper ex provincia Asia decesserat, quum ad supplicandum pro salute fratris venisset, pulsus a rostris, inter cadavera latuit, ut opinione mortis mortem evitaret.

*Maximas
 propterea dit-
 cordias.*

Cap. XLIII. Plin. 8, 17. Plin. 8, 5. et Solin. c. 37. Ascon. in Scaur. Plin. 36, 15. Cap. XLIV. Cic. ad Att. 3, 24. Cic. pro Sext. c. 33. et ad Fam. 5, 4. Cic. ad Att. 3, 23. et post Red. in Sen. c. 2. et 3. pro Sext. c. 32. 33. et 34. Cap. XLV. Cic. pro Sext. c. 35. Plut. Cicer. Cic. pro Sext.

Supplem. Liv. Tom. XIII.

P p

U. c. 695. XLVI. Idemque non multo post P. Sextio tribuno

A. C. 67. plebis in templo Castoris accidit. cuius tamen periculum contrariae factionis tribuno Quinctio propemodum exitiosum fuit. nam Clodiani furoris satellites, quod occisum a se tribunum putabant, hunc, licet suarum partium, ad necem quaesiverunt, ut similis facinoris suspicione adversarios onerarent. nec ante hic timere mortem desiit, quam rescitum est, Sextium vivere. Studiösimus Ciceronis hic Sextius erat, qui et designatus iter suscepit ad Caesarem, ut illum induceret ad causam, aut saltem a voluntate resistendi abduceret: et, inito magistratu, rogationem scripsit, et suis copiis, clientelis, vitae etiam periculo amicum constantissime iuvit.

Sextius Ciceronis studiosus.

Et magis adhuc Milo.

XLVII. Praeminebat tamen T. Annii Milonis studium, qui Clodium, modis omnibus acerrime vexatum, postremo lege Plotia de vi reum fecit. Sed elusum id iudicium est edictis magistratum, qui Clodio favebant. Consul Metellus, nondum satis placatus Ciceroni, ad haec propinquus Clodio, itemque frater Appius praetor, unusque de collegio tribunorum vetabant iudiciorum fieri mentionem, priusquam praetores crearentur, apud quos sortitionem iudicum fieri oportebat. Hoc ideo fiebat, ut inter hanc moram petere, Clodius aedilitatem posset: et, magistratum adeptus, quod factitatum ab aliis fuerat, iudicium effugeret.

XLVIII. Igitur Milo, sublata iudicia cernens, et auctoritate senatus accusatione se prohiberi, coepit et ipse gladiatores, aliamque secum sententium turbam, circumducere. unde quotidianae propemodum inter factiones pugnae, caedesque tota urbe fiebant. Domus etiam L. Caecilii praetoris, et postea domus Milonis atque Ciceronis a Clodianis sunt oppugnatae. Inter has inflammata Q. Ciceronis.

Sed Pompeius rem perurget.

XLIX. Cum Milone Pompejus sentiebat, adeoque spe consulatus excitasse illum putabatur, ut reducendo Cicerone de Clodio se vindicaret. Idem, coacto ingenti agmine, quum rogationem suam Milo perlatus

Cap. XLVI. Cic. pro Sext. c. 33. Cic. ad Att. 3, 23. et post Red. in Sen. c. 8. Cap. XLVII. Liv. Epit. Cic. pro Sext. c. 39. et seq. et pro Mil. c. 13. Cic. de Har. Resp. c. 24. Dio. l. 39. Cap. XLVIII. Cic. pro Sext. Dio. Cic. pro Mil. c. 14. Pro Sext. c. 41. et 44. Pro Coel. c. 32. ad Att. 4, 3. Cap. XLIX. Dio. Appian. Civil. l. 2.

rus esset, Clodianis fugatis, forum ei liberum praestitit: ut ejusdem hominis intentissima cura Cicero restituere-
 tur, cujus proditiōe eversus profligatusque fuerat. Jam impar consensui tot potentium Nepos impugnare Ciceronem desierat, et, P. Lentulo referente, Pompejoque sententiam de scripto dicente, senatus decreverat reditum. Eo facilius accepta rogatio est, ut quidquam umquam tanto consensu populi rogatum negent.

U. c. 605.

A. C. 57.

L. Eodem tempore senatus decrevit, ut civitatibus, quae in Ciceronem officiosae fuissent, itemque privatis, qui ex municipiis salutis ejus causa convenerant, gratiae agerentur: atque domus ejus et villae publico sumptu rescerentur: solo, quod Libertari dedicaverat Clodius, religione per sententiam pontificum liberato. Exstat adhuc disertissimi viri pro domo sua oratio. ex qua et aliis, sub eisdem annis habitis, multum luminis illorum temporum historiae adspargitur. Dixit pro eadem domo M. Calidius, qui tum praeturam gerebat. Postridie quam apud pontifices Cicero dixerat, Kalendis Octobribus senatusconsultum factum est, placere domum ei restitui. ei senatusconsulto tribunus plebis Sex. Atilius Serranus Gavianus intercessit: sed, consensu senatus et Cn. Oppii Cornicini soceri, ad pedes ejus procumbentis, precibus victus, remisit.

Ciceronis oratio pro Domo.

LI. Sic post menses ferme sedecim, quam fuerat urbe expulsus, Cicero rediit, tanto favore hominum, ut, quum ipse *bumeris Italiae se reportatum* diceret, rem minuere potius aliquanto, quam augere, videretur. Quum ad urbem accederet, tanta gratulantium obviamque prodeuntium multitudo fuit, ut vix totus dies illis officiis sufficeret. Fuit inter illos et M. Crassus, inimicus antea, sed tum in gratiam filii magno studio redeunti se offerens. sic inter hos reconciliata, magis tamen in speciem, quam vere et penitus, est gratia: diciturque in illum et Caesarem scripsisse librum de consiliis suis Cicero, refertum in hos probis, ideoque nec ab auctore editum.

Ciceroni obviam itur.

Cap. XLIX. Plut. Pomp. et Cic. Vell. 2, 45. Dio. Cic. pro Sext. c. 62. Cic. pro Sext. c. 61. Cap. L. Plut. Cic. Cic. pro Domo, c. 32. et pro Sext. c. 62. et post Red. in Sen. c. 10. et 11. Plut. Cicer. Cic. pro Domo. et in Pis. c. 22. Quintil. 10, 1. Cic. post Red. in Sen. c. 9. Cap. LI. Cic. ad Att. 4, 2. Plut. Appian. Cic. post Red. in Sen. c. 15. Plut. Cic. ad Att. 4, 1. et in Pis. c. 22. Vell. 2, 45.

U. c. 695. LII. Cum Pompejo meliori fide reversus est in gratiam, et, ne poenitere eum suae voluntatis posset, statim beneficium reddidit, senatu inducto, ut ei per quinquennium annonae cura, Sex. Clodio improbo et

Seditio ex fame.

audacissimo homini erepta, mandaretur. Ingenti enim urbem premente fame, plebis insanis tumultibus fremebat. Et primum Apollinaribus ludis, quos L. Caecilium Rufus praetor faciebat, tanta infimae multitudinis concursatio fuit, ut omnes, qui spectandi gratia consederant, theatro pellerentur. Deinde in Capitolium, quum ibi senatus haberetur, concursus factus, incendium templo, necem senatui minitanti. Inter eam consternationem auctor Patribus Cicero fuit, Pompejo curam illam decernendi. proconsulare imperium per Italiam omnesque terras, quale prius piratico bello tenuerat, datum.

Cui remedium a Pompejo.

LIII. Pompejus, accepta curatione, legatos posulavit quindecim, et in his principem Ciceronem. quibus passim per provincias dimissis, in Siciliam, Sardiniam, et Africam ipse navigavit. Inde cum onustis navibus reversurus, inter cunctationem gubernatorum, qui tempestatem timebant, primus consensu navigio solvere iussit, nobilissima voce edita, *navigare necessum esse, vivere non esse necessum*. Absente Pompejo, quum nihilominus ferveret Milonis atque Clodii contentio, civitasque et senatus in partes scinderentur, referente P. Rutilio Lupo, qui recens tribunatum iniebat, frequentiore curia, quam mense Decembri sub dies festos putari potuisset, de judiciis agitatum est. Marcellinus consul designatus sententiam dixit, *Un praetor urbanus ipse sortiretur iudices: iudicum sortitione facta, comitia haberentur*. Id quum probaretur, C. Cato, C. Cassius tribuni comitia prius habenda contenderunt. Haec sententia vicit: et comitia, non sine maximis certaminibus, obnunciante Milone, perfecta, Clodiusque aedilis curulis factus est.

Gallorum ingentes apparatus contra Caesarem.

LIV. Dum haec in urbe fiunt, C. Caesar gravissimum in Gallia bellum habuit. Belgarum populi, Remis exceptis, omnes conjuraverant, incredibili hominum multitudine armata: quippe Bellovacos, millia

Cap. LII. Appian. Plut. Dio. Cic. ad Att. 4, 1. et pro Domo, c. 7. et 10. Ascon. in Milon. Cic. Plut. Pomp. et Dio. Cap. LIII. Cic. ad Att. 4, 1. Plut. Pomp. et Apophth. Rom. Cic. ad Q. Fratr. 2, 1. Cic. ad Att. 4, 3. Dio. Cap. LIV. Caes. de B. G. 2. Dio. Plut. Caes.

sexaginta pollicitos, Caesar ipse prodidit, quinquaginta Sueffiones, totidemque Nervios: at Ambianos, Caletes, Velocasses, et Veromanduos dena millia: quindecim Atrebates, quinque et viginti Morinos, septem Menapios, et Atuaticos undeviginti. praeterea Condrusos, Eburones, Caeraesos, Paemanos, qui uno nomine Germani appellabantur, armatorum prae-buisse millia circiter quadraginta: ita ut non injuria de fide auctoris dubitaverit quidam Galliae regum, quod ex universo regno tantam hominum bello utilium multitudinem (trecentis enim millibus plures fiunt) cogi posse minime arbitraretur, quamquam refertum habitatoribus esset. Sed olim, ut arbitror, quia pacis artes minus frequentabantur, uberior militum copia fuit: nunc eo res deducta est, ut magnae eruditionis cum insigni patriarum rerum peritia Gallus scribere non dubitarit, *citius ducenta millia scribarum, quam triginta millia militum, reperiri bodie in Gallia posse.*

U. c. 695.
A. C. 57.

LV. Causa bellandi praecipua fuit, quod Belgae, *Ejus belli successibus Caesaris territi, nec ambitionis ignari, ad se quoque perventura arma imperiumque Romanum sentiebant. ad hoc a quibusdam Celticorum Gallorum diversis de causis incitabantur.* Initium armorum a populatione agrorum ortum, in Remos effundente se Belgarum ira, quorum etiam oppidum Bibrax acriter ab his oppugnatum est. Sed quia haud longius, quam ad octo millia passuum, castra Caesaris aberant, et inde subsidia Remis mittebantur, relicto Bibracte Belgae protinus ad castra Romana contenderunt.

LVI. Axona flumen per extremos Remorum fines *Belgae caeduntur a Caesare.* labitur, ad quod Caesar eo tempore consederat, castris diligenter munitis, quod propter multitudinem hostium et virtutis eximiae famam non statuerat proelium, praeterquam ex commodo suo, committere. Sed, postquam in transitu fluminis impeditos didicit, (nam, ut Q. Titurium legatum cum sex cohortibus, in altera ripa relictis, opprimerent, aut, si hoc non possent, Remorum vastarent agros, partem suorum transducere conabantur) cum omni equitata ac levi armatura pontem transgressus, multos occidit; alios, per suorum corpora transire conantes, multitudine

Cap. LIV. Ores. 6, 7. Liv. Epit. Appian. Celt. Caes. Pasquier, Recherches de la France, 1, 3. Cap. LV. Dio. Caes.

U. c. 695. telorum repulit; aliquem numerum, qui jam trans-
A. C. 57. miserat, equitatu circumvenit,

*Mox iterum
in conatu dis-
cedendi.*

LVII. Hostes, sibi sua consilia parum feliciter succedere experti, ad hoc audito, concitatos a Caesare Aeduos Bellovacorum fines hostiliter intraffe, secunda vigilia, nullo certo ordine neque imperio, ad sua proficisci instituerunt: sic inter se pacti, ut, qui eorum primi a Caesare petiti essent, ad horum defensionem universi concurrerent. Caesar, discessu hostium per speculatores cognito, milites tamen, quod in re inexpectata metuebat insidias, castris continuit. prima deinde luce misit, qui hostes moraretur, universum equitatum cum Q. Pedio, L. Aurunculejo Cotta legatis. Labienum cum legionibus tribus subsequi iussit. Quum hostium ea ratio esset, ut novissimi se converterent, et impressionem Romanorum sustinerent, ceteri interim contenti fugerent; illos superveniens Labienus disjecit, et fugientibus immixtus eques ingentem stragem edidit. Nec moratus Caesar, quin postridie statim in Sueffionas duceret. Ii se statim, neque multo post Bellovacis, dederunt. Caesar utrumque populum, Sueffionas Remis, Bellovacos Aeduis deprecantibus, conservavit. Mox, Ambianis receptis, ad fines Nerviorum perventum.

*Caesar ad
Nervios per-
venit.*

LVIII. Hi neque miserant ad Caesarem legatos, et ferocissimi Belgarum omnium habebantur, institutis virtutem roborantibus; cujus vigorem, prohibitis in fines ingredi mercatoribus, vinoque et peregrinis deliciis praecluso aditu, tuebantur. Vetus genti adversus finitimorum incursiones praesidium in silvarum munimentis erat, quas arte quadam ita implicatis arboribus, rubisque et sentibus inter eas serendis, densaverant, ut non modo pedibus inaccessae atque inviae, sed ne visu quidem penetrabiles essent.

*Et cum his
aeri pugna
configit.*

LIX. Ex his veluti lustris subito Nerviorum et Veromanduorum ac Atrebatum, quibus eadem Nervii persuaserant, sexaginta millia proruperunt, impetumque in Caesarianos castra metantes facto, cruentam ediderunt pugnam. Tanta enim fortitudo et celeritas hominum fuit, ut objectum Caesaris equitatum momento fundarent, flumen interpositum (Sabis erat, *Sambram* vocant hodie) superarent, et in adversum collem, ubi castra Caesaris erant, eniterentur. Ibi quum maxi-

num discrimen esset, septimaeque et duodecimae legionum centuriones propemodum omnes cecidissent, Caesar, ut nutantem exercitum confirmaret, rapto e manu militis scuto, in primam aciem provolat, proeliumque restituit: donec duae legiones, quae impedimentis relictæ praesidio fuerant, et ab Labieno, qui castra interim hostium ceperat, missa decima, succurrere laborantibus potuerunt. Horum superventu mutata fortuna est, hostiumque totus ferme exercitus pugnando deletus.

U. c. 695.
A. C. 57.

LX. Hoc proelio facto, majores natu Nerviorum, quos cum pueris atque mulieribus in loca paludibus invia miserant, Caesari se dediderunt. horum legati in exponenda civitatis calamitate dixerunt, *de sexaginta millibus armatorum non amplius quingentos superesse, et tres a lmodum senatores de quadringentis.* Caesar misertus suis eos finibus oppidisque jussit uti: finitimisque imperavit, ne quam facerent populi Romani dedititiis injuriam.

Vincitque.

LXI. Atuatici, Cimbrorum Teutonorumque progenies, ex iis orti, qui a properantibus in Italiam relictis cum impedimentis in Gallia fuerant, quum ad auxilium Nerviorum serius moti essent, eorum cladis nuncio accepto, retulerunt se domum, desertisque ceteris oppidis atque castellis omnibus, in unum, quod omnium natura munitissimum erat, se incluserunt: accedentesque Romanos crebris excursionibus morati, ad vallum duodecim pedum, circuitu quindecim millium, crebraque castella excitanda Caesarem compulerunt. Postquam ea facta sunt, et procul aedificari turrim viderunt, ridicula res ignaris visa: increparuntque de muro, *quorsum homines inepti tanta opera molirentur? anne sperarent, tantillis corporibus (nam prae magnitudine sua staturam Romanorum despiciebant Galli) tantam molem in muros posse attollere?* Sed ubi moveri turrim, simulque armatos in ea stantes viderunt, exterriti velut miraculo, miserunt legatos, *existimare se, non nisi Deorum ope bellare Romanos, qui tantae abstrudinis opera tam celeriter promoveant: itaque se suaeque illorum fidei permittere: unum deprecari, ne arma tradere cogantur, sine his praedae vicinis populis futuri, quibus hactenus dominari consuevissent.*

Atuatici se dedunt.

Cap. LIX. Plut. Flor. 3, 10. Val. Max. 3, 2, 19. Plut. Caes.

U. c. 695. LXII. Caesar omnino tradi arma jubebat: *se, quod*
 A. C. 57. *in Nervii fecisset, imperaturum finitimis, ut injuriam ac vim*
Et statim ab his abstineant. His in oppidum nunciatis, tanta vis
rebellant, armorum in fossam dejecta est, ut propemodum sum-
 mam muri atque aggeris altitudinem adaequaret: por-
 tisque patefactis Romani milites in oppidum recepti
 sunt: Ast, ubi Caesar sub noctem milites egredi, por-
 tasque claudi jussit, ne quam injuriam oppidani acci-
 perent, illi de tertia vigilia, correptis armis, quae
 celaverant, aut subito compararant, munitiones Ro-
 manorum adorti sunt. Sed, quia Caesar adversus om-
 nem casum mature providerat, celeriter concursus
 e castellis, et post acrem pugnam Atuatici repulsi sunt,
 quatuor ferme amissis hominum millibus. Postridie,
 refractis portis, nemine ultra defendente, captum op-
 pidum atque subhastratum est. quinquaginta tria millia
 capitum numerum sectores ad Caesarem retulerunt.

Gallia pacata.

LXIII. Sic omni pacata Gallia, (nam sub idem tem-
 pus legatus Caesaris P. Crassus Venetos, Osismios,
 Curiosolitas, ceterosque ad oceanum populos in ditio-
 nem populi Romani redegerat) tanta fuit Caesaris glo-
 ria, tantusque omnium circa terror, ut etiam a Trans-
 rhenanis gentibus legati mitterentur: quibus ille ad
 initium aestatis proximae jussis occurrere, legiones in
 hiberna deduxit, ipse in Italiam est profectus. His
 rebus in urbem nunciatis, decreto senatus supplicatio
 in dies quindecim, ob res a Caesare in Gallia gestas,
 fuit. qui numerus nulli antea decretus umquam fuerat.
 Sed ferocissimae maximaeque gentes erant domitae,
 ut honorem mereretur Caesar. praeterea summa ejus
 erat in senatu potentia, apud populum favor, ut res
 per se amplissimae, quia ab hoc erant gestae, majores
 etiam gratioresque haberentur.

*Ser. Galba gentes Alpi-
 mas vincit.*

LXIV. Eadem aestate, qua haec sunt gesta, Ser.
 Galba cum legione duodecima et parte equitatus in
 Nantuates, Veragros, Sedunosque missus a Caesare,
 prosperis aliquot factis proeliis, pacem petentibus de-
 dit. Gentes illae a finibus Allobrogum, et lacu Le-
 mano, et flumine Rhodano, ad summas Alpes cole-
 bant; cupiebatque pacatas Caesar, quo tutius per Al-
 pes minusque sumptuosum mercatoribus iter foret, a
 quibus illi populi magna portoria exigebant.

Cap. LXII. Cic. de Prov. Cons. c. 11. Caes. Plut. Caes.
 Cap. LXIV. Caes. de B. Gall. l. 3. Oros. 6, 8. Caes.

LXV. Igitur Galba de sua legione duas cohortes in Nantuatibus, octo in vico Veragrorum Octoduro in hibernis collocat: alteram oppidi partem, nam torrens medium dividebat, suis cohortibus occupat, in alteram commigrare jubet oppidanos. Ibi Veragri Sedunique, collecti ad triginta hominum millia, subito, quae Octoduri erant, hiberna oppugnare coeperunt: donec, nullo nisi in virtute reliquo praesidio, auctoribus Sextio primipilari, et Voluseno tribuno, eruptio facta, et amplius tertia pars hostium concisa est. Galba, incenso vico, incolumem legionem per Nantuates in Allobrogum fines deduxit, ibique reliquam partem hiemis exegit.

U. c. 695.
A. C. 57.

LXVI. Per eadem tempora M. Cato, lege Clodia ad redigendam in provinciae formam Cyprum missus, reductis Byzantinorum prius exsulibus, in insulam venit, morte Ptolemaei vacuum: qui, neque paratus ad resistendum, neque regno amisso vivere sustinens, veneno epoto perierat. Pollicitus erat praemissus a Catone Canidius, populum Romanum ei, si lubens cessisset, sacerdotium Veneris Paphiae concessurum esse: verum ille mortem potiosem eo ludibrio habuit, stulta tamen avaritia conservatis opibus. Quum enim aliquando, ut vicissim praedonibus suis aegre faceret, omni pecunia in naves imposita, provectus in altum esset eo consilio, ut secum omnia mergeret, non sustinuit perdere, propter quae se periturum intelligebat. A Cypriis Cato prompte acceptus est, mitiorem sub jure Romano, quam in servitute regia habuissent, sortem sperantibus. Idcirco Catoni nihil fuit reliquum, quam ut ordinaret provinciam, et pecuniam regiam, et quod ejus ex instrumento Ptolemaei vendito redigi potuit, reportaret. Vendidit enim omnia, una solummodo excepta Zenonis statua, non propter aeris aut artis excellentiam, sed in honorem philosophiae.

*Ptolemaei
Cyprii ex-
tus.*

LXVII. Haec quum ab illo integerrima fide acta essent, summa longe major, quam sperare quisquam potuisset, redacta est. Paulo minus septem millia talentorum navibus impositum est: ita distribuyente adversus naufragiorum pericula Catone, ut singulis va-

*Ejus opes
Cato depor-
tat Roman.*

Cap. LXVI. Liv. Epit. Appian. Civil. 1. 2. Plut. Cat. Dio. Vell. 2, 45. Strabo. 1. 14. p. 684. Plut. Val. Max. 9, 4. Appian. Val. Max. Dio. Plut. Plin. 34, 8. 7, 30. Cap. LXVII. Plut. Cat.

U. c. 695. sis, qualia ad condendam pecuniam multa magnitudine aequali paraverat, corticem suberis longo funiculo alligaret, ut, si forte mersum navigium esset, locum amissae pecuniae cortex indicaret. Ita praeter Asiam Cycladasque et Epirum vectus, tantum ubique abstinentiae praestitit, ut, in locis amoenissimis omnique genere deliciarum famosis tantarum opum compos, ab omni non lucro tantum, sed etiam Venere, abstineret.

*Ubi obviam
ei itur.*

LXVIII. Quum primum Tiberim liburnis subiret, consules, senatus, sacerdotes, tota ferme civitas obviam effusa est, turpi confessione avaritiae, qua sine si fuisset, ob unius tribuni plebis furiosas iras, vivus vidensque rex amicus, neque ullius in rem Romanam injuria reus, neque rebus, ut solet, repetitis, causa incognita, non esset cum bonis omnibus publicatus. Huic tanto dedecori publico qui ministerium, quamquam invitus, prae buerat Cato, tam diligens commissi custos fuit, ut ad occursum senatus et ceterorum non ante exscenderet, neque inhiberet cursum, quam ad locum perventum est, ubi erat exponenda pecunia. Inde translata per forum admirationem excitavit spectantium: nec erat res triumpho absimilis, frequentia et gaudio celebrantium; et plus inferebat aerario, quam factum ex ullo triumpho fuerat.

*Cato honores oblatos
spernit.*

LXIX. Actae ob haec Catoni in senatu gratiae, consulibusque referentibus praectura illi et jus spectandi ludos praetextato extra ordinem data. Ea quum decreta magnam Catoni gloriam conferre viderentur, majorem spreta illi atque repudiata dederunt. quippe, extraordinariis potestatibus semper adversus, quod in aliis non probabat, ejus in se conspici exemplum non patiebatur. Cum Clodio mox contentionem habuit ob servos regios, quorum magnum ex Cypro numerum adduxerat. eos, quod ex sua lege adducti essent, *Clodianos* appellandos ille dicebat. Cato nec id concessit, neque *Porcios* a suo nomine vocari, quod nonnullis placebat, voluit. *Cyprii* nominati sunt.

*Clodius acta
Catonis impugnat.*

LXX. Ab hoc initio Clodius acta vellicare Catonis instituit, et rationes acceptae pecuniae postulare. Nec

Cap. LXVII. Val. Max. 4, 3, 2. Cap. LXVIII. Plut. Vell. Strabo. Cin. pro Domo, c. 8. Flor. 3, 19, Sex. Ruf. c. 13. Marcellin. 1, 14, 27. Cic. pro Sext. 28, et 29. Vellejus, 2, 45. Cap. LXIX. Plut. Flor. Plut. Dio. Val. Max. 4, 1. Cic. pro Domo, c. 9. Dio.

erat ulla contra clarissimam viri notissimamque integritatem suspicio: sed quia commentarii, quos diligentissime confecerat, naufragio erant amissi, calumniae color aliquis dabatur. Hanc ad instruendam accusationem conferre operas Caesar dicebatur, epistolas ad Clodium ea de re missitendo. Inter alia criminabantur, dimissam velut a recusante praeturam, quum ipse fuisset relationis consulibus auctor; deinde, rem obtineri non posse sentiens, sponte a se omissam simulasset.

U. c. 695.
A. C. 57.

LXXI. Priusquam in Cyprum Cato navigaret, rex Aegypti Ptolemaeus, suorum injurias fugiens, Romam properabat. Quum Rhodum venisset, ubi tum adhuc Cato agebat, misit ad illum, et, uti ad se accederet, petiit: Cato vicissim ad se venire jussit, si vellet, in valetudine curanda occupatus. Id quum factum esset ab rege, nec prodiit obviam, nec adsurrexit venienti, sed translatitiae salutatum, considerare jussit. Unde regem magnus invasit stupor, in tanta vilitate cultus tantum supercilium admirantem. Sed, ubi ille reprehendere consilium coepit certa commutantis cum incertissimis, et, omissa patria, Romanorum principum avaritiae se permittentis, quos vix tota in argentum conversa satiare Aegyptus posset; jussitque reverti, et redire in gratiam cum civibus, comitem ad hoc et adiutorem se offerens; libertate atque prudentia hominis perspecta, ut consilium ejus sequeretur, motus est: deinde, iterum revocatus a familiaribus Romam contendit. Sed, ubi primum ad unius e magistratibus domum accessit, intellecto fastu Romano, recordatus est Catonis, deflevitque imprudentiam suam, per quam vinci se passus esset ad contemnendum non tam hominis sapientis consilium, quam Dei cujusdam praedictionem.

*Ptolemaeus
Aegypti rex
cum Catone
colloquutus.*

*Romam
pergit.*

LXXII. Impulsum a Theophane Mitylenaeo Ptolemaeum, uti ob causas non maximas Aegyptum desereret, Timagenes scripsit, novas quaerente imperiorum et opum occasiones Pompejo suo: auxitque suspicionem Pompejus, hospitio regem excipiens, neque amici ejus ac familiares voluntatem hominis obscuram esse passi sunt. Ceterum causae, propter quas discesserit ex Aegypto Ptolemaeus, non aliae tradun-

Cap. LXX. Plut. Dio. Cap. LXXI. Liv. Epit. Dio. Plut. Cat. Cap. LXXII. Plut. Pomp. Dio. Cic. ad Fam. 1, 1. Dio.

U. c. 695. tur, quam quod, magna in Romanos profusa pecunia,
 A. C. 57. ut socius et amicus appellaretur, eam extorquere a
 popularibus non poterat: ultro rem incusantibus, re-
 petique jubentibus ab omni memoria subjectam Aegy-
 ptiis Cyprum, aut amicitiae illud inane nomen abji-
 cere.

*Ejus pravi
 mores.*

LXXIII. Sane etiam ob morum infamiam exosus
 contemptusque erat, super alia indecora regibus ti-
 biae ita studiosus, ut palam in regia certamina infi-
 tueret, et inter certantes ipse esset: unde et nomen
 ei *Auletes* haesit. Alexandrini, nondum cognito regis
 itinere, quum morte sublatum existimarent, Bereni-
 cen regnare iusserunt, Ptolemaei filiam, de tribus
 natu maximam, et solam ex legitimo matrimonio na-
 tam. Aderant et filii duo, sed propter imbecillitatem
 aetatis posthabebantur.

Cybiosactes.

LXXIV. Igitur, ut reginae maritum quaerent,
 Menelaum, et Lamponem, et Callimandrum mittunt,
 Antiocho delaturos conditionem, qui non ita pridem
 Syriae regno exciderat, et propter matrem Selenen
 Aegypti regnum ad se putabat pertinere. Sed mors
 illius quum vanam hanc quidem expectationem effe-
 cisset, tamen ex eadem domo matrimonium petendum
 rati, Seleucum quemdam arcessunt, qui se stirpe Sy-
 riacorum regum editum ferebat. Sed, quum esset
 moribus sordidis et illiberalibus, *Cybiosactes* (quasi sal-
 samentarium diceret) ab Alexandrinis appellatus, pau-
 cos intra dies periit; quum Alexandri Magni loculum
 aureum, substituto vitreo, rapuisset, neque quidquam
 ante studium pecuniae poneret; iussu reginae, quae
 perferre sordes ejusmodi non poterat, strangulatus.

*Alexandri-
 ni legati oc-
 cisi.*

LXXV. Comperto deinde, Romae Ptolemaeum de-
 gere, legatos et ipsi centum miserunt, qui ad crimi-
 na responderent regis, et ultro ipsum accusarent.
 Sed ex eo numero plerique in itinere, pars in ipsa
 urbe Ptolemaei dolis occisi sunt: quum ille, multis
 Romanorum pecunia corruptis, insidias locis omni-
 bus posuisset. Haec omnia tam et aperte et impune
 committebantur, uti, si M. Favonius, Catonianae li-
 bertatis aemulus, tacuisset, nemo relaturus de tanto

Cap. LXXIII. Strabo, l. 17. p. 706. Dio. Porphyr. apud
 Euseb. p. 226. Strabo. Cap. LXXIV. Porphyr. apud Euseb.
 p. 217. Cic. in Verr. 4, 27. Porphyr. Dio. Strabo. Casaubon.
 ad Strab. Strabo, l. 17. p. 794. Cap. LXXV. Dio.

scelere fuerit. Illo accusante peregrinam temeritatem, domesticam avaritiam, species aliqua pristini pudoris, neque diuturna, incessit, ut princeps legationis Dio, haud incelebris Academicæ sapientiæ professor, vocaretur in senatum, de rebus illis interrogandus.

U. c. 695.
A. C. 57.

LXXVI. Hoc adeo sine cura veri et honesti factum, ut paullo post ipse etiam Dio occideretur, tantumque pecuniâ regis posset, ut, donec ipse Romæ fuit, nulla sit instituta de tantis criminibus quaestio. Desperabundus tamen de negotii eventu concessit Ephesum, ut ibi, velut in religiosissimo loco, tutius minusque contra dignitatem regiam degeret. Inter hæc, ut magistratum tribuni inierant, C. Cato, turbulentus adolescens et audax, nec imparatus ad dicendum, concionibus assiduis invidiam et Ptolemaeo, qui jam profectus ex urbe erat, et P. Lentulo consuli, paranti jam iter, concitare, secundo quidem populi rumore, coepit.

Es princeps eorum Dio.

LXXVII. Igitur Ptolemaeus, quum illo anno promovisset nihil, sequenti, quo Cn. Cornelius P. F. Lentulus Marcellinus, L. Marcius L. F. Philippus magistratum gesserunt, per legatos atque literas enixe instituit agere, uti tandem reduceretur. Huic ejus desiderio multa obstabant: æmulatio maxime principum, quod idem negotium Cn. Pompejus et P. Spinther, cui ex consulatu Cilicia cum Cypro provincia evenerat, ambabant. et utrisque adversabatur magna pars senatus, per legatos reduci regem convenientius publicis, an suis, rationibus rata.

U. c. 696.
A. C. 56.
Cn. Cornelio, L. Marcio cons.
De Ptolemaeo reducendo principum æmulatio.

LXXVIII. Accesserunt et aliae a religione trices, quod, ob statuam Jovis in Albano monte fulmine tactam, decemviri, adire libros jussi, Sibyllæ carmen invenerant, cujus hæc sententia fuit: *Quum ad vos rex Aegypti opem petens venerit, neque denegate amicitiam, neque cum multitudine auxilium ferse: sin vero, labores vos et pericula manent.* Hac de re quum esset a C. Catone tribuno plebis relatum, carmen ita congruere præsentibus, tamquam sub eadem tempora scriptum esset, ad-

Sibyllini libri cum exercitu reduci videntur.

Cap. LXXV. Strabo, l. 17. p. 796. Dio. Cap. LXXVI. Fenestella, Ann. 22. apud Nonium. Cap. LXXVII. Dio. Cic. ad Fam. 1, 1. et ad Q. Fratr. 2, 2. Cic. ad Fam. 1, 7. Cap. LXXVIII. Plut. Dio. Cic. ad Fam. 1, 1. Dio.

U. c. 696. mirati Patres, fecerunt senatusconsultum, *Regem Alexandrinum cum exercitu reduci, periculosum reipublicae videri.*
 A. C. 56. Quum varia de Sibyllino carmine existimatio esset, neque deessent, qui obtrectatione et invidia aliquorum inductam esse fictam religionem crederent, C. Cato, veritus ne res omnino supprimeretur, advocatos in concionem decemviros oraculum coëgit exponere. idque recusantibus summa contentione populi extortum, eo cupidius instantis, quo magis hoc non licere sacerdotes testabantur. nam ad eam diem Sibyllinum carmen nullum populo recitari consueverat, nisi senatus decrevisset.

*Ptolemaeus
 optat a Pom-
 pejo reduci.*

LXXIX. His rebus intellectis, Ptolemaeus optavit a Pompejo reduci, codicillosque, sub nomine regis passim per forum et in curia sparsos, populo A. Plautius tribunus recitavit. dicebanturque ab amicis Pompeji similes in senatu sententiae. Sed veriti Patres ne potentia viri, hac imposita curatione, in immensum augeretur, per honestam causam resisterunt, *non esse vitam hominis necessarii tot exponendam casibus, praesertim quum illius incolumitatem res tota frumentaria videretur.* De ceteris quoque nihil convenit. P. Lentulo multi dabant negotium, sed sine exercitu: Crassus tres legatos decernebat, ita ut non excluderetur Pompejus. volebat enim etiam ex iis, qui cum imperio essent. Id plures abnuebant, ex privatis censes legi oportere. Unus consularium P. Servilius omnino negabat reducendum: et in eam sententiam, quum intercessum esset, perscripta est senatus auctoritas. Paulo post tribuni plebis promulgarunt, Cato de imperio Lentulo abrogando; Caninius Gallus de Ptolemaeo, uti eum Cn. Pompejus Magnus cum duobus lictoribus reduceret.

LXXX. Quum his rebus nimium sollicitaretur urbis quies, Clodii furiosis actionibus plane praecipitata et extincta est. Is, aedilitate inita, Milonem vicissim de vi postulabat, turbam ab eo coactam gladiatoresque insimulans, et alia, quae ipse prior et proposito deteriore fecerat. Haec non tam spe opprimendi Milonis agebat, quam cupiditate exagitandi suos adversarios, a quibus ille defendebatur.

Cap. LXXVIII. Cic. ad Q. Fratr. 2, 2. Cic. ad Fam. 1, 4. Dio. Cap. LXXIX. Cic. ad Fam. 1, 1. Plut. Pomp. Dio. Cic. Dio. Cic. ad Fam. 1, 1. et 2. Cic. ad Q. Fratr. 2, 3. Plut. et Dio. Cap. LXXX. Cic. pro Sext. c. 44. Dio.

LXXXI. In Pompejum praecipue convicia et male-
dicta congesturus, quibus illum sciebat acerrime pun-
gi, sic cum sua turba comparaverat, ut, quoties, ali-
quo crimine aut probro prolato, *quis eo teneretur*, in-
terrogaret, *Pompejus* acclamaretur. Igitur ante diem
octavum Idus Februarias, quum pro Milone Pompejus
perorasset, surgensque ad dicendum Clodius clamore
adversariorum impediretur, interrogabat suos in cla-
more ipso, *quis esset, qui plebem fame necaret?* respon-
debant operae, *Pompejus*. *Quis Alexandriam ire cuperet?*
respondebant, *Pompejus*. *Quem ire vellent?* responde-
bant, *Crassum*. Nam et Crassus aderat, haud satis ae-
quus Miloni. Denique, interrogante Clodio, *quis esset,*
qui vir virum quaereret? *qui caput uno digito scalperet?* et
si quae alia proterviae hominis occurrebant, *Pompejus*
nominabatur. Et hac viri contumelia delectabantur
ejus adversarii: Catonemque tribunum inimicum Pom-
peji suscitabant: pecuniam Clodio dabant, quo esset
ad vexandum illum instructor. Igitur in concione po-
puli a Clodio, in senatu a Catone acerbe jactabatur:
ingentemque percipiebat dolorem, qui nec facere ta-
lia, nec ferre didicisset.

U. c. 606.

A. C. 56.

*Clodius
Pompejum
exagitat.*

LXXXII. Inter haec in Albano parvum templum
Junonis, qualia ex argento aut alia materia fiebant,
mensae impositum, ab oriente ad septentrionem con-
versum est: lupus in urbem intravit: in coelo fax a
meridie ad boream visa ferri: cives aliquot Romani
Deorumque simulacra fulmine percussa: et in agro
Latiniensi strepitus cum fremitu armorum sub terra
auditus est. *Prodigia.*

LXXXIII. Ob haec prodigia consulti haruspices, *Et de his*
quum urbem lustrandam, Jovi, Saturno, Telluri, Diis coe-
lestibus postulationes esse, respondissent, addiderunt, *haruspicum*
ira-
responsa.
sci Deos ob fidem et iusjurandum neglectum, oratores contra
jus et fas interfectos, ludos minus diligenter factos, sacrificia
vetusta occultaque minus diligenter facta pollutaque, loca sacra et
religiosa occupata et profanata. Ob haec periculum esse, ne,
per optimatum discordiam dissensionemque, Patribus principi-
busque caedes, pericula creentur, auxilioque deminuti deficiant.
qua re ad unum imperium provinciae redeant, exercitusque

Cap. LXXXI. Cic. ad Fam. 1, 5. et ad Q. Fratr. 2, 3. Plut. Cic.
de Har. Resp. c. 24. Cic. ad Q. Fratr. Plut. Cap. LXXXII.
Dio. Act. Apost. 19, 24. Dio. Cap. LXXXIII. Cic. de Har.
Resp. c. 10. Jul. Obseq. Cic.

U. c. 696. *pulsus deminutioque accedat. ne occultis consiliis respublica*
 A. C. 56. *laedatur: ne deterioribus repulsisque bonos augeatur.*

Eis Clodius ad traducendum Cicero- nem abuti- sur.

LXXXIV. Hac Clodius occasione arrepta graviter ad populum traducendi Ciceronis, ob hunc iram Deorum gravem atque formidabilem incumbere, inculcabat: hunc enim in area, quae consecrata Libertati esset, aedificare. Nec mora, pergit ad aedes illius cum multitudine, et disturbare opus, domumque iterum a fundamentis diruere instituit. Sed, Milone cum armatis occurrente, non sine multorum caede domus Ciceronis servata est. Cicero, ut hanc injuriam ulcisceretur, adsumpto Milone ac tribunis quibusdam, adscendit in Capitolium, avulsasque tabulas Clodianae legis, quas ille de Ciceronis exsilio fixerat, domum deportabat; nisi eas cum Cajo fratre, qui tum praetor erat, accurrens Clodius vi recuperasset.

Sed retor- quet in Clodium Cicero.

LXXXV. Postridie in senatu, quum de baruspicum responso consules ex senatusconsulto retulissent, vehementem orationem Cicero habuit, omnium eorum, quae arguerentur a Diis, aut unum, aut principem reum Clodium agens. Ab illo, corruptis iudicibus, fidem iurandumque sublatum: ab illo et conjuratis sociorum legatos interfectos; Megalesia, servorum incredibili multitudine immissa, polluta; vetusta occultaque Bonae Deae sacra violata esse. Loca autem religiosa, non a se, cujus aedes, a pontificibus religione liberatae, ex auctoritate senatus publica pecunia aedificarentur, sed a L. Pisone, a Sex. Serrano, ab ipso denique Clodio possideri. Dissensionem porro, cujus mentionem fecerint baruspices, non ab alia Furia faciem majorem atque horribiliorem adnotam fuisse.

Cicero tabulas Clodianarum legum auertit.

LXXXVI. Quum ita vetus inter hos odium vehementiore motu recruidisset, Ciceroque, absentiam inimici speculatus, tabulas Clodianarum legum, ex Capitolio sublatas, detulisset domum; nihil postea tam grave aut contumeliosum dictu factuque fuit, quod non alter in alterum conaretur. Sed in senatu, quum de tabulis detractis Clodius quereretur; Cicero tribunatum Clodii totum tolleret, quod contra auspicia esset adoptatus, tribunum plebis fuisse negans: exurgens

Cap. LXXXIV. Dio. Cic. de Har. Resp. c. 5. Dio. Ascon. in Milon. Dio. Cap. LXXXV. Cic. de Har. Resp. Cap. LXXXVI. Dio. Plut. Cat. et Cic. Dio. Cic. pro Domo, c. 15.

gens Cato, nihil a Clodio recte atque ordine in tribunatu gestum esse, pronunciavit. ceterum, si acta ejus rescindantur, etiam, quae ipse in Cyprico negotio egisset, rescindi, quum ex ejus tribuni lege missus in Cyprum esset, qui legibus tribunus esse non potuisset. Justum immo tribunum fuisse, qui exisset de patriciis lege curiata, priusquam tribunatum petisset adeptusque esset. Ex ea causa refrixit paullisper inter Catonem atque Ciceronem prior dilectio: non ad manifesta tamen odia, sed ut per aliquod tempus mutua consuetudo intermitteretur.

U. c. 696.
A. C. 56.

Unde et cum Catone dissensio.

LXXXVII. His principum discordiis quum tota civitas et plebs involveretur, erat etiam aliquin exulcerato animo propter caritatem annonae, quae, licet cura Pompeji sustineretur, tamen ob sterilitatem agrorum et inopiam frugum nondum sane laxaverat. In causa erat potissimum nummariae rei difficultas, quod factionibus potentium decretae nuper Caesari, Pisonique, et Gabinio maximae pecuniae aerarium exhaustum.

LXXXVIII. Idcirco Nonis Aprilibus difficilior acriorque de tota re disceptatio fuit. et, quum, decreto ad frumentum coëmundum quadringenties, publica paupertas de variis rebus admonisset, factum est senatusconsultum in sententiam Ciceronis, uti de agro Campano frequenti senatu Idibus Majis referretur; qui revocari eum ad jus publicum gravissima oratione jussu erat, eo uno omnium certissimo vectigali subsidium belli, horreum legionum, solatium annonae contineri, demonstrans. Eandem causam P. Rutilius Lupus tribunus plebis urgebat. qui priore jam anno, simul inisset tribunatum, de agro Campano accurate in senatu egerat,

Senatusconsultum de agro Campano.

LXXXIX. Nihil ea re moveri tunc adhuc Pompejus videbatur, jam suspecta habens incrementa Caesaris, et, ut infida est potentiae societas, suarum rerum anxius. Idcirco, quas ipse extulerat auxeratque Caesaris opes tanta securitate, ut in decernendis supplicationibus ampliorem ei honorem tribueret, quam ipse accepisset, eas, animadverso errore, citra suam invdiam minui vehementer cupiebat. Urebat hominem,

Pompejus anxius propter incrementa Caesaris.

Cap. LXXXVI. Plut. Cap. LXXXVII. Cic. de Har. Resp. c. 24. Cic. ad Q. Fratr. 2, 5. Plut. Pomp. Dio. Cic. ad Q. Fratr. Dio. Cap. LXXXVIII. Cic. de Prov. Cons. c. 11. et in Pis. c. 16. Cic. ad Q. Fratr. Cic. ad Fam. 2, 9. Cic. de Leg. Agr. 2, 29. Cic. ad Q. Fratr. 2, 1. Cap. LXXXIX. Cic. ad Fam. Dio. Cic. de Prov. Cons. c. 11. Dio.

Supplem. Liv. Tom. XIII.

Q q

U. c. 695. principi loco propemodum a juventute adsuetum, suam
A. C. 56. magnitudinem apud populum vilesceat ipsa adsuetudine videndi: Caesarem, ut nova gratiora sunt veteribus, quum rebus gestis magnificum, tum ultra gestorum amplitudinem in admiratione et amore hominum esse: praeterea tantum ei in senatu quaesitum auctoritatis esse, ut per illum consequeretur, quae ne per populum quidem sine seditione adsequitur putabatur. Nam et stipendium ei decretum erat ex aerario, et decem legati, quod non nisi confecta provincia solet: et ne lege Sempronia ei succederetur.

Clam ei adversatur.

XC. Atque haec omnia, non quidem palam repugnante Pompejo, fiebant, sed tamen per cuniculos conante spem eludere Caesaris. cum consulibus enim egit, ne de rebus iis ex literis Caesaris referreht; utque successor ipsi, etiam ante tempus Vatinia lege comprehensum, mitteretur. Nec deerant inimici Caesari, satis potentes ad impediendum, si concordesset fuissent. nunc invicem obtrecentes suspectantesque, pars praetermisit occasionem oppugnandi; ceteri pauci rem suspectam perficere nequiverunt.

Cum Crasso consilia jungit.

XCI. Igitur Pompejus, unam retinendae potentiae rationem optimam ratus, si cum M. Crasso consilia conjunctiora haberet, hominem, eadem omnia agitantem animo, facile permovit: communiterque ambobus placuit, petendum consulatum, et obtinendas provincias esse, quo novis gerendis rebus refricarent in animis hominum veteris gloriae admirationem, iisdemque modis, quibus augeri Caesarem videbant, se suasque opes tuerentur.

Caesaris artes.

XCII. Quum haec ita placuissent, reliquumque negotium esset, ut Caesari petitionem consulatus probarent, quod eo renitente nulla spes adipiscendi supererat; ipsi ad eum proficisci per quamlibet causam statuerunt. Neque erat difficile, quum hoc instituto Caesar uteretur, ut, quoties per bella poterat, praebere se adituris, in magno negotio habens, obligare semper annuos magistratus, neque pati alios pervenire ad honorem, quam qui suas rationes defensuri essent. quod ut obtineret, nullum largitionis aut officiorum ge-

Cap. LXXXIX. Cic. ad Fam. 1. 7. et de Prov. Cons. c. 12.
Dio. Cap. XC. Cic. ad Fam. 1. 7. Dio. Cap. XCII. Plut.
Crasso, Caes. passim. Sueton. Caes. capp. 23. et 26. Plut.
Caes. et Pomp.

nus in quemquam praetermisit: neque vulgatus ea tempestate quidquam erat, quam in petendis magistratibus emi suffragia tribuum ea pecunia, quam pro candidatis suis Caesar pronunciandam curavisset.

U. c. 696.
A. C. 56.

XCIII. Ille igitur sub initium hiemis profectus in Illyricum fuerat, quod eas quoque nationes adire, et regiones cognoscere volebat, sicut ipse scribit: major tamen, quam tacet, itineris causa fuit, cum suae factionis hominibus de republica colloquendi cupiditas, ut illam per suos conjuratos domi moderaretur; foris exercitus provinciasque manu obtineret. Sed ante omnes Pompejum Crassumque cupiebat, in eadem consilia, quae inter se illi conceperant, diversam ob utilitatem pronus. Namque L. Domitius palam minatus fuerat, *consulem se contra Caesarem effecturum, quod praetor nequivisset*: isque in annum sequentem erat petiturus. Igitur Caesar cum his egit, ut consulatum detruendi Domitii causa ambo peterent: eumque adepti sibi prorogarent imperium in aliud quinquennium.

XCIV. Prior ad eum Crassus Ravennam; inde Pompejus Lucam, mense Aprili profecturus in Africam, venit. Eodem et Q. Nepos, Hispaniam sortitus ex consulatu, et Ap. Claudius in Sardiniam ex praetura proficiscens, multique alii summi viri confluerant: adeo quidem cupide, ut uno tempore senatores amplius ducenti, lictores centum et viginti apud Caesarem conspicerentur. Ab illo maxime conventu extingui libertas urbis, vis senatus populi que procumbere, omnisque unum in Caesarem, non jam inclinare, sed ruere potentia coepit. Idcirco neque Idibus Majis, uti praedictum fuerat, de agro Campano actum: neque omnino quidquam, quod Caesari adversum videretur. Atque ille, effectis, quae voluerat, confirmataque supra modum potentia, quam rebellasse quidam populi nunciarentur, ad componendos motus in Galliam rediit.

*Concursus
potentium ad
Caesarem.*

*Et ab his
prodia illi
res publica.*

XCV. Maritimae civitates missos a P. Crasso ad frumentum accipiendum equites Romanos retinuerant, per quos sperabant suos se obsides recuperare posse. Principes potentiae audaciaeque Veneti erant, ad oceanum

*Caesar cum
Venetis pu-
gnat.*

Cap. XCIII. Caes. 3, 7. Plut. Sueton. Caes. c. 24. Plut. Crasso, et Caes. et Pomp. et Cat. Cap. XCIV. Cic. ad Fam. 1, 9. Plut. Caes. etc. Appian. Civil. 1. 2. Cic. ad Q. Fratr. 2, 8. Caes. 1. 3. Cap. XCV. Dio. Oros. 6, 8. Flor. 3, 10.

Q q 2

U. c. 696. colens populus. Cum his Osismii, Curiosolitae, Lexobii, Nannetes, et aliae nationes arma junxerant: a Menapiis etiam ad Rhenum colentibus, et ex opposita Venetis Britannia auxiliares manus parabantur.

Nec multum proficit. XCVI. Caesar, quum multa hostium oppida magno labore, modico operae pretio cepisset, commutandam sibi gerendi belli rationem, et classe confligendum iudicavit. Etenim in promontoriis linguisque sita pleaque oppida erant, perangusto aditu, et, accedente aestu, quod bis accidit horarum duodecim spatio, impenetrabili. ne navibus quidem adiri tuto poterant, quas relabens aestus inter aspera et vadosa loca destituebat. Igitur, quoties summo militum conatu opera acta, et mare aggeribus exclusum erat, obsessi, desperato teneri locum posse, rem significabant suis. Illi, magno repente numero navium adhibito, quod facere sine periculo poterant, quia naves ad locorum patientiam erant aedificatae, homines omnes cum copiis atque armis in aliud oppidum deportabant: quo si admovere Caesar exercitum vellet, eadem de integro difficultates omnes superandae erant.

Donec navali proelio vicit. XCVII. His gestis quum major pars aestatis praeterisset, tandem cum classe, quam Caesar in Ligeri fluvio aedificandam curaverat, D. Brutus adolescens advenit. Exiverunt contra circiter ducentae viginti hostium naves, proelioque commisso rebus omnibus inferiores Romani, praeterquam quod virtus militum et celeritas navium aderat, falces praeacutas longuriis adfixas adhibuerunt, et funes, quibus antennae ad malos destinatae erant, amputarunt. Id quum esset factum, et vela armamentaue Gallicarum navium, in quibus omnis spes fuerat, inutilia fierent, plurimae naves expugnatae: quod subita malacia et tranquillitas maris etiam fugae facultatem praeciderat. Hanc pugnam deditio gentis sequuta. Senatus omnis necatus: ceteri sub corona venditi sunt.

P. Crassi gesta in Aquitania. XCVIII. Per eadem tempora res ab legatis Caesaris pari fortuna in aliis Galliarum partibus gestae. P. Crassum cum duodecim legionariis cohortibus et magno numero equitatus in Aquitaniam miserat, ne ex his nationibus auxilia ad rebelles Gallos venirent. Is, pugna cum Sontiatibus victor, oppidum eorum totamque gentem in deditionem accepit. inde maximas A-

Cap. XCV. Caes.

quitanorum Cantabrorumque copias, quamvis militiae duces haberent peritissimos, qui sub Sertorio diu muerant, ita cecidit, ut ex quinquaginta millium numero vix quarta pars superesset. Ea victoria plerumque Aquitaniam redegit ad Caesaris obsequium. paucae civitates tempore anni, quod hiems instabat, et quia erant ab hoste remotissimae, legatos obsidesque mittere neglexerunt. Ab alia parte Q. Titurius Sabinus, quem Caesar, tribus legionibus datis, in Unellos, Curiosolitas, Lexobiosque proficisci jusserat, ut illas gentes dislinceret, quum simulatione timoris eo adduxisset hostem, ut ad castra oppugnanda succederet, subita eruptione profligavit. civitates omnes statim se Titurio dediderunt. ea Gallorum erant ingenia, ut ad suscipienda bella prompti, ad toleranda molles impatientissimique mortalium essent. His ita gestis, quum etiam Morinorum Menapiorumque in silvas recedentium agmina Caesar insequutus, tempestatibus ulterius procedere vetaretur; exercitus in Aulercos, Lexobiosque, et reliquas civitates, quae nuper in armis fuerant, ad hibernandum deductus est.

U. c. 696.
A. C. 56.

E P I T O M E

LIBRI CENTESIMI QUINTI.

Quum C. Catonis tribuni plebis intercessionibus

M. Catonis tribuni plebis intercessionibus Lego *C. Catonis* ex epistolis Ciceronis ad Lentulum [lib. 1. ad Famil.] Etenim Lentulo in re Alexandrina maxime adversatus est. Item ex lib. 22. Annalium Feneftellae intelligitur, teste Nonio [voc. Rumor.] Quod, ut magistratum tribuni interunt, *C. Cato turbulentus adolescens, nec imparatus ad dicendum, concionibus assiduus invidiam et Ptolemaeo simul, qui jam profectus ex urbe erat, et P. Lentulo consuli, paranti jam iter, concitare secundo quidem populi rumore jam coepit.* SIG. Vide Dionem Cass. lib. 39, pag. 103. Cic. 2. ad Q. Fratr. ep. 6. ibique Manutium, et Pighium ad A. V. 100xcvii. et seq. DUKER. Praeterquam hoc loco, *Cato* etiam memoratur mox verbis seqq. et Epit. praecedenti non longe a fine. In horum Catonum praenominibus variant scripti et editi. In epitomo praecedenti omnes codd. legunt *M. Catoni*. Eamdem scripturam servant typis inpressi usque ad Sigonianam anni 1572. quae substituit *C. Catoni*. Id mox arripuerunt Parisini anno 1573. et post eos tantum non omnes recentiores; nisi quod nuper Crevierius priscam lectionem revocarit. Hoc loco *C.* vel *G. Catonis* est in Voss. Lov. 2. Boend. et Exc. Pithoei. *M. Catonis* in Leid. Berg. Norv. et, excepta Campani alterum praefereute, editionibus omnibus ante Sigonium, qui *C. Catonis* legendum docuit. Ipsius vestigiis insisterunt omnes re-

centiores, excepto Modio, qui iterum *Marci* praenomen ipsi tribuit. Mox verbis sequentibus *M. Cato* legunt omnes scripti, omnesque editiones usque ad Jac. Gronovium, cujus editio major dedit *C. Cato*, quum minor servavit *M. Cato*. Majorem sequuntur Hearnius, et ed. Londin. Jam vero, quae Epit. 104. referuntur, pertinent ad Catonem Uticensem, ut constat ex Plutarcho ej. vit. pag. 776. Ad eundem pertinent, quae narrantur in periodo seq. ut patet ex eodem Plut. ibid. pag. 779. Catonem autem Uticensem *Marci* praenomen habuisse, omnes historici consentiunt. Ab illo Catone diversus est, cujus hic mentio fit: is enim tribunus plebis vocatur. Jam vero Cato Utensis tribunatum plebis gessit anno V. 100xcxi. Silano et Murena consulibus. Vide Plut. in ej. vit. p. 769. At Cato hic memoratus tribunus plebis fuit, quo tempore Uticensis praeturam petebat, sed repulsam passus, et Vatinius ei praelatus est. Vatinius autem praetor fuit A. V. 100xcviii. Pompejo et Crasso utroque secundum consulibus. Et quidem ejus Catonis praenomen fuit *Cajus*, sive *Γάιος*, teste Dion. Cass. 39, 103. Ejus aliquoties Cic. meminit lib. 1. ad Famil. et lib. 1. ac 2. ad Q. Fratr. Sed praesertim huc facit locus lib. 2. ad Q. Fratr. 6. *C. Cato concionatus est, comitia haberi non siturum, si sibi cum populo dies agendi essent exempti.* Ex his omnibus colligo, Epit. praec. legendum esse *M. Catoni*, hoc loco *C. Catonis*, et

comitia tollerentur, senatus vestem mutavit. M. Cato in petitione praeturae, praelato Vatinius, repulsam tulit. idem, quum legem impediret, qua provinciae consulibus in quinquennium, Pompejo Hispaniae, Crasso Syria et Parthicum bellum, Caesari Gallia

mox M. Cato. Ex omnibus itaque edd. solae Sigonii prima et tertia, eaque, quam nuper Crevierius nobis dedit, tribus his locis veram lectionem exhibuerunt, reliquae aliquo eorum locorum oberrarunt. Vox intercessionibus male exsulat a Leid.

In petitione praeturae, praelato Vatinius, repulsam tulit Gud. praelato L. Vatinius. Scribe praelato P. Vatinius. J. FR. GRON. Vatinii praenomen P. non monito lectore, contra quam promiserat, recepit Clericus. Et quidem, id ei praenomen fuisse, constat; verum illud ignorant omnes codd. nostri. *in petitione a Vatinius repulsam tulit* legit Boend.

Qua provinciae consulares in quinquennium, Pompejo Hispaniae, etc.] Lege consulibus, pro consulares, ut Pompejum Crasumque consules iterum intelligamus. SIGON. Ita legunt etiam Leid. Voss. Berg. Lov. 2. Boend. Exc. Pithoei, et ed. Camp. Vide ad Epit. 58. Contra vox provinciae exsulat a Leid. quae etiam sine dispendio sensus abesse potest. At unum testem audire periculosum est. Tum Hispania Voss. et Berg. Male. Vide ad Epit. 96.

Caesari Gallia et Germania De Germania nihil apud alios proditum inveni. Gessit quidem bellum adversus Germanos, et eos vicit, antequam Rhenum transiret, quod ipse lib. 4. B. Gall. narrat; sed ex eo, quod Plutarchus in vita illius [pag. 718.] o

Tanusio Gemino, et in Cat. Utic. [p. 784.] scribit, Catonem, quum senatus supplicationes victoriae Caesaris causa decrevisset, censuisse, eum, tamquam violatorem foederum, Germanis dedendum esse, quo etiam Sueton. Caes. c. 24. respexit, facile intelligi potest, ipsum causam huius belli, ut plerorumque aliorum, quaesivisse. Dio quoque lib. 39. pag. 113. rem aliter, atque ipse, refert, nec perfidiam ac simulationem illam Germanorum, quam 4. B. G. 13. ambitioni et crudelitati suae praetexit, (nam, quadringenta millia hominum ab eo tum interfecta fuisse, scribit Plutarchus) memorat, sed satis aperte significat, Germanos ab eo per fraudem circumventos esse. Ipsi, speciosos titulos injustis bellis et turpibus actionibus praetendenti, non credendum est. Nam, hunc ei morem esse, recte monet Victorius 3. Var. Lect. 27. DUK. Quatuor haec vocabula exsulant a Voss. Berg. Lov. 2. et Boend. Verum eodem tempore, quo Pompejo et Crasso provinciae adsignabantur, Caesari imperium prorogatum fuisse constat ex Plut. in Crass. 552. in Pomp. 646. et in Caes. 718. Vide etiam Suet. Caes. 24. et Dion. Cass. 39, 106. Quod autem Galliae jungatur Germania, de eo vide ad h. loc. Clariss. Dukerum.

*In vincula ductus est] con-
jectus est* Leid. Epit. 48. *Ab tri-
bunis plebis etc. in carcerem
conjecti sunt.* Altera tamen le-
ctio, pro qua fiant reliqui codd.

et Germania dabantur, a C. Trebonio tribuno plebis, legis auctore, in vincula ductus est. A. Gabinius proconsul Ptolemaeum reduxit in regnum Aegypti, ejecto Archelao, quem sibi regem adsciverant. Caesar, victis Germanis in Gallia caesisque, Rhenum tran-

auctori itidem in usu fuit. Supra Epit. 38. Quum in vincula et carcerem duceretur. Epit. 55. Consules in carcerem duci iusserunt.

In regnum reduxit Aegypti] Vet. lib. reduxit in regnum Aegypti. SIGON. Similiter Leid. Voss. Berg. Lov. 2. Boend. Exc. Pithoei, et ed. Camp.

Rejecto Archelao] Vet. lib. ejecto Archelao. SIGON. Immo cum Berenice filia, quae ei nupserrat, occiso. Vide Dion. lib. 39, 117. et Strab. 17, 796. DUK. rejecto servant Voss. Boend. et Norv. ejecto Berg. Lovel. 2. et Exc. Pithoei. abjecto Leid. Mox regem adsciverant Exc. Pithoei.

Victis Germanis et in Gallia caesis] Copulativam ignorat Vossianus. Gud. victis Germanis in Gallia caesisque. J. FR. GRON. Vulgatum servant Leid. et Berg. Copulativa abest a Lov. 2. victis Germanis, et caesis in Gallia Boend. quam lectionem, vel Gudianam Gronovii, quae etiam Crevierio placuit, vulgata veriorum puto. Mox Rhenum transiit Berg. Vide ad Epit. praeced. Ita transcendere fossam dixit Liv. 35, 14.

Proximam partem Germaniae domuit] Vet. lib. et proximam. SIG. Pariter Leid. Berg. Lov. 2. et Exc. Pithoei. Sed copulam ignorant Voss. Boend. et Norv.

In Britanniam, parum prospere tempestatibus adversis,

trajecit, iterumque parum felicius] Lege ex vet. lib. in Britanniam primum parum prospere etc. trajecit, iterum parum felicius. SIG. Dele rō parum [posteriori loco,] ex superiori versiculo inculcatum. Florus [3, 10.] Ipso quoque oceano tranquillo magis et propitio. J. FR. GRON. primum parum prospere, ut Sigonius in vet. lib. invenit, et in contextum recepit, etiam in Exc. Pithoei esse, Hearnianus monuit. Grueterus deinde primo parum prospere edidit, quod servant Leid. Voss. Berg. et Boend. idque voluisse videtur scriba Lov. 2. qui tamen aberrans quo, pro primo, dedit. Dein tempestatibus abortis Boend. qui scribere voluisse videtur abortis. Solent enim ita peccare librarii. Vide ad 2, 37, 9. abortis etiam praefert ed. Camp. Sed nihil muto. Livius 34, 6, 6. In navis administratione alia in secundam, alia in adversam tempestatem usui sunt. Cic. 2. de Invent. 31. Nautae quidam quum adversa tempestate in alto jactarentur. Oros. 6, 9. Adversa tempestate correptus plurimam classis partem perdidit. Insuper iterumque parum felicius Leid. et Norv. itemque parum felicius Voss. iterum parum felicius Berg. Lov. 2. Boend. et Exc. Pithoei. Sed, vocem parum ex verbis proxime praecedentibus perperam repetitam esse, Gronovio adsentior; eandem tamen cum Clerico ex contextu ejicere non audeo. Paulo ante ac demum de

scendit, et proximam partem Germaniae domuit: ac deinde oceano in Britanniam, primo parum prospere tempestatibus adversis, trajecit; iterum parum felicius: magnaue multitudine hostium caesa, aliquam partem insulae in potestatem redegit.

oceano Voss. Sed librarius duplicem lectionem *demum* et *deinde* invenisse, et utramque hoc modo exprimere voluisse, videtur. V. ad 3, 44, 4. Voces autem has in Mssis confundi, dictum est ad 40, 22, 1.

Maximaue hominum multitudine caesa] Voss. et Gudiani *magnaue multitudine hostium caesa*. J. FR. GRON. Similiter Leid. Berg. Lov. 2. Boënd. Exc. Pithoei, et ed. Camp. Passim in his Epitomis *maximum* substitutum esse, ab editoribus,

ubi vulgo codd. *magnum* praeferunt, notavimus ad Epit. 50. Commutari etiam saepissime voces *hostes* et *homines*, vidimus ad Livii 24, 40, 14.

Reliquam partem insulae in potestatem redegit] Vet. lib. *aliquam partem*. Egregie. Nam scribit in Agricola Tacitus (c. 13.) Caesarem, qui primum in Britanniam legiones Romanas duxit, prospera pugna terruisse incolas, et litoris tantum potitum esse. SIGONIUS. Similiter Leid. Voss. Berg. Lov. 2. et Exc. Pithoei.

JOHANNIS FREINSHEMII

SUPPLEMENTORUM LIVIANORUM LIBER LXX.

IN LOCUM LIBRI CV. T. LIVII.

U. c. 696.
A. C. 56.
*Urbana cer-
rumina re-
crudescunt.*

I. Bellorum ea conditio quum esset, ut tamen interdum post gravia et atrocia damna pace aut induciis interquiescerent, aut saltem hieme remitterentur; in urbe, non conditionibus, non tempore leniente iras, sine intermissione certabatur. Nova et ingens contentio ex eo surrexerat, quod Cn. Pompejus, M. Crassus, quos ullius bonae rei causa cum Caesare fuisse nemo credebatur, consulatum petaturi dicebantur: quae res haud dubie ad opprimendam libertatem pertinebat. Et occultabant illi consilium suum, quia in eo negotio, quod quum re insolens, tum tempore alienum erat, (non enim erant legitimis diebus professi) metuebant, ne validius oppugnarentur.

*Pompeji et
Crassi dolus,*

II. Nam Cn. Lentulus Marcellinus egregium praestabat consulem: et, quia ille comitia erat habiturus, nec alioquin imbecillis erat, haud immerito timebatur. Jam M. Cato per adfinitatem consulis L. Philippi, cujus filiam Marciam duxerat, auctoritatem prope consularem obtinebat. Idcirco, parum confisi viribus, hoc agebant, ut dolo rem obtinerent. id adeo putabant processurum, si toto illo anno comitia impedirentur. sic enim necessario decurrebatur ad interregnum, ipsisque spatium dabatur, quo petere secundum leges et consequi magistratum possent.

Per C. Catonem comitia impediuntur.

III. Idoneus audacia et adversus senatum odio C. Cato tribunus plebis ad hoc ministerium videbatur, quem multa de Caesare ferre parantem consul alique principes impediabant. Facile hic transductus in par-

Cap. I. Plut. Crasso et Caes. et Pomp. et Cat. Vell. 2, 46. Dio, l. 39. Cap. II. Cic. ad Q. Fratr. 2, 6. Dio. Plut. Cat. Dio. Cap. III. Cic.

tes palam concionabatur, comitia haberi non siturum, si sibi cum populo agendi exempti dies essent. Propter haec et ex his orta certamina quum senatus vestem mutasset, neque tamen Cato quidquam remitteret, Marcellinus consul luculentam ad populum orationem de praesentibus habuit, reipublicae deplorans statum, quae non ab aliis, quam per quos defendi eam verum esset, acrius premeretur. Moeesti adstant Patres, positisque dignitatis insignibus illacrimantes atque gementes, haud minorem tacendo commiserationem hominum, quam dicendo consul, excitabant. Neque ulli tum contradicendi animus aut fiducia fuit: tam et graves querelarum causas habere consulem, et concionem faventem, apparebat. Quippe quum *Nimia Pompeii potentia.* *Nimia Pom-* Cn. Pompeji potentiam accusaret, universus ei *peji potentia.* populus clara voce adsensus est. Atque ille, *Acclamare, inquit, Quirites, acclamare, dum licet: mox enim impune facere non licebit.*

IV. His actis, quum reversi in curiam essent, P. Clodius, servato vestitu in concionem populi progressus, consulem et ceteros acerrime insectatus est: cum Pompejo gratiam redintegrans, cujus auxilio legationem liberam, quam captabat, se credebat adsequi posse. Quum eam rem permolesto senatus ferret, abrupto sermone perrexit in curiam Clodius, ut ibi quoque adversariis conviciaretur. Sed, repulsus a quibusdam senatoribus, cinctus ab equitum globo, perisset inter manus, nisi plebs appellata cum facibus accurrisset, incendium curiae minitans, si quid acerbius Clodio accidisset. Ea vis et tum servavit Clodium, et senatum ad ceterum certamen effecit molliorem. Pompejo postea non difficile fuit venire in curiam, et decernentibus, quae nollet ipse, resistere.

V. Unica spes Marcellino suberat, quod semper *Et dissimulata ambitio.* vultum ac sermonem ad modestiam componere Pompejus studuerat, fronte, quam mente, verecundior, futurum, ut interrogatus publice, *verene consulatum petere constituisset,* non auderet confiteri. Sed ille in senatu, consule et L. Domitio candidato interrogantibus, *fortassis petiturum respondit, fortassis destitutum a petitione.* et, instantibus illis, adjecit, *bonorum civium causa non*

Cap. III. Liv. Epit. Dio. Val. Max. 6, 2. Cap. IV. Dio. Cic. ad Q. Fratr. 2, 9. Dio. Cap. V. Cic. ad Att. 4, 9, et 15. Plut. Crasso, et Pomp. Dio.

U. c. 696. *esse, cur petat; esse, quo resistat malis.* Simul interrogatus Crassus fuerat. ille se facturum dixit, quod ex usu reipublicae fuisset visum.

Certamina cum Marcel- lino consulo. VI. Crassi responsum moderatius, Pompeji superbum et incivile quum existimaretur; Marcellinus in- vectus suo more in Pompejum est, per haec tempora eum et in curia, et ad populum aspere tractare suetus. Respondit Pompejus, *malam sibi a Marcellino re- ferri gratiam, qui suo beneficio factus ex elingui facundus es- set; et, antea jejunos ac famelicus, nunc quotidie vomeret.* At Marcellinus, hoc velut ultimo conatu edito, in posterum abstinuit curia, majorque cum eo pars Pa- trum: adeo ut numquam ad numerum reliqua ejus ani- ni parte convenirent. ceteri neque vestem senatoriam resumere volebant, neque ullis adesse sollennibus. itaque nec in Albanum montem iverunt, quum feriae Latinae instaurarentur. sic absumpto, quod reliquum ex eo anno fuerat, quum, circumacto consulum im- perio, interreges creari coepissent, Pompejus cum Crasso consulatum aperte petere decrevit.

Pompejus et Crassus consulatum petunt.

VII. Hos praeter propriam potentiam amici Caesaris adjuvabant, ad quos ille scripserat: sed et milites plurimos cum P. Crasso M. F. per causam commea- tum in urbem idem Caesar miserat. His rebus de- territi ceteri candidati mature cefferunt. L. Domi- tium, sororis suae maritum, M. Cato confirmavit, *ne susceptam de libertate verius, quam consulatu, contentionem metu defugeret.* Neque deerat multorum favor, *quid ita Pompejus Crassusque iterum, quid una peterent, mirantium: neminem igitur praeterea dignum eo magistratu in civitate esse, qui cum alterutro horum declarari possit?* Igitur adversaria factio, quum timeret inclinationem plebis, ad vim conversa, Domitio, ante lucem in campum eunti, po- suit insidias: puerque praelucens ei cum quibusdam aliis occisus est. Retinebat tamen Domitium Cato, ipse quoque vulnere in dextrum cubitum accepto sau- cius. sed, quum omne illorum agmen diffugisset, ti- mens Domitius aegre domum rediit: Pompejus Cras- susque, repugnante jam nemine, facti.

L. Piso male praestitit Ma- cedoniae.

VIII. Inter haec L. Piso Macedoniam, A. Gabinius Syriam cum finitimis provinciis, adversa uterque fa-

Cap. V. Plut. Cap. VI. Cic. ad Q. Fratr. 2, 6. Plut. Pomp. Dio. Cicer. Dio. Cap. VII. Plut. Pomp. et Crass. et Cat. Dio. Appian. Dio. Plut. Cap. VIII. Cic. pro Sext. et de Prov. Cons. et in Pis.

ma, tenuerant. Piso per avaritiam accolis Macedo- U. c. 696.
A. C. 56.
niae Thracibus ac Dardanis pacem magna summa ven-
diderat. Ea ipsa res in bellum egit barbaros, ut re-
plerent bellica praeda domos, quas pretio quietis ex-
hauserant. Igitur non vexata solum et spoliata Mace-
donia est, sed etiam exercitus Romanus, vi hostium,
aut imperatoris injuria, fame, morbo consumptus.

IX. Thessalia et Achaja, sicut ab hoste longius ab- *Thessaliam
et alios gra-
viter vexat.*
erant, cladibus intactae, pacis injurias sentiebant, et
magnam vim pecuniae Pisoni pendere coactae. Gra-
vius adhuc Byzantini vexabantur, quos ob merita Mi-
thridatici belli senatus populusque Romanus nuper li-
beraverat. Missae tamen eo cohortes in hiberna sunt,
contra leges senatusque consulta exercita jurisdictio:
avaritia, vis, ac libido foedissime grassata. Nam et
statuae urbisque ornamenta multa abrepta sunt; et
caedes factae: et virgines nobilissimae, quum ad stu-
prum raperentur, in puteos abjectis corporibus vo-
luntaria morte interierunt. Neque mitius Agriani Do-
lopesque et Aetolia vexata.

X. In Syria Gabinus adversis rebus nocebat rei- *Gabinii
gesta.*
publicae; prosperis consulebat sibi. primo adventu
parte equitatus, deinde cohortibus aliquot amissis,
quum reliqua feliciter procederent, bella non ex ne-
cessitate aut bono publico sumebat, sed inferebat qui-
buslibet etiam pacatissimis, quorum opes spem opi-
mae praedae rapacissimo eidem profusissimoque mor-
taliu facerent.

XI. In Judaeos tamen, cum Alexandro Aristobuli *Et de Ju-
daeis victo-
ria.*
filio rebellantes, expeditione suscepta, non instrenuum
imperatorem egit. quum enim Alexander, exercitu
collecto, muros Hierosolymitanos, eversos a Pompe-
jo, instaurare coepisset, deinde ab hoc instituto repul-
sus Machaeruntem et alia quaedam castella communi-
ret, Gabinus, praemisso M. Antonio, quem equitatui
praefecerat, cum legionibus subsequutus, haud pro-
cul Hierosolymis signa cum Judaeis contulit. Ibi quum
tria millia interfecta hostium, capta totidem essent;
reliqui cum duce suo Alexandrium confugerunt, ca-
stris ante ipsa munimenta positis. In hos, quia veniam
delictorum oblatam a Gabinio aspernabantur, iterum

Cap. X. Cic. de Prov. Cons. c. 4. et pro Sext. c. 33. c. 43.
Cap. XI. Joseph. Antiq. 14, 10. et de B. Jud. 1, 6. Plut. An-
ton. c. 3. Joseph.

U. c. 696. factus impetus, et, plerisque caesis, ceteri intra muros compulsi sunt. Hoc proelio M. Antonii virtus clara exstitit, multique hostium ipsius manu interfecti. Nec diu postea restitit Alexander. quo in deditionem accepto, Gabinius castella, quae nominavimus, et praeterea Hyrcanium, ne res novantibus receptui essent, diruit: contra dirutas olim urbes restituit multas, Scythopolin, Samariam, Anthedonem, Azotum, Raphiam, Dora, Marissam, Appolloniam, Jamniam, Gamala, Gazam, et alias praeterea non paucas. Judaeam deinde ita composuit, ut reducto Hierosolymam Hyrcano sacerdotium redderet; gentem optimates regerent, quinque conventibus institutis.

*Ob quam
tamen denegata Romae
supplicatio.*

XII. Ob has res quum missis in urbem literis supplicationem petisset, Idibus Majis frequenti senatu denegata est: quod praeter T. Albucium acciderat nemini. Eam Gabinius ignominiam Ciceronis inimici opera putaretur accepisse, nisi per absentiam Ciceronis id esset actum. Publicanorum potentissima factio plurimum ei nocuisse videtur, cui se in provincia perquam iniquum adversumque exhibuerat.

U. c. 697.
A. C. 55.
Cn. Pompejo II. M. Licinio II.
coll.

*Pompejus
et Crassus
comitia in
potestate habent.*

*Catonem, ne
fiat praetor,
impediunt.*

XIII. Quum deinde Cn. Pompejus Cn. F. Sex. N. Magnus, M. Licinius P. F. M. N. Crassus altero collegio consulatum inissent, ante omnia ceterorum magistratum comitia curae habuerunt: intentis in hoc animis, ne quisquam, nisi qui de factione illorum esset, crearetur. Praecipue referre arbitrabantur, Catonem repelli, qui providus futuri praeturam petebat, ut auctoritatem magistratus velut arcem defendendae libertatis obtineret. Igitur multa praeter morem et honestum commenti sunt, quo tam gravem futurum adversarium amolirentur. Jam primum per infrequentiam senatusconsultum faciendum curaverunt, uti praetores, qui creati essent, extemplo inirent: quamquam sententiae dictae erant, praetores ita creati placere, ut dies sexaginta privati essent. Quum ita providissent, ne ambitus iudicio esset ante magistratum initum locus, amicos suos clientesque commendarunt populo tam invecunde, ut ipsi palam praeberent pecunias, ipsi praessent suffragiis.

Cap. XII. Cic. ad Q. Fratr. 2, 8. Cic. de Prov. Cons. c. 7. Cic. ad Q. Fratr. Cap. XIII. Cic. de Prov. Cons. c. 5. Dio. Plut. Cat. Cic. ad Q. Fratr. 3, 9. Plut.

XIV. Ne sic quidem plus largitio et fraus consumum, quam virtus atque exislumatio Catonis; potuit; fiebatque haud dubie praetor, ni Pompejus, ceteras tribus auctoritatem praerogativae sequuturas metuens, turpi mendacio comitia dissolvisset, tamquam audito tonitru obnuncians: nec enim Jove tonante cum populo agi licebat. Iterum deinde mercedem augentes, atque saniore populi parte vi pulsa, quum Cato, ut erat legum servantissimus, suarum partium studiosos vim vi opponere vetaret, effectum est, ut pro Catone P. Vatinius renunciaretur, quamquam nuper repulsam in petitione aedilitatis tulerat.

U. c. 697.
A. C. 55.
*Turpibus
artibus.*

XV. Hoc ubi factum est, ferunt partem populi, talium suffragiorum sibi consciam, fugae simili discessu disparuisse: ad ceteros, dante concionem tribuno, (sive C. Atejus Capito; sive P. Aquillius Gallus fuit: ceteri enim consulum erant adseclae) verba fecisse Catonem, non praesentia modo, uti se haberent, clare docentem, sed etiam vaticinantem de futuris: Pompejo Crassoque haud leviter perstrictis, *qui rempublicam et consularum ita gerere constituissem, ut commendus ei praetor Cato fuerit.* Domum inde digredientem major hominum multitudo deduxit, quam eos simul omnes, qui erant praetores declarati. Aedilium mox comitia turbulentiora fuerunt. caedes ibi facta, tamque propinquus periculo Pompejus fuit, ut vestis ejus multo sanguine respergeretur, Is adspectus, quum, remissa domum veste, alia postularetur, Juliam Pompeji conjugem tum praegnantem ita perterrituit, ut, abortu facto, gravem in morbum incideret. Valde enim amabat virum, isque ei in amore respondebat. Unde mox criminati sunt inimici, *provinciam obtinere per legatos, ipsum sedere ad urbem, ut fomenta praeberet seditionibus, et Juliae suae deliciis homo uxoris frueretur.*

*Catonis in
hoc oratio.*

XVI. Comitibus magistratuum, uti voluerant consules, perfectis, ipsi, nullius rei cupiditatem praeferentes, in speciem quiescebant. At C. Trebonius tribunus plebis suum nomen rogationi commodabat, qua consulibus provincia in quinquennium Syria et Hispania

*Consules per
Trebonium
provincias
ambiunt.*

Cap. XIV. Plut. Pomp. et Cat. Dio. Liv. Epit. Val. Max. 7, 5. Cap. XV. Cic. in Vatin. 15. et 16. Plut. Dio. Plut. Dio. Appian. Civil. l. 2. Val. Max. 4, 6. Plut. Pomp. Plut. Crass. c. 28. Dio. Plut. Cat. Vell. 2, 48. Plut. Pomp. Cap. XVI. Dio. Liv. Epit. Vell. 2, 46. Appian.)

U. c. 697. *nia* (nam et Hispaniam Aquitanici belli vicinia com-
A. C. 55. moverat) destinabantur: adjiciebant, uti copias civium
sociorumque conscriberent, quantas e republica et
fide sua ducerent: belli etiam et pacis arbitrium cum
finitimis regibus atque nationibus penes ipsos esset.

*Amicis Cae-
saris consen-
tientibus.*

XVII. Haec ab initio non alii modo, sed etiam
amicis Caesaris, parum placebant, quod jam pleraque
pars temporis, quo imperium ejus finiebatur, transierat,
ne a Pompejo Crassoque, tantam potentiam adeptis,
opprimeretur: donec hi nova pactione, de prorogan-
do Caesari imperio ferendum curaturos, adstrinxerunt
fidem. Ita quiescentibus Caesarianis, reliquo populo
obnoxio aut desperante, nemo magnopere Treboniae
legi, praeter Catonem atque Favonium, repugnabat,
Sed Cato *repugnat.* duobus tribunis plebis hos adjuvantibus.

XVIII. Sed adversus tantarum factionum opes pa-
rum roboris in tam paucis erat: legemque dissuadere
volentibus ne tempus quidem idoneum concessum est.
Unicam horam Favonio dederat Trebonius, vix ad que-
rendum de temporis angustia sufficiens spatium. duas
Cato quum accepisset, frustra de negotio dicturum in-
telligens, multa monendo praedicendoque tempus exi-
mebat: donec interpellatus, et, quia nihilo secius
pergebat dicere, de rostris detractus est. Quum sic
etiam ex inferiore loco vociferanti populus ausculta-
ret, iterum missus a tribuno viator foro eum eduxit.
Nec quievit ille, quo minus statim reverteretur, et
populum ad praestandam sibi secundum mores et le-
ges audientiam inclamaret.

*Et in car-
cerem abdu-
ci jubetur.*

XIX. Id quum saepius esset factum, aestuans do-
lore et cura Trebonius abduci eum in carcerem jussit.
Sed populus sequebatur, atresque praebebat inter
eundum de legis incommodis disserenti. Unde metus
incessit Trebonium, missumque fieri Catonem jussit.
Sic ea dies exempta est, ut nemini tribunorum verba
ad populum facere vacaret. Obtinebat enim, ut de
legibus privati primum, qui vellent, deinde magistra-
tus dicerent; ne, si priores hi essent auditi, auctori-
tatem horum privati sequerentur.

*Lex pervim
perfertur.*

XX. Idcirco P. Gallus, ne postridie foro exclude-
retur, in curia pernoctare statuit, tutissimum hunc re-
ceptum

Cap. XVI. Plut. Pomp. et Cats. etc. Dio. Cap. XVII.
Plut. Cat. Dio. Cap. XVIII. Plut. et Dio.

ceptum ratus et commodissimum una cum luce in concionem prodituro. Sed C. Trebonius, omnibus occlusis curiae januis, praesidioque armatorum opposito, totam ibi noctem et sequentis diei partem magnam otiosum consumere coëgit: Atejum cum Catone et Favonio et horum amicis alia multitudo, praeoccupato de multa nocte loco, concione prohibuerunt. Illi tamen omnia conati Favonius et Ninnius, clam reperto aditu, Cato et Atejus, aliorum humeris sublatis, obnunciaverunt. Ceterum vis adversariorum validior fuit. submotis his a foro pulsatisque, atque etiam interfectis aliorum haud paucis, quum etiam L. Anpali senatori Crassus ipse faciem pugno contudisset, per vim perlata lex est.

U. c. 697.
A. C. 65.

XXI. Ecce autem, populo jam incipiente dilabi, recurrit in forum Atejus, collegam Gallum manu ducens, qui e curia in concionem venerat, ibique fuerat vulneratus. Id ostendens multitudini Atejus, rei-que convenientem orationem orsus magnopere plebem commovebat; quum, re nunciata, consules, nec enim procul inde magna stipati manu aberant, repulerunt tribunos; vocataque statim concione, etiam de provinciis Caesaris in quinquennium ei prorogandis pertulerunt legem. Ibi quoque repugnatum est ab iisdem: et Cato non jam ad populum, sed ad Pompejum, sermone converso, ipsum non intelligere, quae faceret, testabatur. nunc enim non in ceterorum magis capita, quam suos ipsius humeros, Caesarem attollere: cum eo deinceps onere, quum mox gravius ipsius culpa esset factum, quam ut ferendo amolendove esse possit, in rempublicam procubiturum. Tum demum, ubi praeter poenitentiam nihil sit futurum reliqui, Catonis cogniturum consilia: qui non minus tuta et salubria, quam justa et honesta, suavisset.

Atque etiam
alia de provinciis
Caesaris prorogandis.

XXII. Atque id vaticinium paullo post comprobavit eventus. Tum vero Pompejus, inflatus magnitudine sua, neque commutationem fortunae timens, cum Crasso provincias, tamquam oppressae captaeque reipublicae spolia, dividebat. Sortem adhiberi placuerat: ea Syriam Crasso, Africam omnem et Hispanias cum legionibus quatuor Pompejo dedit.

Consules
provincias
sortiuntur.

XXIII. His ita confectis, ad emendandos civitatis mores egregii auctores se contulerunt. Nihil erat ci-

Legem
judiciariam
ferens.

Cap. XX. Plut. Crasso sub finem. Dio. Cap. XXI. Appian. Vell. Plut. Cat. Cap. XXII. Plut. Pomp. et Crasso. Appian. Dio. Cap. XXIII. Dio, p. 61.

Supplem. Liv. Tom. XIII.

R r

U. c. 697. vitatis iudiciis corruptius, nihilque frequentius, quam
 A. C. 55. ut atrocissimorum criminum manifesti per gratiam aut pecuniam absolverentur. Praecipue erat invidiosum, quod, accepta a Ptolemaeo rege pecunia, multi occidendos curaverant legatos Alexandrinos, aut eos, qui eo crimine postulati frequenter fuerant, sibi timentes eripiebant. Etiam P. Ascitius, qui conscius et adiutor occidendi Dionis fuisse credebatur, iudicio erat liberatus. Aurelia lege cautum erat, *ut ex tribus ordinibus iudices legerentur*: id mutari non placuit: modus legendorum immutatus, latumque, *ut amplissimo ex censu lecti e centuriis iudicarent trecenti sexaginta viri*. Paupertatem plerisque fuisse ad accipienda munera praetextum videbant: sed nec fallebat eos, non fore innocentiores, qui per scelera ad divitias pervenissent. Sed in ea morum foeditate nihil aliud fieri poterat, ipsique auctores legis tales erant, ut severis incorruptisque iudiciis sibi nihil opus esse existimarent. Nec enim crimina aut accusatores vel Magno Pompejo deerant, si iudicia rite et libere exercerentur.

*Crimina
 Pompejo ab-
 jecta.*

XXIV. Neque dissimulatum hoc a Cn. Pisone, qui, Manilium Crispum accusans, quum evidenter reum a Pompejo videret eripi, juvenili temeritate multa crimina praepotenti defensori objecit. Ad haec quum Pompejus dixisset, *Cur igitur me quoque non accusas?* respondit: *Da praedes reipublicae, te, si postulatus fueris, civile bellum non excitaturum: etiam de tuo prius, quam de Manilii, capite in consilium iudices mittam*. Laudanda tamen est in his Pompeji moderatio, qui etiam infimorum hominum convicia civiliter tulit, in quibus et Helvium Manciam Formianum, libertini filium, importunissimum senem, et a juventute magnorum virorum inimicitias rabiosa dicacitate provocare solitum.

*Leges ab
 eo latae.*

XXV. Talis Pompejus tum erat, quum legibus constitueret civitatem: ex quibus, quae de parricidiis fuit, hodie quoque vim aliquam obtinet; ceterae exolverunt. Nam et de ambitu tulerat, aucta largitionum poena, quas nemo fecerat impudentius. Sumptuaria quum esset promulgata, celeriter concidit, Hortensio speciosis nominibus tuente luxum, consulesque ipsos laudante, *quod, cultu sumptuque magnifici et lauti,*

Cap. XXIII. Cic. pro Coel. c. 10. Ascon. in Pis. Vell. 2, 76. Plut. Pomp. Dio, p. 67. Cap. XXIV. Val. Max. 6, 2, 4. Val. Max. 6, 2, 4. 8. Cic. de Or. 2, 65. et 66. Quintil. 6, 3. Cap. XXV. Pigh. Ann. Dio.

vitam convenientem majestati principis populi, suaeque ipsorum dignitati ac opibus degerent.

U. c. 607.
A. C. 55.

XXVI. Et pervaserat ea tempestate in omnes ferme intolerabilis luxus, multique civitatis principes mira sumptuum insania notabantur. Philippi, Hortensii, Luculli, decora et ornamenta senatus, luxu diffuebant: quos ob insanum in has ineptias studium piscinarios vocare Cicero solebat, *negligi prae his rempublicam*, arguens, *dum illi principes digito coelum putant attingere, si nulli barbari in piscinis sint, qui ad manum accedant.*

Luxus Romanorum.

XXVII. Eratque inveteratum hoc malum, et lege Cornelia sumptibus magis, quam luxui, detractum, permissis ciborum deliciis, et minore tantum rebus venalibus imposito pretio. Aemiliam deinde legem Lepidi consulis primo pravitas auctoris, postea calamitas enervavit: Antiam, a Restione perlatam, quum esset optima, solus servavit, qui tulerat, in ceteris rationem et metum vincente consuetudine. Igitur post haec experimenta morbum remedio validiorem esse prudentes judicabant: et, quum severam aliquis in senatu orationem habuisset, reprehensus ab alio est, *quod divitiis Crasso, luxuria Lucullo similis, tamquam Cato loqueretur.* Etiam consules, ne invidere aliis dicerentur, quod ipsi usurparant, omissa lege, plane diversis negotiis dederunt operam.

Frustra coercens legibus sumptuosius.

XXVIII. Jam ille temperantiae et frugalitatis magister theatrum suum absolverat, idque post hominum memoriam apparatusissimis magnificentissimisque indis volebat dedicari. Antiquitus stans populus spectare erat solitus: deinde scena gradusque subitarii, finito spectaculo tollendi, struebantur. Primus Pompejus mansuram theatri sedem posuit, admirabili opere, nisi quod admirabilius est, sumptum a Demetrio subministratum fuisse, liberto Pompeji; sed qui nimio illius favore factus fuerat patrono ditior. Theatro circumjecta haud minoris impensae alia aedificia erant: inter quae templum Veneris Victricis eminebat. Id adstruxisse creditur, ne severior aliquando censura opus suum tolleret, sicuti patrum memoria factum, aucto-

Theatrum Pompeji.

Cap. XXVI. Plin. 9, 54. Cic. ad Att. 1, 19. et 2, 1. Cap. XXVII. Macrobian. Sat. 2, 15. Plut. Lucull. c. 83. Cap. XXVIII. Dio. Cic. in Pis. c. 27. et ibi Ascon. Tac. 14. Ann. 20. Cassiod. Variar. 4, 51. Dio. Senec. de Tranq. Anim. c. 8. Plut. Pomp. c. 86.

U. c. 697. re Nasica, noverat. Igitur et, ad dedicationem edito populum vocans, non theatrum, sed Veneris templum, nuncupavit, cui *subjecimus*, inquit, *gradus spectaculorum*.

*Spectacula
ei ludi.*

XXIX. Ceterum id templum tertio demum ejus consulatu perfectum atque dedicatum est. maximum enim opus erat, et ad hoc toto, qua patebat, imperio ornamenta conquisita: inter quae memorantur effigies variarum gentium, itemque certorum hominum, qui mirabili aliqua fortuna ad famam pervenerunt, ob id magnorum artificum ingeniis diligentius elaboratae. Sed hoc tempore *spectacula musica*, ludique *gymnici scenici*que sunt editi, et Circenses, cum ejusmodi venationibus, ut spatio quinque dierum leones quingenti occiderentur.

*Elephantorum
pugna.*

XXX. Elephantorum extremus dies fuit, plus miserationis, quam delectationis, habens. Quippe pugnare in circo duodeviginti, commissis more proelii noxiis hominibus, et praeterea jaculatoribus Gaetulis. Quum aliquot essent vulnerati, tentaverunt eruptionem universi, non sine metu populi: sed clathros ferreos, qui erant circumdati, non potuerunt perfringere. Tum vero, porrecta in coelum proboscide, tam miserabili habitu sonoque veluti complorationem ediderunt, ut dolore ardens populus consurgeret, Pompejoque dira omnia imprecaretur. Pervaserat opinio, proximum humanis sensibus animal poscere vindictam Deos ob violatum jusjurandum, quo decepti in Africa naves conscendissent, non aliter facturi. *Esse profecto belluae illi cum humano genere societatem: eamque sermonem borum intelligere.*

Et ingenium.

XXXI. Sane ab his, quae veteres tradiderunt, non abhorrent testimonia plurimorum, qui, postquam Indiae Africaeque interiora penitus sunt cognita, maxima belluarum istarum armenta vident. Ceterum amoenissimi vir ingenii Justus Lipsius in Epistolis elephantorum admiranda diligenter suaviterque descripsit.

XXXII. At populus Romanus, non tam Pompeji munificentia delinitus, quam offensus delectu, quem consules instituerant agere, Catonem, et qui cum eo

Cap. XXVIII. Tertullian. de spectac. Cap. XXIX. A. Gell. 10, 1. Sueton. Ner. c. 46. Plin. 7, 3. Dio. Plut. Cic. ad Fam. 7, 1. Cap. XXX. Dio. Plut. Cic. Sen. de Brev. vit. c. 13. Plut. Plin. 8, 7. Dio. Plin. Dio. Cic. Cap. XXXII. Dio.

senserant, efferre laudibus; ceteros incusare modis pessimis coepit. Unde, resumpta fiducia, tribuni duo iudicium minari amicis consulum, criminibus in ipsos consules expetituris. Tum consules ad invidiam tribunorum vestem mutarunt: idemque a parte senatus, quae consulum sectam sequebatur, factitatum. Cito tamen resumpta est: tam sine caussa, quam posita modo fuerat.

U. c. 697.
A. C. 55.

*Tribunorum
et consulum
contentiones.*

XXXIII. Sed dispar consulibus sicut apparatus et consilium, sic etiam animus erat. Pompejus, qui ad urbem manere malebat, vel uxoris gratia, vel ut res Hispanas per legatos, urbanas praesens in potestate haberet, levius ferebat tribunorum voces, consules urbe egredi passuros negantium: atque ultro struebat morandi causas, imposita rei frumentariae curatione obtentui sumpta. Crassus dies noctesque nil nisi Parthicum bellum, Bactrosque et Indos, et ultimi orientis opes effraeni cupiditate cogitabat. Nihil horum lege, quae de imperio consulum erat lata, diserte iussu fuerat: sed in omnem sententiam interpretari verba legum non erat his arduum, quibus facile fuerat curare, ut, qua ipsi conceptione verborum voluissent, leges rogarentur. Crassi amentiam Caesar, incertum quo consilio, augebat, propositum ejus dilaudans, et quidlibet pollicitus. Idcirco et ipse arma opposuit tribunorum actionibus, et, quum illi, adversus vim invalidi, ad invidiam et detestationes se contulissent, oravit collegam, ut, quo die paludatus profecturus erat, adesset, seque prosequeretur.

*Crassus
Parthicum
bellum cupit.*

XXXIV. Maxima erat in foro collecta turba mortali-
um, ita praeparatis animis, ut exeuntem Crassum convicio et jurgiis retinerent. Sed ubi Pompejum ante illum incedere composito vultu viderunt, ejus honori gratiaeque datum, ut cum silentio decederent de via. Unus Atejus, qui et vota in Capitolio nuncupanti obnunciaverat, manere jubebat, Deos hominesque testatus, illam contra foederatos populos expeditionem lugubrem et ignominiosam populo Romano fore. Quum nihilo secius videret pergere Crassum, viatore misso, duci eum in vincula iussit. ubi id quoque, tribunis aliis intercedentibus, irritum fuit, praecurrit ad portam, foculo-

*Ab Atejo
retinetur.*

Cap. XXXIII. Plut. Pomp. et Crasso. Dio. Plut. Crasso. Appian. Parthic. Plut. Dio. Vell. 2, 4. Flor. 3, 11. Cap. XXXIV. Plut. Dio. et Plut.

U. c. 697. que ibi posito, vetustas et arcanas devotiones peregit: quarum numquam vanas fuisse imprecationes superstitiosa antiquitas credidit, sed devotis pariter devotentibusque calamitosas. Unde vulgo reprehendebatur Atejus, quod eum, cui propter rempublicam factus erat inimicus, diris in rempublicam casuris consecrasset.

Nec tamen manet.

XXXV. Crassus, Brundisium profectus, quum inde non expectato cursu transmitteret, multas naves tempestatibus amisit: deditque diras metuentibus occasionem sermonem: *jam omen atque initium adesse calamitatis, quae devotum caput certa atque inevitabilis maneret.* Nam et fortuita in praesagium trahebantur: quod, imponente exercitum Crasso, quidam in portu, caricas Cauno advectas vendens, *Cauneas* proclamaverat: quasi disertis verbis monente Crassum sollicito numine, *caveret ire.*

Incitatus A. Gabinii insolentia.

XXXVI. Caussam festinandi haud postremam A. Gabinii praebuerat insolentia, qui legato Crassi tradere exercitum, quantumvis finito imperii tempore, spreverat. In biennium ille Syriam in consulatu, L. Piso collega Macedoniam lege Clodia acceperant: eratque in ordinandis provinciis decretum, ut successores utriusque mitterentur. Et Piso quidem jam decesserat, redieratque in urbem: Gabinius ultra tempus retinebat imperium eadem improbitate, qua ultra praefinitum legibus modum exercuerat.

Qui interim Judaeos et Aristobulam vincit.

XXXVII. Erat tum latrociniiis infesta Syria: sed plus a proconsule patiebatur injuriarum, qui non aliam ob causam infestius videbatur praedones persequi, quam ne qua pars spoliis ab aliis interciperetur. Elapsus e custodia, Romaque profugus Aristobulus, qui apud Judaeos regnaverat, cum Antigono filio redierat in Palaestinam, et, confluentibus ad eum, quibus praesentia parum placebant, Alexandrium, nuper a Romanis dirutum, instaurare coeperat. Gabinius, his auditis, partem equitatus Antonio praefecto misit, Sisenna et Servilio cum cohortibus subsequi iussis. Horum metu Aristobulus Machaeruntem versus instituit cedere, octo millium agmen trahens; quod

Cap. XXXV. Cic. de Divin. 2, 40. Plin. 15, 19. Cap. XXXVI. Dio. Cic. in Pis. et de Prov. Cons. Dio. Cap. XXXVII. Joseph. Antiq. 14, 11. et de B. Jud. 1, 6. Plut. Anton. c. 3. Joseph.

aliam inermium turbam, plus in ea impedimenti, quam auxilii, fore ratus, dimiserat. Sed Romani, priusquam ad castellum pervenire posset, adsequuti, manus conserere coactum verterunt in fugam. Quum ad millia quinque cecidissent, Aristobulus cum mille admodum viris, per objectam hostium aciem eruptione facta, Machaeruntem, reliqui in collem quemdam per-fugerunt. castellum biduo expugnatum: Aristobulus cum filio captus ad Gabinium, et ab hoc Romam remissus est. Senatus Aristobulum in vincula dedit: filios dimisit, quia Gabinus ita cum matre eorum pepigisse scripserat, quum se, et quae tenebat, in fidem Romanam dederet.

U. c. 697.
A. C. 55.

XXXVIII. Judaeis ad hunc fere modum pacatis, *Arabas Nabataeos aggressus,* expeditionem Gabinus in Arabas Nabataeos adornabat. Hi enim toto illo biennio, quo L. Marcius Philippus primum, deinde Cn. Lentulus Marcellinus, praetorio imperio rexerant Syriam, vicina incursantes, colorem P. Clodio praebuerant, ut consularem cum Macedonia provinciam Syriam faceret, et illam L. Pisoni, hanc A. Gabinio, praemium prodiit Ciceronis, cum exercitu et pecunia daret.

XXXIX. Forte per idem tempus Arsacidarum domus, discordiis atque parricidiis vexata, haud longo intervallo duo reges, Phraatem atque Mithridatem, amiserat. Phraates scelere filiorum interfectus erat: nec ipsis inter se plus pietatis et concordiae. Orodes, qui patri successerat, Mithridatem Media, quam ille tenebat, expulit. Mithridates, cum Orsane, nobilissimo Parthorum, ad Gabinium profectus, venalem ducem muneribus et pollicitationibus magnis induxit, ut, omissis Arabibus, in Parthos arma converteret.

XL. Jam ad Euphratem Gabinus cum exercitu venerat, quum Ptolemaeus occurrit, literas a Pompejo adferens. Gabinus et literis movebatur, quod auctore Pompejo faceret, impune facturum sperans; et, quum Ptolemaeus talentorum decem millia promitteret, magnitudine mercedis. sed, quia provinciae finibus egredi, bellumque injussu populi gerere legibus vetabatur, magna adseveratione nuper ex Si-

Parthorum turbis revocatur.
Mox, his omissis, Ptolemaeum revocare paras.

Cap. XXXVII. Dio. Plut. Joseph. Cap. XXXVIII. Appian. Parthic. et Syriac. Cic. passim in Orat. Cap. XXXIX. Dio. Appian. Parthic. et Syriac. Joseph. Appian. Cap. XL. Joseph. Dio. Plut. Anton. Cic. pro Rabir. Post. c. 8.

U. c. 697. byllinis libris erat decretum, *ne exercitus in Aegyptum duceretur*, trepidabat. Re in consilio proposita, quum plerique tutiora suaderent, M. Antonius auctor suscipiendae expeditionis fuit; juvenili audacia, et quod Ptolemaeo cupiebat gratificari. Gabinus igitur, negotio ita decreto, majoris praedae spem sequutus, quum et ipsi et militibus multa statim dilargiretur Aegyptius, plura promitteret; rebus Mithridatis insuperhabitis, in Aegyptum properavit, dum adhuc idoneo defensore regnum careret.

In Aegyptum properat.

XLI. Nam, occiso Cybiosacte, quum Alexandrini maritum reginae suae Philippum, Grypi et Tryphaenae filium, e Syria evocassent; deinde Archelaum, filium Archelaï, sed qui se Mithridate ferebat genitum: Gabinus, quid ageretur, suspicatus, Philippum ire prohibuerat; Archelaum, expeditionis Parthicae comitem, in custodiam dederat. Sed ille paullo post elapsus, ignaro Gabinio, an dissimulante conscientiam, incertum: nisi quod hominis mores fidem adstruunt tradentibus, metu ne pauciora Ptolemaeus daret, si citra negotium esset restitutus, simul acceptis ab Archelao magnis muneribus, Gabinium sponte passum, ut in Aegyptum ille perveniret.

Per M. Antonium Pelusium cepit.

XLII. Archelao dimisso, Gabinus, quum Judaeis pecunias armaque et frumentum imperasset, per eorum regionem ad Pelusium et Aegypti claustra processit. Magno illi tum usui Antipater fuisse traditur, Herodis pater, quum ad cetera pleraque strenuus administrator, tum ad aperiendas itineris difficultates unicus. Quum enim haud minus viarum impedita, quam belli adversa, timerentur, (quippe per altum sabulum et sitientes arenas, sub quibus crebri serpentes occultabantur, Serbonitis circumeunda palus erat, *Typhonis* formidata nomine, cujus esse spiramenta dicebantur) Antipater Judaeos Aegyptiorum milites auctoritate sua permovit, ut aditus, quos custodiebant, seque ipsos traderent Romanis. Ita, nemine arma opponente, M. Antonius, qui praemissus cum equitatu fuerat, non modo occupavit angustias, sed etiam Pelusium, amplam urbem praesidioque munitam, re-

Cap. XL. Cic. in Pis. c. 21. et Dio. Plut. Appian. Dio. Cap. XLI. Supra, 104, 74. Porphyr. apud Euseb. p. 227. Strabo, l. 17. p. 796. et l. 12. p. 558. Porphyr. Dio. Strabo, l. 17. Dio. Cap. XLII. Joseph. Hegesipp. 1, 21. Joseph. Plut. Anton. Joseph. Dio. Plut.

cepit. Ea res saluti fuit Pelusiotis, quibus et Romani pepercerunt, et, quum saevire Ptolemaeus vellet, non est ab Antonio situs. U. c. 697.
A. C. 55.

XLIII. At postquam Gabinius supervenit, rebus *Alexandri-*
Pelusii constitutis, bipartito exercitu Alexandriam pe- *nos vincit.*
tentibus Aegyptii occurrerunt. Acriter aliquamdiu
certatum est: mox, quia M. Antonius necopinato ter-
ga hostium inyaserat, victoria penes Romanos fuit.
Crebra deinde et magna certamina variis commissa lo-
cis: donec duobus magnis proeliis, quorum alterum
in flumine classibus depugnatum est, Alexandrinorum
temeritas comprimeretur. Erat enim id ei populo in-
genium, ut, projectus ad audendum, seditionibus con-
tinuis ad vilitatem corporis et spernenda pericula ex-
ercitus, nihil non promptissime susciperet: idem mu-
tabilis et laboris moraeque impatiens, ubi primus im-
petus deferbuisset, qualibet conditione redimebat tam
contemptam antea pacem. Narrant, eductas ex urbe
copias, quum vallo et fossa cingere castra juberentur,
succlamasse universas, ut id opus pecunia publica lo-
caretur. Igitur et Alexandriam Gabinius, et totum
Aegypti regnum paucis mensibus cepit, quum magnam
eorum hominum multitudinem cum Archelao rege oc-
cidisset. Corpus tamen Archelaei requisitum ab Anto-
nio propter jus hospitii, et regio sumptu funeratum
est.

XLIV. Libet Alexandrinae temeritatis, cum foeda *Alexandri-*
superstitione conjunctae, documentum, hoc tempore *horum teme-*
editum in re haud satis per se memorabili, exponere. *varia super-*
Nondum erat certum, quo animo accepturus ista po- *stio.*
pulus Romanus esset, nec ab senatu amicus adhuc ap-
pellatus Ptolemaeus erat; quum a Gabiniano milite
forte felis occisa immensam populi turbam concivit.
Nihil tum erat Ptolemaeo, atque ipsis etiam Alexan-
drinis, antiquius, quam ne quis Romanus offenderetur;
et animal non voluntate militis, sed casu, inter-
fectum esse constabat. attamen neque Romanorum ter-
ror, neque hospitii necessitudo, ne missi quidem a
sollicito rege magistratus compescere populum potue-
runt, quo minus a furentibus miser discerperetur.

Cap. XLIII. Dio. Plut. Dio. Val. Max. 9, 1. 6. ext. Cio.
in Pis. c. 21. Appian. Liv. Epit. Joseph. Dio. Cap. XLIV.
Strabo, l. 12. p. 558. Plut. Diod. l. 1. p. 53.

U. c. 697.
A. C. 55.
*Ptolemaei,
recuperato
regno, sās-
visia.*

XLV. Porro Ptolemaeus, recuperato regno, ante omnia filiam Berenicen, deinde splendidissimum quemque supplicio adfecit: multos per iram et odium, ple-rosque divitiarum caussa, quibus ad mercedem Gabi-nio praestandam indigebat. Interea Judaeus Alexan-der, recuperato per vim principatu, Romanis, quot-quot adipisci potuerat, occisis, reliquos in monte Ga-rizeno obsidebat. Nec obviam ire Sisenna poterat, cui admodum adolescenti Syriam pater Gabinius com-miserat, nec usum rerum, nec auctoritatem rebus tantis parem habenti. Idcirco Gabinius, raptim ex Aegypto reductis copiis, Alexandrum, triginta milli-bus hominum stipatum, offendit; quamquam praemis-sus ad populares Antipater haud paucos a defectione retraxisset. Ad Itabyrium montem ingenti proelio con-cursus est: decem milia Judaeorum caesa.

*Gabinus
Judaeos et
Arabas cae-
dit.*

XLVI. Gabinium, rebus Hierosolymitanis ex Anti-patri voluntate constitutis, ne victoriam consummaret, Arabicum bellum avertit. Id quoque feliciter ab eo gestum est, fuis proelio Nabataeis; neque confectum: quod jam Crassus aderat, provinciam et exercitum a Gabinio accepturus. Cupiebat et Parthos cxsules: sed illos, sive pecunia accepta, sive Crasso invidens, clam dimisit Gabinius, fuga subductos ementitus.

*Querelas
contra Gabi-
nium.*

XLVII. Restituto hunc ad modum Ptolemaeo, quum Romam rem fama pertulisset, quod Gabinius ad se-natum scribere metuebat; indignatio dolorque civita-tis in immensum exarsit. Spretae haud dubie religio-nes, neglectae leges, conculcata senatus, conculcata populi Romani auctoritas erat: eaque provinciae et-iam et equitum Romanorum querelis adgravabantur. Syri spoliatos se a latronibus, spoliatos a proconsule; publicani jus sibi non dictum, pactiones rescissas, vectigales multos liberatos, iisque rebus rationes suas remque familiarem adflictam eversamque esse, quiri-tabantur. Gabinius enim, ut Judaeis atque Syris se venditaret, a quibus multas accipiebat pecunias, ita se durum publicanis praebuerat, ut, quo in oppido ipse esset, aut quo veniret, ibi publicanum aut publicani servum esse non pateretur. Inter fremitus plurimo-rum, judicia et poenas legum poscentium, Ciceronis

Cap. XLV. Dio. Strabo, l. 17. p. 796. Porphy. apud Eu-seb. p. 226. Dio. Joseph. Dio. Joseph. Cap. XLVII. Dio. Cic. in Pis. c. 21. Dio. et Cic. de Prov. Cons. c. 5. Dio.

maxime tonitrua audiebantur. Is in rempublicam studio, adversus inimicum ira, quum nihil eorum, quae ad irritandos animos pertinebant, intactum omitteret, praecipue institit, ut *Sibyllini libri denuo inspicerentur, et ex iis carmen de regis Alexandrini restitutione rursus ederetur.* Adjunctum enim ibi sperabat aliquid de poena spretae religionis esse. Ceterum Pompejus Crassusque consules, alter auctor reducendi regis, Crassus accepta a Gabinio pecunia, (tum enim adhuc in urbe erat) nihil decerni sinebant. res in annum sequentem extracta.

U. c. 697.
A. C. 55.

XLVIII. Interea C. Caesar Usipetes Tencterosque, *Caesar Usipetes vincit.* Rhenum transgressos, in Gallia vicit. Caussa illis trans-eandi fuit, quod, pluribus annis bello Suevorum excitati, patrios fines ultra tueri non poterant. Igitur quum per varias Germaniae partes vagati, postremo ad Rhenum amnem pervenissent, qua Menapiorum gens utramque ripam aedificiis vicisque obtinebat, non sunt admissi a Menapiis; qui, retractis in Gallicam ripam suis omnibus, transitum amnis custodiebant.

XLIX. Germani, simulato discessu, quod tridui *Illorum strategema.* spatio iter confecerant, una nocte cum equitibus remensi, quemadmodum speraverant, Menapios ad pristinas sedes reversos oppresserunt. Navibus deinde captivis transvecti, quum colentes in altera ripa inscii omnium essent, tota regione occupata, per reliquam hiemis partem ibi subsisterunt. Mox, a quibusdam Galliae civitatibus clandestinis nunciis excitati, in fines Eburonum et Condrusorum, qui tum in clientela Trevirorum erant, processerunt. Caesar, postquam de his rebus certior factus est, timens, ne Gallos pro mutabilitate animorum haec occasio in rebellionem ageret, exercitu coacto, iter ad ea loca facere coepit.

L. In eo itinere legati Germanorum occurrerunt, neque deprecantes bellum, et amicitiam malle professi, modo daret agrum Caesar, aut tenere, quem occupassent, pateretur. addiderunt, *Legati ad Caesarem.* sese unis Suevis concedere, quibus ne Dii quidem immortales pares esse possint: reliquum quidem in terris esse neminem, quem non superare possent. Caesar ad haec negavit, pacem sibi cum his esse posse, donec sint in Gallia: si velint in fines Ubiorum conce-

Cap. XLVIII. Plut. Caes. Oros. 6, 8. Liv. Epit. Dio. Flor. 3, 10. Caes. de B. Gall. l. 4. Cap. L. Appian. apud Fulv. Ursin. Caes.

U. c. 697. *dere, acturum se cum Ubiis, ut eos recipiant, eorumque opera contra aggressores Suevos utantur.* Ipse cum exercitu progreditur. Quum jam haud amplius passuum duodecim millia inter utrosque interessent, legati reverterunt. Horum oratio eo pertinebat, ut tridui sibi spatium daretur, intra quod tempus de voluntate Ubiorum cognoscerent. Ubiis annuentibus, oblata a Caesare conditione a-furos.

De Caesaris fide disquiritur.

LI. Quae deinde sequuntur, sic habent ambiguum aestimationem culpae, ut perfidiam potius Caesaris, quam Germanorum, fuisse sit verosimilius. Nam, sicut ipse fatetur, responsum dedit legatis, *se non amplius millia quatuor eo die processurum. petere, ut postridie adsint quam frequentissimi, quo de postulatis eorum cognosceret: missurum ad praefectos, qui cum equitatu omni processerant, ne interea proelium inciperent.* Miseritne, et dicto audientes praefecti fuerint, aut utrorum culpa commissum sit proelium, quum minime liqueat; vix est credibile, Germanos, qui omnem equitatum suum, praeter octingentos, superioribus diebus trans Mosam praedatum miserant, pugnam equestrem facturos fuisse contra quinque millia, nisi coacti atque laceffiti fuissent. Eventus is fuit, ut a tanto paucioribus Romani foeda fuga usque ad conspectum castrorum suorum repellerentur.

Caesar Germanos opprimis.

LII. Postridie Germanorum principes majoresque natu omnes, uti convenerat, ad Caesarem uno agmine venerunt. Ille, his comprehendi hostiliter iussis, statim educit suos, Germanosque nihil tale cogitantes improvisus aggressor ad internecionem caedit. Quantum armatorum numerus perierit, non traditur. capitum quadringenta triginta millia fuisse, Caesar scripsit, multitudine puerorum mulierumque computata.

Facto ne suis quidem probato.

LIII. Caesar perquam fragili defensione factum hoc tuetur. Germanorum principes per simulationem ad sua castra venisse; nihil aliud acturos, quam ut tempus obtinerent, intra quod equitatus suus reverti posset. se neque audiendos parasse, qui, per dolum petita pace, bellum ultro insulissent; et summae dementiae iudicasse, exspectare, donec hostium auferentur copiae. Sane causam suam ne Romanorum quidem optimis probavit: adeoque Tanusius Geminus, historiarum scriptor, a M. Catone dictam tradit sententiam, quo tempore ex literis Caesaris supplicatio-

Cap. LIII. Sueton. Caes. 9. Plut. Caes. et Crasso sub fin.

nes decernebantur, *dedendum illum hostibus esse ob legationis violatae nefas.* Suetonius addit, aliquando a senatu decretum fuisse, *ut ad explorandum statum Galliarum legati mitterentur; quod, infestas ac feras gentes a Caesare laceffi, parum e republica videretur.*

U. c. 697.
A. C. 55.

LIV. Interim equites Tencterorum et Usipetum, *Caesar Rhenum transiit.* audita suorum clade, per alias vias ad Rhenum venerunt; eoque transmissio, sunt a Sigambriis recepti: eodem pauci eorum, qui proelio interfuerunt, ex fuga penetrarunt. Eos quum Caesar dedi postularet, Sigambrii populi Romani imperium Rheno finiri responderunt: *si ipse nolle in Galliam venire Germanos, vicissim et sibi juris aut potestatis nihil arrogare debere in Germania.* Inde causas sibi struens Caesar, per quas Rhenum transmitteret, (cupiebat enim nemini Romanorum tentatae rei gloriam adipisci) lubens audivit Ubiorum oratores, qui adversus Suevos implorabant opes Caesaris, Rhenumque trajecturo magnam navium copiam pollicebantur. Caesar ponte transgredi maluit, quo intra dies decem effecto, traduxit exercitum, et proximam Germaniae partem vastare coepit. Sed, ubi se Sigambri in loca impedita receperunt, Suevique, missis quaquaversum nunciis, cogere exercitum nunciabantur, Caesar, satis et ad laudem et ad utilitatem profectum arbitratus, reduxit in Galliam copias, pontemque rescidit, dies omnino duodeviginti trans Rhenum commoratus.

LV. Inde, quum exigua pars aestatis superesset, *Deinde in Britanniam.* etiam in Britanniam navigandi cepit impetum: ut insulam, ne vicinis quidem cognitam, adiret, quod nemo adhuc Romanorum fecerat. Tempus ad exigui maris transitum, cognoscendosque Britannorum animos sufficiebat. idem obtentum praestabat bello omisso redeundi, si difficilius spe sua negotium reperisset. Nam ad id tempus adeo Graecis Romanisque ignota fuerat Britannia, ut alii magnitudinis argumento continentem esse dicerent, opinione hac usque ad imperium Vespasiani obtinente; vetustiores nomen atque fabulam sine re, quidquid de illa diceretur, existimarent. Dum naves apparantur, Morinorum legati dedendae gentis ergo venerunt. Gratum id Caesari fuit, quod

Cap. LIII. Sueton. Caes. 24. Cap. LIV. Caes. Sueton. Caes. c. 25. Dio. Caes. Cap. LV. Vell. 2, 46. et 47. Strabo, l. 4. p. 199. et 200. Sueton. Tac. Agric. c. 13. Caes. Dio. Tac. Agric. c. 10. Plut. Caes.

U. c. 697. in alium velut orbem transituro nullus a tergo hostis
A. C. 55. relinquebatur. Igitur, praemisso ad speculandum cum
una nave C. Voluseno, quum navibus duas omnino
legiones imposuisset, paucis horis Britanniam attigit,
peditatu tantum stipatus, quod equites, alio loco con-
scendere iussi, tardaverant.

*Britanni
obsident.*

LVI. Britanni, quamquam, Caesaris expeditione
cognita, legatos in Galliam miserant, obsequium et
obsides polliciti; tamen frequenter armati ad prohi-
bendum excensu militem opperiebantur: et loci si-
tus ille erat, ut angusto inter montes aditu tela utri-
umque adjici in egredientem possent. Igitur ad octo
millia passuum inde litus planum apertumque petiit.
Eo quoque loco Britannorum equitatus et effedarii
se opposuerunt. Effedariorum pugnandi ratio ferme
similis fuit ei, quae temporibus Heroïcis apud poë-
tas adscribitur. Quum esset diu certatum, Romanos,
quamquam iniquitate loci et novo genere pugnae tur-
babantur, longae naves, et emissa inde tormentis te-
la, victores effecerunt.

*Sed victi
mittunt le-
gatos.*

LVII. Britanni, magis terrore, quam damno, com-
puli, quod equitatu destitutus Caesar insequi fugien-
tes nequiverat, legatos miserunt. Cum his et Comius
Atrebas venit, quem, a Caesare praemissum, ut Bri-
tannos ad amicitiam populi Romani cohortaretur, et
ab se comprehensum, post infelix proelium liberave-
rant. Caesar leni oratione castigatis, *quod pacem ultro
petitam bello non necessario mutavissent*, obsides imperavit.
hisque adductis, in faciem amicitiae quietae res esse
coeperunt, haudquaquam solida aut diuturna fide.

*Mox rebel-
lant.*

LVIII. Nam ubi tempestate disiectae naves, quibus
equites erant impositi, Britanniam tenere nequive-
runt; navesque Caesaris, ignotis locis ad ancoras stan-
tes, eadem tempestas confregit, aut ad navigandum
reddidit inutiles; coire Britannis, miscere consilia,
postremo resumere arma placuit, quod exercitum sine
commeatu, sine navibus, in hostili solo iniquo anni
tempore deprehensum facile superaturos se putabant:
victoriaeque praemium non intra praesentia tantum
commoda staturum rebantur; sed, his deletis copiis,
nemini postea veniendi ad Britannos audaciam fore.
Igitur legionem septimam, quae missa frumentatum
fuerat, subito maximus numerus aggressi, totam con-

Cap. LVI. Strabo, Tac. Agric. c. 12. Caes.

cidissent, nisi pulvis, solito major ex iis locis conspectus, Caesarem advertisset. Hoc celeriter subveniente, servata legio est.

U. c. 697.

A. C. 55.

LIX. Hostes, alio deinde proelio victi, quum iterum misissent legatos; Caesar, infirmis navibus non esse diutius differendam navigationem putans, nam dies aequinoctii suberat, prompte veniam praeteritum dedit. Obsidum tantummodo numerum duplicavit, praecepto, ut in continentem sibi mitterentur. Ita quum discedere Caesar, Britanni dimittere advenas cuperent, illi multum imperare, horum in potestate relinqui, quatenus obedirent, videretur; haud operosum componendae pacis negotium fuit. Caesar, in Galliam regressus, quum obiter Morinos, a quibus trecenti milites, qui in eo litore expositi castra sua repetebant, oppugnati fuerant, per T. Labienum domuisset; per Q. Titurium, L. Cottam legatos Menapiorum vastasset culta, in Belgis hiberna legionum constituit. Eo duae omnino Britannorum civitates miserunt obsides: reliquae id facere neglexerunt.

*Iterumque
victi pacem
impetrant.*

LX. Caesar, his gestis, quamquam operae pretium aliud factum non erat, quam quod ad ignotas prius regiones, ipsisque domitoribus orbis, ut ferebantur, Herculi Bacchoque, et ceteris heroibus intactas, arma Romana pervaserant; de rebus suis magnifice, verbis extollens, ad senatum scripsit. Quum adversae, ut ante retulimus, sententiae aliquot fuissent; studiis et adulatione plurimum supplicatio dierum viginti a senatu decreta est.

*Caesar de
his gestis ad
senatum scri-
bit.*

LXI. Dum haec a Caesare geruntur, Q. Metellus Nepos in Hispania populos aliquot fudit, qui, Vaccaeis ducibus, rebellionem coeptaverant, necdum erant satis ad bellum parati. Ea res Nepoti patefecit viam, ut, multas obeundo nationes, aliquem numerum ignobilium oppidorum in deditionem acciperet. Sed, ubi Cluniam obsidere aggressus est, validam urbem, Hispanis cum maximo exercitu supervenientibus, proelio impar cessit. Et, quamquam meliore denuo fortuna depugnasset, ob nimiam multitudinem hostium (quod iis temporibus Hispania gentium omnium longe populosissima erat) satis deinceps habuit, si se et exercitum praestare salvum posset. Haec in urbe audita fuerant,

*Metelli Ne-
potis gesta in
Hispania.*

Cap. LX. Dio. Caes. Plut. Caes. Dio. Cap. LXI. Cic. de Har. Resp. c. 9. Dio.

U. c. 697. quum nondum ornatae provinciae essent; moverunt-
 A. C. 55. que senatum, ut Hispanias alteri consulum provin-
 ciam lubentius decerneret, Pompejoque sortem illam
 obvenisse laetaretur. His ferme rebus domi forisque
 circumactus annus est, quo Cn. Pompejus, M. Crassus
 consules iterum fuerunt.

U. c. 698. LXII. Sequens deinde, L. Domitio Cn. F. Ahen-
 A. C. 54. barho, Ap. Clodio Ap. F. Pulchro Crasso consulibus,
 L. Domitio, magnas dissensiones in republica, magnas exercituum
 Ap. Clau- strages in provinciis tulit. In urbe propter Gabinium,
 dio cos. a quo contra religiones reductus in regnum Ptolemae-
Urbanas us fuerat, acerbis animis inter principes certabatur.
turbas. Et Gabinii causam Cn. Magnus hactenus utcumque sus-
 tinuerat: tum autem, duorum consulum inimicis ac-
 cedente auctoritate, coepit labascere. Domitius sem-
 per adversus Pompejanae factioni fuerat. Appium an-
 tea non alienum studia plebis mutabant, et spes lucri;
 accumulaturum mercedem patrocinii Gabinio, si prius
 in magnam adductus trepidationem fuisset.

Caesaris
acta.

Treviri
vincuntur.

Caesar ite-
rum in Bri-
tanniam ve-
nit.

LXIII. At Caesar, obsides a Britannis missos non
 esse caussatus, ceterum insulae, si posset, domandae
 cupidus, et quolibet praetextu morem gesturus cupi-
 ditati, per hiemem magnam navium multitudinem ope-
 ra legatorum, quos hibernis praeposuerat, effici jus-
 sit: forma praescripta, quam judicabat esse ad illius
 maris naturam consueta commodiorem. Ipse, Pirusta-
 rum compressa natione, Illyricum incursantium, et
 deinde in Galliis concitore Trevirorum Indutiomaro,
 cum legionibus ad portum Itium pervenit, inde, si-
 mul patiens navium oceanus foret, iterum in Britan-
 niam trajecturus. Itium plerique fuisse putant, ubi
 nunc Caletum est maritimum oppidum: sed haec au-
 ctoritate Ptolemaei refellitur opinio. propius fidem
 est, juxta Bononiam quaerendum huic nomini locum
 esse.

LXIV. Dum ibi ventum expectat Caesar, Dumno-
 rix, Aeduorum princeps, qui cum equitibus suis ad
 Caesarem venerat, quum impetrare nequivisset, ut in
 Gallia relinqueretur, invito Caesare domum coepit
 discedere. Caesar, motum Galliarum veritus, post-
 positis rebus omnibus, mittit, qui Dumnorigem re-
 tra-

Cap. LXIII. Caesar, de B. Gall. l. 5. Dio, l. 40. Caes.
 Cellar. Geogr. Ant. l. 2. c. 3. Cap. LXIV. Caes.

trahant: ab his repugnans interficitur; Aedui equites ad Caesarem omnes revertuntur. ceteris hoc ad parandi necessitatem exemplum est.

U. c. 698.

A. C. 54.

LXV. Igitur legionibus quinque, duobus equitum Gallorum millibus adsumptis, eodem loco, ubi nuper appulerat, per summum otium exponit suos: quod multitudine navium Britanni perterriti (nam ad mille navigia habebat) prohibere excensionem non audebant. Caesar, cognito per captivos, quo se recepisset hostis, quamquam munitis locis se tenentem profligavit; fugientem propter locorum ignorantiam insequi supersedit. Postridie, tripartito agmine profectus in expeditionem, naves suas ea nocte tempestatibus vehementer afflictas esse cognoscit. Hoc nuncio revocatus ad classem, in reficiendis subducendisque navibus, castrisque sic communiendis, ut eadem munitione naves quoque defenderentur, decem ferme dies consumpsit.

LXVI. Interea temporis Britanni, sociis passim evocatis, majores contraxerunt copias, summaeque rerum Cassivellaunum praefecerunt, cujus inter reges praecipua virtus ac potentia erat. Cum his crebra proelia facta, nullo ad summam belli profectu. Britannorum tamen exercitus, revocantibus auxilia sua civitatibus, disparuit; quaerendumque Caesari bellum fuit. Idcirco ad flumen Tamesin, ubi Cassivellauni fines erant, exercitus ductus est.

Cassivellaunus Britannorum imperator.

LXVII. Trans amnem hostium magnae copiae consederant, munita praeacutis sudibus ripa, et aliis in ipso alveo ita defixis, ut aqua tegerentur. Sed, perruptis obstantibus omnibus, virtus Romana patefecit viam: tanto ardore militum, ut, licet solis capitibus exstarent, tamen nec flumine, nec sudibus, nec telis hostium terreri aut retardari possent. Fertur et alia, nec absurda fabula, perculos ad aspectu elephantum Britannos equosque eorum fugisse: quod belluam unam secum transportaverit Caesar, eamque in flumine constituerit, armatis e turri, quam dorso elephantis portabat, tela spargentibus. Cassivellaunus, adverso proelio, deinde Trinobantium defectione, territus, quos statim Cenimani, Segontiaci, aliaeque nonnullae nationes imitatae sunt, copia pugnandi minime facta, in oppida sua se recepit. Oppida Britanni tum vocabant,

Tamesis transit Caesar.

Cap. LXVII. Polyæn. Strat. l. 8, Caes. Strabo, l. 4.

Supplem. Liv. Tom. XIII.

S 8

U. c. 698. quum silvas impeditas vallo atque fossa munivissent.
 A. C. 54. Ibi, dejectis arboribus, tuguria sibi et pecori stabula ponebant ad usum exigui temporis. Interea quatuor ex Cantio reguli, Cassivellauni nunciis exciti, castra Caesaris navalia de improvviso adoriuntur. His strenue occursum a Romanis, qui ibi praeerant, subitaque eruptione magna cum clade rejectus hostis: dux quoque nobilis Lugotorix captus est.

*Pacem dat
 Cassivellauni.*

LXVIII. Haec tot adversa (nam et munitissimum interea oppidum amiserat) perpulerunt Cassivellaunum, ut per Comium Atrebatem legatos ad Caesarem de pace mitteret. Caesar, qui propter repentinos Galliae motus in continenti hiemare constituerat, magna hostium multitudine interfecta, parte aliqua insulae, qua litus adtingit, accepta in deditionem, satis pensatum expeditionis laborem ratus, haud gravatim pacem dedit: obsidibus imperatis, adjectoque, ne quid Cassivellaunus Trinobantibus noceret. Praesidium imponi feris gentibus, et oceano divulsis, metus amittendorum militum prohibuit: tributa, si non essent, per quos exigerentur, jubere vanum erat. igitur his abstinere Caesar maluit, modico vectigali contentus, quum et merces minime pretiosae essent, quae inter Gallos ac Britannos permutabantur.

Cap. LXVII. Caes. Cap. LXVIII. Tac. Agric. c. 13. Strabo. Caes. Strabo. Dio. Plut. Diodor. 5, 21. Caes. Strabo.

EPITOME

LIBRI CENTESIMI SEXTI.

Julia, Caesaris filia, Pompeji uxor, decessit: honosque ei a populo habitus est, ut in campo Martio sepeliretur. Gallorum aliquot populi, Ambiorige duce Eburonum, defecerunt: a quibus Cotta et Titurius, legati Caesaris, circumventi insidiis, cum exercitu, cui praeerant, caesi sunt. et quum aliarum quoque legionum castra oppugnata magno la-

Honosque ei a populo habitus est] Ita Gruterus, et post eum omnes recentiores ediderunt. Eadem lectio confirmatur etiam testimonio Leid. Voss. Berg. Lov. 2. Boend. et ed. Camp. nisi quod Boend. omittat *et ei*, et Berg. *legat est habitus*. Antea vulgatur *honosque maximus ei*; quod etiam in Exc. Pithoei, et Norv. superfuisse, auctor est Hearnius. Sed *maximus* inter illas voces esse, quas primi editores in contextum epitomarum inseruerunt, vidimus ad Epit. 48.

Gallorum multi populi] Vet. lib. *aliquot populi*. SIG. Similiter Leid. Voss. Berg. Lovel. 2. Boend. Exc. Pithoei, et ed. Campani. Eodem modo variant primi editores supra Epit. 53. Vide, quae notantur ad Epit. 51

Ambiorige duce Eburonum, defecerunt] Forte *Ambiorige duce, rege Eburonum*. J. FR. GRON. Certe Ambiorige regnum adscribit Caesar 5. B. Gall. 16. Deinde *Helvetiorum* Boend. et ed. Camp. *Eburorum* Lovel. 2. *Eburnorum* Voss. et Exc. Pithoei. Tum *defecerunt* exsulat a Boend. et ed. Camp.

Cotta et T. Aurunculejus legati] Vet. lib. *Cotta et T. Veturius*. Apparet tamen legendum *Cotta et Titurius*. Sic enim Caesar lib. 4, [38.] *Q. Titurius et L.*

Cotta legati. Deceptus est librarius, quod Cottae nomen *Aurunculejus* fuit, eodem auctore Caesare. Item Appianus *Kóttas καὶ Τίτῤῥιος*. SIG. Videant primi editores, et scriba Norvic. unde lectionem *T. Aurunculejus* hauserint, quae in nullo mihi cod. obvia fuit. *Titus Vertuarius* est in Berg. *T. Ligarius* in Leid. Boend. et ed. Camp. *Tigranus* in Lov. 2. *Tigor* in Exc. Pithoei *Tigurius* in Voss. pro quo, una tantum litera mutata, recte Sigonius *Titurius* reposuit. Caesar 5. B. Gall. 24. *Unam legionem et cohortes quinque in Eburones, qui sub imperio Ambiorigis et Cativulci erant, misit. His militibus Q. Titurium Sabinum et L. Aurunculejum Cottam legatos praeesse iussit. Mox insidiis circumventi* Exc. Pithoei, Norv. et edd. antt. Oros. 6, 10. *Cottam et Sabinum legatos apud Eburones cum tota funditus legione insidiis circumventos interfecit*. At Gruterus inverso ordine dedit *circumventi insidiis*; quod superest in Leid. Voss. Berg. Lov. 2. Boend. et ed. Camp.

Magno labore defensa] Edobatur olim *maximo labore*, suffragantibus Exc. Pithoei, et Norv. Ejus loco Gronov. anno 1665. emendavit *magno labore*; quod

bore defensa essent, interque eos, qui in Nervii praeerat, Q. Cicero, ab ipso Caesare hostes proelio fusi sunt. M. Crassus, bellum Parthis inlaturus, Euphratem fluvium transiit, victusque proelio, in quo et filius ejus cecidit, quum reliquias exercitus in collem recepisset, evocatus in colloquium ab hostibus, velut de pace acturis, quorum dux erat Surenas, comprehensus, et, ne quid vivus pateretur, repugnans interfectus est.

probant Leid. Voss. Berg. Lov. 2. Boend. et ed. Camp. V. ad Epit. 50.

Interque eos, qui in Treviris praeerat, Q. Cicero] Quos eos? Numquid prius dixit? aliorum quoque legatorum. An hic potius: interque ea, quibus in Treviris praeerat Q. Cicero? Hoc magis placet. J. FR. GRON. Vitium hoc quum esset in postremis aliquot editionibus commissum, nescio quorum culpa, merito advertit Perizonium meum, isque monuit me, reponi debere Nervii, quod obtinuit olim, excluditque in Sigoniana Paulus Manutius. Et hoc volunt Msi, in quibus vidi exstare Terberis, vel Terbejis. Itaque emendavi errorem. JAC. GRON. intra quae erat, qui Treviris praeerat, Q. Cicero Leid. interque ejus, qui interberis praeerat, Q. Cicero Voss. interque ejus, qui in Treveris praeerat, Q. Cicero Berg. et Lovel. 2. Treberis Exc. Pithoei. Treveris Boend. edd. Romana princeps apud Hearnium, et Campani. Nervii jam ipsum Sigonium edidisse video anno 1572. An legendum? inter quae ejus, qui in Nervii praeerat, Q. Cicero nis. Illud inter quae probabile redditur ex illis, quae dicuntur ad Epit. seq. Castris legionis, quae in Nervii hibernabat, Q. Cicero nem praefuisse, testatur Caesar 5. B. Gall. 24. V. etiam Oros. 6, 10. Bellum Parthis inlaturus, Eu-

phratem fluvium transiit] Parthis illaturus bellum Lovel. 2. Tum Euphratem flumen Berg. V. ad Livii 38, 15, 7. Dein transiit Exc. Pithoei, Norv. et pleraeque edd. ante Gronovium, qui transiit emendavit. Nec aliter Voss. Berg. Lov. 2. Boend. et ed. Camp. transit Leid. et una vel altera ex priscis edd. V. ad Epit. 103. Mox in quo et filius cecidit Voss. in quo filius cecidit, et ipse quum reliquias, et vocatus, pro evocatus, Boend. et ed. Camp.

Ut de pace acturis] acturis et vet. lib. habent, et historiae fides postulat. SIG. Similiter omnes scripti nostri cum Exc. Pithoei, et ed. Camp. Praeterea velut de pace Gronov. anno 1665. recepit, quod et ipsum servant codd. nostri, et ed. Camp.

Comprehensus, et, ne quid vivus pateretur, repugnans interfectus est] comprehensusque Leid. Voss. Berg. et Lov. 2. quorum duo posteriores omittunt sequentem voculam et. Praeterea ne quid victus Voss. Tum repugnans vivus interfectus est Leid. Pro interfectus est, quod servant omnes nostri, et ed. Campani, reliquae edd. ante Gruterum, et cum illis Norv. praeferunt interemptus est, et ita perit. Sed interemptus est, reliquis omisiss, Exc. Pithoei. At vide supra ad Epit. 73.

JOHANNIS FREINSHEMII

SUPPLEMENTORUM LIVIANORUM LIBER LXXI.

IN LOCUM LIBRI CVI. T. LIVII.

I. Rerum ita gestarum gloria, et perpetua indulgentia fortunae (namque tot navigationibus nullam omnino navem, quae milites portaret, amiserat) exsultantem Caesaris animum luctu repleverunt urbanae literae, nunciato Juliae obitu, quam Pompejo Magno collocaverat. Obierat ex partu: moxque duplicatus est dolor, decedente puella, quam enixa fuerat. U.c. 698.
A.C. 54.
Juliae mors.

II. Corpus matronae, quum in foro propositum esset, post funebrem laudationem rapuit populus, et in campo Martio sepelivit, tribunis incitantibus; qui ad hoc ab amicis Caesaris atque Pompeji conducti fuerant, aut sponte captabant hac adulatione praepotentium virorum gratiam, L. Domitius reclamabat, in locum sacrum inferri mortuum nefas esse, dictitans: neque tamen ratio valuit apud occupatos affectibus; et consulis auctoritatem pro nihilo haberi translatitium erat. Sed prudentiores, et quibus aliqua publicae aut etiam suae rei cura erat, gravis incessit metus, fore, ut, hoc inter duos sublato concordiae pignore, ambitio aemulorum civilibus armis collidatur. Nec fraudandus virtutis et gravitatis suae laude Caesar, qui intra tertium diem, quam haec nunciata erant, ad imperatoria munia rediit. *Et sepulta.*

III. Inter haec A. Gabinii causa vario et pudendo iudiciorum eventu agitabatur. Ille, periculi sui non ignarus, quum magnam vim auri ad conciliandos sibi homines praemisisset, exeunte Septembri noctu introivit in urbem; paucosque post dies a C. Memmio tri- *Gabinii iudicium.*

Cap. I. Caes. de B. Gall. l. 5. Plut. Caes. et Pomp. Cap. II. Dio, l. 39. Liv. Epit. Plut. et Dio. Plut. Appian. Civil. l. 2. Vell. 2, 47. Lucan. 1, v. 112. Val. Max. 4, 6. Cap. III. Senec. Consol. ad Marc. c. 14. Dio. Cic. ad Q. Fratr. 3, 1. et 2.

U. c. 698. hunc plebis ad populum acriter est accusatus. Quum
 A. C. 54. damnaretur reus, Sisenna Gabinii filius ad pedes Mem-
 mii procubuit, pro patre deprecabundus. Eum Mem-
 mius truci vultu aversatus aliquamdiu humi jacere si-
 vit. Haec species, et quod excussus e manu adole-
 scentis annulus visebatur, ita mutavit animos, ut, ap-
 probantibus cunctis, a tribuno plebis Laelio Gabinus
 dimitteretur. Postea quoque tanta in iudiciis rogan-
 dis contentio Cn. Pompeji fuit, Caesaris etiam amicis
 enixe opitulantibus, ut, a L. Lentulo Flaminis filio apud
 C. Alfium praetorem majestatis postulatus, Gabinus
 summo dedecore iudicium absolveretur.

*Exundatio
 Tiberis.*

IV. Permolesce rem eam populus tulit: adeo qui-
 dem concitatus, ut parum absuerit, quin ipso in ju-
 dicio discerneret reum, et inter diribendas tabellas
 iudiciis ipsis mortem minaretur. Igitur, frustra ob-
 nitente Pompejo, Sibyllinum carmen denuo invulgari
 pervicerunt: et sub idem tempus fortuita res, sed
 velut ex compacto in illum temporum articulum veni-
 ens, tam valide commovit homines, ut, licet nulla
 statuta in libris poena fuerat, atrocissimo supplicio
 Gabinus voluntate singulorum et senatus destineretur.
 Forte sub eodem dies Romae et maxime Appia ad
 Martis mira proluvies, exundante Tiberi fluvio, et
 usque ad piscinam publicam magna vis aquae fuit:
 oppletisque partibus inferioribus omnibus, ne editio-
 ra quidem intentata fluctibus manserunt. Magna aedi-
 ficiorum strages sequuta, quae, lateritia quum essent,
 vi aquarum solvebantur: ingens jumentorum numerus,
 homines quoque multi suffocati aquis aut oppressi rui-
 na perierunt. Haec omnia infensi ad iram Deorum
 referebant, spretas religiones vindicantium.

*Gabinus
 damnatur.*

V. Igitur ad M. Catonis tribunal, qui de repetun-
 dis iudicabat, adduxerunt reum, minus jam timentem,
 quia maximam adversariorum tempestatem incolumis
 pertulerat. Sed a iudiciis, qui et populum time-
 bant, et a reo acceperant nihil, condemnatus, solum
 vertit. Erant enim tanta ejus tamque manifesta crimi-
 na, populiue indignationem ita vehementem commo-
 verant, ut nullis praesidiis, quum habere videretur
 longe firmissima, servari posset.

Cap. III. Val. Max. 8, 1. Dio, et Cic. ad Q. Fratr. 3, 3. et
 4. et ad Att. 4, 16. Cap. IV. Dio. Cic. ad Q. Fratr. 3, 7.
 Dio. Cap. V. Ascon. in Scaur. Dio.

VI. Pompejus, qui rei frumentariae causa in Italia erat, quum ad primum iudicium Gabinii occurrere studuisset, sub eisdem dies, quibus repetundarum postulatus fuerat, ad urbem venit: nihilque ad summam diligentiam fecit reliquum, quo nocentem eriperet. Ideoque et Ciceronem, non sine probro utriusque, permovit, ut, in quem priore iudicio testimonium acriter dixerat, eum nunc defenderet. ipse, quia proconsulare imperium habenti urbem ingredi non licebat, evocato populo, verba pro Gabinio accurate fecit, Caesaris etiam recitatis epistolis, quibus salutem Gabinii enixe commendaverat.

U. c. 698.

A. C. 54.

Frustra ei patrocinante Pompejo.

VII. Eodem ferme tempore pro M. Scauro felicius inter alios patronos Cicero dixit. Postulatus et iste repetundarum fuerat ex Sardinia, C. Triario C. F. accusante. Causa hominis tam erat perditam, ut accusator diceret, *lege sibi centum atque viginti hominibus denunciare testimonium licere. se vero non recusare, quominus absolvatur reus, si totidem nominasset, quibus in provincia nihil abstulisset.* Tam bona conditione quum reus uti non posset, tamen propter favorem splendidae aedilitatis, et patris Scauri memoriam, frequentibus suffragiis est absolutus.

Scaurus absolvitur.

VIII. Haec iudicia, quum calido adhuc anni tempore agerentur, M. Cato sine calceis et tunica exercuit, campestri sub toga praetexta cinctus. Id alii tamquam sordidum et indignum maiestate ius dicentis accusabant: aliis repetitum ex vetustate exemplum placebat, quod eodem habitu in Capitolio et rostris antiquorum statuae visebantur. Sed Cato, talibus et reprehensionibus et laudibus superior, tantum de re publica dies noctesque cogitabat. Ambitus et nundinationes magistratuum ad extremum impudentiae procefferant: quum, positus in medio mensis, palam largitiones fierent, et a mercenaria plebecula honores emerentur. Igitur, auctore Catone, senatusconsultum factum, *ut designati magistratus, quibus accusator nullus esset, ultro se offerrent juratis iudicibus, rationemque adepti honoris redderent.*

Cato, ambitum reprime-re studens.

Cap. VI. Cic. pro Rabir. Post. c. 8. et ad Q. Fratr. et ad Att. Val. Max. 4, 2. Dio. Cap. VII. Cic. ad Q. Fratr. 3, 1. et ad Att. 4, 16. Ascon. in Scaur. Val. Max. 7, 1. Ascon. Cap. VIII. Plut. Cat. Val. Max. 3, 6. Ascon. Plut. Ascon. Plut. Lucan. 1. v. 178. Petron. Carm. Plut.

U. c. 698,
A. C. 54.
*Male tra-
statum a po-
pulo.*

IX. Magnus inde timor candidatorum: dolor incredibilis forensis turbae, quae, vitiis reipublicae pasci solita, si res ad bonos mores redisset, sibi jejunium indici cernebat. Idcirco postridie prodeuntem ad tribunal Catonem promiscua multitudo conviciis, mox etiam lapidibus appetivit: ut, diffugientibus, qui eum deducebant, vehementer contusus atque jactatus vix in rostra penetraret. Inde, conversus ad turbam, constantia vultus illico seditionem clamoremque compressit: mox apta temporis oratione sic differuit de praesentibus, ut tumultus omnis semel conquiesceret. Legi tamen, quum a consulibus ex senatusconsulto ferretur, ne ipsis quidem nolentibus, intercessum est.

*Sed eximie
honoratur a
bonis.*

X. Nec ideo minus tribunitii candidati, depositis apud M. Catonem quingenis sestertiis, compromiserunt, petere magistratum legitime: qui contra fecisset, arbitrato Catonis condemnaretur, depositamque pecuniam perderet. Unum ex eo numero quum Cato damnasset, competitoribusque pecuniam iussisset solvere, illi, iudicio Catonis contenti, pecuniam damnato remiserunt. Ea res ut illustrem Catoni gloriam, ita acerbissimam invidiam attulit, quod unus plus omnibus et legibus et iudiciis valuisse videretur. Exclamasse tum Ciceronem ferunt, *O te felicem, M. Porci, a quo rem improbam petere nemo audeat!*

*Pontinii ta-
men trium-
phum impe-
dire non pot-
est.*

XI. Ceterum Cato adversus tantam vim perditorum hominum plerumque frustra luctabatur, multique ejus conatus in irritum cadebant: quemadmodum et in C. Pontinio, quem, se vivo, triumphaturum Cato negaverat. Nam ille supra triennium post devictos Allobrogas ad urbem haerebat, triumphum postulans: donec Ser. Sulpicius Galba praetor, qui legatus in Gallia Pontinio fuerat, de imperio ejus ad populum sub ipsam auroram tulit, quum ante horam primam agi cum populo non soleret. Igitur Cato et P. Servilius praetores, cum tribuno plebis Q. Mucio Scaevula, prohibere triumphum conabantur, quem ante diem tertium Nonas Novembres erat ducturus: fuitque non levis ea die contentio, ut etiam ad caedes perveniretur. Sed plerosque praetorum atque tribunorum se-

Cap. IX. Cic. ad Att. 4, 16. Cap. X. Cic. ad Att. 4, 15. et ad Q. Fratr. 2, 15. Plut. Cic. ad Att. et ad Q. Fratr. Plin. Praefat. Hist. Nat. Cap. XI. Cic. ad Att. 4, 16. Dio. Cic. Dio. Cic. ad Q. Fratr. 3, 4. et ad Fam. 3, 10.

cum Pontinius habebat, et consulem Appium: a quo insigniter adjutus, nequidquam tumultuantibus adversariis, urbem triumphans iniit. U. c. 608.
A. C. 54.

XII. Majores in eadem Gallia res iisdem temporibus C. Caesar gerebat, Eburonum rebellione excitus, qui, nunciis Indutiomari Treviri impellentibus, duce Ambiorige, L. Aurunculejum Cottam, Q. Titurium Sabinum legatos Caesaris cum cohortibus occiderunt, Id. infortunium culpa atque temeritate Q. Titurii accidit: quo impellente, castra feliciter defensa reliquerunt milites, ad proxima suorum hiberna transituri. Nam fraudulento hostis consilio crediderunt, amicum se ferentis, neque sponte ad oppugnanda castra profectum; sed quia Gallorum omnium ea esset conspiratio, cui ipse non posset resistere. Inveniebaturque fidem ex eo, quod contempta et ignobilis Eburonum civitas nihil per se attentatura videbatur, nisi plurimum et opulentiorum fiducia armaretur. *Ambiorix
Romanos
caedit.*

XIII. Ambiorix, hac victoria multoque auro ex direptione castrorum potitus, statim cum equitatu in Autuaticos, deinde in Nervios pervenit, ubi legionis unius hiberna erant. Ad haec expugnanda omnes hi populi, aliis quoque vicinis adjectis, magna eum multitudine armatorum accefferunt. Hibernis Q. Cicero praeerat, nequedum audito Titurii casu, vacuus curis. Itaque milites nonnulli, quos lignationis munitionisque causa in silvas dimiserat, subito hostium adventu sunt excepti. Hinc castrorum per complures dies continuata oppugnatio: sed summa virtute Ciceronis et militum hostes repulsi: donec Verticonis Nervii fidei opera (nam is servo suo magnis praemiis persuaserat, ut literas perferret) Caesar, praesentibus rebus cognitis, succurrere periclitantibus potuit. *Alios op-
pugnat.*

XIV. Is igitur solita celeritate cum legionibus duabus, quia Labienum Treviri, cum omnibus copiis ad ejus hiberna profecti, retinebant, in Nervios contendit, adventumque suum Ciceroni Graeca epistola, ne intercepta intelligeretur ab hostibus, nunciat. eam Gallus quidam eques, per popularium castra sine suspicione transgressus, alligatam tragulae intra vallum misit. *Quibus suc-
currit Caesar.*

Cap. XI. Dio. Plut. Caes. Dio, l. 40. Flor. 3, 10. Oros. 6, 10. Liv. Epit. Caes. de B. Gall. 5.

U. c. 698. XV. Galli, Caesaris adventu per exploratores co-
 A. C. 54. gnito, relictâ obsidione, cum omnibus copiis, homi-
 Et Ambio- num millibus ferme sexaginta, obviam procedunt. Ro-
 rigem vincit. manus, viribus impar, consilio potior, ut hostem in
 contemptum sui adduceret, castra, per se propter
 paucitatem armatorum exigua, etiam de industria con-
 trahit. Ea simulatio timoris decepit Gallos, ut, tam-
 quam ad facilem praedam, in locum iniquum succe-
 derent, castra oppugnaturi; mox, erumpente portis
 omnibus Romano exercitu, tamquam subito casu atto-
 niti, majore consternatione percellerentur, quam paul-
 lo ante fiducia exsultaverant. Magnus primo impetu
 interfectus est numerus; ceteri, armis abjectis, fuge-
 runt. Victoriae rumor, incredibili celeritate perlatus
 in Remos, Indutiomarum, qui postero die castra La-
 bieni oppugnare constituerat, ita perterrefecit, ut ea-
 dem nocte profugeret.

M. Crassus XVI. At longe diversa in simili proposito fortuna
 Parthos bel- M. Crasso fuit. Is quoque, Caesaris aemulatione, ma-
 lo petit. gni ducis nomen potentiamque bellis serendis aucupa-
 ri certus, postquam pacatam Syriam videt, arma Par-
 this, licet neque causa esset belli, neque senatus au-
 ctor exstitisset, inferre coepit. Sed neque alia ei sup-
 petebant ad Caesarianae indolis modum, et homo ma-
 jor annis sexaginta nihil satis ad tanta negotia vege-
 tum, praeter cupiditatem, adferebat: idque nuper du-
 centi per Gallograeciam urbane exprobratum a rege
 Dejotari Dejotare fuerat. Hunc Crassus, exacta jam aetate con-
 dictum. dentem oppidum, quum offendisset, *Duodecima*, inquit,
bora aedificas, Dejotare. Tum ille, *Ne tu quidem, Impe-*
rator, satis matutinus surrexisti in Parthos.

XVII. Sed ille sitiens auri, quo Parthos abundare
 intelligebat, et novum regem, nec sine turbis in so-
 lium Arsacidarum enisum, superatu facilem figurans,
 ponte junxit Euphratem, transgressusque laeta belli
 initia habuit, quia Parthi adversus improvisam irru-
 ptionem parum providerant. Occurrit tamen ad Ichnas
 (id castello nomen est) cum paucis equitibus unus ex
 purpuratis Sillaces; victusque prorsus contendit ad
 regem, praesentia nuntiaturus.

Cap. XV. Frontin. Strat. 3, 17. Caes. Cap. XVI. Dio.
 Appian. Parth. Plut. Crasso. Cap. XVII. Dio. Oros. 6, 13.
 Flor. 3, 11. Dio. Plut. Dio.

XVIII. Interim Crassus impune diripiebat Mesopotamiam, civitatesque et castella in deditionem accipiebat, lubenter deficientibus Graecis, quorum ibi frequentes colonias Magnus Alexander, et postea successores ejus constituerant. Illi, Parthorum imperium gravati, quorum dominos fuisse majores suos audierant, auspicia Romanorum, apud quos in pretio Graecos esse norant, haud gravatim sequebantur. Zenodotium tamen, cujus tyrannus erat Apollonius, (Osrhoënae ea civitas fuit; Osrhoëna porro praefectura Mesopotamiae) quum accivisset praesidium Romanorum, centum milites occidit, et ob eam noxam direptum est; oppidani sub hasta venditi: Crassus Imperator appellatus. Is ob res tam exiguas cupide acceptus honor valde existimationem ejus imminuit, quasi, desperatione majorum, ex levium gestorum successu summos adipisci honores properaret.

U. c. 698.
A. C. 54.
Crassus diripit Mesopotamiam.

XIX. Nec enim quidquam praeterea cruentum aut hostile tota ea expeditio habuit, sponte ad eum deficientibus multis. Neque dubitabatur, quin magnum operae pretium fecisset, si eodem impetu inter terrorem barbarorum ad Babylonem et Seleuciam, urbes numquam diuturna fide pacatas Parthis, signa Romana promovisset. Sed ille, contentus sponte oblatis, ne illa quidem tueri pro magnitudine periculi curae habuit. Septem millibus peditum, equitibus mille per praesidia distributis, recessit in Syriam, spatiumque dedit hosti comparandi sese, et recuperandi amissa.

Recedit in Syriam.

XX. Ne armis quidem parandis aut exercendo milite consumpsit hibernorum tempus; sed, pecuniae cogendae intentus, imperabat auxilia, quae mox pretio remitteret, civitatumque reditus et donaria templorum computabat. Hierosolymis etiam auream trabem ex templo sustulit, Eleazaro dante, ne quid praeterea de sacro thesauro tolleret. At Crasso potior pecunia fide jurisquejurandi religione fuit. Igitur et duo millia talentorum, quae Pompejus reliquerat, et quidquid praeterea auri inventum in fano est, detraxit.

Securus de bello, pecuniae intentus.

XXI. In cava Syria urbs fuit multis nominibus. Nam et Bambycen et Edeßam appellant; et ab Syris *Derceto Edeßae culta*

Cap. XVIII. Plut. Cellar. Geogr. Ant. l. 3. c. 15. Dio. Plut. Cap. XIX. Dio. Plut. Cap. XX. Joseph. Ant. 14, 12. Joseph. ibid et de B. Jud. 1, 6. Hegesipp. 1, 21. Cap. XXI. Plin. 5, 23. et Strabo, l. 16. p. 748. et 785.

U. c. 698. Magog, a Graecis propter celebritatem delubri Hierapolis vocabatur. Deam Syriam ibi colebant prodigiosa forma. superne mulier, inferiore parte corporis in piscem desinebat. *Derceto* aut *Asergatis* vocabatur. Semiramidis matrem fuisse, quidam fabulantur. Graeci *Venerem* eo nomine, aut *Junonem*, pars *Naturam*, coli putabant. In antiquissimis Hebraeorum libris *Dagon* est, piscem significante vocabulo. In hujus aede Crasso factum omen ferunt appropinquantis interitus. Erat cum eo Publius filius, qui nuper a Caesare lectos equites mille adduxerat, donis militaribus propter virtutem ab eo multis honoratus. Quum exirent fano, primum ad fores impedit adolescens, mox pater super corpus jacentis provolutus est. Nec omen tantum mortis ea aedes Crasso, sed etiam causam, dedisse videtur: quod hac maxime injuria credibile est commotum Edessae principem Abgarum, exitiali Romanis legionibus proditione, consilia cum Parthis sociasse.

*Crebrae accusationes
Romae.*

XXII. Idem annus crebras illustrium virorum accusationes habuit, et, praeter memoratos antea, M. Coelius apud Cn. Domitium, C. Messius apud P. Servilium praetores, itemque Drusus et Vatinius a Cicerone defensi sunt. Praeterea C. Cato, Sex. Sufenas, qui in tribunatu sublati comitiis magnas turbas dederant, ante diem tertium Nonas Quintiles favore triumvirorum absoluti sunt. L. Proculius, qui patremfamilias domi suae occiderat, quum multi absolverent, paucis suffragiis major pars judicum condemnavit.

Maxime propter ambitum.

XXIII. Sed hic ludus et jocus erat prae judiciis, quae ad summum impudentiae proventus ambitus pererant. Candidati consulatus quatuor fuerunt: totidem ambitus sunt postulati. C. Memmius Cn. Domitium, C. Memmii Q. Curtius reos fecerant: a Q. Pompejo M. Messalla, a C. Triario vetere inimico M. Scaurus accusabantur. Consules quoque flagrabant invidia, quod turpissimam cum Memmio ac Domitio pactionem fecerant, *ut ambo sefertis quadringena consuli-*

Cap. XXI. Plin. Lucian. de Syr. Dea. Strabo. Ovid. Metam. 4, 45. Lucian. Plut. Didor. 2, 4. Reg. 1, 5. Plut. Cap. XXII. Cic. ad Q. Fratr. 2, 13. et 16. et ad Att. 4, 15. et 16. et ad Fam. 1, 9. Cap. XXIII. Cic. ad Q. Fratr. 3, 2. et 3. et ad Att. 4, 15, 16. 17. et 18.

bus darent, si essent ipsi consules facti. Dederant operam consules, ut quamprimum comitia haberi senatus decerneret. Sed comitiorum singuli dies quotidianis obnunciationibus tollebantur. Sub finem hujus anni, quum peregrinas religiones invalescere senatus comperisset, uti fana Serapidis Isidisque a privatis in urbe facta diruerentur, decrevit.

U. c. 699.
A. C. 53.

XXIV. Inter haec, exacto consulum magistratu, *Interregnum.* neque designatis dum aliis, res ad interregnum rediit. Sex et triginta interreges fuerunt, continuatis ad septenum usque mensem interregnis. Per tantum igitur spatium neque consules Romae, neque praetores ulli fuerunt. Auspiciorum enim et ostentorum intervenerant morae. bubones lupique in urbe visi, canum ululatus flebiles auditi erant: simulacrum Martis suaderebat: fulmen tota urbe pervagatum signa Deorum tetigerat, homines permultos exanimarat. Sed, haec quidem portenta quibus aut terris, aut hominibus minarentur, ambiguum multiplex terror faciebat. Nam et in urbe turbatum erat, et Gallia rebellabat, et cum Parthis, ignorante populo Romano, bellum exstiterat. sed, quae objecta Crasso Euphratem transeunti mox memorabimus, ipsi exercituique haud dubium interitum portenderunt.

XXV. Haec ergo quum impedimenta comitiis ob- *Tribunorum* jicerentur, longe majus atque difficiliorum *plebis contumacia.* tribunorum plebis contumacia adferebat. Illi enim praecipue turbis his delectabantur, per quas multis se rebus, ad suum officium non pertinentibus, ingerebant, quum alii magistratus nulli essent: adeo ut ludos quoque facerent praetorum loco, quorum comitia, priusquam consules essent creati, haberi non poterant. Sed offensus hac audacia senatus Q. Pompejum Rufum tribunum plebis, quamquam dictatoris Sullae nepotem, in carcerem duci jussit: eadem poena et aliis turbatoribus praestituta, Pompejoque Magnò tradita ejus rei potestate. Sed Rufus, uti socium ejus ignominiae haberet, paullo post M. Favonium aedilem plebis in carcerem conjecit, M. Catonis unicum admiratorem, et ejus contentissimo studio aedilitatem adeptum.

Cap. XXIII. Dio, l. 40. Cap. XXIV. Cic. ad Q. Fratr. 3, 3. et ad Fam. 7, 11. Dio. Dio. et Jul. Obseq. Dio. Cap. XXV. Ascon. in Milon. Dio. Plut. Cat.

U. c. 699. **XXVI.** Inter haec moventem ex hibernis Crassum
 A. C. 53. legati regis Orodis adierant, cum his mandatis: *si*
Legatio *quidem jussu senatus populi que Romani arma intulisset, nul-*
Parthorum *lum, finem bello, nisi internecione partis alterutrius, fore. sin*
ad Crassum. *vero privato consilio Crassus ea fecisset, misereri senectutis*
ejus. Magnum Regem, et percussorum cum Sulla, Lucullo,
Pompejoque foederum memorem, milites Romanos, qui potius
in captivitate sunt apud Mesopotamiam, quam in praesidio,
remissurum. Crassus ad haec, Seleuciae se responsurum
Crassi re- *esse, quum diceret, arridens Vagises, is legatorum*
sponsum. *erat aetate maximus, volamque sinistrae manus per-*
cutiens dextra, Prius hic, inquit, pili nascentur, Crasse,
quam tu Seleuciam videas.

XXVII. Haec ubi renunciata Partho sunt, Sure-
 nam praefectum ad recipiendas Mesopotamiae civita-
 tes misit; ipse in Armeniam signa illaturus, ne Ti-
 granis filius Artabazes ad opem Romanis ferendam va-
 cuus esset. Is enim ad Crassum cum sex equitum mil-
 libus venerat, alia decem millia cataphractorum equi-
 tum, et triginta peditum millia, stipendiumque in has
 copias pollicitus.

Crassus fe- **XXVIII.** Haec res mirifice excitavit Crassum, spon-
stinat ad *te festinantem, et diversa suadentibus iniquum. Quod*
bellum. *enim quidam ex Mesopotamia milites per magna peri-*
cula reversi, vim Parthorum experti, nuntiabant, ca-
taphractorum omnia perrumpentem molem, levis equi-
tatus inevitabilia tela, inopinatos superventus, et no-
centiorem proelio fugam, nulla humana ope sustineri;
quidam tribunorum praefectorumque, et cum his C.
Cassius Longinus quaestor, is qui paucos post annos,
occiso Caesare, magnam, sed ambiguum, famam na-
ctus est, de integro consultandum de praesentibus
censebant. Nam exercitum his sermonibus percelli
animadverterant: et aruspices semper tristitia exta nun-
ciabant. Sed festinabat ad interitum Crassus: repu-
diatoque Artabazis consilio, qui per Armeniae col-
les ducere jusserat, necessaria ex regno suo affatim
praebiturus, in Mesopotamiam duxit.

Malis emi- **XXIX.** Ad Euphratem Zeugma est oppidum, ex eo
nibus. *appellatum, quod ibi bello Persico pontem Magnus*
Alexander struxerat. nam, quod alii de patre Libero

Cap. XXVI. Dio. Plut. Crasso. Flor. 3, 11. Oros. 6, 13.
 Plut. Crasso. Oros. Plut. Dio. Cap. XXVII. Plut. Dio.
 Plut. Cap. XXIX. Dio. Plin. 34, 15.

narrant, fabulam puto. Ibi transducente exercitum Crasso, aquilam, quae prima sublata ab aquilifero erat, sponte fuisse conversam in contrariam, ac ferebatur, partem ajunt: aliam vix convelli potuisse, tamquam adnata terrae foret. Aureum aquilae simulacrum legionis Romanae signum erat. id, inter proficiscendum exiguo velut sacello inclusum, hastae imponebatur, in acutam cuspidem desinenti, ut in solum defigi posset. Talis tum mucro tam contumaciter haesit humi, ut vix multorum simul nisu evelleretur. Praeterea signum militare, quod inscriptam puniceis literis exercitus imperatorisque notitiam habebat, signifero ereptum in Euphratem projecit ventus. Quo viso, Crassus cetera ejus magnitudinis, vela enim fere aequabant, praecidi jussit, ut minus obnoxia turbinibus essent.

U. c. 699.
A. C. 53.

XXX. Proficiscentibus per pontem, crebra et atrocissima fulgura, cum ingenti fragore coeli, inter densam nimborum caliginem in adversa militum ora micuerunt: ut inter se trudentes ruentesque vix in hostilem terram eniterentur. et unus equorum imperatoris insigniter ornatus, cum agasone gurgite haustus, disparuit. locus, ubi castra metaturi erant, bis de coelo tactus est. Et, priusquam omnes transirent, pontis partem magnam repens procella perfregit.

*Euphratem
pontis trans-
greditur.*

XXXI. Nihil ceterorum tam terruit milites: reditum enim sibi apertissime praecisum interpretabantur. Igitur Crassus, ut consolaretur trepidantes, advocata concione, *Desinite*, inquit, *turbari, milites. Nihil hic casus triste praefagit: nec enim hac, sed per Armeniam, juratus dico, reducere copias decreveram.* Quum sub haec erecti paullisper animi essent, validius statim, quam umquam antea, perculsi sunt voce, quam adjecit imperator; *Hac, ait, nostrum nemo reverietur.* Neque curavit Crassus, re animadversa, corrigere dictum, aut interpretatione lenire: unde nec cetera ejus verba pondus ullum habuerunt, quum elevaret barbarorum potentiam, praemiaque alia promitteret, alia repraesentaret. Tum quoque, ne quidquam occurreret terrore vacuum, qui exercitui cibaria dividebant, lentes et salem prima praebuerunt; quae feralia sunt apud

*Terruit mi-
lites ominosa
voce.*

Cap. XXIX. Pausan. l. 10. Sex. Ruf. c. 16. Plut. Val. Max. 1, 6. Dio. Cap. XXX. Plut. Jul. Obseq. Dio. Plut. Dio. Cap. XXXI. Plut. et Dio. Plut.

U. c. 699. Romanos, et vita functis apponuntur. Interea, sacri-
 A. C. 63. ficio apparato, quum exta porricerentur, elapsa sunt
 imperatoris manibus: atque ille, confternari cernens,
 qui aderant, *Sunt haec, inquit, senectutis incommoda: ce-
 terum arma baudquaquam excident manibus.*

*Salutare
 consilium
 Cassii.*

XXXII. Postquam ita superatas est Euphrates, pro-
 xima, qua iretur, deliberatio fuit. Cassio et pruden-
 tissimo cuique videbatur. *non esse, nisi explorato, prosi-
 ciscendum: interim in aliqua urbium, quas praefidiis teneret,
 refici exercitum posse: aut certe juxta ripam Euphratis per-
 gendum Seleuciam. A flumine et comaeatuum copiam, et, ne
 circumiri ab hostibus possent, munimentum tergo fore. Seleu-
 ciam ob Graecos incolas baud difficulter accessuram ad paries.
 inde penetrari ad Cresiphontem (ea tum Parthorum regia
 erat) posse.*

*Crassus
 negligit.*

XXXIII. Salutare consilium, quum imperatori non
 displiceret, dolus ac perfidia Osrhoëni hominis irri-
 tum fecit. Sicut inter arma potentiorum, qui sunt in-
 tercepti, sollicitam semper vitam degunt; et, quo se
 continuis periculis evolvant, eundem perpetuo cur-
 sum consiliorum retinere non possunt, sed velut in
 maritima tempestate fluctibus ventisque obsequuntur:
 parvorum quorundam populorum principes, inter
 quos praecipui Abgarus Osrhoënus, et Alchaudonius
 Arabs, Pompejana expeditione in amicitiam recepti,
 digressis Romanis, ad Parthos redierant. Sed Arabis,
 quia professus hostem erat, levior injuria fuit.

*Abgarus
 Crassi pre-
 dator.*

XXXIV. Abgarus, amicitia simulata pestilentior,
 quum Parthis studeret, Crasso adduxit auxilia, et pe-
 cuniam, quò ille visco facillime capiebatur, liberali-
 ter dedit. quibus rebus quum ita se insinuasset, ut
 consilia de summa rerum cum eo communicarentur,
 homo astutus nec infacundus, *Miror, inquit, impera-
 tor, quod, hoc tam et numerofo et firmo exercitu instructus,
 apparare adhuc victoriam, quam rapere, mavis. Hostes, fu-
 gae, quam proelio, paratiores, nisi maturas, jam in Hyrcan-
 os aut Scythas pretiosissima rerum suarum et corporum trans-
 zulerint, tibi solitudinem relicturi. Quod si cessando speciem
 timentis praebueris, resument animos, et mox cum tota mole
 virium rex aderit; qui nunc, anxius metu, non quasi pares
 vobis Surenam et Sillacem objecit, sed ut ab insequendo vos
 remo-*

Cap. XXXII. Dio. Cap. XXXIII. Plut. Flor. Sex. Rufus.
 Dio. Cap. XXXIV. Plut.

remorentur, donec ille res suas in tutiorem reposuerit statum. Credidit homini Crassus, quod amicum et fidum putabat; confirmatusque est in errore, postquam longe lateque neminem hominem usquam, sed tantum equorum aversa vestigia, apparere exploratores nunciarunt; eaque res militi restituit animum, fidentioremq;e, tamquam fugientibus Parthis, fecit.

U. c. 699.
A. C. 53.

XXXV. Primum iter, relicto amne, per campos virentes pergentibus satis amoenum atque facile fuit. mox excepit arida et nuda planities, militemque, cum siti et arena luctantem, ipse quoque locorum adspectus horrore perfudit, quum in vasta solitudine, quam terminare visu nequibant, nihil terra gignentium, non herba, non stirps ulla virens, nusquam aut rivus aquae, aut montis supercilium appareret.

XXXVI. Id quum per se suspectum plerisque fieret, supervenerunt ab Armenio rege nuncii, excusante non missa auxilia, quod in suum regnum Parthus Orodes irrupisset. Suadebat autem, ut ad se veniret Crassus, conjunctisque secum copiis propelleret hostem: aut, si aliter videretur, saltem edita sectaretur loca, neque in patentibus campis equitatus Parthico statarium militem exponeres. Crassus ad haec cum stomacho respondit, in praesentia non vacare, ut cogitet de Armenia: postea tamen venturum, ut proditoris ab Artabaze expetatur poenas.

Artabazus
Crassum frustra monet.

XXXVII. Haec tam sinistre cogitata consultaque moverunt iterum Cassio bilem. Sed, quia libertate sua Crassum offenderat, ultra monere non ausus, Abgarum increpavit. Quis te, ait, pessime mortalium, mactus ad nos perduxit genius, ut Crassum fascinares, ipsumque et exercitum perderes? At ille, blande castigata juvenis vehementia, durare paullisper, jubebat, in salute communis mox agiturum innocentiam ejus, quem nunc tanti sceleris suspectum haberet. Milites etiam itineris molestia gravatos sublevabat, simul quasi per jocum deridens, tamquam homines adsueta mollibus Campaniae diversoriis, easdem delicias in finibus Assyriorum Arabumque considerarent. Sed, postquam ad exitium Crassi omnia mature sunt disposita, (nam Abgarus per speciem explorandi saepe cum Surena congregiebatur) Crasso Parthos in propinquo esse cum modicis copiis persuasit, seque ire, ut aliquid ipsis noxae et perturbationis inferret.

Abgarus ad
Parthos praeficitur.

Cap. XXXVII. Dio. Plut.
Supplem. Liv. Tom. XIII.

T

U. c. 699.
A. C. 53.
Crassus in-
struit aciem.

XXXVIII. Eo die pullum paludamentum datum esse Crasso tradunt, quum album aut purpureum in proelium exeuntibus dari soleret. Sed id mutavit Crassus, irridensque eos, qui signa convelli vix posse nuntiabant, cum magna festinatione processit. Occurrerunt ibi pauci speculatores, occisosque sodales suos, hostium immensam multitudinem adesse retulerunt. Ibi Crassus instruxit aciem, primum ex Cassii consilio productis, ne circumvenirentur, ordinibus: deinde mutavit, contraxitque in quadratum, duodenis ad unumquodque latus collocatis cohortibus. Legiones enim Romanas septem, neque pauciores sociorum cohortes habebat, equitum et levis armaturae ad quaterna milia: quae et ipsa distribuit, ut singulis cohortibus gravis armaturae alam equitum adderet.

Parthi se
ostendunt.

XXXIX. Quum, ita ordinata acie, Cassius alterum cornu, alterum P. Crassus imperatoris filius, imperator ipse medium agmen duceret; ad modicum flumen, *Balisso* nomen erat, perventum. Ibi raptim ex siti recreatus exercitus, festinante Crasso, in conspectum hostium magno gradu adductus est. Illi, maxima copiarum parte post primam aciem abscondita, (et erat locus inaequalis, tegendis insidiis arborum objectu aptus) neque numero formidabilem, neque specie, manum objecerunt: nam ex praecepto Surenæ rutilantia arma pellibus et tunicis obtexerant. Sed dissimulata primum, deinde subito ostensa exercitus armorumque moles majorem ex improvise terrorem iniecit Romanis.

Cum magno
strepitu, et
horribili
specie.

XL. Jam primum horribili strepitu sunt exterriti. nec enim tubis aut cornibus pugnam accendunt Parthi, sed tympana simul multis locis pulsantes, velut ululatu belluarum et tonitru mixtum mugitum cient. dein, rejectis integumentis galeae loricaeque, ex Margiano ferro fulserunt. ipsi etiam equi, ferreis aeneisque squamis muniti, formidabilem obtulerunt speciem visentibus. Inter eos Surenas, proceritate cultuque conspicuus, exsultabat: acer idem bellator, et propius Medicum luxum fucatus comtusque. nam ceteri Parthi tum etiam Scythico more Germanoque crinibus ad verticem reflexis, in altitudinem comabantur.

Cap. XXXVIII. Val. Max. 1, 6. Plut. Dio. Plut. Cap. XL. Justin. 41, 8. Plut. Tac. Germ. c. 38.

XLII. Parthi, primum ordines infestis contis perturbare nisi, postquam eorum viderunt firmitudinem, momento dilapsi, priusquam Romani animadverterent, illorum aciem circumdederunt, emissamque a Crasso levem armaturam, grandine telorum obrutam, repulerunt ad suorum agmen: idque initium pavoris legionibus fuit, quum aculei sagittarum pari violentia per armatas corporum partes, ac per nudas, adacti cernerentur. At Parthi, diductis ordinibus, amplexi Romanam aciem, sagittas eminus mittebant in confertos atque ita densatos, ut vix ullum cadere sine noxa telum posset, etiamsi de industria aberrare voluissent. Adfligebat Romanos anceps malum, quod et stantes impune vulnerabantur, et, si qui procurrerent, neque attingere poterant velocissimum hostem, et a Parthis, inter fugiendum nihilominus tela spargentibus, ut mos erat genti, nihilo mitius petebantur.

U. c. 699.

A. C. 53.

Pugna con-
seritur.

XLII. Hunc tam gravem casum una hac spe solabantur, fore ut, exhaustis Parthorum pharetris, ea sagittarum tempestas cesset. at, ubi multos illis camelos praesto esse telis onustos cognitum est, Crassus, majore metu percussus, filio per nuncios mandat, ut, priusquam circumiretur, manum conserere properet. Adolescens, praeter equites mille, quos adduxerat e Gallia, trecentis aliis adsumptis, cum octo cohortibus et sagittariis quingentis, quam evectus esset; Parthi, sive quod in uliginosa loca inciderant, sive, ut alii prodiderunt, astu, ut quam longissime a suis abriperent Crassum, versis habenis abierunt. Nec caruit successu dolus. incitat equum adolescens, *hostem fugere*, clamitans. sequuntur aequales, Censorinus senator ex disertis, et robore corporis animique praecelex Me-gabocchus. ne pedites quidem morantur, quin spe et gaudio victoriae cursum equitum prope adaequent.

P. Crassi
virtus.

XLIII. Sed, postquam repente et, qui fugerant, substiterunt, et praeterea recentes accurrerunt alii, sperabat tamen pugnam Publius, ad manus venturum, ut contra paucos, hostem ratus. At Parthi, cataphractis in prima acie oppositis, cetero equitatu disperso circumvecti, magnam vim pulveris de industria concitarunt, quo conspectum et spiritum Romanis adimerent. Atque illi ferales inter umbras et triste silentium, nam et vocem intercluserat pulveris nubes, ja-

Sed infelix.

Cap. XLI. Plut. Cap. XLII. Appian. Plut.

T t 2

U. c. 699. culis temere incidentibus figebantur. Miserabili morte
 A. C. 53. consumptis plerisque, quia vellere hamata spicula con-
 nantes, per venas per nervos penitus adacta, sua ipsi
 corpora foede laniabant; ne superstitēs quidem ad
 pugnam erant apti, Publicoque, ut impetum facerent
 in cataphractus, hortante, manus scutis, pedes solo
 adfixos ostentabant.

*Gallorum
 cum Parthis
 certamen im-
 par.*

XLIV. Igitur Publius cum equitibus cursu investus
 est, haudquaquam pari certamine, quum nuda corpo-
 ra Gallorum, nam id roboris erat, firmissimis contis
 percuterentur; Parthos, crudo corio aut ferrea lori-
 ca tectos, breves et imbecilles lanceae parum offen-
 derent. Ergo Galli, abjectis lanceis, contos prehen-
 debant manibus, et ad corpora hostium evadebant:
 correptosque deturbabant ex equis, armorum pondere
 ad resurgendum inhabiles. Alii, relictis suis, ho-
 stium subibant equos, ventresque eorum fodiebant,
 ut rabie mortis correpti excuterent sessores, suisque
 et hostibus, ut quisque occurrerat, promiscue obtritīs
 commorerentur. Tandem siti atque aestu, quod utrum-
 que genti est infestissimum, coacti Galli ad suos se pe-
 ditēs receperunt, in medium accepto Publio, qui for-
 tissime dimicando graviter erat vulneratus.

*P. Crassi
 exitus.*

XLV. Quum in collem quemdam evasissent, reli-
 gatis in medio equis, clipeos opposuerunt barbarorum
 telis, auxilium ex loco habituros rati: quod contra
 fuit. Nam in plano a prioribus ordinibus sequentes
 utcumque teguntur: acclivis tumulus, quia postero-
 res semper altiore vestigio tolluntur, omnes ex aequo
 nudat. In ea necessitate Graeci duo Carrhas incolen-
 tium adolescentem hortabantur, ut cum ipsis se sub-
 duceret Ichnas, quod in propinquo Romanarum par-
 tium oppidum esset. At juvenis eos, qui propter ip-
 sum huc malorum pervenissent, deserturum negans,
 dimisit comiter Graecos. ipse, quia manus trajecta
 officium negabat, armigero praebeuit latus. Exemplum
 hoc Censorinus imitatus est: ceteri nobiles, quos in-
 ter et Megabocchus, sua sibi manu consciverunt ne-
 cem. ceteros adorta Parthorum multitudo confodit
 contis: neque amplius quingentis vivi capti sunt.

*Patris Cras-
 si constantia.*

XLVI. Filio imperatoris hunc ad modum pene sub
 oculis patris interfecto, Parthi in ipsum signa con-
 verterunt, jam accepto nuncio periculi ad opem filio

ferendam profectum. Ubi in conspectum agmina venerant, quidam Parthorum, hasta suffixum caput ostentantes, obequitabant Romanis; quaeritabantque, quibus natalibus iste juvenis ortus esset? non enim se credere, tantam indolem ab ignavissimo hominum Crasso procreari potuisse. Id spectaculum vehementissime permovit milites, non ut accenderentur in ultionem, sed ut plane torpore et desperatione demitterent animos. At Crassus, numquam clarius ostensa animi magnitudine, suam hunc dolorem, suam cladem esse, vociferabatur: populo quidem Romano, salvo legionibus, nibildum accidisse calamitosum unius militis jactura. Resumerent modo pristinam alacritatem, et, quod saepe duris temporibus copiae Romanae fecissent, dubitantem Fortunam ad suas partes virtute cogèrent.

U. c. 699.
A. C. 53.

XLVII. Sed jacebat omnis militum vigor, moestique et taciti adstabant: mox, edere clamorem jussi, tenuem et inaequalem sustulerunt, quum a Parthis ingressus et animorum plenus redderetur. Nec alia fortuna pugnae utrisque, quam animis praeceperant, fuit. Romanos ambigua sors lathi terrebat, quod servantibus ordines molesti arcus Parthorum erant; eruptionem tentantes contis figebantur adeo validis, ut interdum duos simul viros idem impetus transverberaret.

Pugna cum Parthis.

XLVIII. Laborantibus undique Romanis, novus repente hostis exortus, quum haud parum detrimenti daret, plus etiam doloris intulit. Nam cum Osrhoënis Abgarus, quem sibi amicum arbitrati fuerant, terga adversus Parthos pugnantium caedebat. Unde plena omnia consternationis et tumultus: et, quia saepe convertebantur ordines, ut aliqua ex parte clamor acciderat, multi se induebant in commilitonum gladios: praesertim, quia vi hostium, et vitandi sagittas studio, coacti in arctum erant. Sustinuerunt tamen ad noctem usque; qua appropinquante, Parthi caedendo fessi se receperunt, id dare se Crasso tempus ad lugendam filii mortem, dicitantes, nisi postridie seque et exercitum in fidem Arsacis dederet. Patrium id Parthis fuit, ut noctes procul ab hostibus agerent: qui neque castra munire consueverant, et inter tenebras equitum et sagittariorum nullus propemodum ustus est.

Abgarus juvat Parthos.

Cap. XLVI. Flor. 3, 11. Oros. 6, 13. Plut. Cap. XLVIII. Dio. Plut. Dio. et Plut.

U. c. 699. XLIX. Digressis Parthis, miserabilior apud Roma-
 A. C. 53. nos, quam inter ipsam pugnam, luctus fuit, quod et
Fuga Ro- acceptam calamitatem noscere vacabat, et impenden-
manorum. tem deslere. Crassus, in tenebris abditus, vix a le-
 gatis tribunisque in principia adductus est. Neque du-
 bitabatur, quin evadi Carrhas oporteret. Idcirco si-
 lentio eductus exercitus, quamquam sequebatur nemo,
 saepius tamen acie facta confluit, quia saucii et aegri,
 quum se relinqui sentirent, mixto ejulatu ac clamore,
 magnum tumultum excitaverant. Et quidam, ut pote-
 rant, suorum iter consequebantur: hisque vicissim aut
 sustollendis aut deponendis lente procedebat agmen:
 nisi quod cum Egnatio equites trecenti, abrupti a ce-
 teris, nocte concubia venerunt Carrhas. Coponius ibi
 praesidio Romano praeerat, cui Egnatius nunciari
 quum iussisset, *ingenti proelio cum Parthis pugnatum esse*,
 nihil ultra moratus, ad Zeugma cum suis pervenit in-
 columis.

Crassus ve- L. Coponius, nihil ex his, quae allata erant, laeti
nit Carrhas. suspicatus, armat extemplo milites, et, praemissis ex-
 ploratoribus, quum venire Crassum audisset, occurrit
 ei, deducitque in urbem, nihil per tenebras moven-
 tibus Parthis, quamquam hostium fugam sensissent.
 At ubi diluxit, relictos in castris, haud pauciores mil-
 libus quatuor, quotquot sua manu non invenerant mor-
 tem, qui numerus amplius fuit, trucidarunt: palantes
 per campos exceperunt: quatuor cohortes cum legato
 Vargantejo in colle quodam conciderunt, praeter mi-
 lites viginti; quibus, per medios hostes strictis gla-
 diis ruentibus, admiratione virtutis dederunt viam,
 Carrhasque pervenire passi sunt.

Eodem et LI. Interea Surenas, ut certior fieret, ubi Crassus
Surenas. atque Cassius essent, Carrhas mittit certos homines
 Osrhoënos, qui in castris Romanis utrumque saepe vi-
 derant, una cum quodam Latinae linguae perito, qui
 Surenam colloqui velle cum Crasso, foederis ferendi
 causa, diceret. Ita cognito Carrhis eum esse, postero
 die admovit exercitum muris, internecionem denun-
 cians omnibus, nisi Crassum atque Cassium vinctos tra-
 didissent. At illi, videntes se deceptos, nec in oppi-
 do tutos, et longe Armeniorum auxilia fore, decre-
 verunt fugere.

Crassus ab LII. Id consilium, quum enunciari Carrhenorum
Andromacho nemini oportuisset, pessimo omnium et perfidiosissimo

Crassus exponit Andromacho, qui flagrantem imperatoris gratiam non alia magis arte, quam foedissima adulatione, meruerat. Neque is proderet omnia Parthis differebat, tyrannidem patriae pactus, quam et mox obtinuit, sed in poenam, a civibus suis cum universa familia contrēmatus. Sed Crassus adeo confidebat homini, ut illo maxime duce itihēris uteretur. Expectata nocte illuni, Crassus cum exercitu processit, et, a prōditore variē circumductus, postremo in loca paludosa et fossis concisa detrusus, non multum confecit viae. Callius, animadverso dolo, repetiit Carthas: monentibusque ducibus itineris expectare, donec Luna Scorpionem transisset, *plus se timere Sagittarium* dicens, cum equitibus quingentis evasit in Syriam.

U. c. 699.
A. C. 53.
perfidiose circumducitur.

LIII. Legatus Octavius, vir fortis, fidos nactus duces, quinque circiter millia militum habens, montosis locis, Sinnaea vocabant, in tutum se receperat: sed, in subjecto colle Crassum urgeri ab hostibus videns, decurrit ad opem ferendam, paucis primo, deinde omnibus sequentibus. Disiectis horum impetu Parthis, in medium acceptus imperator est, non scuta magis, quam corpora sua, strenue pro eo opponentibus cunctis. Igitur Surenas, ne, iterum producto ad noctem proelio, Romanis in montes deinde evadendi copia fieret, ad dolum se convertit, quem jamdudum struxerat, ut simulatione pacis deceptos circumveniret. Hunc in usum ex composito in Parthis castris sermones iis locis, ubi excipi a captivis possent, seri jusserat; *beneficio magis illigat Romanos, quam internecio bello deleat, constituisse regem.* Id captivi, de industria negligentius adservati, deferebant ad suos. simul pugnam remittebant barbari, et cum nobilissimo quoque sensim ad collem advectus Surenas, nervo arcus remisso, *invito rege, virtutem se Parthicam ostendisse Romanis,* aiebat: *nunc, illo volente, daturum et humayitazis specimen, ictoque foedere salutem praestitutum abeuntibus.*

Mox simulatione pacis decipitur Surenas.

LIV. Haec non secus ab Romanis accipiebantur, quam si ab ipso rege dicerentur. Surenas enim, non viri, sed dignitatis, nomen, eoque inferioris etiam aevi Persis usurpatum, magistrum vexilli sive militiae significante vocabulo, proximus auctoritate et poten-

Surenas dignitas.

Cap. LII. Nicol. Damasc. apud Athen., l. 6. c. 23. Plut.
Cap. LIV. Marcellin. 24, 5. Plut.

U. c. 699.
A. C. 63.
Et opes.

tia regi erat: et, qui tum eo honore fungebatur, opibus et genere praecelebat.

LV. Gentilitia ei praerogativa erat, ut regi Parthorum diadema primus imponeret. Ad haec uti statura et pulchritudine corporis, ita virtute et consilio facile erat omnium princeps, licet tricesimum aetatis annum nondum implevisset. Ipsum, qui tum regnabat, Oroden, pulsum a Parthis, reduxerat, et magnam Seleuciam redegerat in potestatem, primus omnium consensu muro, et repulsis defensoribus. Quoties iter faceret, mille cameli cum sarcinis, et rhedae ducentae pellicum sequebantur: equites cataphracti mille stipabant, leviter armatorum multo major numerus. Clientium etiam et servorum (nam et servos armabant Parthi) habebat haud intra decem millia.

Crassi et
Surenas h.
congressus.

LVI. Sed Crassus, toties deceptus, cunctabatur habere verbis Surenas fidem: donec, clamore et conviciis militum armis concrepantium omnium coactus, Vos, inquit, Octavi Petronique, et, quotquot adestis, legani tribunique Romani, testor, indigne et violenter me in ordinem cogi. Vos autem circumventum ab hostibus, non a civibus deditum, perisse, quocumque perveneritis, dicetis. Pactus deinde cum Partho, uti certo loco, qui aequaliter ab utroque exercitu distaret, pari numero comitum congregerentur, in planitiem descendit.

Crassus in-
terficitur.

LVII. Ibi Crasso, quum Romano more pedes processisset, Surenas equum adduci iussit, tamquam a rege muneri missum: stratoresque, signo dato, corripuerunt Crassum imposueruntque: tum admovent equo virgas, ut in cursum concitarent. At Octavius, viso, quid ageretur, manum injecit freno, alique mox Romani circumsteterunt. Hinc orto certamine, percussit equisonem Octavius, et vicissim a tergo percussus ab alio cecidit: tum, accurrentibus ex composito barbaris, Romani, quibus tam celeriter succurri a suis, peditibus plerisque, non poterat, superati sunt. Crassus quoque, ne quid vivus pateretur, repugnans interfectus est: incertum hostiline, an Romana manu. Tum vero Romanarum copiarum reliquiae partim de colle degressae permiserunt se victori, partim noctu tentantur fugam: sed evaserunt omnino pauci.

Romano-
rum clades.

LVIII. Haec est nobilis illa Romanorum in Mesopotamia clades, qua M. Crassus cum filio, clarissimo

Cap. LVI. Justin. 41, 2. Cap. LVI. Plut. Cap. LVII. Plut. et Dio. Plut.

et praestantissimo juvène, pulcherrimisque legionibus interiiit. Plurimi etiam senatores cum aliquot consularibus et praetoriis desiderati sunt. In universum cecidisse viginti millia, decem capta referuntur: quod de Romanis tantummodo copiis intelligendum arbitror, quum Appianus, de centum millibus hominum non tota decem millia redisse in Syriam, narret: Florus, sparsas in Armeniam, Ciliciam, Syriamque reliquias, vix nuncium cladis retulisse. Magnum inter hos Lucanorum fuisse numerum adnotatum est propter prodigium, quod anno superiore in Lucanis pluisse ferro nunciatum erat, et cavenda superna vulnera aruspicea responderant, quasi de Parthorum sagittis monuissent, quas illi solebant imbris instar spargere, non directis ictibus, sed in altum emissis, unde temera inciderent subjectis hostium agminibus.

LIX. Cadaver imperatoris inter cetera corpora feris et alitibus relictum: caput cum dextera manu re- *Crassi caput regi Parthorum epulanti adfertur.* latum ad regem, tum maxime epulas cum Artabaze Armenio celebrantem. Pacem enim interea pepigerant, Pacoro filio Parthi desponsa Artabazis sorore. Forte tum Jason, tragoediarum actor, Agaven recitans, corripuit Crassi caput, quassansque, carmina, quae de Pentheo fecerat Euripides, recitavit. Post hoc deinde ludibrium, in rictum oris aurum liquefactum infuderunt Parthi cum exprobratione avaritiae, *ut satiaret se tandem eo, quod infinitis modis fuisse.* Erat enim appetentissimus pecuniae, quamquam tantas haberet opes, ut eum pro paupere miseraretur, qui ex suis facultatibus exercitum alere non posset. Hic fuit opum et potentiae, tam laboriose ac nequiter comparatae Crasso, terminus: cuius etiam interitus, tamquam remoto, quem ambo respicerent, socios tyrannidis inter se commisit, ut et hos velox poena comprehenderet: et tres terrarum partes, Crassus in Asia, Pompejus in Africa, Caesar in Europa interfecti, pro imperio, quod contra fas partiti fuerant, cadaveribus, et vix sepulcris, obtinerent. Sed neque Parthis impunita perfidia et crudelitas fuit. Surenam paullo post invidia gloriae ejus Orodes interemit: Orodes, procedente tempore, a Phraate filio est sublatu.

Cap. LVIII. Oros. Plut. Appian. Parth. Flor. 3, 11. Plin. 2, 56. Cap. LIX. Val. Max. 1, 6. Flor. Plut. Dio. Flor. Dio. Cic. Paradox. 6. Vell. 2, 46. Flor. 4, 2. Plut.

E P I T O M E

LIBRI CENTESIMI SEPTIMI.

C. Caesar, Treviris in Gallia victis, iterum in Germaniam transiit: nulloque ibi hoste invento, reversus in Galliam, Eburones et alias civitates, quae conspiraverant, vicit, et Ambiorigem in fuga perse-

C. Caesar, Treviris in Gallia victis, iterum in Germaniam transiit] Praenomen deest in Boend. Vide ad Epit. 62. Hinc *Treveris* Leid. Berg. Boend. et edd. principes. Utraque scriptura in monumentis et libris antiquis obcurrit. V. Cellar. Geogr. Ant. 2, 3, 200. Tum *in Galliam* Norv. male. Deinde *transit* Leid. Voss. Norv. et ferunt omnes edd. usque ad Gronov. qui anno 1665. emendavit *transiit*. V. ad Epit. 103. Mox *nulloque ibi invento hoste* Exc. Pithoei, Norv. et edd. ante Gronovium, qui eodem tempore, transpositis vocibus, dedit *hoste invento*; quod probant omnes nostri, et ed. Camp.

Et Ambiorigem in fuga persecutus] Hoc frigide dici, et addendum fuisse videtur, quo eventum eum persecutus fuerit. Fortassis *in fuga frustra persequutus est*. Ambiorigem e Romanorum persequentium manibus, quum jam in eo esset, ut caperetur, his elapsum fuisse, scribit Caesar 6. B. G. 30. et 43. DUKERUS. *et regem Ambiorigem* Boend. Exc. Pithoei, Norv. et edd. pleraeque ante ultimam Gruteri, quae *re regem* expunxit. Eadem vox exsulat etiam a

Voss. Leid. Berg. et Lov. 2. Tum *persecutus est* legunt Leid. Berg. Boend. et ed. Camp.

In via Appia ad Bovillas occisi] Sic Cic. pro Milone. Sed praepositionem et Voss. et duo Gud. nesciunt. Et solebant sic quoque loqui. Suet. Domit. [17.] *Cadaver Phyllis nutrix in suburbano suo Latina via funeravit.* J. FR. GRON. Praepositio etiam exsulat a Leid. Berg. Lov. 2. Boend. Norv. omnibusque editis usque ad Curionem, qui eam primus adscivit. Interdum praepositio addi solet, ut apud Liv. 22, 36, 8. *In via Fornicata, quae ad Campum erat, aliquot homines de coelo tacti exanimatique fuerant.* Ascon. in Argumento Orat. Cic. pro Mil. *Semianum Clodium extractum in via Appia occisum esse.* Et postea: *Nominatim caedem in Appia via factam comprehendit.* Saepius tamen praepositio omitti solet. Liv. 4, 41, 8. *Jam consul via Lavicana ad fanum Quietis erat.* 10, 36, 16. *Interamnam coloniam Romanam, quae via Latina est, occupare conati.* 22, 55, 4. *Equites expeditos et Appia et Latina via mittendos.* Valer. Max. 1, 8, 4.

cutus est. *P. Clodii, a T. Annio Milone, candidato consulatus, Appia via ad Bovillas occisi, corpus plebs in curia cremavit. Quum seditiones inter candidatos consulatus Hypsaenum, Scipionem, et Milonem essent, qui armis ac vi contendebant; ad comprimendas eas Cn. Pompejus legatus a senatu consul tertium factus est, absens et solus, quod nulli alii umquam contigit. Quaestione decreta de morte P. Clodii, Milo judicio damnatus in exsilium actus est. Lex lata est, ut ratio absentis Caesaris in pe-*

Fortunae etiam muliebris signum, quod est via Latina ad quartum milliarium, eo tempore cum aede consecratum. Ascon. ad Cic. Orat. pro Milon. cap. 18. Via Appia est prope urbem monumentum Basilii. Verius igitur est, ut scriptis et edd. primis pareamus, ac praepositionem expellamus. Paullo ante candidato consulari Leid. Ita Cic. pro Mur. 17. Videtur praetorius candidatus in consularem, quasi desultorius in quadrigarum curriculum, incurere. et in Fragm. orat. in Toga candid. Ut repente gladiatores populo non debitos polliceretur, quos ipse consularis candidatus perspexit, et legit, et emit. Reliqui tamen omnes codd. consulatus tuentur.

Qui armis ac vi contendebant] armis atque militibus Boend. armis atque vi Voss. Supra Epit. 79. Quum perniciosas leges per vim atque arma ferret. In praecedentibus Scipionem, Milonem, omissa copula, Voss. Berg. et Lov. 2.

Cn. Pompejus legatus a senatu] Quid hic legatus? MSS. et ab senatu consul tertio. Num-

quid igitur, delegatus ab senatu et consul tertio factus est absens? An potius rogatus a senatu? Hanc enim speciem ambitioni suae circumdedit. J. FR. GRON. Cn. Pompejo legato et a senatu consul tertio factus est Voss. Similiter Berg. nisi quod tercio consul legat. Cn. Pompejus legatus et a senatu consul tertio factus est Leid. tertio etiam Lov. 2. Boend. Norv. omnesque edd. ante Moguntinam, quae tertium substituit. Vide ad 5, 16, 1.

Quod nemini umquam contigit] Vet. lib. quod nulli alii umquam, sine voce contigit. SIGON. Sic Sigonius, deleto, quod adiciebatur olim, contigit. Subscribunt Vossianus et Gudianus minor. Intelligendum facti sunt. Major Gud. quod nulli alii umquam accidit. J. FR. GRON. quod nulli alii umquam, omisso verbo contigit, Berg. Lov. 2. Boend. et Exc. Pitthoei. quod nemini umquam contigit Norv. quod nulli alii umquam contigit Leid.

Lex dicta est, ut ratio] Vet. lib. Lex data. Hinc ego, Lex lata. SIG. Lex data est Leid. Voss. Berg. et Boend. unde Si-

titlone consulatus haberetur, invito et contradicente M. Catone. Praeterea res gestas a C. Caesare adversus Gallos, qui prope universi, Vercingentorige

gonius legendum conjicit *lata*; quod in Exc. Pithoei superesse, auctor est Hearnius. Voces *datum* et *latus* saepe in Mssis commutantur. Praeter exempla enumerata ad Livii 1, 4, 7. vide, quae notantur ad 7, 24, 8 ad Epit. 7. et 46. Similiter *dictus* et *latus*. V. ad Livii 7, 28, 8. et ad Epit. 19. Paullo, ante *questione de certa morte P. Clodii* Boend.

Invito et contradicente M. Catone] Hoc verisimile quidem est, nec tamen alibi, quod sciam, legitur. Lex hic est plebiscitum, quod, Pompejo tertium consule, decem tribunis plebis ferentibus, et Pompejo ipso adnitante, factum est, ut Caesaris absentis ratio in petitione secundi consulatus haberetur, de quo est in Cic. 7. ad Att. 3. et 8, 3. in Dione lib. 40, 144. in Appian. 2. Civ. 442. et Floro 4, 2, 16. Suetonius in Caes. 26. eandem rem paullo pluribus hoc modo refert. Quum tribunus plebis Pompejo, quem solum consulem senatus fieri censuerat, Caesarem collegam destinarent, hunc cum iis egisse, potius ad populum ferrent, ut absenti sibi, quandoque imperii tempus expleri coepisset, petitio secundi consulatus daretur, idque obtinuisse. Nam quae de destinatione tribunorum plebis et actione Caesaris cum iis narrat, alii praeterierunt: nisi quod e Dione intelligi potest, tum a quibusdam agitatam fuisse, ut Caesar Pompejo collega daretur. Scribit enim, Pompejum id metuentem per tribunos plebis effecisse, ut Caesari absenti consulatum petere liceret. Aliam deinde le-

gem, ab eodem Pompejo in tertio consulatu latam, cuius uno capite absentes, ne Caesare quidem excepto, a petitione honorum submovebantur, memorant Sueton. Caes. 28. Cic. 8. ad Att. 3. et Dio 40, 147. Sed accuratissime Suetonius, e quo solo discimus, quo jure Marcellus, qui post Pompejum A. V. 1300. consul fuit, et haud dubie alii eandem partium contenderint, beneficium populi, quod Caesari plebiscito datum fuerat, eodem lege Pompeji, quae plebiscito posterior erat, ademptum esse. DUK. *et invito et contradicente Leid.*

Inter quas Avarici Biturigum et Gergoviae Arvernorum] Voces *inter quas* omittit Voss. quae etiam, si plures codd. concinerent, omitti possent: nunc vero servandas censeo, partim quia reliqui Mss. constanter retinent, partim quia auctor ita loqui solet. Supra Epit. 77. *Duodecim a senatu hostes, inter quos C. Marius pater et filius, judicati sunt.* Epit. 80. *Omnibus adversae partis nobilibus trucidatis, inter quos M. Antonio eloquentissimo viro.* Hinc confirmatur conjectura supra proposita Epit. praeced. Quum aliarum quoque legionum castra oppugnata magno labore defensa essent, *inter quae ejus, qui in Treviris praeerat, Q. Ciceronis.* In nominibus propriis hic mire variant Mss. *Avarici Biturigenses et Gergovia Arvernorum* legit Leid. *Avaria, Bituria, et Gergoniae Arvernorum* Voss. *Avarici Bituricum, et Gergoniae Arvernorum* Berg. *Avarici*

Arverno duce, defecerunt, et laboriosas obsidiones urbium continet: inter quas Avarici Biturigum, et Gergoviae Arvernorum.

Bituriniæ, et Gergoniæ Arvernorum Lov. 2. *Arvaria Bituria vicit cum religione Arvernorum* Boend. Sed Hearnius ex suis nihil aliud notat, quam *zô et deesse* in Exc. Pithoei, et Norv. eorumque posteriorem Ger-

govis habere. Certum tamen est ex Caesare aliisque, receptam lectionem probam ac veram esse. Paulo ante *adversus*, pro *adversum*, recepi fide Leid. Voff. Berg. Lövel. 2. Boend. et ed. Campani. V. ad Epit. 47.

JOHANNIS FREINSHEMII

SUPPLEMENTORUM LIVIANORUM LIBER LXXII.

IN LOCUM LIBRI CVII. T. LIVII.

U. c. 699. I. Dum ad orientem hoc vulnus accipit respublica;
A. C. 53. non minore in metu legiones erant, quae per Gallias
Galli bel- sub imperatore C. Caesare merebant. Quamquam enim
lum parant. defensa nuper Ciceronis castra, defensa T. Labieni
erant; non ideo terror omnis exoleverat. quin ad Caesarem quotidie veniebant nuncii, *diversis Galliae partibus parari arma, cogi juventutem; conjurare inter se principes, et magnos ubique motus esse.* Tasgetium, a Caesare sibi regem impositum, Carnutes nuper interfecerant. id exemplum sequuti Senones, valida civitas, Cavarinum ejecerunt, et vocatus ad imperatorem senatus eorum dicto audiens non fuit. Nervii Atuaticque, sed ante omnes in Treviris Indutiomarus omni conatu instruebat bellum: et, quamquam permovere Germanos nequiverat, ut denuo Rhenum transirent, Gallorum undique venientibus ad se nunciis excitabantur.

Indutiomarus a Labie- II. Initium belli facere ab oppugnatione castrorum
no caeditur. Labieni, quae erant in Remis, constituerat: sed idem etiam finis ei tumultuandi simul et vivendi fuit. Quippe Labienus, utili consilio, quamquam munitione castrorum tutus, metum eo usque simulavit, donec nihil metuentes Treviros, et, post convicia conjectaque suo more intra vallum tela, secure sparsimque abeuntes, immisso repente equitatu turbavit. Sed, quia praeceperat suis, ut nemo prius peteretur, quam interfectus Indutiomarus esset, in hunc tota vis omnisque contentio persequentium versa, in ipso fluminis vado interceptit transiturum. caput in castra relatum. Ea res cognita non modo repressit Treviros; sed Ner-

Cap. I. Caes. de B. Gall. l. 5. Dio, l. 40. Flor. 3, 10. Oros. 6, 10. Caes.

viorum etiam et Eburorum disjecit jam contractas copias, paulloque quietiorem ad tempus Galliam praestitit. U. c. 699.
A. C. 53.

III. Hoc Caesar intervallo ad sarcienda detrimenta *Caesar copias contrahit.* usurus, per M. Silanum, C. Antistium, et T. Sextium legatos delectum habet: simul ad Cn. Pompejum mittit, ut, quos ex Cisalpina Gallia consul is sacramento rogasset, ad Caesarem juberet proficisci. ita ante exactam hiemem tres ad eum legiones venerunt: una recens conscripta: reliquas Pompejus commodabat. His copiis auctus, ut inferret potius bellum, quam expectaret, per hiemem adhuc contendit in Nervios, imparatosque venire in deditionem, et obsides dare cogit. Primo deinde vere Senones, deinde Carnutes, illos Aeduis, hos Remis deprecatoribus, quae solae Caesari per ea tempora fidae civitates fuisse videbantur, in gratiam recepti, obsides dederunt.

IV. Caesar, hac parte curarum exoneratus, omnes *Ambiorigem insequitur.* deinde cogitationes ad opprimendum Ambiorigem vertit. Is, post Indutiomari mortem, cum propinquis ejus, ad quos delatum a Trevisis erat imperium, foedere facto, Menapios, qui uni Gallorum ad Caesarem de pace numquam miserant legatos, in societatem adsciverat: Germanosque cis et ultra amnem sollicitare non desinebat. Igitur Caesar Menapios primum tripartito exercitu intrat: magnisque detrimentis adfectos ad pacem petendam cogit, obsides imperat: Ambiorigem et legatos ejus suis finibus recipere vetat.

V. Inter hanc expeditionem Treveri Labienum cum *Labieni bellum cum Trevisis.* una legione, quae iis locis hibernaverat, petierant. Sed, edocti duas missu Caesaris supervenire legiones alias, donec Germanorum auxilia accessissent, castra intra spatium quindecim millium a Romanis castris posuerant. Horum consilio cognito, Labienus, occasionem dimicandi se inventurum sperans, cum quinque et viginti cohortibus, magnoque numero equitum, obviam egressus, non amplius mille passuum relicto spatio, consedit.

VI. Inter utraque castra flumen praeruptis ripis *Ejus stragem.* intererat. Mosellam fuisse consentaneum est. Id flumen, tam propinquo hoste, neque ipse erat transiturus, nec Gallos rebatur. Idcirco, ut eliceret hostem,

Cap. III. Caes. de B. Gall. l. 6. Plut. Caes. Dio. Oros. Caes.

U. c. 699. convocato consilio, palam in hunc sensum disseruit:
 A. C. 53. *quum propediem adfuturi Germani nuncientur, se rem in tantum discrimen commissurum non esse. parati intentique ad signum omnes essent, ut postridie prima luce profiscantur. Quod magna Gallorum equitum multitudo in castris Labieni erat, res cito defertur ad hostes. Sed Labienus noctu tribunis militum primique pili centurionibus consilium suum exponit: sibi in animo esse, simulatione timoris fallere hostem, ut, non expectatis Germanis, transeat flumen, alieno loco congressurus.*

Et victoria. VII. Igitur, majore, quam opus aut consuetudo esset, strepitu motis castris, quum id quoque subito nunciatum hostibus esset, ad insequendum eos illi-ciunt. Spe victoriae praedaeque, et ne fugienti scilicet Romano spatium evadendi darent, flumen transgrediuntur. Id ubi ex voto atque expectatione Labieni factum, *Habes, inquit, milites, quam postulastis, pugnandi copiam, et, ut locus pro nobis esset, feliciter curatum est. vos modo, quam soletis, operam praestare memineritis.* Sic converso agmine, quum impetus in Treviros fieret; illi, novitate rei attoniti, ne primam quidem impressionem tulerunt. Equitatus immissus ad silvas fugientium ingentem caedem edidit. Ita motus Trevirorum repressus, civitas a Labieno recepta. Germani, qui auxilio veniebant, audita re, ut erat gesta, domum regressi sunt. cum iis propinqui Indutiomari trans Rhenum abiverunt. Civitatis imperium Cingetorigi, quem ob studium erga Romanos socer Indutiomarus nuper expulerat, est traditum.

Caesar iterum Rhenum transit.

VIII. Victis ad hunc modum Treviris, Caesar de Rheno iterum transeundo deliberabat, duplici stimulus utilitate: altera, ut puniret, qui contra se auxilia Treviris miserant; altera, ne receptus apud eos Ambiorigi esset. Idcirco in finibus Trevirorum, haud multo supra, quam prius erat transgressus, pontem paucis diebus effecit: nota tum militibus ratione, sed ad hodiernam segnitiam nunc prorsus incredibili. Quippe non in proeliis modo, sed magis in opere, Romani militis invicta durities erat. Inter cetera pontibus struendis ita erat exercitus, ut quamlibet latum et profundum amnem facillimo negotio transmittere pos-

Cap. VII. Liv. Epit. Caes. Cap. VIII. Lips. de Milit. Rom. l. 5. Dial. 11. et 13. Suidas in *Ζεύγμα*.

posset. Cujus rei per illa et sequentia tempora in Da-
nubio, in Rheno, in Euphrate frequentia documenta
dederunt. U. c. 699.
A. C. 53.

IX. Ratio autem jungendorum pontium haec fuit *Ratio jun-
gendorum
pontium.*
usitata. Lato alveo naves superiore, quam ubi pons
destinaretur, loco constituebantur. Signo dato, pri-
mum una earum, secundo flumine demissa, quantum
poterat, applicabatur citimae ripae. deinde storea sa-
xis repleta mergebatur fundo, ancorae vicem firmatu-
ra deligatam valido rudente navem. Continuo mate-
ria, cujus ipsa navis copiam praebebat, tota conste-
nebatur. eadem ceterarum deinde navium adjungen-
darum erat ratio, quas et demissae in amnem moles,
et vicinis utrimque navibus innexa vincula retinebant.
Quum ad alteram ripam deductus pons erat, in ex-
trema nave turres cum machinis et catapultis, et ad
egrediendum porta struebatur.

X. Ceterum nihil ultra gloriam bis transcensi flu- *Caesar ve-
nit ex Ger-
mania.*
minis hac expeditione quaesitum est. Paucos dies
moratus in Germania Caesar, quum Suevi se in silvas
recepisse dicerentur, *inopiam*, ut ipse ait, *frumenti ve-
ritus*; ut Dio, *Suevos timens*, (nam et frumentum ex
Gallia subvehi nullo negotio potuisset) pontem in lon-
gitudinem pedum ducentorum rescindit, atque in ex-
tremo turrum tabulatorum quatuor constituit: praesi-
diumque tuendo ponti relinquit in Treviris, ut Ger-
manis saepius transituri speciem faceret.

XI. Sed ipse, capiendi Ambiorigis caussa, per sil- *Ambiorigis
fuga.*
vam Arduennam, quae per quingenta millia passuum
a ripis Rheni finibusque Trevirorum ad Nervios usque
pertinebat, Minucium Basilum cum equitatu misit.
Nihilque propius factum, quam ut comprehenderetur.
effugit tamen, misitque nuncios, qui populares mo-
nerent, ut sibi quisque consuleret. Multi tamen ho-
stili ferro, aut incommodis fugae perierunt. Cativul-
cus, rex dimidiae partis Eburonum, gravis aetate,
quum fugere non posset, devoto diris Ambiorige, ve-
nenum, quod ex arboribus taxis in Hispania et Gallia
exprimi solebat, sumpsit. Caesar, Ambiorigem fru-
stra et cum vexatione suorum persequutus, ut nomen
Eburonum tolleret, neque tamen milites adduceret in
discrimen, quorum per ignotas silvas subinde quidam

Cap. VIII. Lips. Poliorcet. l. 2. Dial. 5. Cap. X. Dio.
Caes. Cap. XI. Flor. 4, 12. Caes.

Supplem. Liv. Tom. XIII.

Uu

U. c. 699. desiderabantur, consilium iniit suam injuriam Gallico sanguine vindicandi. Missis igitur circum civitates nunciis, Eburones, si vellent, diripiendi potestatem omnibus facit.

*Sicambri
castra Cae-
saris oppu-
gnant.*

XII. Ea res mirifici cujusdam caussa fuit et inopinati eventus. Quippe Sicambri, Transrhenana natio, quae nuper Tencteros fugientes receperat, praedam ex infortunio Eburonum facturi, duo equitum millia, Rhenum navibus ratibusque transiverunt. Hi, quum a captivo didicissent, profectum longius Caesarem totius exercitus impedimenta cum modico praesidio reliquisse Atuaticae, quo loco ante annum hiberna Titurii et Aurunculeji fuerant, protinus, eodem captivo duce, ad castra Romanorum contenderunt.

*Re infecta
recedunt im-
pune.*

XIII. Forte Q. Cicero cohortes aliquot frumentatum emiserat. Eodem tempore veniunt Germani, portaque decumana conantur irrupere. In re subita, nihil enim tum hostile metuebatur, quum interfecti aut sparsi hostes, et cum novem victricibus legionibus in propinquo Caesar esset, vix defendi castra potuerunt. Inter haec reversae cohortes, quum et ipsae improvise incidissent in hostem, multis amissis, aegre perruperunt ad suos. Germani, spe castrorum expugnandorum amissa, cum praeda, quam ceperant, impune trans Rhenum redierunt: quod illos persequi tempore anni, et cura rerum urbanarum, et cupiditate capiendi Ambiorigis Caesar prohibebatur. Sed ille, quamquam Caesariani tanta diligentia sequebantur, ut saepe in conspectu fugientem, aliquando pene in manibus haberent, effugit tamen, quatuor equitibus comitatus, quibus solis vitam suam audebat credere. Interea Caesar, Durocortori Remorum concilio Galliae habito, de Accone Senonum principe, qui defectionis auctor civitati fuerat, supplicium sumpsit: deinde, distributis per hiberna legionibus, per causam conventuum agendorum in Italiam profectus est, de rebus urbanis sollicitus, quae continuis certaminibus seditionibusque supra solitum ingravescabant.

*Urbana cer-
samina.*

XIV. Tribuni plebis, exemplo superiorum, comitiis, quorum iterum tempus aderat, moram injiciebant; tribunos militum, sicut olim, fieri oportere dictitantes, quod respublica pluribus magistratibus indigeret. Sed, ejus rei mentione, quia vix auribus

Cap. XIII. Dio. Caes. Dio.

admittebant homines, deposita, C. Luccejus Hirrus tribunus plebis, consentiente collega M. Coelio Viniciano, rogationem promulgarat, uti Cn. Pompejus rei publicae constituendae dictator diceretur. Sed invisum hoc et detestabile Romanis nomen Sullae crudelitas effecerat. Igitur sic invectus est in Hirrum M. Cato, ut parum abfuerit, ne abdicare cogeretur. Erat tamen anxius ob potentiam Pompeji senatus, nec audebat satis quidquam ei, quod appeteret, denegare. Amici quidem ejus, ipse enim tum aberat, negabant Cn. Pompejo placere nimios honores: et per Ciceronem, petente Pompejo, Crassum Junianum, ne auctor fieret, dudum deteruerant. Sed nihilominus ingenium ejus tectum, et alia cupiens, alia simulans, metuebatur. Tandem ipse adventu suo composuit omnia; quum, a Catone laudatus, aliud facere, quam quod honestum esse intelligebat, erubesceret. Ita consularibus comitiis auxilio ejus habitis, Cn. Domitius M. F. Calvinus, M. Valerius Messalla creati mense demum Quintili.

U. c. 699.
A. C. 53.

*Lex de
Pompejo
dictatore
creando.*

*Ab ipso re-
pudiatur.*

Cn. Domi-
tius, M. Va-
lerio conf.

*De comitiis
habendis a-
gitur.*

XV. Itaque, simul inierunt, de comitiis habendis actum, non faciliore, quam proximis annis fuerat, negotio. namque per candidatorum ambitum et factiones turbabantur: adeo ut, velut in magno et atroce luctu, consules, lato clavo posito, senatum in equestri habitu convocarent. Salubre tum decretum factum est, ne magistratus ante quintum annum, quam consules praetoresve fuissent, provincias sortirentur. Sic aliquantum reprimi posse ambitionem putabant, si sperata potentia longum in tempus, et varios admissurum casus, differretur. Nam eo turpitudinis audaciaeque res venerat, ut candidati tam largitionibus, quam ferro, certarent; et aliquando consul Cn. Domitius vulneraretur.

XVI. Unde sic turbata sunt in urbe omnia, ut initio sequentis anni neque consules, nec urbani alii magistratus essent; et Kalendis Januariis nundinae agerentur: quae res infaustum luctuosumque casibus annum praesagire putabatur: idemque Lepidi tumultu acciderat. Sed hoc tempore et alia evenerant, quae stolidos, et tam divinorum, quam naturalium, operum nescios, territabant. Bubo visus erat: simulacrum

*Kalendis
Januariis
nundinae.*

Cap. XIV. Plut. Pomp. Cic. ad Q. Fratr. 3, 8. et 9. Cic. ad Fam. 8, 4. Dio. Plut. Dio. Plut. Cic. ad Q. Fratr. 3, 8. Plut. Dio. Cap. XV. Ascon. in Milon. Dio. Cap. XVI. Macrobian. Sat. 1. 1. c. 13. Dio.

U. c. 699. quoddam triduo continuo sudaverat: fax in coelo a meridie ad orientem transcurrerat: glebae, lapides, testae inter pluvias frequenter ceciderant.

*Pugnae
competito-
rum.*

XVII. Crebrae interea per factiones candidatorum in urbe caedes edebantur: quum tamen comitia non haberentur, licet multis consulatum petentibus. Erat inter competitores T. Annius Milo, per quem P. Clodii audaciam Pompejus represserat, Ciceronemque patriae restituerat. Idcirco Clodius, qui eundem in annum petebat praeturam, ne ab inimico consule premeretur, P. Plautio Hypsaëo et Q. Metello Scipioni contra Milonem summe studebat. Unde, tribus quotidie exercitiis forum obsidentibus, crebrae inter hos pugnae committebantur, audacia omnium pari, causa meliore Milonis.

XVIII. Atque is quamprimum comitia haberi cupiebat, et bonorum confusus studiis, pro quorum partibus steterat, et populari favore, quem profusis largitionibus ludorumque magnificentia venatus fuerat; ita quidem animose, ut tria his consumeret patrimonia, praeter relictas a naturali patre Papio, et adoptivo C. Annio haereditates, etiam uxoris Faustae facultatibus abusus.

*Pompeji
occulta am-
bitio.*

XIX. Sed competitores ejus trahi rem volebant: non invito Pompejo, et hoc dissimulanter agente, ut, perturbato rerum statu, dictatore opus haberet respublica, quem se utique futurum esse nihil dubitabat. Praeterea gratificari cupiebat Metello, qui filiam ei desponderat Corneliam, P. Crassi viduam, ejus, quem Parthi nuper interfecerant. Idcirco, quum ante diem tertium decimum Kalendas Februarias interregem creari moris esset, auctore Pompejo, T. Munatius Plancus intercessit, ne ad senatum referretur de patriciis con-

*Interregem
prodi vocat.*

U. c. 700. vocandis, qui interregem proderent.

A. C. 52.

*Clodius a
Milonis in-
terficitur.*

XX. Inter eas moras Milo, moleste ferens a Pompejo se perfidiose ludi, simul quia Lanuvii, ex quo municipio erat, flaminem a dictatore prodi ante certum diem oportebat, eo profectus est. Erat enim

Cap. XVII. Liv. Epit. Dio. Plut. Pomp. et Cat. et Caes. Ascon. Appian. Civil. l. 2. Cic. pro Mil. c. 9. Ascon. Plut. Cat. Cap. XVIII. Ascon. Cic. ad Fam. 2, 6. et ad Q. Fratr. 3, 9. Ascon. Cic. pro Mil. c. 35. Cap. XIX. Ascon. Appian. Ascon. Plut. Pomp. Ascon. Cap. XX. Appian. Ascon. Cic. pro Mil. c. 10, et 17.

tum dictator Lanuvii Milo. Forte per idem tempus P. Clodius Ariciae fuerat. Igitur postridie factum, ut in Appia via paullo ultra Bovillas inimicissimi homines sibi occurrerent: exitusque hic rei fuit, ut, pugna oborta, percussus a gladiatore Milonis Clodius in tabernam proximam deportaretur. Hoc ubi rescivit Milo, subeundum aequae vulnerati hominis, atque occisi, iudicium cogitans, ad hoc in omnem casum ex inimici morte solatium habiturus, accurrit, eruique Clodium atque jugulari iussit. Hac re patrata statim manumisit servos, ne praebere quaestioni cogeretur: ipse praemium bene meritis, vita domini defensa, inimico sublato, datum adseverabat.

U. c. 700.
A. C. 52.

XXI. Sed cadaver interfecti relictum in via Sex. Tadius senator, forte rure rediens, lecticae suae imposit, Romamque deportandum curavit. Ante primam noctis horam perlatum in atrio domus, quam paucis ante mensibus de M. Scauro sitam in Palatio emerat, uxor Fulvia constitui iussit; statimque infinita multitudo, servorum praecipue et infimae plebis, cui generi propter amorem seditionum carissimus ille fuerat, moerens lugensque circumstetit. Sed et integri a factionibus, quamquam odissent Clodium, humanitatis intuitu, et effusa lamentatione Fulviae, vulnera invidiosae ostentantis, movebantur. et erant, qui per hanc causam Milonem quoque, haud minus turbulentum civem, exturbari posse sperarent. Postridie, quum vixdum luceret, major eodem concursus fuit, ut noti homines, et inter hos C. Vibienus senator, in turba eliderentur.

Magno dolore vulgi.

XXII. Sic adfectam rem tribuni plebis Q. Pompejus, T. Plancus nacti, quum et ipsi Milonem odissent, in Clodii domum accurrerunt. horum conspectu magis incitatur temeritas vulgi: corripitur mortuus, et, uti nudus in lecto jacebat, ut conspici vulnera posent, deferitur in forum, et in rostris proponitur. Plancus et Pompejus in Milonem concionantur: nihil, quod ad concitandam invidiam commiserationemque fieri potest, praetermittitur. His quum ultra solitum imperitae multitudinis indignatio exarsisset, Sex. Clodio

Clodii corpus in curia Hostilia crematur.

Cap. XX. Ascon. Appian. Dio. Ascon. Dio. Ascon. Cic. pro Mil. capp. 21. et 22. Cap. XXI. Ascon. Appian. Dio. Ascon. Dio. Ascon. Cap. XXII. Dio. Ascon. Appian. Dio. Ascon. Cic. pro Mil. c. 33.

U. c. 700. scriba duce, qui praecipue Clodiani furoris signifer
 A. C. 52. semper fuerat, corpus infertur in curiam Hostiliam, neglectisque funerum ritibus, sine imaginibus, sine cantu, sine exsequiis, rogo ex subselliis, et tribunaliis, et mensis, et codicibus librariorum congesto concrematur. Hoc igne et curia hausta est, et vicina aliquot aedificia privatorum. comprehendit etiam Porciam basilicam, quam censor Cato sub curia in foro struxerat.

Interrex XXIII. Hoc tumultu excitati Patres sub vesperam
M. Lepidus. ejusdem diei in Palatio convenerunt, creatoque interrege M. Lepido, illi tribunisque et Pompejo, qui proconsul ad urbem erat, curam reipublicae mandaverunt. Sed Clodiana multitudo ad oppugnandam absentis Milonis domum cucurrit cum facibus. sed sagittis repulsa fascēs, ex lecto Libitinae raptos, ad domum Scipionis et Hypsaei, tamquam, Milone jam amoto, certorum consulum, attulit: mox cum iisdem in hortos profecta Pompeji, modo *consulem* illum, modo *dictatorem* inclamavit.

Milo rediit XXIV. Eadem nocte Milo, qui profectus in voluntarium exsilium putabatur, fidenti animo rediit Romam: quod, auditis, quae acciderant, majorem inimicorum, quam suam, invidiam fore sperabat. Itaque, non segnius, quam antea, consulatum petens, propitiandae multitudinis causa tributim singula millia assium populo dedit. Igitur Scipionis et Hypsaei factio, ut recenti adhuc Milonis invidia uterentur, a M. Aemilio Lepido, qui erat interrex proditus, haberi comitia postulabat. Id quum facturum se Lepidus negaret, (nec enim moris erat, per primum interregem haberi comitia) domus ejus per omnes interregni dies (fuerunt autem ex more quinque) a multitudine obseffa et oppugnata est, janua vi expugnata, dejectae majorum imagines, et uxoris Corneliae, cujus castitas pro exemplo habita est, lectulus fractus. Actum erat de Lepido, si tantum ab unis partibus oppugnaretur. supervenit Milonis manus, et ipsa haberi comitia postulans. ita licet eandem rem omnes flagitent, tamen omiffa est, conversis ab interregis oppugnatione ad consueta certamina inimicis factionibus.

Cap. XXII. Dio. Cic. pro Mil. c. 13. Ascon. Appian. Ascon. Liv. 39, 44. Cap. XXIII. Plut. Cat. Maj. Dio. Cic. pro Mil. c. 33. Ascon. Cap. XXIV. Cic. pro Mil. c. 23. Appian. Dio. Ascon. Ascon. in c. 5. Orat. pro Mil.

XXV. Ceterum, simul atque redisse Milonem innotuit, concionem ei M. Coelius tribunus plebis dedit. sed, iram simulans, nolle se concedere dilationem reo praeferebat, quin apud populum statim diceret causam. Porro, ipse favens Miloni, sic egerat cum populo, ut insidias ei factas a Clodio diceret. Quum silentio auditus esset, incepit Milo dicere; forte, aut dolo Clodii commissam esse pugnam, se nescio: ejusque rei videtur argumentum esse, quod impedimenta et uxorem in comitatu habuisset, res minime commodas pugnaturis. Deflexit deinde ad vituperationem Clodii: facinorosum et perditum hominem, suiique similitum signiferum, caput, et faciem fuisse.

U. c. 700.

A. C. 52.

In concione se purgat.

XXVI. Quum adhuc loqueretur, contrariae factionis tribuni cum sua multitudo irruperunt in forum. *Expellitur fore.* jam gladii micabant, caedesque fiebant, quum Milo et Coelius servili habitu evaserunt: aliorum magna strages edita, multique ignoti pro Milonianis, libidine magis, quam ira, occisi. nam infima plebs et servorum magna multitudo arma corripuerant: et, per causam quaerendorum Milonis amicorum, effractis domuum et insularum foribus, praedas agebant.

XXVII. Per multos inde dies continuato tumultu, quum ignibus, saxis, ferro dimicaretur, senatus vestem mutavit; omnes Italiae juniores conjurare, Pompejumque delectus ex iis habere iussit: iterato decreto, videretur, ne quid respublica detrimenti pareretur. Atque is quum, summa celeritate comparato praesidio, ad urbem venisset, extra pomerium ad theatrum Pompeji senatus est habitus in porticu, ut interesse Pompejus posset; factumque senatusconsultum, ut ossa P. Clodii legarentur: curiam Faustus Sulla instauraret, eaque deinceps Cornelia de nomine Sullae vocaretur; quia prius etiam pater Fausti eandem refecerat.

XXVIII. Inter has turbas, quum alii ex aliis interreges fierent, neque tamen comitia haberentur, misit ad Pompejum Milo, *Pompejum rogat.* desistere se petitione, si ita ei videretur. Nam ob adfinitatem Q. Metello summe studebat Pompejus: neque minus Hypsaean, quod quaestor suus fuisset. Responsum a Pompejo dicunt, nemini se neque petendi, neque desistendi auctorem esse: neque populi Romani po-

Sed frustra.

Cap. XXV. Appian. Ascon. in Milon. Cic. pro Mil. c. 33. Appian. Cap. XXVI. Cic. Appian. Cap. XXVII. Dio. Caes. de B. Gall. l. 7. Cic. pro Mil. c. 23. Ascon. Dio. Cap. XXVIII. Ascon.

U. c. 700. *restatem, aut consilium, aut sententiam interpellaturum.* Idem
 A. C. 52. deinde C. Lucilium familiarem Ciceronis, atque ideo
 Milonis amicum, rogasse dicebatur, ne se hac de re con-
 sulendo invidia oneraret.

*Catone sen-
 tentiam Bi-
 buli pro-
 bante,*

XXIX. Crebrescebat interea rumor, dictatorem cre-
 andum Pompejum esse, nec aliter sedari mala civitatis posse.
 aliis Caesarem fieri consulem placebat, cujus sub idem
 tempus maxima erat fama, propter amplissimas res
 gestas saepius et plurium dierum, quam cuiquam um-
 quam, supplicationibus decretis. Neutrum eorum se-
 natui gratum erat. Igitur, ne aut Pompejus dictator,
 aut Caesar iterum consul habendus esset, M. Bibulus,
 qui primo loco rogatus erat sententiam, Cn. Pompe-
 jum, licet absentem, consulem faciendum esse, censuit, sine
 collega. Sic enim aut evasuram ex his malis rempublicam;
 aut, si dominus tolerandus sit, optimo servituros. Ea sen-
 tentia quum et re et ob auctorem nova videretur,
 quod Pompeji dignitati adversatus antea semper Bi-
 bulus fuerat, Cato exsurrexit, omnium opinione re-
 pugnaturus, quod et antea Pompejum comitiis prae-
 faciendum jubentibus, non legibus in Pompejo, sed Pom-
 pejo in legibus praefidium esse oportere, responderat. Sed
 ille, Hanc, inquit, sententiam non eram dicturus prior:
 sed dictam ab alio sequor, et approbo. quemlibet in urbe ma-
 gistratum, quam nullum, esse praestat; et Pompejum quolibet
 alio rectius usurum hac potestate confido.

*Pompejus
 consul crea-
 tur sine col-
 lega.*

XXX. His auctoribus reliqui Patres haud gravatim
 annuerunt, salubriter temperasse visi, ut praesenti-
 bus coërcendis turbis Pompejus imperium solus ha-
 beret, tamquam dictator; rationi tamen reddendae,
 tamquam consul, esset obnoxius. Simul futurum re-
 hantur, ut a Caesare et populo Pompejum abstrahe-
 rent, senatui se daturum, a quo tot ornatus novis
 honoribus esset. Neque tribuni plebis repugnabant,
 ipso sic volente Caesare. nam eum tribuni collegam
 Pompejo destinarent. Caesar ad populum ferri ma-
 lebat, ut in secundo petendo consulatu ratio absens habere-
 tur. Igitur, senatusconsulto in sententiam Bibuli fa-
 cto, per interregem Ser. Sulpicium Cn. Pompejus
 tertium consul creatus est solus, ante diem quintum
 Kalendas Martias mense intercalari, hac adjecta con-

*Cn. Pom-
 pejo III.
 cos.*

Cap. XXIX. Dio. Sueton. Caes. c. 24. Dio. Appian. Plut.
 Pomp. et Caes. et Cat. Cap. XXX. Appian. Dio. Vell. 2,
 47. Sueton. Caes. 26. Ascon. Plut. Liv. Epit. Val. Max. 8, 15.

ditione, *siquidem collegam desideraret, ut suo arbitratu, dum ne intra bimestre, adlegeret.* Pompejus, statim inito magistratu, Catoni egit gratias, consiliumque ejus expetivit. Ille, *non defuturum se presenti privasim, respondit, consilio suo; publice etiam non petenti.*

XXXI. Sed erat ad componendum reipublicae statum novis legibus opus. Igitur in his omnis consuetudo ejus vis consumpta est. Post diem tertium magistratus initi, quum de legibus ad senatum consul retulisset, *duas esse promulgandas, senatus censuit, alteram de vi, qua nominatim caedes Clodii, et incendium curiae, et M. Lepidi interregis oppugnata domus continebatur: alteram de ambitu.* *Leges Pompejas,*

XXXII. De utroque non semel et antea latum erat: sed his legibus poena gravior constituebatur, cum *severiore* iudicii forma. Nam et iudices accuratius legabantur, et finiebatur patronorum numerus, ne iudices horum multitudine perturbarentur; et prius testes audiri per triduum, deinde uno eodemque die et ab accusatore, et ab reo perorari oportebat, ita ut duae horae accusatori, tres reo darentur, Laudationes etiam et preces aliorum pro reo, quibus rebus multi erepti nocentes fuerant, tollebantur. Quaesitores utraque lege ex iis, qui consules fuissent, suffragio populi creari oportebat. Et, quo pluribus atque acrioribus vinculis ambitus constringeretur, dabatur accusatio iis etiam, qui damnati eodem crimine fuissent; praemio veniae proposito, si quis horum duos similis inferiorisve culpa, aut majoris unum reum peregisset. *Prioribus adstrictiores.*

XXXIII. Voluerat et praeteritis delictis graviore poenas constituere Pompejus; sed id neque juri publico, neque commodo satis congruere Cato putabat. *Etiam in praeterita delicta,* Nam et puniri quem ea lege, contra quam non deliquisset, absurdum; et definire tempus, unde incipere debeat haec animadversio, difficile, nec exemptum a sermonibus fore. Pompejus tamen, ut nec ipse refugere, quod in alios pararet, videretur; qui a primo suo consulatu honoris

Cap. XXX. Ascon. Plut. Pomp. Plut. Pomp. et Cat. Cap. XXXI. Vell. Cic. Philipp. 1, 7. Ascon. Cic. pro Mil. c. 5. Ascon. Cap. XXXII. Dio. et Ascon. Auct. de Caus. corr. eloq. c. 38. Cic. Bruto, c. 94. et de Fin. 4, 1. Plut. Pomp. et Cat. Dio. Ascon. Appian. et Dio. Cap. XXXIII. Appian. Plut. Cat. Appian.

U. c. 700. adipiscendi caussa largitiones fecissent, comprehendi
 A. C. 52. volebat: ulteriora non audiri. Sed eo temporis com-
 plexu Caesaris etiam consulatus continebatur. Igitur,
 amicis ejus querentibus, moleste tulit, *allegari Caesa-*
rem, cujus sicut extra suspicionem esse rationes, ita extra pe-
riculum, dicebat. Contraxit tamen tempus, et secun-
 dum consulatum suum finem impunitatis et quaestio-
 num constituit, non aliter se mederi reipublicae pos-
 se praefatus.

Pompejus
 Milonem o-
 dit.

XXXIV. His intercedere studiosissimus Milonis M.
 Coelius parabat, *privilegia, non leges*, appellando. Sed
 et praecipitari judicia malo exemplo dictitabat: donec
 Pompejus iratior, *si coactus esset, armis se rempublicam*
defensurum, dixit. Erat enim implacabili in Milonem
 odio, quod ab eo sibi parari insidias existimabat. Id-
 circo plerumque non domi suae, sed in hortis supe-
 rioribus, manebat, magna circum excubante militum
 manu. Multa enim ad eum deferrebantur, et in Capi-
 tolio P. Cornificius frequentissimo senatu exclamavit,
ferrum Milonem habere sub tunica ad femur alligatum. Sed
 ea quidem falsa criminatio fuit: refellitque statim nu-
 dato femore Milo, succlamante Cicerone, *taliam esse et*
reliqua crimina, quae in Milonem jacerentur.

Sed cum
 Cicero de-
 fendit.

XXXV. Defendebat enim Milonem summa fide et
 constantia M. Cicero, neque Pompeji offensionem re-
 formidans, neque tribunorum plebis convicia et mi-
 nas: quamquam Q. Pompejus, T. Munatius Plancus
 invidiam ei concionibus omnibus facerent, et infen-
 sum Miloni populum in patroni ejus odium facile con-
 citarent: praesertim quum etiam C. Sallustius Crispus
 collegarum furori accessisset, inimicus Miloni, a quo
 deprehensus in adulterio Faustae, lorisque caesus,
 neque dimissus, nisi data pecunia, fuerat. Sed ex
 his Plancus, ceteris, ut suspicio erat, in gratiam cum
 Milone ac Cicerone reversis, infestissime perstitit,
 diem Ciceroni dicturum prae se ferens.

Quaesitores
 et iudices
 creati.

XXXVI. Perlata interim lege sua, statim quaesi-
 torum creandorum caussa comitia Pompejus habuit.
 creati sunt Cn. Domitius Ahenobarbus, A. Manlius
 Torquatus, ut legibus Pompejis, de vi Domitius,
 Torquatus de ambitu cognoscerent. Iudices deinde

Cap. XXXIV. Ascon. Vell. Ascon. Cic. pro Mil. c. 24.
 Cap. XXV. Ascon. Porphy. in Hor. Sat. 1, 2. Varro apud
 Gell. 17, 18. Ascon.

sunt propositi, tanta Pompeji cura, ut constaret, numquam neque sanctiores viros, neque clariores propositos esse. U. c. 700.
A. C. 52.

XXXVII. Tum a duobus Appiis adolescentibus, Caji filiis, qui Clodii fuerat frater, de vi postulatus est Milo; et a Domitio ante diem pridie Nonas Apri- *Milo ac-
cusatur.* les adesse iussus. Sed eadem ei dies ab A. Manlio praedicta erat, apud quem de ambitu postulabatur. Igitur ipse venit ad tribunal Domitii; a Torquato per M. Marcellum obtinuit, ne prius causam de ambitu diceret, quam esset de vi iudicatum.

XXXVIII. Iudicio constituto, quum prima die pro- *Testes au-
diuntur.* ductum testem C. Cassinium Scholam, qui se cum Clodio fuisse, quum is occisus esset, dicebat, M. Marcellus interrogaret; tantum Clodiana multitudo excitavit tumultum, ut ultima timens Marcellus in tribunal a Domitio reciperetur. Igitur M. Marcellus et ipse Milo praesidium abs Domitio, Domitius a Pompejo postularunt. Ille, quum, ad aerarium sedens, eodem clamore fuisset perturbatus, promisit Domitio, se postridie cum praesidio adfuturum. Ita proximo biduo quietius auditi testes. Ultima testimonium dixerunt Sempronia Tuditani, amentis illius filia, socrus P. Clodii, et uxor Fulvia; coronamque fletu muliebri magnopere commoverunt. Igitur, dimisso circa horam decimam iudicio, T. Munatius populum adhortatus est, *ut frequens adesset, et elabi Milonem non pateretur, iudiciumque et dolorem suum ostenderet.*

XXXIX. Postero die sortitione facta iudicum unius et octoginta, iisque protinus sessum euntibus, Appius major et M. Antonius, qui mox viduam duxit, et P. Valerius Nepos accusationem horis duabus ex lege peregerunt. His unus erat responsurus Cicero, tri- *Cicero Mi-
lonem de-
fendit.* bus omnino horis ad dicendum datis. Igitur ille, et brevitate temporis circumscrip- tus, et ad aspectu ter- ritus armatorum, quos circa forum Pompejus disposue- rat, non eadem, qua solitus erat, constantia et facun- dia causam oravit. Nam, quae inscripta pro Milone legitur Ciceronis oratio, postea scripta est: puto, osten- dere cupiente oratore, non sua culpa, sed ob novam

Cap. XXXVIII. Val. Max. 7, 8. et Cic. Philipp. 3, 6. et Acad. Quaest. 4, 28. Ascon. Cap. XXXIX. Cic. Phil. 2, 5: Ascon. Plut. Cic. Dio. Cic. pro Mil. c. 1. Plut. Ascon.

U. c. 700. judiciorum faciem, variosque terrores, deterius de-
A. C. 52. fensum reum fuisse.

*Clamor Clo-
dianorum.*

XL. Nam, clausis tota urbe tabernis, immensa vis populi accurrerat: et dicere incipientem horribili clamore Clodiani terruerunt, ne militum quidem circumstantium metu cohibiti. Ergo, Pompeji jussu gladiis eductis, quosdam, nec ut sauciarent, sed lato ferro percusserunt: deinde, quum eo facto magis etiam incensa vulgi petulantia, velut in re ludicra, convicia pro verberibus regeretur, vulnerati complures a militibus, quidam etiam interfecti sunt. Hic metus tranquillum de cetero iudicium praestitit. Causa utrimque dicta, quum accusator et reus ex numero iudicum quinos senatores, totidem equites, et tribunos aerarios rejecissent, unus et quinquaginta sententiam tulerunt: absolverunt tredecim; ceterorum omnium suffragiis damnatus est. Quidquid de vulnerato Clodio fuisset, occisum jussu Milonis constabat: ejusque notam audaciam reprimendum videbatur: praesertim quum in ipso etiam iudicio non remitteret spiritus, tonsus nitidusque, sicco vultu, constanti voce susque deque periculum suum habere visus. Ferunt tamen, Catonis palam lata sententia eum esse absolutum, idque si fuisset aliquanto maturius factum, non fuisse defuturos putant, qui exemplum sequerentur.

*Milo, pluri-
bus judiciis
damnatus,*

XLI. Damnatum autem opera maxime Ap. Claudii pronunciatum est: a quo et lege ambitus apud Torquatum postero die postulatus, damnatus est absens. ceteris etiam judiciis, pluribus enim factus reus fuerat, tristem abstulisse sententiam reperio; de sodalitiis apud M. Favonium; de vi, apud L. Fabium.

*Massiliam
in exilium
abit.*

XLII. Igitur intra paucissimos dies Massiliam exsili causa profectus est. Ubi, quum orationem Ciceronis, quae postea conscripta est, missam ad se legeret, dixisse dicitur; *Bene, quod ita non sum defensus in iudicio: nunc enim tantos mullos Massiliae non ederem.* Bona damnati propter aeris alieni magnitudinem semuncia venierunt. sestertium enim debuisse dicitur septingenties, quod ad summam accedit nostratis pecuniae vicies centena thalerorum imperialium millia: adeo

Cap. XL. Dio. Ascon. Cic. pro Mil. c. 34. Plut. Cic. Ascon. Vell. Cap. XLI. Ascon. Cap. XLII. Dio. Ascon. Plin. 36, 15.

novum non est, ut plures summae fortunae speciem alienis, quam suis, facultatibus sustineant. U. c. 700.
A. C. 52.

XLIII. Post Milonem M. Scaevola M. F. postulatus est, qui dux expugnandae apud Bovillas tabernae, occidendique Clodii fuerat. Ille tamen, licet pejor ejus causa, quam Milonis, esset, bis adductus in iudicium, semel lege Pompeia, iterum Plautia de vi, quam tum quaestionem M. Considius exercebat, absolutus est. Damnatione Milonis satisfactum erat publicae indignationi, locusque iterum apertus inveterato hominum in Clodianam improbitatem odio. Igitur et Sex. Clodius, qui auctor inferendi in curiam cadaveris fuerat, *Clodiani
multi dam-
nantur.* magno consensu damnatus est. Alii praeterea multi causis diversis eandem sortem subierunt: ex quibus maxima pars Clodianorum fuit, propter incendium curiae. quo crimine Plancus etiam Rufusque, simul potestate abierunt, condemnati sunt. Rufum alius Rufus damnavit, M. Coelius orator: Plancum nobilior adhuc orator, M. Cicero, iratus ab eo se oppugnari, quem defenderat.

XLIV. Sed id quidem iudicium omnino singularis exempli fuit. Quippe Pompeius, legum, quas ipse tulerat, subversor, ut eriperet reum, incredibili contentione incubuerat. Sed accusatoris diligentia, et constantia iudicum, superior potentissimi viri studio fuit. Jam primum M. Cato, quum missa a Cn. Pompeio laudatio legeretur, obturatis auribus, recitari prohibuit: indignans legem tam recentem, et ab ipso auctore, violari. Et, quamquam rejectus a reo, praedictio laedebat: quod virum iustissimum nemo rejecturus, nisi nocens, videbatur. Praeterea quia iam damnata in Q. Rufo eadem causa fuerat; iudices, ne servi esse Pompeii dicerentur, contra tantas opes ejus, a quo ipsi lecti erant, reum condemnarunt. *Pompeius
legum sua-
rum sub-
versor.*

XLV. In ambitus quoque iudicii notata Pompeii iniquitas et inconstantia fuit. Duo, competitores Milonis qui fuerant, Q. Metellus Scipio, P. Hypsaenus, postulabantur. Hypsaenus egressum balneo Pompeium, prostratus ad pedes, quum rogasset; reliquit jacentem, hoc tantum responso: *Nilil eum aliud agere, quam ut convivium suum moraretur.* Sic ille quidem damnatus est. *Iniquus et
inconstans.*

Cap. XLIII. Acon. Dio. Val. Max. 4, 2. 7. Cic. ad Fam. 7, 2. Cap. XLIV. Tac. 3. Ann. 28. Dio. Plut. Pomp. et Cat. Dio. Cap. XLV. Plut. Pomp. Dio. Appian. Plut.

U. c. 700. At pro socero suo Scipione venire in forum, et coram rogare iudices non erubuit, veste quoque mutata; quod et nonnulli iudicum imitati sunt. Id ubi Memmius vidit, (is spe secundum legem Pompejam recuperandi, quae damnatus ipse nuper amiserat, Scipionem accusabat) reipublicae statum invidiose miseratus, accusatione desistit. Erat ea res quum per se parum probabilis; tum etiam, inter tot illustrium virorum ruinas, magis eminebat impunitas unius. Multi enim et alii per idem tempus damnationem passi erant, et inter hos M. Scaurus. Pro Scauro quum populus deprecaretur, per praeconem Pompejus edixit, *iudicum sententiam expectari oportere*. deinde, quum sic quoque accusatoribus molesta multitudo esset, Pompejani milites immissi, audacissimo quoque interfecto, ut damnari tuto reus posset, effecerunt.

*Pompejus
collegam ad-
sumis.*

XLVI. Quum inter haec anni pars magna praeterlapsa esset, Pompejus socerum suum Scipionem mense Sextili collegam in reliquum tempus consulatus adsumpsit. Is Scipio Corneliae gentis erat, P. Nasicae filius: sed adoptione Q. Pii transierat in Metellorum domum. eoque interdum quolibet istorum nominum, et, quoties plura exprimerentur, Q. Caecilius Q. F. Metellus Pius Scipio vocabatur.

*Pompejo
prorogantur
provinciae.*

XLVII. Quum haec ita essent a Pompejo gesta, ut, exceptis, quae retulimus, virtute illius res urbanas, vel inimicorum testimonio, commodiorem in statum pervenisse constaret, prorogatae sunt ei in aliud quinquennium provinciae; et stipendii ducenties quadragies in singulos annos attributum. Nec puduit eum accipere, quum sub idem tempus ex senatusconsulto de provinciis legem ferret, non ante quantum a gesto magistratu annum cuiquam decernendis.

*Legestantum
invalidi
dos confri-
gunt.*

XLVIII. Scripserat et de comitiis legem, *ne cuius absentis ratio in petendo magistratu haberetur*: sed, quum ea res amicos Caesaris mirifice offenderet, addidit: *praeterquam si quis nominatim exceptus esset*. Igitur, ut fit corrupta república, legibus invalidi tantum coërebantur; potentium cupiditates nullis adstrictae vinculis erant. et Pompejus, quae optabat, sumebat;

Cap. XLV. Plut. et Appian. Dio. Appian. Cap. XLVI. Plut. Pomp. Appian. Dio. Cic. ad Fam. 8, 8. Cap. XLVII. Plut. Caes. de B. Gall. 7, 6. Plut. et Dio. Cap. XLVIII. Sueton. Caes. 28, Dio.

neque Caesar deerat sibi, quo minus opum suarum securitati prospiceret.

U. c. 700.
A. C. 52.

XLIX. Qui nuper erant Pompeji legibus damnati, quum exulare cogerentur, ad Caesarem confugerant; ipsumque peti iisdem illis cassibus inculcabant. Caesar, uti solebat, illorum voluntate magnis congiariis auctorata, de Pompejo quidem honorifice loquebatur: ceterum per amicos cum tribunis plebis agebat, ut *absenti sibi petere consilium liceret.* In ea tota caussa talem se Pompejus gerebat, ut simulare magis amicitiam cum Caesare, quam praestare, videretur. Nam in senatu, quum M. Cato, perpetuus legum defensor, venire Caesarem ad comitia juberet, restitit aliquando Pompejus, amicisque Caesaris, eximia viri merita respici orantibus, adsensit. Sed, acrius instante Catone, tamquam argumentis victus, conticuit. Obtinuit tamen Caesar, quod petierat, inter ceteros Cicerone adjuvante, qui M. Coelium ei adjunxit, tribunum plebis, etiam a Pompejo rogatus. Igitur ea de re ad populum a decem tribunis plebis concorditer latum est.

Caesar absenti sibi petere consilium licere postulat.

L. Quum ita crebritate judiciorum et novis legibus omnia streperent, Q. Scipio consul censoriam potestatem, abrogata Clodia lege, restituit; haud magna utilitate civitatis. Quia enim proximis annis, sublata animadversione censoria, multi et in senatorio et in equestri ordine maculosi homines manserant, quos simul aggredi periculosum, relinquere turpe erat futurum; quanto quisque prudentior vir erat, tanto magis a petitione honoris ejus abhorrebat. Sed et auctor restituendae censurae talis erat, ut vix exsistere posset alius nota dignior. Sub idem enim tempus ad Gemellum tribunum viatorem in convivium venit, a quo et tribuni quidam (haud dubie illi, quos Scipioni fuisse supra ostendimus) invitati fuerant. In eo convivio Gemellus Scipioni et tribunis duas illustres matronas, a patribus et viris abductas, itemque nobilem puerum Cn. Saturninum, nefarie prostituit.

Censoria potestas restituta.

LI. Interea Caesar, quum et motus urbanos satis ex sententia sua compositos accepisset, et crebris suorum nunciis excitaretur, in Transalpinam Galliam ex

Gallorum rebellio.

Cap. XLIX. Appian. Sueton. Caes. c. 27. Appian. Plut. Liv. Epit. Sueton. Caes. c. 28. Appian. Cic. ad Att. 7, 1. 3. Cap. L. Dio. Val. Max. 9, 1. Cap. LI. Caes. de B. Gall. l. 7.

U. c. 700. Italia profectus est. Galli, Caesarem civilibus discordiis distineri putantes, propemodum universi rebellaverant, Carnutibus Arvernisque auctoribus. Genabi (nunc Aurelianum appellant) Romani negotiatores a Carnutibus interfecti sunt. Arvernos, deinde horum ope Senones, Parisios, Pictones, aliosque complures populos Vercingetorix commovit. His deinde continuo Biturigas adjunxit, cum parte exercitus in fines illorum profectus. Nam a Romanis defendi nequiverant: et ab Aeduis, qui cum exercitu eo venerant, metu an perfidia incertum, omissa res, reductaeque domum copiae fuerant. Etiam Lucterius Cadurcus, a Vercingetorige missus in Ruthenos, eam civitatem, praetereaue Nitiobriges et Gabalos conciliaverat, et erumpere in provinciam Romanam cogitabat.

Vercingetorigis gesta.

Ei Caesar occurrit.

LII. Idcirco Caesar nihil antiquius habuit, quam ut Narbonem, Tolosamque, et reliquas circa urbes confirmaret, praesidiisque opportune dispositis, hostem submoveret. Id ubi feliciter et cito effectum est, Cebenna monte transito, in fines Arvernorum pervenit: majore terrore hostium, quanto improvisior adventus, fuerat. Quippe durissimum erat anni tempus, quo tantis tegi nivibus Cebenna solet, ut vix expeditis et singulis eo tempore anni sit superabilis.

LIII. Quod tamen nondum satis ad bellum virium habebat, biduo moratus, quo Vercingetorigem ex Biturigibus attraheret, summa celeritate Viennam, deinde per fines Aeduorum in Lingones contendit. Inde ad reliquas legiones misit, atque ita, ex distantibus hibernis contracto exercitu, Vellaunodunum movit; iter aperturus in Bojorum fines, quorum oppidum Vercingetorix oppugnabat. Vellaunoduno Senonum intra triduum recepto, Genabum exercitus ducitur.

Genabum expugnati.

LIV. Genabenses, quod diutius ad Vellaunodunum pugnatum iri putaverant, imparati ad resistendum, noctu trans Ligerim tentarunt fugam: sed Caesar duas legiones, quas paratas in hunc usum tenuerat, incensis portis, intromittit: oppidoque occupato, paucis elapsis, ceteros omnes redegit in potestatem, quod angust-

Cap. LI. Dio, l. 40. Plut. Caes. Oros. 6, 11. Flor. 3, 10. Liv. Epit. Caes. Cellar. Geogr. Ant. l. 2. c. 1. Caes.

angustiae pontis et itinerum fugam morabantur. Oppido propter crimen occisorum civium Romanorum incenso, praeda militibus concessa, Ligerim Caesar transducit exercitum in Biturigum fines.

U. c. 700.
A. C. 52.

LV. Noviodunum in ea via situm erat. quod oppidum quum dederetur, jamque pars obsidum esset tradita, Vercingentorix adfuit; qui, Caesaris audito adventu, Bojos oppugnare omiserat. Hujus procul viso equitatu, Bituriges, Novioduni incolae, denno clausurunt portas. Interea Caesar, equestri proelio commisso, postquam suos urgeri videt, Germanos equites circiter quadringentos, quos habere semper circum se consueverat, impetum facere jubet. ab his Galli funduntur fuganturque. Oppidani, eventu pugnae conspecto, auctores recipiendorum armorum vinctos adduxerunt ad Caesarem, seque ei dediderunt. Inde Caesar Avaricum movit, tum quoque Biturigum caput; quorum de nomine postea *Bourges* appellatum est.

Noviodunum deditione caput.

LVI. At Vercingentorix, convocato suorum consilio, non esse aliam spem victoriae, docet, nisi ut inopia pabuli frumentique Caesar maceretur. id autem obtineri nullo pacto posse, donec stent tot oppida, quae nec defendi omnino queant, et sint quasi totidem Romanorum horrea, unde, ut quodlibet eorum ceperint, in multos dies alimenta sumant. Ita persuasum est Gallis, ut non modo vicos et agrestia aedificia, sed etiam oppida sua, ultro incenderent: quorum uno die tantummodo in Biturigum civitate amplius viginti deleta sunt. Avaricum tamen ne cremaretur, Biturigum precibus datum est, dissentiente primo, deinde concedente Vercingentorige: majore tamen praesidio delectorum muniri placuit.

Galli sua ipsi oppida incendunt.

LVII. Interim Gallicus equitatus, incensis aedificiis, Romanos inopia rerum necessariarum premere satagebat, et frumentatum pabulatumve euntibus insidiabatur. Sed Caesar, tametsi his incommodis non leviter fatigabatur, strenue oppugnationem urgebat. Ceterum a magno hominum numero, situ atque opere munitum oppidum haud aegre defendebatur. donec immenso labore militum diebus quinque et viginti agger factus est, pedes trecentos triginta in latitudinem patens, erectus in altitudinem pedum octoginta. Sed et hunc suffocum cuniculo succenderunt Galli; et, eruptione facta, cum Romanis, a tertia vigilia usque ad redditam lucem, conseruerunt manus.

Cum Caesare ad Avaricum pugnant.

Supplem. Liv. Tom. XIII.

X x

U. c. 700. LVIII. Neque praetermiserim, quod a se visum
 A. C. 52. Caesar memoriae tradendum putavit. Ut maximam Ro-
Mira Gal- manorum turrim incenderent Galli, per manus sevi
terum auda- ac picis tradebant glebas, quas acceptas, qui proxime
cia. ardentem jam ignem flabat, ad augendum incendium
 injiceret. Sed hic scorpione a turri iotus concidit.
 ergo jacentem transcendit alius, ut idem munus per-
 ficeret. hunc etiam telo dejectum excepit tertius, et
 tertium quartus: neque vacuus ille relictus est locus,
 priusquam omni ex parte finis pugnandi fieret.

Avaticum LIX. Quum a Romanis defensa opera essent, pro-
expugnatur. pugnatores consilio Vercingentorigis relinquere lo-
 cum voluerunt. Sed feminarum conclamatione atque
 etiam vocibus prodita Romanis fuga est: ut, qui mi-
 sericordia suorum non potuerant, saltem suo pericu-
 lo absterrentur. At ea res omnibus exitio fuit. Se-
 quenti enim die, quum exorta pluvia Romanos ab op-
 pugnatione in castra reverti coëgisset, Gallique, velut
 defuncti periculo, domos abirent, Caesar dispositas
 legiones subito vim facere ad muros iussit. Ita quum
 vineae, quas in occulto habuerat expeditas, celeriter
 admoverentur; et hostilium machinarum amenta ner-
 vique pluvia resoluti languerent, oppidum vi captum
 est: homines, citra discrimen sexus aetatisque, caesi.
 De quadraginta millibus vix octingenti ad castra, quae
 in proximo, sed locis tutis, Vercingentorix habebat,
 evaserunt.

Caesaris LX. Inde Gergoviam itum est, in altissimo monte
strategema positum Arvernorum oppidum. Sed amnis Elaver
in transeun- prius erat transeundus, cujus pontes omnes Vercin-
do flumine. gentorix abruperat: et, ne transeundi spatium Cae-
 sari concederet, ab altera semper ripa e regione Ro-
 manorum castra metabatur. Tandem Caesar, silvestri
 loco positis castris, postridie cum viginti cohortibus
 occultus eodem loco substitit: ceteras copias cum im-
 pedimentis, quemadmodum prioribus diebus omnibus
 facere consueverat, dimisit. Hostes, movisse cum to-
 to exercitu Caesarem arbitrati, suo more insequuntur.
 Ut enim falleret, non totas legiones, sed quartas quas-
 que cohortes, retinuerat: ita constabat legionum nu-
 merus; et, diductis ordinibus, species prioris multi-
 tudinis non aegre efficiebatur. Ita Caesar; digressis

hostibus, subitario opere pontem refecit, militesque transduxit; eademque nocte progressas reliquas copias revocavit. U. c. 700.
A. C. 51.

LXI. Quintis deinde castris ad Gergoviam ventum: eodemque statim cum omnibus copiis Vercingentorix accessit. Quum hic locorum situs esset, ut in plano castra metatum Caesarem ex superioribus locis Galli plurimum infestare, Caesar vicissim nocere iis nihil posset; collem e regione urbis situm, noctu dejecto praesidio Arvernorum, occupavit; unde ad cetera quoque castella urbemque ipsam aditum pararet. Sed eum ab hoc conatu sollicitati a Vercingentorige Aedui abstraxerunt.

LXII. Auxilium ab his postulaverat Caesar, decem millia. His ut praeficeretur ipse, fratresque ejus cum aliis principibus ad Caesarem praemitterentur, Litavicus curaverat, Arvernorum partes animo propositoque amplexus. Hujus astu, iter facienti exercitui quidam, velut evitatis Romanorum insidiis, occurrunt; principes suos interfectos Caesaris jussu nunciant: ipse convenientem fraudi orationem habet. Ita concitati milites continuo cives quosdam Romanos, qui una faciebant iter, interficiunt: rem eam, dimissis tota civitate Aeduorum nunciis, Litavicus vulgat: mendacium de principibus occisis repetit: hortatur, ut vindictam quisque hoc exemplo sumat, quod exercitus jam edidisset. *Auxiliares
Aedui des-
ciunt a Caesare.*

LXIII. Haec ubi media fere nocte Eporedorix, quem interfectum Litavicus finxerat, ad Caesarem detulisset; permotus magnitudine rei statim legiones quatuor omnemque equitatum eduxit, ut Aeduis in itinere occurreret. Ubi in conspectum venerunt, equitatu objecto, qui progredi eos vetaret, Eporedorigem et Viridomarum, quos illi putabant interemptos, appellare suos jubet. Ergo Aedui, fraude Litavici cognita, projectis armis, fidei Caesaris se permiserunt. Litavicus cum clientibus Gergoviam profugit. Ad civitatem Aeduorum nuncii de his rebus ab Caesare mittuntur. *Sed a Caesare recipi-
untur.*

LXIV. Interea castra Caesariana totis viribus oppugnauerant Galli, multosque Romanorum vulneraverant: putabanturque postridie redituri fuisse, nisi celeri reditu imperatoris essent ab hac spe dejecti.

U. c. 700.
A. C. 52.
*His cogni-
tis Aedu-
rum civitas
fluctuat.*

Sed Aeduorum vulgus, et qui Gallicarum partium inter principes erant, partim temeritate, alii ne esset sibi dicenda prodicionis causa, ad primum a Litavico nuncium cives Romanos occidere, bona diripere, alios, qui se defendebant, oppugnare atque obsidere coeperant. Mox, ubi suos milites teneri a Caesare didicerunt, ut hos recuperarent, decretum fecerunt, *uti de bonis direptis quaestio haberetur: Litavici et fratrum bona publicarentur: legati satisfactum Caesari mitterentur.* Caesar legatis benigne respondit, ne alieno tempore potentissimam civitatem irritaret. Nam, desperata Gergoviae expugnatione, quemadmodum citra dispendium exercitus aut famae discederet, cogitabat.

*Caesar a
Gergovia
prope capta
rejicitur.*

LXV. Attamen inter eas cogitationes aliquando hostium castra propemodum vacua conspicatus, quod ii ad certum communiendum locum milites eduxerant, parum a capiendo oppido abfuit. Nam celeri impressione tria hostium castra cepit: prosequentibus victoriam spe praedae Romanis, nonnulli muros oppidi conscenderunt. Sed propter summam iniquitatem loci, quemadmodum Caesar praeviderat, facile rejecti detrimentum acceperunt: centurionibus sex et quadraginta, manipulariumque promptissimis amissis circiter septingentis. Caesar, hoc accepto incommodo, saesigatisque simul atque in posterum confirmatis militibus, id tantum moratus, donec timoris opinionem repelleret, instructa acie copiam pugnandi hostibus per triduum fecit. Deinde, quum a Vercingentorige tantum equitatus emissus, isque levi proelio iterum repulsus esset, quemadmodum constituerat, obsidione relicta, profectionem in Aeduos instituit.

*Aedui pu-
blice defi-
ciunt.*

LXVI. Quum ad flumen Elaver venisset, Eporedorix et Viridomarus commeatum petunt: *intelligere se, ad commovendam civitatem Litavicum cum omni equitatu in Aeduos profectum; opus esse sua praesentia, ut in fide conzineant cives.* Ita dimissi, postquam Noviodunum venerunt, ad Ligerim positum Aedui nominis oppidum, aperte desciverunt: nunciis suorum et praesente praeda incitati. Quippe Noviodunum Caesar obsides e tota Gallia, frumentum, pecuniam, impedimentorum partem, et coemptos in Italia ac Hispania equos contulerat. Igitur, comperto, Litavicum Bibracte, praecipuae potentiae oppido, receptum; et principes civitatis ad illum venisse; publico nomine legatos ad

Vercingetorigem mitti: occisis, qui Novioduni erant, Romanis, equos et pecuniam inter se dividunt; obsides deducendos Bibracte curant; oppidum incendunt; commeatus, quod asportare non poterant, in flumen projiciunt. Quum ita omne nomen Aeduum defecisset, prorsus redintegratum bellum videbatur: quod victorias Caesaris et detrimenta Gallorum his adjuncta opulentissima civitas haud difficulter adaequabat.

U. c. 700.

A. C. 52.

E P I T O M E LIBRI CENTESIMI OCTAVI

*C. Caesar Gallos ad Alesiam vicit, omnesque Galliae civitates, quae in armis fuerant, in deditio-
nem accepit. C. Cassius, quaestor M. Crassi, Par-
thos, qui in Syriam transcenderant, cecidit. In pe-*

C. Caesar Gallos ad Alesiam vicit] Sic item Caesar ipse in Comm. Diod. Siculus, Strabo, Vellejus, Dion Cassius, Polyae- nus, et Orosius. Sed *Alexiam* in Norv. et editt. Aler. Sig. Vi- neti, atque Gruteri. Nec aliter Metaphrastes Caesaris, et Florus; quamvis etiam hic vetustis editt. *Alesiam* prae se ferat. *C. M. Nobilissimus. Salex. M. P. M.* in inscriptione quadam, a Cl. Reinesio edita Cl. 2. num. 15. cujus indicio *Alexia* notatur, ultima litera praecedentis vocis describentis oscitatione perpe- ram repetita. V. Cellarii Geogr. Ant. vol. 1. p. 135. HEARNIUS. *Alexiam* Leid. Voff. Berg. Boend. et edd. ante Gronovium, qui an- no 1665. *Alesiam* reposuit, au- ctores ab Hearnio memoratos se- cutus. Eam autem veriore scri- bendi rationem esse, monuerunt viri docti ad Vell. Paterc. 2, 47. Caesar. 7. Gall. 68. et 69. Flor. 3, 10, 23. et Fabric. ad Oros. 6, 11. qui ex Diod. Sic. 4, 158. do- cent, Herculem *Alesiam* adpel- lasse ἀνδ-της κατὰ τὴν σπαρταὶν ἀλῆς, eamque etymologiam non *Alexiam*, sed *Alesiam*, proba- re. Praenomen Caesaris exulat a Boend. et ed. Camp. Sed vide ad Epit. 61. Cum Cn. Caesar Gal- los ad *Alesiam* vicerit, omnes Galliae civitates praefert Berg.

C. Cassius, quaestor M. Cras- si] *C. Cestus* Boend. Cn. vel *C. Gajus Caesius* Leid. Voff. Berg. Lov. 2. Exc. Pithoei, Norv. omnesque typis descripti usque ad Frob. qui recte *C. Cassius* emendavit. Ita enim vocatur Pla- tarcho in Craff. p. 554. Appian. in Parth. 149. Dion. Caff. 40, 132. et 133. Vellej. Pat. 2, 44. aliisque. Praeterea *G. Crassi* Voff. *C. Crassi* Lov. 2. et Exc. Pithoei. Mox in *Syriam* transierat Voff. Sed vide ad Epit. 104. Praeterea *occidit*, pro *cecidit*. Leid. Vide ad 36, 36, 6.

Consulibus Ser. Sulpicio et M. Marcello] Gud. *Ser. Sulpi- cio, M. Marcello*. J. FR. GRON. Similiter Leid. Voff. Lov. 2. et Boend. Paulo ante *M. Cicero*, pro *M. Cato*, perperam Leid.

Contentiones inter consules de successore C. Caesari mit- tendo] *continet inter consules* Leid. Voff. Berg. Boend. Norv. et edd. principes. *contentionem inter consules* Lovel. 2. et ed. Parm. Quod nunc exstat, pri- mum apud Aldum inveni. Prae- terea *C. Caesaris* Leid. Voff. Berg. Boend. et ed. Campani. Idem error in nonnullis editt. infra committitur Epit. seq. Mox *agente in senatu Marcello* si-

titione consulatus M. Cato repulsam tulit, creatis consulibus Ser. Sulpicio, M. Marcello. C. Caesar Bellovacos cum aliis Gallorum populis domuit. Praeterea contentiones inter consules de successore C. Caesari mittendo, agente in senatu M. Marcello consule, ut Caesar ad petitionem consulatus veniret, quum is lege lata in id tempus consulatus provincias obtinere deberet, resque a M. Bibulo in Syria gestas continet.

ne praenomine Leid. Berg. et Lov. 2.

Veniret, quum is lege lata in id tempus consulatus Ocius dele *id*, et scribe *in tempus consulatus*, hoc est, in solidum decennium. Ipse lib. 3. de Bello Civ. [1.] *Dictatore habente comitia Caesare, consules creantur Julius Caesar et P. Servilius. is enim erat annus, quo per leges ei consulem fieri liceret.* Fortassis: *consules creantur ipse et P. Servilius. is*

enim erat annus, quo per leges cum. Gud. minor etiam *ad petitionem consulatus rediret.* J. FR. GRON. Novem haec vocabula desunt in Voss. sed errore librarii, cui peccandi ansa fuit *vocis consulatus repetitio.* V. ad 9, 11, 11. *rediret, pro veniret*, atiam Leid. Mox *gestas in Syria* Exc. Pithoei, Norv. et edd. ante Gronovium, qui anno 1665. *in Syria gestas dedit*, consentientibus Leid. Voss. Berg. Lov. 2. Boend. et ed. Camp. Vide ad Epit. 104.

JOHANNIS FREINSHEMII

SUPPLEMENTORUM LIVIANORUM LIBER LXXIII.

IN LOCUM LIBRI CVIII. T. LIVII.

U. c. 700. I. Quum inter haec Labienus, relicto Agendici
A. C. 52. praesidio, cum legionibus quatuor Lutetiam Parisio-
*Labieni pe-*rum occupare statuisset; dispersa celeriter omissae ad
riculum. Gergoviam obsidionis fama, defectionisque Aeduorum, magnum ei periculum praeter expectationem creavit. Nam, praeter finitimas civitates, quae, Camulogeno Aulenco duce, magnas copias paraverant, ab alio latere Bellovaci, quorum praecipua erat inter Gallos virtutis opinio, repente desciverunt. Idcirco Labienus, omisso longius progrediendi consilio, quemadmodum copias incolumes Agendicum reduceret, agitabat. Sed huic proposito duo maxime obstabant, Sequana, magnum flumen, et, qui cum Camulogeno erat, hostium exercitus. Audendum erat tamen, quod esset spes omnis in celeritate posita: et, si cunctaretur, plures difficultates majoraque pericula adfutura apparebat. Transductis nocte copiis, quum hostes prohibitori serius advenissent, signis collatis dimicatum est. Romani magna caede hostium, duce etiam oppresso Camulogeno, ferro aperuerunt iter. profectusque Agendicum Labienus, inde cum omnibus copiis ad Caesarem pervenit.

Vercingentorix Gallo- II. Interea vocatus ab Aeduis Vercingentorix ad
rum imperator. communicanda consilia venerat: et, quia de summa imperii controversia erat ab Aeduis mota, totius Galliae concilium Bibracte indictum est. Ibi consensu omnium Vercingentorix imperator constitutus, equitum millia quindecim contrahit: ut frumentationibus pabulationibusque Romanos arceret. In Allobrogas, itemque altera ex parte in Helvios aliosque Caesaris socios copias mittit, quae his bellum inferant.

Cap. I. Caes. de B. Gall. 7. Dio, l. 40. Caes.

III. Caesar, interclusis omnibus in provinciam et Italiam itineribus, adversus Gallicum equitatum auxilia Germanorum, trans Rhenum colentium, evocat ab iis civitatibus, quas superiore anno pacaverat. Hi, ubi cum delectis peditibus una proeliari solitis adfuerunt, quod equos parum idoneos habebant, Caesar iis sumptos a tribunis militum-equitibusque Romanis distribuit: et, quo provinciae facilius opem ferre posset, in Sequanos per extremos Lingonum fines proficiscitur. Haec agenti supervenit cum ingentibus copiis Vercingentorix: et, quum tribus locis equestri proelio dimicatum diu fuisset, tandem virtute Germanorum vincit Caesar; multisque hostium interfectis, principibus aliquot captis, Vercingentorigem, ad Mandubiorum oppidum Alesiam cedentem, insequitur.

U. c. 706.
A. C. 52.
*Vincitur a-
questri proe-
lio.*

IV. Sed principium ejus pugnae durum Romanis fuerat: suspenderuntque Arverni in sanctissimo templo gladium, quem de Caesare tum captum dicebant. Feruntque postea Caesarem, conspecto eo, adrisille, amicisque, detrahi jubentibus, non paruisse, quod sacrum illum esse duceret. Quin et in ephemeride sua praedicasse Caesarem accepimus felicitatem suam, quod captum in proelio Gallus, quum in equo portaret, dimiserit, propter occurrentis alterius Galli vocem, insultantis Caesari, eaque verba (Latine credo) proferentis, quae Gallorum lingua dimitti Caesarem juberent.

*Nec sine pe-
riculo Cao-
saris.*

V. Ad Alesiam deinde iterum equestri proelio certatum est; ubi par Germanorum virtus Caesari victoriam denuo dedit. Ergo Vercingentorix, postquam equitatum suum Germanis imparem videt, simul frumenti paucis diebus inopiam veritus, priusquam a Caesare circumvallaretur, equites omnes a se dimittit: mandato, ut suam quisque civitatem excitaret, et omnes, qui ferre arma possent, praesto esse cogeret. Ipse cum delectis octoginta millibus ad urbem defendendam substitit: et, quo tantae multitudini diutius alimenta suppeterent, Mandubios, qui oppido suo eos receperant, cum liberis et uxoribus exire coëgit. Sed illos Caesar, quum ultimis precibus in servitutem recipi orarent, non admisit: ita, inter urbem ac castra

*Vercingen-
torix Alesi-
am defendit.*

Cap. IV. Plut. Caes. Serv. ad Aen. 11. v. 743. Cap. V. Dio. Plut. Liv. Epit. Oros. 6, 11. Flor. 3, 10. Vell. 2, 47. Caes. Dio.

U. d. 700. A. C. 51. conclusi derelictique, miserabili morte consumpti sunt.

*Galli su-
currunt ob-
sessis.*

VI. Interea Galli, audito, quo apud Alesiam loco res esset, non, uti Vercingetorix censuerat, omnes puberes, sed certum e civitatibus numerum, contrahunt: equitum circiter octo millia, peditum ducenta quadraginta. Postquam hic ad Alesiam exercitus venit, rursus equestri proelio certatum est. neque tum etiam Germanis resistere Galli potuerunt. Igitur prope desperationem adducti hostes eruptionem tentare statuerunt: dum eodem tempore munitiones Romanorum a ceteris oppugnantur. Sed ea fuit Caesaris ad omnia consilii celeritas, eaque peritia, ut quoslibet hostium conatus efficeret irritos.

*Vercingen-
torix dedi-
tio.*

VII. Quum, interfecto maximo Gallorum numero, reliquos e conspectu abstulisset fuga; convocato suorum concilio, Vercingetorix, omnia se bona fide fecisse, demonstrabat, quo publica libertas salva recta foret. sed, quoniam vi vincerentur, offerre se corpus suum ad utramlibet conditionem, sive morte sua satisfacere Romanis, sive dedere vivum malint. Quum deditio placuisset, sumptis speciosissimis armis eximioque equo, venit in castra Caesaris, sedentemque circumvectus, dimisit equum; phalerisque et armis ante victoris genua projectis, eodem et ipse accidit, nulla voce edita, sed gestu supplex. Caesar, commemorato, quantis suis beneficiis quam malam ille gratiam retulisset, in vincula conjici jussit, triumphoque servari.

*Galli, prae-
ter Bellova-
cos, pacem
petunt.*

VIII. Omnibus deinde civitatibus, exceptis Bellovacis, de pace mittentibus legatos, res ex suo usu composuit: Arvernisque et Aeduis, ut potentissimas civitates praecipuo beneficio adstringeret, viginti millia captivorum reddidit, quum ex aliis populis singula capita, toto exercitu, praedae nomine divisisset. Propter has res a Caesare gestas Romae supplicatio dierum viginti decreta est.

*Cassius Par-
thos vincit.*

IX. Sub idem tempus irrumpentes in Syriam Parthos C. Cassius, qui M. Crassi quaestor fuerat, feliciter repulit. Hic adhuc vivo Crasso delatum sibi in Mesopotamia imperium, nec receptum, post mortem imperatoris necessario receperat: Antiocho quodam

Cap. VI. Caes. Cap. VII. Polyæn. Strat. l. 8. Caes. Plut. et Dio. Cap. VIII. Caes. Liv. Epit. Caes. Cap. IX. Liv. Epit. Vell. 2, 46. Dio.

concitante Syriam, et Parthis quasi nudatam duce et exercitu provinciam incurrentibus. Sed ea ipsa fiducia salutis Romanis et Syriae fuit. Quippe velut ad facile bellum modica cum manu Parthi venerant: unde major militibus animus accessit; Cassique diligentia et virtute reffectus cum clade hostis est: Antiochus interfectus. Sub idem tempus e Graecia nunciatum est, inter ipsa solemnia ludorum, Olympii Jovis statum, admirandi operis, fulmine petitam percussamque esse.

U. c. 700.
A. C. 52.

X. Hic etiam annus consulatus tres candidatos habuit: sed, quanto meliores viri erant, tanto civilius magistratum petebant. Ser. Sulpicius Rufus, M. Claudius Marcellus erant: quibus tertius accesserat M. Cato, non honoris cupidine, sed reipublicae cura, adductus ad petendum. Eo enim procedi videbat, ut Pompeji Caesarisque supra modum auctae opes, sive concordantes opprimerent rempublicam; sive dissidentes bellis civilibus involverent. Ut igitur nimiam horum potentiam destrueret, quia privatus frustra contendere, consulatu sibi opus esse rebatur.

Cato consulatum petit.

XI. Nec tamen irascebatur competitoribus: et, quum taxari Sulpicium audisset, quod Catonis amicitia proventus ei tamen cedere recusaret, *Sed repul-*
sam fert. Non est mirandum, ait, si, quod summum quisque bonum esse existimat, id alteri nolit concedere. Senatui tamen persuasit, ut tolleretur morem, quo propinqui et amici petitoris pro eo ambibant prensabantque; juberetque quemlibet candidatum per se tantum petere. Sed eam rem populus indignanter tulit, omne suum jus a Catone eripi questus: qui lucrum ex petitionibus nuper ademisset; nunc etiam, accisa rogandi populum consuetudine, honorem et gratiam. Idcirco, quum et amici Caesaris ac Pompeji populum ei inconciliarent, (semper enim mali viri diffidunt bonis) et Cato, minime factus ad ambitum, gravitate magis et integritate in petendo, quam precibus et blanditiis, uteretur, repulsam tulit: Sulpicius Marcellusque designati sunt; ille peritia juris, hic eloquentia, uterque comitate, favorem hominum meritus.

U. c. 701.
A. C. 51.
Ser. Sulpicio, M. Claudio coll.

XII. Postquam hi consulatum iniverunt, C. Caesar, domitis subita impressione Biturigibus, deinde Carnutovacos ag-
tum gente, in Bellovacos venit. Cum his Ambiani, greditur. Il-

Cap. IX. Oros. 6, 13. Euseb. Chronic. et Praepar. Ev. l. 4.
Cap. X. Plut. Cat. et Dio. Cap. XI. Plut. Dio. Liv. Epit.
Cic. Bruto, c. 71. Cap. XII. Hirtius de B. Gall. l. 8.

U. c. 701. Aulerci, Callotes, Vellocasses, Atrebatæ conjunxerant copias, Correo Bellovaco et Comio Atrebate principibus ducibus: et locum paludibus silvisque munitum, et ad omnia opportunum, castris ceperant. Hos ut ad pugnandum eliceret Caesar, cum quatuor tantum, sed spectatae virtutis, legionibus in conspectum venit. Deinde, quum illi nihilominus loco se suo tenerent, et praeter levia certamina fieret nihil; quia neque castra hostium oppugnari sine maximo periculo, neque circumveniri a tam paucis poterant, C. Trebonium cum tribus legionibus arcessit, magnumque sociorum equitatum evocat, quem pabulatoribus praesidio mitteret. Ex eo numero Remi, Bellovacorum insidiis circumventi, Verticonem principem civitatis, eundemque praefectum equitum, cum magna multitudine suorum amiserunt.

Donec obsidionis metu coguntur proficisci.

XIII. Vicissim tamen Bellovaci, a Germanis equitibus fusi fugatique, quum etiam accedere cum novis copiis C. Trebonium legatum cognovissent, trepidare coeperunt: et, ne uno loco inclusa innumerabilis multitudo fame interiret, quidquid aetate aut viribus factum, aut armis parum instructum aderat, cum parte impedimentorum statuerunt dimittere. Sed Caesar, animadverso hostium consilio, ad insequendum se parabat. huic rei ut moram adferrent Galli, tutioremque suis discessum praeberent, instructas et ipsi copias pro castris ostenderunt. Idcirco Caesar, per difficilia loca suis in jugum montis transductis, unde tela tormentorum pertingere ad hostium cuneos possent, castra ibidem posuit.

Eorum stragem.

XIV. At Bellovaci, quum neque discedere audent, vicini hostis metu, neque diutius permanere sine cibariis possent, plenum calliditatis consilium capiunt. Mos erat Gallorum, ut in acie non starent instructi, sed sederent; quo minus ante proelium vires consumerentur. Tum etiam fascēs stramentorum atque virgultorum, quorum summa erat iis copia, effecerant, quibus insiderent. hos per manus inter se traditos ante primam aciem collocarunt: et sub vespere diei, quo tempore se recepturi erant, simul ab omni loco incenderunt. Quum sublatus maximus ignis esset, isque conspectum Gallorum Caesari adimeret, ille tamen, quid ageretur, solerti conjectura adseque-

batur. Sed persequi fugientes, tanto objecto incendio, non poterat: et, ne forte alicubi in insidiis lateret hostis, timebat.

U. c. 701.

A. C. 51.

XV. Bellovaci, hoc vaframento impune digressi, non longius inde millibus decem munitissimo loco castra posuerunt. Quum subsequutus Caesar esset, Galli, locorum adjuti peritia, crebra pabulatoribus damna inferebant. eo successu animosior Correus, delectis ex omni copia sex peditum millibus, cum equitibus mille, quo loco futurum putabat, ut Romani frumentandi causa accederent, quod omnia circa jam desecta erant, in insidiis consedit. Campus erat haud amplius mille patens passus, quem impeditissimae silvae a ceteris partibus, ab una flumen altissimum cingebat.

*Insidias
Caesari struit
Correus.*

XVI. Sed, e captivo quodam, Caesar, cognita fraude, insidiatorem suo astu petiturus, equitatum, interposita levi armatura, praemittit: ipse cum legionibus citato gradu subsequitur. Ubi primum in campo conspecti sunt equites, Correus, cum paucis occurrens, conserit manum: deinde plures, postremo pedites ex silvis erumpunt. Repugnant fortissime Caesaris equites, levis armaturae praesidio adjuti: donec crebris nunciis ipsi hostesque certiores facti sunt, Caesarem cum instructis legionibus adesse. Eadem res et Romanorum auxit, et hostium fregit animos: et, majore parte suorum amissa, Bellovaci in fugam se conjecerunt. sed irretiti eisdem locorum fraudibus, quas in exitium Romanorum delegerant, paucis exceptis, ceciderunt.

Sed in ipsum vertitur.

XVII. Dux eorum Correus, aequae fugam atque deductionem turpem ratus, fortissime proeliari non omisit, donec Romanos, qui vivum capere maluissent, vulnerando, tela in se conjicere coegit. Hoc proelio debellatum: missique ad Caesarem oratores civitatum, obsides, quos ille imperaverat, adduxerunt. Pacatis omnibus aliis, solus Atrebas Comius arma retinebat, nulla resistendi spe, sed desperatione salutis, quia nemini se Romanorum audebat committere. Nam superiore anno sub specie colloquii petitus insidiis, auctore Labieno, vulnere accepto, vix evaserat.

Correus caeso, Bellovaci deductionem faciunt.

XVIII. Caesar, eo bello confecto, in fines Eburorum proficiscitur, eosque crudelissime devastat: eo consilio, ut Ambiorigem, quem capi posse desperarat, in summum adium suorum adduceret, qui propter

Comius in Britanniam fugit.

U. c. 701. istius perfidiam tam atrociam paterentur. Sed Cornium, A. C. 51. in Britanniam fugientem, insequutus deprehendere non potuerat, egregio hominis astu delusus. Nam is, quum, ad Oceanum veniens, ventum quidem secundum, sed aestum recedentem invenisset, et in siccis aestuariis naves haerent, pandi nihilominus vela iussit. Ergo Caesar, quum eminus tumentia vento videret, jam in cursu esse putans, ne frustra periret sibi tempus, recessit.

In Pictonibus bellum ortum.

A Caninio et Fabio opprimitur.

XIX. Interea in Pictonibus Duracii atque Dumnaei discordia noyum bellum ortum. Duracius, qui semper Romanarum partium fuerat, in oppido Limono obsidebatur. Igitur C. Caninius Rebilus, duabus, quas habebat, legionibus adductis, quum ad dimicandum haud satis firmas copias haberet, munito loco conседit. Sed Dumnaeus, castris per aliquot dies frustra oppugnatis, quum redisset ad obsidionem Limoni, certior factus de adventu C. Fabii legati, ne hinc ab exercitibus Romanis, inde ab obsessis invaderetur, Ligerim statuit copias transducere. Sed jam pontem C. Fabius occupaverat; isque, equitatu in nescios et ex itinere fessos immisso, magnam stragem edidit. Cedentem deinde Dumnaeum insequutus ita profligavit, ut plusquam duodecim hominum millia conciderentur; Dumnaeus, expulsus finibus, nudatus exercitu, errans, latitansque, in extremas Galliarum partes profugere cogeretur.

XX. Ad quinque ferme hominum millia ad Drapetem Senonem ex fuga convenerunt: cum quibus ille provinciam erat petiturus, adsumpto etiam Luterio Cadurco, summae audaciae viro. Igitur Romani duces, divisus partibus, C. Caninius in provinciam contendit, ut his occurreret: C. Fabius in Carnutes reliquasque civitates, quae auxilia Dumnaeo miserant, impetum fecit. Atque illae, viribus accisis, terrore aucto, datis obsidibus, celeriter in deditionem venerunt.

Uxelloduni obsidio.

XXI. At Drapes et Luterius Uxellodunum, in Cadurcis munitissimum oppidum, occupant. Eodem et Caninius cum duabus legionibus procedit, visoque loci situ, tribus circa castris positis, paulatim munitionibus claudere oppidum instituit. Erat in animis omnium recens Alesiae calamitas: ideoque, ut rei fru-

mentariae ratio haberetur, Drapes et Luterius, modo in urbe relicto praesidio, ceteras copias frumenti comportandi causa educunt. Id quum, castris intra decimum milliare positis, per angustas silvestresque semitas in oppidum importare coepissent, strepitu prodente, a Caninio sub ipsam lucem sunt circumventi. Luterius, qui cum frumentatoribus erat, cum paucis ita effugit, ut eorum nemo in castra revertetur. Igitur Drapes, ignarus omnium, subito Germanis irruentibus, turbatur: multi occiduntur hostium; ceteri, atque imprimis ipse dux, capiuntur. Caninius ad obsidionem Uxelloduni redit: eodem et Fabius accedit postridie. ita pluribus ex partibus opera administrantur.

U. c. 701.
A. C. 51.

XXII. Interea Caesar, relicto in Bellovacis quaestore M. Antonio, Carnutes adiit: concitoremque belli Guturvatum supplicio adfecit. Cognita deinde crebris nunciis Uxellodunensium pervicacia, faciendum sibi statuit, ut ipse eo proficisceretur: ne, si unum oppidum diutius resistisset, universam Galliam ad vires iterum tentandas sollicitaret.

Eodem et
Caesar accedit.

XXIII. Postquam Uxellodunum Caesar venit, inspectisque omnibus, situm loci inexpugnabilem, frumenti copiam in longum tempus oppidanis suppetere, nec omitti rem posse, clauso operibus oppido, cognovit; unam spem victoriae in eo verti credidit, si aqua prohibere oppidanos posset. Et flumine quidem, quod imis radicibus montis ita ferebatur, ut nullam in partem derivari posset, per sagittarios funditoresque prohibere non erat difficile. ceterum sub ipsius oppidi moenibus fons magnus prorumpibat; quem adimi obsessis posse, quum reliqui tantum optarent, Caesar unus vidit, remque effectam dedit.

Et aquam
prohibere
instituit ob-
sessis.

XXIV. Namque ex adverso fontis vineas agi et aggerem strui iussit: et, quamquam ex superiore loco multi milites vulnerabantur, tanta tamen constantia fuit, ut agger sexaginta pedum altitudine efficere-
tur. In eo turrim erexit Caesar tabulatorum decem. ita non quidem altitudo moenium adaequabatur, quod nullis obtineri operibus poterat; sed tamen fontis fastigium vincebatur: telaque tormentis ad ejus aditum mitti poterant, ne sine periculo aquarentur. Eodem tempore cuniculi ad fontis caput aguntur: cujus rei

Cap. XXIV. Frontin. Strat. 3, 7.

U. c. 70a. oppidani nescii, tantum, quod ob oculos erat, malum
A. C. 51. formidabant.

Uxellodunensisium eruptione.

XXV. Igitur, ut hoc averterent, cupas, sevo, pice, ac scandulis repletas, et igne immisso, in opera Romanorum devolvunt. Ibi, quum ad prohibendum incendium concursus esset, acre proelium exstitit; quum Romanos virtus, oppidanos locus adjuvaret. Sed, ubi multos suorum vulnerari Caesar vidit, ex omni parte scandi montem cum clamore jubet. Ita ad speciem oppugnandorum moenium Uxellodunenses, omisso proelio, revocant in oppidum armatos, et in circuitu muri disponunt: Romanus iniqua proelii conditione liberatur. In hoc statu, quum oppidani, licet multis sibi pereuntibus, tamen resisterent, repente fons, quo solo utebantur, cuniculis interceptus exaruit. Ea res, quod non humani consilii, sed Deorum ira accidisse putaretur, velut miraculo exanimavit hostes; deditio nemque omni ope destitutis necessitas extorsit.

Caesar satis in deditos.

XXVI. Caesar omnibus, qui arma tulerant, amputari manus iussit, vitam relinqui, ne poenam eorum ex conspectu reliquorum amoveret. Nec enim crudelitate, a qua plurimum abhorrebat, supplicium hoc irrogaverat, sed in exemplum, quo ceteri a rebellando retinerentur. Quum enim unam tantum haberet imperii aestatem reliquam, eamque ipsam inimici cuperent eripere; nulla alia ratione rebatur obtineri, quam tantis laboribus quaesierat, pacatae Galliae famam posse.

Tota Gallia et Aquitania pacatur.

XXVII. Consilium Caesaris solita ejus felicitas adjuvit. Sub idem tempus Luterius, qui novas concitare turbas potuisset, ab Epasnacto Arverno vinctus ad Caesarem missus est. Drapes aliquot dierum inedia se confecit. Surus, virtutis et generis fama nobilis, qui solus Aeduorum arma retinuerat, in Treviris a Labieno captus est equestri proelio, quo et Treviri et Germani, Trevirorum socii, superati sunt. Tota Gallia pacata, quum nondum Aquitaniam adisset Caesar, sed per P. Crassum nonnullas civitates subegisset, eo profectus est, omnibusque legatos et obsides mittentibus, Aquitania universa in fidem accepta, Narbonem rediit: conventuque ibi habito, in Belgas abiit, ut Nemotocennae hibernaret.

XXVIII.

Cap. XXIV. Hirt.

XXVIII. Ibi lubenter cognovit, ne quid deinde turbarum in Gallia metueret, etiam Comium Atrebatem in fidem venisse. Is enim, post factas sibi insidias ad ultionem semper intentus, occasione tandem reperta, arma posuerat. Nam C. Volusenus Quadratus, equitum praefectus, ad id colloquium, per cuius simulationem Comii mors petebatur, missus a Labieno fuerat. Igitur, quum hinc magnum inter eos odium intercederet, Volusenus, Comii saepe interceptis equitibus, postremo capiendi ipsius cupiditate, eum cum paucis vehementissime est insequutus. Ibi Comius, longe a suis abreptum videns, repente comitum invocat fidem, conversoque equo Volusenum petit: ceteri strenue sequuntur ducem: Romani, re improvisa territi, terga vertunt. Comius Quadrati medium femur lancea trajicit: praefecti vulnus Romanos pudore sistit. Ab his denuo vertuntur in fugam Galli.

U. c. 701.
A. C. 51.
Comius Atrebas in fidem venit.

XXIX. Hac re perpetrata, Comius, sive quod multos suorum amiserat, sive dolori suo satisfactum rebatur, legatos ad M. Antonium misit, imperata facturum pollicitus, dum ne Romani cujusquam in conspectum veniret. Antonius, ab iusto metu proficisci postulata Comii ratus, obsidibus acceptis, veniam actorum omnibus, qui cum eo fuerant, et ipsi, quam petierat, vitandi Romanos facultatem concessit. Atque hic bellorum eorum finis fuit, omni Gallia cis Rhenum, atque inter mare mediterraneum et oceanum, nisi qua paludibus invia fuit, perdomita.

Factus, ne veniret in conspectum cujusquam Romani.

XXX. Dum his rebus Caesar occupatur, M. Marcellus consul edictum proposuit, de summa se republica acturum: proximoque senatu de multis rebus contra Caesaris rationes retulit; maxime de provincia, quam ante diem Kalendas Martias jubebat terminari, Caesaremque ad petitionem consulatus venire. Nam et, bello confecto, dimitti victorem exercitum debere: et absentis rationem comitiis non habendam: quia lege Pompeja, quo capite absentes honorum petitione submovebantur, ne Caesar quidem exceptus esset. Namque Pompejus, quum Caesarem excipere nominatim debuisset, sive per oblivionem, seu consulto, Caesaris mentionem nullam fecerat: et de-

Marcelli consulis actiones contra Caesarem.

Cap. XXIX. Sall. Hist. 1, 2. Cap. XXX. Sueton. Caes. c. 28. Appian. Civil. 1. 2. Dio. Hist. Cic. ad Att. 8, 3. Liv. Epit. Sueton.

Supplem. Liv. Tom. XIII.

Y y

U. c. 701. mum, lege jam in aes incisa, et in aerarium condita,
A. C. 51. correxerat errorem.

*Civitatem
adimit No-
vocomensi-
bus.*

XXXI. Item Marcellus de civitate Novocomensibus adimenda retulit, quam coloniam rogatione Vatinia Caesar deduxerat, per ambitionem et ultra praescriptum datam caussatus. Donata autem jure Latii Novum Commum colonia fuerat: quo jure quae erant coloniae, in iis qui magistratum annum gessisset, eo ipso civitatem adeptus Romanam intelligebatur. Talem aliquem Marcellus nactus virgis cecidit; qua poena Romae civis Romanus nullus adficietur: iussitque Caesari vibices ostendere.

*Pompeji
machinatio-
nes contra
Caesarem.*

XXXII. Haec agenti Marcello, summa ope Caesar per addictos sibi tribunos plebis et Ser. Sulpicium collegam Marcelli resistebat. neque plerisque ceterorum probabatur, alicui, priusquam tempus lege datum exisset, provinciam auferri. Sed et ipse Pompejus, qui, simulato ad Hispanienses exercitus itinere, tamen in Italia subsisterat, in eadem sententia fuit. Clam tamen intendit animum, ut exarmaret Caesarem, et statim, atque elapsum imperii tempus foret, privatum in urbem redire cogeret. Hoc ut facilius adsequeretur, C. Marcellum, fratrem patruelem Marci, qui simultatem gerebat cum Caesare, consulem fecit: Cajumque Curionem, in locum Servii, qui damnatus post designationem fuerat, petentem, ut tribunus plebis crearetur, adjuvit. Plurimum enim praesidii in eo ponebat, si adolescens nobilis, disertus, audax, inimicissimus Caesari, tribunitia potestate armaretur.

*Curio tribu-
nus plebis de-
signatur.*

XXXIII. Inter haec crebro relatum de Galliis et graviter actum fuerat. ante diem undecimum Kalendas Sextiles, quum senatus ad Apollinis haberetur, essetque mentio facta de legione, quam Caesari Pompejus expensam ferebat, itemque de successione C. Caesaris, Pompejus respondit, abducturum sese legionem eam: de provinciis placuit, ut quamprimum ad urbem Pompejus reverteretur, (Ariminum profecturus ad exercitum erat) eoque praesente de successione provinciarum ageretur. Intervenit deinde ju-

Cap. XXXI. Strabo, l. 5. p. 213. Sueton. Appian. Plut. Caes. Cap. XXXII. Sueton. et Dio. Dio. Appian. Dio. Appian. Sueton. Caes. c. 29. Dio. Cic. ad Fam. 8, 4. Cap. XXXIII. Vell. 2, 48. Dio. Appian. Cic. ad Fam. 8, 8. Id. ibid. 4. Plut. Pomp. et Caes.

dicium C. Marcelli consulis designati, quem M. Calidius postulaverat, competitor ejus, sed repulsam passus, et insuper accusatus a duobus Galliis.

U. c. 701.
A. C. 51.

XXXIV. Tandem, adsentiente Pompejo, ante diem *Senatusconsultum de provinciis.* pridie Kalendas Octobres senatusconsulta sunt in haec verba perscripta: *Quod M. Marcellus consul verba fecit de provinciis consularibus, de ea re ita censuerunt, uti L. Paullus, C. Marcellus consules, quum magistratum inissent, de consularibus provinciis ad senatum referrent: neve quid prius ex Kalendis Martiis, neve quid conjunctim de ea re referretur a consulibus: utique ejus rei causa per dies comitiales senatum haberent, senatusque consultum facerent: et, quum ea de re ad senatum referretur a consulibus, equitum Romanorum, qui in trecentis iudiciis essent, sex adducere liceret. Si quid de ea re ad populum plebemve lato opus esset, uti Ser. Sulpicius, M. Marcellus consules, praetores, tribunique plebis, quibus eorum videretur, ad populum plebemve ferrent: quod ii non tulissent, uti, quicumque deinceps essent, ferrent.*

XXXV. Adscriptum erat, senatum existimare, neminem eorum, qui potestatem habeat intercedendi, impediendi, *Tribuni qui- dam intercedunt.* moram adferre oportere, quò minus de republica quamprimum ad senatum referri, senatusque consultum fieri possit. qui impedierit, eum senatum existimare contra rempublicam fecisse. si quis huic senatusconsulto intercesserit, senatui placere, auctoritatem perscribi, et de ea re ad senatum populumque referri. Huic senatusconsulto intercessit C. Coelius, L. Vinicius, P. Cornelius, C. Vibius Pansa, tribuni plebis. Item: Senatui placere, de militibus, qui in exercitu C. Caesaris sunt, qui eorum stipendia emerita aut causas, quibus de causis missi fieri debeant, habeant, ad hunc ordinem referri, ut eorum ratio habeatur, causaeque cognoscantur.

XXXVI. Itemque, Senatui placere in Ciliciam provinciam, et in octo reliquis provincias, quas praetorii pro praetore obtinerent, eos qui praetores fuerunt, neque in provinciam cum imperio fuerant, quos eorum ex senatusconsulto cum imperio in provincias pro praetore mitti oporteret, eos sortito in provincias mitti placere. si ex eo numero, quos ex senatusconsulto in provincias ire oporteret, ad numerum non essent, qui in eas provincias proficiscerentur; tum uti quodque collegium primum praetorum esset, tum deinceps proximi cujusque collegii, qui praetores fuissent, neque in provincias profecti

Cap. XXXIII. Cic. ad Fam. 8, 4. Id. ibid. 9. et 4. Id. ibid. 8.

U. c. 701. *essent, in sortem conjicerentur, quoad is numerus effectus*
 A. C. 51. *esset, quem ad numerum in provincias mitti oporteret.* His etiam senatusconsultis quum intercessum a C. Coelio, C. Pansa tribunis esset, auctoritates perscriptae sunt. Attamen hoc postremum senatusconsultum lege Pompeja nitebatur: qua etiam eodem anno duo consules, M. Cicero in Ciliciam, M. Bibulus in Syriam cum imperio missi fuerant.

*Parthi in Syriam red-
eunt.*

XXXVII. Sed ante Bibulum in provinciam Parthi venerunt. Submoti superiore anno a C. Cassio cum iusto exercitu reverterant, Pacoro ducente, regis Orodii filio, ut nomen ducis hic haberet; ceterum Osaces, adolescentulo custos additus, administraret bellum. Hi, quum, omnibus in itinere redactis in potestatem, Antiochiam venissent, oppugnare urbem coeperunt, magna cum spe, ultro suas ad partes accessuram Syriam, pertaesam Romani imperii, et, quemadmodum locis, ita moribus Partho propiorem. Sed adversus homines, oppugnandis urbibus ineptissimos, facile defensa Antiochia est.

Ciceronis gesta.

XXXVIII. Et animos Cassio, timorem Parthis M. Cicero addiderat, qui, in Amanum, quo monte Cilices a Syris discriminantur, re bene gesta, Imperator appellatus, transiturus in Syriam credebatur: praesertim quod magnus equitum Parthorum numerus, quum in Ciliciam irrupisset, ab equitibus Ciceronis et cohorte praetoria, quam Epiphaneae praesidii causa collocaverat, erat concisus. Ducebat autem Cicero exercitum non poenitendum, peditum duodecim millia, duo millia sexcentos equites. Praeterea firma habebat et prompta sociorum auxilia, quos lenitate imperii amiciores, quam fuissent, populo Romano effecerat. Etiam Ariobarzanem, Cappadociae regem, praesentibus insidiis liberaverat: Dejotarum autem ita habebat amicum, ut, relicto regno, cum omnibus copiis ad eum proficisceretur. Habebat autem is peditum millia duodecim, Romano armatu, equitum millia duo.

Cap. XXXVI. Pigh. Annal. Cap. XXXVII. Dio. Oros. 6, 13. Strabo, l. 16. p. 748. Oros. Dio. Cap. XXXVIII. Cic. ad Att. 5, 18. 20. 21. et ad Fam. 2, 10. et 15, 1. 2. 3. 4. Plut. Cic. Plut. Cic. Plut. Cic. Hirt. de B. Alex.

XXXIX. Rejecti ab Antiochia Parthi Antigoniam petierunt, quam haud procul inde Philippi filius Antigonus condiderat. Suburbium erat ibi frequentibus arboribus consitum. Id Parthi metu insidiarum ingredi non ausi, succidendis arboribus aperire locum instituerunt. sed, ubi homines huic labori non adsuetos etiam Cassius assidue carpebat, relicta et hac obsidione discesserunt.

U. c. 701.
A. C. 51.
*Parthi ab
Antiochia
rejecti.*

XL. Cassius, itinere hostium mature cognito, quum per confragosa loca transeundum Parthis esset, omni peditatu in insidiis locato, cum equitibus, quorum habebat haud magnas copias, se ostendit. Celeriter contemptu paucitatis ad pugnam, deinde ad insequendum refugientem moti hostes, priusquam animadvertere, quo progredierentur, spes et cupiditas sineret, locis iniquis a peditatu circumventi sunt. Illa clades (nam et magna pars exercitus ceciderat, et ipse dux Osaces paucis post diebus interierat ex vulnere) expulit Pacorum Syria; diuque post a Parthorum armis quietam provinciam praeiitit.

*A Cassio
vincuntur.*

XLI. Interim M. Bibulus, quem aliquamdiu in obsidione Parthi habuerant, Antiochiam venit. Atque is quidem, quamdiu cis Euphratem fuit hostis, pedem porta non extulit. neque tamen, legatis et amicis ac quaestore suo Ciceronem ad subsidium vocantibus, ea de re literas scribere voluit; omnia perpeti malle, quam videri auxilio Ciceronis eguisse, prae se ferens.

*M. Bibuli
gesta.*

XLII. Atque hoc ut malevoli animi, sic, quod sequitur, constantissimi moderatissimique specimen fuit. Duos simul egregiae indolis filios amiserat, occisos a quibusdam eorum equitum, qui cum A. Gabinio Ptolemaeum in regnum reduxerant, deinde consederant Alexandriae. Id ille infortunium ingenti animo tulit. Quippe, nunciata morte filiorum, postridie processit ad solita munia: posteaque remissos ad se interfecto-

*Et constan-
tia in morte
filiorum.*

Cap. XXXIX. Dio. Stephan. Strabo, l. 16. p. 750. Dio. Cap. XL. Frontin. Strat. 2, 5. 35. et Dio. Cic. ad Att. 5, 20. Dio. Cap. XLI. Caes. de B. Civil. l. 3. Cic. ad Att. 6, 8. et 7, 2. Cic. ad Fam. 2, 17. Cap. XLII. Caes. de B. Civil. l. 3. Val. Max. 4, 1. Senec. Consol. ad Marc. c. 14.

U. c. 701. res a Cleopatra, quae parenti recens defuncto suc-
 A. C. 51. cefferat, *intactos reduci iussit ad reginam*; addito, *potestatem hujus vindictae non suam, sed senatus, esse debere*. Is igitur Bibulus, quum Antiochiam venisset, accepto exercitu, in Amano monte, qui plenus erat hostium sempiternorum, materiem triumphi coepit quaerere. Sed contra, quam speraverat, res cecidit; amissa cohorte praetoria, et Asinio Dentone, qui primi pili centurio fuerat.

Cicero vexat Amaniensis. XLIII. Felicius in eodem monte Ciceronis expeditio fuit: nam communem ille cum Bibulo Amanum habebat, aquarum divortiis dividendis provincias. Magna ille multitudo hostium occisa, Fugeranam, quod erat Amani caput, praeterea Sepyram, et Ceminorim, cum aliis aliquot castellis cepit. Hinc ad oppidum Eleutherocilicum Pindenissum admoto exercitu, locum munitissimum aggeribus, vineis, turribus oppugnavit, vallo et fossa cinxit, magnoque labore post septimum atque quinquagesimum diem in potestatem redegit. Inde Tibarenos petiit, qui, finitimi Pindenissensibus, similiter receperant fugitivos, Parthorumque adventum expectabant. Sed hi obsides dare, quam bellum pati, maluerunt. His rebus gestis, per loca dubia aut recens pacata M. Cicero exercitum distribuit, Quintumque fratrem praefecit hibernis: ipse ad conventus agendos in provinciam profectus est.

Ciliciae res inquietae. XLIV. Jam erant ad urbem imperatores duo, qui ex eadem Cilicia triumphare cuperent: Ap. Claudius, cui Cicero successerat, et P. Lentulus, qui provinciam ante Claudium obtinuerat. A multis enim annis inquietae ibi res fuerant vicinitate Parthorum, et ferocibus Cilicum accolarumque ingeniis. Et Lentulus, rebus bene gestis, quum ante biennium decessisset, his consulibus triumphavit. Sed Appius, majestatis reus a P. Dolabella factus, abjecta postulatione triumpho, urbem ingressus est. Caussam pro eo dixerunt M.

Cap. XLII. Val. Max. Cic. ad Fam. 8, 4. Val. Max. Cic. ad Att. 5, 20. Cic. ad Fam. 2, 10. Cap. XLIII. Cic. ad Att. Cic. ad Fam. 2, 10. et 15, 4. Cic. ad Att. 5, 21. Cap. XLIV. Sigon. in Faet. Capit. et Pigh. Annal. Cic. ad Att. 5, 21. Cic. ad Fam. 8, 6.

Brutus Appii gener, et Q. Hortensius, ille adolescens, hic quarto et sexagesimo aetatis anno, paucis ante mortem diebus. Nec illo solum iudicio, sed etiam ambitus postea absolutus, censuram petiit, censorque designatus est.

U. c. 701.
A. C. 51.

Cap. XLIV. Cic. Bruto, c. 94. Cic. ad Fam. 3, 10. 11. 12.





